

# পদ্যপুরাণ ।

সৃষ্টিখণ্ড !



প্রথম অধ্যায় ।

যাহা স্বভাবতঃ সাতিশয় স্বচ্ছ ; করিকর ও মকরনিকরের  
ইতস্ততঃ সঞ্চালন বশতঃ যাহাতে ফেণরাশি সমুদ্ভূত হই-  
য়াছে, বেদানুরক্ত ব্রত-নিয়ম পরায়ণ বিপ্রর্ষি যাহার সেবা  
করেন, ত্রিভুবন পিতা আদিদেব ব্রহ্মা যাহার পূজা করিয়া  
থাকেন, ভূজঙ্গমরাজ অনন্তের হ্রবিস্তৃত ফণমণ্ডলে যাহার  
শোভা সমৃদ্ধির পরিসীমা নাই সেই সর্বমঙ্গলসাধন শশধর-  
সম্মিত পৌরুষ \* সলিল তোমাদিগকে রক্ষা করুন ।

একদা সূত একান্তে আসীন হইয়া আছেন, এমন সময়ে  
ব্যাস-শিষ্য মহামতি লোমহর্ষণ † তাঁহারে সম্বোধন করিয়া  
বলিলেন, হে তাত ! তুমি আমার নিকট যে সকল ধর্ম  
শ্রবণ করিয়াছ, শুশ্রূষা-পরায়ণ ঋষিদিগের আশ্রমে গমন  
করিয়া, তৎসমস্ত সবিস্তার কীর্তন কর । হে পুত্র ! আমি

---

\* পুরুষ শব্দে আদিপুরুষ মহাবিশ্ব স্বীয় পুরুষাকার দ্বারা যাহার সৃষ্টি  
করিয়াছেন । কেহ কেহ পৌরুষ অর্থাৎ কারণসলিল বলিয়া থাকেন ।  
কেননা, এই সলিল হইতেই প্রকাণ্ড ব্রহ্মাণ্ড প্রাচুর্ভূত হয় ।

† যিনি স্বীয় স্তম্ভধর বাক্যে সকলের রোমহর্ষণ অর্থাৎ পুলক সঞ্চারিত  
করেন ।

মহাতপাঃ বেদব্যাসের নিকট নিখিল পুরাণ আখ্যান লাভ করিয়াছি। তুমি সেই সকল যথাযথ ঋষিদিগকে উপদেশ কর। পূর্বের পবিত্র প্রয়াগতীর্থে অষ্টকূলীয় ঋষিগণ ধর্মাভিলাষী হইয়া স্বয়ং প্রভু বিধাতাকে আপনাদের অভীক্ষিত বিষয় জিজ্ঞাসা করেন। তাহাতে সেই সর্বলোক-হিতৈষী স্বয়ম্ভু তাঁহাদিগকে এইরূপ অনুশাসন করিয়াছিলেন, যে হে ঋষিগণ ! এই যে দিব্যরূপ দিব্যনাভি দিব্যগতি-সম্পন্ন নিরুপম চক্র বর্তমান রহিয়াছে, তোমরা আলস্য পরিশূন্য ও নিয়মাবলম্বী হইয়া, ইহার পশ্চাৎ পশ্চাৎ গমন কর। পরে যাহা হিত তাহা প্রাপ্ত হইবে। এই ধর্ম্যচক্র গমন করিতে করিতে যে স্থানে ইহার চক্রধারা বিশীর্ণ হইবে, সেই দেশই পবিত্র বলিয়া জ্ঞানিবে। প্রজাপতি ব্রহ্মা এইরূপ কহিয়া স্বস্থানে প্রস্থান করেন। যে স্থানে ধর্ম্য-চক্রের নৈমী বিশীর্ণ হইয়াছে, তাহার নাম নৈমিষ। ঋষিগণ গোষ্ঠীবদ্ধ হইয়া, তথায় বিবিধ যজ্ঞানুষ্ঠানে প্রবৃত্ত হইয়াছেন। তুমি সেই নৈমিষক্ষেত্রে গমন করিয়া, তাঁহাদিগকে সবিস্তার ধর্ম্যতত্ত্ব নির্দেশ কর। ঋষিকুলাগ্রগণ্য পরম ধর্ম্যবিৎ উগ্রশ্রবা \* পিতৃনিদেশক্রমে তথায় গমন করিলেন এবং কৃতাজ্জলিপুটে সকলের যথাবিহিত পূজা সমাধানান্তে প্রণিপাত ও নমস্কারাদি-দ্বারা সকলকে সন্তোষিত করিলেন। সেই সকল যজ্ঞ-পরায়ণ ঋষিগণ ও সদস্যগণ সমভিব্যাহারে তাঁহারে যথা-বিহিত প্রতিপূজা ও সামবাদ প্রয়োগ করিলেন। অনন্তর সকলে বলিতে লাগিলেন, হেমহাভাগ ! তুমি কোথা হইতে

---

\* উগ্র আখ্যাৎ নৃসিংহতাপনীয়োপনিষৎ প্রতিপাদ্য বস্তু। যিনি তাহা শ্রবণ করিয়াছেন, তাঁহার নাম উগ্রশ্রবা।

কি কারণে এখানে আগমন করিলে, সত্যতার নির্দেশ কর ।

সূত কহিলেন, হে ঋষিগণ ! আমার পিতা পরম ধীমান লোমহর্ষণ আমাকে আদেশ করিয়াছেন যে, ঋষিগণ ধর্ম জিজ্ঞাসায় সমুৎসুক হইয়াছেন । তাঁহারা বাহা জিজ্ঞাসা করিবেন, তুমি তাঁহাদের আশ্রমে গমন করিয়া তৎসমস্ত কীর্তন কর । অতএব পুরাণ, ইতিহাস বা পৃথক পৃথক ধর্ম কোন্ বিষয় বলিতে হইবে, আপনারা আদেশ করুন ।

মহামতি সূত এই প্রকার মধুরাক্ষরসম্পন্ন মনোহর বাক্য প্রয়োগ করিলে, সেই সকল ঋষিসত্তম পুরাণ শ্রবণে সান্তিশয় সমুৎসুক হইলেন । লোমহর্ষণপুত্র মহামতি সূত সকল বিষয়ে অভিজ্ঞ ছিলেন । তিনি এইরূপে অতিথিরূপে সমাগত হইয়া স্বীয় অভিলষিত বিনিবেদিত করিলে, সর্বশাস্ত্রবিশারদ পরম বিদ্বান্ কুলপতি শৌনক তাঁহারে অবলোকনপূর্বক ইঙ্গিতানুসারে সমুদয় ঋষিগণের তৎকালিক ভাব পর্যালোচনা করিয়া বলিতে লাগিলেন, হে সূত ! তুমি নিরতিশয় বুদ্ধিমান এবং ইতিহাস ও পুরাণার্থ পরিজ্ঞান নিমিত্ত বেদবিদ্যা-বিশারদ ভগবান ব্যাসদেবের সম্যক রূপ উপাসনা করিয়াছ । অধিক কি, সেই মহামতি ব্যাসদেব পুরাণ-বিষয়িনী যে অলোকসামান্য বুদ্ধিশক্তি লইয়া ভূমণ্ডলে পদার্পণ করেন, তুমি যথাবিধানে তাহারও দোহন করিয়াছ । এই সমবেত দ্বিজাতিগণ পুরাণ শ্রবণে কৃতসঙ্কল্প হইয়াছেন । হে মহাবুদ্ধি ! এক্ষণে তুমি তৎসমস্ত ইহা-দিগকে শ্রবণ করাও । হে মতিমান ! ইহারা সকলেই মহাত্মা, সকলেই ব্রহ্মবাদী এবং বিবিধ গোত্রে জন্মগ্রহণ

করিয়াছেন । পুরাণোক্ত স্ব স্ব ধর্ম্ম শ্রবণে ইহাঁদের নির-  
তিশয় ওৎসুক্য জন্মিয়াছে । এবং তন্নিবন্ধন ইহারা এই  
দীর্ঘসত্রে \* সংযত হইয়াছেন । হে মহাভাগ ! তুমি  
ইহাঁদিগকে সেই সকল ধর্ম্ম উপদেশ ও পদ্মপুরাণ কীর্তন  
কর । কিরূপে পদ্ম সমন্তুত হইল, লোকগুরু ব্রহ্মা তাহাতে  
কিরূপে জন্মগ্রহণ করিলেন এবং জন্মপরিগ্রহানন্তর কি-  
রূপেই বা এই লোকপ্রপঞ্চ সৃষ্টি করিলেন, এই সকল বৃত্তান্ত  
কীর্তন কর ।

কুলপতি শৌনক এই প্রকার জিজ্ঞাসা করিলে, পরম  
প্রাজ্ঞ সূত সূক্ষ্ম ও ন্যায়সম্পন্ন হুমধুর বাক্য প্রয়োগ করিয়া  
বলিলেন, হে ঋষিগণ ! আমি আপনাদের এই আদেশবাক্যে  
নিরতিশয় প্রীত ও একান্ত অনুগৃহীত হইলাম । আপনারা  
সকলেই পুরাণার্থ প্রমাণ বিষয়ে সর্বিশেষ পারদর্শী এবং  
সমুদায় ধর্ম্মানুষ্ঠানে একান্ত তৎপর । আপনাদের আদেশ  
প্রতিপালন করা আমার পরম ধর্ম্ম । বিশেষতঃ তত্ত্বদর্শী  
সাধুগণ নির্দেশ করিয়াছেন যে, সূতজাতি বিবিধ পুরাণ  
ও ইতিহাসাদি কীর্তন এবং স্তুতি-পাঠাদি দ্বারা দেবর্ষি,  
রাজর্ষি ও ব্রহ্মর্ষিদিগের প্রীতিসাধন করিবে । ইহাই তাহা-  
দের সনাতন ধর্ম্ম ও অবশ্য কর্তব্য কর্ম্ম । এই সকল কার্য্য  
ব্যতীত তাহাদের বেদে আধিকার নাই ।

বেণ-তনয় মহাত্মা পৃথু যজ্ঞে প্রবৃত্ত হইলে, মাগধ ও সূত  
নানা প্রকারে তাঁহার স্তব করিয়াছিল । তাহাতে সেই

---

\* বহুসংখ্য ঋষি যে যজ্ঞের সম্পাদক এবং তাহাতে বহুবিধ দান করা  
হয় ।



নরপতি নিরতিশয় প্রীতিমান হইয়া, সূতকে সূত-বিষয় এবং  
মাগধকে মগধ বিষয় বরম্বরূপ প্রদান করেন। সূতি অর্থাৎ  
যজ্ঞ স্থানে জন্ম হইয়াছে বলিয়া, ইহারা সূত নামে বিখ্যাত  
হইয়া থাকে। অর্থাৎ ইন্দ্রযাগ সমারম্ভ হইলে, গুরুদেব  
বৃহস্পতি তাহাতে আছতি প্রদান করেন। তাহাতেই  
সূতজাতি সমন্বিত হয়। ভগবান ইন্দ্র বৃহস্পতির শিষ্য !  
এইরূপে গুরুর হবিঃ শিষ্য হব্যে সম্পৃক্ত ও অভিভূত  
হওয়াতে, তাহা সঙ্কররূপে প্রাদুর্ভূত হয়। কেহ বলেন,  
ব্রাহ্মণীগর্ভে ক্ষত্রিয় বীর্যে সূত জাতির উৎপত্তি হইয়াছে।  
এই প্রকার সাধর্ম্য বশতঃ ইহারা তুল্যধর্ম্য বলিয়া কীর্তিত  
হইয়া থাকে। ক্ষত্রিয়ের আশ্রয় গ্রহণ পূর্বক জীবিকা  
নির্বাহ করা সূত জাতির মধ্যম ধর্ম্য। হস্তী, অশ্ব রথ চালন,  
নানা প্রকার শিল্পকর্ম ও চতুঃষষ্ঠী কলা এবং এইরূপ।  
অন্যান্য অহিংসিত কার্য্য সাধনও সূতজাতির ধর্ম্য বলিয়া  
শাস্ত্রে কীর্তিত হইয়াছে। এতদ্বিষয়, ব্রাহ্মণগণ তাহাদিগকে  
পুরাণে অবিকার প্রদান করিয়াছেন। অতএব পুরাণ কীর্তনও  
তাহাদের ধর্ম্য। বিশেষতঃ, আপনারা যাহা জিজ্ঞাসা করি-  
য়াছেন, তাহা আমার নিজেরই ধর্ম্য। অতএব সম্যকরূপে  
সাধ্যানুসারে ঋষিগণের পূজনীয় পুরাণ বর্ণন করিব।

পিতৃগণের বাসবী নামে এক মানসী কন্যা সমুদ্ভূত হয়।  
পিতৃগণ ঐ কন্যাকে সম্যকরূপে শিক্ষা দান করেন। কাল-  
সহকারে ঐ কন্যা মৎস্যনারী হইয়াছিলেন। যে মহর্ষি  
তরণীবাহন সময়ে মহাতপাঃ পরাশর হইতে সেই বাসবীতে  
জন্মগ্রহণ করেন, যিনি সত্যম্বরূপ বিধাতা, যিনি পরম পুরাণ  
পুরুষ, যিনি বেদবাক্যের একান্ত অনুবর্তী, যিনি সাক্ষাৎ

বিষ্ণু ও ব্রহ্মস্বরূপ, বাহার আত্মা নিতান্ত সংযত, বাহার জন্ম  
 গ্রহণমাত্র দেবগণ সান্নিধ্য সমাগত হইয়া, যথাবিধানে স্তব  
 করিয়াছিলেন, যিনি বুদ্ধিস্বরূপ মন্বদণ্ড সহযোগে শ্রুতি-  
 সাগর আলোড়ন করিয়া মহাভারতরূপ চন্দ্রমালোক আবি-  
 ভূত করিয়াছেন, সেই পরমতপাঃ পরম মহান্ ভগবান  
 ব্যাসকে নমস্কার করি যদি চন্দ্র, সূর্য্য ও মহাভারত না থাকিত,  
 তাহা হইলে সমুদায় সংসার অজ্ঞানরূপ নিবিড়ান্ধকারে একে  
 বারে আচ্ছন্ন হইত । অতএব ব্যাসদেবকে মূর্ত্তিমান নারায়ণ  
 বলিয়া অবগত হইবে । পদ্মপলাশলোচন জনার্দন ব্যতি-  
 রেকে আর কোনব্যক্তি এই মহাভারত প্রণয়ন করিতে  
 পারেন । ভগবান নারায়ণ সমুদায় জগতের পূজিত ও  
 অপার তেজের আধার ! যাহা হউক, পূর্ব্বে বেদই পূজ-  
 নীয়রূপে পরিগণিত হইত ; পুরাণাদি শাস্ত্র প্রচলিত ছিল  
 না । প্রজাপতি ব্রহ্মা, প্রথমে ত্রিবর্গসাধন পরম পরিশুদ্ধ  
 পুরাণ শাস্ত্রের প্রণয়ন করেন । তিনি ইহা শত কোটি  
 রূপে বিস্তার করিয়াছিলেন । কল্লাবসান সময়ে সমুদায়  
 লোক দগ্ধ হইলে, ভগবান নারায়ণ ব্রহ্মার প্রার্থনাপরতন্ত্র  
 হইয়া, বাজিরূপ পরিগ্রহ পূর্ব্বক প্রলয়সলিলমগ্ন বেদ সকল  
 সমুদ্বৃত্ত করেন । পরে বেদ, বেদাঙ্গ, পুরাণ, ন্যায়-বিস্তর,  
 মীমাংসা ও ধর্ম্মশাস্ত্র গ্রহণ পূর্ব্বক কল্পের আদিত্যে মৎস্যরূপে  
 প্রলয়সাগরের অন্তলীন হইয়া, তৎসমস্ত আদিদেব ব্রহ্মাকে  
 উপদেশ করিয়াছিলেন । চতুর্মুখ ব্রহ্মা এইরূপে সমস্ত  
 সবিশেষ শ্রবণ পূর্ব্বক দেবর্ষিগণসমীপে তাহা কীর্ত্তন  
 করেন । তাহাতেই পুরাণ প্রভৃতি শাস্ত্র সমুদায়ের প্রচার  
 ও আবির্ভাব হয় । কাল সহকারে তৎসমস্ত লোপ হই-

বার উপক্রম হইলে ভগবান কমলযোনি তাহা অবলোকন পূর্বক, ব্যাসরূপ ধারণ করিয়া, তৎসমস্ত চতুর্লক্ষ পরিমাণে অষ্টাদশ ভাগে বিভাগ করত প্রতিযুগে সংসারে প্রকাশ করিয়া থাকেন । অদ্যাপি দেবলোকে এই পুরাণ-শাস্ত্র শতকোটিরূপে বিস্তৃত আছে । কেবল ভুলোকে চতুর্লক্ষ রূপে অতি সংক্ষেপে সন্নিবেশিত হইয়াছে ।

এই পদ্মপুরাণ ব্রহ্মা স্বয়ং বর্ণনা করিয়াছেন । ইহা সমুদায় ভূতের আশ্রয় । পণ্ডিতগণ ইহাকে পাদ্ম বলিয়া নির্দেশ করেন । ইহাতে পঞ্চাশ হাজার শ্লোক পঞ্চপর্বে অতি সংক্ষেপে বিবৃত হইয়াছে । তন্মধ্যে প্রথম পর্বের নাম পৌঙ্কর । এই পৌঙ্করপর্বে বিরাট পুরুষের আবির্ভাব কীর্তিত হইয়াছে । দ্বিতীয় শর্বে তীর্থ নামে অভিহিত । ইহাতে সমুদায় তীর্থভূগ বিবৃত আছে । ইহার পর স্বর্গ নামক তৃতীয় পর্বে ভূরি দক্ষিণ রাজর্ষিগণের বৃত্তান্ত সঙ্কলিত হইয়াছে । চতুর্থ পর্বে বংশানুচরিত এবং পঞ্চমে মোক্ষতত্ত্ব ও সর্বজ্ঞত্ব কীর্তিত আছে । পৌঙ্করপর্বে নয় প্রকার সৃষ্টি । সমুদায়ই ব্রহ্মার বিহিত । দেব, পিতৃ ও ঋষিগণ এবং অন্যান্যদিগের সৃষ্টি এই পৌঙ্করপর্বে পরিকল্পিত হইয়াছে । দ্বিতীয় পর্বে দ্বীপ, পর্বত ও সাগর সমস্ত, তৃতীয়ে রুদ্রসৃষ্টি ও দক্ষশাপ, চতুর্থে নরপতিগণের উদ্ভব ও সমুদায় বংশানুচরিত, এবং পঞ্চম পর্বে অপবর্গ সংস্থাপন, মোক্ষশাস্ত্র বিনির্নয় ও ব্রহ্মগীতানুকথন সন্নিবেশিত আছে । হে দ্বিজবৃন্দ ! আমি উল্লিখিত সমুদায় বিষয় আপনাদের নিকট কীর্তন করিব । এই পদ্মপুরাণ পরম পবিত্র ও পরম যশস্য এবং পিতৃগণের পরম প্রীতি-

সাধক । ইহাতে বেদার্থের সম্যক্ রূপ পরিচয় হইয়া থাকে । ইহার শ্রবণ বা অধ্যয়নে পাতকিদিগেরও অধিকার আছে ।

## দ্বিতীয় অধ্যায় ।

সূত কহিলেন, যিনি সমুদায় লোকের ও বিশ্বজগতের অদ্বিতীয় অধীশ্বর, যিনি সৰ্ব্বজ্ঞ, সৰ্ব্বলোকবিধাতা ও সকলের অপরাড্বেয়, যে তত্ত্ববিৎ পরমাত্মা যোগাবলম্বন পূর্বক লোকে, ত্রিলোকে ও তল্লোকে এই প্রত্যক্ষ পরিদৃশ্যমান পদার্থসমূহ সৃষ্টি করিয়াছেন, স্বাবর জঙ্গমময় সমুদায় ভূত যাহার সৃষ্টি, যাহার জন্ম নাই, নাম নাই, রূপ নাই, যিনি বিশ্বকৰ্ম্মা ও সৰ্ব্বলোকসাক্ষী, আমি নিখিল পুরাণাখ্যান পরিজ্ঞান বাসনায় সেই চরাচর গুরু পরমপুরুষ ব্রহ্মার শরণাপন্ন হই । ব্রহ্মা, বিষ্ণু ও সমুদায় ঋষিগণ, দেবরাজ ও লোকপালবর্গ, ভগবান্ সবিতা, মুনিগণবরিত্ত মহাত্মা বশিষ্ঠ, পরম যশস্বী তত্ত্বজ্ঞ জাতুকর্ণ, এবং যিনি সৰ্ব্বজ্ঞ, সৰ্ব্বলোক পূজিত ও সৰ্ব্বশাস্ত্রের পারদর্শী, যাহার তেজঃ অসীম জ্ঞান ও বুদ্ধিশক্তি অসীম, যিনি, পরম পুরুষ, ব্রহ্মবাদী ও ভৃগুবাক্যের অনুসারী, আমি যাহার নিকটে সমুদায় পুরাণ শ্রবণ করিয়াছি, সেই ভগবান্ বেদব্যাসকে যথাবিধি নমস্কার করিয়া, পরম পবিত্র পুরাণশাস্ত্র পরিকীৰ্ত্তন করিব ।

যিনি কার্য্য ও কারণরূপী, সেই অব্যক্তকারণ সনাতন পরমাত্মা যেরূপে মহাদাদি সৃষ্টি করেন, যেরূপে হিরণ্ময় অণু

ও সেই অণ্ডে প্রজাপতি ব্রহ্মার উদ্ভব হয়, যেরূপে অণ্ডের আৱরণ জল, জলের আৱরণ তেজঃ, তেজের আৱরণ বায়ু, বায়ুর আৱরণ আকাশ, আকাশের আৱরণ ভূতাদি, ভূতাদির আৱরণ মহত্ত্ব ও মহত্ত্বের আৱরণ অব্যক্ত স্বরূপ পরব্রহ্ম পরিকল্পিত হইয়াছেন, এবং যেরূপে অণ্ডমধ্যে সমুদায়-লোক অন্তর্ভূত হইয়া থাকে, এই পদ্মপুরাণে তৎসমস্ত যথাযথ বর্ণিত হইয়াছে। এতদ্ব্যতীত, নদী ও পর্বত সকলের প্রাচুর্য্য, মন্থস্তর ও কল্প সকলের সংক্ষেপে পরিকীৰ্ত্তন, লোকগুরু ব্রহ্মা হইতে প্রজাগণের উৎপত্তি, কল্পাবসানে এই বিশ্বজগতের স্থিতি বিধান, প্রলয় সময়ে ভগবানের জলশয়ন, পৃথিবীর পুনরায় উদ্ধার, ভৃগুশাপ বশতঃ সেই দেবাদিদেব নারায়ণের দশবার জন্ম পরিগ্রহ, যুগ প্রভৃতির সন্নিবেশ ও সমুদায় আশ্রম বিভাগ স্বর্গস্থান বিনির্গম, মনুষ্য, পশু পক্ষীগণের উদ্ভব, মহাপ্রলয় ও স্বাধ্যায় পরিগ্রহ, ভগবান্ ব্রহ্মা কর্তৃক বুদ্ধি পূর্বক অপবর্গ নির্ণয় এবং লোকানুকম্পন এই সকলও এই পদ্মপুরাণে বিবৃত হইয়াছে। অধিকন্তু, কমলযোনির বদনকমল হইতে ভৃগু প্রভৃতির উদ্ভব, কল্পদ্বয়ের অন্তর ও প্রতिसন্ধি, ভৃগুপ্রভৃতি ঋষিগণের প্রজাসৃষ্টি, ব্রহ্মর্ষি বশিষ্ঠের ব্রহ্মত্ব, স্বায়ম্ভুব মনুর বিবরণ ও তাঁহার রজোগুণ পরিহার, দ্বীপ, সমুদ্র ও পর্বত সকলের বৃত্তান্ত, যেরূপে সপ্তসাগরে সহস্র সহস্র দ্বীপ অন্তর্ভূত হইয়া আছে, এবং সেই সকলদ্বীপে যে সকল লোক বাস করে, তাহার বিবরণ, নদী ও পর্বত মালা পরিবেষ্টিত ভারতাদি বর্ষ সমস্ত এবং সপ্তসাগর পরিবৃত্ত জন্ম প্রভৃতি দ্বীপ পুঞ্জ, অণ্ডের অন্তর্ভূত সপ্তদ্বীপা মেদিনী

ও এই সমস্ত লোক, সূর্য্য, চন্দ্র, গ্রহ ও জ্যোতিষ্ক মণ্ড-  
লীর সঞ্চার, এবং ধ্রুব সামর্থ্য ও প্রজাগণের শুভাশুভ,  
ভগবান সবিতা বাহাদ্বারা গগনপথে অনায়াসেই যাতায়াত  
করেন ব্রহ্মার নির্মিত সেই সৌর রথের বিবরণ, সর্বা  
প্রভৃতি জ্যোতির্গণের ধ্রুব হইতে বিনিবর্তন, শিশু-  
মারের ধ্রুবপুচ্ছে অধিষ্ঠান, মন্বন্তর সকলের সংহার ও  
সংহারান্তে সমুদ্ভব, দেবগণ, ঋষিগণ, পিতৃগণ ও মহাত্মা  
মনুর সংক্ষিপ্ত বিবরণ, মন্বন্তর সকলে প্রজাধিপতি দেব-  
গণের পরিকীৰ্ত্তন, নৈমিত্তিক, প্রাকৃতিক ও আত্যন্তিক  
ভূতগণের এই ত্রিবিধ প্রলয় বৃত্তান্ত, ভাস্কর প্রভাবে অনা-  
বৃষ্টি ও ভয়ানক সম্বর্ভক নক্ষির প্রাচুর্ভাব, ঘোরতর ঝটিকা  
ও জলধর মণ্ডলীর সহযোগ বশতঃ যেরূপে রজনী উপস্থিত  
হয়, তাহার বিবরণ, সন্ধ্যা লক্ষণ, ভূবাদি সপ্তলোকের অনু-  
কীৰ্ত্তন, রৌরব প্রভৃতি নরক সকলের বৃত্তান্ত, সমুদায় দেব-  
গণের পরিমাণ বিনিশ্চয়, ব্রহ্মার প্রতिसর্গ ও সর্ব-সংহার  
কীৰ্ত্তন, কল্পে কল্পে মহানুভব ভূতগণের সংক্ষয় এবং আদি-  
দেব ব্রহ্মারও অনিত্যতা, ভূতগণের দৌরাভ্যাস, সংসারের  
কষ্টত্ব এবং মোক্ষের দুর্লভত্ব ও বৈরাগ্য বশতঃ দোষ দর্শন,  
ব্রহ্মানন্দ প্রাপ্ত সাধু পুরুষ যেরূপে তাপত্রয় অতিক্রম  
পূর্বক ভয় ও শোকশূন্য হইয়া থাকেন, তাহার বিবরণ,  
সমুদায় জগতের সৃষ্টি ও প্রলয়বিক্রিয়া ভূতগণের প্ররক্তি,  
নিরুত্তিমার্গের ফল, মহর্ষি বশিষ্ঠের প্রাচুর্ভাব, শক্তির জন্ম  
ও শিবামিত্রের জন্য সৌদাস কর্তৃক তাঁহার প্রাণ সংহার  
অদৃশ্যন্তীর গর্ত্তে পরাশরের উৎপত্তি, পিতৃকন্যায়, মহাত্মা  
ব্যাসের জন্ম, ব্যাসপুত্র মহাত্মা শুকদেবের সমুদ্ভব, বিশা-

‘মহর্ষি’ বেদব্যাঙ্গ-প্রণীত

# পদ্যপূরণ ।

---

বাঙ্গালা গজ্যানুবাদ ।

---

শ্রীজহ্নলাল লাহা কর্তৃক  
প্রকাশিত ।

---

বিংশ খণ্ড ।

---

কলিকাতা ।

১৩৭ নং কলকাতা লিট্‌ কং প্রেসে

শ্রীকালীচরণ চৌধুরীর দ্বারা  
প্রস্তুত ।

মূল্য ১০/- পান ।

## পদ্যপুরাণসংক্রান্ত কয়েকটা নিয়ম।

১ম। প্রত্যেক মাসে তিন বা চারি খণ্ড ৮ পেজি করমের তিন কর্মার ৯০ দুই আনা মূল্যে প্রকাশ করা যাইবে।

২য়। দৈনিক্রমে মাসিক প্রকাশ না হইলে, অন্য মাসে তাহা পূরণ করিয়া দেওয়া যাইবে।

৩য়। যিনি নাম সাধক করিয়া এক খণ্ডও গ্রহণ করিবেন, তাঁহাকে সম্পূর্ণ পুস্তকের দায়ী থাকিতে হইবে।

৪র্থ। আমরা স্বেচ্ছাক্রমে পুস্তক প্রকাশ না করিলে, গ্রাহকগণের নিকট হইতে প্রাপ্ত খণ্ড সকল ফেরত লইয়া, তাঁহাদের মত মূল্য তাঁহাদিগকে প্রত্যর্পণ করিতে বাধ্য রহিলাম।

৫ম। দুই খণ্ডের অধিক মূল্য কেহই হাতে রাখিতে পারিবেন না। দুই খণ্ডের অতিরিক্ত বাকী পড়িলে, প্রত্যেক খণ্ডে ১/৮ ছিঃ আদায় করা যাইবে। স্থানাদিক ১২ টাকায় পুস্তক শেষ করা যাইবে।

৬ষ্ঠ। অগ্রিম ১ টাকা না পাঠাইলে মকঃম্বলদ্ব গ্রাহকগণকে পুস্তক দেওয়া যাইবে না। তাঁহাদিগকে অতিরিক্ত ডাকমাণ্ডল দিতে হইবে না। এক টাকা মূল্যের পুস্তক পাইলে তাঁহারা পুনরায় অগ্রিম এক টাকা করিয়া পাঠাইবেন।

৭ম। বাঁহারা টিকিট দ্বারা মূল্য প্রেরণ করিবেন, তাঁহাদিগকে টাকা প্রতি ১০ আনা কমিশন দিতে হইবে। কারণ ক্যাম্পবিক্রয়কালে আমাদিগকেও ঐ নিয়মে বাঁটা দিতে হয়।

৮ম। আমাদের আকরিত দিল না লইয়া গ্রাহকগণ কাহাকে মূল্য দিলে উচ্ছিন্ন দায়ী হইব না ইতি।

কলিকাতা  
৬০ নং নিম্নগৌসায়ের লেন

শ্রীজহরলাল লাহা  
প্রকাশক।



না এবং প্রতিনিয়ত আমার ভোক্তনের পর ভোজন করিয়া থাক । হে কল্যাণি ! আমার বিদেশে অবস্থানকালে তুমি মনোহর বেশভূষা পরিত্যাগ করিয়া, অতি দীনভাবে গৃহে অবস্থান কর । আমার দেহে ক্রোধের সঞ্চারমাত্র দেখিলে সাতিশয় ভয়বিহ্বলা হইয়া থাক । হে প্রিয়ে ! অধুনা তুমি কি নিমিত্ত সর্বদাই অধোবদনে অবস্থিতি করিতেছ ?

কীটের এতাদৃশ বাক্য শ্রবণ করিয়া, পিপীলিকা সক্রোধবাক্যে কহিল, রে বঞ্চক । তুই আমার সহিত আবার বাক্যলাপ করিতেছিস্ তুই তখন আপনি মোদক-চূর্ণ ভক্ষণ করিলি, একটুমাত্র আমাকে দিলি না । আমি তোমার সম্মুখে ছিলাম, তথাপি আমাকে না দিয়া অন্য রমণীকে অনায়াসে প্রদান করিলি । কীট ভার্য্যার এরূপ সরোষ বাক্য শ্রবণ করিয়া কহিল, হে বরবর্ণিনি ! আমি তোমাকেই অনুমান করিয়া মোদকচূর্ণ প্রদান করিয়াছি; একি ! সে তুমি নহ, অন্য কামিনী ? যাহা হউক হে শোভনে ! তুমি আমার এই একটীমাত্র দোষ ক্ষমা কর । আমি শপথ করিতেছি, কদাপি আর এরূপ অপরাধ করিব না । হে হস্তনি ! আমি তোমার চরণস্পর্শ করিতেছি, আমার প্রতি প্রসন্ন হও । হে স্ত্রোত্রোণি ! আমি অতিশয় কামুক, তুমি রুদ্ধ হইলে, আমার প্রাণ বিনষ্ট হইবে, অতএব হে শুভে ! তুমি প্রসন্ন হইয়া আমাকে অভয় দান কর ।

পিপীলিকা পতির তাদৃশ বচন আকর্ষণ করিয়া ক্রোধ সংবরণ করিল, এবং কীটের সন্তোষনিমিত্ত পুনরায় তাহারে আত্মসমর্পণ করিল ।

‘হে কুরুবংশতিলক ! রাজা ব্রহ্মদত্ত পূর্বকর্মফলাশু-  
সারে সমস্ত প্রাণীর রুতজ্ঞ ছিলেন, একারণ তিনি ঐ কীট-  
মিথুনের কথোপকথন শ্রবণ করিয়া পরমকৌতুকাক্রান্ত  
হইলেন।

ভীষ্ম কহিলেন, ভগবন্ ! নরপতি ব্রহ্মদত্ত কিরূপে  
সর্বপ্রাণীর রুতজ্ঞ হইয়াছিলেন এবং আপনি যে চক্রবাক  
চতুষ্টয়ের কথা বলিয়াছেন, তাহারা কোন কুলে উৎপন্ন  
হইয়াছে ?

পুলস্ত্য কহিলেন, হে নৃপ ! বৃহদ্রথ নামে এক জন  
ব্রাহ্মণ ছিলেন, সেই জাতিস্মর চক্রবাকগণ তাঁহার পুত্র  
হইয়াছিল। তাহাদের ধৃতিমান, সর্বদর্শী, বিদ্যাব্রত,  
তপোৎসুক এই নাম ছিল। হে ভীষ্ম ! উহার নামানুরূপ  
কর্মপরায়ণ অর্থাৎ সকলে স্বাধ্যায়সম্পন্ন ছিল। তাহারা  
তপস্যাক্ষরগণে গমন করিবার নিমিত্ত উদ্যত হইয়া কহিল,  
হে তাত ! আমরা পরম সিদ্ধিকামনায় তপস্যা করিতে  
যাইব। মহাতপস্বী বৃহদ্রথ সন্তানদের এইরূপ বাক্য শ্রবণ  
করিয়া অতি দীনভাবে কহিলেন, পুত্রকগণ ! তোমরা এ  
কি কথা বলিতেছ ? পিতৃসেবাই সন্তানদিগের পরম ধর্ম,  
তোমরা এই বৃদ্ধ দরিদ্র পিতামাতাকে পরিত্যাগ করিয়া  
বনে যাইতে উদ্যত হইয়াছ ; আমাকে পরিত্যাগ করিয়া  
অরণ্যে গমন করিলে, তোমাদের কি অধিক ধর্মাচরণ  
হইবে ? তোমরা না থাকিলে, আমার কি গতি হইবে ?

পুত্রগণ কহিল, পিতঃ ! আপনার বৃত্তি কীটজাতীতে  
কল্পিত হইয়াছে, আপনি রাজা ব্রহ্মদত্তের জন্মান্তরীণ বৃত্তান্ত  
কীর্তন করিবেন, তাহা হইলে তিনি আপনাকে ধন ও সহস্র

সহস্র গ্রাম দিবেন। আপনি তাহার নিকটে যাহা পাঠ করিবেন, তাহা এই; “পূর্বে যাহারা ব্যাধ হইয়াছিল, তাহারাই কালঞ্জর পর্বতে যুগ এবং মানস সরোবরে চক্রবাক, সম্প্রতি তাহার কুরুক্ষেত্রে ব্রাহ্মণ” তাহার এইমাত্র বাক্য প্রয়োগ করিয়া তপোবনে গমন করিল। পুত্রগণ বনপ্রস্থান করিলে, বৃদ্ধ বৃহদ্রথও ভার্য্যার সহিত বনপ্রস্থান করত যোগা-বলম্বন করিলেন। হে ভীষ্ম! চক্রবাক সকলের বৃত্তান্ত এই তোমাতে কহিলাম, এক্ষণে যেরূপে রাজা ব্রহ্মদত্ত সমস্ত প্রাণীর রুতজ্ঞ হইয়াছেন, তাহাও বলিতেছি।

পঞ্চালদেশে বিভ্রাজ নামে এক নরপতি ছিলেন। তিনি পুত্রকামনা করিয়া দেবদেব পদ্মযোনি ব্রহ্মার আরাধনা করিতে লাগিলেন। রাজার এইরূপ কোঠার তপস্যায় প্রসন্ন হইয়া পদ্মযোনি ব্রহ্মা তৎসমীপে উপস্থিত হইয়া কহিলেন, নৃপ! তুমি মনোভিলষিত বর প্রার্থনা কর। রাজা কৃতাজ্জলি হইয়া কহিলেন, হে দেবেশ! যদি আমার প্রতি প্রসন্ন হইয়া থাকেন, তাহা হইলে, মহাবলপরাক্রম, ধর্মপরায়ণ, সর্ববিদ্যাविशारদ, যোগাশ্রয়ী ও যাবতীয় প্রাণীর স্বর বুঝিতে পারে এরূপ একটি পুত্র প্রদান করুন। বিশ্বাত্মা পরমেশ্বর ব্রহ্মা তাঁহার প্রার্থনায় সন্মত হইয়া তাহাই হইবে বলিয়া সমস্ত প্রাণীর সমক্ষে তথা হইতে অন্তর্হিত হইলেন। হে ভীষ্ম! ঐ রাজা ব্রহ্মার বরপ্রভাবে ব্রহ্মদত্তকে পুত্র লাভ করিল, স্তুরাঃ নরপতি ব্রহ্মদত্ত সর্বপ্রাণীর প্রতি দয়াবান্, সর্বাপেক্ষা বলশালী ও সর্ব জন্তুর ভাষণবেত্তা হইয়া জন্মগ্রহণ করিয়াছেন। এই কারণে তিনি পিপীলিকা ও কীটের কথোপকথন অনায়াসে বুঝিতে পারি-

লেন। যাহা হউক, রাজা ব্রহ্মদত্ত কীটের তাদৃশ বাক্য শ্রবণে কিঞ্চিৎ হাস্য করিলেন। তদর্শনে তাঁহার পত্নী সন্নতি ভয়বিহ্বলা হইয়া, ইনি আমার এমন কি আচরণ দেখিলেন যে হাস্য করিতেছেন, এইরূপ আশঙ্কা করত নৃপতিকে হাস্যের কারণ জিজ্ঞাসা করিলেন। সন্নতি কহিলেন, নৃপ! এ সময় হাস্যের কোন কারণ দেখিতে পাই না, আপনি কিনিমিত্ত অকস্মাৎ হাস্য করিতেছেন। রাজা আনুপূর্ব্বিক পিপীলিকার বৃত্তান্ত বর্ণনা করিয়া কহিলেন, হে বরাননে! আমি এইজন্মই হান্স করিয়াছি, তোমার কোন চিন্তা নাই। রাজ্ঞী তাঁহার বাক্যে প্রতীত না হইয়া কহিলেন, আপনি পিপীলিকার বাক্যে হাস্য করিয়াছেন, ইহা কখন সম্ভব হইতে পারে না, যেহেতু, মনুষ্য কিরূপে পিপীলিকার অব্যক্ত শব্দ বোধ করিতে পারে? যাহাহউক, আপনি আমারে উপহাস করিয়াই হাস্য করিয়াছেন; আর আমি এজীবন রাখিব না। নরপতি ব্রহ্মদত্ত ভার্য্যারে নানামতে সান্ত্বনা করিয়া কহিলেন, যে প্রকারে এবিষয় তোমার প্রতীত হইতে পারে, আমি তাহাই করিতেছি। এই বলিয়া নিরন্তর হইলেন। পরে তপঃপ্রভাবে ভগবানের নিকট গমন করিলেন। এবং সপ্তরাত্র নিয়মাবলম্বন করত তাঁহার উপাসনা করিতে লাগিলেন। তদনন্তর সপ্তরাত্রের অবসান সময়ে ভগবান্ ব্রহ্মা স্বপ্নযোগে রাজাকে কহিলেন, বৃদ্ধব্রাহ্মণপ্রমুখাৎ তোমার পত্নীর এই বৃত্তান্তে প্রতীতি হইবে। এই বলিয়া তথা হইতে অন্তর্হিত হইলেন। স্বপ্নাবসানে নৃপতি ব্রহ্মদত্ত প্রভাতসময়ে ভার্য্যাসহিত উদ্যান হইতে নির্গত হইয়া, এই বৃত্তান্তদর্শী বৃদ্ধ ব্রাহ্মণকে সমাগত

দেখিলেন। বৃদ্ধব্রাহ্মণ পূর্বের পুত্রগণের নিকট ইহা বিদিত হইয়াছিলেন। এক্ষণে সহসা রাজদর্শন প্রাপ্ত হইয়া কহিলেন, বিপ্রমুখ্যগণ কুরুজাঙ্গল দেশে বিদ্যমান আছেন। দায়পুরে কালঞ্জর পর্বতে যে সকল যুগ জন্মিয়াছে, এবং মানস সরোবরে যে সাতটি চক্রবাক হইয়াছে, তাহারা আমাদের স্বরূপ। হে ভীষ্ম ! নরপতি ব্রহ্মদত্ত সেই বৃদ্ধব্রাহ্মণের এই বাক্য শ্রবণমাত্র সত্ত্বর জাতিস্মর হইয়া, তৎক্ষণাৎ ভূতলে নিপতিত হইলেন। কামশাস্ত্রপ্রণেতা ও সর্কশাস্ত্রবেত্তা পঞ্চাল এবং বৈদ্যশাস্ত্রপ্রবর্তক ধর্ম্মাত্মা পুণ্ডরীক এই দুই মুদ্রানন্দন ও ঐ বাক্য শ্রুতমাত্র জাতিস্মর হইয়া শোকাকুলচিত্তে রাজাগ্রে ভূতলে পতিত হইল। তাহারা পরস্পর কহিতে লাগিল, হায় ! আমরা কমনাবন্ধনে আবদ্ধ হইয়া, যোগভ্রষ্ট হইয়াছি। এইরূপে বহুবিধ বিলাপ করিয়া জন্মান্তরীণ শ্রাদ্ধমাহাত্ম্যের পুনঃ পুনঃ অভিনন্দন করত পুনরায় যোগপারগ হইলেন। অনন্তর রাজা ব্রহ্মদত্ত ঐ বৃদ্ধ ব্রাহ্মণকে প্রভূত ধন ও বহুবিধ গ্রাম প্রদান করিলেন। ব্রাহ্মণ ধনলাভে হর্ষাবিষ্ট হইয়া স্বগৃহে প্রত্যাগমন করিলেন। হে নৃপ ! পরে নরপতি ব্রহ্মদত্ত স্বীয় পুত্র বিশ্বক্সেনকে রাজ্যে অভিষিক্ত করিয়া, মন্ত্রীকুসুমারদ্বয়কে কহিলেন, আমাদের এই সমস্ত ঘটনা মানস সরোবরে ঘটিয়াছে। তাহারাও রাজাকে অভিনন্দিত করিয়া কহিল, আমরা আপনার প্রসাদেই পুনরায় এই সমস্ত জানিতে পারিলাম। তৎপরে তাহারা যোগাবলম্বন করত স্বীয় ব্রহ্মরন্ধ্র মধ্যে পরম স্থান লাভ করিলেন। হে রাজেন্দ্র ভীষ্ম ! শ্রাদ্ধ দ্বারা এই সাতজন পরম পদ প্রাপ্ত হইলেন,

অতএব শ্রাদ্ধানুষ্ঠান করিতে যত্ন কর ; পিতাগহগণ শ্রাদ্ধান্ন প্রাপ্ত হইলে সন্তুষ্ট হইয়া থাকেন এবং তাঁহারা শ্রাদ্ধকারী সন্তানকে রাজ্য, স্থখ, স্বর্গ ধন ও মোক্ষ প্রদান করেন। হে নৃপ ! যে বিদ্বান্ ব্যক্তি এই ব্রহ্মদত্ত নৃপ বিষয়ক পিতৃমহাত্ম্য ব্রাহ্মণদিগকে শ্রবণ করান, কিম্বা আপনি শ্রবণ করেন বা পাঠ করেন, তিনি কল্পকোটিগুণকাল ব্রহ্মলোকে আনন্দ ভোগ করেন।

## একাদশ অধ্যায় ।

ভীষ্ম কহিলেন, দ্বিজ ! শ্রাদ্ধকারী ব্যক্তি দিবসের কোন্ ভাগে শ্রাদ্ধ করিবে এবং কোন কোন তীর্থে শ্রাদ্ধ করিলে মহাফল লাভ হয়, অধুনা এই সমস্ত প্রকাশ করুন।

পুলস্ত্য কহিলেন, কোঁরবপ্রবর ! গমুদায় তীর্থ মধ্যে পুষ্করতীর্থই সর্বাপেক্ষা শ্রেষ্ঠ বলিয়া কথিত আছে এই তীর্থ দ্বিজাতিদিগের সর্বদা মনোরথ সাধন করিয়া থাকে। স্বয়ং ভগবান্ ইহা বলিয়াছেন যে, এই স্তম্ভৎ পুষ্করতীর্থে জপ অথবা হোম করিলে অনন্ত ফল হয়। এই তীর্থ পিতৃ-লোক এবং ঋষিদিগের অতিশয় প্রিয়। হে রাজন্ ! নন্দা ও অলকনন্দা এই দুই পুরীও পরম পবিত্র তীর্থ; সেইখানে মিত্রপথ নামে যে অতি উত্তম কেদার আছে, তাহাও অতিশয় পুণ্যস্থান। আর যেখানে সুরতরঙ্গিনী গঙ্গা সরিৎ-পতি সাগরের সহিত মিলিতা হইয়াছেন, সেই স্থল গঙ্গা-সাগর নামে প্রসিদ্ধ। এই গঙ্গাসাগর সর্বতীর্থময় ও পরম

পবিত্র । এবং ব্রহ্মসরও সৰ্ব্বতীৰ্থময়, উহার সলিল আঁকা-  
 শের আয় স্বচ্ছ । হেনুপ । যেখানে গজাভেদ দৃষ্ট হয়,  
 তাহার নাম গোমতী তীৰ্থ । ঐখানে অষ্টাদশভুজোত্তর  
 কাঞ্চনময় হার এবং সনাতন যজ্ঞবরাহ দেবদেব শূলপাণি  
 প্রাদুর্ভূত হইয়াছিলেন । নৈমিষ নামে যে তীৰ্থ আছে,  
 তাহা সৰ্ব্বতীৰ্থফলদায়ক পূৰ্বে ঐ তীৰ্থে ধৰ্ম্মচক্রে নিমি  
 বিশীর্ণ হইয়াছিল, একারণ উহার নাম নৈমিষ । পৃথিবীস্থ  
 তাবৎ তীৰ্থই এই নৈমিষ তীৰ্থের সেবা করিয়া থাকে ।  
 এই স্থানে দেবদেব ভগবানের দৰ্শন পাওয়া যায় । যে  
 বক্তি এই তীৰ্থে গমন করে, সে পবিত্রাত্মা হইয়া অন্তে  
 নারায়ণপুর প্রাপ্ত হয় ।

হে রাজেন্দ্র ভীষ্ম ! এতদ্ব্যতীত, কোকিমুখ নামে যে  
 পরম পবিত্র তীৰ্থ আছে, তাহা অব্যক্তজন্মা ব্রহ্মার তীৰ্থ ।  
 দেবদেব ভগবান্ জনার্দন আদিবরাহ সেখানে বিদ্যমান  
 এবং তথায় পুষ্করারণ্যে পিতামহ ব্রহ্মা সৰ্ব্বদা অবস্থিতি  
 করেন । ঐখানে বিরিকি দৰ্শন অতিশয় শ্রেষ্ঠ বলিয়া  
 অবধারিত আছে, তদ্বারা অপবৰ্গফল প্রাপ্ত হওয়া যায় ।  
 আর মহাপুণ্যফলপ্রদ কৃতনাগ তীৰ্থে সৰ্ব্ব প্রকার পাপ বিনষ্ট  
 হইয়া থাকে, তথায় ভগবান্ জনার্দন আদ্য নরসিংহ রূপে  
 বিরাজিত আছেন । ইন্দুবতী নামে যে তীৰ্থ আছে, তাহা  
 সমস্ত পিতৃলোকের প্রিয়তর । সেখানে শ্রাদ্ধ করিলে, পিতৃ-  
 গণ পরম সন্তুষ্ট হইয়া থাকেন । হে ভীষ্ম ! গঙ্গায়মুনা-  
 সঙ্গম, কুরুক্ষেত্র ও মানস সরোবর মহাপুণ্যজনক তীৰ্থ বলিয়া  
 বিখ্যাত । পরন্তু মন্দাকিনী, অচ্ছাদা, বিপাশা, সরস্বতী  
 সৰ্ব্বমিত্রপদ, ও বৈদ্যনাথ এই সমস্ত তীৰ্থও পুণ্যজনক ও

মহাফলপ্রদায়ক । আর সিঙ্গানদীও অতিশয় পবিত্রা । তথায় শ্রদ্ধা করিলে অনায়াসে পিতৃগণের উদ্ধার হইয়া থাকে । গঙ্গোদ্ভেদ, ভদ্রেশ্বর, বিষ্ণুপদ ও নৰ্মদাহারতীর্থও পরম পবিত্র । মনুষ্যিগণ কহিয়া থাকেন, যে, এই সকল স্থলে পিণ্ডদান করিলে গয়ায় পিণ্ডদানতুল্য ফল লাভ হয় । হে বীর ? এই তীর্থে পিণ্ডদানের কথা আর কি কহিব ? লোকে এই সমস্ত তীর্থের নাম কীর্তন করিলেও, পিতৃলোক সাতিশয় প্রীত হইয়া থাকেন । প্রণব ও পিতৃতীর্থ, এবং কাবেরী, কপিলোদক, ও শীতভেদাও পুণ্যতীর্থ । অমরবন্ধ তীর্থও অতিশয় পবিত্র । তথায় স্নানাদি করিলে, কুরুক্ষেত্র তীর্থ স্নানাদিতে যে রূপ পুণ্য লাভ হইয়া থাকে, তাহা অপেক্ষা শতগুণ পুণ্য হয় । অধিকন্তু, শুক্লতীর্থ ও সোমেশ্বর তীর্থও সর্বব্যাদিবিনাশক । তথায় শ্রাদ্ধদান, হোম, বেদ অধ্যয়ন, জপ ও জজ্ঞানুষ্ঠান করিলে, কোটি কোটি গুণ ফল পাওয়া যায় । কায়াবরোহণনাম তীর্থ, অতি পুণ্যদায়ক, যেখানে দেবদেব ত্রিশূলধারী মহাদেব ব্রহ্মার সহিত রোচমান অবতার রূপে বিরাজিত আছেন । ধর্মবতী, গোমতী ও বরণা এই নদী সকল পরম তীর্থ রূপে অধিষ্ঠিতা হইয়াছে । তৈরব, ভৃগুতীর্থ এবং গৌরী তীর্থ অতুল্যম । আর বৈনায়ক, বক্রেশ্বরতীর্থ, বেগবতী নদী, মূলতাপীপয়োসীসঙ্গম, মহারোধী, পিপ্পলা, অবর্তিনী, বীণা ও পুণ্যা অতি পবিত্র তীর্থ, এখানে সমস্ত পাপ বিনষ্ট হইয়া থাকে । হে ভীষ্ম ! মহারৌদ্র ও মহালিঙ্গ তীর্থও পুণ্যপ্রদ, দর্শনা, শতরুদ্রা, শতাক্ষা, অঙ্গারবাহিনী প্রভৃতি নদী সকল, শোন ও ঘর্ঘর এই দুই নদ এবং কালিকা ও পিতরা নদী পিতৃ-



তীর্থ । এই সমুদায় তীর্থে শ্রাদ্ধদান করিলে, পিতৃগণের অনন্তকাল পরিতৃপ্ত হইয়া থাকে ।

হে কৌরবপ্রবর । মেঘকরনামক তীর্থে শাক্ষধর ভগবান্ বিষ্ণু স্বয়ং একাকী বিরাজিত আছেন । মন্দোদরী ধর্ম্মতটী, চন্দ্রকোটী ও জলেশ্বর এই সকল তীর্থ অতিশয় মহৎ পুণ্যপ্রদ । অর্জুন, ত্রিপুরেশ, সিন্ধেশ্বর ও মহেন্দ্র তীর্থও পুণ্যজনক, এই সমুদায় তীর্থে এবং পবিত্রা মহানদীতে শ্রাদ্ধ করিলে অনন্তকাল প্রাপ্ত হইয়া থাকে । ইহাদের দর্শনে তৎক্ষণাৎ দেহস্থ পাপ সকল তিরোহিত হইয়া যায় । পবিত্রতোয়া অঙ্গভদ্রা, ও চক্ররথা, নদী, ভীমেশ্বর, কৃষ্ণবেণী, কাবেরী, রঞ্জিরাবতী, গোদাবরী ও ত্রিসংখ্যা অতি উৎকৃষ্ট তীর্থ । ত্রৈয়ম্বক তীর্থ ও অতিশয় পবিত্র, পৃথিবীস্থ যাবতীয় তীর্থ এই ত্রৈয়ম্বক তীর্থকে নমস্কার করিয়া থাকে । এই সুপবিত্র তীর্থে ত্রিলোচন ভীম মহাদেব স্বয়ং বিদ্যমান আছেন, যাহারা স্বীয় ধর্ম্মানুসারে ইহাতে শ্রাদ্ধ প্রদান করে, তাহাদের সেই প্রদত্ত শ্রাদ্ধ কোটিগুণ হইয়া থাকে । হে নৃপ । এই সমস্ত তীর্থের নাম স্মরণমাত্র পাপরাশি শতধা বিদীর্ণ হয় ।

অধিকন্তু পুণ্যা ত্রীপর্গা ও অতুল্যতম ব্যাস তীর্থ, শিবধারা নদী, (১) রামেশ্বর তীর্থ, ভবতীর্থ, স্বর্গদ্বার, আনন্দকমল তীর্থ বংশ, ব্রজেশ্বর, বৈকান্তক, গোবর্দ্ধন, হরিশ্চন্দ্র, পুরশ্চন্দ্র, বিসুদন সহস্রাক্ষ, হিরণ্যাক্ষ তীর্থ, এবং কদলী নদী, ইন্দ্রনীল, মহানাদ ও বৃষমেলক এই সমুদায় তীর্থে শ্রাদ্ধ অতিশয় প্রশস্ত বলিয়া অবধারিত হইয়াছে । এই সকল

তীর্থে সমস্ত দেবতার সান্নিধ্য আছে, একারণ এ সমস্ত স্থানে দান করিলে কোটি কোটি গুণ ফল হয়। হে বীর। যেখানে গোদাবরী নদী আছে, সেই স্থান পিতৃতীর্থ; তথায় হব্য কব্য দান করিলে কোটি গুণ ফল লাভ হয়। সাগ্রলিঙ্গ ও বায়ুবেণু তীর্থ অনুত্তম তীর্থ বলিয়া অবধারিত হইয়াছে, সেস্ত্রানামে যে পুণ্যানদী আছে, তথায় সমস্ত দুঃখ বিগত হইয়া থাকে। দেবরাজ ইন্দ্র নমুচির বিনাশ সাধন করত এখানে তপস্যা করিয়া পুনর্বার স্বর্গ প্রাপ্ত হইয়াছেন। এই পুণ্যা সেস্ত্রাবতী নদী তীর্থে শ্রাদ্ধ করিলে অনন্ত ফল প্রাপ্ত হয়। পুষ্কর তীর্থ, শালগ্রাম ও শ্যেনপাত তীর্থ অতি সুবিখ্যাত। এই শ্যেনপাত তীর্থে বৈশ্যানরের নিকেতন বিদ্যমান আছে। সারস্বত তীর্থ, স্বামীতীর্থ, এবং মনন্দরা কৌশিকী, চন্দ্রিকা, বিদর্ভা, শোথস্রী, পাপোক্ষী, প্রাঙ্গুখী, কাবেরী, রাকা এই পরিত্র নদী সকল এবং জালন্ধর পর্বত এই সমস্ত তীর্থস্থানে শ্রাদ্ধ করিলে অনন্ত ফললাভ হয়। লৌহদণ্ড তীর্থ, চিত্রকূট এবং প্রতিবাণী-নামক গঙ্গাতটে দ্রাক্ষাশ্রম তীর্থ, উর্বশীপুলিনে সংসার-মোচন কণরোচন এই সমুদায় পিতৃতীর্থে শ্রাদ্ধ করিলে অনন্ত ফল লাভ হয়। হে কৌরব। যাহারা পিতৃলোকের নিকট শ্রাদ্ধীয় অনন্ত ফল প্রাপ্তির ইচ্ছা করে, তাহারা অক্টহাস, গৌতমেশ্বর, ঘণ্টেশ্বর, বিল্লক, নীল পর্বত, বদরী দেবতীর্থ ও ঈশ্বরেশ্বর তীর্থে শ্রাদ্ধ করিলে পর, আশানুরূপ ফল পাইয়া থাকে। কীটকমধ্যে যে পুণ্যানদী বিদ্যমান আছে তথায় এবং পবিত্র রাজগৃহবনে শ্রাদ্ধ করা অতীব কর্তব্য। পবিত্র চ্যবনাশ্রম ও পুণ্যা পুনম্পূনা নদী মধ্যে

প্রাঙ্কানুষ্ঠান করিবে। পূর্বে ভগবান্ ব্রহ্মা এই স্থানে গাথা রচনা করিয়া গান করিয়াছিলেন যে, অনেক সম্ভান প্রার্থনা করা কর্তব্য। উহাদের মধ্যে যদি একটি পুত্রও গয়া যায়, এবং যদি অশ্বমেধ যজ্ঞানুষ্ঠান কিম্বা নীলব্রহ্ম উৎসর্গ করে। হে রাজেন্দ্র ভীষ্ম! সমস্ত মানবগণ তদবধি এই গাথা সমুদায় তীর্থ ও আয়তনে গান করিতে লাগিল। আগাদের বংশে কি কোন পুত্র গয়ায় যাইবে? এবং গয়ায় গমন করিয়া পিতৃ ও মাতৃ কুলের উদ্ধতন সপ্ত পুরুষ এবং অধস্তন সপ্ত পুরুষ এই চতুর্দশ পুরুষকে পবিত্র করিবে? গঙ্গাগলিলে অশ্বক্ষেপণ কিম্বা সাত বা আটটি তিল মিশ্রিত গঙ্গাজল পিতৃ উদ্দেশে প্রদান করিবে। অথবা বিখ্যাত তিনটি অরণ্যে পিণ্ডদান করিবে। হে কৌরব! সেই তিন ধর্ম্মারণ্য মধ্যে সর্ব্বাণ্যে পুষ্করারণ্যে, তদনন্তর নৈমিষারণ্যে পরে ধর্ম্মারণ্যে গমন করিয়া ভক্তিপূর্ব্বক পিণ্ড প্রদান করিবে। হে ভীষ্ম! গয়াক্ষেত্রে, ধর্ম্মপৃষ্ঠে, ব্রহ্মসদনে, এবং গয়া-তীর্থবটে পিতৃ উদ্দেশে দান করিলে, অক্ষয় রূপে পরিগণিত হইয়া থাকে।

হে নরপাল! মানব গয়াক্ষেত্রে গমন করিয়া তথাকার পথ সমুদায় যত পর্য্যটন করিবে, তাহার নরকস্থ পিতৃকুলও তত সত্তর স্বর্গে গমন করিতে থাকিবে। গয়ায় পিণ্ড প্রদান করিলে, গোত্রমধ্যে কেহ আর প্রেতযোনিতে অবস্থিতি করিতে পারে না, পিণ্ডদানমাত্রই তাহাদের প্রেতস্থ-বিমুক্তি হয়। হে রাজেন্দ্র! কোন মূনি বলেন, যে, আপনার হস্তে আত্ম রাখিয়া তদুপরি পিতৃ উদ্দেশে জল প্রদান করিলে, আত্মও সিত হয় এবং পিতৃকুলও দুঃ

ইহয়া থাকেন । সেইরূপ, প্রেতস্থ মোচন ও মুক্তিনাভ হয় । এই কারণে এক ক্রিয়ায় দুই ফল পাওয়া যায় । এই গয়াক্ষেত্রে এক মাত্র পিণ্ড দান করিলে, পিতৃকুল পরিতৃপ্ত হইয়া, মোক্ষপদ লাভ করিয়া থাকেন । কিন্তু গয়াক্ষেত্রে পিণ্ডদান অপেক্ষা মাল্যদানে বিশেষ ফল লক্ষিত হয় । হে নৃপতে ! কেহ ধ্যানকে প্রধান বলিয়া থাকেন, কেহ দানকে প্রধান বলেন এবং কোন কোন ঋষি ধনদান উৎকৃষ্ট বলিয়া কীর্তন করেন । ফলতঃ গয়াতীর্থে যাহা দান করা যায়, তাহাই ধর্মের হেতু এবং তাহাই শ্রেষ্ঠ বলিয়া কীর্তিত হয় ।

হে ভীষ্ম ! মানসতীর্থে পার্শ্বতীনাথ শঙ্কর সর্বদা পার্শ্ব-  
তীর সহিত বাস করিতেছেন, যে কোন ব্যক্তি শুচি হইয়া  
তথায় গমন করত সর্বপ্রকারে তাঁহার দর্শন করে, তাহার  
মোক্ষফললাভ হইয়া থাকে । সেখানে যে সমস্ত দ্বিজাতি-  
শ্রেষ্ঠ আছেন, তাঁহাদিগকে প্রণাম করিলেও বহুজন্মের ফল  
প্রাপ্ত হওয়া যায় । মনুষ্যগণ যে কোনরূপ ফল কমনা  
করিয়া পুণ্যানুষ্ঠান করিলে, নিঃসন্দেহ অভীষ্টসিদ্ধি লাভ  
করে । হে বীরশ্রেষ্ঠ ! আমি এই যে তীর্থসংগ্রহ সংক্ষেপে  
তোমার নিকট বর্ণন করিলাম, ইহার সবিশেষ বিবরণ  
দেবগুরু বৃহস্পতি বলিতে পারেন না, মানুষ আর কতই  
কহিবে । হে ভূপাল ! এই সমস্ত তীর্থ ব্যতীত, দয়া  
ইন্দ্রিয়নিগ্রহ এবং সত্যবাক্যও অতি পবিত্র তীর্থ এবং  
আশ্রম সমুদায়ও তীর্থ বলিয়া কীর্তিত হইয়াছে, স্তবরাং  
ইহাতে রত থাকিলে, পরম ফল লাভ হয় । যে সকল-  
জনে প্রাক্রবিধি প্রদর্শিত হইয়াছে, তন্মধ্যে গয়াপ্রাক্র

অপবর্গফলপ্রদ । সর্বপ্রযত্নে গয়াশ্রদ্ধ করিতে চেষ্টা করিবে ।

হে শান্তনুনন্দন । অধুনা শ্রাদ্ধকাল কহিতেছি, শ্রবণ কর । দিবসের প্রথম তিনমুহূর্তের নাম প্রাতঃকাল, তাহার পর তিনমুহূর্ত সঙ্গর, তদনন্তর তিনমুহূর্ত মধ্যাহ্ন বলিয়া বিখ্যাত, তাহার পর তিনমুহূর্ত অপরাহ্ন এবং এই অপরাহ্নের পর তিন মুহূর্তকালকে সায়াহ্ন কহিয়া থাকে । এই সায়াহ্ন মুহূর্তমধ্যে শ্রাদ্ধানুষ্ঠান করিতে নাই, যেহেতু ইহাকে রাক্ষসী বেলা কহে, এই রাক্ষসীবেলার অন্য কোনরূপ শুভকর্মাচরণও অতি নিন্দিত হইয়া থাকে । দিবসের পঞ্চদশ ভাগের এক এক ভাগকে মুহূর্ত বলা যায় । এই প্রকারে যে অষ্টম মুহূর্ত হয়, তাহার নাম কৃতপ । ঐ মধ্যাহ্ন কৃতপ মুহূর্ত সময়ে প্রথরকর ভাস্কর ক্ষণকাল স্থির হইয়া থাকেন, অতএব ঐ সময় শ্রাদ্ধ আরম্ভ করিলে অনন্ত ফল পাওয়া যায় । শ্রাদ্ধে শঙ্খপাত্র, ফল, কন্দল, রজত, দর্ভ, তিল, গো, এবং দৌহিত্র এই আটটি সামগ্রী অতিশয় প্রশস্ত হইয়া থাকে । হে ভীষ্ম ! পাপশব্দে কুৎসিত উল্লিখিত আটটি দ্রব্য পাপের সন্তাপকর, একারণ তাহার কৃতপ নামে প্রশিদ্ধ হইয়াছে । কৃতপের পর অপর চার মুহূর্তও অতি পবিত্র । পিতৃগণ এই পাঁচ মুহূর্ত কালেই শ্রাদ্ধ ইচ্ছা করিয়া থাকেন । আর কুশ ও কুম্ভতিল বিষ্ণুদেহ হইতে উৎপন্ন, দেবগণ এই দুই দ্রব্যকেই শ্রাদ্ধের লক্ষণ বলিয়া থাকেন, অতএব শ্রাদ্ধে ইহার আহরণ করিবে । হে ভীষ্ম ! যাহারা তীর্থে বাস করিয়াছে, তাহার তীর্থে জলস্থ থাকিয়া পিতৃলোকের উদ্দেশ্যে সতিল উদকাগ্নি প্রদান করিবে, কিন্তু

একহস্তে কদাপি তর্পণ করিবে না । ইহাদের গৃহমধ্যেই  
শ্রাদ্ধ করা অতি কর্তব্য ; তাহা হইলে পরম পুণ্য লাভ,  
আয়ুর্বৃদ্ধি এবং সমস্ত কল্যাণ বিগত হইবে । সকল পুরাণেই  
এইরূপ শ্রাদ্ধ কথিত হইয়াছে । যে ব্যক্তি শ্রাদ্ধসম্পন্ন  
হইয়া, ইহা অবগণ কিস্বা পাঠ করে, সে পরকালে সৌভাগ্য-  
শালী হইয়া জন্মিবে । শ্রাদ্ধক্রিয়ানুষ্ঠান সময়েও ইহা পাঠ  
করা কর্তব্য । তীর্থবাসীরা ইহা কীর্তন করিলে সর্বপাপ-  
বিমুক্ত হইবে এবং অলক্ষ্মী তথা হইতে অন্তর্হিত হইবে ।  
এই শ্রাদ্ধমাহাত্ম্য অতিশয় পবিত্র, যশের বিতানভূল্য এবং  
মহাপাতকবিমোচক । ব্রহ্মা, সূর্য্য এবং রুদ্রপ্রমুখ দেবগণও  
সর্বদা এই শ্রাদ্ধমাহাত্ম্যের সমাদর করিয়া থাকেন ।

## দ্বাদশ অধ্যায় ।

ভীষ্ম কহিলেন, হে সর্বশাস্ত্রবিশারদ গুরো ! কিরূপে  
সোমবংশের উৎপত্তি হয়, এবং ঐ সোমবংশে কীর্তিবর্দ্ধন  
বিপুলযশস্বী কোন্ কোন্ মহাত্মা নৃপতি হইয়াছিলেন, অনু-  
গ্রহ করিয়া প্রকাশ করুন ।

পুলস্ত্য কহিলেন, হে কৌরবপ্রবর ! লোকপতি  
ভগবান্ ব্রহ্মা পূর্বে সৃষ্টির নিমিত্ত অত্রিকে আদেশ  
করিলে, বিষ্ণু অত্রিও ব্রহ্মার আদেশপ্রতিপালনে যত্নপর  
হইয়া, সৃষ্টিার্থে স্তম্ভহৎ তপোানুষ্ঠান করিলেন । হে ভীষ্ম !  
ব্রহ্মা বিষ্ণু ও রুদ্রাদিরও যাহা অগোচর, সেই রূপে  
বিনাশক বাক্য যখন তাঁহাকে কহিলেন, এবং যদ্বারা

বংশপতি হইতে পারে সেই পরমানন্দকারণ তপস্বী-  
 মহাত্মাও যখন তাঁহারে শুনাইলেন, তখন সেই মহর্ষি অত্রি  
 হইতেই সোমের উৎপত্তি হইল। সৰ্ব্বাঙ্গে মূনির নেত্রদ্বয়  
 হইতে অশ্রুজল বিনিঃসৃত হইল এবং ঐ জল সচরাচর  
 সমুদায় দিক্ দীপ্ত করিয়া জ্যোৎস্নার ন্যায় আশ্চর্য্য জ্যোতি  
 রূপে প্রকাশ পাইতে লাগিল। হে তাত। দিগঙ্গনারা  
 সন্তানকামনায় ঐ জ্যোতি ধারণ করিয়া গর্ভবতী হইয়াছিল।  
 তাহারা তিনশত বর্ষকাল গর্ভ ধারণের পর, অপারগ হইয়া,  
 গর্ভ পরিত্যাগ করিল। তখন চতুর্মুখ ভগবান্ ব্রহ্মা উহা  
 গ্রহণপূর্ব্বক একত্রীভূত করিয়া, একটি বালক সৃষ্টি করিলেন।  
 পরে ঐ বালককে সৰ্ব্বশাস্ত্রধারণপটু দেবতা করিয়া সহ-  
 স্রাশ্বসংযোজিত দেবশাক্তিময় দিব্য স্তম্ভনে আরোহণ করা-  
 ইয়া স্বীয় লোকে আনিলেন। সেখানে ব্রহ্মর্ষিগণ সেই  
 সৰ্ব্বায়ুধধর দিব্য কুমারকে অবলোকন করিয়া বলিলেন,  
 ইনি আমাদের অধীশ্বর হউন। পরে দেব ঋষি গন্ধর্ব্ব  
 এবং অপ্সরোগণ স্তব করিতে আরম্ভ করিলে, তাঁহার তেজ  
 অতিশয় বর্দ্ধিত হইতে লাগিল এবং তদ্বারা ভূমণ্ডলস্থ ওষধি  
 সকল দীপ্তি বিশিষ্ট হইল। তদবধি নিশাভাগে ওষধি  
 সমুদায় অদ্যাপি দীপ্তিবিশিষ্ট হইতেছে। হে বীর। এই  
 নিমিত্ত ভগবান্ সোম ওষধীশ বলিয়া কীর্তিত হইয়াছেন।  
 ইহার মনোহর স্নিগ্ধ জ্যোতিতে রাত্রিকালীন অন্ধকার  
 বিদূরিত হইয়া, ভূমণ্ডল প্রকাশ পাইয়া থাকে। তিনি  
 সৰ্ব্বদা সুরূপকে বৃদ্ধিশীল এবং কৃষ্ণপক্ষে ক্রয়িষ্যু হইয়া  
 থাকেন। হে কৌরবপ্রবর। প্রচেতা দক্ষ প্রজাপতি দিব্য-  
 রূপসম্পন্ন ভগবান্ বাকদমকে রূপলাবণ্যবতী সপ্ত বিংশতি

কন্যা সম্প্রদান করিলেন । কিন্তু শীতাংশু সোম কৃতদার হইয়া সংসারধৰ্ম্মে লিপ্ত হইলেন না, বিষ্ণুর ধ্যানপরায়ণ হইয়া, সহস্রবর্ষ তপোানুষ্ঠান করিলেন । পরমাত্মা ভগবান্ বিষ্ণু তাঁহার ঐরূপ তপস্যায় সন্তুষ্ট হইয়া, তদীয় সন্মুখে আবির্ভূত হইয়া বলিলেন, তোমার তপস্যায় পরিতুষ্ট হইয়াছি, অতীত বর প্রার্থনা কর । সোম প্রণতিপূর্ব্বক কৃতাজলিপুটে নিবেদন করিলেন, হে প্রভো । আমাকে এইরূপ বর প্রদান করুন, যেন আমি শত্রুলোকে রাজসূর-যজ্ঞানুষ্ঠান করিতে পারি এবং আমার গৃহে ব্রহ্মাদি দেবরূপ প্রত্যক্ষ ভোক্তা হয়েন, ও পুরমধ্যে ত্রিশূলধারী হর যেন সর্ব্বদা কক্ষপাল হইয়া থাকেন । হে ভীষ্ম ! পদ্মনাভ বিষ্ণু সোমের তপস্যায় সাতিশয় সন্তুষ্ট হইয়াছিলেন, স্ততরাং কোন বিচার না করিয়া তাঁহার প্রার্থনানুরূপ বর প্রদানে স্বীকার করিলেন ।

তদনন্তর অত্রিনেত্রসমুদ্ভূত সোম তপস্যায় প্রতিনিবৃত্ত হইয়া রাজসূর যজ্ঞের অনুষ্ঠান করিলেন । তাঁহার সেই যজ্ঞে ভৃগু প্রভৃতি ব্রহ্মর্ষিবর্গ হোতা, অধ্বর্যু ও উদগাতা হইলেন । এবং চতুর্মুখ ব্রহ্মা স্বয়ং ব্রহ্মা ও হরি উপদেষ্টা হইলেন । আর সনকাদি ঋষিগণ, বসুগণ ও বিশ্বদেবগণ সেই যজ্ঞের সদস্য হইলেন । তাঁহার রাজসূর যজ্ঞ সর্ব্বাঙ্গ-সম্পন্ন হইয়া সমাপ্ত হইলে, তিনি ঋত্বিকদিগকে ত্রৈলোক্য দক্ষিণা প্রদান করিলেন । পরে অবত্থৎস্নান সমাপ্ত হইলে সোমের মনোহর রূপলাবণ্য দর্শনে দেবীগণ কন্দর্পশরে অভিভূত ও সাতিশয় সন্তপ্ত হইয়া, তাঁহার সেবা করিতে লাগিলেন । কামবাণাভিতপ্তা হইয়া কমলা নারায়ণকে



পরিত্যাগ করত তথায় আগমন করিলেন এবং সিনীবালী  
কৰ্দম প্রজাপতিকে ত্যাগ করিয়া তাঁহার সেবায় নিযুক্ত  
হইলেন। হে ভীষ্ম! এই রূপ, কামসন্তুপ্তা দ্ব্যতি বিভা-  
বস্তুকে, পুষ্টি অব্যয় ধাতাকে, প্রভা প্রভাকরকে, ও কুহু  
হবিষ্যন্তকে পরিত্যাগ করত সোমের সেবায় নিরতা হই-  
লেন। অধিক কি কহিব, কীর্ত্তি ভর্তা জপন্তকে, অংশুমালী  
কশ্যপকে ও ধৃতি স্বপতি নন্দীকে ত্যাগ করিয়া তাঁহার  
সেবায় আসক্ত হইলেন। তৎকালে সোমও নিবৃত্তযজ্ঞ  
হইয়া পূর্ণকাম হইয়াছিলেন, একারণ স্বীয় পরিণীতা দক্ষ-  
কন্যা সকলকে কামনা করিয়া, তাহাদিগের সহিত বিষয়-  
ভোগানুরাগী হইলেন। তাঁহার সেইরূপ বিষয়স্বভোগ  
দর্শনে সবাসব দেবতাগণ এবং জটাজিনধারী মুনিগণের  
অস্তঃকরণেও বিষয়ভোগের অভিলাষ সঞ্চারিত হইল। সুন্দরী  
যুবতী রমণী দেখিয়া সকলে ক্ষুব্ধচিত্ত হইলেন, এবং রিরংস্থ  
হইয়া কামপীড়িতের ন্যায় গম্যা ও অগম্যা জ্ঞান বিহীন  
হইয়া তরুণীসহবাস অভিলাষ করিতে লাগিলেন। তাঁহারা  
সকলে এরূপ উদ্ধত হইয়াছিলেন, যে, যে রূপ বর্ষাকালে  
জলধরের জলবর্ষণবেগ নিবারণ করা অসাধ্য সেই রূপ  
তাঁহাদিগকে তৎকার্য্যে ক্লান্ত করা কঠিন হইয়া উঠিল।  
হে বীরবর! যে সমস্ত দেবতার মহিলাগণ স্বীয় স্বীয়  
ভর্তাকে পরিত্যাগ করিয়া চন্দ্রের শুশ্রূষায় নিযুক্ত হইয়া-  
ছিলেন, তাঁহারা আপনাদিগের এই মহৎ অনিষ্টকর ব্যাপার  
অবলোকন পূর্বক কামিনীদিগকে অনেকপ্রকারে নিষেধ  
করিয়া, তাহা হইতে ক্লান্ত করিতে পারিলেন না। তখন  
সকলেই অভিশাপ বাক্য প্রয়োগ দ্বারা সোমকে অভিশাপ

প্রদান করিতে লাগিলেন। কিন্তু, ভগবান্ সোম ত্রয়োদশ বর প্রভাবে ঐরূপ দুৰ্দ্ধৰ্ম্ম স্ত্রী সম্পন্ন হইয়াছিলেন, সপ্তলোক মধ্যে তাঁহার তুল্য আর কেহই ছিল না, এ কারণ ঐ অভিশাপও তাঁহারে আক্রমণ করিতে পারিল না।

হে শাস্ত্রমুতনয়। এইরূপে সোম ভোগনিরত হইয়া কোন সময় গুরুভার্য্যা তারাকে উদ্যান মধ্যে অবলোকন করিলেন। দেবগুরু বৃহস্পতিপত্নী তারা স্বভাবতঃ সুন্দরী, কুশালী, বৃহস্পতিস্ববিশিষ্টা ও সুলভ্যনী, উদ্যানভ্রমণকালীন নানাবিধ পুষ্পাভরণে বিভূষিতা হইয়া, মূর্ত্তিমতী রতির স্তায় শোভা পাইতে লাগিল। হে বীর। তারাপতি সোম চারুনেত্রী স্মৃগী গুরুপত্নী তারার রূপলাবণ্য দেখিয়া কামার্ত্ত হইয়াছিলেন, স্মতরাং তাঁহার কেশাকর্ষণপূর্ব্বক ভূতলে পাতিত করিয়া আলিঙ্গনোদ্যত হইলেন। এদিকে তারাও চন্দ্রের মনোমোহন রূপে মুহ্যমানা ও কামুকী হইয়া, অগত্যা তাঁহার সহিত রমণে প্রবৃত্তা হইলেন। এইরূপে সেই উদ্যান মধ্যে বহুদিন গত হইলেও, সোমের তারাবিহারে পরিভৃশ্তি হইল না, তিনি গুরুপত্নী তারাকে গ্রহণ করিয়া নিজ ভবনে গমন করিলেন। সোম এপ্রকার কামাঙ্ক হইয়াছিলেন, যে, দিবারাত্রই তারার সহিত বিহারে আসক্ত হইয়া রহিলেন।

এদিকে দেবগুরু বৃহস্পতি ভার্য্যার বিচ্ছেদানলে হৃদ্যচিহ্ন হইয়া, সাতিশয় চিন্তিত হইলেন এবং পরিজ্ঞাত হইলেন যে, সোম তদীয় ভার্য্যা তারারে অপহরণ করিয়াছেন, কিন্তু তিনি সোমকে অভিশাপ প্রদানে ক্ষমবান্ হইলেন না।

কামসন্তপ্ত ভগবান্ বৃহস্পতি বহুবিধ উপায় ও অভিশাপ

স্বামী পত্নীলাভে হতাশ হইয়া দেবগণসমীপে প্রার্থনা করিলেন, তোমরা সোমের নিকট হইতে আমার পত্নীরে আনয়ন কর । হে ভীষ্ম । সোম তারার প্রতি অত্যন্ত অমুরক্ত হইয়াছিলেন, একারণ ব্রহ্মা, রুদ্র মরুৎ ও লোকপাল প্রভৃতি দেবগণ কর্তৃক প্রার্থিত হইলেও গুরুভার্যা প্রদানে সন্মত হইলেন না । দেবগণ পুনঃ পুনঃ প্রার্থনা করিলে, চন্দ্রকোন মতেই গুরুপত্নী তারাকে প্রদান করিলেন না দেখিয়া, মহেশ্বর শিব ক্রোধবশীভূত হইলেন । যাঁহার ক্রোধে কামদেব ভস্মসাৎ হইয়াছিলেন, এবং বহুসংখ্য রুদ্র যাঁহার পাদপদ্ম সেবা করিয়া থাকে, সেই ভগবান্ শশাঙ্কশেখর মহাদেব বৃহস্পতির প্রতি স্নেহ বশতঃ ক্রুদ্ধ হইয়া, তাঁহার শিষ্যগণ সমভিব্যাহারে ধনুগ্রহণ পূর্বক সোমের নিগ্রহ-বাসনায় যাত্রা করিলেন ।

হে বীর । সেই সিদ্ধচারণজুক্ত ভূতেশ্বর পুরারি শিব সোমনিগ্রহমানসে অজগব ধনু গ্রহণ করত যুদ্ধযাত্রা করিলে, কোটি কোটি চারণ, উগ্রমূর্তি ষড়বিংশতি যক্ষগণ, বেতালগণ কিম্বর ও অর্কবৃন্দসংখ্যক ভূতগণ ক্রোধপরবশ হইয়া তিনলক্ষ রথারোহণে তাঁহার সমভিব্যাহারী হইল । তৎকালে ক্রোধ বশতঃ শিবের তৃতীয় চক্ষু হইতে অনল উদীপ্ত হইতে লাগিল এবং তিনি সেই অগ্নি দ্বারা যেন লোকসমুদায় দগ্ধ করিতে প্রবৃত্ত হইলেন । ভগবান্ ভবানীনাথ শঙ্করকে সমরসজ্জায় সমুপস্থিত দেখিয়া সমুদ্রগর্ভা সদ্বীপা ধরণী ও ধরাধর অচল পর্বতগণ এবং লোকসমুদায় ভয়ান্ত হইয়া উঠিল । সোম অতিশয় মদ্যাক্ত হইয়াছিলেন, রত্নদ্রের তাদৃশ মূর্ত্তি অবলোকনে কিঞ্চিদ্মাত্র ভীত হইলেন না, বরং বহুধারণ

পূর্বক নক্ষত্র ও অহর সৈন্যে পরিবৃত্ত হইয়া যুদ্ধার্থ উপস্থিত হইলেন । বিশালবলী পিনাকী দিব্যাস্ত্র গ্রহণ করিয়া উভয় সৈন্যমধ্যে অতিশয় ভীষণ হইলেন । হে ভীষ্ম ! যাঁহা হইতে অজস্র প্রাণিপুঞ্জ বিলয় প্রাপ্ত হয়, সেই রুদ্র তীক্ষ্ণায়ুধধারণপূর্বক উগ্ররূপে সমর করিতেছেন, ইহাতে যে কি হইবে, তাহা বলা যায় না ।

এইরূপে যুদ্ধারম্ভ হইলে, উভয় পক্ষ হইতে অগ্নিশিখা অস্ত্রসকল পরিত্যক্ত হইতে লাগিল, তাহাতে ভূরি ভূরি সেনানী নিধন প্রাপ্ত হইল । ঐ যুদ্ধে এরূপ শর বর্ষণ হইতে লাগিল যে, বোধ হয়, উভয় পক্ষেই স্বর্গ মর্ত্য রসাতল ভেদ করিতে কৃতসংকল্প হইয়াছেন । হে নরশ্রেষ্ঠ ! ভগবান্ মহাদেব যেমন ত্রুঙ্ক হইয়া রুদ্রাস্ত্র পরিত্যাগ করিলেন, অমনি সোমও স্বীয় অমোঘবীৰ্য্য সোমাস্ত্র প্রয়োগ চেষ্টা করিতে লাগিলেন । পিতামহ ব্রহ্মা দেখিলেন, এই অস্ত্র-যুদ্ধ বর্ধিত হইয়া জগৎক্ষয়ের কারণ হইতেছে, তখন তিনি দেবগণের সহিত অতি কষ্টে সমরাস্রমে কথঞ্চিৎ প্রবিষ্ট হইয়া সোমকে ভৎসনা করত কহিলেন, হে সোম ! এই জনাস্তকারী সমর তোমা হইতে উদ্ভূত হইয়াছে । তুমি অকারণে কেন লোকক্ষয় করিতেছ ? তুমি পরদারাপহরণ-রূপ অতি ঘৃণিত কৰ্ম্মানুষ্ঠান করিয়া লজ্জিত হইলে না, প্রত્યুত এই ভয়ঙ্কর সংগ্রাম উপস্থিত করিলে ? ক্রান্ত হও ; আমার বাক্যে গুরুভার্য্যা গুরুকে প্রদান কর । তোমার সাধারণ লোকসকলেও নিন্দা করিয়া থাকে, তুমি কি তাহা শুনিতে পাও না ? ব্রহ্মার তাদৃশ বচন আকর্ষণ করিয়া শীতাত্ত সোম লজ্জিত হইলেন এবং তৎক্ষণাৎ সংগ্রাম

পরিত্যাগ পূর্বক বৃহস্পতিকে তারা অর্পণ করিলেন। দেব-  
গুরু বৃহস্পতি স্বীয় পত্নী পুনঃপ্রাপ্ত হইয়া আহ্লাদিত হই-  
লেন। পরে রুদ্রের সহিত স্বভবনে প্রস্থান করিলেন।  
সেই সর্বলোক ভয়াবহ যুদ্ধও প্রতিনিবৃত্ত হইল।

হে ভীষ্ম! সোমের সহবাসে তারার গর্ভসঞ্চার হই-  
য়াছিল, সম্বৎসর পরে তাহা হইতে দ্বাদশ আদিত্যভূল্য  
প্রতাপশালী দিব্যপীতাম্বরপরিধায়ী নানালঙ্কারভূষিত এক  
কুমার ভূমিষ্ঠ হইল। ঐ কুমার বাল্যাবস্থাতেই সর্বশাস্ত্রার্থ-  
বেত্তা, বিদ্বান্ এবং হস্তিশাস্ত্রের প্রবর্তক হইয়াছিলেন।  
তিনি নরপতি সোমের পুত্র বলিয়া রাজকুমার নামে খ্যাত  
হইলেন। তাঁহার নাম বুধ। সেই বলশালী বালক লোক-  
পালদিগের উপরও অতি উগ্রতেজঃ ধারণ করিয়াছিলেন,  
একারণ ব্রহ্মাদি দেবগণ ব্রহ্মর্ষিগণের সহিত মিলিত হইয়া  
তাঁহাকে দেখিবার জন্ম দেবগুরু বৃহস্পতির গৃহে আগমন  
করিলেন। মহাসমারোহসহকারে তাঁহার জাতকর্ম্মসমাধা  
হইল। পরে দেবগণ তারারে জিজ্ঞাসা করিলেন, তোমার  
এই পুত্র কাহার ঔরসজাত? তারা দেবতা সকলের বচন  
আকর্ষণ করিয়া লজ্জাপ্রযুক্ত কোন উত্তর করিলেন না।  
কিন্তু দেবগণ বার বার জিজ্ঞাসা করিতে থাকিলেন, গুরু-  
ভার্য্যা অতিলজ্জিতা হইয়া অতিকষ্টে কহিলেন, এই পুত্র  
সোমের ঔরসসম্ভূত। হে কৌরবশ্রেষ্ঠ! বরাদ্বনা তারা  
এই কথা বলিবামাত্র সোম পুত্রকে গ্রহণ করিলেন, এবং  
তাঁহার বুধ এই নাম করণ করিয়া ভূলোকमध्ये রাজপদে  
প্রতিষ্ঠিত করিলেন। সোম বুধকে এইরূপে সমুদায় ভূপা-  
লবর্গের শ্রেষ্ঠতা প্রদান করিলে, ব্রহ্মাদি দেবগণ ও ব্রহ্মর্ষি-

গণ পরস্পর মিলিত হইয়া তাঁহা হারে গ্রহগণ মধ্যে পরিগণিত করিলেন, অনন্তর সকলে সর্বভূত সমক্ষে তথা হইতে অন্তর্হিত হইলেন ।

হে ভীষ্ম ! সোমনন্দন বুধ পত্নী ইলার উদরে যে পুত্র উৎপাদন করেন, সেই তেজস্বী একশত অশ্বমেধ যজ্ঞের অনুষ্ঠান করিয়াছিলেন । তাঁহার নাম পুরুষবা, এই পুরুষবার শাসনে ভূমণ্ডলস্থ সমস্ত নরপতি তাঁহার পাদপদ্ম সর্বদা বন্দনা করিত । তিনি 'হিমালয় পর্বতের মনোহর শিখরে ভগবান্ পিতামহ ব্রহ্মার আরাধনা করিয়া, সপ্ত-দ্বীপের অধিপতি এবং লোকেশ্বর হইয়াছিলেন । তিনি একরূপ বলবীৰ্য্যাসম্পন্ন যে, কেশী প্রভৃতি অতি উগ্র দানব-গণও তাঁহার ভূত্যত্ব স্বীকার করিয়াছিল । হে বীর ! যাহার রূপলাবণ্যে বিমোহিত হইয়া, স্বর্বেশ্বা উর্বশী পত্নীত্বে স্বীকৃতা হইয়াছিল, লোকহিতৈষী .সেই পুরুষবা মঠৈলবনকাননা সপ্তদ্বীপা ধরণীর ধর্ম্মতঃ পরিপালন করিতেন । তাঁহার কীর্ত্তিকদম্ব স্তম্ভে ও স্তম্ভ পর্য্যন্ত অধিকার করিয়াছিল । ব্রহ্মার অনুগ্রহবশে দেবরাজ ইন্দ্রও তাঁহা হারে অর্দ্ধাসন প্রদান করিতেন এবং ধর্ম্মানুসারে তাঁহার দ্বারা ধর্ম্ম অর্থ কাম ইহার পালন করাইয়া লইতেন । হে শান্তনুনন্দন ! পুরুষবার যশে দিগ্ভ্রমল পরিপূরিত হইলে, একদা ধর্ম্ম অর্থ কাম ইহারা কোতুহলাস্থিত হইয়া তাহা হারে দেখিতে আগমন করিয়াছিলেন । তিনিও ভক্তি ব্রহ্মা সহকারে দিব্যকনক-ভূষণভূষিত তিন খানি আসন আনিয়া তাঁহাদিগকে প্রদান করিলেন এবং অর্ঘ্য ও নৈবেদ্য দ্বারা পূজা করিলে ইহারা সান্তিশয় সম্ভব হইয়া নৃপতিগণে বর দান করিলেন । আরো,

অৰ্ধ নরপতি পুরুষবাকে বন্দনা করিয়া এইরূপ বর দান করিলেন, যে, তোমার অৰ্ধ সমুদায় কদাপি লোভ বশে বিনষ্ট হইবে না । পরে কাম কহিলেন, সৰ্ব্বেশা উৰ্বশী গন্ধমাদন পৰ্বতে কুমার বনে আগমন করিয়া তোমার বশীভূতা হইবে । অনন্তর ধৰ্ম্ম বলিলেন, তুমি চিরায়ু ও ধার্মিক হইবে । হে রাজেন্দ্র ! যাবৎ চন্দ্র সূর্য ও নক্ষত্র-গণ বিদ্যমান থাকিবে, ততদিন তোমার সন্ততিগণ বৃদ্ধি প্রাপ্ত হইবে, এই ভূমণ্ডলে কখনই তোমার বংশবিরাম হইবে না । হে ভূপতে ! তুমি উৰ্বশীর সহিত ষষ্টিবর্ষ কামোপভোগ করিবে এবং সেই অঙ্গরা অচিরাৎ তোমার বশীভূতা হইবে । তোমার এই চরিত্র সমগ্র মন্বন্তর মধ্যে পরিগণিত হইবে, সন্দেহ নাই ।

হে কৌরবাগ্ৰগণ্য ! ধৰ্ম্মাদি এইরূপ কহিয়া তৎক্ষণাৎ তথা হইতে অন্তর্হিত হইলে পুরুষা রাজ্যস্থ অশ্রুভব করিতে লাগিলেন । তিনি অহরহ দেবরাজ পুরন্দরের সহিত সাক্ষাৎ মানসে স্বর্গে যাইতেন । একদিন নরপতি পুরুষা ইন্দ্র ও সোমের সহিত দৰ্শনান্তে পথে প্রত্যাগত হইতেছেন, এমন সময় দেখিতে পাইলেন, কেশিদানব উৰ্বশী ও চিত্রলেখাকে অপহরণ করিয়া আকাশপথে যাইতেছে । তদদর্শনে তিনি অঙ্গরাগণের মোচনেচ্ছায় তাহার সহিত যুদ্ধ করিতে লাগিলেন এবং চক্রাঙ্গ দ্বারা সেই দানব-পরিবারের পরাজয় পূর্বক অঙ্গরাহয়কে পুনরায় ইন্দ্রসমি-ধানে উপস্থিত করিয়া দিলেন । এই কারণেই দেবরাজ তাহার সহিত মিত্রতা স্থাপন করিয়া তাঁহারে উৰ্বশী ভোগ করিতে দেন । ফলতঃ দেবরাজ পাকশাসন সেই অবধি

পুরুষবার সহিত মিত্রতা করিলেন, এবং সম্ভুক্ত হইয়া কহিলেন, তুমি এই উর্বশী প্রভৃতির উদ্ধার করিয়াছ, অতএব কোন সময়ে নিয়ম পূর্বক ইহারে গ্রহণ করিও।

হে রাজন্! কোন সময়ে লক্ষ্মীর স্বয়ম্বর উপলক্ষে পুরুষবা দেবলোকে উপস্থিত হইলে, দেবরাজ ইন্দ্র তাঁহার তুষ্টি জন্য মেনকা, উর্বশী, ও রম্ভা প্রভৃতিকে নৃত্য গীত করিতে আদেশ করিলেন। ইন্দ্রদেশে অম্বরী সকল নৃত্যে প্রবৃত্ত হইল। উর্বশী পুরুষবার রূপলাবণ্যদর্শনে কামার্তা হইয়াছিল, স্তব্রাং অভিনয় বিস্মৃত হইয়া গেল। মঘবান ইন্দ্র তানলয়ভঙ্গকরী উর্বশীকে ক্রোধভরে অভিশাপ করিলেন, তুই ভূমণ্ডলে পঞ্চদশ বর্ষ লতা হইয়া থাকিবি। হে পুরুষবা! তুমিও ইহার সন্নিহিতে পিণ্ড হইয়া থাকিবে। হে নৃপতে! শাপ মোচন হইলে, উর্বশী তোমাতে ভর্তৃরূপে গ্রহণ করিবে। হে কৌরবপ্রবীর! সেই শাপের অবসান হইলে, উর্বশী পুরুষবার পত্নী হইল তাহাকে বৃন্দনন্দন পুরুষবা উর্বশীগর্ভে যে আটটি পুত্র উৎপাদন করিয়াছিলেন, তাহাদের নাম কীৰ্ত্তন করিতেছি শ্রবণ কর।

আয়ু, দৃঢ়ায়ু, অশ্বায়ু, ধনায়ু, ধৃতিমান বহু, দিবিজাত ও সুরায়ু। ইহারা সকলেই দিব্যতেজঃসম্পন্ন ছিলেন। তন্মধ্যে আয়ুর নহুষ, যজ্ঞশর্মা, রজি, দম্ভ, বিদ্যামা এই পাঁচ পুত্র; ইহারা পাঁচ জনেই মহারথী ও বীর। হে ভীষ্ম! রজির আজ্যপা নামে বিখ্যাত একশত পুত্র হইয়াছিল। বিগতকল্মষ আয়ুন্দন রজি, ভগবান্ নারায়ণ বিষ্ণুর প্রসন্নতালাভকামনায় তপোমূর্ত্তান করিলে, বিষ্ণু প্রীত হইয়া মহীপতি রজিকে দেবতা অম্বর ও মনুষ্য প্রভৃতি সমস্ত প্রাণির অজ্ঞেয়তা বর





ইন্দ্রকে প্রদান করত তপস্কার্থ বনে গমন করিলেন । হে ভীষ্ম রজির তপোবলগুণান্বিত যে সমস্ত ঔরগজাত পুত্র ছিল, তাহারা বল দ্বারা ইন্দ্রের পদ, রাজ্য এবং যজ্ঞভাগ সমস্ত আত্মসাৎ করিল । দেবরাজ রজিপুত্রগণ কর্তৃক নিপীড়িত হইয়া, গুরু বৃহস্পতির সমীপে গমন পূর্বক দীনবচনে কহিলেন, হে গুরো ! আমি রজিতনয়গণ দ্বারা অত্যন্ত কষ্ট পাইতেছি । তাহারা যজ্ঞভাগ ও রাজ্য কিছুই আমারে প্রদান করিতেছে না । অতএব হে ধীমণাধিপ বৃহস্পতে ! যাহাতে পুনরায় রাজ্য লাভ হয়, আপনি এরূপ যত্ন করিতে থাকুন । ইন্দ্রের এইরূপ প্রার্থনাবশংবদ হইয়া দেবাচার্য্য বৃহস্পতি গ্রহশাস্তি ও পৌষিক কৰ্ম্ম দ্বারা তাঁহাকে পুনরায় বলদর্পিত করিলেন । বৈদিক বৃহস্পতি স্বয়ং রজিনন্দন-দিগের নিকট গমন করিয়া, জৈনধৰ্ম্মপ্রচারপূর্বক তাহাদিগকে বিমোহিত করিলেন । তাহারা বেদত্রয়পরিভ্রষ্ট হইয়া কেবলমাত্র হেতুবাদধর্ম্মের অনুরাগী হইল । এইরূপে রজিতনয়গণ নিস্তেজ হইলে, দেবরাজ তাহাদিগকে নিরাকৃত করত পুনরায় স্বকীয় অধিকার সমুদায় অধিকার করিলেন ।

হে ভীষ্ম ! এক্ষণে নহুষের বংশবিস্তার কহিতেছি । যযাতি, যাতি, সর্ঘাতি, উদ্ভব, পর, বিযাতি, ও মেঘযাতি এই সাতজন তাঁহার পুত্র, ইহারা সকলেই স্বধর্ম্মপরায়ণ ও বংশবর্দ্ধন । তন্মধ্যে যযাতি ধর্ম্মনিষ্ঠ হইয়া রাজ্য পালন করিয়াছিলেন । বৃষপর্ব্ব নামক দৈত্যরাজের কন্যা শশ্বিষ্ঠা এবং ভৃগুনন্দিনী স্ত্রীত্বাৎ দেবযানি, তাঁহার এই দুই ভার্য্যা ছিলেন । হে বীর ! যযাতির পাঁচটি পুত্র হইয়াছিল । তাহাদের নাম কীর্ত্তন করি, শ্রবণ কর । শুক্রকথা দেব-

যানি যদু ও তুর্কস এই পুত্রদ্বয় প্রসব করিয়াছিলেন, এবং শর্মিষ্ঠা হইতে যযাতির দ্রুহা, অনু ও পুরু এই তিন পুত্র হইয়াছিল। এই পাঁচ পুত্র মধ্যে যদু ও পুরু বংশ-বুদ্ধিশীল। হে পার্শ্বি ব ভীষ্ম ! তুমি যে পুরুবংশে জন্ম-পরিগ্রহ করিয়াছ, পশ্চাৎ সেই বংশবিস্তার কীর্তন করিব, অধুনা যদুবংশ বলিতেছি শ্রবণ কর। যদু হইতে সমস্ত যাদবগণ উৎপন্ন হইয়াছে, ভগবান্ বলদেব ও কৃষ্ণ ভূতার অবতারণ এবং পাণ্ডুকুলের কুশল সাধনার্থ সেই যদুবংশে অবতীর্ণ হইয়াছেন। হে বীর ! যদুর দেবকুমার তুল্য যে অনেক কুমার উৎপন্ন হয়, তাহারা সহস্রজিৎ, রথশ্রেষ্ঠ, ক্রথ, নীল, ও উজ্জিকোবর নামে বিখ্যাত। তন্মধ্যে সহস্র-জিতের পুত্র শতজিৎ এবং শতজিতের হৈহয়, হয় ও উত্তানহয় নামক তিন পুত্র হয়। হে ভীষ্ম ! পূর্বে যে বারাগসীরাজ ধর্ম্মনেত্রের কথা কহিয়াছিলাম, তিনি হৈহয়ের পুত্র। তাঁহার পুত্র ভদ্রাসন। ভদ্রাসনের দুর্দম নামে এক ধার্ম্মিক পুত্র হইয়াছিল। দুর্দমের পুত্র ভীম, তাঁহার পুত্র কনক। কনক অতিশয় বুদ্ধিমান ছিলেন। ইহঁার স্তবর্ণদান সমস্ত লোকमध्ये বিখ্যাত আছে। কৃতাসি, কৃতকর্মা ও কৃতবীৰ্য্য এই তিনজন কনকের পুত্র। এবং কৃতবীৰ্য্যের পুত্র কার্ত্তবীৰ্য্যাজ্জুন। ইহার সহস্র বাহু ছিল এবং এই ভূপতি সপ্তদ্বীপ মধ্যে শ্রেষ্ঠ নরপতি হইয়া-ছিলেন। কার্ত্তবীৰ্য্য বিষ্ণুর প্রসন্নতা কামনা করিয়া দশসহস্র বৎসর ঘোরতর তপস্বী করিলে, পুরুষোত্তম ভগবান্ বিষ্ণু তাঁহার তপস্যায় সন্তুষ্ট হইয়া, তাঁহারে চারটি বর প্রদান করেন। রাজ্যশ্রেষ্ঠ কার্ত্তবীৰ্য্য সর্ব্বাণে বাহুসহস্র বর

প্রার্থনা করেন পরে ধর্মের উল্লেখমাত্র অধর্মের ধ্বংস, সমস্ত ভূমণ্ডলে ধর্মানুসারে প্রজাপালন ও আত্ম অপেক্ষাও অধিক বলবানের বিনাশ, এই বরগুলি প্রার্থনা করিয়া লন। হে ভীষ্ম ! ভূপাল কার্তবীৰ্য্য বিমানারোহণে সপত্নী সপুত্র-বেষ্টিতা সপুত্রীপা পৃথিবী পরিভ্রমণ করিয়াছিলেন। এবং ধর্মানুসারে প্রজাগণের পরিপালন করেন। গন্ধর্ব্ব ও অশ্বরী সকল সর্ব্বদা তাঁহার শুশ্রূষা করিত। তাঁহার যজ্ঞে গন্ধর্ব্বগণ ও দেবর্ষি নারদ এই গাথা গান করিয়াছিলেন যে, কোন ভূপালই কার্তবীৰ্য্য সদৃশ সৌভাগ্য এবং গতি লাভ করিতে পারিবেন না। কলতঃ ভূপতি কার্তবীৰ্য্য যজ্ঞ, দান, তপস্যা, শৌর্য্য, বীৰ্য্য ও বিক্রমে অতুল্য হইয়াছিলেন, পশুবেগের ন্যায় তদীয় স্যান্দন সর্ব্বত্রই বিচরণ করিতে পারিত। সেই নরপতি অশীতি সহস্রবর্ষ রাজ্য পালন করিয়াছিলেন এবং তৎকালে তিনি ভিন্ন অন্য কোন রাজা চক্রবর্তী লক্ষণাক্রান্ত হইতে পারে নাই। হে বীর ! কার্তবীৰ্য্যের শাসনপ্রণালী আর কি কহিব। তিনি পশুপালন ও ক্ষেত্রকর্ম্ম প্রভৃতিও স্বয়ং পরিদর্শন করিতেন। পর্জন্য কেবল জলবর্ষণ করে কিন্তু ইনি সর্ব্বদা ধর্ম্ম অর্থ কাম বর্ষণ দ্বারা লোকসমাজে পর্জন্যের ন্যায় হইয়াছিলেন। যোগী বলিয়া, ইহাঁরে সকলে অর্জুন বলিত। সহস্ররাশি দিবাকরের ন্যায় তাঁহার সহস্র বাহু জ্যাঘাত-কঠিন চর্ম্মে বিভূষিত ছিল। এই মহাদ্রুতি মাহিষ্যতী নগরে মনুষ্যনাম ধারণ করিয়াছিলেন, ইহাঁর বেগ বর্ষাকালীন সমুদ্রের ন্যায়। এই মহীপতি কার্তবীৰ্য্যার্জুন বাহু দ্বারা উশ্মিনালিনী নদীর বেগও প্রতিরোধ করিতেন। ইহাঁর বাহুবলভয়ে নন্দদা

নদী শক্তি হইয়াছিল, এবং মনুবংশে একমাত্র ইনিই সমুদ্রে  
 ক্ষোভিত করিয়াছিলেন । ভূপতিশ্রেষ্ঠ কার্তবীৰ্য্য রমণী-  
 গণের প্রীতিসাধনার্থ হস্ত দ্বারা সাগরবেগ সমুদ্ভাবিত  
 করিতেন । সাগর ইহাঁর বাহুসহস্র দ্বারা ক্ষোভ্যমান হইলে  
 পাতালস্থ দানববৃন্দ যেরূপ সমুদ্রমস্থান কালে মন্দরপর্বত  
 ক্ষোভে চকিত হইয়াছিল, সেইরূপ আশঙ্কিত হইত এবং  
 মহোরগগণের মস্তক নিশ্চল হইয়া যাইত । মহাবীৰ্য্য  
 কার্তবীৰ্য্য ধনুতে জ্যারোপণ করিয়া, পাঁচটি শর দ্বারা  
 লঙ্কাপুরীস্থ রাক্ষসরাজ রাবণকে সবলে মুগ্ধ করত শীঘ্র  
 পরাজয় করিয়াছিলেন এবং বন্ধনপূর্বক মাহিষ্মতী নগরে  
 রাখিয়াছিলেন । হে ভীষ্ম ! রাবণ এইরূপে বন্ধনগ্রস্থ  
 হইলে, পিতামহ ব্রহ্মা তথায় উপনীত হইয়া নৃপতি কার্ত-  
 বীৰ্য্যকে সাস্থনা করত স্বীয় পৌত্র দশকন্ধরকে মুক্ত করিলেন  
 এবং উভয়ের মধ্যতা সংস্থাপন করিয়া দিলেন । তাহার  
 জ্যাঘাতশব্দ, যুগান্তকালীন আবর্তক অনলের স্ফোটিকাঙ্কর  
 অনুকরণ করিত । 'হে কৌরব ! বিধির কি নির্বন্ধ ! ভৃগুকুল-  
 সম্ভূত রাম সেই ভূজবীৰ্য্যসম্পন্ন অৰ্জুনের বাহুসহস্র যুদ্ধে  
 তালবনচ্ছেদনের ন্যায় অবলীলাক্রমে কর্তন করিয়াছিলেন ।  
 এবং সক্রোধে তাঁহারে এইরূপ অভিশাপবাক্য বলিয়া-  
 ছিলেন, হে হৈহেয় ! আমার এরূপ শ্রুত আছে যে, তুমি  
 আমাদিগের তপোবন দগ্ধ করিয়াছ, অতএব তাহার প্রতিফল-  
 স্বরূপ তোমার বাহুসহস্র বিচ্যুত করিতেছি । এই বলিয়া  
 তরস্বী রাম তাঁহার বাহু সমুদয় ছেদন করিয়া ফেলিলেন ।  
 হে পার্শ্বব ! কার্তবীৰ্য্যের বলশালী, শূর, ধর্ম্মপরায়ণ, কৃতান্ত্র  
 ও অরাতিনাশক, পাঁচ পুত্র হইয়াছিল, তাহারা শূরসেন,

শূর, প্ৰসক্ত, কৃষ্ণ ও জয়ধ্বজ নামে বিখ্যাত । তন্মধ্যে জয়ধ্বজের সন্তানের নাম তালজজ্ঞা, এই তালজজ্ঞ্যের এক শত পুত্র হয়, তাহারা তালজজ্ঞা নামে বিখ্যাত হইয়াছিল । হৈহেয়বংশোৎপন্ন মহাত্মা তালজজ্ঞ্যের তনয় বীতিহোত্র, সংজাত, তেজস, তপস এবং ঔণ্ডিক্যেয় । হে ভীষ্ম ! বীতিহোত্রের বলবীৰ্য্যসম্পন্ন অনন্ত নামে সন্তান জন্মে । এবং ইহার দুৰ্জ্জয়, বেধা, মিত্র ও কর্ণ এই কয়েক পুত্র হইয়াছিল । ইহারা পরস্পর সদ্ভাবসম্পন্ন হইয়া, ধৰ্ম্মতঃ প্রজাপালন করত রাজ্যভোগ করিয়াছিলেন । কার্ত্ত-বীৰ্য্যার্জ্জুন বাহুসহস্র ধারণ করিয়া সমাগরা বহুক্ষরা শাসন করিয়াছিলেন । যে মানব প্রতি দিবস প্রাতঃকালে গাত্ৰো-স্থান করিয়া, তাঁহার নাম কীৰ্ত্তন করে, হে রাজেন্দ্র ভীষ্ম ! কদাপি তাঁহার ধনহানি হইবে না, বরঞ্চ বিনষ্ট ধনও পুনঃ-প্রাপ্ত হইবে । যে ধীমান্ মহাবীর কার্ত্তব্যার্য্য অৰ্জ্জুনের নাম কীৰ্ত্তন করেন, তিনি, যজ্ঞদানাদিক্রিয়ানুষ্ঠায়ী ব্যক্তির আয় স্বৰ্গলোকে গমন করিয়া থাকেন ।

## ত্রয়োদশ অধ্যায় ।

পুলস্ত কহিলেন, হে রাজেন্দ্র ভীষ্ম ! অধুনা ক্রোষ্ঠার বংশবিস্তার বলিতেছি, যাহাতে উত্তম উত্তম পুরুষ জন্ম গ্রহণ করিয়াছিলেন । বিষ্ণুকুলধুরন্ধর ভগবান্ বিষ্ণু এই মহৎ বংশেই উৎপন্ন হইয়াছিলেন । ক্রোষ্ঠা বৃজিনীরা নামক পত্নীর পুত্রেরে পুত্র উৎপাদন করিয়াছিলেন, তাহার

নাম শশবিন্দু ; মহাত্মা শশবিন্দু ভূমণ্ডলে প্রসিদ্ধ চক্রবর্তী  
 নরপতি হইয়াছিলেন । লোকালয় তাঁহার নামে কীর্তিত  
 হইত এবং তাহার যে অমৃত পুত্র হয় তাহারা সকলেই  
 ধীমান্, রূপবান্, ধনবান্, ও প্রভাবসম্পন্ন ছিলেন, মহাবল  
 পৃথু ইহাদের সর্বাপেক্ষা শ্রেষ্ঠ । তাঁহার যশঃ, কীর্তি, তেজ  
 ও বল জগতে পরিব্যাপ্ত হইয়াছিল । পুরাণবেত্তারা পুরাণ-  
 মধ্যেও ইহার সৌভাগ্য বর্ণনা করিয়াছেন । ইহার  
 সুষম্ভনামে এক পুত্র হইয়াছিল । হে রাজন্ ! যে ধার্মিক  
 উশনার নামে পৃথিবী বিখ্যাতা হইয়াছিলেন, সেই উশনা  
 সুষম্ভের পুত্র, তিনি একশত অশ্বমেধ যজ্ঞের আহরণ করি-  
 য়াছিলেন । উশনার পুত্র শক্রতাপন তিতিক্ষু তাঁহার তনয়  
 মরুত সমস্ত রাজর্ষিগণमध्ये অতিশয় উত্তম বলিয়া পরি-  
 গণিত । মরুত নৃপতির পুত্র কাম্বলবর্হিণ তিনি অতিশয়  
 পরাক্রমশালী ও অরাতিনাশক ছিলেন । বিবিধ অস্ত্র শস্ত্র  
 দ্বারা সমস্ত শত্রু বিনাশ করিয়া সমগ্র ভূমণ্ডলে একাধিপত্য  
 করেন এবং অশ্বমেধ যজ্ঞে ব্রাহ্মণদিগকে দক্ষিণায় রৌপ্য-  
 কবচ দান করিয়াছিলেন । তাঁহার মহাবীৰ্য্যপরাক্রম রুক্মেষু,  
 পৃথুরুক্স, জ্যামোঘ, (১) পরিঘ এবং হরি এই পাঁচ পুত্র হয় ।  
 তন্মধ্যে তিনি পরিঘ ও হরিকে বিদারদেশে স্থাপিত করিয়া  
 রুক্মেষুরে স্বীয় সাম্রাজ্য প্রদান করেন । পৃথুরুক্স ইহাকেই  
 আশ্রয় করিয়া রাজ্যস্থখ ভোগ করিয়াছিলেন । ইহাদের  
 মধ্যে জ্যামোঘ ধর্মপরায়ণ ছিলেন সুতরাং তিনি রাজ্যভোগে  
 অনিচ্ছা প্রকাশ করিয়া সম্রাট অবলম্বন করেন । তাঁহার  
 পত্নী পতিব্রতা ছিলেন । এ নিমিত্ত তাঁহার সহিত চতুর্থী-

(১) পুস্তকান্তরে জ্যামোঘ বলিয়া কীর্তিত আছে ।

শ্রমে গমন করিয়াছিলেন। জ্যামোঘ ক্ষত্রিয়ধর্ম্মানুসারে ধনু-  
র্বাণমাত্র সঙ্গে লইয়া নর্শদানদীতটে তপোবুষ্ঠান করিতে  
লাগিলেন। কিছু দিন পরে ঋক্ষবান্ পর্বতে স্বীয় আশ্রম  
স্থাপন করিলে তথায় তাঁহার ভাৰ্য্যাও সহচরী হইয়া থাকি-  
লেন। হে ভীষ্ম ! যদিও ইহাঁর পত্নীর সন্তান হয় নাই, তথাপি  
জ্যামোঘ অন্য ভাৰ্য্যা পরিগ্রহ করেন নাই। যাহা হউক,  
ঐ ঋক্ষবান্ পর্বতে দৈবাৎ তাঁহার সহিত দুই জন ব্রাহ্মণের  
যুদ্ধ হইয়াছিল। জ্যামোঘ ক্ষত্রিয়কুলজাত ও যুদ্ধে পটু,  
অতএব ব্রাহ্মণদিগকে পরাজিত করিয়া ইষ্ঠাৎ যুদ্ধস্থলে এক  
কন্যা লাভ করিলেন। অনন্তর সেই কন্যার সঙ্গে লইয়া  
আশ্রমে প্রত্যাগমন পূর্বক ভাৰ্য্যাকে কহিলেন, হে শুচি-  
স্মিতে ! এই কন্যা তোমার বধু হইবে। হে বীর !  
জ্যামোঘের তাদৃশ বচন শ্রবণ এবং কন্যা দর্শন করিয়া তদীয়  
ভাৰ্য্যা কহিলেন, দেব ! এই কন্যা কে ? এবং এ কি  
প্রকারে আমার স্নুমা হইবে ।

জ্যামোঘ কহিলেন, তোমার গর্ভে যে পুত্র উৎপন্ন  
হইবে, এই কামিনী তাহার পত্নী হইবে। হে ভীষ্ম ! সেই  
কন্যার উগ্রতপঃপ্রভাবে জ্যামোঘপত্নী শৈব্যা অচিরকাল  
মধ্যে গর্ভোবতী হইয়া বিদর্ভ নামে পুত্র প্রসব করিলেন।  
অনন্তর সেই কন্যার সহিত বিদর্ভের যথাবিধি পরিণয়  
সমাপ্ত হইলে, কন্যা তাঁহার গুরসে ক্রতু কৌশিক ও লোমপাদ  
এই তিন পুত্র প্রসব করিয়াছিলেন। ইহাদের মধ্যে লোম-  
পাদ পরম ধার্ম্মিক হইয়াছিলেন। হে বীর ! কিছুকাল পরে  
জ্যামোঘতনয় বিদর্ভের যুড়বাণ ও বিশারদ এই দুই পুত্র  
হইয়াছিল। সে যাহা হউক, ধার্ম্মিক লোমপাদের তনয় বজ্র



এবং তাহার সন্তান হেতি নামে বিখ্যাত হইয়াছিলেন । আর  
কৌস্তিকের চেদি নামে যে পুত্র হয়, তাহা হইতে চৈদ্যরাজ-  
গণ জন্ম গ্রহণ করিয়াছিলেন ।

ক্রতুর বিদর্ভনামক পুত্র হইতেই কৌস্তিকের জন্ম হয় ।  
কৌস্তিকের পুত্র ধৃষ্ট, বলশালী পৃষ্ঠ ঐ ধৃষ্টের পুত্র হইয়া-  
ছিল । পৃষ্ঠও শাক্রহস্তা পরমধর্মপরায়ণ নিরুতি নামে এক  
পুত্র উৎপাদন করিয়াছিলেন, ঐ নিরুতির পুত্র দশার্হ তিনি  
পশ্চাৎ বিদূরথ নামে বিখ্যাত হইয়াছিলেন । হে ভীষ্ম !  
দশার্হের পুত্র ব্যোম, ব্যোমের পুত্র জীমূত এবং তাহার পুত্র  
কিবল, বিবলের ভীমরথ নামে পুত্র হইয়াছিল । ভীম-  
রথের নবরথ ( ১ ) নামে পুত্র হয়, তাহার পুত্র দৃঢ়রথ ।  
শকুনি এই দৃঢ়রথের পুত্র হইয়াছিলেন । শকুনি হইতে করন্ত  
উৎপন্ন হয়, করন্তের পুত্র দেবরাত, তাহার পুত্রের নাম দেব-  
রাতী । ইহার মহাযশঃ সর্বত্র বিখ্যাত হইয়াছিল । দেব-  
কুমারতুল্য স্ককুমার, দেবতা ও নক্ষত্রদিগের আনন্দবর্দ্ধন  
মহাতেজস্বী মধু দেবরাতীর পুত্র, ইহার পুত্র যুবরথ ।  
তাহার অপত্য দেবরথ, পুরুষোত্তম পুরু দেবরথের সন্তান  
হইয়াছিলেন । তাহার ভার্য্যা ভদ্রবতী, তিনি পুরুষ ঔরসে  
পুনর্বর্ষ নামে সন্তান প্রসব করিয়াছিলেন । ইহার ভার্য্যার  
নাম বেত্রকীয়া । তাহার গর্ভে জন্তুর জন্ম হয় । জন্তুর  
সন্তানের নাম সত্ত্বত, ইহা হইতে কীর্তিবর্দ্ধন সাত্ত্বত উৎপন্ন  
হইয়াছিলেন । ইহার পত্নীর নাম কৌশল্যা । হে শান্তশু-  
নন্দন ! মহাত্মা জ্যামোঘের এই বংশাবিস্তার বর্ণনা করি-  
লাম । সোমবংশের মধ্যে ইনি একজন প্রজাবান্ বলিয়া

( ১ ) পুস্তকান্তরে বিরথ বলিয়া কীর্তিত হইয়াছে ।

বিখ্যাত হইয়াছিলেন । ইদানীং অন্য বিবরণ বলিতেছি শ্রবণ কর ।

কৌশল্যার সত্ৰসম্পন্ন ভজমান, দেবায়ুত, অঙ্কক ও বিষ্ণু এই চার সন্তান উৎপন্ন হয় । তাহাদের ও চার পুত্রজন্মে, বিস্তারিত রূপে তাহাদের বিষয় বলিতেছি, শ্রবণ কর । ভজমানের ভার্য্যা স্বজয়ী স্বজয় নামে সন্তান ও হেতুনামী কন্যা প্রসব করিয়াছিলেন । ঐ দুই ভ্রাতা ভগিনী হইতে অনেক সন্তান সন্ততি উৎপন্ন হইয়াছিল । হেতুর গর্ভে অবভূথ, বিনয়, কৃপণ, বিষ্ণি, পরম্পরজয় ইত্যাদি প্রভূত সন্তান হইয়াছিল । তন্মধ্যে অবভূথ অপুত্রক ছিলেন । একারণ সন্তান কামনা করিয়া দুষ্কর তপস্যাচরণ করিতে লাগিলেন । তিনি আমার একটা সন্তান হউক, এইরূপ কামনা করিয়া রথারোহণে গঙ্গাতীরে উপস্থিত হইলেন, তথায় কেবল গঙ্গাজল পান পূর্বক বহুকাল তপস্যাচরণে গত করিলেন । হে কৌরবপ্রবর ! এদিকে গঙ্গা অবভূথের সেইরূপ তপোানুষ্ঠান দেখিয়া চিন্তা করিতে লাগিলেন, যে, এই রাজার অপত্য নাই বলিয়া ইনি এই দুষ্কর কৰ্ম্মে ব্রতী হইয়াছেন, কিন্তু এরূপ রমণী দেখিতে পাই না, যাহাতে ইহার অভিলষিত অপত্য উৎপন্ন হইতে পারে । তবে আমি স্বয়ং ইহার স্তম্ভপ্রদা কামিনী হই । অনন্তর গঙ্গা হৃন্দররূপসম্পন্ন কুমারী-মূর্তি ধারণ করিয়া তাঁহার সহিত সঙ্গতা হইলেন । হে রাজন্ ! কালক্রমে জাহ্নবী গঙ্গা গর্ভবতী হইলেন তিনি নয়-মাস গর্ভধারণপূর্বক সর্বগুণসম্পন্ন সূর্য্যভূলাদ্যাতিশালী এক কুমার প্রসব করিলেন । ঐ কুমার দেবভূথ নামে বিখ্যাত হইয়াছিলেন । যদুবংশে বাহার পুরাণবেতা ও

পুরাণগায়ক বলিয়া বিখ্যাত হইয়াছেন, সেই মহাত্মার সর্বত্র এই দেবভূষণের গুণ কীর্তন করিয়া থাকেন । আমরাও দূর হইতে দেবভূষণের যে রূপ গুণানুবাদ শুনিয়াছিলাম, তাহার সমীপস্থ হইয়া তদনুরূপ সমুদায় প্রত্যক্ষ করিয়াছি । হে ভীষ্ম ! তাহার পত্নী বক্র মনুষ্যগণমধ্যে শ্রেষ্ঠ ; আর দেবভূষণ মনুষ্য হইয়াও দেবতুল্য ছিলেন । দেবভূষণ স্মরণ কার্য্যে বক্রতে সপ্তযষ্টি সহস্র সন্তান উৎপাদন করিয়াছিলেন । কিন্তু তাহারা সকলেই অকালে কালকবলে পতিত হইয়াছিল । কোন সময়ে ভীষ্মতপপরায়ণ যজ্ঞদান-সম্পন্ন দৃঢ়ব্রত মহাতেজস্বী রূপবান্ ব্রাহ্মণগণ তথায় উপনীত হইয়া জায়া পতিরে আশীর্ব্বাদ করিলে তাহাদের সনকা নামে এক কন্যা উৎপন্ন হয় । এবং সনকাও যে চার সন্তান প্রসব করে, তন্মধ্যে সর্ব্বকনিষ্ঠ পুনর্ব্বসু বিদ্বান্, ধার্ম্মিক ও যজ্ঞকারী হইয়াছিলেন । পুনর্ব্বসুর অন্ধক ও বাহুক নামে দুই সন্তান হইয়াছিল, সকলে তাহাদিগকে শ্রেষ্ঠ বুদ্ধিমান্ বলিত । হে ভীষ্ম ! এই দুই ভ্রাতার অতিরসাত্মক উদাহরণশ্লোকও তৎকালে এইরূপে পঠিত হইত যে, ইহাদের ঋষি সত্যবাদী তেজস্বী সহস্র সহস্র যজ্ঞকর্ত্তা অকালমৃত্যুনিবারক বিদ্বান্ আর এখন কাহাকেও দেখিতে পাওয়া যায় না । ইহাদের বংশও আছকাসর পর্য্যন্ত বিস্তৃত হইয়াছে ।

হে ভীষ্ম ! অতঃপর আছকের বংশবিস্তার বলিতেছি, শ্রবণ কর । আছক অবস্তিরাজের ভগিনীর পানিগ্রহণ করিয়াছিলেন, তাহার গর্ভে এক কন্যা উৎপন্ন হইয়াছিল, সেই কন্যা দেবক ও উগ্রসেন নামে দেবকুমার সদৃশ দুই

পুত্র প্রসব করে। তন্মধ্যে দেবকের কয়েকটি সন্তান হয়। তাহারা দেববান্, উপদেব ও সদেব নামে বিখ্যাত ; দেবগণ সৰ্ব্বদা তাহাদিগের প্রতি প্রসন্ন ছিলেন। তাহাদের দেবকী, সূতদেবী, যশোদা, শিবা, স্ত্রীদেবী, সপ্তদেবী এবং সুরাপেয়ী নামে সাত ভগিনী হইয়াছিল। হে কৌরব ! উগ্রসেনের নয় সন্তান, তাহাদের মধ্যে কংস সৰ্ব্বপ্রধান। কংসের অগ্রোধ, সুনামা, কঙ্ক, শঙ্কর, গ্রহ, অলংভূ, রাজ্যপাল, বন্ধমুষ্টি, ও সমুষ্টি নামে পুত্র জন্মিয়াছিল। এবং ইহাদের ভগিনীদিগের নামও বলিতেছি ; তাহারা কংশাবতী, সুরভী, রাষ্ট্রপানী, কঙ্কাবেদী ও বরাজ্জনা ইত্যাদি বহু নামে প্রসিদ্ধ ছিল। কংসের সন্তানগণ মধ্যে অগ্রোধের ভজমান নামে এক সন্তান হয়, তাহার দুই সন্তান, রথমুখ্য ও বিদূরথ। রথমুখ্যের সন্তান রাজাধিদেব ও বিদূরথের অপত্য শূর নামে বিখ্যাত হইয়াছিল। রাজাধিদেবের শোণাখ্য ও শ্বেতবাহন এই দুই সন্তান হয়। ইহারা সৰ্ব্বদা ব্রতপরায়ণ ও বীর বলিয়া পরিগণিত ছিল। শশা গদশৰ্ম্মা জীমূত চক্র শক্রজিৎ ইহারা শোণাস্যের সন্তান। হে ভীষ্ম ! ইহারা সকলেই রণবিশারদ ছিলেন। তন্মধ্যে শশার অপত্য প্রতিক্র, তাহার তনয় ভোজ, ভোজের পুত্র হৃদিক। হৃদিকের ভীম পরাক্রম দশটি পুত্র হয়। তন্মধ্যে কৃতবৰ্ম্মা জ্যেষ্ঠ ও শতধন্বা সপ্তম বলিয়া বিখ্যাত হইয়াছিল। অজ্ঞাত বিজ্ঞাত করকণ্ঠ করন্তক ও মহাবলপরাক্রম সূতার্থও হৃদিকের পুত্র। হে বীর ! দেবাহের কন্দলবর্হিষ নামে বিদ্বান্ পুত্র জন্মে, তাহার পুত্র অসমৌজ ও গোময়। অসমৌজার পরম ধার্মিক বিক্রান্ত তিন পুত্র হয়। তাহারা হৃদংশ,

চরাংশ ও কৃষ্ণ এই তিন নামে বিখ্যাত । হে ভীষ্ম ! অন্ধক  
দিগের এই বংশবিবরণ তোমারে কহিলাম । যে ব্যক্তি  
নিরন্তর এই বিষয় কীর্তন করে, তাহার বিপুল বংশ ও প্রজা  
বিস্তার হইতে থাকে ।

ক্রোষ্ঠার গান্ধারী ও মাদ্রী নামে যে দুই ভাৰ্য্যা ছিল,  
তন্মধ্যে গান্ধারী মিত্রবৰ্দ্ধন স্মিত্র নামে এক পুত্র প্রসব  
করিয়াছিলেন আর মাদ্রীর স্বধাজিত বৈদেহী অনমিত্র শিবি  
প্রভৃতি সন্তান হইয়াছিল । তন্মধ্যে অনমিত্রের পুত্র নিম্ন,  
ইহার প্রসেন শক্তিসেন এই দুই পুত্র মহাবলবীৰ্য্যসম্পন্ন  
ছিল । হে ভীষ্ম ! প্রসেনের অতুল্যম স্যমন্তক নামে এক  
মণিরত্ন ছিল, যাহাকে ভূমণ্ডলে রত্নরাজ বলিয়া থাকিত ।  
ভগবান্ গোবিন্দ ঐ মণি পরিজ্ঞাত হইয়া, বারংবার প্রসে-  
নের নিকট তাহা প্রার্থনা কারলেন, কিন্তু কোন মতে কৃত-  
কার্য্য হইতে পারিলেন না । উহার নিকট হইতে মণি  
হরণ করিতে সমর্থ না হইয়া কি উপায়ে উহা প্রস্তুত হইবে  
সৰ্ব্বদা এই চিন্তা করিতে লাগিলেন । কোন সময়ে প্রসেন  
ঐ মণিরত্নে বিভূষিত হইয়া অরণ্যে যুগয়া করিতে গমন  
করিলেন । তথায় মণিহরণোদ্যত কৃষ্ণকে অবলোকন করত  
ক্রোধাবিস্ট চিত্তে মণিপারিত্যাগপূৰ্ব্বক তাঁহার বিনাশ চেষ্টা  
করিতে লাগিলেন এবং শক্ররূপী দুৰাত্মা কেশবের বিনাশ  
করি এইরূপ কহিয়া বাণ প্রয়োগ করিলে ভগবান্ কৃষ্ণ তথা  
হইতে অন্তর্হিত হইলেন ।

তদনন্তর প্রসেন পাছে কৃষ্ণ স্যমন্তক মণি হরণ করেন  
এই আশঙ্কায় উহা কণ্ঠে সংলগ্ন করিয়া দীর্ঘকাল নিবিড়  
অরণ্য মধ্যে যুগয়া করিতে লাগিলেন । এইরূপে ক্রমে

ক্রমে দূরবন মধ্যে প্রবিষ্ট হইলে, দৈবাৎ তথায় একটা সিংহ আসিয়া প্রসেনকে আক্রমণ করিল এবং সিংহের তীক্ষ্ণ নখরাঘাতে প্রসেনের প্রাণবিয়োগ হইলে ঐ মণি ও যুতদেহ সেখানে পড়িয়া রহিল । হে ভীষ্ম ! সেই সময়ে জাম্ববান কোন কার্য্য ব্যপদেশে পাতাল হইতে উত্থিত হইয়া তথায় যুগয়া করিতে আসিলেন । দেখিলেন প্রসেনের যুতদেহ ভূতলে পতিত রহিয়াছে এবং সিংহও তৎসন্নিধানে উপবিষ্ট হইয়া গর্জন করিতেছে । একটি মণি অগ্নির ন্যায় জ্বলিতেছে । জাম্ববান্ প্রজ্বলিত মণি দর্শনে বিস্মিত হইয়া সিংহকে বিনাশ পূর্ব্বক মণি গ্রহণ করিয়া বিলমধ্যে প্রবিষ্ট হইল । এদিকে সমস্ত দ্বারকাবাসী বহুদিনপর্য্যন্ত প্রসেনকে না দেখিয়া কৃষ্ণের উপর এইরূপ দোষারোপ করিতে লাগিল, যে স্যমন্তক মণিতে কৃষ্ণের লোভ আছে, উনি কোন মতে উহা গ্রহণ করিতে পারেন নাই, বোধ হয় তজ্জন্ম প্রসেনকে বিনষ্ট করিয়াছেন, নতুবা বহুদিবস হইল, কেন প্রসেনকে দেখিতে পাই না ? হে কৌরবপ্রবর ! দ্বারকার সর্ব্বত্র ঘোষিত এই অপবাদ বাক্য ভগবানের কর্ণগোচর হইলে, তিনি তৎক্ষণাৎ খড়্গপাণি হইয়া মণির উদ্দেশে অরণ্যে প্রবেশ করিলেন এবং ক্রমে ক্রমে সেই বিলের সমীপে উপস্থিত হইয়া শুনিলেন, ঋক্ষরাজ জাম্ববান্ ঐ মণি লইয়া ক্রীড়া করিতেছে । হে বীর ! দ্বারকাবাসীদিগের অপবাদবাক্যে ভগবান্ ক্রুদ্ধ অতিশয় বিষন্ন ছিলেন, মণির উদ্দেশ পাইয়া একবারে ক্রোধে অধীর ও রক্তলোচন হইয়া খড়্গ হস্তে সেই বিল-মধ্যে প্রবিষ্ট হইলেন এবং মহাবীৰ্য্য ঋক্ষরাজ জাম্ববানকে

স্বীয় অমোঘতেজ ও কোপদৃষ্টি দ্বারা ভস্ম করিতে উদ্যত হইলে, জাম্ববান্ অতি বিনীত বাক্যে তাহার নানাপ্রকার স্তব করিতে লাগিল। অনন্তর ভগবান্ বিষ্ণু তাহার স্তবে তুষ্ট হইয়া কহিলেন, তুমি স্যামন্তক অপহরণ করিয়া আমারে অপবাদগ্রস্ত করিয়াছ। এই চক্র দ্বারা তোমার শিরশ্ছেদন করিব, আমি এইরূপ মানস করিয়াছি। পরন্তু তোমার অকপট স্তুতি বাক্যে আমার অন্তঃকরণ পরমাচ্ছাদে পরিপূরিত হইয়াছে, তুমি শ্রদ্ধা জীবন ব্যতীত অন্য যাহা কিছু প্রার্থনা করিবে, আমি তাহাই সম্প্রদান করিতে প্রস্তুত আছি।

জাম্ববান্ কহিল, হে প্রভো! আপনি অবিলম্বে চক্র দ্বারা আমার প্রাণ সংহার করুন, কিন্তু আমি আপনার নিকট এই প্রার্থনা করিতেছি, সিংহের নিকট যে প্রসেনের স্যামন্তক মণি লাভ করিয়াছিলাম, আমি বিনষ্ট হইলে আপনি আমার দুহিতার পাণিগ্রহণপূর্বক ঐ মণি লইয়া স্বস্থানে প্রস্থান করিবেন। হে ভীষ্ম! পরে মহাবাহু কেশব জাম্ববানের বাক্যে সন্মত হইয়া তৎক্ষণাৎ স্বীয় চক্রে তাহার মন্তক ছেদন করিলেন এবং কৃতকার্য হইয়া মণি ও কন্যা লইয়া স্বস্থানে প্রত্যাগত হইলেন। অনন্তর ভগবান্ হরি যাদবসভায় উপস্থিত হইয়া সর্বসমক্ষে সত্রাজিৎ রাজাকে ঐ মণিরত্ন প্রদান করিলেন। পূর্বে যে তাহার মিথ্যা অপবাদ হইয়াছিল এই অনুষ্ঠানে তিনি সেই অপবাদ হইতে মুক্ত হইলেন। পরে সমস্ত বাদবগণ কহিলেন, ভগবন্! আপনি প্রসেনের নিকট বারংবার এই মণি প্রার্থনা করায় আমাদেয় হৃদোধ হইয়াছিল যে, আপনি উহারে সংহার করিয়া-

ছেন, কিন্তু আপনি জাম্ববানের কন্যা ও মণি আনিয়াছেন ইহাতে বোধ হইল যে প্রসেন যথার্থই সিংহাহত হইয়া বিনষ্ট হইয়াছে। আর আপনারে যে মিথ্যাপবাদে দূষিত করা গিয়াছে আপনি তাহা হইতেও বিমোচিত হইলেন। হে ভোগ্য! প্রসেনের এক শত সন্তান হইয়াছিল, তাহারা একরূপ সৌন্দর্য্যসম্পন্ন ছিল যে, পরস্পর রূপলাবণ্যে পরস্পরকে পরাভূত করিয়াছিল, সকলেই মহাবীর্য্যসম্পন্ন তন্মধ্যে ভঙ্গাকার সর্বজ্যেষ্ঠ বলিয়া বিখ্যাত। কিন্তু ইতঃপূর্বে তাহাদের যে ভয়ী হয়, তাহার গর্ত্তে প্রতাপবান্ শিনি জন্মগ্রহণ করিয়াছিলেন। ইহার পুত্র অসংগাযুঃ, তাহার পুত্র যুগন্ধর। ইহার সর্বত্রই শৈশব বলিয়া বিখ্যাত।

হে রাজেন্দ্র! বৃষ্ণিবংশমধ্যে অনমিত্রের অন্বয় অতিশয় প্রসিদ্ধ। সেই বংশোৎপন্ন জয়ন্ত, জয়ন্তী নামে এক ভাৰ্য্যা পরিগ্রহ করিয়াছিলেন। তাহার গর্ত্তে যে একটি সুন্দর পুত্র উৎপন্ন হয়, তিনি অতিশয় ধীর, বজ্রকর্তা, অতিধিপ্রিয় ও বেদজ্ঞ ছিলেন। তাঁহা হইতে অক্রুর উৎপন্ন হইয়াছিলেন। তাঁহার স্বদক্ষ, বিদক্ষ ও কণু এই তিন পুত্র। অক্রুর শৈব্যা নামে যে কন্যা উৎপাদন করেন, তাঁহার মহাবলশালী একাদশ পুত্র হইয়াছিল। তাহারা উপালন্ত, উদানন্ত, উৎকল, বার্ষ, শৈশব, শবীধর, সদাপ্রেক্ষ, শক্রস, চারুতেজা, ধর্ম্মদাক্ষ, ধর্ম্মাত্মা এই নামে বিখ্যাত ও সকলেই রত্নসমূহের আহর্তা হইয়াছিল। হে বীর! অক্রুরের দেবসেনা নামে যে পত্নী ছিল, তিনি সেই পত্নীতে হরবর্দ্ধন ও নন্দন এই দুই পুত্র উৎপাদন করিয়াছিলেন। তাঁহারা



উভয়েই দেবতুল্য-ক্ষমতাশালী ছিলেন । তন্মধ্যে সুরবর্দ্ধন  
অগ্নিনীর গর্ভে যে দ্বাদশ পুত্র উৎপাদন করেন, তাঁহারা  
পৃথু, বিপৃথু, অশ্বখামা, অস্বাহ, অস্বাৰ্হ, গবেষণ, অপরী, অধর্ম্মা,  
অভূমি, বহুভূমি, অবিষ্ঠা, অস্বরিত, এই নামে বিখ্যাত  
হইয়াছিলেন । ইহাদের মধ্যে অস্বাৰ্হ হইতে ঐক্ষ্বাকী  
শ্যেন নামে একটি অদ্ভুত পুত্র প্রসব করে, তাহা হইতে  
ভোজার গর্ভে দশটি পুত্র জন্মে । তন্মধ্যে বহুদেবই সর্ব-  
প্রধান এবং ইহার অপর এক নাম আনকহুন্দুভি ছিল ।  
তৎপরে দেবভাগ, দেবশ্রবা, অনাধ্বষ্টি, কুলিন, নন্দিন, সূহৃদ-  
যশা, শ্যাম, শমীক, সপ্তার্চি, ইহারা জন্মগ্রহণ করিয়াছিলেন ।  
আর, ইহার ঐশ্বকীর্তি, পৃথা, ঐশ্বদেবী, ঐশ্বশ্রবা ও  
রাজাধিদেবী এই পাঁচ কন্যা হয় । তাঁহারা সকলেই বীর-  
পুত্রগণ প্রসব করিয়াছিলেন । তাহাদের মধ্যে ঐশ্বদেবী,  
রুতের ঔরসে তুর্বস্বকে প্রসব করেন । কৈক ঐশ্বকীর্তির  
গর্ভে সৈন্ধবনামক পুত্র উৎপাদন করে । এবং চৈদ্যরাজ  
হইতে ঐশ্বশ্রবার গর্ভে সুনীথের জন্ম হয় । রাজাধিদেবীও  
শক্রমর্দন ধর্ম্মপরায়ণ পুত্র প্রসব করিয়াছিল । হে বীর !  
শ্যেন স্বীয় কন্যা পৃথারে কুন্তীভোজ নৃপতিকে দত্তক প্রদান  
করেন । একারণ পৃথাও কুন্তী নামে বিখ্যাত হন । আর  
আনকহুন্দুভি বহুদেব বলিয়া সর্বত্র প্রসিদ্ধ হইয়াছিলেন ।  
যাহা হউক, কুন্তীভোজ ভূপতি ঐ কন্যাটী কুরুবংশীয় পাণ্ডু-  
রাজাকে প্রদান করেন এবং তাঁহার দেবতা হইতে মহারথ  
তিনটি পুত্র উৎপন্ন হয় । তন্মধ্যে ধার্ম্মিকাগ্রগণ্য যুধিষ্ঠির  
ধর্ম্ম হইতে, বৃকোদর বায়ু হইতে এবং শক্রতুল্য প্রতাপবান্  
অর্জুন ইস্র হইতে উৎপন্ন হইয়াছিলেন । পাণ্ডুর এই তিন

পুত্রই সৰ্ব্বদা দেবকার্য্যে রত ও সৰ্ব্বদানবঘাতক ছিলেন । দেবরাজ ইন্দ্র যে সকল দানব বিনষ্ট করিতে পারেন নাই ; অৰ্জ্জুন অবলীলাক্রমে সেই সকলের সংহার করিয়া, দেবলোকে শক্রশব্দ সংস্থাপনপূৰ্ব্বক লক্ষপ্রতিষ্ঠা হইয়াছিলেন । হে কৌরবেন্দ্র ! বায়ুদেব কৃষ্ণ ও অৰ্জ্জুন ইহারা মৰ্ত্ত্যলোকে পারিজাত কুসুম আনয়ন করেন, এবং উভয়ে ভূভার হরণ করিয়া পুনরায় স্বস্থানে প্রস্থান করিয়াছিলেন । কুন্তীর সপত্নী মাদ্রী পাণ্ডুর নিমিত্ত অশ্বিনীকুমার হইতে নকুল ও সহদেব নামে দুই পুত্র প্রসব করিয়াছিলেন । তাঁহারা স্তরূপ ও সহগুণাশ্রিত ছিলেন ।

হে ভীষ্ম ! বিখ্যাত পুরুবংশে রোহিণী নামে যে কন্যা হয়, তিনি আনকছুন্দুভির পত্নী ; তাঁহার রাম, শারণ, দুর্দম, দম, পিণ্ডারক ও মহাহনু নামে কয়েকটি পুত্র হইয়াছিল । উপদেবী মহাভাগ্যসম্পন্ন বিজয়, রোচমান, বর্দ্ধমান ও দেবল এই সকল পুত্র প্রসব করেন । আর, বৃহদেবীতে মহাত্মা অগারহা ও বৃকদেবীতে স্বয়ং অন্ধক জন্মগ্রহণ করেন । হে নৃপ ! শ্রাদ্ধদেবীতে মহাবলবান গবেষণ এবং বৈশ্ণাতে কৌষিক উদ্ভূত হইয়াছিলেন । রাজ্ঞী শ্রুতশ্রবা দেবস্তব ও কপিল নামে দুই পুত্র প্রসব করেন । উহারা প্রথমে নিষাদ হইয়া পশ্চাৎ বহুদেবের পুত্র হইয়াছিল । বহুদেবের দেবভাগ নামে যে পুত্র হয়, তাহার পুত্র প্রস্তার ও বুধ এবং দেবস্তবের পুত্র পণ্ডিত ও বাহু নামে বিখ্যাত হয় । যাহা হউক, শ্রদ্ধা ইক্ষ্বাকুল হইতে অপত্যলাভের কামনা পরিত্যাগ করিলে, কৃষ্ণ তাহার প্রতি প্রসন্ন হইয়া শত পুত্র লাভ বর দিয়াছিলেন । ঐ বরপ্রভাবে উহার শত পুত্র হয়, তন্মধ্যে

অচন্দ ও মহাভাগ অতিশয় বীর্যবান্ ও মহাবলসম্পন্ন হইয়াছিল। অন্ধকের রতিপালমুদ ও বিশ্ব এই দুই পুত্র জন্মে এবং সমীকের বিরজা, ধনু, সমস্ত, সমঞ্জয়, হেম, ইত্যাদি মহাবলশালী সন্তানগণ উৎপন্ন হয়। তন্মধ্যে হেমের সন্তান সন্ততি হয় নাই এবং ধনঞ্জয় স্বীয় তপোবলপ্রভাবে রাজর্ষি হইয়াছিলেন।

হে কৌরবেন্দ্র ! ভগবান্ কৃষ্ণের জন্মাভ্যুদয় যে ব্যক্তি অহরহঃ কীৰ্ত্তন কিম্বা শ্রবণ করে, তাহার সমস্ত পাপমোচন হয়। দেবদেব কৃষ্ণ বিহারবাসনায় শরীরপরিগ্রহ করিয়া মর্ত্য লোকে অবতীর্ণ হইয়াছিলেন। সেই পুরুষোত্তম ভগবান্ দেবকী ও বসুদেবের তপঃপ্রভাবেই দেবকীর গর্ভে জন্ম পরিগ্রহ করেন। জন্মকালীন তাঁহার চতুর্ভুজ শ্রীবৎসচিহ্নসংযুক্ত দিব্য দেহ হইয়াছিল। হে বীর ! বসুদেব স্বীয় তনয়ের তাদৃশ দিব্যরূপ লক্ষণ দেখিয়া কহিলেন, হে প্রভো ! আপনার এই রূপ সংহার কর। হে দেব ! আমি সর্বদা কংসের দৌরাস্ত্রে ভীত হইয়াছি, ঐ ছুরাত্মা আমার মহাবলবিক্রম ছয়টি সন্তানকে বিনষ্ট করিয়াছে, তোমার এপ্রকার মহৎ তেজ দেখিলে, সে কদাপি তোমাতে জীবিত রাখিবে না। আমি তজ্জগুই তোমায় দিব্যরূপ সংবরণ করিতে বলিতেছি। বসুদেবের বাক্য আকর্ষণ করিয়া ভগবান্ আপনার সেইরূপ সংহার করিলেন এবং অলক্ষ্য বাক্যে তাঁহারে এই উপদেশ দিলেন, তুমি আমাকে নন্দগোপ গৃহে রাখিয়া আইস। নন্দগোপপত্নীকে প্রদান করিয়া বলিবে, এই বালকের রক্ষা কর, ইনি রক্ষিত হইলে সমস্ত মহাবীরের সর্বপ্রকার কল্যাণ হইবে। হে সৌম্য ! দেবকী

গর্ভসম্ভূত এই বালক দুষ্ক কংসের বিনাশ করিবেন, ইনি যতদিন ভ্রমণে থাকিবেন, তাবৎ পৃথিবীর ভার সংহার পূর্বক মঙ্গল সাধন করিবেন । ধরণীতে যে সমস্ত দুষ্ক রাজ্য বিদ্যমান আছে, ইনি সেই সমুদায় বিনষ্ট করিয়া পৃথিবী নিরুপদ্রবা করিবেন । আর কৌরবদিগের যুদ্ধে যখন সমস্ত ক্রত্বিগের সমাগম হইবে, তখন ইনি স্বয়ং অর্জুনের সারথ্য কর্ম করিয়া, ক্রত্বশূন্য বহুধরা ভোগ করত পরিশেষে সমুদায় যত্নকুলের সহিত দেবলোকে গমন করিবেন ।

ভীষ্ম কহিলেন, হে ভগবন্ ! বহুদেব কে ? যশস্বিনী দেবকীই বা কে ? নন্দগোপ কে ? এবং যশোদাই বা কে ? হে গুরো ! যিনি ভগবান বিষ্ণুর লালন পালন করিয়াছিলেন, এবং যাহারে ভগবানও মাতৃসম্বোধন করেন, তিনি ত সামান্য ভাগ্যবতী স্ত্রী নহেন, এবং যিনি ইহাঁরে গর্ভে ধারণ করেন, তাঁহার সৌভাগ্যের কথা কি কহিব ! আর যিনি ইহাঁর পুষ্টি সাধন করিয়াছেন, আনি তাঁহার বিষয়ও জানিতে ইচ্ছা করি ।

পুলস্ত্য কহিলেন, হে ভীষ্ম ! আদৌ কশ্যপ নামে যে পুরুষ হইয়াছিলেন, তিনিই এই বহুদেব এবং তাঁহার প্রিয়া অদিতীই দেবকী । কশ্যপ পরব্রহ্মের অঙ্গ এবং অদিতী পৃথিবী স্বরূপ । কোন সময়ে কশ্যপ ভাৰ্য্যার প্রতি প্রসন্ন হইয়া তাঁহার অতিলাষ পূরণ করিয়াছিলেন, একারণ অদিতী দেবকী ও যশোদা হইয়া সম্ভানরূপে ভগবানের প্রসব ও লালন পালন করিয়াছেন । হে বীর ! তুমি যে সকল কথা শুনিবার প্রার্থনা করিয়াছিলে, তাহা

হে কৌরবেন্দ্র ! এক্ষণে ভগবান কৃষ্ণের বংশাবলী বলিতেছি, শ্রবণ কর । ভীষ্মকরাজকন্যা রুক্মিণী মহাত্মা কৃষ্ণের প্রথম ভার্য্যা । তৎপরে তিনি সত্যভামা, শৈব্য, গান্ধারী, লক্ষ্মণা, সুধামা, মাদ্রী, কোশলা ও বিরজা প্রভৃতি ষোড়শ সহস্র রমণীর পানিগ্রহণ করেন । তন্মধ্যে রুক্মিণী চারুদেব, প্রহ্লাদ, অচ্যুত, চারুভদ্র, অদেব, হুম্ব, পুরুষ, চারুতপ্ত, চারুভদ্র, চারুক, চারুহাস এই সকল পুত্র প্রসব করেন । ইহারা সকলে যুদ্ধবিশারদ ও শূর ছিলেন । এতদ্ভিন্ন, রুক্মিণীর চারুমতীনাম্নী এক কন্যা হয় । রুক্মিণীর পুত্রদিগের মধ্যে চারুদেব ও প্রহ্লাদ অতিশয় প্রসিদ্ধ । সত্যভামার সহ, ভীমরথ, ক্ষণ এই কয় পুত্র হয় । কনিষ্ঠা সুধামা রোহিত, দীপ্তিমান, তাত্ত্ববন্ধ, জলন্ধন এই চার সন্তান প্রসব করিয়াছিলেন । আর জাম্ববতীর পুত্রের নাম শাম্ব । ইনি শৌর শাস্ত্রের প্রকাশ কর্তা এবং ঈর্ষা হইতে যত্নকুলনির্মূলনকর মুঘল উৎপন্ন হয় । ইনি পূর্বে কুষ্ঠরোগাক্রান্ত ছিলেন, পরে ভাস্করের প্রসন্নতায় রোগচ্যুত হইয়া দিব্য শোভন রূপ ধারণ করিয়াছিলেন । হে বীর ! কৃষ্ণের মহিষী নাগজিহী হইতে অমিত্র, চারুমিত্র, মিত্রবিন্দ, বরাশন, মিত্রবাহু ও সুনীথের জন্ম হয় । এই রূপে বহুসহস্র পুত্র হয় । তাহাদের প্রত্যেকেরই বহুসহস্র পুত্র পৌত্র হইয়াছিল । ভূরীন্দ্রসেন ও ভূরি ইহারা গবেষণের পুত্র এবং প্রহ্লাদের বৈদর্ভীনাম্নী পত্নীতে বুদ্ধিসন্তমের উৎপত্তি হয় । মীনকেতনের যুদ্ধবিশারদ অনিরুদ্ধ নামে সন্তান হইয়াছিল ।

যাদবগণের সংখ্যা তিনকোটি এবং ষষ্টিশতসহস্র ।

ছিলেন । দেবাসুরযুদ্ধে যে সমস্ত অসুর বিনষ্ট হইয়াছিল তাহারা মনুষ্যরূপে এই যুদ্ধকূলে জন্ম পরিগ্রহ করে । আর পুণ্যশীল ব্যক্তিবৃন্দও এই যুদ্ধকূলে উৎপন্ন হইয়া সুখভোগ করিয়াছিলেন । যে সকল ব্যক্তি এই মহৎ যত্নবংশে জন্মিয়াছেন, ভগবান্ বিষ্ণু ইহাদের নায়ক হইয়া সকলের যথাবিধি সংস্থাপন করিয়াছিলেন, অবশেষে ভগবান্, ঐ সকল যুদ্ধকুল দ্বারা ভূমি ভারাক্রান্ত হইতেছে, ইহা বিবেচনা করিয়া সকলের সংহার করেন । হে ভীষ্ম ! দৈত্যগণ ভূতলে অবতীর্ণ হইয়া প্রাণী সমুদায়কে পীড়িত করিতে থাকিলে, ভগবান্ বিষ্ণু তাহাদের বিনাশসাধনार्থ সমস্ত দেবতাকে মর্ত্যলোকে অবতীর্ণ হইতে আদেশ করিলেন । তাঁহার আজ্ঞামাত্র মণ্ডার্খি-বিন্দ, মনুগণ, দেবর্ষিগণ ও ধনুন্তরিপ্রভৃতি মর্ত্যদেহে জন্মপরিগ্রহ করিলে, সেই আদিদেব বিষ্ণু মনুষ্যবিগ্রহপরিগ্রহপূর্বক তাঁহাদের সহিত মিলিত হইয়া, দুই দৈত্যদিগকে বিনাশ ও ভূভার মোচন করিয়াছিলেন ।

ভীষ্ম কহিলেন, হে গুরো ! ভগবান্ কি কারণে দেবগণ সহ ব্রাহ্মণ ক্ষত্রিয় যোনিতে জন্মগ্রহণ করিয়া, ভূমণ্ডলে অবতীর্ণ হইয়া থাকেন, এইরূপ জন্মপরিগ্রহ করিয়া কি কারণে যুদ্ধে প্রবৃত্ত হন এবং কি কারণেই বা মনুষ্যদেহ ধারণ করেন ? এই সমস্ত যথাবিধি বর্ণনা করুন ।

পুনশ্চ কহিলেন, হে ভীষ্ম ! যখন সমস্ত প্রাণীর ভয়ঙ্কর কাল সমুপস্থিত হয়, তখন দেবদানবমনুষ্যপরিপূর্ণ ভূমণ্ডল ক্লিষ্টমান হইলে, ভগবান্ বিষ্ণু মনুষ্যলোকে অবতীর্ণ হইয়া থাকেন । পূর্বের হিরণ্যকশিপু দৈত্য অতিশয় উদ্ধত হইয়া ত্রিলোকের প্রাণিপুঞ্জের আণনাশক হইয়াছিল ।

সেই দৈত্য স্বীয় বল দ্বারা লোকত্রয় পরাজয় করিলে, দেবতাদিগের সহিত দৈত্যগণের দোরতর যুদ্ধ হইয়াছিল । ঐ ঘোরতর দেবাসুরসংগ্রাম দশযুগ ব্যাপিয়া হয় । তৎকালে সমস্ত জগৎ দৈত্যগণ দ্বারা ব্যাকুল হইয়া উঠিলে, তাহারা সমস্ত প্রাণীর উপর আত্মনিদেশ স্থাপিত করিতে লাগিল । এইপ্রকারে দৈত্যকুল ধর্ম্মের নিম্নূল করিলে, ভগবান্ হরি ধর্ম্মব্যবস্থাপন করিবার নিমিত্ত মনুষ্যরূপে অবতীর্ণ হইয়া থাকেন ।

ভীষ্ম কহিলেন, হে স্তত্রত ! ভগবান্ বিষ্ণু দেবাসুরের নিমিত্ত কিরূপে অবতীর্ণ হইয়াছিলেন ? এবং কি প্রকারেই বা দেবতা ও অসুর মধ্যে যুদ্ধঘটনা হইয়াছিল ? আপনি যথাযথ সেই সকল প্রকাশ করুন ।

পুলস্ত্য কহিলেন, ভীষ্ম ! যখন জগতের নিমিত্ত দেবতা ও অসুরদিগের মধ্যে সুদারুণ সংগ্রাম উপস্থিত হয়, তখন ভগবান্ বিষ্ণু পৃথক পৃথক রূপে অবতীর্ণ হইয়া থাকেন । সেই সমস্ত অবতারের নাম সংক্ষেপে বলিতেছি, শ্রবণ কর । ভগবান্ সর্ব্বাণ্ডে নরসিংহরূপ ধারণ করিয়াছিলেন । তৎপরে দ্বিতীয়বার বামন মূর্ত্তি, তৃতীয়বার বরাহ, চতুর্থবার অমৃত-মন্ডনরূপে অবতীর্ণ হন । যে সময় ঘোরতর তারকাময় সংগ্রাম হয়, তখন তিনি সংগ্রামরূপ ধারণ করেন এবং তাঁহার ষষ্ঠ মূর্ত্তির নাম আনীরক ও সপ্তম ত্রৈপুর বলিয়া বিখ্যাত । হে কৌরব ! ভগবান্ বিষ্ণু নরসিংহ অবতার গ্রহণ করিয়া হিরণ্যকশিপু দৈত্যের বিনাশ করেন । এবং বামনরূপ পরিগ্রহ করিয়া ত্রৈলোক্য আক্রমণপূর্ব্বক বলি-রাজাকে বধ করিয়াছিলেন । যে হিরণ্যাক্ষ দৈত্য সর্ব্বদা

দেবগণের সহিত প্রতিবাদ করিত, তিনি দুর্গমধ্যে তাহার নিধন এবং বরাহ অবতার গ্রহণ করিয়া দংষ্ট্রা দ্বারা সাগরকে দ্বিখণ্ডে বিভক্ত করিয়াছিলেন। হে বীর ! এইপ্রকারে ভগবানের ভিন্ন ভিন্ন অবতার দ্বারা জগতের ভিন্ন ভিন্ন কার্য সম্পন্ন হইয়া থাকে। দেবরাজ ইন্দ্র তাঁহার প্রসাদে অমৃত-মন্ডনসময়ে প্রহ্লাদ প্রভৃতি দৈত্যদিগকে যুদ্ধে পরাজিত করিয়াছিলেন। প্রহ্লাদনন্দন বিরোচন সর্বদা ইন্দ্রের নিধন কাগনা করিতেন, কিন্তু তারকাময় সংগ্রাম সমুপস্থিত হইলে, ইন্দ্র দ্বারা বিনষ্ট হইয়াছিলেন।

ভায় ! পূর্বে যে সমস্ত দানব দুর্বৃত্ত হইয়া ত্রিপুরে বাস করিয়াছিল, ত্র্যম্বক ত্রিপুরারি তাহাদিগকে বিনষ্ট করিয়াছিলেন। তিনি ত্রিপুরমধ্যে অশুর পিশাচ দানব অন্ধক প্রভৃতি যে সকল দেববৈরী ছিল, সমস্তই নিধন করিয়াছিলেন। অনন্তর ত্রিভুবনের ভয়দায়ক বুত্রাসুর উৎপন্ন হইল। সে দেব মানব এবং পিতৃলোকের উদ্বেগ জন্মাইতে আরম্ভ করিলে, সমস্ত লোক তাহার ভয়ে ব্যাকুল হইয়া পড়িল। সেই সময় দেবরাজ ইন্দ্র ভগবানের সহায়ে বুত্রাসুরকে নিপাতিত করিলেন। এবং তিনি তাঁহারই সহায়ে কৃতধ্বজ নামক দুষ্তাসুর বিনষ্ট করিয়াছিলেন। হে কৌরব ! দৈত্য হিরণ্যকশিপু দুই অর্কবৃন্দ বাহান্তর অযুত ও আশী হাজার বৎসর জগতে আধিপত্য করিয়াছিল। রাজা বলি এক অর্কবৃন্দ বিংশতি নিযুত ষষ্টি সহস্র বৎসর রাজ্য ভোগ করিয়াছিল। দৈত্যরাজ বলির রাজ্যভোগপরিমাণ অনুসারে প্রহ্লাদও সমস্ত দৈত্যের সহিত রাজত্ব করিয়াছেন। ঐ সময়ে ইন্দ্র উৎপন্ন হইয়াছিল। অশুরদিগের বলবীৰ্য্য



মহর্ষি বেদব্যাঙ্গ-প্রণাত

# পদ্যপুরাণ।

বাক্যলিপি গদ্যানুবাদ।

শ্রীজহরলাল লাহা কর্তৃক সংগৃহীত ও তৎকর্তৃক

৩০ নং নিম্নগোসাইর লেন হইতে প্রকাশিত।

দ্বাবিংশ ও ত্রয়োবিংশ খণ্ড।

কলিকাতা

ঘোড়াসাঁকো শিবকৃষ্ণদাঁর লেন

এবং জ্যোতিষ যন্ত্রে শ্রীগোপালচন্দ্র ঘোষাল দ্বারা

মুদ্রিত।

১২৮৯ লাস।

## পদ্মপুরাণমং ক্রান্ত কয়েকটী নিয়ম ।

১ম। প্রত্যেক মাসে তিন বা চারি খণ্ড ৮ পেজি করমের তিন ফর্ম্মার  
৭০ ছই আনা মূল্যে প্রকাশ করা যাইবে।

২য়। দৈবজ্ঞানে মাসিক প্রকাশ না হইলে, অল্প মাসে তাহা পূরণ  
করিয়া দেওয়া যাইবে।

৩য়। যিনি নাম স্বাক্ষর করিয়া এক খণ্ডও গ্রহণ করিবেন, তাঁহাকে  
সম্পূর্ণ পুস্তকের দায়ী থাকিতে হইবে।

৪র্থ। আমরা স্বেচ্ছাক্রমে পুস্তক প্রকাশ না করিলে, গ্রাহকগণের নিকট  
হইতে প্রদত্ত খণ্ড সকল ফেরত লইয়া, তাঁহাদের দত্ত মূল্য তাঁহাদিগকে  
প্রত্যর্পণ করিতে বাধ্য রহিলাম।

৫ম। ছই খণ্ডের অধিক মূল্য কেহই হাতে রাখিতে পারিবেন না। ছই  
খণ্ডের অতিরিক্ত বাকী পড়িলে, প্রত্যেক খণ্ডে ৮০ হিঃ আদায় করা যাইবে।  
নূ নামিক ১২ টাকায় পুস্তক শেষ করা যাইবে।

৬ষ্ঠ। অগ্রিম ১৮ এক টাকা না পাঠাইলে, মফঃস্বলস্থ গ্রাহকগণকে  
পুস্তক দেওয়া যাইবে না। তাঁহাদিগকে অতিরিক্ত ডাকমাণ্ডল দিতে হইবে  
না। এক টাকা মূল্যের পুস্তক পাইলে তাঁহারা পুনরায় অগ্রিম এক টাকা  
করিয়া পাঠাইবেন।

৭ম। বাহারা টিকিট দ্বারা মূল্য প্রেরণ করিবেন, তাঁহাদিগকে টাকা প্রতি  
৮০ এক আনা কমিশন দিতে হইবে। কারণ স্ট্যাম্পবিক্রয়কালে আমাদিগকেও  
ঐ নিয়মে বাঁটা দিতে হয়।

৮ম। আমাদের স্বাক্ষরিত বিল না লইয়া গ্রাহকগণ কাহাকে মূল্য দিলে  
তজ্জন্ত দায়ী হইব না ইতি।

কলিকাতা } প্রকাশক  
৬০ নং নিম্‌গোঁসায়ের লেন } শ্রীজহরলাল লাহা ।

ভগবান্ কর্তৃক বিনষ্ট হইলে, ইন্দ্র তাঁহার অনুগ্রহে পুনরায় ইন্দ্রহ্লাভ করিয়াছিলেন। এইরূপে ইন্দ্র পুনর্ব্বার স্বাধিকার প্রাপ্ত হইলে, দত্ত দৈত্যদিগকে পরিত্যাগ করিয়া দেবগণের নিকট গমন করিল। দৈত্যগণ যজ্ঞকে যাইতে দেখিয়া, আপনাদিগের গুরু শুক্রাচার্য্যাকে কহিল, ইন্দ্র আমাদের রাজ্য অপহরণ করিয়াছে এবং দত্ত ও আমাদিগকে পরিত্যাগ করিয়া সুরগণের আশ্রয় লইয়াছে, অধুনা আমরা আর এখানে থাকিতে পারি না, রসাতলে প্রবেশ করি। হে ভীষ্ম ! দৈত্যগুরু তপস্বিরাজ কাব্য তাহাদের এই বাক্য শ্রবণে দীনভাবাপন্ন দৈত্যগণকে কহিলেন, তোমাদের ভয় নাই, তোমরা বিমগ্ন হইও না, আমি আপনার তেজ দ্বারা তোমাদের পালিত শ্রী পুনরায় আনিতেছি, আমি তোমাদের জন্ত যথাসর্ব্বশ্ব প্রদান করিতে পারি। দেবগণ শুক্রাচার্য্যের বাক্য শ্রবণপূর্ব্বক একবারে সমস্ত দৈত্যকুল নিশ্চল করিতে বাসনা করিয়া তাহাদিগকে যুদ্ধার্থে আহ্বান করিলেন। শুক্রাচার্য্যও দৈত্যদিগকে কহিলেন, তোমরা যুদ্ধে গমন কর, তোমাদের গমন সফল হউক এবং তোমরা অভিলাষানুরূপ যুদ্ধ জয় করিতে থাক। হে রাজন্ ! ভগবান্ দেবগণের উপর অনুকূল হইয়াছিলেন, হুতরাং দৈত্যগণ তাঁহাদের কোন অনিষ্ট করিতে পারিল না। দেবগণ অতিশয় ক্রুদ্ধ হইয়া তাহাদিগকে বিনষ্ট করিতে আরম্ভ করিলে, তাহারা শীঘ্র শীঘ্র গুরু কাব্য সমিধানে সমাগত হইল। অনন্তর শুক্রাচার্য্য দেবাদিত দৈত্যগণকে পলায়মান অবলোকন করিয়া, তাহাদিগের রক্ষা বিধান করিলেন। দেবগণ ভগবানের তেজ দ্বারা শঙ্কানু হইয়াছিলেন, কাব্যসম্মুখে অবস্থিতি করিতে

লাগিলেন। শুক্রাচার্য্য বিবেচনা করিলেন, ইন্দ্রাদি দেবগণ তেজ দ্বারা বর্দ্ধিত হইয়াছেন, অতএব আমিও যোগবলে দেত্যগণের বৃদ্ধি করিতেছি। এই চিন্তাপর হইয়া তাহাই করিলেন। তখন বিপ্রচিন্তি প্রভৃতি দানবগণ ধ্বজসংযুক্ত চিহ্ন প্রকাশ করিয়া অতিশয় হুট হইয়া উঠিল। পরে দেব দানবগণ উভয়েই জয়কোলাহল করিয়া পরিরত হইতে লাগিল। অনন্তর দৈত্যগুরু কাব্য স্বীয় যোগবলে অগ্নি আধান করিয়া, দানবদিগের অরাতিনিপাতন নিমিত্ত বজ্র আরম্ভ করিলেন। এবং অনলে আহুতি প্রদান করিবামাত্র তাহা হইতে ঘোরদর্শন ভদ্রকালী উদ্ভিতা হইলেন। তাঁহার লোচনযুগল অতি ভয়ানক, হস্তে খড়্গ এবং সামর্থ্য অতিশয় প্রবল। তিনি স্বীয় তেজে সমস্ত জগৎ পরিব্যাপ্ত করিয়া তৎক্ষণাৎ ইন্দ্রকে বশীভূত করিলেন। দেবগণ ভদ্রকালী কর্তৃক ইন্দ্রকে বশীভূত হইতে দেখিয়া ভয়ে পলায়ন করিতে লাগিলেন। এই রূপে দেবতারূন্দ পলায়ন করিলে, ভগবান্ বিষ্ণু ইন্দ্রকে সম্বোধন করিয়া কহিলেন, হে সুরসত্তম ! তুমি মদীয় শরীরে প্রবেশ কর, তাহা হইলে তোমাদের সকলের কুশল হইবে। বিষ্ণু দেবরাজকে এইরূপ কহিলে, পুরন্দর বিষ্ণুর দেহে প্রবেশ করিলেন। দেবী ভদ্রকালীও ইন্দ্রকে বিষ্ণু-কর্তৃক পরিরক্ষিত দেখিয়া সক্রোধে কহিলেন, সমস্ত প্রাণিপুঞ্জ আমার তপোবল দেখুক, এই আমি মঘবান্ ইন্দ্রকে বিষ্ণুর সহিত ভক্ষণ করিতেছি। হে কৌরব ! ভদ্রকালী এইরূপ বলিলে, দেবরাজ ও বিষ্ণু উভয়েই ভয়ে বিহ্বল হইলেন। পরে ভগবান্ বিষ্ণু ইন্দ্রকে কহিলেন, এক্ষণে আমি কিরূপে তোমার মোচন করিতে পারি ? ইন্দ্র বলি-

লেন, হে প্রভো! যাবৎ এই দেবীর ক্রোধানল আপনারে দগ্ধ না করে, তাবৎ আমারে পরিত্যাগ করুন। বিশেষতঃ, আমি ইহার রোষদর্শনে অভিভূত হইয়াছি, আপনি আর বিলম্ব করিবেন না, ইহারে শীঘ্র বিনাশ করুন। ভগবান্ বিষ্ণু ভয়াঙ্কিত হইয়াছিলেন। তিনি সেই দেবীর ক্রুর চেষ্টা দেখিয়া, ক্ষিপ্ৰকারিতাপ্রদর্শনপূর্বক সক্রোধে শস্ত্র গ্রহণ করিয়া তাঁহার মস্তক ছেদন করিয়া ফেলিলেন। মহর্ষি ভৃগু স্বচক্ষে স্ত্রীবধদর্শন করিয়া ক্রুদ্ধ হইলেন এবং স্ত্রীবধ-নিমিত্ত ভগবান্ বিষ্ণুরে অভিশাপ প্রদানপূর্বক কহিলেন, যেহেতু আপনি ধর্ম্মজ্ঞ, এবং স্ত্রীবধ ধর্ম্মবিগর্হিত, ইহাও আপনার বিদিত আছে, সেইহেতু এই স্ত্রীবধজনিত পাপে আপনারে মনুষ্য্যযোনিতে উৎপন্ন হইতে হইবে। হে ভীষ্ম! যখন সংসারে ধর্ম্মবিপ্লব উপস্থিত হয়, তখন ভগবান্ বিষ্ণু ভৃগুর অভিশাপবশতঃ লোকের হিতসাধনার্থ পুনঃ পুনঃ মানুষমধ্যে অবতীর্ণ হইয়া থাকেন।

শুক্ৰাচার্য্য ভগবান বিষ্ণুকে এইপ্রকার অভিশাপ প্রদান করিয়া স্বয়ং সেই ছিন্ন মস্তক হস্তে গ্রহণ পূর্বক মৃতকায়ে সংলগ্ন করিয়া কহিলেন, হে দেবি! তুমি বিষ্ণু দ্বারা ছেদিত হইয়াছ, কিন্তু আমি তোমারে জীবিত করিতেছি। আমি সত্য বলিতেছি, যদি আমার সরহস্ত সমগ্র ধর্ম্মে জ্ঞান থাকে এবং যদি আমি বিশেষরূপ ধর্ম্মাচরণ করিয়া থাকি, তবে তুমি আমার সেই সত্য অনুসারে জীবিতা হও। এই বলিয়া মৃতদেহে শীতল জল প্রক্ষেপণ পূর্বক কহিলেন, জীবিতা হও। শুক্তের বাক্যে ভদ্রকালী জীবন প্রাপ্ত হইয়া পুনরায় ইন্দ্রের প্রতি ধাবমান হইলেন। ভদ্রকালীর তাদৃশী চেষ্টা

দেখিয়া ইন্দ্রাদি অমরগণ ত্রাসিত হইতে লাগিলেন, শুক্রাচার্য্যও সেই দেবীকে সাস্তুনা করিয়া গৃহে গমন করিলেন ।

অনন্তর দেবরাজ ইন্দ্র জয়ন্তীকে কহিলেন, হে পুত্রি ! এই দৈত্যগুরু শুক্রাচার্য্য মদীয় অনিষ্টসাধনার্থে স্তূদারূপ ত্রত অবলম্বন করিয়াছেন, আমি তদীয় ত্রতপ্রভাবে অতিশয় ব্যাকুল হইয়াছি । হে আয়তলোচনে ! তুমি সত্বর তথায় গমন করিয়া, সেই মতিমানদিগের শ্রেষ্ঠ কাব্যকে মোহাভিভূত কর । হে পুত্রিকে ! তুমি মনোমুগ্ধ উপচার দ্বারা তাঁহার সংকার এবং সর্বদা ইন্দ্রিয়ক্ষোভকর এপ্রকার কোমল মধুর বাক্য বিচার করিবে যে, সেই দ্বিজশ্রেষ্ঠ কাব্য তোমার প্রতি যেন সন্তুষ্ট হইতে পারেন । আমি তোমায় শুক্রাচার্য্যকে প্রদান করিলাম, তুমি তথায় যাইয়া আমার কার্য্যসাধন জন্য বস্ত্র করিতে থাক । হে ভীষ্ম ! দেবী জয়ন্তী দেবরাজ ইন্দ্রকে, এইরূপ হইবে, ইহা কহিয়া তদীয় উপদেশবাক্য গ্রহণ পূর্ব্বক, যে স্থানে গোর ধূনপানত্রত আরম্ভ করিয়া শুক্রাচার্য্য অবস্থিতি করিতেছিলেন, তথায় গমন করিলেন । সেখানে উপস্থিত হইয়া দেখিলেন, শুক্রাচার্য্য অদোমুখ হইয়া যত্নপূর্ব্বক খড়্গধার হইতে নিপতিত ধূমকণা ভক্ষণ করিতেছেন । দেবী জয়ন্তী শত্রু কধুম্বভোজী দুর্ব্বলগাত্র যোগাবলম্বনস্থিত কাব্যকে দেখিয়া আহলাদিতান্তঃকরণে তাঁহার সন্মুখে উপস্থিতা হইলেন । এবং পিতা ইন্দ্র তাঁহারে যেপ্রকার উপদেশবাক্য বলিয়াছিলেন, তিনি তদ্রূপে সংগীত-কীৰ্ত্তন ও অনুকূলবাক্যবিচারপ্রভৃতি অনুষ্ঠান দ্বারা শুক্রাচার্য্যের উপাসনা করিতে লাগিলেন । হে কৌরব ! এইরূপে সহস্র বৎসর অতীত হইলে, যখন শুক্রাচার্য্যের সেই আরম্ভ

কঠোর ধূম্রব্রত পরিপূর্ণ হইল, তখন ভগবান্ ভব উপস্থিত হইয়া, তাঁহাংরে বরদান দ্বারা সন্তুষ্ট করিলেন ।

মহেশ্বর কহিলেন, হে ভৃগুনন্দন ! এই কঠোর ব্রতচরণ একমাত্র তোমা দ্বারা অনুষ্ঠিত হইল, অদ্যাপি কেহই এ ব্রত করিতে পারে নাই, একারণ তোমার প্রতি পরিতুষ্ট হইয়া তোমাংরে এই বর দিতেছি, তুমি সর্ব্বথা তপস্যা, মন্ত্রণা, বেদ-জ্ঞান, দম ও তেজ দ্বারা সমুদায় দেবতা হইতে একমাত্র শ্রেষ্ঠ হইবে । হে ব্রহ্মন্ ! তোমাংরে আর অধিক কি বলিব, আমাতে যে সমস্ত গুণ আছে, তুমি অনায়াসে সেই সমুদায় বিদিত হইবে । হে কাব্য ! তুমি আর কোন ভাবনা করিও না, যেহেতু তুমি সংসারমধ্যে অবধ্য হইয়া থাকিবে । হে ভীষ্ম ! ভগবান্ মহেশ্বর ভৃগুতনয় শুক্রাচার্য্যকে এই বর দান করিয়া, পুনরায় তাঁহাকে প্রজেশ্বর, ধনেশ্বর ও অমরত্ব বর প্রদান করিলেন । কাব্য মহাদেবের নিকট এই সমস্ত বর লাভ করিয়া আছ্লাদে রোমাঞ্চিত হইলেন, এবং সেই দেবাধিপতি নীলকণ্ঠ মহেশ্বর-সন্নিধানে বিনয়নম্র-প্রণত-ভাবে বদ্ধাঞ্জলি হইয়া রহিলেন । তদনন্তর ভগবান্ ভব তথা হইতে অন্তর্হিত হইলে, শুক্রাচার্য্য সেই দেবীরে কহিলেন, হে স্তভগে ! তুমি কে ? কাহার পত্নী ? তুমি কি নিমিত্ত আমার ছুঃখে ছুঃখিতা হইয়াছ ? তুমি তেজঃ ও তপঃ-সম্পন্না হইয়া কি কারণেই বা আমাংরে রক্ষা করিতেছ ? হে স্ত্রোত্রোনি ! আমি তোমার বিনয়, ভক্তি ও মমতাগুণে এবং স্নেহে সাতিশয় সন্তুষ্ট হইয়াছি । হে বরবর্ণিনি ! তুমি আমার নিকটে কি প্রার্থনা কর ? তোমার মনোগত অভিলাষ কি ? তাহা প্রকাশ কর । হে বরারোহে ! তোমার কামনা যদ্যপি

ছুকর হয়, আমি যথাসাধ্য তাহা সম্পন্ন করিতে অন্যথা করিব না ।

হে ভীষ্ম! দেবী জয়ন্তী শুক্রাচার্য্যের বাক্য শ্রবণ করিয়া কহিলেন, ব্রহ্মন্ ! আপনি তপঃপ্রভাবে আমার চেষ্ঠা পরিজ্ঞাত হইয়া যথায়থ আদেশ করুন । শুক্র তাঁহার এতাদৃশ বাক্য শ্রবণে দৈবচক্ষু দ্বারা তদায় চেষ্ঠা পরিদর্শন পূর্বক কহিলেন, হে সুষ্রোণি ! আমি তোমার মনোগত অভিপ্রায় অবগত হইয়াছি । হে ভাবিনি ! তুমি দশবর্ষ সর্বভূতের অদৃশ্য হইয়া আমার সহিত সহবাস করিতে ইচ্ছা করিতেছ । হে বরারোহে ! হে বামলোচনে ! হে ইন্দীবরশ্যামে ! হে দেবি ! মধুরভাষিনি ! যদি তোমার এরূপ মত হয়, তবে আমার গৃহে গমন কর । হে মত্তকাসিনি ! আমিও তোমার কামনা পূর্ণ করিতে সম্মত আছি । হে কৌরব ! জয়ন্তী সম্মতা হইলে, ভার্গবউশনা তাঁহার সহিত গৃহে আগমন পূর্বক মায়াপ্রভাবে সর্ব প্রাণীর অদৃশ্য হইয়া, বিহার করিতে লাগিলেন । এদিকে দিতিনন্দন দানবগণ কৃতকৃতার্থ হইয়া, সেই শংসিত ব্রত ভার্গবকে দেখিবার নিমিত্ত আহ্লাদে তাঁহার গৃহে গমন করিল । শুক্রাচার্য্য জয়ন্তীমায়ায় আবৃত হইয়াছিলেন, দানবেরা তথায় উপস্থিত হইয়া তাঁহাকে দেখিতে পাইল না । অনন্তর দৈত্যগণ ভার্গবের তাদৃশ লক্ষণ পরিজ্ঞাত হইয়া এইরূপ বিবেচনা করিল, গুরু শুক্রাচার্য্য অদ্যাপি তপস্যা হইতে প্রতিনিবৃত্ত হন নাই ।

হে ভীষ্ম! এই সময়ে দেবগণ, অঙ্গিরাতনয় গুরু বৃহস্পতিকে কহিলেন, ব্রহ্মন্ ! শুক্রাচার্য্য অন্তর্হিত হইয়াছেন, অধনা দানবদিগকে পরাজিত করিবার উপায় বলন । এবং



আপনি স্বয়ং তথায় উপস্থিত হইয়া এরূপ অনুষ্ঠান করুন, যাহাতে দানবেরা আপনাদিগের আত্মীয় বন্ধুবান্ধবগণের সহিত শীঘ্র মোহ প্রাপ্ত হয়। বৃহস্পতি দেবগণের বাক্য শ্রবণ করিয়া বলিলেন, এই আমি সেখানে যাইতেছি। তোমাদের অভিলাষানুরূপ কার্য সাধন করিব, সন্দেহনাই। অনন্তর দেবগুরু বৃহস্পতি যোগবলে শুক্রাচার্য্যরূপ ধারণ-পূর্বক অম্বরভবনে উপস্থিত হইয়া, দানবদিগের পোরোহিত্য কার্য্য অবলম্বন করত তথায় অবস্থিতি করিতে লাগিলেন। এদিকে দৈত্যগুরু উশনা দেবী জয়ন্তীর সহিত সহবাস করিয়া শতবর্ষ অতীত হইলে, পুনরায় দানবসভায় সমাগত হইলেন। তৎকালে শুক্ররূপধারা বৃহস্পতি তথায় উপবিষ্ট ছিলেন। অম্বরগণ বহিরাগত অন্য এক শুক্রাচার্য্যকে অবলোকন পূর্বক স্তম্ভহৎ কৌতূহলাক্রান্ত হইল। এবং এই বিষয়ের কি কর্তব্য, এই উপায় চিন্তা করিতে লাগিল। পরস্পর এইরূপ বলাবলি করিতে লাগিল, আমাদের গুরু শুক্রাচার্য্য এই সভায় উপবিষ্ট রহিয়াছেন, কিন্তু তদ্রূপধর অন্য এক জন আবার এদিকে আসিতেছেন। এক্ষণে এই উপবিষ্ট গুরুকেই বা কি বলা যায় এবং যিনি আসিতেছেন ইহাকেই বা কি বলি ?

হে কৌরব ! অম্বরগণ পরস্পর এইরূপ বাক্য জল্পনা করিতেছে, ইতিমধ্যে শুক্রাচার্য্য দানবসভায় সমাগত হইয়া দেখিলেন, বৃহস্পতি তাহার রূপ ধারণ করিয়া সভামধ্যে আসীন আছেন। তিনি তদর্শনে ক্রুদ্ধ হইয়া কহিলেন, তুমি কি নিমিত্ত এখানে আসিয়াছ ? এবং কি কারণেই বা শিষ্য সকলকে মোহিত করিতেছ ? ব্রহ্মন ! এই দানবেরা মূর্খ, তুমি

যে নিমিত্ত এখানে আসিয়াছ, ইহারা তাহার কিছুই জানে না, অগত্যা তোমার কুহকে আচ্ছন্ন হইয়া পড়িয়াছে ; কিন্তু তোমার একাৰ্য্য যুক্তিযুক্ত হয় নাই। ভীষ্ম ! ভার্গব স্বীয়স্বরূপ-ধর বৃহস্পতিকে এই কথা বলিয়া পুনঃ পুনঃ হাস্ত করত কহিতে লাগিলেন, পৃথিবীমণ্ডলে যে সমুদায় তক্ষর আছে, তাহারা কেবল পরদ্রব্যের অপহরণকারী চোর, কিন্তু এতাদৃশ পরদেহাপহারী তক্ষর কুত্ৰাপি দৃষ্ট হয় না। পূর্বে দেবরাজ ইন্দ্র বৃত্রাসুর নিপাত করিয়া ব্রহ্মহত্যাপাপে পরিলিপ্ত হইয়াছিলেন। তুমি ইহা লোকাযত্নিক শাস্ত্র দ্বারা তিরস্কৃত করিয়াছিলে ? আমি তোমাতে বিশেষরূপে জানি, তুমি সেই অঙ্গিরাতনয় দেবাচার্য্য বৃহস্পতি ; তুমি মদীয় রূপ গ্রহণ করিয়া এই সভা প্রাপ্ত হইয়াছ। দানবগণও সকলে তোমাতে শুক্র বলিয়া দেখিতেছে। কিন্তু তুমি দেবতা-দিগের হিতসাধন জন্মাই ইহাদিগকে বঞ্চনা করিয়াছ, সন্দেহ নাই। যাহা হউক, হে মহাভাগ ! তুমি ইহাদের শত্রুপক্ষীয় লোক অতএব ইহাদিগকে পরিত্যাগ কর।

ভীষ্ম ! শুক্রাচার্য্য দেবগুরু বৃহস্পতিকে এইরূপ কহিয়া দৈত্যরাজকে লক্ষ্য করিয়া কহিলেন, অহে দৈত্যরাজ ! তুমি আমার শিষ্য, কিন্তু অন্ধ হইয়া আমায়ে চিনিতে পারিলে না, ইনি তোমাদের যেরূপে পৌরহিত্য কার্য্যে নিযুক্ত হইয়াছেন, তাহা বলিতেছি। আমি ইতি পূর্বে সলিলমধ্যস্থ হইয়াছিলাম, মহাদেব শস্ত্র জলের সহিত আমায়ে পান করিয়াছিলেন। আমি সহস্র বৎসর পর্য্যন্ত তদীয় উদরে বাস করিয়া পরে শুক্রবৎ হইয়া তাঁহার শিক্ষা-মধ্যে প্রবেশ করি। তখন সেই শঙ্কর দেব বরদাতা হইয়া

আমারে কহিলেন, হে শুক্র ! তুমি অভিলষিত বর প্রার্থনা কর। 'হে রাজন্ ! আমি সেই দেবদেব পিনাকীর নিকট পূর্ববৎ স্বায় শরীর প্রার্থনা করিলাম, এবং তাঁহারে কহিলাম, হে সুরেশ্বর শঙ্কর ! আমি যে সমস্ত প্রয়োজনীয় বিষয় চিন্তা করিব, আপনার প্রসাদে যেন সে সমুদায় চিন্তামাত্রই সূক্ষ্ম হয়, এবং অন্যান্য বিষয় সকলও যেন আমি দেখিতে পাই। আমি এইরূপ বর প্রার্থনা করিবামাত্র, দেব শঙ্কর তাহাই হইবে, কহিলেন। পরে আমি পুনরায় স্বকীয় দেহ লাভ করিয়া, তোমার নিকট আসিতেছি। তুমি ইতিমধ্যেই বৃহস্পতিকে পুরোহিত করিয়াছ। হে দানবেন্দ্র ! আমি সত্য বলিতেছি, শঙ্করের বরপ্রভাবেই ইহঁারে বৃহস্পতি বলিয়া চিনিতে পারিয়াছি, অতএব ইহঁারে পৌরোহিতে নিযুক্ত করা যুক্তিযুক্ত হয় নাই।

ভীষ্ম ! শুক্রাচার্য্য এই রূপে আত্মবৃত্তান্ত বর্ণনা করিলেন। সেই সময়ে শুক্ররূপধারী দেবগুরু বৃহস্পতি দৈত্যরাজ প্রহ্লাদকে কহিলেন, রাজন্ ! এ ব্যক্তি কে, তাহা আমি জানি না, এ দেবতা, কি দানব, কি মানব বলিতে পারি না। বোধ হয়, তোমাকে বঞ্চনা করিবার জন্য আমার রূপ ধারণ করিয়া আসিয়াছে। অনন্তর দানবগণ শুক্ররূপী বৃহস্পতির বাক্য শ্রবণ করিয়া সাধুবাদ করিয়া কহিল, আপনি পূর্বাধি আমাদের পুরোহিত হইয়া আছেন, এ ব্যক্তি যে হউক সে হউক, তাহাতে আমাদের কোন প্রয়োজন নাই। আমরা ইহা দ্বারা পৌরহিত্যকার্য্য প্রার্থনা করি না, এ যেখান হইতে আসিয়াছে সেই খানে গমন করুক। কৌরব ! তৎকালে শুক্রাচার্য্য দানবদিগের সেই বাক্য শ্রবণ করিয়া, ক্রোধপর-

বশ হইলেন এবং সমাগত দানবশ্রেষ্ঠদিগকে কহিতে লাগিলেন, তোমরা আমাকে পরিত্যাগ করিলে ; কিন্তু আমি সমস্ত তোমাদিগকে গতশ্রী, গতপ্রাণ এবং দুঃখে জীবনধারণ করিতে দেখিব। তোমরা অতি শীঘ্র সূচোর আপদ প্রাপ্ত হইবে। কাব্য দানবদিগকে এইরূপ অভিশাপ প্রদান করিয়া যদৃচ্ছাক্রমে বনগমন করিলেন। শুক্ৰচার্য্য বনগমন করিলে, বৃহস্পতি দানবগণের পুরোহিত হইয়া তাহাদিগকে পালন করত কিছুকাল তথায় অবস্থিতি করিলেন।

এই প্রকারে বহু দিবস অতীত হইলে, এক সময়ে হরেশ্বর গুরু বৃহস্পতি দানব সকলকে আহ্বান করিয়া কহিলেন, হে দানবেন্দ্রগণ ! তোমরা কি ধর্ম্মকথা শুনিতে ইচ্ছা কর, বল। ভীষ্ম ! বৃহস্পতির এই শুভকর বাক্য শ্রবণ করিয়া দৈত্যরাজ প্রহ্লাদ কহিলেন, হে সূত্রত ! এই সংসার অসার, একমাত্র জ্ঞানই শ্রেষ্ঠ, আপনি আমাদের প্রতি প্রসন্ন হইয়া, আমাদিগকে কিঞ্চিৎ জ্ঞানোপদেশ প্রদান করুন। আমরা আপনাদের প্রসাদেই তদ্বারা শীঘ্র মুক্তিলাভ করিতে পারিব। দৈত্যরাজ প্রহ্লাদের বাক্য শ্রবণ করিয়া কাব্যরূপধর হরগুরু বৃহস্পতি কহিতে লাগিলেন, হে দৈত্যনাথ ! তোমরা যাহা স্থির করিয়াছ, ইতিপূর্বে আমার ও এই ইচ্ছা হইয়াছিল যে, তোমাদিগকে পরমার্থসাধক উপদেশ শিক্ষা দিই ; অধুনা সকলে সমাহিতচিত্ত ও শুচি হইয়া কিয়ৎক্ষণ অপেক্ষা কর। হে দৈত্যগণ ! যে সময় পরমার্থতত্ত্ব শ্রবণ করিলে পরম মোক্ষদায়ক হইয়া থাকে, আমি তোমাদিগকে সেইক্ষণ বলিতেছি। হে দানবপতে ! বৈশ্বানর অনলের প্রসাদে এই শ্রুতি প্রাণিগণের দুঃখবিনাশ-

সাধিনী হইয়াছে, ইহাই থাক, যজু ও সাম এই ত্রয়ো বেদ মধ্যে বিখ্যাত, যজ্ঞকর্তা, প্রাদ্বকর্তা, কিন্না ঐহিকজ্ঞানতৎপর ব্যক্তিমাতেই এই শ্রুতি অবলম্বন করিয়া মুক্তি লাভ করিয়া থাকেন । প্রচলিত এই বৈষ্ণব ধর্ম কদাপি শ্রেষ্ঠ হইতে পারে না, যেহেতু ইহা রুদ্র কর্তৃক প্রচারিত হইয়াছে, রুদ্র সর্বদা ভাষ্যার সহিত অবস্থিতি করেন । তিনি যে সকল কুধর্ম প্রকাশ করিয়াছেন তাহাতে প্রায় হিংসা আছে । সেই অর্দ্ধনারীশ্বর রুদ্র সর্বদা উলঙ্গ ভূতগণে পরিবৃত এবং অস্থি সকল তাঁহার ভূষণ । তিনি যে সমুদায় ধর্ম প্রচার করিয়াছেন, তাহা আচরণ করিলে প্রাণিগণের স্বর্গ ও মুক্তি লাভ হইতে পারে না । লোক সকল তদাচরণে বৃথা ক্লেশ পাইয়া থাকে । বিষ্ণু ও হিংসারূপি অবলম্বন করিয়া রহিয়াছেন, অতএব তিনি কি প্রকারে মোক্ষপদ প্রদান করিবেন । আর যজ্ঞ ও যজ্ঞাদিক কর্ম এবং শ্রদ্ধাদি কর্ম সমস্ত স্মার্ত্ত বলিয়া প্রসিদ্ধ, সেই স্মৃতিসম্মত কর্ম দ্বারা মোক্ষ লাভ হয় না, এরূপ শ্রুতিও শ্রুত হইয়া থাকে । দেখ, তোমরা সেই রুদ্রপ্রণীত ধর্মকে আশ্রয় করিয়া, অনেক পশুবধ করত তাহাদের রুধিরে কর্দম করিয়া থাক । যদি এই গর্হিত কর্মানুষ্ঠান দ্বারা তোমরা স্বর্গলোকে গমন কর, তবে আর কোন্ কর্মানুষ্ঠানে নরকে যাইতে হইবে ? যদি এরূপ পশুহত্যা করিয়া, তাহাদের মাংসভক্ষণে অন্যের ভূণ্ডি লাভ হয়, তবে নির্বোধ ব্যক্তিগণ কিনিমিত্ত আপনাদের সোমপ মাংস ভক্ষণ করিয়া থাকে ? আর যাবতীয় জন্তু যোনি হইতে উৎপন্ন হইয়াছে, তথাপি তাহারা যোনিরই সেবা করিয়া থাকে । হে দানবেন্দ্র ! মৈথুন দ্বারা কি

প্রকারে স্বর্গ প্রাপ্তি হইতে পারে ? এ সমুদায় আমার হাশ্ব-জনক বলিয়া বোধ হয় । যদি মৃত্তিকা ও ভস্ম দ্বারা পবিত্রতা সম্পাদন হইতে পারে, তাহা হইলে আর অশুদ্ধি কাহাকে বলে । হে দানবগণ ! এই লোক সমুদায় বিপরীত-ভাবাপন্ন হইয়াছে । দেখ, শরীর মধ্যে শিশ্ন ও অপান বিষ্ঠা ও মূত্রের কোষ বলিয়া প্রতিষ্ঠিত হইয়াছে, বল দেখি, ঐ বিষ্ঠামূত্রবাহী শিশ্ন ও অপানের গলিল দ্বারা কি প্রকারে বিশোধন হইতে পারে ? হে রাজন্ ! জন্তুগণ কিনিমিত্ত ভোজ্য সামগ্রী ভোজন করে, আবার কিনিমিত্তই বা তাহা শিশ্ন ও অপান দেশ দ্বারা বিশুদ্ধ রূপে মোচন করিয়া থাকে । ফলতঃ লোকমর্যাদা এই রূপই বিবেচনা করিবে । আরও দেখ, সোম বৃহস্পতির ভার্য্যা তারারে উপভোগ করিয়া তাহার গর্ভে বুধকে উৎপাদন করিয়াছিলেন, কিন্তু গুরু ভার্য্যারে প্রত্যাখ্যান না করিয়া পুনরায় গ্রহণ করিয়াছেন । দেবরাজ শত্রু গোতমমুনির পত্নী বিখ্যাত অহল্যাতে উপগত হইলেও সেই গোতমমুনি তাঁহারে গ্রহণ করিয়াছিলেন । দানবরাজ ! এই সমস্ত ধর্ম বিধি বিবেচনা করিয়া দেখ, আমি আর অধিক কি বলিব । জগতে এইরূপ এবং অন্যান্য রূপ কত পারদারিক ব্যাপার শ্রুত হইয়া থাকে । হে দানবেন্দ্রগণ ! যদি ধর্ম এই রূপ হইল, তবে তাহার অনুষ্ঠানে কেন পরমার্থ লাভ হইবে ? তোমাদিগকে এই ধর্মবিধি কহিলাম । তোমরা আর কি শুনিতে ইচ্ছা কর বল ।

দানবগণ কহিল, হে গুরো ! আমরা সকলে যত্নপূর্বক ভক্তিসহকারে ধর্মশিক্ষার নিমিত্ত আপনার নিকট উপস্থিত

হইয়াছি, আপনি আমাদিগকে যেরূপ ধর্মোপদেশ প্রদান করিবেন, আমরা পুনরায় সেই ধর্মো আসক্ত হইব । অতএব আমাদিগকে ধর্মদীক্ষা প্রদান করুন । হে গুরো ! যেরূপ কূপ গর্ভে পতিত ব্যক্তিদিগকে তাহাদের কেশাকর্ষণ দ্বারা উদ্ধার করা যায়, সেইরূপ আমরাও সহস্র সহস্র শোকজনক এই সংসারকূপে নিপতিত হইয়া বিরক্ত হইতেছি, আপনি আমাদিগকে ধর্মশিক্ষা প্রদান করিয়া উদ্ধার করুন । হে ব্রাহ্মণোত্তম ! আমরা সকলে আপনার শরণাগত, অধুনা আমরা কোন্ দেবতার শরণ গ্রহণ করিব, অনুগ্রহপূর্বক সেই শরণ্য দেবতার নির্দেশ করুন । হে মহাগতে ! ধ্যান, উপবাস অথবা ধারণা কিম্বা জপোপহার দ্বারা যাঁহার তৃপ্তি সাধন করিলে, নোক্ষলাভ হইয়া থাকে, অনুকম্পাপ্রকাশপূর্বক সেই দেবতার নির্দেশ করিয়া দিন । আমরা এই সংসারে আত্মীয় কুটুম্বগণে বিরক্ত হইয়াছি, আর যেন আমাদিগকে এই অন্ধকূপে পচিয়া মরিতে না হয় । হে ভীষ্ম ! ছদ্মবেশধারী দেবগুরু বৃহস্পতি দানবদিগের এই সমস্ত বাক্য শ্রবণ করিয়া, তাহাদিগকে যে কার্যের অনুষ্ঠান করাইবেন, তাহা চিন্তা করিতে লাগিলেন, আমি ইহাদিগকে কিরূপে নরকনিবাসী করিব ? ইহারা বাহাতে শীঘ্র ত্রিলোকের হাশ্বকর হয়, ইহাদিগকে তাহাই করিতে হইবে, আর বিলম্ব করা কর্তব্য নহে । হে রাজন্ ! দেবগুরু এইরূপ বিবেচনা করিয়া ভগবান্ কেশবের চিন্তা করিতে লাগিলেন । দেবদেব জনার্দন বৃহস্পতির সেই চিন্তা পরিজ্ঞাত হইয়া, মহামোহের উৎপাদনপূর্বক তাঁহারে প্রদান করিয়া কহিতে লাগিলেন, এই মহামোহ নিখিল দৈত্যগণকে বিমোহিত

করিবে এবং সর্বদা তোমার সহকারী হইয়া দৈত্যদিগকে বেদমার্গবহিষ্কৃত করিতে থাকিবে । তিনি এইরূপ আদেশ করিয়া তথা হইতে অন্তর্হিত হইলেন । মহামোহ দানব-গণের সমীপবর্তী হইয়া বৃহস্পতিকে কহিল, আমি অনুগ্রহ করিয়া তোমাদের নিকট আসিয়াছি । হে নরপতে ভীষ্ম ! তদনন্তর সেই মুণ্ডিতমস্তক বর্হিপত্রধর দিগম্বর মহামোহ ছদ্মবেশী গুরুকে এইরূপ কহিয়া দানবগণকে লক্ষ্য করিয়া বলিতে লাগিল, হে দৈত্যনাথগণ ! তোমরা ধর্মশিক্ষার নিমিত্ত সমুপস্থিত হইয়াছ । তোমরা ঐহিক সুখ লাভের নিমিত্ত, কি পারলৌকিক সুখের জন্য তপোানুষ্ঠান করিবে বল । দানবগণ মহামোহের বাক্যে বিমোহিত হইয়া কহিল, পারত্রিক ধর্মলাভের নিমিত্তই তপোানুষ্ঠান আদৃত হয়, নতুবা ঐহিক সুখের কারণ হইলে কদাপি শুভকর হয় না । আমরাও সেই পারলৌকিকসুখপ্রদ ধর্মের জন্যই এইরূপ কৃতসংকল্প হইয়াছি, অতএব আপনি আমাদিগকে সেই বিষয়ের উপদেশ করুন । দিগম্বর মহামোহ কহিল, হে দৈত্যগণ ! যদ্যপি তোমরা মুক্তিলাভের ইচ্ছা করিয়া থাক, তবে আমি মুক্তিলাভকর যে সকল বাক্য বলিতেছি, তাহার অনুষ্ঠান কর । মুক্তিদ্বারের কৌন আবরণ নাই, তোমরা আমার বাক্যের অর্চনা করিলে, অনায়াসে তাহা লাভ করিত পারিবে ।

ধর্ম হইতে মুক্তি শ্রেষ্ঠ ; মুক্তি অপেক্ষা শ্রেষ্ঠ কিছুই নাই । আমি যাহা বলিলাম, তাহাতেই স্বর্গ ও অপবর্গ লাভ হইয়া থাকে । মহামতি মহামোহ মুক্তিদর্শন বর্জিত এইপ্রকার বহুবিধ উপদেশ দ্বারা দৈত্যদিগকে ক্রমে ক্রমে



বেদমার্গের বহিষ্কৃত করিল। তাহারা সেই মহামোহের বাক্যে এরূপ মোহাচ্ছন্ন হইল যে, ইহা ধর্ম, ইহা অধর্ম, ইহা সৎ, ইহা অসৎ, ইহা শ্রুতির হেতু, ইহা শ্রুতির অন্তরায়, ইহা পরমাত্মা, ইহা পরমার্থ নহে, এবং ইহা কার্য্য, ইহা অকার্য্য এইপ্রকার জ্ঞান তাহাদের নিকট আর স্থান প্রাপ্ত হইল না। হে নৃপ! তাহারা এই রূপে মহামোহের অযৌক্তিক ও অশাস্ত্রীয় বাক্যে বশীভূত হইয়া, অন্মায়ামেই স্ব স্ব ধর্ম্ম পরিত্যাগ করিল। এইপ্রকার বেদবহিষ্কৃত ধর্ম্মের অর্হণাবশতঃ তাহারা অর্হৎ নামে বিখ্যাত হইল। ফলতঃ মহামোহের প্রলোভনে তাহারা ত্রয়ীমার্গপরিহারপূর্ব্বক ক্রমে ক্রমে তন্ময় হইয়া উঠিল। এই রূপে পর পর ও অন্যান্য ক্রমে সকলেরই উল্লিখিতরূপ স্বভাব সমুৎপন্ন হইল। অন্তের কথা কি, তাহাদের অন্যান্য পুরোহিতগণও এইপ্রকার বিকৃতভাবাপন্ন হইলেন।

তদর্শনে মহামোহ তাহাদিগকে পুনরায় বলিতে লাগিল, অহে দৈত্যগণ! যদি তোমাদের স্বর্গ ও অপবর্গ লাভের বাননা থাকে, তাহা হইলে, বেদোক্ত পশুদ্ব্যাদি দুষ্কর্মে সকল পরিত্যাগ কর। অধম ও প্রতারণগণই এইপ্রকার ধর্ম্ম উপদেশ দিয়া থাকে। অতএব তাহা পরিত্যাগ করিয়া, মঙ্গল লাভ কর। আমি যাহা বলিতেছি, তাহা সম্যক্রূপে হৃদয়ঙ্গম কর। এই জগৎ স্বভাবতঃ মোহাচ্ছন্ন ব্যক্তিগণ কর্তৃক বিমোহিত হইয়া, নিতান্ত নিরাশ্রয় হইয়া পড়িয়াছে। তন্নিবন্ধন সর্ব্বদা ভ্রান্তিজ্ঞান তৎপর ও মায়া দোষে দূষিত হইয়া, পুনঃ পুনঃ দারুণ সংকটে নিপতিত হয়। বৈদিক-গণের উপদেশবাক্য মায়ায় অন্তরঙ্গমাত্র। তদ্বারা শ্রুতি-

লাভের সম্ভাবনা নাই। দেখ, তাহারা যখন যাহা ইচ্ছা, সেই রূপেই ধর্ম উপদেশ ও পরিচার করিয়া থাকে। কোন কোন দ্বিজাতি বেদের, কেহ কেহ দেবগণের এবং কেহ বা যজ্ঞকর্ম্মমূহের নিন্দা করে। এই রূপে ভাষাদের মতির স্থিরতা নাই। বস্তুগত্যা বিবেচনা করিলে, যুক্তিগত বাক্য কখন হিংসাধর্ম্মের নিমিত্ত কল্লিত হইতে পারে না। অতএব বেদোক্ত পশুঘাতাদি ধর্ম্ম কখন যুক্তিসিদ্ধ নহে। হে দৈত্যগণ! বেদে কথিত হইয়াছে, যজ্ঞে পশুহত্যা করিলে, তাহার স্বর্গ লাভ হয়। যদি বাস্তবিক তাহাই হয়, তাহা হইলে, যজ্ঞমান ব্যক্তি কিজন্ম সেই যজ্ঞে স্বীয় পিতাকে হত্যা না করে? এই রূপ, ইহলোকে শ্রাব্য করিয়া, ব্রাহ্মণাদি ভোজন করাইলে, যদি পরলোকে পিতৃগণের তৃপ্তি সাধন হয়, তাহা হইলে, লোকে কিজন্ম প্রবাসিকে পাথের প্রদান করিয়া থাকে? কেননা, গৃহে ব্রাহ্মণ ভোজন করাইলেই তাহার তৃপ্তিলাভের সম্ভাবনা। অধিক কি, ইহলোকে একজন ভোজন করিলে, যদি পরলোকস্থ ব্যক্তির তৃপ্তি হয়, তাহা হইলে, অজিরে বসিয়া ভোজন করিলে, প্রাসাদের উপরিস্থ ব্যক্তিরও তৃপ্তিলাভের সম্ভাবনা। হে দৈত্যগণ! প্রতারকদিগের প্রচারিত ধর্ম্মমাত্রেই এইপ্রকার অলীক ও অযৌক্তিক। তাহাতে উপেক্ষা করিলেই শ্রেয়োলাভের সম্ভাবনা। আমি এইজন্মই তোমাদিগকে পুনঃ পুনঃ এইরূপ উপদেশ দিতেছি (১)।

দানবগণ কহিল, হে নগ্নশ্রমণক! আমরা আপনার নিতান্ত ভক্ত ও আপনার অনুশাসনবাক্যের একান্ত অনুগত,

---

(১) ইহার নাম চার্বাক বা নাস্তিক ধর্ম্ম।

আপনি প্রসন্ন হইয়া, আমাদের প্রতি অনুগ্রহ বিতরণ করুন । আমরা দীক্ষার জন্য এই মুহূর্তেই সামগ্রীসম্ভার সংগ্রহ করিব । অদ্য আপনার প্রসাদে মোক্ষ আমাদের হস্তগত হইবে ।

তখন মহামোহ সমুদায় দৈত্যকে সম্বোধন করিয়া কহিল, হে দনুপুত্রগণ ! এই মহামতি গুরু আমার শাসনের অনুবর্তী । ইনিই আমার নিদেশানুসারে তোমাদিগকে দীক্ষিত করিবেন । অনন্তর মহামোহ গুরুকে সম্বোধন করিয়া কহিল, ব্রহ্মন্ ! আমার বাক্যানুসারে এই মূঢ়মতিদিগকে দীক্ষা দান করুন । এই বলিয়া স্থায় অভীক্ট স্থানে প্রস্থান করিল ।

মহামোহ প্রস্থান করিলে, দানবগণ ভৃগুপুত্রকে সান্নিধ্য বাক্যে কহিল, মহাভাগ ! আমাদের সর্বসংসারমোচনী দীক্ষা প্রদান করুন । উশনা কহিলেন, চল, সকলে নশ্বদাতীরে গমন করি । তথায় স্নানপূর্বক আমার নিকট দীক্ষা গ্রহণ করিবে । হে ভীষ্ম ! এইরূপে শুক্ররূপধারী ধীমান্ বৃহস্পতি দৈত্যদিগকে সেই স্থানে দিগম্বর করিয়া পরে বর্হিপুচ্ছকীজ ও কমণ্ডলু প্রদানপূর্বক তাহাদের মস্তক মুণ্ডন করিয়া দিলেন । তাহাদিগকে বলিলেন, কেশমুণ্ডন করিলে পরম ধর্ম লাভ হয় । কুবের এইপ্রকার কেশমুণ্ডন করিয়াই অতুল ধনের অধিপতি এবং সস্ত্রীক পরম সিদ্ধি প্রাপ্ত হইয়াছে । পূর্বের স্বয়ং অর্হত কহিয়াছেন যে, কেশ উৎপাটন করিলে মনুষ্যের দেবত্ব ও মুনিত্ব লাভ হইয়া থাকে । এই পুণ্যপ্রদ কার্যের অনুষ্ঠান করিলে, ধর্মরাজ যম কিছুই করিতে পারেন না । ফলতঃ, আত্মসংমম ও সর্বভূতে দয়াই ধর্মসঙ্গত পরম তপস্যা । অন্য সর্ব বিড়ম্বনামাত্র । এইপ্রকার

তপস্যা দ্বারা যোগিগণের গতি প্রাপ্ত হওয়া যায় । দেবগণ পূর্বের উল্লিখিতরূপ অনুষ্ঠানদ্বারাই সিদ্ধমনোরথ হইয়াছেন । যদি তোমাদের সংসারে বিরক্তি হইয়া থাকে এবং যদি স্বর্গ ও অপসর্গ লাভের অভিলাষ হয়, তাহা হইলে তোমরা স্ব স্ব দার পরিহার কর । কেননা, লোকে যে যোনি হইতে জন্ম গ্রহণ করিয়াছে, সেই যোনি সেবা করা কি রূপে সম্ভব হইতে পারে ? আরও দেখ, তাহার আত্মমাংসোপম অন্য-দীয় মাংস ভোজন করিয়া থাকে, ইহাও নিতান্ত অসম্ভব !

হে ভীষ্ম ! তখন সমুদায় দানব গুরুকে সম্বোধন করিয়া কহিল, হে মহাভাগ ! আমরা আপনার অনুগত ভৃত্য, আপনি আমাদের দীক্ষিত করুন । শুক্র কহিলেন, তোমরা সকলে নৰ্মদাতটে গমন কর । কদাচ অন্য দেবতার বাক্য গ্রহণ করিও না । একমাত্র আমার বাক্যানুসারে করসংপুটে অন্ন ভক্ষণ করিবে; ভোজনান্তে উপযুক্ত স্থান হইতে গ্রহণ করিয়া কেশকীটবিবর্জিত সলিল পান করিবে এবং মান্যদৃষ্টি অবলম্বন পূর্বক প্রিয়াপ্রিয় সমান জ্ঞান করিবে । এইপ্রকার আচার অনুসারে সর্বথা পান ভোজন করিবে । হে দৈত্যগণ ! তোমরা সকলে সম্মিলিত হইয়া, এইরূপে মোক্ষভাগী হও । হে রাজন্ ! মহামতি বৃহস্পতি দৈত্যপুঙ্গবদিগকে এইপ্রকার নিয়মবিধি প্রদানপূর্বক দেবলোকে গমন করিলেন । তথায় গমন পূর্বক দেবগণসমক্ষে দৈত্যদিগের ব্যবহার সমস্ত যথা-যথ বিজ্ঞাপিত করিলেন । দেবগণ শ্রবণমাত্র নৰ্মদাতটে দৈত্যদিগের সমক্ষে সমাগত হইলেন । দেবরাজ তাহাদিগকে প্রহ্লাদবিরহিত দেখিয়া, যারপর নাই হর্ষলাভ করিলেন । অনন্তর তিনি তথায় হিরণ্যাক্ষ, ষজ্জয়, স্বপ্নয়, রোচন, ক্রুর-

কর্মা রাক্ষস, বৈরোচন, মহিষ, রোদ্র, প্রচণ্ড, চণ্ড, দানবো-  
ত্তম মুখর প্রভৃতি দৈত্যদিগকে অবলোকনপূর্বক দানবেন্দ্র  
নমুচিকে কহিলেন, হে দৈত্যপতে ! তোমরা দেবগণকে  
পরাজয়পূর্বক স্বর্গে রাজ্যস্থাপন করিয়াছ । এক্ষণে কিজন্য  
নগ্ন ও মুণ্ডিতমুণ্ড হইয়া, এইপ্রকার ব্রতচর্য্যায় প্রবৃত্ত হইয়াছ ।

দানবগণ কহিল, আমরা গুরুবাক্যে অস্তরভাব পরি-  
হারপূর্বক ধাষিধর্ম্মের অনুষ্ঠানে ব্যাপৃত হইয়াছি এবং সর্ব-  
ভূতে ধর্ম্মবুদ্ধিকর শব্দ প্রয়োগ করিয়া থাকি । হে শত্রু !  
তুমি প্রশ্নান কর এবং নির্বিঘ্নে ত্রৈলোক্য রাজ্য সংস্থাপন  
কর । আমাদের আর তাহাতে প্রবৃত্তি নাই । ইন্দ্র এইপ্রকার  
অভিহিত হইয়া, পুনরায় স্বর্গরাজ্যে গমন করিলেন এবং  
পূর্বের ন্যায় ত্রিলোকীর শাসন করিতে লাগিলেন ।

হে দেবব্রত ভীষ্ম ! দানবেন্দ্রগণ দেবগুরু বৃহস্পতি  
কর্তৃক এইপ্রকার বিনোদিত হইয়া, সেই নগ্নদানদীপ্তিতে  
অবস্থিতি করিতে লাগিল । শুক্র এই ব্যাপার অবগত  
হইয়া তাহাদের সমীপে সমাগত হইলেন এবং বিশেষ রূপে  
প্রবোধপ্রদানপূর্বক সেই ব্রতের অনর্থকারিতা বিরূত  
করিয়া দিলেন । তখন তাহারা হর্ষাবিষ্ট হইয়া, পুনরায়  
ত্রৈলোক্যহরণে অভিলাষী হইল ।

## চতুর্দশ অধ্যায় ।

ভীষ্ম কহিলেন, ওরো ! পরবীরহস্তা অর্জুন কি রূপে  
ত্রিপুরুষ হইতে জন্মগ্রহণ করিয়াছিলেন এবং কি নিমিত্ত কর্ণ  
কানীন বলিয়া বিখ্যাত হইয়াছে ; আর কর্ণ ও অর্জুন এই  
উভয়ের স্বাভাবিক শত্রুতা কেন হয়, এই সমস্ত বিষয় পরি-

জ্ঞাত হইতে আমার মহৎ কৌতূহল জন্মিয়াছে ; আপনি অনুগ্রহ করিয়া ইহার সবিশেষ বর্ণনা করুন ।

পুলস্ত্য কহিলেন, ভীষ্ম ! এক সময় ব্রহ্মার সহিত দেব-দেব শস্ত্রের তুণুল সংগ্রাম হইল । সেই যুদ্ধে শস্ত্র শূল দ্বারা ব্রহ্মার চক্র বিখণ্ড করিয়া ফেলিলেন । স্বয়ম্ভু ব্রহ্মা, চক্র ছিন্ন হইতে দেখিয়া ভয়ঙ্কর ক্রোধে পরিপূরিত হইলেন । সেই সময়ে তাঁহার ললাটকলকে যে শ্বেদ উৎপন্ন হইয়াছিল, তিনি রোষাবেশ বশতঃ হস্ত দ্বারা সেই শ্বেদবারি ভূতলে নিক্ষেপ করিলেন । ঐ শ্বেদ ভূভাগে পতিত হইবামাত্র ধনুর্বাণধারী কবচারতশরীর এক বীরপুরুষ তৎক্ষণাৎ উৎপন্ন হইয়া ব্রহ্মাকে কহিল, প্রভো ! আমাকে কি করিতে হইবে, বলুন ।

অনন্তর ব্রহ্মা সেই শস্ত্রধর কবচী পুরুষকে দেখিবামাত্র আনন্দিত হইয়া কহিলেন, তুমি জয়ী হও এবং এই দুর্ভবুদ্ধি মহেশকে নিপাত কর ; এই দুর্ভব যেখানে যাইবে, আর যেন তথা হইতে আসিতে না পারে । ব্রহ্মার এইরূপ বাক্য শ্রবণমাত্র শ্বেদোদ্ভব পুরুষ স্বীয় পৃষ্ঠদেশে ধনুর্দ্বারগপূর্বক অস্ত্র হস্তে লইয়া দেবদেব শস্ত্রের সংহারবাসনায় তাঁহার প্রতি ধাবমান হইল । ত্রিলোচন মহেশ সেই রৌদ্রদৃষ্টিসম্পন্ন পুরুষের উগ্রমূর্তি দেখিবামাত্র অতিশয় ভীত হইলেন এবং রণস্থল পরিত্যাগ করিয়া অতিবেগে বিষ্ণুর আশ্রমে গমন করিলেন । পরে পরিত্রাণ করুন, পরে পরিত্রাণ করুন, এইরূপ আভিনাদ করিয়া কহিলেন হে শক্রহন ! হে বিষ্ণো ! আমাকে এই ভয় হইতে মুক্ত করুন ; এই স্নেহরূপী স্বদেজ পাপপুরুষকে ব্রহ্মা নির্মাণ করিয়াছেন, এই পাপ ক্রুর হইয়া

যেন আমারে হনন করিতে না পারে, হে জগৎপতে! আপনি সেইরূপ উপায় বিধান করুন। হে ভীষ্ম! ভগবান্ বিষ্ণু মহেশ্বরের কাতরতা দর্শন করিয়া তৎক্ষণাৎ হৃষ্কারশব্দ দ্বারা সেই স্বেচ্ছরূপী পুরুষকে মোহিত করিলেন। পরে সেই যোগাত্মা বিশ্বময় প্রভু কেশব সর্বভূতের অদৃশ্য হইয়াও আশ্রমোপস্থিত মহাদেবকে প্রীতবাক্যে সাস্তুনা করিলেন। মহাদেব বিষ্ণুর প্রবোধবাচ্যে আশ্বস্ত হইয়া, ভূতলে প্রণত হইলেন। বিষ্ণু তাঁহাকে তদবস্থ দেখিয়া পুনরায় কহিলেন, তোমার অভিপ্রেত কি এবং আমি তোমার কি প্রিয়কার্য্য করিব, বল।

অনন্তর মহেশ্বর সাক্ষাৎ নারায়ণদেবকে প্রত্যক্ষগোচর দেখিয়া কহিলেন, হে দেব! আপনি আমাকে কিঞ্চিৎ ভিক্ষা প্রদান করুন। এই বলিয়া অগ্নিশিখার ন্যায় উৎকটতেজঃপূঞ্জ ভিক্ষাকপালপাত্র তাঁহার সম্মুখীন করিলেন। বিষ্ণু রুদ্ধকে কপালহস্ত অবলোকন করিয়া চিন্তা করিতে লাগিলেন, মহেশ্বরের উপযুক্ত কোন ভিক্ষাবস্তু দেখিতে পাই না, সম্প্রতি ইহাকে কি ভিক্ষা দিব। তিনি বহুক্ষণ এইরূপ চিন্তা করিয়া স্থির করিলেন, ‘আমার দক্ষিণ বাহু ইহার যোগ্য ভিক্ষা’ এই বিবেচনাবশতঃ তাঁহার ভিক্ষাকপালে দক্ষিণ হস্ত অর্পণ করিলেন। হে কৌরব! ভগবান্ বিষ্ণু রুদ্ধের ভিক্ষাপাত্রে স্বীয় হস্ত স্থাপন করিবামাত্র শশিশেখর মহেশ্বর তৎক্ষণাৎ শূল দ্বারা তাঁহার ভুজ ভেদ করিয়া ফেলিলেন। বিভূ বিষ্ণু ছিন্ন-ভুজ হইলে, অতি প্রবল বেগে রক্তধারা নির্গত হইতে লাগিল। সেই শোণিত জাম্বূনদ রসের সদৃশ ও অগ্নিশিখার ন্যায় নির্মল। ঐ রক্তধারা ভিক্ষাপাত্রে পতিত হইতে

থাকিলে, শস্ত্র তাহা দেখিতে লাগিলেন। ভগবান্ হরির বাহুনির্গত ঐ রক্তধারা পঞ্চাশৎ যোজন আয়ত ও দশ যোজন বিস্তার বিশিষ্ট হইয়া দিব্য সহস্র বর্ষ পর্য্যন্ত বহমানা হইয়া রহিল এবং সেই কপট ভিক্ষুক হরও এই রূপে তাবৎপরিমিতকাল সেই ভিক্ষা গ্রহণ করিলেন। পরম পুরুষ নারায়ণ শিবের অনুত্তম ভিক্ষাপাত্রে আপনার হস্ত-ভিক্ষা দান দিয়া, এই কথা কহিলেন, তোমার ভিক্ষাপাত্র পূর্ণ হইয়াছে কি না? শশিসূর্য্যাগ্নিলোচন শশিশেখর শোভিতত্রিলোচন হর পরমেশ্বর হরির সজ্জল জলধরের নিনাদভূল্য গম্ভীর বচন শ্রবণ করিয়া ভিক্ষাকপালে দৃষ্টি সংস্থাপন করত অঙ্গুলিনির্দেশ পূর্বক কহিলেন, হাঁ, আপনার প্রদত্ত ভৈক্ষ্য দ্বারা আমার এই ভিক্ষাভাজন পরিপূর্ণ হইল। বিষ্ণু ও শিবের সেই কথা শ্রবণ করিয়া তৎক্ষণাৎ বহমানা শোণিতধারা সংহার করিলেন। তখন মহেশ্বর মহাদেব বিষ্ণুর সমক্ষে সেই পাত্রস্থ রক্ত অঙ্গুলি দ্বারা দিব্য বর্ষসহস্র মণ্ডন করিতে লাগিলেন।

হে ভীষ্ম ! ভিক্ষাকপালস্থিত রক্ত এই রূপে মথ্যমান হইলে, তাহা হইতে ক্রমে কলল, বৃদ্ধ ও মাংসখণ্ড উৎপন্ন হইল। পরে সেই মাংসখণ্ড হইতে কিরীটবান্ ধনুর্বাণধারী এক পুরুষ জন্ম গ্রহণ করিল। তাহার চক্ষু রক্তবর্ণ, স্কন্ধ উন্নত এবং সহস্র হস্ত ছিল। সেই বক্রগোধাঙ্গুলিত্র তুণীরবান্ মহাবল পুরুষ যুহুর্মুহু ধনুর্জ্য স্পর্শ করিতে লাগিল। এইরূপ আকৃতিবিশিষ্ট বলিয়া উহাকে অর্জুন তুল্য বোধ হইতে লাগিল। ভগবান্ নারায়ণ বিষ্ণু অর্জুনসঙ্কাশ পুরুষকে কপালমধ্যে অবস্থিত দেখিয়া, রুদ্ধকৈ কহিলেন, ভগবন !



তোমার ভিক্ষাপাত্রে এই কোন্ নর প্রাচুর্ভূত হইল? দেবেশ মহেশ বিষ্ণুর বচন শ্রবণ করিয়া কহিলেন, হে বিভো! শ্রবণ করুন এই নরনামক পুরুষ সমুদায় অস্ত্রবিদগানের শ্রেষ্ঠ এবং আপনি স্বয়ং ইহারে নর বলিলেন, অতএব ইহার নাম নরই হইবে। আর আপনিও ইহার সহিত মিশ্রিত হইয়া দ্বাপর যুগের শেষে নরনারায়ণ নামে বিখ্যাত হইবেন। এই নর সংগ্রামে দেবকার্য্যে ও লোক সকলের পালনে নারায়ণের স্থা হইবে। ইহার তেজ অতিশয় দীপ্তিবিশিষ্ট ও লোকমধ্যে অনিবার্য্য হইবে। অধিকন্তু, এই পুরুষ পিতামহ ব্রহ্মার সাতিশয় তেজঃসম্পন্ন পঞ্চম বদন স্বরূপ এবং তদীয় তেজঃ, তোমার ভূজশোণিত ও আমার দৃষ্টিপাত এই তিন তেজে উৎপন্ন হইয়াছে। অতএব ত্রিপুরমুখ বলিয়া বিখ্যাত ও যুদ্ধে সনন্ত শত্রুর জেতা হইবে। যে সনন্ত অরাত দেবরাজ ইন্দ্রের অথবা দেবতাগণের কিস্মা তোমারও অবধ্য হইবে, এই নর সেই শক্রদিগেরও ভয়ঙ্কর ও দুর্জয় হইবে, সন্দেহ নাই।

দেবদেব পিনাকধারী শস্ত্র বিস্ময়াবিন্ট বিষ্ণুর সমক্ষে এইরূপ কহিয়া বিরত হইলে সেই পুরুষ কপালেই থাকিয়া, মস্তকে অঞ্জলিপ্রদানপূর্ব্বক মহেশ্বর ও কেশবের স্তব করিতে লাগিল। পরে সে প্রণতভাবে, আমি কি করিব, এইরূপ কহিল। মহেশ্বর শিব তাহার স্তবে সন্তুষ্ট হইয়া কহিলেন, ব্রহ্মা স্বকীয় তেজ দ্বারা ধনুষ্পাণি এই অস্ত্রের সৃষ্টি করিয়াছেন, তুমি ইহাকে বিনাশ কর। হে রাজন্! মহেশ্বর রুদ্ধ সেই বক্রাঞ্জলিপুটে স্তবিকর নরকে এইরূপ কহিয়া, তাহার করদ্বয় ধারণ করিলেন এবং ভিক্ষাপাত্র হইতে উত্তোলনপূর্ব্বক পুন-

রায় কহিলেন, সেই রৌদ্রকর্মা পুরুষ আমার পশ্চাতে নিদ্রিতভাবে রহিয়াছে, বিষ্ণু হৃৎকারশব্দ দ্বারা উহাকে একরূপ মোহানিদ্রাভিভূত করিয়াছেন। অধুনা তুমি উহাকে শীঘ্র জাগরিত কর। এইরূপ আদেশ করিয়া তথা হইতে অন্তর্হিত হইলেন। হে কৌরব! মহেশ্বর অন্তর্হিত হইলে পর, সেই বিষ্ণুরন্তোৎপন্ন পুরুষ নারায়ণের সমক্ষেই মোহাভিভূত শ্বেদজকে, অহে গাত্রোথান কর, জাগরিত হও, এইরূপ কহিল; কিন্তু শ্বেদজ তাহার আস্থানে জাগরিত হইয়া উঠিল না। প্রত্যুত, ঐ অবস্থায় থাকিল। তৎকালে হরি তাহারে পদদ্বারা ত্রাড়না করিতে লাগিলেন। সেই শ্বেদজ মহাস্বর শিখুর বাম চরণ দ্বারা তাড়িত হইবামাত্র জাগরিত হইয়া উঠিল। অনন্তর সেই শ্বেদজ ও রক্তজ উভয়ের স্মহৎ সংগ্রাম আরম্ভ হইলে, তাহাদের উভয়ের বিস্ফারিত ধনু-ফাঁর ও সিংহনাদে দিক্‌সকল নিনাদিত হইয়া উঠিল। উভয়ের দেহ শস্ত্রে ক্ষতবিক্ষত হওয়াতে তাহাদের শোণিতে ভূতল আর্দ্র হইয়া গেল। হে ভূপতে! এই রূপে সেই মানব-দ্বয়ের যুদ্ধে দেবপরিমিত দুই শত বর্ষ অতীত হইল। তদনন্তর বিভূ বিষ্ণু, শ্বেদজ পুরুষকে কণ্ঠহীন ও রক্তজ পুরুষকে ছিন্নভূজ হইতে দেখিয়া চিন্তা করত ব্রহ্মার সদনে উপস্থিত হইলেন। পরে সেই মধুসূদন বিষ্ণু সম্ভ্রমাস্থিত হইয়া ব্রহ্মাকে কহিলেন, ব্রহ্মন্! তুমি শ্বেদ দ্বারা যে পুরুষ সৃজন করিয়া-ছিলে, অদ্য যুদ্ধে সেই নর কণোবর পরিত্যাগ করিল।

হে ভীষ্ম! বিষ্ণুর তাদৃশ বচন শ্রবণ করিয়া ব্রহ্মার চিত্ত শোকে আকুল হইয়া উঠিল এবং তিনি মধুসূদন বিষ্ণুকে সম্বোধন করিয়া কহিলেন, হে হরে! রুদ্রাংশোদ্ভব পুরুষ

যে প্রকারে ইহার পরাজয় সাধন করিল, হে বিষ্ণো ! মদী-  
 যাংশসমুত পুরুষ জন্মান্তরে সেই রূপে দেবতাদিগের  
 অংশকে জয় করিবে। ব্রহ্মা এইরূপ কহিয়া যুদ্ধস্থলে উপ-  
 স্থিত হইয়া শ্বেদজের দেহ সংকার করিতে সঙ্কেত করিলে,  
 বিষ্ণু সেই অভিপ্রায় পরিজ্ঞাত হইয়া সহস্রাংশ সূর্য্যকে  
 কহিলেন, হে সহস্রাংশো ! এই শ্বেদজ পুরুষের দেহ রমা-  
 তলে স্থাপন করিয়া রাখ। যৎকালে দ্বাপরযুগের শেষ  
 আরম্ভ হইবে, সেই সময় দেবতাদিগের কার্য্য সাধন করিবার  
 নিমিত্ত ইহাকে পুনরায় আবির্ভূত করিও। বিখ্যাত যদুবংশে  
 সূর নামক এক মহাবল পুরুষ হইবে, তাহার পৃথা নামে  
 এক কন্যা জন্মিবে। তাহার ঞ্চায় রূপবতী ভুলোকে অন্য  
 কেহ দৃষ্ট হইবে না। সেই ভাগ্যবতী পৃথা দেবকার্য্যসিদ্ধির  
 নিমিত্ত উৎপন্ন হইয়া দুর্ব্বাসা মুনির নিকট বর ও আকর্ষণ-  
 মন্ত্র প্রাপ্ত হইবে। রাজ্ঞী পৃথা সেই মন্ত্র দ্বারা যে যে দেব-  
 তার আহ্বান করিবেন, সেই সেই দেবতার প্রসাদে তাঁহার  
 গর্ভে এক এক সম্ভান উৎপন্ন হইবে। হে আদিত্য ! পৃথা  
 পিতৃগৃহে থাকিয়া ঋতুমতী হইবেন এবং তোমাকে উদিত  
 হইতে দেখিয়া তোমার প্রতি অভিলাষবশতঃ দুর্ব্বাসার দত্ত  
 আকর্ষণমন্ত্র প্রভাবে তোমাকে আহ্বান করিবেন। হে দেব  
 বিভাবসো ! এই শ্বেদজ কুন্তীর গর্ভে উৎপন্ন এবং কানীন ও  
 বহুসেন নামে বিখ্যাত হইবে। হে ভীষ্ম ! বিষ্ণু এইরূপ  
 কহিলে, তেজোরাশি দিবাকর 'তাহাই হইবে' কহিয়া বলি-  
 লেন, আমি বলদর্পিত কানীন পুত্র এইরূপে উৎপন্ন করিব।  
 কিন্তু হে বিষ্ণো ! সমস্ত লোক ইহাকে কর্ণ নামে দোষণা  
 করিবে। হে কেশব ! মদীয় প্রসাদে ঐ কানীন বহুসেনের

ব্রহ্মনিষ্ঠ ব্রাহ্মণদিগকে কোন বস্তু অদেয় থাকিবে না। হে প্রভো ! আপনার আদেশবাক্যে এই স্বেদজ এই রূপেই উৎপন্ন হইবে। সহস্রকিরণ দিবাকর দানববিনাশী মহাত্মা নারায়ণকে এই প্রকার করিয়া তৎক্ষণাৎ তথা হইতে অন্তর্হিত হইলেন। হে কৌরব ! রাত্রিতক্ষর ভাস্কর অন্তর্দান করিলে মধুসূদন বিষ্ণু প্রীতমনা হইয়া ব্রতহা ইন্দ্রকে কহিলেন, হে সহস্রনেত্র ! তুমি আমার অনুগ্রহে এই রক্তলোচন নরকে দ্বাপর যুগের অবসানে সখাস্বরূপ বিনিয়োজিত করিবে। যখন মহারাজ পাণ্ডু পৃথা ও মহাভাগা মাদ্রীনাম্নী ভার্য্যাদয় পরিগ্রহ করিয়া অরণ্যবাস সমাপ্ত করিবেন, তৎকালে সেই অরণ্যমধ্যে কোন যুগ তাঁহাকে অভিষাপ প্রদান করিবে। সেই অভিসম্পাতে মহারাজ পাণ্ডুর শত শৃঙ্গ সমুদিত হইলে তাঁহার অন্তরে বৈরাগ্যসংস্কার হইবে। তখন তিনি ক্ষেত্রজ পুত্র কামনা করিয়া ভার্য্যা সমীপে মনোগত অভিপ্রায় ব্যক্ত করিলে, জ্যেষ্ঠা মহিষী কুন্তী অনিচ্ছা প্রকাশপূর্ব্বক কহিবেন, হে রাজন্ ! মানব হইতে আমার পুত্রলাভের কোন মতে অভিলাষ নাই। হে নরনাথ ! আমি স্তবগণের অনুগ্রহে পুত্রবতী হইতে বাসনা করি। অতএব হে শচীপতে ! তুমি আমার আদেশক্রমে তৎকালে কুন্তীর প্রার্থনায় তদীয় গর্ভে নরকে সমুৎপাদন করিও।

অনন্তর দেবরাজ ভগবান্ হরির এই বাক্য শ্রবণ করিয়া দুঃখিতহৃদয়ে কহিতে লাগিলেন, হে বিবুধেশ্বর ! এই সপ্তবিংশতি মন্বন্তর অতীত হইলে আপনি কুরুগণের বিনাশ ও আমার অর্জুনের সহায়তা সাধনোদ্দেশে বহুকূলে গিয়া অবতার গ্রহণ করুন। পূর্ব্ব ত্রেতাযুগে যৎকালে আপনি

স্বরলোকের শান্তিসাধনোদ্দেশে রক্ষো রাজ রাবণের নিধনার্থ দশরথগৃহে জন্ম পরিগ্রহ করিয়াছিলেন, তৎকালে রামরূপে জানকীর জন্ম বনে বনে পরিভ্রমণ করিয়া পরিশেষে সূর্য্য-তনয় সূগ্রীবের হিতার্থী হইয়া মৎপুত্র বালীনানা কপি-রাজকে নিহত করেন, হে ভগবন্! আমি সেই শোকে নিরন্তর সন্তপ্ত হইতেছি ; স্ততরাং আমি কুন্তীগর্ভে নরোৎপাদনে স্বীকৃত হইতে পারি না । দেবরাজ এই রূপে কারণান্তর প্রদর্শনপূর্ব্বক অস্বীকৃত হইলে ভগবান হরি তাঁহাকে পুনরায় কহিলেন, হে দেবরাজ ! আমি অবনীৰ দুৰ্ব্বহ ভারাপহরণ ও কুরুবংশনিধনের জন্ম তোমার অনুরোধে যদুকুলে অবতার পরিগ্রহ করিব । দেবরাজ, নারায়ণের এই বাক্যে পরম প্রীতি লাভ করিয়া নরোৎপাদন করিতে অঙ্গীকারপূর্ব্বক কহিলেন, হে ভগবন্! আপনি সত্য স্বরূপ, আপনার বচন সত্য হউক ।

দেবরাজ পুরন্দর এইরূপ কহিলে, ভগবান পুণ্ডরীকাক্ষ তাঁহাকে বিদায় প্রদানপূর্ব্বক স্বয়ং ব্রহ্মলোকে গমন করিয়া বিরিকিকে কহিতে লাগিলেন, ব্রহ্মন্! তুমি এই সচরাচর ত্রিভুবন সৃজন করিয়াছ ; আমি এবং মাহেশ্বর উভয়ে তোমার কার্য্যকরণার্থ সহায়মাত্র । কিন্তু বিবেচনা করিয়া দেখ, সৃষ্টি করিয়া স্বয়ং তাহার উন্মূলন করা কখনই সম্ভূত নহে । হরের হিংসা করিয়া তুমি অতীব গর্হিত কার্য্যের অনুষ্ঠান করিয়াছ । তুমি কি কারণে দেবদেব মাহেশের সৃষ্ট কোপজ পুরুষকে নিহত করিলে ? অতএব এখনও এই বধজনিত পাপের সম্ভূতি প্রায়শ্চিত্ত কর । হে দেব ! বহ্নিত্রয় গ্রহণ-পূর্ব্বক অগ্নিহোত্রের অনুষ্ঠান কর । হে পিতামহ ! আমার প্রসাদে তুমি তীর্থস্থলে, পবিত্র দেশে এবং বনে বনে স্থায়

পত্নীর সহিত পরিভ্রমণপূর্বক বিবিধ যজ্ঞকর্মের অনুষ্ঠানে প্রবৃত্ত হও। হে জগৎপতে! সমস্ত দেবগণ, আদিত্য ও রুদ্র প্রভৃতি সকলেই তোমার আদেশ প্রতিপালন করিবে; কেন না, তুমি সকলেরই প্রভু। হে ব্রহ্মন্! যে বহ্নিত্রয়ের অনুষ্ঠান করিতে कहিলাম, তাহাদের প্রথম গার্হপত্য, দ্বিতীয় দাক্ষিণাত্য, তৃতীয় আহবনীয়। এই অগ্নিত্রয় দ্বারা কুণ্ডত্রয় প্রকল্পিত কর। পরে সেই বর্তুল্লারুতি কুণ্ডমধ্যে আমার এবং মহেশ্বরের তর্পণ কর। কুণ্ডের চতুষ্কোণে ঋক্, যজু ও সাম-গণের প্রভু হরের তর্পণ করিতে হইবে। এই প্রকারে অগ্নিত্রয় সংস্থাপন করিয়া দিব্য সহস্র বর্ষ বিধানানুসারে তপশ্চরণপূর্বক হোম করিলে পরম সম্পত্তি লাভ করিয়া পরিশেষে আমাকেই প্রাপ্ত হইবে। হে ব্রহ্মন্! অগ্নিহোত্র অপেক্ষা আর কিছুই পবিত্র নাই; অগ্নিহোত্রের অনুষ্ঠানপূর্বক বিধানানুসারে আহুতি প্রদান করিলে সকলেই পরম গতি লাভ করে। হে ব্রহ্মন্! সেই অগ্নি অক্ষয়; দ্বিভগণ নিয়ত এক অগ্নি চয়ন করিবেন, নতুবা তাঁহারা গার্হস্থ্য লাভে সমর্থ হইতে পারেন না।

ভীষ্ম कहিলেন, ভগবন্! যে ধনুর্দ্ধর পুরুষ মহাদেবের কপালে জন্মগ্রহণ করিল, সে কি মাধব হইতে সমুদ্ভূত অথবা স্বীয় কর্ম বশতঃ সমুৎপন্ন হইল কিম্বা স্বয়ং রুদ্র না বিরিক্ষি তাহাকে সৃজন করিলেন; তাহা স্পষ্টরূপে নির্ণয় করিয়া বলুন। আর হিরণ্যগর্ভ ব্রহ্মা চতুর্শ্মুখ বলিয়াই বিদিত, ঐ পুরুষ কিরূপে তাঁহার পঞ্চম বক্তৃ হইল। কুত্রাপি সহগুণে রজোগুণ পরিলক্ষিত হয় না এবং রজোগুণেও সত্ত্ব-গুণ দৃষ্ট হয় না। ভগবান্ বিরিক্ষি সত্ত্বগুণস্বরূপ, স্ততরাং ঐ রজঃপ্রকৃতি পুরুষ তাঁহাতে কিরূপে সঙ্গত হইল।

পুলস্ত্য কহিলেন, পূর্বে যে ছইটী বীর পুরুষের বর্ণন করিয়াছি, তাহারা উভয়েই মহেশ্বরের দেহ হইতে সমুদ্ভূত হয় । কোন কৰ্ম্মই সেই মহাত্মাদ্বয়ের অবিদিত ও সাধ্যাতীত ছিল না । তাহাদিগেরই একজন মহাত্মা বিরিক্ষির উর্দ্ধস্থ পঞ্চম বদন হইয়াছিল । সেই পুরুষ পঞ্চম মুখ হওয়াতে, ব্রহ্মা রজোগুণযুক্ত ও বিমূঢ় হইয়া উঠিলেন । রজোগুণাচ্ছন্ন হওয়াতে সমস্ত সৃষ্টিই আপনার বলিয়া মান্য করিতে লাগিলেন এবং তাঁহার অন্তরে প্রতীতি জন্মিল যে, কোন দেবই আমার তুল্য দেবগন্ধর্ব্বপশুপক্ষিসমাকুল সৃষ্টিরচনায় সমর্থ নহে । বিরিক্ষি পঞ্চমাস্ত্র হইয়া এইরূপে বিমূঢ় হন । তাঁহার পূর্ব্বদিকস্থ আশ্রয় মুণ্যমন্ত্র ঋক্বেদের এবং দ্বিতীয় বদন যজুর্বেদের, তৃতীয় সামবেদের ও চতুর্থ আশ্রয় অথর্ব্ববেদের প্রবর্ত্তক । তাঁহার পঞ্চম বদন সাক্ষোপাঙ্গ ইতিহাস ও রহস্যাদির প্রকাশক । তিনি সময়ে সময়ে এই উর্দ্ধনয়ন পঞ্চম বদনে বেদ অধ্যয়ন করিতেন । ঐ পঞ্চম বদনের তেজ অতীব দুর্নিরীক্ষ্য ; ভাস্করোদয়ে প্রদীপসমূহ যাদৃশ প্রকাশিত হয় না, সেইরূপ বিরিক্ষির পঞ্চম বদনের তেজে সুরাসুরগণ কেহই প্রদীপ্ত হইতে পারেন নাই । সেই সমস্ত তেজোবিহীন সুরাসুরকুল উদ্বিগ্ন ও হতচিত্ত হইয়া ভয়ে কাহার শরণাপন্ন হইবেন, চিন্তা করিতে লাগিলেন । পরিশেষে দেবগণ বিরিক্ষির পঞ্চমাস্ত্রতেজে ক্ষীণতেজা হইয়া এই মন্ত্রণা করিলেন যে, আমরা দেবদেব মহেশের নিকট সমুপস্থিত হইয়া তাঁহার শরণাপন্ন হই ।

অনন্তর দেবগণ মহেশসমীপে সমুপস্থিত হইয়া প্রথমতঃ তাঁহাকে এইরূপে স্তব করিতে লাগিলেন, হে মনোরম !

আপনি সহস্রমূহের ঈশ্বর, আপনাকে নমস্কার। হে বিভো ! আপনি জগতের যোনি, আপনি সনাতন ও সর্বভূতের আশ্রয়, আপনি পরম ব্রহ্ম। নারায়ণের সহিত আপনিই জগতের কারণ, আপনাকে নমস্কার। এইরূপে ঋষি পিতৃ ও মানব সমভিব্যাহারে দেবগণ স্তবপাঠ করিলে মহেশ্বর অন্তর্হিত থাকিয়াই কহিলেন, দেবগণ ! তোমাদের কি অভিলাষ, প্রার্থনা কর।

দেবগণ কহিলেন, প্রভো ! আমাদের প্রতি অনুকম্পা-প্রদর্শনপূর্বক এই বর প্রদান করুন। আমাদের যে সমস্ত বীৰ্য্য, পরাক্রম ও তপশ্চা চিরসঞ্চিত ছিল, তৎসমুদায়ই বিরিক্ষির পঞ্চম বদনের তেজে গ্রাসিত হইয়াছে। প্রভো ! সেই বদনপ্রভাবে আমাদের তেজোরাশি বিনষ্ট হইয়া গিয়াছে। হে মহেশ্বর ! যাহাতে সেই সমস্ত তেজোরাশি যথাপূর্ব সমুৎপন্ন হয়, তাহারই উপায় বিধান করুন। হে স্বামিন্ ! সকলেই সেই পঞ্চম বদন নমস্কার করিয়া থাকে। যাহাতে সেই বদন পতিত হয়, অচিরে তাহার উপায় বিধান করুন।

ভগবান্ শঙ্কর স্বরগণের এই সমস্ত বচন শ্রবণ করিয়া, তৎক্ষণাৎ ব্রহ্মলোকে প্রয়াণ করিলেন। তৎকালে বিরিক্ষির রজোগুণে আবৃত ছিলেন ; স্বতরাং রুদ্রদেবকে সমুপস্থিত দেখিয়াও তাঁহার সমাদর করিলেন না, বরং অবহেলা প্রদর্শন করিলেন এবং যেমন কোটি সূর্যের তেজে জগৎ প্রদীপ্ত করিয়া উপবিষ্ট ছিলেন, সেইরূপেই উপবেশন করিয়া থাকিলেন। পিতামহ পরমেশ্বর ব্রহ্মাকে তেজোমণ্ডলে পরিবৃত ও উপবিষ্ট দেখিয়া ভগবান্ রুদ্র তাঁহার সন্মুখি সমা-



গত হইয়া কহিলেন, হে দেব ! আপনার এই অতিরিক্ত পঞ্চম বন্দন কি তেজোময় ! এই বলিয়া শশিশেখর অট্টহাস্য করিতে লাগিলেন এবং বামাস্থুলির নখাগ্রভাগ দ্বারা কদলীগর্ভের ন্যায় ব্রহ্মার পঞ্চম শির বর্তন করিয়া ফেলিলেন । ছিন্ন মস্তক হরহস্তে সংস্থিত হইয়া গ্রহমণ্ডলমধ্যবর্তী দ্বিতীয় চন্দ্রমার ন্যায় পরিশোভিত হইল । অনন্তর ত্রিদশনাথ মহেশ্বর সেই ছিন্ন মস্তক হস্তে লইয়া শিখরস্থ-ভাস্কর-বিরাজিত কৈলাশপর্বতের ন্যায় উন্নত হইয়া নৃত্য করিতে লাগিলেন ।

বিরিক্ষির পঞ্চম বন্দন ছিন্ন হইলে, দেবগণ বিবিধ স্তোত্র পাঠ দ্বারা দেবদেব বুধভক্সজের স্তব করিতে আরম্ভ করিলেন । তাঁহারা বলিতে লাগিলেন, হে ভগবন্ ! আপনি কপালী, মহাবল, ঐশ্বর্য্য ও জ্ঞানযুক্ত, এবং সর্বভোগপ্রদাতা, আপনাকে নমস্কার । হে দেব ! আপনি দর্পহারী, সর্বদেবময়, কালসংহারক ও মহাকাল, আপনাকে নমস্কার । হে প্রভো ! আপনি ভক্তগণের চুঃখাপহারী, ব্রহ্মার ছিন্ন শির ধারণ করিয়াছেন, এইজন্ত আপনার নাম কপালী ; হে ভগবন্ ! এক্ষণে আমাদিগের প্রতি প্রসন্ন হউন ।

ভগবান্ শঙ্কর দেবগণের স্তবে প্রসন্ন হইয়া তাঁহাদিগকে যথাস্থানে প্রস্থাপনপূর্বক আপনিও তথা হইতে তিরোহিত হইলেন । কিন্তু বিরিক্ষির পঞ্চম মস্তক ছিন্ন করাতে অন্তরে ব্রহ্মহত্যার পাপবোধ হইল ; হতরাং তিনি পাপমোচনার্থ সহস্র সহস্র সূক্ত, নিরুক্ত এবং ঋক্ যজু ও সামবেদ পাঠ পূর্বক পরমব্রহ্ম ব্রহ্মার স্তব করিতে আরম্ভ করিলেন ।

ব্রহ্ম কহিলেন, হে দেব ! আপনি পরমাত্মা, আপনাকে

নমস্কার । হে ভগবন্ ! আপনি অদ্বিত পদার্থসমূহের কারণ, আপনি তেজ ও জলরাশির অক্ষয় নিধি । হে মহামতে ! আপনি নিজ প্রতাপ দ্বারা সৃষ্টি করিয়া থাকেন । হে প্রভো ! আপনি উর্দ্ধবল্ল ও চরাচরাশ্রয়, আপনাকে নমস্কার করি । হে ভগবন্ ! আপনি জগৎ কমল হইতে উৎপন্ন হইয়াছেন, জলই আপনার আশ্রয়, আপনাকে নমস্কার । হে বিকসিত-সরোজপত্রাক্ষ ! হে পিতামহ ! আপনাকে নমস্কার । হে পরমেশ্বর ! আপনি সৃষ্টির নিমিত্ত পদার্থসমূহ উৎপন্ন করিয়াছেন । আপনি বজ্রস্বরূপ ও যজ্ঞেশ্বর, আপনাকে নমস্কার । হে প্রজাপতে ! আপনি কাঞ্চনগর্ভ ও বেদগর্ভ । হে পদ্মযোনে ! আপনি যজ্ঞ, আপনি বনট্কার ও স্বধা, আপনাকে নমস্কার । হে প্রভো ! আমি সুরগণের বচনানুসারে আপনার শিরঃস্বেদন করিয়া ব্রহ্মহত্যাপাপে অভিভূত হইয়াছি । হে জগৎপতে ! আপনি আমাকে পরিত্রাণ করুন । দেবদেব পরমাশ্রয় শঙ্কর এইরূপে স্তব করিলে, হিরণ্যগর্ভ ব্রহ্মা প্রীতমনে তাঁহাকে কহিতে লাগিলেন ।

ব্রহ্মা কহিলেন, হে দেব ! মদীয় সখা নারায়ণ তোমার এই পাপরাশির বিনোচন করিবেন । তিনি স্বয়ং বিভূ, তোমার পূজ্য ও কীর্তনীয় । তোমার এতাদৃশ অল্পতম মতি-সঞ্চার হওয়াতেই, তুমি পাপ হইতে বিমুক্ত হইলে । তুমি আমার মস্তক ছেদন করাতে, অদ্যাবধি কপালী নামে প্রসিদ্ধ হইবে । হে মহাত্ম্যতে ! শতকোটি বিপ্র তোমা হইতে পরিত্রাণ লাভ করিবে । তোমার ব্রহ্মহত্যাজনিত পাপের লেশ-মাত্র থাকিবে না । যে সকল পাপী ক্রূর ও সর্বদা কুবচন প্রয়োগ করে এবং ব্রহ্মঘাতী ও নিরস্তুর কুকর্মে পরিলিপ্ত হয়

এবং যাহাদের অন্তর নিয়তই বিকারে পরিপূর্ণ, তাহারা কখনই সাধুসমাজে পূজনীয় হইতে পারে না। তাহাদিগকে নিরীক্ষণ করিলে ভাস্করমুখাবলোকন পূর্বক আত্মশুদ্ধি করিতে হয়। হে রুদ্র ! তাহাদিগের অঙ্গস্পর্শ করিলে সত্ত্বর জলপ্রবেশ করিয়া দেহ শুদ্ধ করিতে হয়। মনীষিগণ এইরূপেই সেই সকল পাপী হইতে বিশুদ্ধি নির্ণয় করিয়াছেন। কিন্তু হে দেব ! তাদৃশ পাপীগণও তোমা হইতে পবিত্রতা লাভ করিবে। তথাপি তুমি ব্রহ্মহত্যা করিয়াছ, স্তব্রাং আত্মশুদ্ধির জন্য প্রায়শ্চিত্তের অনুষ্ঠান কর। প্রায়শ্চিত্তব্রতচরণ করিলে বহুবর লাভ করিতে পারিবে। এই বলিয়া বিরিক্ষি তিরোহিত হইলে মহাদেব তথা হইতে স্বীয় ধামে গমন না করিয়া ভগবান্ নারায়ণের অনুধ্যানে প্রবৃত্ত হইলেন। ক্ষণকালমধ্যেই লক্ষ্মীসহায় ভগবান্ দেবদেব বরদ নারায়ণ তথায় সমাগত হইলেন।

ভগবান্ সনাতনকে সমাগত দেখিয়া রুদ্রদেব স্তব করিতে লাগিলেন, ভগবান্ বিষ্ণু পরাৎপর ও পরমপুরুষ, তিনি পুরাণের শ্রেষ্ঠ, তাঁহার বীৰ্য্য অসীম, তিনি নিত্যপুরুষ পুরাণস্বরূপ, তিনি স্বত্ব রজ তম ত্রিগুণাতীত, আমি তাঁহাকে স্মরণ করি। তিনি গম্ভীরমতি পুরুষগণের শ্রেষ্ঠ, তাঁহার বেগ অতীব প্রচণ্ড, তিনি পরাৎপর এবং সকলের আদি। তিনি সকলের ঈশ্বর, পরম ব্রহ্ম এবং পরম ধাম, আমি তাঁহাকে নমস্কার করি। তিনি পরাৎপর, বিশাল ও শুদ্ধপদ, তিনি পর ও অপরের ঈশ্বর, তিনি অব্যয় পুরুষ; তাঁহার ভাব অতীব বিশুদ্ধ, তিনি এই চরাচর সৃষ্টি করিয়াছেন : অতএব আমি তাঁহাকে স্তব করি। তিনি পবিত্রে

ক্ষীরসাগরগর্ভে স্থখে নিদ্রা যান ; আমি সেই জলস্থিত, জ্ঞান-  
দাতা পুরুষপ্রধান বীর নারায়ণের শরণাপন্ন হইলাম । সেই  
পরমপুরুষ নারায়ণ ত্রিদেবের গণ্য, ত্রিমূর্তি, হৃতাশন ও যজ্ঞ  
স্বরূপ এবং ত্রিলোচন । তিনি শুক্ল, কৃষ্ণ ও শোণিতবর্ণ, তিনি  
ত্রেতাযুগে পীতবর্ণ কলেবর ধারণ করেন, অতঃপর দ্বাপর  
যুগ হইতে কলিকাল পর্য্যন্ত তিনি কৃষ্ণবর্ণ হইবেন ; আমি  
তাঁহাকে নমস্কার করি । যিনি মুখ হইতে বিপ্র, ভূজাস্ত  
হইতে ক্ষত্রিয়, উরুদেশ হইতে বৈশ্য এবং চরণপ্রদেশ হইতে  
শূদ্র এই চতুর্বর্ণের সৃষ্টি করিয়াছেন, আমি সেই বিশ্বমূর্তি  
পুরাণপুরুষকে নমস্কার করি । যিনি অপ্রমেয়, যাঁহার গতি  
অতীব বিশুদ্ধ, চক্রাদি ধারণ করাতে যাঁহার করে কিণ সংঘ-  
টিত হইয়াছে, আমি সেই অপ্রমেয়াত্মা পরাৎপর নারায়ণকে  
নমস্কার করি । তিনি বিশ্বমূর্তি, তিনি মহামূর্তি এবং তিনি দেব-  
গণের কবচস্বরূপ, আমি সেই ত্রিমূর্তি কমলপত্রাক্ষ নারায়ণকে  
নমস্কার করি । যাঁহার সহস্র মস্তক, যাঁহার সহস্র লোচন,  
যাঁহার ভূজযুগল অতীব বৃহৎ, যিনি ব্রহ্মাণ্ড ব্যাপ্ত করিয়া  
রহিয়াছেন, সেই জগদীশ্বরকে নমস্কার । যিনি শরণের যোগ্য,  
যিনি সকলের আশ্রয়, সেই সনাতন বিষ্ণুকে বন্দনা করি ।  
তিনি অভাব হইতে নিস্কূন্ত, সর্বদা তাঁহাকে নমস্কার । হে  
অচ্যুত ! তোমা ব্যতীত অন্য কিছুই আমার দৃষ্টিগোচর  
হইতেছে না ; আমি এই চরাচর সমস্ত বিশ্ব স্বম্ময় দর্শন  
করিতেছি ।

মহেশ্বর এইরূপে স্তব করিলে, পরাৎপর সনাতন বিষ্ণু  
তাঁহার দর্শনপথে আবির্ভূত হইলেন । অনন্তর চক্রপাণি  
নারায়ণ গুরুভাসনে আরোহণপূর্ব্বক ভাস্করের স্থায় মহেশ্বরের

চতুর্দিক উদ্দীপিত করত সমুপস্থিত হইয়া কহিলেন ; রুদ্র ! আমি তোমাকে বরদানার্থ সমাগত হইয়াছি, অতএব তোমার অভিলষিত বর প্রার্থনা কর । ভগবান্ বিষ্ণু এইরূপ কহিলে ভূতপতি সবিনয়ে কহিতে লাগিলেন, হে সুরেশ্বর ! কি প্রকারে আমার পাপ বিদূরিত হইতে পারে, বলুন । হে শ্রীহরে ! আপনি অপ্রমেয়, আমি আপনা ব্যাতিরেকে আর কিছুতেই পাপবিমোচনের সম্ভাবনা দেখিতেছি না । হে অচ্যুত ! আমি ব্রহ্মহত্যাপাপে অভিভূত হইয়াছি, কিরূপে আমার অপবিত্র দেহ পবিত্র হয়, তাহার উপায় বিধান করুন ।

বিষ্ণু কহিলেন, হে রুদ্র ! ব্রহ্মহত্যা অতীব উগ্র ও সর্ববিধ কুষ্ঠরোগের কারণ ; অতএব অন্তরেও ঐ পাপের চিন্তা করা সমুচিত নহে । হে মহাবাহো ! তুমি বিনীতভাবে আমার নিকট উপায় পরিজ্ঞানার্থ প্রার্থনা করিতেছ ; অতএব তুমি এক্ষণে ব্রহ্মচর্য্য অবলম্বন কর, তাহা হইলেই ব্রহ্মহত্যাপাপ হইতে বিনিমুক্ত হইবে, সন্দেহ নাই । শিখা-বন্ধনপূর্ব্বক কণ্ঠকুণ্ডল ও করে কমণ্ডলু ধারণ করিয়া ব্রহ্মচর্য্যানুষ্ঠানে প্রবৃত্ত হও । হে রুদ্র ! এইরূপ করিলে সর্বপ্রকারে পাপরাশি বিদূরিত হইবে, আর কুষ্ঠের সম্ভাবনা থাকিবে না ।

ভগবান্ পরমেশ্বর এইরূপ আদেশ প্রদান করিয়া কমলা-সমভিব্যাহারে তথা হইতে অন্তর্হিত হইলেন । কিন্তু রুদ্রদেব তথা হইতে নিজধামে প্রস্থান না করিয়া ভগবান্ বিষ্ণুর আদেশমত গোকর্ণ, কুরুক্ষেত্র, ভদ্রালয়, কেতুসাল, পুণ্ড্রাবক, কামরূপ, প্রভাময়, মহেন্দ্রপর্ব্বত প্রভৃতি বিবিধ তীর্থ পর্য্যটন

করিতে লাগিলেন ; কিন্তু ব্রহ্মহত্যাপাপে অভিভূত থাকাতে  
 কুত্রাপি স্থান প্রাপ্ত হইলেন না । পরিশেষে কপালপাণি  
 শঙ্কর লজ্জিত হইয়া কপালবিক্ষেপণার্থ মুহুমুহু করবিক্ষেপ  
 করিতে লাগিলেন । কিন্তু কপাল কোনমতেই কম্পিত হস্ত  
 হইতে পতিত হইল না । তখন তাঁহার অন্তরে এই চিন্তাই  
 বলবতী হইল যে, দ্বিজগণ মদীয় মার্গের অনুসরণ করিবে ;  
 অতএব আমি এখন কি করি ? এইপ্রকার বহুবিধ চিন্তা করিয়া  
 পুনরায় তথা হইতে প্রস্থান করিলেন । ক্রমে অবনীতলস্থ  
 বিবিধ দেশ পর্য্যটনপূর্বক পরিশেষে পুষ্কর তীরে উপনীত  
 হইয়া তত্রত্য বিবিধতরুলতাকীর্ণ যুগসঙ্কুল অনুভম অরণ্য-  
 মধ্যে প্রবেশ করিলেন । তথায় তরুকুসুমের সুবাসিত গন্ধে  
 অবনীতল আমোদিত হইতেছে এবং বিবিধ কুসুমরাজি  
 বিকসিত হওয়াতে অবনী অপূর্ব শোভা ধারণ করিয়াছে ।  
 ভগবান্ শঙ্কর সেই বিবিধরত্নময় পঙ্কাপকফলসমাকীর্ণ অরণ্য  
 তরুবৃন্দ ও কোকিলগণপরিগন্ধ কাননমধ্যে প্রবেশ করিয়া  
 বিরিকির আরাধনা করিতে লাগিলেন । তিনি মনে মনে  
 কহিতে লাগিলেন যে, এই স্থানে ভক্তিয়োগে আরাধনা করিলে  
 কমলযোনি অবশ্য আমার অভিলষিত বর প্রদান করিবেন ।  
 আমি তাঁহারই প্রসাদে এই অভিলষিত পুষ্কর তীরে সমু-  
 পস্থিত হইয়াছি । এই স্থানে পাপ বিমোচন ও দুষ্কদমন এবং  
 পুষ্টি ও বলবর্দ্ধন হইয়া থাকে । অতএব এই স্থানে যাহারা  
 যত্নের সহিত ব্রহ্মার আরাধনা করেন, ভগবান্ অবশ্য তাহা-  
 দের প্রীতিসাধন করিয়া থাকেন এবং তাঁহাদের স্বর্গ বা মোক্ষ  
 লাভ হইয়া থাকে । আন্তরিক ভক্তি প্রদর্শন করিলেই  
 ভগবান্কে লাভ করা যায় । পদ্মযোনি অমিততেজা রুদ্রের

এতাদৃশ ধ্যান দর্শনে পরম প্রীতি লাভ করিয়া তাঁহার প্রত্যক্ষগোচর হইলেন । তখন রুদ্রদেব নতশিরে অবস্থিতি করিলেন । ভগবান্ বিরিকি তাঁহাকে উত্থাপিত করিয়া কহিতে লাগিলেন, হে রুদ্র ! তুমি আমার দর্শনাভিলাষী হইয়া আন্তরিক শ্রদ্ধাসহকারে দিব্য ব্রতচরণপূর্বক আমার আরাধনা করিয়াছ, তাহাতেই তোমার প্রত্যক্ষগোচর হইলাম । হে রুদ্র ! কি দেবতা, কি মনুষ্য, যে কেহ ব্রতচরণপূর্বক আরাধনা করে, সেই আমার দর্শনলাভে সমর্থ হইয়া থাকে । তুমি মন, বাক্য, কায় এবং কৰ্ম্মদ্বারা যথাবিধি ব্রতানুষ্ঠান করিয়াছ, আমি তাহাতে যার পর নাই প্রীতি লাভ করিয়াছি । আমি তোমাকে সর্বকামদ অতুংকৃষ্ট বর দানে অভিলাষ করি ; অতএব হে ভীম ! তোমার কি অভিলাষ, প্রার্থনা কর ।

রুদ্র কহিলেন, ভগবন্ ! আপনি বিশ্বকর্তা, আপনার যে দর্শন লাভ হইল, এই আমার স্তমহৎ বর । হে জগন্নাথ ! আপনাকে নমস্কার । হে দেব ! বহু যত্ন ও বহু কালার্জিত কষ্টকর তপস্যা দ্বারাও আপনি প্রত্যক্ষ হন না ; হে দেবেশ ! এই কপাল আমার হস্ত হইতে পতিত হইতেছে না । আমি আপনার প্রসাদে এই কাপালিক ব্রতচরণ করিয়াছি, এখন কপাল এই পুণ্যপ্রদেশে নিক্ষিপ্ত করিতে অনুমতি করুন । হে বিভো ! যদি আমাকে বরদান করেন, তবে এই বর প্রদান করুন, যেন আমি ভাবিতীক্ষ্মা মুনিগণের পারয়িতা এবং পুনরায় দেবশব্দভাগী হইতে পারি । হে জগৎপতে ! আপনাকে পুনঃ পুনঃ নমস্কার করি ।

ব্রহ্মা কহিলেন, রুদ্র ! তুমি এই ভীর্থে অবস্থিতি করিয়া

ব্রতচরণ করিতেছ, এই স্থানেই কপাল পরিত্যাগ কর। তোমার হস্ত হইতে কপাল পাতিত হইলে, এই তীর্থ কপালমোচন নামে বিখ্যাত হইবে। যে সকল ব্যক্তি এই তীর্থে আগমন করিয়া তোমাকে দর্শন করিবে, তাহারা মহাপাতকী হইলেও পবিত্র হইয়া বিবিধ ভোগ প্রাপ্ত হইবে। এই স্থান বরণা ও অসীনামক ক্ষুদ্র স্থানদ্বয়ের অন্তরালে অবস্থিত; ঐ বরণা ও অসি সুরগণের অতীব প্রীতিপ্রদ। ইহার তুল্য মনোরম স্থান আর কুত্রাপি দৃষ্ট হয় না। এই স্থান যাবতীয় তীর্থ ও ক্ষেত্রमध्ये শ্রেষ্ঠতম এবং বারাণসী নামে বিখ্যাত হইবে। যাহারা দেহপতনপর্যন্ত এই তীর্থ সেবা করিবেন, তাহারা অন্তিমে দিব্য যানে আরোহণপূর্বক অকুতোভয়ে স্বরধামে গমন করিবেন, সন্দেহ নাই। আমি তোমাকে এই স্থান প্রদান করিলাম। এই তীর্থ পঞ্চকোশ ব্যাপিয়া পবিত্র হইবে। সরিষা ভাগীরথী ইহার মধ্য দিয়া গমন করিবেন; অতএব হে রুদ্র! এই পুরী অতীব পুণ্যতমা হইবে। পুতসলিলা জাহ্নবী উত্তর-বাহিনী হইয়া কলকল স্বরে গমন করিবেন এবং সরস্বতী পশ্চিমবাহিনী হইয়া ভাগীরথীসমভিব্যাহারে সম্মিলিত হইবেন। আমি পুরন্দরাদি অমরগণের সহিত এই স্থানে অবস্থিতি করিব। তুমি এই স্থানেই কপাল মোচন কর। যে ব্যক্তি এই তীর্থে আগমন করিয়া পিণ্ডদানাদিসহযোগে পিতৃলোকের প্রীতি সাধন করিবেন, তিনি দেবলোকে গমন করিয়া অক্ষয় সুখ ভোগ করিতে থাকিবেন। এই স্থানে স্নান করিলে মানবগণ সমস্ত পাপ হইতে বিমুক্ত হইয়া পবিত্রতা লাভ করিবে এবং এই স্থান তীর্থপ্রধান বলিয়া



কীর্তিত হইবে । যে সমস্ত প্রযত্নাত্মা প্রাণী বারাণসী-তীর্থে  
 প্রাণবিসর্জজন করিবে, তাহারা রুদ্রহু প্রাপ্ত হইয়া তোমার  
 সহিত আনন্দ ভোগ করিবে । যাহারা এই তীর্থে আসিয়া  
 ভক্তিসহকারে রুদ্রনামে দানাদি সম্প্রদান করিবে, তাহারা  
 পাপবিনিশ্চুক্ত হইয়া হরধামে গমন করিবে । যে সকল  
 ব্যক্তি বারাণসীতীর্থে দোষসংস্কার করিবে, তাহারা রুদ্র-  
 লোক লাভ করিয়া পরম সুখী হইবে । এই তীর্থে পূজা ও  
 জপহোম করিলে অনন্তফল রুদ্রশক্তিলভ এবং দীপ প্রদান  
 করিলে, ইন্দ্রিয়াতীত জ্ঞানচক্ষু প্রাপ্ত হইবে । অধিক কি,  
 মনীষিগণ ধর্মোদ্দেশে যে কোন কর্ম করিবেন, তৎসমুদায়ই  
 অনন্তফল প্রদান করিবে । বারাণসী অবনীতলে তীর্থপ্রধান  
 বলিয়া কীর্তিত হইবে ; এই তীর্থে স্বর্গ ও অপবর্গ উভয়ই  
 হইতে পারিবে । এই স্থানে স্নান, জপ, তপস্যা ও হোম  
 করিলে অনন্তফল লাভ হইবে । যে ব্যক্তি এই বারাণসী  
 তীর্থে আসিয়া চান্দ্রায়ণ ত্রতাচরণপূর্বক পঞ্চহুপ্রাপ্ত হইবে,  
 সে হরধামে গমন করিয়া শুভ ফল লাভ করিবে, সন্দেহ  
 নাই । এই স্থানে বসুগণ, পিতৃগণ ও সমস্ত দেবগণই অব-  
 স্থিতি করিবেন । আমি এই তীর্থে পিণ্ডদানবিধি প্রচলিত  
 করিব । মানবগণ সতত এই তীর্থে আগমন করিয়া পিণ্ড-  
 দানাদি কার্যের অনুষ্ঠানে প্রবৃত্ত হইবে । লোকে আদর-  
 সহকারে পিতৃগণকে পিণ্ডদান করিবে । হে রুদ্র ! তুমি  
 এক্ষণে ব্রহ্মহত্যাপাপ হইতে নিশ্চুক্ত হইলে । আমি  
 তোমাকে এই স্থান প্রদান করিলাম, তুমি ভার্য্যার সহিত  
 এই বারাণসীতীর্থে অবস্থিতি কর ।

রুদ্র কহিলেন, হে ব্রহ্মন ! আমার এই প্রার্থনা, যেন এই

বারাণসী ভূমণ্ডলস্থ যাবতীয় তীর্থের প্রধান হয় এবং আমি ভগবান্ বিষ্ণুর সহিত নিরন্তর এই স্থানে অবস্থিতি করিতে পারি ; আর আমি যেন সমস্ত দেবগণের আরাধনীয় হই ; যেন প্রসন্নচিত্তে সমস্ত সুরগণকে, অধিক কি, বিষ্ণুকেও অভিলষিত বরদানে সমর্থ হইতে পারি ; যেন সুরগণেরও ভাবিতা আশ্বিনগণের প্রার্থনীয় ও বরদ হই এবং অন্ত কেহই যেন আমা ব্যতীত বরণীয় হইতে না পারেন ।

ব্রহ্মা কহিলেন, রুদ্র ! তুমি যাহা যাহা কহিলে, তৎসমুদায়ই সম্পন্ন করিব । ভগবান্ নারায়ণ তোমার বাক্যের বশবর্তী হইবেন । ভগবান্ বিরিঞ্চি রুদ্রকে এইরূপ বলিয়া তথা হইতে অন্তর্হিত হইলেন ; মহাদেবও বারাণসী সংস্থাপন পূর্বক সেই তীর্থে প্রবেশ করিলেন ।

## পঞ্চদশ অধ্যায় ।

ভীষ্ম কহিলে, মনে ! ভগবান্ কমলযোনি রুদ্রকে বারাণসী তীর্থে প্রেরণ করিয়া কি করিয়াছিলেন এবং জনার্দন ও শঙ্কর ইঁহারা উভয়েই বা কি করিলেন । আর মহেশ্বর কোন্ তীর্থে কীদৃশ যজ্ঞ করেন, সে যজ্ঞে কোন্ ব্যক্তি সদস্ত ও কোন্ ঋত্বকগণই বা উপস্থিত ছিলেন, তিনি কোন্ কোন্ দেবগণের তর্পণ করিয়াছিলেন, তাহা পরিজ্ঞাত হইতে আমার অতীব কৌতূহল জন্মিয়াছে ; অতএব তৎসমুদায় সবিস্তার কীর্তন করুন ।

পুলস্ত্য কহিলেন, স্তম্ভের পর্বতের অহিপাদপসঙ্কুল শিখরপ্রদেশে বিবিধরত্নরাজিবিরাজিত ও পরমশোভাকর এবং বিবিধ অদ্ভুতপদার্থের আবাসস্থান । নিরন্তর স্তম্ভ মারুত হিল্লোলে তরুপল্লবসকল আন্দোলিত হওয়াতে অপূর্বশোভা সম্পাদন করে । কাননসমূহ যুগনাভির স্তম্ভে আয়োদিত এবং তত্রত্য লতাগৃহসমূহ স্তম্ভ বিদ্যাধরগণে পরিবৃত । কাননমধ্যে কিন্নরগণ স্তম্ভের স্বরে সঙ্গীত করিতেছে । সেই শিখরপ্রদেশে বৈরাজ্যনামে পরমেষ্টি ব্রহ্মার আবাসস্থল ছিল, সেই স্থান বিবিধ বিঘাসে পরিশোভিত । তথায় কান্তিমতী-নান্দী দেবগণের শুভদায়িকা সভা বিদ্যমান ছিল । সেই সভায় দিব্যাঙ্গনাগণ মধুররবে সংগীত করিত । তাহার চতুর্দিক কোটী স্তম্ভে ও নির্মল আদর্শসমূহে পরিশোভিত, পারিজাততরুসজ্জাত মঞ্জরীদামে বিচিত্রিত এবং রত্নরাজিসমু-খিত কিরণজালে রঞ্জিত ছিল । সেই অত্যাচ্চ চন্দ্রনা-দিস্বাসিত লয়তালসমায়ুক্ত গীতবাদ্যপরিশোভিত সভামণ্ডপে অঙ্গরাগণ আনন্দে নৃত্য করিত । অধিক কি, ঋষিগণের সমা-গমে এবং দ্বিজাতিবর্গের বেদপাঠে কান্তিমতী সভা অতীব আনন্দদায়িনী হইয়াছিল । যিনি এই সমস্ত জগৎ সৃজন করিয়াছেন, সেই দেবদেবেশ পিতামহ ব্রহ্মা একদা সেই সভামধ্যে অধ্যাসীন হইয়া পরমদেবের ধ্যানে নিমগ্ন হইয়া-ছিলেন । ধ্যান করিতে করিতে তাঁহার অন্তরে এই বুদ্ধির উদয় হইল যে, আমি যজ্ঞ করিব ; কিন্তু কিরূপে এবং ধরা-তলস্থ কোন্ কোন্ স্থানেই বা যজ্ঞসাধন করি । কালী, প্রয়াগ, নৈমিষারণ্য, শৃঙ্গল, কাঞ্চী, ভদ্রা, দেবিকা, কুরুক্ষেত্র, সরস্বতী, প্রভাস প্রভৃতি স্থান ধরাতলে পণ্যক্ষেত্র বলিয়া

প্রসিদ্ধ। বিশেষতঃ, শঙ্কর বারাণসীতীর্থে মহাপ্রদেশকহিয়া-  
 ছেন এবং আমিও আদিত্যাদি দেবগণের নিকট তাঁহার গুণ-  
 কীর্তন করিয়াছি; অতএব সেই পরমতীর্থ বারাণসীতেই বা কি  
 যজ্ঞ সাধন করিব। ক্ষণকাল এইরূপ চিন্তা করিয়া মনে মনে  
 কহিতে লাগিলেন যে, আমি পুষ্কর (পদ্ম) হইতে সমুৎপন্ন  
 হইয়াছি,—পদ্ম ভগবান্ বিষ্ণুর নাভি হইতে সঞ্জাত হইয়াছে।  
 বেদপারগ ঋষিগণ পুষ্করকে মহাতীর্থ বলিয়া কীর্তন করিয়া  
 থাকেন, অতএব আমি তথায় গমন করি। এইরূপ কৃতনিশ্চয়  
 হইয়া পুষ্করতীর্থে গমনপূর্বক তত্রত্য ক্রমলতাকীর্ণ বিবিধ-  
 মৃগকুলসমাকুল কাননাভ্যন্তরে প্রবেশ করিলেন। তথায়  
 তরুকুসুমের স্ফঙ্গ বায়ুভরে সঞ্চালিত হইয়া চতুর্দিক আয়ো-  
 দিত করিতেছে। কাননপ্রদেশ নিরীক্ষণ করিলে স্পষ্টই  
 প্রতীতি জন্মে, যেন বিশেষ বিবেচনানুসারে কুসুমবিন্যাস  
 করাতেই ভূতলের তাদৃশী শোভা সম্পাদিত হইয়াছে। নানা-  
 বিধ তরুরাজি দ্বারা বনভাগ সুশোভিত হইতেছে। তাহাতে  
 ষড়ঋতু বিরাজ করিতেছে এবং পক্যপক্য রমণীয় ফলসমূহ  
 স্তবর্ণরূপে বিরাজিত হওয়াতে অতীব দৃষ্টিমনোহর হইয়া  
 রহিয়াছে। শীর্ণপত্র, শুষ্ককাষ্ঠ ও ফলাদি বায়ুবেগে সঞ্চারিত  
 হইয়া কাননের প্রান্তভাগে পতিত হইতেছে; তদর্শনে বোধ  
 হইতেছে, যেন বায়ুদেব অনুগ্রহ প্রদর্শনপূর্বক তৎসমুদায়  
 বনের বহির্ভাগে নিক্ষিপ্ত করিতেছেন। সুশীতল গন্ধবহ কুসুম-  
 সমূহের গন্ধবহন পূর্বক ভূমিতল ও নভোমার্গে প্রবাহিত  
 হইতেছে। সেই সমস্ত হরিতবর্ণবিরাজিত মহীকুহ গিরিশিখর  
 পর্য্যন্ত সমুন্নত হইয়া বনভাগের শোভা বর্দ্ধন করিতেছে;  
 তৎসমুদায়ই রোগনাশক, সুব্রত ও সমুজ্জল এবং নীরজ্জ

ও কীটসকল নহে বলিয়া অতীব প্রিয়দর্শন হইয়াছে । মানবগণ যাদৃশ কুলদোষবিবর্জিত স্বজনগণকর্তৃক পরিবৃত্ত হইয়া অবস্থিতি করে, তদ্রূপ শাখীগণ সমুজ্জ্বল অকুরসমূহে পরিবৃত্ত হইয়া বিরাজিত রহিয়াছে । তরুশাখাগণ পবন-সঞ্চালনে পরস্পর সংশ্লিষ্ট হওয়াতে অনুমিত হইতেছে, যেন তাহারা মস্তকাগ্রাদি দ্বারা প্রণয়ের পরাকাষ্ঠা প্রদর্শন করিতেছে । তথায় কুসুমালঙ্কৃত তরুলতাগণ স্থানে স্থানে যুগলরূপে অবস্থিতি করিয়া সাধুদম্পতীর ন্যায় শোভা ধারণ করিতেছে এবং সিক্তচারণ ও বনদেবতার। মূর্তিমতী হইয়া বিরাজ করিতেছেন । কোন কোন স্থানে পুষ্পাভরণভূষিত সমুজ্জ্বল বনলতাসমূহ বালচন্দ্রের ন্যায় তরুগাঞ্জে আরোহণ করিতেছে । কুসুমিত মল্লিকা লতাগণ তরুশিখর অতিক্রম করিয়া সমুন্নত হওয়াতে সমুচ্ছিত বৈজয়ন্তীর ন্যায় শোভা পাইতেছে । বনমধ্যে স্থানে স্থানে কুসুমাবৃত সর্জ ও অর্জুন তরুরাজি ধৌত-কাষেয়সমারত পুরুষের ন্যায় প্রতিভাত হইতেছে । মধ্যে মধ্যে তরুগণ মাধবী-লতায় পরিবেষ্টিত হইয়া প্রিয়া-সংশ্লিষ্ট পুরুষের ন্যায় বিরাজমান হইতেছে । তিলকতরুগণ মঞ্জরীপরিবৃত্ত হইয়া পবনসঞ্চালনে পরস্পর সংশ্লিষ্ট হইতেছে । পরস্পর সংযুক্ত না হইলেও, অশ্বখপল্লবগণ সঞ্চালিত হইয়া পুষ্পফলোপরি পতিত হওয়াতে, কর দ্বারা করগ্রহণের ভ্রম উৎপাদন করিতেছে । স্থানে স্থানে শাখাগণ অনিলসংযোগে সংশ্লিষ্ট ও অবনত হইয়া পুনরায় উখিত হওয়াতে অনুমিত হইতেছে, যেন তরুগণ শাখাবাহুদ্বারা অভ্যাগত জনগণের অভ্যর্থনা করিতেছে এবং বসস্তাগমে মদনাতুরের ন্যায় বিভূষণার্থ

কুসুমালঙ্কারে পরিশোভিত হইতেছে। যে সমস্ত লতার দ্বারা শিখরাগ্রপ্রদেশ সমলঙ্কৃত রহিয়াছে, বায়ুভরে সেই সমস্ত কুসুমপরিশোভিত শিখরদেশ কম্পিত হওয়াতে তাহারা যেন প্রীতমনে নৃত্য করিতেছে। মধ্যে মধ্যে কুসুমিত লতারূপ শিখর পর্যন্ত বিক্ষিপ্ত হইয়া রহিয়াছে ; তদ্বারা ভূধর শরৎকালীন তারাগণবিচিত্রিত নভোমণ্ডলের ন্যায় শোভিত হইতেছে। সুরচিত মাধুরীলতাসকল শ্রেণীবদ্ধ দ্রুমপথের মধ্যে মধ্যে সমুন্নত হওয়াতে তরুচূড়ার ন্যায় শোভা পাইতেছে। সাধুসমাগমে মানবগণ যাদৃশ সৌহৃদ্য প্রদর্শন করে, তদ্রূপ হরিতবর্ণ ও কাঞ্চননিভ তরুসমূহ রাজিবন্ধ হইয়া যেন পরস্পর সৌহৃদ্য প্রদর্শন করিতেছে। কাননের চতুর্দিকে ষট্পদগণ আনন্দিত হৃদয়ে গুণ্ গুণ্ ধ্বনিপূর্বক কুসুম হইতে কুসুমাস্তরে উপবেশন করাতে তাহাদিগের দেহ কুসুমপরাগে ধূসরিত হইতেছে, স্ততরাং তাহারা কদম্ব-কুসুমের আভা ধারণ করিতেছে। কোন কোন স্থানে শিরীষকুসুমগুচ্ছে শুকগণ মিথুনবন্ধ হইয়া মঞ্জরী গ্রহণপূর্বক বহুবিধ ব্রাহ্মণের ন্যায় শোভা পাইতেছে। বিচিত্রিতরূপ ময়ূরগণ নিজ নিজ প্রিয়াসমভিব্যাহারে বনপ্রান্তে নর্তকের ন্যায় আনন্দে নৃত্য করিতেছে। বিহঙ্গকুল এক বন্ধ হইতে বন্ধান্তরে গমনপূর্বক রমণীয় স্বরে সঙ্গীত করিতেছে। অধিক কি, সেই কুমুদসঙ্কীর্ণ বিকসিতসরোজবিরাজিত কানন, নন্দনবনের ন্যায় অতীব মনোরম ও নয়নের প্রীতিপ্রদ, সন্দেহ নাই। ভগবান্ কমলযোনি আগ্রহসহকারে সেই অমূল্য কাননের রমণীয়তা সন্দর্শন করিয়া অতীব প্রীতিলাভ করিলেন।

পুষ্পরত্নার্থের তরুপংক্তি ভগবান্ বিরিক্ষিকে সমাগত দর্শন করিয়া ভক্তিনহকারে কুসুমসমূহ প্রসবপূর্বক তাঁহাকে উপহার প্রদান করিল। পিতামহও তাহাদিগের কুসুমোপহার প্রতিগ্রহ করিয়া প্রীতি প্রদর্শনপূর্বক তাহাদিগকে বর প্রদান করিতে চাহিলেন। তখন পাদপগণ ভগবানের বাক্যে আনন্দিত হইয়া তাঁহাকে নমস্কারপূর্বক কৃতাজলিপুটে কহিতে লাগিল, ভগবন্ ! আপনার সমাগমেই এই স্থান তীর্থগণ মধ্যে প্রধান হইল, সন্দেহ নাই। যদি প্রসন্ন হইয়া থাকেন, তবে 'এই পুষ্পরত্নার্থ সমস্ত ক্ষেত্র হইতে পরম পবিত্র হউক' এই বর প্রদান করুন। ব্রহ্মা কহিলেন, পাদপগণ ! তোমরা চিরদিন ফলপুষ্পসমন্বিত, স্থিরযৌবন, কামরূপ ও কামরূপফলপ্রদ এবং পরম শ্রীসম্পন্ন হইবে। ব্রহ্মা এইরূপ বরদান করিয়া বৃক্ষদিগকে অনুগৃহীত করিলেন এবং তথায় সহস্রবৎসর অবস্থান করিয়া ক্ষিতিতলে পুষ্পর নিক্ষেপ করিলেন। অনন্তর ঐ পুষ্পর জনগণের কার্য্যসিদ্ধি ও তপঃসিদ্ধিফল প্রদান করিবার নিমিত্ত ক্ষিতিতলে পতিত হইয়া রসাতলে প্রবেশ করিল। পুষ্পর পতিত হইলে সহস্র সহস্র গিরিচূড়া কম্পিত হইল; আকাশ হইতে দেবসিদ্ধ বিমান ও গন্ধর্ব্বনগর সকল ধরাতে পতিত হইয়া বিকম্পিত হইতে লাগিল; কপোতগণ পুটসম্পাতপুরঃসর ব্যোমতলে ভ্রাম্যমান হইয়া জ্যোতির্গণকে আচ্ছাদন করিতে লাগিল এবং ভাস্করগণ যেন সন্ত্রমণ করিতে লাগিল। ক্ষণকাল বোধ হইল, ত্রৈলোক্য মহাতপসংযোগে রৌরবীকৃত হইয়াছে। সমুদায় চরাচর ও ত্রৈলোক্য ব্যাকুল হইতে লাগিল। সুরাসুরগণের শরীর ও মন কম্পিত ও চমৎকৃত হইতে লাগিল।

কি জন্ম একরূপ হইল, জানিবার নিমিত্ত তাঁহারা ধৈর্য্যাবলম্বন-পূর্ব্বক চারি দিক্ অবলোকন করিতে লাগিলেন। ব্রহ্মা কোথায় গমন করিলেন, কি জন্ম ভূমি কম্পিত হইল, এই সকল গর্হিত উৎপাত কেন দৃষ্ট হইতেছে, সুরাসুরগণ ইহা কেবল ভাবিয়াই স্থির হইতে পারিলেন না। তাঁহারা এইরূপ চিন্তা করিতেছেন, এমন সময়ে বিষ্ণু সেই স্থানে আগমন করিলেন। দেবতারা সসম্মুখে প্রণাম করিয়া বিষ্ণুকে জিজ্ঞাসা করিলেন, ভগবন্! এই সকল গর্হিত উৎপাত কিজন্ম আবির্ভূত হইয়াছে, কিজন্ম সমুদায় ত্রৈলোক্য কম্পিত হইতেছে; বোধ হইতেছে যেন মহাসাগর মর্যাদা অতিক্রম করিয়া কলসমুদ্রের আভির্ভাব করিতেছে। ভগবন্! আপনি অনুগ্রহ করিয়া বলুন,—কিজন্ম দিগ্গজচতুষ্টয় বিচলিত হইতেছে, কিজন্ম অলগণ কম্পিত হইতেছে, কিজন্ম ধরাতল সপ্তসাগরবারিবিপ্লাবনে বিপ্লাবিত হইতেছে, কিজন্ম অকারণে শব্দোদ্যম হইতেছে; আমরা একরূপ শব্দ আর কখন শ্রবণ-গোচর করি নাই। ইহাতে ত্রৈলোক্য মহাব্যাকুল হইয়াছে; বোধ হইতেছে, যেন রুদ্ধতেজে জগৎ অভিভূত হইতেছে। হে ভগবন্! আমরা কারণ জানিতে অত্যন্ত উৎসুক হইয়াছি। আমরা জানিতে চাহিতেছি যে, ইহাতে ত্রৈলোক্য ও দেব-গণের কি রূপ শুভ বা অশুভ হইতে পারিবে। হে বিভো! যদি আপনি সর্বিশেষ জানিয়া থাকেন, তবে আমাদেরকে অনুগ্রহপূর্ব্বক বিজ্ঞাপন করুন।

মহানুভাব বিষ্ণু এইরূপে আরাধিত হইয়া কহিলেন, হে দেব-গণ! ভয়প্রাপ্ত হইও না; আমি সর্বিশেষ জানিয়া যথাবিধি কারণ নির্দেশ করিতেছি। শ্রবণ কর। লোকপিতামহ ভগবান ব্রহ্মা



পদ্মহস্তে পুণ্যশালী ধরাপ্রদেশে যজ্ঞার্থ কৃতনিশ্চয় হইয়া সাত্তি-  
শয় স্ত্রশোভন পর্বতশিখর আরোহণ করিয়াছিলেন । অনন্তর  
কমল তাঁহার হস্ত হইতে ধরাতলে পতিত হইয়াছে । ইহাতেই  
মহান্ শব্দ সমুৎপন্ন হইয়া তোমাদিগকে প্রকম্পিত করিতেছে ।  
ভগবান্ ব্রহ্মার অগ্রহে ঐ স্থান পুষ্পামোদসম্পন্ন তরুরন্ধে  
স্ত্রশোভিত হইয়াছে । ভগবান্ ব্রহ্মা জগতের উপকার চিন্তা  
করিয়া এই স্থানে অবস্থান করিতে অভিলাষ করিয়াছেন । এই  
তীর্থ পুষ্কর নামে অভিহিত হইবে, মুণিগণ ইহার নিষেবন করি-  
বেন । ভগবান্ লোকের হিতাভিলাষে এই স্থানে আবির্ভূত  
হইয়াছেন । তোমরা আমার সহিত তথায় যাইয়া ব্রহ্মার উপা-  
সনা কর । তিনি তোমাদের আরাধনায় প্রসন্ন হইলে অবশ্যই  
বরদান করিবেন । ভগবান্ বিষ্ণু এইরূপ বলিয়া, ঐ সকল  
দেবদানব সমভিব্যাহারে পদ্মযোনি সমাগত সেই বনোদ্দেশে  
প্রস্থান করিলেন । ঐ বন কোকিললাপে আলাপিত হইতে-  
ছিল এবং ব্রহ্মার প্রসাদে পুষ্পগণ সমুদায় বন স্ত্রশোভিত  
করিতেছিল । এই অপূর্বকানন নন্দনের সহিত তুলিত  
হইতে পারে, সন্দেহ নাই । দেবগণ প্রবেশ করিলে পদ্মিনী-  
গণ অধিকতর শোভাধারণ করিল । এই সর্বপুষ্পোপশোভিত  
বনস্থলে প্রবেশ করিয়া দেবগণ ব্রহ্মার উদ্দেশ্য করিবার  
নিমিত্ত চারিদিকে ভ্রমণ করিতে লাগিলেন । ইন্দ্রপ্রমুখ  
দেবগণ এইরূপে ভ্রমণ করিতে করিতে এই অত্যদ্বুত বন-  
স্থলীর অন্তর্পর্যন্ত গমন করিলে কোন স্থলেই ব্রহ্মার  
দর্শন পাইলেন না । অনন্তর পরিশ্রান্ত হইয়া পর্বতের দক্ষিণ  
উত্তর ও অন্তরালে ক্রমে ক্রমে দৃষ্টিপাত করিতে লাগিলেন ।  
পরে গুরুদেব বৃহস্পতি রামবাক্য শ্রবণ করিয়া কহিলেন,

হে দেবগণ ! বিরিকির দর্শন লাভ করিতে হইলে ত্রিবিধ উপায় অবলম্বন করিতে হয় । শ্রুতিজ্ঞান এবং তপস্বী ও যোগ, ব্রহ্মজ্ঞানের এই ত্রিবিধ উপায় । কর্ম, মন ও বাক্য একান্ত সমাহিত হইলে, সেই নির্বিকার প্রধান পুরুষের দর্শন পাওয়া যায় । অতএব তোমরা ব্রহ্মার আরাধনে তৎপর হও । যে সকল দ্বিজন্মা ভক্তিসহকারে ব্রহ্মদীক্ষা অবলম্বন করিয়া তাঁহার উপাসনা করেন, তিনি তাঁহাদিগের দৃষ্টিগোচর হইয়া সর্বকাম প্রদান করিয়া থাকেন । বৃহস্পতির এইরূপ হিত-গর্ভ বাক্য শ্রবণ করিয়া দেবগণ সাতিশয় উৎসুক হৃদয়ে জিজ্ঞাসা করিলেন, হে গুরো ! আপনি অনুগ্রহ করিয়া আমাদিগকে ব্রহ্মদীক্ষা প্রদান করুন । অনন্তর দেবতাদিগকে ব্রহ্মদীক্ষিত করিতে অভিনাষী হইয়া, বৃহস্পতি তাঁহাদিগকে বেদোক্ত বিধিসহকারে দীক্ষিত করিলেন । তখন দেবগণ বিনীতভাবে প্রণত হইয়া অন্তঃবাসীর ন্যায় তাঁহার উপদেশ গ্রহণ করিতে লাগিলেন । অনন্তর বস্ত্রারম্ভ হইল । বৃহস্পতি বেদোচ্চারণপূর্বক পদ্মকে নয় ভাগে বিভক্ত করিয়া উহা বিধিসহকারে দেবগণকে প্রদান করিলেন । দেবতারা সবিস্ময়ে দীক্ষাকর্ম সমাধান করত জলে অবগাহন করিলেন । দ্বিজগণ ইহাকেই ব্রাহ্মস্নান कहিয়াছেন । যে ব্যক্তি এইরূপ পদ্মহস্তে অবগাহন করিবে, দুর্জনেরা তাঁহাকে অতিক্রম করিতে পারিবে না ; তাঁহার বলবুদ্ধি বর্দ্ধিত এবং কলিকল্মষ দূরীভূত হইবে । অতএব হে দেবগণ ! জনগণ যেন সর্বপ্রযত্নে ব্রাহ্মস্নান করে ।

দেবগণ মৌনাবলম্বন পুরঃসর সংযত ভাবে এইরূপ স্নান দীক্ষা সমাধান করিয়া কমণ্ডলু ধারণ করিলেন । সকলের

যসবি বেদব্যাস-প্রণীত

# পদ্মপুরাণ।

কালিকা গদ্যানুবাদ ।

শ্রীজহরলাল লাহা কর্তৃক সংগৃহীত ও তৎকর্তৃক

৬০ নং বিদ্যুৎসাইয়েন্স লেন হইতে প্রকাশিত ।

চতুবিংশ ও পঞ্চবিংশ খণ্ড ।

কলিকাতা

ব্যাভাসীকে ৭ নং শিবকৃষ্ণদাঁর লেন  
কোটিভব প্রকাশ নগর, শ্রীমদোপাধ্যায় ঘোষাল দ্বারা

মুদ্রিত ।

১৯৮৯ সাল ।

মূল্য দ্বারি পান

## পদ্মপুরাণসংক্রান্ত কয়েকটি নিয়ম ।

১ম। প্রত্যেক মাসে তিন বা চারি খণ্ড প্রেরণ করিমের তিন ফর্ম্মি  
২। দুই আনা মূল্যে প্রকাশ করা যাইবে ।

২য়। দৈবক্রমে মাসিক প্রকাশ না হইলে, অন্ত মাসে তাহা পূর  
করিয়া দেওয়া যাইবে ।

৩য়। যিনি নাম আদ্য করিয়া এক খণ্ড গ্রহণ করিবেন, তাঁহাকে  
ম্পূর্ণ পুস্তকের দায়ী থাকিতে হইবে ।

৪র্থ। আমরা স্বেচ্ছাক্রমে পুস্তক প্রকাশ না করিলে, গ্রাহকগণের নিকট  
হইতে প্রদত্ত খণ্ড সকল ফেরত লইয়া, তাঁহাদের মূল্য মূল্যে তাঁহাদিগকে  
প্রতারণা করিতে বাধ্য রহিলাম ।

৫ম। দুই খণ্ডের অধিক মূল্য কেহই হাতে রাখিতে পারিবেন না । দুই  
খণ্ডের অতিরিক্ত বাকী পড়িলে, প্রত্যেক খণ্ডে ১০ হিঃ আদায় করা যাইবে ।  
নুনাদিক ১২ টাকার পুস্তক শেষ করা যাইবে ।

৬ষ্ঠ। অগ্রিম ১ এক টাকা না পাঠাইলে, মফঃস্বলস্থ গ্রাহকগণকে  
পুস্তক দেওয়া যাইবে না । তাঁহাদিগকে অতিরিক্ত ডাকমাণ্ডল দিতে হইবে  
না । এক টাকা মূল্যের পুস্তক পাইলে তাঁহারা পুনরায় অগ্রিম এক টাকা  
করিয়া পাঠাইবেন ।

৭ম। বাহারী টিকিট দ্বারা মূল্য প্রেরণ করিবেন, তাঁহাদিগকে টাকা প্র  
১০ এক আনা কমিশন দিতে হইবে । কারণ ট্যাম্পবিজ্ঞরকালে আমাদিগকে ও  
ঐ নিয়মে বাঁটা দিতে হয় ।

৮ম। আমাদের স্বাক্ষরিত রিল না লইয়া গ্রাহকগণ কাহাকে মূল্য দিলে  
কাজ দায়ী হইব না ইতি ।

কলিকাতা

প্রকাশক

৬ নং নিম্নগোলাইয়ের লেন

শ্রীমদ্রামানন্দ দাস

শিখা ধারণ, সংবস্ত্র পরিধান ও জটা বন্ধন করিয়া ধ্যানপূত হৃদয়ে ব্রহ্মস্মরণ করিতে লাগিলেন। সকলের মুখেই ব্রহ্মোচ্চারণ হইতে লাগিল। এইরূপ ব্রতধারী হইয়া ত্রিকাল স্নান সমাচরণ করিলে, পরমভক্তি তাঁহাদের হৃদয়ে অধিকার প্রাপ্ত হইল। অন্তঃকরণ বিষয়শূন্য হইয়া, কেবল এক ব্রহ্মে নিলীন হইল। ভগবান্ প্রসন্ন হইয়া তাঁহাদের দৃষ্টিপথে আবির্ভূত হইলেন। চারিদিক আলোকিত হইল। অপূৰ্ব তেজঃপ্রভাবে দেবগণ সহসা ভ্রান্তচিত্ত হইলেন। অনন্তর পরমযত্নসহকারে বলসংগ্রহ ও ধৈর্য্যাবলম্বন করিয়া, তাঁহারা ষড়ঙ্গ বেদের ধ্যান করিতে লাগিলেন। ইহাতে চিত্তশানি দূরীভূত হইল। তখন দেবগণ তৎপর হইয়া, সেই দেবাদি-দেব ভগবান্ সিদ্ধিদাতা অনীশ্বর ঈশ্বরের স্তব করিতে লাগিলেন। দেবগণ উচ্চৈঃস্বরে কহিলেন, হে ব্রহ্মন্! তুমিই ব্রহ্মণ্যদেব, তুমিই ব্রাহ্মণ, তুমিই অজিত। হে বরদায়িন্ মহাপ্রভো! আমরা তোমাকে নমস্কার করি। হে ভক্তানু-কম্পিন্, হে সৃষ্টিরূপ, হে সৰ্ব্বজীবন্তবনীয়! আমরা বিনি-য়ত চিত্তে তোমার পূজা করি। হে সাবিত্রীপতে! তুমি বহুরূপ হইয়াও নীরূপ হইয়াছ। হে বেদধারিন্! তুমিই ধৰ্ম্মনেত্র, আমরা তোমাকে নমস্কার করি! হে বিশ্বরূপ! তুমিই বিশ্বস্বরূপ এবং তুমিই বিশ্বেশ্বর। আমরা তোমাকে নমস্কার করি। হে ধৰ্ম্মনেত্র! তুমি অনুগ্রহপূৰ্ব্বক আমা-দিগকে পরিভ্রাণ কর। হে পিতামহ! আমরা কায়মনো-বাক্যে তোমার শরণাগত হইয়াছি। দেবগণ এইরূপ স্তব করিলে, বেদবিৎ ব্রহ্মা প্রসন্ন হইয়া, কহিলেন, দেবগণ! আমি প্রসন্ন হইয়াছি, তোমাদিগকে অমোঘ দর্শন প্রদান

করিব। হে পুত্রগণ ! তোমরা যাহা চাহিবে, প্রদান করিব, সন্দেহ নাই। ভগবান্ এইরূপ কহিলে, দেবগণ নিবেদন কবিলেন, হে ভগবন্ ! আপনি প্রসন্ন হইয়া বলুন, কি জন্ম ক্ষিতিতলে কমল নিক্ষিপ্ত হইলে, মহাশব্দ উথিত হইয়াছে, কেনই বা চরাচর প্রকম্পিত হইল, কেনই বা সমুদায় লোক আকুলীকৃত হইল। হে দেবদেব ! হে জগৎকারণ ! আমাদিগকে ইহার কারণ বলিতে হইবে। ব্রহ্মা কহিলেন, আমি তোমাদিগের হিতসাধনমানসেই ক্ষিতিতলে কমল নিক্ষেপ করিয়াছি। তোমরা শ্রবণ কর। বাণপুত্র বজ্রনাভ দানব তোমাদিগের দ্রব্যাদি অপহরণ করিয়া রাসাতলে অবস্থান এবং তোমাদিগের আগমনসংবাদ শুনিতে পাইয়া লুকায়িত ভাবে আয়ুধ ধারণ করিয়া বাস করিতেছিল। সে সমুদায় সিদ্ধগণ ও দেবগণকে হত্যা করিতে বাসনা করিয়াছিল। আমি তোমাদিগের হিতাভিলাষে তাহার নিধন সাধন করিয়াছি। সে আমার পদ্মের আঘাতে নিহত হইয়াছে। সে আমার পদ্ম দর্শন করিয়া পুণ্য লোকে গমন করিয়াছে। আমি এই স্থানে পুষ্কর নিক্ষেপ করিয়াছি, ইহার নাম অদ্যাবধি পুষ্কর তীর্থ হইবে। ইহাতে অবগাহন করিলে, জীব সৰ্ব্বপাপ হইতে বিমুক্ত হইবে। ভক্তগণ ইহার মহিমাপ্রভাবে সিদ্ধকাম হইবে। আমি বৃক্ষগণ কর্তৃক আরাধিত হইয়া এই স্থানে আগমন করিয়াছি। তোমরা এই বন সন্দর্শন করিয়া সৎকৰ্ম্ম করিয়াছ। আমি তোমাদিগকে উপদেশ প্রদান করিতেছি, শ্রবণ কর। যে সকল পাপী নর জ্ঞানবান বিপ্রদিগকে বিদ্বেষ করে, তাহারা শতকোটি জন্মেও পাপ হইতে বিমুক্ত হইতে পারে না।

বেদান্তপারগ ব্রাহ্মণদিগকে বধ করিতে নাই । এতাদৃশ একজন বিপ্রকে বধ করিলেও কোটিহত্যার ফল ভোগ করিতে হয় । যে ব্যক্তি একজন বেদপারগ বিপ্রকে শ্রদ্ধাসহকারে ভজনা করে, সে কোটিবিপ্রভজনার ফল ভোগ করিবে । যে ব্যক্তি যতিদিগকে পাত্রপূর্ণ ভিক্ষা প্রদান করিয়া থাকে নিশ্চয়ই সে সৰ্বপাপ হইতে বিমুক্ত হয় । তাহার কখনই দুর্গতি হইবে না । আমি যেরূপ সকল দেবতার জ্যেষ্ঠ, শ্রেষ্ঠ ও পিতামহ বলিয়া পূজনীয় হই ; জ্ঞানী, নিঃশল ও নিরহংকৃত ব্যক্তিও সেইরূপ সকলের পূজনীয় হইবেন । আমি সংসারবন্ধনমোচনের নিমিত্ত এই ব্রতের প্রচার করিলাম । বিপ্রগণ ইহার উপাসনা করিলে, তাঁহাদিগের পুনর্জন্ম হইবে না । যে ব্যক্তি অগ্নিহোত্র গ্রহণ করিয়া পরিত্যাগ করে, যে ব্যক্তি জিতেন্দ্রিয় নহে, যে ব্যক্তি সরাগ চিত্তে নারীগণের উপাসনা করে, যে ব্যক্তি একান্তে মিষ্টান্ন ভোজন করে, যে ব্যক্তি কৃষিবাণিজ্যের একান্ত সেবক এবং যে ব্যক্তি বেদ নিন্দা ও পরভার্য্যা সেবন করে ; তাহার সহিত কথা কহিলেও মানুষ নরকগামী হয় । অসম্বন্ধস্বভাব, দুর্বৃত্ত, দুর্গত ও পাপকারী লোকের দেহস্পর্শ করিলেও পাপভাক্ হইতে হয় এবং স্নান না করিলে শুদ্ধি লাভ হইতে পারে না । ভগবান্ ব্রহ্মা এইরূপ কহিয়া অমরদিগের সহিত যেরূপে ঐ ক্ষেত্রের বিনিবেশ করিলেন, আমি তাহার বিবরণ কহিতেছি, শ্রবণ কর । এই পুষ্কর তীর্থে দেবতারা যজ্ঞ করিয়াছেন । লোকধারী ব্রহ্মা স্বয়ং ইহার সৃজন করিয়াছেন । ইহাকে ত্রৈলোক্যপাবন প্রথম তীর্থ কহিতে পারা যায়, যোগীরা ইহাকে ব্রহ্মবেদ কহিয়া থাকেন । মধ্যম

তীর্থের নাম বৈষ্ণব, কনিষ্ঠ তীর্থকে রুদ্রদৈবত্য কহিয়া থাকে এবং ব্রহ্মা ইহার পূর্বের কল্পনা করিয়াছিলেন । পুষ্কর তীর্থ ত্রিলোকীর মধ্যে পরম ক্ষেত্র ও পরম দুর্লভ বলিতে পারা যায় । পদ্ম ইহাতে নিহিত হইয়াছে বলিয়া, ইহার নাম পুষ্কর হইয়াছে । এই ভূমিভাগ ব্রহ্মার অনুগ্রহে কল্পিত হইয়াছে । ইহাতে স্তবর্ণবজ্রঘটিত বেদিকা নির্মিত রহিয়াছে । ইহার কুট্টিম ভাগ রত্নসম্পূর্ণ, বিচিত্র ও স্তশোভন । ইহাতে লোক-পিতামহ ব্রহ্মা, রুদ্র, বিষ্ণু, অশ্বিনীকুমার ও মহেন্দ্রাদি অমর-গণ চিরবিবরাজ করিতেছেন । আমি ইহার সমুদায় বিবরণ প্রকাশ করিলাম । যে সকল বিপ্র দেবগণকে প্রত্যক্ষ দেখিতে পান, যাঁহারা অগ্নিসেবায় তৎপর, সেই মহানুভবগণ এই তীর্থে ব্রহ্মসন্নিধানে বাস করিয়া থাকেন ।

ভীষ্ম কহিলেন, ভগবন্ ! যে বিধির অনুসারী হইয়া পুষ্করারণ্যে বাস করিলে ব্রহ্মলোকের সমাগম হইতে পারে এবং যে বিধির অনুসরণ করিয়া স্ত্রী পুরুষ পুষ্করারণ্যে বাস করিতে পারে, আমি তাহার সংবাদ জানিতে ইচ্ছুক হইয়াছি ।

পুলস্ত্য কহিলেন, বর্ণাশ্রমনিবাসী স্ত্রীপুরুষমাত্রেই পুষ্কর-তীর্থে বাস করিতে পারে । ইহাতে বাস করিতে হইলে ধর্মাচরণ, বাক্যসংযম ও দন্তমোহবিসর্জন, জিতেন্দ্রিয় হইয়া কায়মনোবাক্যে ব্রহ্মভক্তি অভ্যাস এবং অসূয়াদি বিসর্জন করিয়া সৰ্বজীবের হিতচিন্তা করিতে হয় ।

ভীষ্ম কহিলেন, ভগবন্ ! বিশেষ করিয়া বসুন, কিরূপ আচরণ করিলে, মানুষকে ব্রহ্মভক্ত বলিতে পারা যায় । আমি ব্রহ্মভক্তির স্বরূপ জানিতে অভিলাষী হইয়াছি । পুলস্ত্য



উত্তর করিলেন, ভক্তি তিনপ্রকার নির্দিষ্ট হইয়াছে, উহা মনঃসম্ভব বা কৰ্ম্মসম্ভব উভয়ই হইতে পারে । প্রথম প্রকার মৌলিক, দ্বিতীয় প্রকার বৈদিক এবং তৃতীয় প্রকারকে আধ্যাত্মিকী কহিয়া থাকে । ধ্যান ধারণা ও ব্রহ্মবেদ স্মরণ করিয়া মানুষ ব্রহ্মের প্রতি যে প্রীতি করিয়া থাকে, তাহাকে মানসী ভক্তি বলে । মন্ত্রবেদ নমস্কার ও অগ্নিধ্যানাদি সহকারে আরণ্যকেরা যে ব্রহ্মভক্তি প্রদর্শন করিয়া থাকে, তাহাকে বাচিকা ভক্তি কহিতে পারা যায় । ব্রত, উপবাস, নিয়ম, জিতেন্দ্রিয়তা এবং পূজানসহকারে যে ভক্তি প্রদর্শিত হয়, তাহাকে কায়িকী ভক্তি কহিয়া থাকে । এইরূপ পিতামহকে সমুদ্দেশ করিয়া নৃত্য, বাদিত্র, গীত, উপহার এবং ভোজ্যাদি পান প্রভৃতির সমাচরণ করিলে, তাহাকে আলৌকিকী ভক্তি বলিতে পারা যায় ! আলৌকিকী ভক্তির আরও কয়েকটি প্রকরণ আছে । কৃষ্ণপক্ষ ও পূর্ণিমা রজনীতে অগ্নিহোত্র করিতে হয় । প্রাদান, দক্ষিণা দান, হবিঃক্রিয়া, যজ্ঞ, সোমপান প্রভৃতির সমাধান করিতে হয় । অগ্নিভূমি, অনিলাকাশ, যজ্ঞধর অত্রি ও ভাস্করের, সমুদ্দেশ করিয়া এই সকল ক্রিয়াকলাপ সমাধান করিলে, তাহাকে ব্রহ্মদৈবত বলে । আধ্যাত্মিকী বিবিধ প্রকার কথিত হইয়াছে । তন্মধ্যে সাংখ্য ও যোগজ এই দুই প্রকার ভক্তির বিষয় বলিতেছি, শ্রবণ কর । সাংখ্য শব্দে চতুর্বিংশতি তত্ত্বই প্রধানরূপে পরিগণিত হইয়া থাকে । সেই চতুর্বিংশতি তত্ত্ব, অচেতন দৈব, পঞ্চবিংশক পুরুষ, অধিষ্ঠাতা প্রয়োজক ও অব্যক্ত আত্মা, চেতন ভোক্তা, অকর্ত্তা গুণাকর পুরুষ, প্রভৃতি । এবং ব্যক্ত শব্দ পুরুষ ও কারণ ইত্যাদি প্রকারে সাধুগণ

আধ্যাত্মিকী সাংখ্য ভক্তি নিরূপিত করিয়াছেন। এক্ষণে যোগজ ভক্তি শ্রবণ কর। প্রাণায়ামপরায়ণ, ধ্যানবান্ ও নিয়তেন্দ্রিয় হইয়া প্রজেশ্বরকে ধ্যান করিতে হইবে। রক্ত-বস্ত্র স্থলোচন চতুর্দাহ ভগবান্ যখন বরাভয় হস্তে ছংপদ্ম-কর্ণিকায় আসীন হইবেন, তখনই জানিবে যে, ব্রহ্মভক্তি হইয়াছে। এইরূপ ভক্তিমান্ হইলেই তাহাকে ব্রহ্মভক্ত বলে। ভগবান্ ব্রহ্মা পুষ্করারণ্যে বিষ্ণু ও দেবগণকে স্বয়ং এইরূপ উপদেশ করিয়াছিলেন। নিশ্চয় ও নিরহঙ্কার হইয়া নিঃশঙ্ক চিত্তে ব্রহ্মোপাসনা করিতে হয়, বন্ধুবর্গের প্রতি পক্ষপাত পরিত্যাগ করিতে হয়, লোভে কাঞ্চন সমজ্ঞান করিতে হয়। এই প্রকার আচরণ করিলে, জীবের নিশ্চয়ই মঙ্গল হইবে, তাহার সন্দেহ নাই।

যে সকল বিপ্র প্রাণায়ামপরায়ণ হইয়া, জপধ্যানবলে ব্রহ্মপদ প্রাপ্ত হয়, এই পুষ্করে অধিবাস করিয়া প্রাণত্যাগ করিলে তাহাদের পুত্রপৌত্রেরাও ফলপ্রাপ্ত হইবে। তাহারা নিশ্চয়ই অক্ষয় ব্রহ্মসংযোগ লাভ করিবে, তাহাদের পুনর্জন্ম কখনই হইবে না। অন্যান্য আশ্রমবাসীদিগের পুনরাবর্তন হইতে পারে, কিন্তু পুষ্করাশ্রমবাসীদিগের কখনই ঐরূপ হইবে না। গৃহস্থাশ্রমে থাকিয়া ষট্‌কর্ম সমাচরণপূর্বক হোম করিলে পুষ্করতীর্থে অধিকতর ফললাভ হয়। পুষ্করতীর্থে সকল লোকেই গতিপ্রাপ্ত হইবে। পুষ্করতীর্থে মৃত্যু হইলে জীব পরমপদে আরূঢ় হইবে। এবং বালসূর্য্যসম্প্রকাশ আলোকময় বিমানে আরোহণ পূর্বক স্ত্রীসহস্রপরিবৃত হইয়া সঙ্কন্দ গমনে বিরিক্সিম্বাসে গমন করিবে। সর্বলোকে কোথাও তাহার গতিরোধ হইবে না। সে স্বর্গচ্যুত হইলেও

মহৎকূলে মহাবীৰ্য্য হইয়া জন্মগ্রহণ করিবে। বে যোগী সৰ্ব্বদঙ্গপরিচ্যাগী ও গতস্পৃহ হইয়া পুষ্করতীর্থে বাস করে, সে মরণান্তে তরুণার্কসমপ্রকাশ বেদিকাস্তম্ভশোভিত বিমানে আরোহণ করিয়া, আকাশে দ্বিতীয় চন্দ্রমার স্থায় প্রকাশিত হইবে। গন্ধর্ব ও অমরাগণ গীতবাদ্যসহকারে শতকোটি-বৎসর তাহার উপাসনা করিবে। সে অনিবারিত হইয়া যে সে লোকে গমন করিতে পারিবে। সে বিষ্ণুলোক হইতে রুদ্রলোকে গমন করিতে পারিবে। অনন্তর রুদ্রলোক হইতে পরিভ্রষ্ট হইয়া নানাদ্বীপে জন্মগ্রহণ করিয়া স্তম্ভসম্ভোগ করিবে। সে, সকল স্বর্গের সকল স্তম্ভসম্ভোগ করিতে পারিবে। সে যদি পুনর্বার মর্তে জন্মগ্রহণ করে, তবে রাজাধিরাজ বা রাজপুত্র বা স্বধী ও ধনবান্ হইয়া দীর্ঘজীবী হইবে। সে নিশ্চয়ই স্তম্ভপ, নৌভাগ্যশালী, রূপবান্ ও কীর্ত্তিমান হইবে, সন্দেহ নাই। ব্রাহ্মণই হউক আর ক্ষত্রিয়ই হউক, বৈশ্যই হউক আর শূদ্রই হউক, যে ব্যক্তি স্বধর্মনিরত হইয়া ব্রহ্মভক্তিসহকারে পুষ্করক্ষেত্রে বাস করিবে, সে মরণে স্তম্ভোভন বিমানে আরোহণ করিয়া ব্রহ্মলোকে গমন করিবে। অমরাগণ তাহার সহবাসে আনন্দিত হইবে। যে ব্যক্তি এই পুষ্করতীর্থে আত্মশরীর অধিতে আহুতি প্রদান করিবে, সেই ব্রহ্মধারী মহাপুরুষ ব্রহ্মভবনে গমন করিবে, সন্দেহ নাই। যে নর সর্বকামসমায়ুক্ত হইয়া এই পুষ্করে প্রাণত্যাগ করিবে, ব্রহ্মলোক তাহারও অধিকৃত হইতে পারিবে। সে রুদ্র, বিষ্ণু ও দেবগণে পরিবৃত্ত হইয়া ব্রহ্মসন্দর্শন প্রাপ্ত হইবে। শূদ্রগণ পুষ্করতীর্থে অনশনে প্রাণত্যাগ করিলে, হংসযুক্ত ও বকসন্নিভ বিমানে আরোহণ

করিয়া ব্রহ্মলোকে গমন করিবে। অঙ্গরাগণ গীতবাদ্য-  
 সংযোগে তাহাদের সেবা করিবে। অনন্তর তাহারা দীর্ঘকাল  
 ব্রহ্মলোকের সকল সুখসম্ভোগ করিলে পর, ধনবান্ ব্রাহ্মণ  
 হইয়া মর্ত্যলোকে জন্মগ্রহণ করিবে। যে বনেচর পুষ্করতীরে  
 শরীর পতন করিবে, সে সর্বলোক পরিচার করিয়া ব্রহ্ম-  
 লোকে বাস করিতে পারিবে। সে পাপক্ষয় পর্যন্ত ব্রহ্ম-  
 লোকে বাস করিবে। সে অধঃ, উর্দ্ধ ও তিৰ্য্যক দিকে যথেষ্ট  
 গমন করিতে সক্ষম হইবে, সকল লোকে তাহার পূজা  
 করিবে, সে সদাচার ও বিদিত্ত এবং সর্বেশ্বরীয়মনোহর  
 হইবে। সে নৃত্যগীত ও বাদিত্রে সৰ্বিশেষ ব্যুৎপত্তিলাভ  
 করিবে। তাহার আকার সুন্দর ও সুপ্রিয় হইবে। সে ব্যক্তি  
 দিব্যাভরণভূষিত ও অগ্নানমালায় সুশোভিত হইয়া বাস  
 করিবে। তাহার শ্যামরূপ নীলোৎপলদলের পরাজয়  
 করিবে। তাহার কেশকলাপ সুন্দর ও সুকৃষ্ণিত হইবে।  
 সে ধন্য, মান্য ও সর্বসৌভাগ্যপরিবৃত্ত হইয়া চিরজীবন ঐশ্বর্য  
 ও যৌবন সম্ভোগ করিবে। স্থিরযৌবনা কামিনীগণ মরণে  
 তাহার সহবাসিনী হইবে। প্রাতঃকালে বীণাবেণুনির্বাদ  
 তাহার নিদ্রাভঙ্গ হইবে। সে প্রতিদিন মহোৎসবসময় মহা-  
 মূল্য দ্রব্যসামগ্রী ভোজন করিতে পারিবে। হে ভীষ্ম ! শ্লেচ্ছই  
 হউক আর শূদ্রই হউক, পশুই হউক আর পক্ষীই হউক,  
 পুষ্করতীরে মৃত্যু হইলে নিশ্চয়ই তাহার ব্রহ্মলাভ হইবে।  
 কীট হউক আর পিপীলিকাই বা হউক, স্থলজ হউক আর  
 জলজই বা হউক, শ্বেদজ হউক আর জরাযুজই বা হউক, সে  
 ব্যক্তি সূর্য্যপ্রভ বিমানে আরোহণ করিয়া ব্রহ্মলোকে গমন  
 করিতে পারিবে। কলিযুগে মহাঘোর পাপ করিলে জীব

আর কোন উপায়ে শুদ্ধ হইতে পারে না । কিন্তু যে সকল লোক 'পুষ্করতীর্থে' বাস করে, তাহার। কলিকালে অর্থহীন হইলেও ক্লেশ পাইবে না । রাত্রিকালে পঞ্চেন্দ্রিয়সহকারে মহাপাপ করিলেও, জীব পুষ্করতীর্থে প্রাতঃকালে অবগাহন করিয়া সমুদায় পাপ হইতে বিমুক্ত হইতে পারিবে । সমুদায় দিনমান পাপাচরণ করিয়াও জীব পিতামহের স্মরণমাত্রেই সন্ধ্যাকালে পাপ হইতে মুক্ত হইবে । যে ব্যক্তি পুষ্করারণ্যে শব্দাদি সমুদায় বিষয় যথাকাল উপভোগ করে, তাহারও গতি অন্যান্য স্থানের ব্রহ্মভক্ত তপস্বীদিগের সমান হইবে । যে ব্যক্তি অরণ্যে শীর্ণপর্ণ ও ফলমূলান্নু ভোজন করিয়া তপস্থা করে, তাহার যেক্রপ সঙ্গতি হয়, পুষ্করারণ্যে যে ব্যক্তি স্থস্থাহু পান ভোজন করিয়া বাস করিবে, তাহারও গতি সেইরূপ উৎকৃষ্ট হইবে । যেমন মহোদধির তুল্য জলাশয় ও ব্রহ্মার তুল্য দেবতা নাই, সেইরূপ পুষ্করের তুল্য আর তীর্থ নাই । যে ব্যক্তি পুষ্করারণ্যে বাস করে, সে পিতামহের ঞায়, অব্যয় ও পরম লোক প্রাপ্ত হইয়া থাকে । ত্রেতা কিস্বা দ্বাপরযুগে দ্বাদশ বৎসর তপস্থা করিলে, যে ফল হয়, পুষ্করতীর্থে অহোরাত্র বাস করিলে, কলিযুগে সেই ফল হইয়া থাকে । হে ভীষ্ম ! দেবদেব ব্রহ্মা পূর্বকালে আমাকে এইরূপ উপদেশ করিয়াছিলেন । ভূমণ্ডলে পুষ্করের অপেক্ষা উৎকৃষ্ট তীর্থ আর নাই, অতএব সর্বপ্রযত্নে পুষ্করের আরাধনা করিবে ।

হে ভীষ্ম ! ব্রহ্মলোকে পূজিত হইতে হইলে, নানাবৃদ্ধি অবলম্বন করিতে হয় । ব্রহ্মা চতুর্বিধ আশ্রমের সৃষ্টি করিয়াছেন । এই চতুর্বিধ আশ্রমেই নিষ্কাম হইয়া ব্রহ্ম সেবা

করিতে হয়। এই চতুর্বিধ আশ্রমের নাম গৃহস্থ, ব্রহ্মচারী, বানপ্রস্থ ও তিষ্ণুক বলিয়া অভিহিত হয়। জীবনের চতুর্থ-ভাগ ব্রহ্মচর্য্য অবলম্বন করিয়া যাপন করিতে হয়। ব্রহ্মচর্য্যের এইরূপ লক্ষণ নিরূপিত আছে, যে, ধর্ম্মার্থপরায়ণ হইয়া গুরু বা গুরুপুত্রের আশ্রিত হইবে, তাঁহাদিগের অনভিমত উত্তর করিবে না, জিতেন্দ্রিয় হইয়া, গুরুর প্রতি উগ্রভাবে দৃষ্টি নিক্ষেপ করিবে না, গুরু ভোজন না করিলে ভোজন করিবে না, পান না করিলে পান করিবে না, গুরু উপবিষ্ট থাকিলে উপবিষ্ট হইবে, স্তম্ভ হইলে স্তম্ভ হইতে হইবে, উত্তানপাণি হইয়া গুরুপদ হইতে রজ গ্রহণ করিতে হইবে। দক্ষিণ পদ দক্ষিণ হস্তে এবং বামপদ বাম হস্তে সেবা করিতে হইবে; এইরূপে অভিবাদন করিয়া প্রার্থনা করিবে, হে গুরো ! কৃপা করিয়া আমাকে অধ্যাপন করুন। তুমি যে যে কর্ম্ম করিয়াছ, সমুদায় গুরুজনের গোচর করিয়া উপদেশ চাহিবে। অনন্তর যাহা যাহা করিবে, তাঁহার আত্মা লইয়া করিবে। আমি ব্রহ্মচারীর বিস্তর নিয়ম জানিয়াছি, ঐ সকল নিয়ম শিষ্যেরা গুরুসন্নিধানে গ্রহণ করিবে। এই-রূপে গুরুর প্রীতিসাধন করিয়া ব্রহ্মচর্য্য পালন করিতে হইবে। গুরুসন্নিধানে ব্রহ্মবাদ ও বেদ শ্রবণ করিয়া ব্রহ্মচারী ভিক্ষাবৃত্তি অবলম্বন পূর্ব্বক সময় যাপন করিবে। তাহাকে ধরাশয্যায় শয়ন করিতে হইবে। বেদব্রত অবলম্বন করিয়া চতুর্থাংশ যোগে গুরুকে দক্ষিণা দান করিতে হইবে। অনন্তর প্রত্যাবৃত্ত হইয়া গৃহস্থআশ্রমে বাস করিবে। গৃহী ব্যক্তি অগ্নিসন্নিধানে ধর্ম্মপরায়ণা পত্নী গ্রহণ করিয়া সংসারধর্ম্মের পরিপালন করিবে। গৃহস্থআশ্রমে জীবনের দ্বিতীয় ভাগ

যাপন করিতে হইবে । মুণিগণ গৃহস্থরুতি চতুর্বিধ কহিয়াছেন । প্রথম প্রকার রুতিকে কুশূলধান্তা, দ্বিতীয় প্রকারকে কুন্তীধান্তা, তৃতীয়কে অশ্বস্তনী এবং চতুর্থকে কাপোতী কহিয়া থাকে । কেহ কেহ ষাট্ কৰ্ম্ম সমাচরণ করিয়া গৃহী হইতে ইচ্ছা করেন । কিন্তু ব্রহ্মবান্ দ্বিজ পূর্বোক্ত চতুর্বিধ ব্যাপার সাধন করিলেই চরিতার্থ হইতে পারিবেন ।

গৃহী ব্যক্তি কেবল আপনার উদ্দেশে অন্নপাক, অনর্থক পশুহত্যা এবং যথাযুক্ত সংস্কার না করিয়া প্রাণিবধ করিবে না । কদাপি দিবসে সন্ধ্যায় ও প্রাতঃকালে নিদ্রা যাইবে না । মহানিশায় কদাপি আহাৰ করিবে না । ঋতুভিন্ন স্থলে স্ত্রী সেবন করিবে না । বিপ্রগণ গৃহে অতিথি হইলে তাঁহাদের পূজা করিবে । হব্য ও কব্যবাহীদিগকে সাতিশয় পূজা করিতে হইবে । বেদবিদ্যাবিৎ ও ব্রতবান্ শ্রোত্রিয় এবং স্বকৰ্ম্মজীবী, দাঁন্ত ও ক্রিয়াবান্ তপস্বীদিগকে বিশেষ শ্রদ্ধা-সহকারে পূজা করিবে । গৃহী ব্যক্তি স্বজনে পরিবৃত, স্বকৰ্ম্মজীবী ও অগ্নিহোত্রশালী হইয়া স্বধা প্রদান করিলে, উহা সকল লোকের গ্রাহ্য হইতে পারে । এইরূপ স্বধা পরমাম্মের সহিত প্রদান করিতে হয় । গৃহী ব্যক্তি বিষশাসী হইয়া অমৃত-ভোজন করিবে । হবির সহিত যজ্ঞশেষ ভোজন করিলে তাহাকেই অমৃতভোজন বলে । যে ব্যক্তি পরিজনদিগকে অগ্নে প্রদান করিয়া ভোজন করে, তাহাকেই বিষশাসী বলে । গৃহী ব্যক্তি নিজ স্ত্রীতে প্রীতিমান্, দানশীল, অসূয়া-বিহীন ও জিতেন্দ্রিয় হইবে । পুরোহিত, আচার্য্য, মাতুল, অতিথি, বাল, বৃদ্ধ, আতুর, বৈদ্য, স্ত্রীলোক, দম্বন্ধী, বন্ধু-বান্ধব, মাতা, পিতা, জাতি, পুত্র, পুত্রবধূ, হুহিতা ও দাস-

বর্গের সহিত কখনই বিবাদ করিবে না । যে ব্যক্তি ইহাদের  
 দুঃখমোচনে তৎপর হইবে, সে নিশ্চয়ই সর্বপাপ হইতে  
 মুক্ত হইবে । যে ব্যক্তি ইহাদিগকে বশীভূত করিতে পারিবে,  
 সে সর্বলোকেই জয়প্রাপ্ত হইবে । আচার্য্য বশীভূত হইলে  
 ব্রহ্মলোক বশীভূত হয়, পিতা বশীভূত হইলে প্রাজাপত্য-  
 লোক বশীভূত হয় । অতিথির প্রীতিসাধন করিতে পারিলে  
 ঋত্বিক ও দেবলোকে অপূর্ব আশ্রয় প্রাপ্ত হওয়া যায় ।  
 এইরূপ মাতুল বশীভূত হইলে বম্বলোক, জ্ঞাতিগণ হইলে  
 বিশ্বদেবলোক, সম্বন্ধি বন্ধুবান্ধব হইলে পৃথিবী লোক, বৃদ্ধ  
 বালক ও আতুরেরা হইলে আকাশ লোক, পুরোহিত হইলে  
 ঋষিলোক, বৈদ্য হইলে অশ্বিলোক, স্ত্রুত হইলে মরুল্লোক  
 এবং ভাৰ্য্যা বশীভূত হইলে অম্বরালোক বশীভূত হয় ।  
 জ্যেষ্ঠভ্রাতাকে পিতৃতুল্য ভাবিতে হইবে, ভাৰ্য্যা ও পুত্রকে  
 নিজশরীর বোধ করিতে হইবে, স্বজনদিগকে আপনার  
 ছায়ার ন্যায় ভাবিতে হইবে এবং দুহিতাকে সাক্ষাৎ করুণা  
 বলিয়া বোধ করিতে হইবে । অতএব ইহাদের সহিত কখনই  
 বিবাদ করিবে না । গৃহীব্যক্তি সংসারী ও বিদ্বান্ হইবে,  
 ধৰ্ম্মনিষ্ঠ ও ক্লান্তিহীন হইবে, এবং ধৰ্ম্মকৰ্ম্ম ভিন্ন অন্য কোন  
 আচরণ করিবে না । এইরূপ গৃহবৃত্তি হইয়া বাস করিলে,  
 জীব অচিরাৎ শ্রেয়ঃপ্রাপ্ত হইবে । কুশ্লধান্য, কুম্ভীধান্য ও  
 কপোত বৃত্তি আশ্রয় করিয়া এই সকল নিয়মের পরিপালন  
 করিবে । যে ব্যক্তি এইরূপ গৃহস্থ হইয়া বাস করিবে, নিশ্চ-  
 য়ই তাহার পিতা, পিতামহ, মাতা ও আত্মা পবিত্র হইবে,  
 সন্দেহ নাই । সে নিশ্চয়ই চক্রিলোকের সমানগতিলাভ  
 করিবে । জিতেন্দ্রিয়দিগের এইরূপ গতি নির্দ্ধারিত হইয়াছে ।



আমি এখন তৃতীয় অর্থাৎ বানপ্রস্থ আশ্রমের বর্ণনা করিতেছি, শ্রবণ কর । শিরোদেশ পলিত নিরীক্ষণ করিলে, বশী গৃহস্থ অপত্য বা অপত্যদিগকে সংসারভার সমর্পণ করিয়া অরণ্যে গমন করিবে । গৃহস্থগণ বনবাসী হইলে তাহাদের নিমিত্ত বানপ্রস্থ কল্পিত হইয়া থাকে । হে ভীষ্ম ! তুমি অবহিত হইয়া বানপ্রস্থবিবরণ শ্রবণ কর । পুণ্যদেশ-নিবাসী পুরুষ দীক্ষাপূর্বক সংসার হইতে নিবৃত্ত হইয়া অরণ্যে গমন করিবে, প্রজ্ঞাশীল, সত্যসন্ধ, শুচি, ও ক্ষমাবান হইবে ; জীবনের তৃতীয় ভাগ বানপ্রস্থ আশ্রমে বাস করিবে ; পূর্ববৎ অগ্নির উপাসনা এবং দেবতাদিগের যজ্ঞ করিতে থাকিবে ; নিয়ত ও নিয়তাহার হইয়া ভক্ত ও অপ্রমত্ত-ভাবে বাস করিবে ; অকৃষ্ট ত্রীহিষব, নীবার, বিঘস, ও বারিঙ্গ যুগালাদি সংগ্রহ করিয়া রাখিবে । বানপ্রস্থ আশ্রমে চারি প্রকার রুতি নিরূপিত আছে । কেহ বা উপস্থিতসঞ্চয়ী, কেহ বা মাসিকসঞ্চয়ী, কেহ বা বার্ষিকসঞ্চয়ী, কেহ বা দ্বাদশবার্ষিক হইয়া বানপ্রস্থে বাস করিয়া থাকেন । অতিথি পূজা ও যজ্ঞ তন্ত্রাদির নিমিত্ত এইরূপ সংগ্রহ করিতে হয় । এতদ্ভিন্ন, বর্ষাকালে অনাবৃত প্রদেশে, শীতকালে জলে, গ্রীষ্মকালে পঞ্চায়মধ্যে এবং অশ্বখমূলভোজী হইয়া বাস করিতে হয় । ভূমিতলে বিপরিবর্তিত হইয়া শয়ন করিতে হয়, স্নান করিয়া সেই বসনেই থাকিতে হয় । এক প্রকার বানপ্রস্থ আছে উহাদিগকে দস্তোলুখলিক কহে, আর এক প্রকারকে অশ্মকুষ্ঠ কহিতে পারা যায় । ইহারা কেহ বা কৃষ্ণপক্ষে, কেহ বা শুক্লপক্ষে পান ভোজন করিয়া থাকে, কেহ বা ফল, কেহ বা মূল, কেহ বা পুষ্প ভক্ষণ করিয়া

জীবনযাপন করে। তৃতীয় প্রকার বানপ্রস্থকে বৈখানস বলে। যাহারা ইহার আচরণ করে, তাহাদিগকে নানা দিনে নানাপ্রকার কঠোর ব্রত পালন করিতে হয়। চতুর্থ প্রকার বানপ্রস্থকে উপনিষদ বলিয়া থাকে, ইহাকে সাধারণ বলিলেও বলা যায়। কোন কোন বানপ্রস্থ গৃহস্থ ভাবেই বাস করিয়া থাকেন। অনেকে জীবনের চতুর্থভাগও বানপ্রস্থা-শ্রমে যাপন করিয়া থাকেন। কত শত লোক বানপ্রস্থের কঠোর ব্রত পরিপালন করিয়া যে স্বর্গে গমন করিয়াছে তাহার আর ইয়ত্তা করা যায় না। শমীক প্রভৃতি মুনিগণ এইরূপই স্বর্গ প্রাপ্ত হইয়াছিলেন। উগ্রতপা মুনিদিগের বানপ্রস্থের কঠোর ব্রতই অনুমোদিত হইয়া থাকে। যে ব্যক্তি বানপ্রস্থাশ্রমে অগ্নিতে আত্মশরীর আত্মতা প্রদান করিতে পারিবে, নিশ্চয়ই তাহার মোক্ষলাভ হইবে। আত্মবাজী ব্যক্তি স্থূল ও সূক্ষ্মরূপে হয়, তাহার শরীরে পাপস্পর্শ হয় না। সে মোহহীন, কলহহীন, ও উদাসীন হইয়া থাকিতে পারে। সে শাস্ত্রশূন্য হইলেও ভ্রমহীন হইবে। আত্মবাজীর যথেষ্ট গতি হইতে পারে। সে ধর্মাচার ও জিতেন্দ্রিয় হইবে।

আমি এখন চতুর্থ আশ্রমের বর্ণনা করিতেছি, শ্রবণ কর। ইহা সর্বলোকের স্তু্যমান হইয়া থাকে। পূর্বোক্ত আশ্রম সকলের সেবা করিয়া সংস্কার প্রাপ্ত হইলে এই আশ্রমে প্রবেশ করিতে হয়। ইহাকে ভিক্ষু বা প্রব্রজ্যা আশ্রম কহিতে পারা যায়। সম্যাসী ব্যক্তি একাকী বাস করিবে, একাকী কৰ্ম করিবে, এবং একাকীই সিদ্ধিলাভের চেষ্টা করিবে। অমের নিমিত্ত কদাচিত্ প্রাণে গমন করিবে। অদ্যকার

নিমিত্ত চেষ্টা করিবে, পরশ্ব কি হইবে ভাবিবে না । মুনিভাব  
 অবলম্বন করিয়া কালষাপন করিবে । লঘু আহার করিবে,  
 একবার ভিন্ন ভোজন করিবে না । নিজের গৃহে অন্ন পাক  
 করিয়া থাইবে না । কোনদিকে দৃষ্টিপাত করিবে না, কোনদিকে  
 কণপাত করিবে না, কাহার বিষয় কথা কহিবে না । বিশে-  
 ষতঃ ব্রাহ্মণদিগের বিষয়ে কোনকথাই বলিবে না । তবে  
 ব্রাহ্মণের অনুকূলে যাহা হয়, বলিতে পারিবে । নিন্দাস্থলে  
 তুম্বীভাব অবলম্বন করিবে । অবশ্য হয়, এক্রপ কর্ম করিবে না ।  
 নির্জজন হউক, আর জনপূর্ণই বা হউক, সর্বস্থলেই একাকী  
 আত্মাকে অনেক ভাবিয়া বাস করিবে । যে ব্যক্তি এইরূপ  
 হইয়া বাস করিতে পারে তাহাকেই ব্রাহ্মণ বলিতে পারা  
 যায় । যে সে স্থানে শয়ন করিতে পারিবে, যে সে স্থানে বাস  
 করিতে পারিবে এইরূপ হইলেই তাহাকে ব্রাহ্মণ বলে । যে  
 ব্যক্তি স্ত্রীদিগকে অহিকুলের ন্যায় এবং স্ত্রীদিগকে নরকের  
 ন্যায় ভয় করে, তাহাকেই দেবতারা ব্রাহ্মণ বলেন । যে ব্যক্তি  
 সর্বপাপ হইতে বিমুক্ত, যে ব্যক্তি সর্বমায়্য পরিত্যাগ করিতে  
 পারিয়াছে, তাহার আবার ভয় কি ? দেবতারা তাহাকেই  
 ব্রাহ্মণ বলেন, সন্দেহ নাই । অহিংসাই যাহার পরমধর্ম,  
 ধর্মই যাহার পরম উদ্দেশ্য, যে ব্যক্তি সর্বভূতের মঙ্গল বাসনা  
 করে এবং সর্বসঙ্গ পরিত্যাগ করিয়া অশ্বমেধে প্রীতিমান হয়,  
 দেবতারা তাহাকেই ব্রাহ্মণ বলিয়া জানেন । যে ব্যক্তি প্রণাম  
 নমস্কারের প্রত্যাশা করে না ও আশীর্বাদের অভিলাষ করে  
 না, যে ব্যক্তি যোগ দ্বারা ক্ষীণকলেবর হয়, দেবতারা  
 তাহাকেই ব্রাহ্মণ বলিয়া জানেন ।

## ষোড়শ অধ্যায় ।

ভাষ্য কহিলেন, ভগবন্ ! এক্ষণে তীর্থনাহাত্ত্যা শ্রবণ করিলাম । বুঝিলাম, যে, ত্রক্ষার কপাল পতিত হইয়াছিল, বলিয়া এই তীর্থের উৎপত্তি হইয়াছে । হে মুনিশার্দূল ! এক্ষণে আমাকে অনুগ্রহ করিয়া বলুন, যে, পুষ্করতীর্থে ভগবান্ বিষ্ণু ও শঙ্কর কিরূপ আচরণ করিয়াছিলেন । তাঁহারা কিরূপে যজ্ঞ করিয়াছিলেন, যজ্ঞস্থলে কে,ন্ কে,ন্ মহর্ষিই বা উপস্থিত ছিলেন ? যাজ্ঞিক বিধি সমুদায় কিরূপেই বা যাপন করিয়াছিলেন, কিরূপেই বা দক্ষিণা দান প্রভৃতি মহৎ ব্যাপার-সমূহ নিৰ্বাহিত হইয়াছিল ? কিরূপে যজ্ঞবেদিকা নিৰ্ম্মিত হইয়াছিল, কোন্ যজ্ঞই বা দেবগণের কর্তব্য হইয়া থাকে, কি উদ্দেশ্যই বা দেবতারা যজ্ঞানুষ্ঠান করিয়াছিলেন ? সাবিত্রী-সহচর ত্রক্ষা অজরদিগের সহিত কেনই বা যজ্ঞ করিলেন ? স্বর্গ ত ত্রক্ষারই অধিকৃত, ত্রক্ষা স্বয়ংইত দেবগণকেই স্বর্গ দান করিয়াছেন । তবে আবার সাড়ম্বরে যজ্ঞারম্ভ কি নিমিত্ত হইল ? এ সমুদায় জানিবার জন্য আমার সাতিশয় কৌতূহল হইয়াছে । আমি শুনিয়াছি যে, বেদ ও ওষধি অগ্নিহোত্র হইতে সমুৎপন্ন হইয়াছে, আমি উহাদের বিবরণও জানিতে ইচ্ছুক হইয়াছি । যে স্ত্রী সত্যস্বরূপা, যাহাকে লোকে সাবিত্রী বলিয়া থাকে, যাহাকে ত্রক্ষার ভার্য্যা বলিয়া উল্লেখ করা হয়, যিনি ঋষিদিগের জন্মদাত্রী, যিনি পুলস্ত্যাদিমুনি, সপ্তদক্ষ ও প্রজাপতি এবং স্বায়ম্ভব প্রভৃতি মুনিদিগকে জন্মদান করিয়াছেন, সেই

পতিত্বতা, স্তব্ধতা, মহাভাগা চারুহাসিনী পুত্রবতী ধর্ম-  
পত্নীকে পরিত্যাগ করিয়া ব্রহ্মা কি জন্ম দারাপ্তরে প্রীতি  
করিয়াছিলেন। তাঁহার ঐ অন্তা স্ত্রীর নামই বা কি, তিনি  
কাহারই বা চুহিতা, কোন্ স্থানেই বা তাঁহার সহিত ভগ-  
বানের সাক্ষাৎকার হইয়াছিল, ঐ জনমোহিনী কিরূপ ও  
কে, এবং তাঁহাকে দেখিয়া ব্রহ্মা কেনই বা কামমোহিত  
হইয়াছিলেন, তিনি কি সাবিত্রীর অপেক্ষা রূপগুণে অধিক-  
তর মনোহারিণী, যে, দেখিয়া সর্বৈশ্বর ব্রহ্মাও বশীভূত হই-  
লেন; ফলতঃ ব্রহ্মা যে রূপে ঐ ত্রৈলোক্যসুন্দরী রমণীকে  
গ্রহণ করিয়া যে রূপে যে রূপ আচরণ করিয়াছিলেন, সে সমু-  
দায় অবিকল বর্ণনা করুন। সাবিত্রীই বা পতীর ঐ সকল  
আচরণ শুনিয়া কি মনে করিয়াছিলেন এবং কি করিয়া-  
ছিলেন? তিনি ব্রহ্মাকে কিরূপ সম্ভাষণ করিলেন এবং  
ব্রহ্মাই বা কিরূপ বলিলেন? এ সকল শুনিতে আমার  
মাতিশয় কৌতুক হইতেছে। আপনারাই বা সে সময়ে  
কিরূপ আচরণ করিয়াছিলেন, এবং অন্তেরাই বা কিরূপ  
করিলেন, আমাকে অনুগ্রহ করিয়া সবিস্তারে সমুদায় বলুন।  
কেই বা সেই যজ্ঞের হোতা, কেই বা অধ্যক্ষ, কেই বা অধ্যক্ষু,  
কেই বা প্রথমোদ্যোগী, ভগবান্ বিষ্ণু তাহাতে কিরূপ  
সাহায্য করিয়াছিলেন, এবং কেনই বা করিলেন, অমরগণই  
বা কিরূপ আচরণ করিয়াছিলেন, আপনি তাহাও সবিশেষ  
বর্ণনা করুন। কি জন্ম ভগবান্ ব্রহ্মা স্বর্গ হইতে মর্ত্যলোকে  
অবতীর্ণ হইয়া যজ্ঞরস্ত্র করিলেন, কিরূপে গার্হপত্য ও  
দক্ষিণা আহরণ করিলেন, কিরূপে আহবনীয়া অগ্নি ও কুশা-  
দির সংগ্রহ করিলেন, কিরূপে জব্যাদ হুতাহুতগণ ও পিতৃ-

গণকে যজ্ঞভাগ প্রদান করিলেন, ক্রীড়াপে যুপসোমাদি  
 অন্যান্য যাজ্ঞিক সামগ্রীর ব্যবস্থা করিলেন, ক্রীড়াপে সম্বৎসর,  
 যোগাযোগ, কালাকাল ও ঋতু প্রভৃতির নির্ধারণ করিয়া  
 যজ্ঞারম্ভ করিলেন, ক্রীড়াপে ক্ষণ, নিমেষ, কাষ্ঠা, কলা, দণ্ড,  
 লব প্রভৃতির নিক্রপণ করিলেন ? যিনি স্বয়ং লোকত্রয়, বেদ-  
 ত্রয়, অগ্নিত্রয়, কৰ্ম্মত্রয় এবং গুণত্রয় সৃষ্টি করিয়াছেন, যিনি  
 স্বয়ং ধার্মিকদিগের গতিস্বরূপ এবং পাপীদিগের অগতি-  
 স্বরূপ, যিনি চতুর্ধর্ষের প্রভাবস্বরূপ ও চতুর্ধর্ষের ক্রিয়াস্বরূপ,  
 যিনি চতুর্ধর্ষদের পারদর্শী ও চতুরাশ্রমের কর্তা, যিনি সাক্ষাৎ  
 তপঃস্বরূপ স্তূয়মান হইয়া থাকেন, যিনি পরমের পরম,  
 আত্মার আত্মা ও লোকসেতুর সেতু, যিনি মধ্যধর্মের মধ্য  
 ও বেদবিদ্বান্দিগের বেদ্য, যিনি ভূতদিগের প্রভু ও  
 হেতুভূত, যিনি বিনীতদিগের বিনয়স্বরূপ, ও তেজস্বি-  
 দিগের তেজঃস্বরূপ, সেই পিতামহ যে কি জন্ম যজ্ঞারম্ভ  
 করিলেন, তাহা জানিবার নিমিত্ত কাহার কৌতূহল না হয় ?  
 এই সকল আশ্চর্য্য ব্যাপার আপনি আমার নিকট আনু-  
 পূর্ব্বিক বর্ণনা করুন।

পুলস্ত্য কহিলেন, তাত ! তুমি মহান প্রশ্ন উপস্থিত  
 করিয়াছ। আমি যথাশক্তি বর্ণনা করিতেছি, শ্রবণ কর।  
 সহস্রাক্ষ, সহস্রাশ্র, সহস্রচরণ, সহস্রাভরণ এবং সহস্রকর  
 দেবগণ সহস্রদিক হইতে হবন, সবন, হব্য, হোতা, পাত্র,  
 বেদি, দীক্ষা, মেথলা, চক্ৰ, অধ্যায়ু, সামগ, বিপ্র, যুপ, সমিৎ,  
 কুশ, দর্বা, ধন, স্বপ্তিল, যজ্ঞবহ্নি প্রভৃতি আহরণ করিয়া  
 ফেলিলেন। এ সকল বিবরণ অলৌকিক, সন্দেহ নাই।  
 অতএব আমি আনুপূর্ব্বিক বলিতেছি। ভগবান্ ত্রৈলোক্য স্বর-

লোক ও মর্ত্যলোকের হিতাকাঙ্ক্ষী হইয়াই ধরাতলে যজ্ঞ-  
রম্ভ করেন । তাঁহার আর কোন উদ্দেশ্য ছিল না । এই  
যজ্ঞে ব্রহ্মা, কপিল, পরমেশী, সপ্তর্ষিগণ, মহাযশা ত্রাশ্বক,  
সনৎকুমার, মহানুভব মনু ও মহাত্মা ভগবান্ প্রজাপতি উপ-  
স্থিত ছিলেন । পূর্বকালে ভগবান্ ব্রহ্মা নারায়ণনাভিপদ্মে  
ঘোর নিদ্রায় অভিভূত থাকিলে, নারায়ণ বরাহরূপ ধারণ  
করিয়া সমুদ্রগর্ভ হইতে পৃথিবীর উদ্ধার করিলেন । যে স্থলে  
পুষ্করতীর্থ বিদ্যমান দেখিতেছ, বরাহদেব দংষ্ট্রা দ্বারা পৃথি-  
বীর ঐ স্থান ধারণ করিয়াই উদ্ধার করিয়াছিলেন । ভগবান্  
বরাহদেব আদিত্য, অকুবসু, মরুৎ, দেবতা, রাক্ষস, কিন্নর,  
দিব্, নদী ও সাগর সমেত এই বসুন্ধরার উদ্ধার করিয়া-  
ছিলেন । অনন্তর তিনি শ্রীমন্ ব্রহ্মাকে সম্বোধন করিয়া  
কহিলেন, হে দেবেশ ! তুমি এই সকল জীবগণের প্রতি-  
পালন ও রক্ষা করিবে । ব্রহ্মা কহিলেন, ভগবন্ ! তুমিই  
পরমদেব, তুমিই আমাদের গতি, তুমিই আমাদের পরমধাম,  
তুমিই আমাদের উপায় । হে কমলপত্রাক্ষ ! হে ব্রহ্মন্ !  
তুমিই শত্রুদিগের ক্ষয়কারী । যাহাতে পুষ্করতীর্থে যজ্ঞ  
করিতে হইলে, এই সকল রাক্ষসের ব্যাঘাত সহ না করিতে  
হয়, তুমি তাহার উপায় করিয়া দাও । আমি তোমাকে  
প্রণাম করি, আমি তোমাকে নমস্কার করি ।

বিষ্ণু কহিলেন, হে দেবেশ ! ভয়ত্যাগ কর, আমি অন্তর-  
দিগের ক্ষয় করিতেছি । আমি অগ্ন্যাগ্নি বিধ্বকারী যাহুধান-  
দিগকেও সংহার করিতেছি । হে পিতামহ ! তোমার মঙ্গল  
হউক । ভগবান্ বিষ্ণু এইরূপ কহিলে, চতুর্দিক হইতে বায়ু  
বহিতে লাগিল । দিব্ সকল প্রসন্ন হইল । জ্যোতির্গণ

প্রভায়ুক্ত হইয়া সূর্য্যকে প্রদক্ষিণ করিতে লাগিল । গ্রহগণ  
 বিগ্রহ পরিত্যাগ করিল । সিদ্ধগণ প্রসন্ন হইল । স্বর্গ  
 রজোহীন হইল । সিদ্ধগণ প্রসন্নতা ধারণ করিল । হৃদয়গণ  
 ক্ষোভহীন হইল, ইন্দ্রিয়গণ পবিত্র হইল । মহর্ষিগণ বীত-  
 শোক হইয়া বেদোচ্চারণ করিতে লাগিল । এইরূপে পুষ্করে  
 যজ্ঞারম্ভ হইল, লোক সকল ধর্ম্মে রত হইল এবং সকলেই  
 হৃষ্টচিত্ত হইল । অনন্তর দানব, রাক্ষস ও দেবগণ এবং  
 ভূত, প্রেত ও পিশাচগণ যজ্ঞস্থলে আগমন করিল, গন্ধর্ব্ব  
 অম্পরা ও বিদ্যাধরপত্নীরা সমাগত হইল । বনস্পতি ওষধি  
 প্রভৃতি যে সকল বাঞ্ছিত সামগ্রী ছিল, সমুদায় ত্রক্ষর  
 আদেশে মারুত কর্তৃক আনীত হইল । উত্তরদিকে তরুগণ  
 ও দেবর্ষিগণ এবং পূর্বদিকে প্রধান প্রধান রাজর্ষিগণ  
 অবস্থান করিতে লাগিলেন । কশ্যপ সম্মুখে উবেশন  
 করিলেন । পশুপক্ষীগণ দেগিবার নিমিত্ত আগমন করিল ।  
 ভোক্তাকাম ত্রাক্ষগণও উপস্থিত হইয়াছিলেন । বরুণ-  
 দেব স্বয়ং রত্নদান ও দক্ষ স্বয়ং অন্নদান করিতে লাগি-  
 লেন । দিবাকর নানাবিধ ভক্ষ্য ও রসপাক করিতে লাগি-  
 লেন । সোম অন্নপাক এবং বৃহস্পতি মতিদান করিতে  
 লাগিলেন । ধনাধ্যক্ষ ধনদান ও বিবিধ বস্ত্রদান করিলেন ।  
 সরস্বতী, সীতা, গঙ্গা, নর্ম্মদা ও অন্যান্য সরিদ্গণ মূর্তিমতী  
 হইয়া যজ্ঞস্থলে উপস্থিত হইয়াছিলেন । কূপ, জলাশয়,  
 পল্লব, তড়াগ, কুণ্ড, প্রস্রবণ এবং সমুদায় দেবখাত  
 জলাশয় সমুদ্রগণসমভিব্যারে আবির্ভূত হইল । কেহ বা  
 লবণ, কেহ বা ইক্ষুরস, কেহ বা সুরা, কেহ বা সর্পি,  
 কেহ বা ছন্ধ, কেহ বা দধি এবং কেহ বা জলের সহিত



উপস্থিত হইল। পবিত্র ধর্মশাস্ত্রগণ যজ্ঞস্থলে আবির্ভূত হইলেন। দেবভোগ্য সামগ্রী সকল স্বয়ং আসিয়া উপস্থিত হইল। এইরূপে সেই পিতামহযজ্ঞে দেবগণ ও ঋষিগণ সমাগত হইলে, ত্রক্ষার দক্ষিণ পার্শ্বে সনাতন বিষ্ণু বিরাজিত হইতে লাগিলেন। রুদ্রদেব বামপার্শ্বে উপবেশন করিলেন। তিনিই ঋত্বিগ্গণের শরণ হইয়াছিলেন। ভৃগু হোতা হইলেন, পুলস্ত্য অধ্যযু হইলেন, মরীচি তহজ্ঞাতা হইলেন, নারদ সহকারী হইলেন। সনৎকুমার ও প্রজাপতি দক্ষপ্রভৃতির। সদস্য হইয়াছিলেন। দ্বিজগণ চন্দনচর্চিতকলেবর হইয়া ত্রক্ষার সম্মুখানে উপবেশন করিলেন। তাঁহাদের সর্বাঙ্গ বস্ত্রাভরণনয়ুক্ত এবং কর সকল কটক ও অঙ্গুরীয়ে স্ত্রশোভিত হইল। ত্রক্ষা সকলকে প্রণিপাতপুরঃসর পূজা করিলেন। এই যজ্ঞে স্বয়ং বিষ্ণু অরুগ্রাহ্য রূপে অবস্থিতি করিয়াছিলেন। ত্রক্ষদ্রোষে আকাশ পরিপূরিত হইল। ক্ষত্রিয়গণ আয়ুধহস্তে জগৎপালনের নিমিত্ত উপস্থিত হইল। বৈশ্যগণ উপস্থিত হইয়া নানাপ্রকার ভক্ষ্য সামগ্রী প্রস্তুত করিতে লাগিল। ত্রক্ষা সান্তিশয় প্রীত হইয়া কহিলেন, হে দ্বিজগণ! শূদ্রেরা তোমাদের পাদ শুশ্রূষা করিবে এবং তোমাদের উচ্ছিক্ত মাত্র ভক্ষণ করিবে। তাহারা তোমাদের পাদ প্রক্ষালন করিবে; শূদ্রগণ, দ্বিজ, ক্ষত্রিয় ও বৈশ্য সকলেরই এইরূপ সেবা করিবে। তিনি এইরূপ কহিয়া পাদ হইতে শূদ্রদিগের স্রজন করিলেন। অনন্তর ভগবান্ ত্রক্ষা ইন্দ্রকে দ্বারাধ্যক্ষ, বরুণকে জলদায়ক, বৈশ্রবণকে ধনাধ্যক্ষ, পবনকে গন্ধদায়ক এবং সূর্যকে কিরণাধ্যক্ষ করিলেন। পরে অধ্যযু সাবিত্রীকে সম্বোধন করিয়া কহিলেন, হে দেবী! তুমি আগমন কর।

অগ্নিগণ উকৃত হইয়াছে, দীক্ষাকাল উপস্থিত হইয়াছে। তুমি এ সময় অন্তস্থানে অবস্থিতি করিতেছ, এস্থানে কিছুই প্রস্তুত নাই। ভিত্তি ও প্রাঙ্গনে কিছুই চিত্র করা হয় নাই, ভাণ্ড সকল কেহই প্রক্ষালন করে নাই।

এইরূপ বাক্য শ্রবণ করিয়া সাবিত্রী কহিলেন, লক্ষ্মী অদ্যাপি আগমন করেন নাই, এবং এস্থলে কোন সতীই উপস্থিত নাই। মেধা, শ্রদ্ধা, বিভূতি, লজ্জা, অনসূয়া, ধৃতি, ক্রমা, গঙ্গা, সরস্বতী ও অন্যান্য দেবকন্যা, ইন্দ্রাণী, চন্দ্রপত্নী রোহিণী, এবং অগ্নিপত্নী স্বাহা ইহঁরা অগ্রে আগমন করুন। ইহঁরা আগমন করিলেই আমি ইহঁদিগের সহিত আসিতেছি, আমি একাকিনী আসিতে পারি না। হে মহামতে! যেমন সর্ষদেবে পরিবৃত্ত হইয়া ভগবান্ বেদগর্ভ শোভা প্রাপ্ত হন, আমিও সেইরূপ এই সকল দেবীগণে পরিবৃত্ত হইয়া আসিতে ইচ্ছা করি, নতুবা আমার শোভা হইবে না। সাবিত্রী এইরূপ কহিয়া ব্যস্তভাবে গৃহকর্মে ব্যাপৃত হইলেন। অধ্যায়ুসাবিত্রীর এই বাক্য শ্রবণপূর্বক ইন্দ্রকে সবিশেষ সমস্ত বিজ্ঞাপিত করিলেন। দেবরাজ পিতামহসমীপে গমন করিয়া কহিলেন, সাবিত্রী বলিয়াছেন, সখীগণের সমাগম না হইলে, আমি কোন মতেই যাইতে পারিব না। এদিকে সময়ও অতিক্রান্ত হইতেছে। আর বিলম্ব করা বিধেয় নহে। অতএব এই বেলা যাহা কর্তব্য, অনুষ্ঠান করুন।

ইন্দ্র এইপ্রকার কহিলে, পিতামহ কিঞ্চিৎ রোষাবিক্ত হইয়া বলিলেন, সাবিত্রীতে আমার প্রয়োজন নাই, তুমি সত্বর অগ্ন পত্নী আনয়ন কর। যাহাতে যজ্ঞকাল হীন না হয় এবং আশু প্রবর্তিত হইতে পারে, তোমাকে তাহা করিতে

হইবে। অতএব তুমি কোন ললনা আনয়ন কর। এবিষয়ে কোন-  
রূপে বর্ণবিচার করিও না, কেননা যে কোনরূপে যজ্ঞ সমাপ্ত  
করিতে হইবে। দেবরাজ এইপ্রকার কথিত হইয়া, ললনা-  
সন্ধানার্থ গমন করিলেন। তিনি সমুদায় ধরাতল তন্ন তন্ন করিয়া  
দেখিলেন, সমুদায় ললনাই অশ্রুর পরিগ্রহ। কুত্রাপি অপরি-  
গ্রহ কানিনী তাঁহার নয়নগোচর হইল না। তিনি অবিশ্রান্ত  
পর্যটন করিতে লাগিলেন। অবশেষে এক আভীরকন্যা তাঁহার  
দর্শনবিষয় পতিত হইল। তাহার রূপ একরূপ অসামান্য যে,  
কি দেবী, কি গন্ধর্বী, কি অশুরী, কি পক্ষগী কেহই তাহার  
সদৃশী হইতে পারে না। ইন্দ্র দেখিলেন, তাহার লোচনযুগল  
কমলপত্রের ন্যায় আরত এবং অঙ্গ প্রত্যঙ্গ সাতিশয় সুন্দর।  
তাহার রূপসম্পত্তি দর্শন করিলে, লোকের চিত্তবৃত্তি আক্লিপ্ত  
হইয়া থাকে। তাহার শরীরমৌন্দর্য্য পদ্মের ন্যায় সাতিশয়  
মনোহর। দেবরাজ ইন্দ্র তাহাকে নয়নগোচর করিয়া, চিন্তা  
করিতে লাগিলেন, যদি ত্রৈলোক্য সহিত ইহার পরিণয় হয়,  
তাহা হইলে, তিনি ইহার রূপাতিশয্যে উন্নত ও হৃদহৃদয়  
হইয়া, কখনই দেবলোকে অধিষ্ঠান করিবেন না। যাহা  
হউক, যদি এই ললনারত্ন সৌভাগ্যক্রমে পিতামহে অনুর-  
াগিনী, অথবা যদি পিতামহ ইহাতে অনুরক্ত হয়েন, তাহা  
হইলে, আমার সমুদায় শ্রম সকল হয়। হে কুরুবর্য্য! ঐ  
কন্যার ললাটদেশ চূর্ণকুম্ভলে অলঙ্কৃত এবং হস্তে বিকসিত  
পদ্ম শোভা পাইতেছে। উহার কেশ, গণ্ড, নয়ন, অধর,  
ফলতঃ সমস্ত শরীরে এক অপূর্ব্ব প্রভা সঞ্চার করিতেছে।  
দেখিলে বোধ হয় যেন বসন্তকালে অশোককলিকা বিকসিত  
হইয়াছে। না জানি, সর্বাধিষ্ঠাতা বিধাতা কোনরূপ আদর্শ

অবলম্বন বা দর্শন না করিয়া, কিরূপে একরূপ অপরূপ রূপমাধুরী  
 সৃষ্টি করিলেন ; না জানি, তিনি স্বয়ং প্রবৃত্ত হইয়া, কিরূপে  
 ইঙ্গা করিয়া এবং নিপুণত সহকারে প্রকাশ করিলেন ?  
 আহা। ইহার পয়োধর কি উন্নত, দর্শনমাত্র লোকের হৃদয়  
 বিমম্বনের স্তবিসম শরের পথবর্তী হইয়া থাকে। ইহার দর্শন-  
 পংক্তি সাতিশয় মনোহারিণী ও অসামান্যশোভাশালিনী।  
 যদিও অধর দ্বার সর্বথা আবৃত রহিয়াছে, তথাপি উহার  
 সমুজ্জ্বল প্রভারাশি কোন মতেই নির্বাপিত হইবার নহে,  
 ঈষৎ মেঘাবরণবিনিশ্চুক্ত-চন্দ্রমণ্ডল-সঞ্চারিণী কৌমুদীর ন্যায়  
 মদনমন্দ ভাবে উচ্ছলিত হইয়া পড়িতেছে। ইহার অলকরাজি  
 নিরতিশয় কুটিল, তথাপি তদ্বারা ইহার মুখমণ্ডল কি অসা-  
 মান্য শোভাসম্পন্ন হইয়াছে। অথবা, ভূরিতর সৌন্দর্য্যের  
 আশ্রয় পাইলে, দোষও গুণের ন্যায়, প্রতীয়মান হইয়া  
 থাকে। ইহার পক্ষ্মরাজি কর্ণপর্য্যন্ত বিস্তৃত এবং নেত্রের  
 ভূষণস্বরূপ শোভা পাইতেছে। ইহার নেত্র ও কর্ণ স্বভাবতঃ  
 সাতিশয় সুন্দর এবং পরস্পর পরস্পরের ভূষণস্বরূপ। অত-  
 এব উহাতে কুণ্ডল, মণি বা রত্নরাজি বিস্তৃত করা পণ্ডশ্রম  
 মাত্র। ইহার কটাক্ষ যে, লোকের হৃদয় দ্বিধা বিভিন্ন করে,  
 তাহা তাহার সমুচিত নহে ; যেহেতু, এই ললনার সহিত  
 যাহাদের সম্পর্ক, তাহারা কিরূপে দুঃখভাগী হইতে পারে ?  
 সর্বপ্রকার বিকৃত পদার্থও প্রকৃত গুণের সংসর্গবশতঃ নির-  
 তিশয় সুন্দর হইয়া থাকে। বুদ্ধগণের কটাক্ষবিক্ষেপেও  
 বলাবল দেখিতে পাওয়া যায়। যাহা হউক, এই সর্বান্ন-  
 সুন্দরী ললনা বিধাতার রূপসৃষ্টিবিষয়ে কৌশলের সীমা-  
 স্বরূপ। ইহার বিলাসবিভ্রম দর্শন করিলে, লোকের অন্তঃ-

করণ স্বতঃপ্রসূত হইয়া, স্নেহপাশে বদ্ধ হয়। হে কুরু-  
 পিতামহ ! তাহার রূপাতিশয্যে দেবরাজ ইন্দ্রেরও প্রভা  
 তিরোহিত হইয়া গেল। চিন্তাবশে তদীয় শরীর কণ্ট-  
 কিত হইয়া, যেন তাহারে আলিঙ্গন করিতে উন্মত  
 হইল। তিনি সেই তপ্তকাঞ্চনসন্নিভা পদ্মপলাশলোচনা  
 ললনারে নয়নগোচর করিয়া, চিন্তা করিতে লাগিলেন,  
 আমি দেব, গন্ধর্ব্ব, যক্ষ, রাক্ষস, পন্নগ অনেক দেখি-  
 য়াছি। কিন্তু তাহাদের মধ্যে এরূপ অপরূপ রূপমাধুরী  
 আমার নয়নগোচরে পতিত হয় নাই। বিধাতা এই  
 ত্রিভুবনে যে যে বস্তু প্রধান রূপে সৃষ্টি করিয়াছেন, তৎ-  
 সমস্ত একত্রে সমাহিত করিয়া, ইহার রূপমাধুরী কল্পিত  
 হইয়াছে, তাহাতে অণুমাত্র সন্দেহ হইতে পারে না। এই-  
 প্রকার চিন্তা করিয়া দেবরাজ শতক্রতু তাহারে সম্বোধন-  
 পূর্ব্বক বলিতে লাগিলেন, হে স্তম্ভ ! তুমি কে, কাহার  
 পরিগ্রহ, কোথা হইতে আগমন করিলে, কি জন্মই বা  
 একাকিনী এই বীথীমধ্যে অধিষ্ঠান করিতেছ, নির্দেশ কর।  
 হে শোভনে ! তুমি স্বীয় শরীরে এই যে ভূষণরাজি\* ধারণ  
 করিতেছ, এসকল তোমার ভূষার উপযুক্ত নহে। যেহেতু,  
 তুমি স্বয়ংই এই সকলের বিভূষণস্বরূপ। হে স্তলোচনে ! তুমি  
 যেরূপ সর্ব্বাঙ্গসুন্দরী, তাহাতে, তোমার অনুরূপ রমণী কি  
 দেবী, কি গন্ধর্ব্বী, কি অশ্বরী, কি পন্নগী, কি কিম্বরী কুত্রাপি  
 আমার নয়নগোচর হয় নাই। আমি এই অসামান্য রূপমাধুরী  
 প্রথম অবলোকন করিলাম। বলিতে কি, তোমাতে দর্শন  
 করিয়া অবধি আমার হৃদয় প্রাণের সহিত তোমার বশবর্তী  
 হইয়াছে, আমি নিতান্ত অনাথ ও অসহায় হইয়া পড়িয়াছি।

যাহা হউক, আমি তোমাতে বারংবার সম্ভাষণ করিতেছি।  
তুমি কিজন্য আমার কথায় উত্তর দিতেছ না ?

দেবরাজ মাদরবাদসহকারে এইপ্রকার কহিলে, সেই  
কন্যা কম্পান্বিত হইয়া বলিতে লাগিল, হে বীর ! আমি  
গোপকূলে জন্মগ্রহণ করিয়াছি, এবং ঘৃত প্রভৃতি গোরস  
বিক্রয় করিবার জন্য এখানে আসিয়াছি। তোমার যাহা  
অভিলষিত, গ্রহণ কর।

বিশাললোচনা সেই ললনা এইপ্রকার বাক্যবিন্যাস  
করিলে, দেবরাজ তাহারে দৃঢ় করে ধারণ করিয়া, পিতামহ  
ব্রহ্মা যে স্থানে অধিষ্ঠিত ছিলেন, তথায় আনয়ন করিতে  
লাগিলেন। হে ভাষ্ম ! দেবরাজ কর গ্রহণ করিলে, সেই  
স্বমুখী, হা তাত ! হা মাতঃ ! হা ভ্রাতঃ ! তোমরা কোথায়,  
এই ব্যক্তি বলপূর্ব্বক আমায়ে লইয়া যাইতেছে, এই বলিয়া  
চীৎকার করিয়া উঠিল, এবং কাতরবাক্যে করুণস্বরে বারং-  
বার বলিতে লাগিল, হে বীর ! যদি আমাতে তোমার  
প্রয়োজন থাকে, তাহা হইলে, আমার পিতার নিকট প্রার্থনা  
কর। তুমি ভিক্ষু হইলে, তিনি অবশ্যই আমাকে প্রদান  
করিবেন। আমার পিতা মাতিশয় ভক্তবৎসল ; ভক্তের  
প্রতি তাঁহার অদেয় কিছুই নাই। আমি নিশ্চয় বলিতেছি,  
তিনি তোমাতে অবনত মস্তকে প্রসন্ন করিবেন অথবা সন্তুষ্ট  
হইয়া, আমায়ে তোমার হস্তে সম্প্রদান করিবেন। যে কন্যা  
পিতার চিন্তা না জানিয়া, স্বয়ং আত্মদান করে, তাহার ধর্ম্ম  
বিনষ্ট হইয়া থাকে। আমি এইজন্য তোমাতে প্রণামপূর্ব্বক  
প্রসন্ন করিতেছি, তুমি অনুগ্রহপূর্ব্বক বলপ্রয়োগে বিনিবৃত্ত  
হও। হে বীর ! পিতা সম্প্রদান করিলে, আমি তোমার

বশবর্তিনী হইব, তাহাতে সন্দেহ নাই। কন্যা বারংবার এইপ্রকার বিনয় করিলেও, শতক্রতু কোনমতেই ক্ষান্ত না হইয়া, তাহারে আনয়নপূর্বক ত্রক্ষার সম্মুখে স্থাপন করিয়া, বলিতে লাগিলেন, হে স্বভ্র ! হে বিশালাক্ষি ! হে বরবর্ণিনি ! আমি ইহারই জন্য তোমারে আনয়ন করিয়াছি, তুমি শোক পরিত্যাগ কর। হে রাজন্ ! পিতামহ ত্রক্ষা সেই গৌরবর্ণা মহাদ্যুতিসম্পন্ন। কমললোচনা পুণ্ডরীকবদনা গোপকন্যারে নিরীক্ষণ করিয়া, গান্ধর্ব বিধানে পরিগ্রহ করিতে কৃতসঙ্কল্প হইলেন। বিশ্বযোনি বিধাতার অদৃষ্টপূর্ব অভূতপূর্ব দিব্য-মূর্তি সন্দর্শন করিয়া, গোপকন্যার অন্তঃকরণও তাঁহার প্রতি নিতান্ত আসক্ত হইল। সে দুস্পরিহর প্রণয়লালসার বশ-বর্তিনী হইয়া, আত্মদানে প্রভুতা কল্পনা পূর্বক চিন্তা করিতে লাগিল, এই মহাপুরুষ আমার রূপলাবণ্যে মোহিত হইয়া আগ্রহবশতঃ আমার পরিগ্রহে কৃতবত্ত হইয়াছেন। ইহাঁরে প্রত্যাখ্যান করা কোন মতেই যুক্তিসঙ্গত নহে। বলিতে কি, ইহাঁর রূপমাধুরী যে রূপ সর্বাতিশায়িনী, তাহাতে ইনি মাদৃশী প্রসঙ্গাগণের একমাত্র প্রার্থনীয়বস্তু। ইহাঁরে আত্মদান করিলে, কোনপ্রকার দোষস্পর্শের সম্ভাবনা নাই। এই সংসারে আমার ন্যায় সৌভাগ্যশালিনী রমণী কুত্ৰাপি লক্ষিত হয় না। যেহেতু, এই মহাপুরুষ আমারে আনয়ন ও আমার প্রতি শুভ দৃষ্টি নিক্ষেপ করিয়াছেন। এক্ষণে ইনি পরিত্যাগ করিলে, আমার নিশ্চয় মৃত্যুলাভ হইবে এবং পরিগ্রহ করিলে, মদীয় জীবন সর্বথা সুখময় হইবে। ইনি প্রসন্ন হইয়া, যে ললনারে দর্শন করেন, সেও ধন্যা হইয়া থাকে, যাহারে পরিগ্রহ করেন, তাহার কথা আর কি বলিব ? এই সংসার

যে রূপ বহুরূপ, সেইরূপ ইহাতে নানারূপ বস্তু ব্যবস্থিত হইয়াছে । কিন্তু একাধারে এরূপ অসামান্য উপমাশূন্য মনোহর লাবণ্য কুত্রাপি দৃষ্টিগোচর হয় না । আহা, ইহাঁর বদনমণ্ডল কি সুন্দরনাসিকাসম্পন্ন, দর্শনমাত্র দুর্নিবার মনোভবের আবির্ভাব হইয়া, হৃদয় বশীভূত করে । অদ্য এই সুকুমার-মাধুরীভাণ্ড সুন্দর বদনকমল সন্দর্শন করিয়া, আমার সমুদায় শোক বিগলিত ও সমুদায় সম্ভাপ তিরোহিত হইল, আমার অন্তরে অন্তরে পঙ্করে পঙ্করে যেন অনুপম অমৃতরস সঞ্চারিত হইতেছে ! আব আমার পিতামাতায় প্রয়োজন কি ? আত্মীয় বান্ধবে আবশ্যক কি ? গুরুজনের অনুরোধ কি ? আমি সমুদায়ে জলাঞ্জলি দিয়া, ইহাঁরই বশবর্তিনী হইব এবং ইহাঁকেই আত্মদান করিয়া, সুখিনী হইব । এক্ষণে ইনি যদি আমারে পরিগ্রহ না করেন, অথবা স্বল্পমাত্র সম্ভাষণ না করেন, তাহা হইলে ইহাঁরে স্মরণ করিয়া, কলেবর পরিহার করিব । আমার জীবনে প্রয়োজন কি ? যদি স্বামীর করস্পর্শ প্রাপ্ত না হয়, তাহা হইলে, পদ্মসমহৃতি স্তনযুগলের ঐদৃশী পীনতা ও ঐদৃশী তুঙ্গতা কখন শোভার নিমিত্ত হইতে পারে না । ইহাঁর বিকসিত বদনপদ্ম দর্শন করিয়া, আমার হৃদয়, কবে ইহাঁর অঙ্গস্পর্শলাভ হইবে, এইপ্রকার ধ্যানপরায়ণ হইয়াছে এবং একত ন হইয়া, কেবল সেই সুখদিনের স্মরণ করিতেছে । হে মম্মথ ! তুমি এই হৃদয়যোগে প্রাণিগণের শরীর স্পর্শ করিয়া থাক । অথবা হৃদয়ের দোষ নাই । তুমি স্বভাবতঃ যদৃচ্ছা বিচরণ করিয়া থাক । এবং এক্ষণে এই মহাপুরুষ রূপে স্বীয় প্রিয়তমা রতিরে পরিহার করিয়া, আগমন করিয়াছ । অথবা, এই রূপমাগর পুরুষ কামদেব নহেন ।



ইহঁার রূপ মমথ অপেক্ষাও অধিকতর দৃশ্যমান হইতেছে । ইনি দর্শনমাত্রেই আমার মন প্রাণ সর্বস্ব হরণ করিয়াছেন । এই দেখ, ইহঁার নিকলঙ্ক বদনমণ্ডলে চৌর্য্যের আভা লক্ষিত হইতেছে । ইহঁার লোচনযুগল আকর্ণবিশ্রান্ত ; সামান্যসলিল-সঙ্গী সামান্য পদ্ম কিরূপে ইহার সহিত উপমিত হইতে পারে ? ইহঁার অধরবিশ্ব স্বভাবতঃ সাতিশয় মনোহর । বিদ্রুমও তাহার উপমানাতে সমর্থ নহে । যদি জন্মান্তরে অণুমাত্র শুভ কর্ম্মের অনুষ্ঠান করিয়া থাকি, তৎপ্রসাদ ইনিই আমার অভ্যোপিত স্বামী হউন ।

হে মহারাজ ! সেই মহাভাগা গোপকন্যা এই প্রকার চিন্তা করিতে করিতে যেমাত্র গায়ত্রীরূপে পরিণত হইল, তৎক্ষণাৎ মহাবিশু পিতামহ ব্রহ্মাকে সম্বোধন করিয়া, বক্ষ্যমাণ বাক্য বলিলেন, হে প্রভো ! আমি এই কন্যারে সম্প্রদান করিলাম, আপনি গান্ধর্ব্ব বিধানানুসারে পত্নীত্বে পরিগ্রহ করুন । কোন মতে ইহার অন্যথা করিবেন না । হে দেবেশ ! আপনি অনুগ্রহবশঃবদ হইয়া, এই কন্যার পাণিপীড়ন করুন । মহাবিশু এইরূপ কহিলে, পিতামহ ব্রহ্মা গান্ধর্ব্ববিধানে তাহারে পরিণীতা করিলেন । অনন্তর সেই কন্যারে দর্শন করিয়া, বলিতে লাগিলেন, আমি ইহারে পত্নীত্বে বরণ করিয়াছি ; তোমরা এক্ষণে ইহাকে গৃহমধ্যে নিবশিত কর । তখন বেদপারগ ঋত্বিজগণ তাঁহারে যুগচর্ম্ম-ধারিণী ও বস্ত্রাবগুষ্ঠিতা করিয়া, পত্নীশালায় আনয়ন করিলেন । তদনন্তর পিতামহ ব্রহ্মা যুগচর্ম্মে পরিবৃত হইয়া উড়ুস্বদণ্ড ধারণপূর্ব্বক স্বীয় তেজঃপ্রভাবে মহাধ্বরে শোভমান হইলেন । তখন বেদপারগ ব্রাহ্মগণ মহাস্থা ভৃগুর সহিত সংমিলিত

হইয়া, বেদোক্ত বিধানে স্তম্ভময় হোত্রকার্য্য আরম্ভ করিলেন। সত্যযুগে স্তম্ভসিক পুষ্করতীর্থে যুগসহস্র ব্যাপিয়া এই যজ্ঞ সম্পন্ন হইয়াছিল।

## সপ্তদশ অধ্যায় ।

ভীষ্ম কহিলেন, ভগবন্ ! সেই যুগসহস্রব্যাপী মহাযজ্ঞে কিরূপ আশ্চর্য্য কাণ্ড সংঘটিত হইয়াছিল ? ভগবান্ রুদ্র ও পুরুষোত্তম বিষ্ণু কিরূপ অনুষ্ঠান করেন ? ভগবতী গায়ত্রী পত্নীরূপে অধিষ্ঠান পূর্ব্বক কি করিয়াছিলেন ? আভীরগণই বা সমুদায় জানিয়া শুনিয়া কিরূপ ব্যবহার করে ? আপনি যথাজ্ঞান যথারত্ন সমুদায় কীর্ত্তন করুন। শুনিবার জন্য আমার সাতিশয় কৌতূহল উপস্থিত হইয়াছে।

পুলস্ত্য কহিলেন, হে নরাধিপ ! সেই যজ্ঞে যে আশ্চর্য্য ব্যাপার সমুৎপন্ন হইয়াছিল, সে সমস্ত সবিশেষ বলিতেছি, একমনঃ হইয়া শ্রবণ কর। ভগবান্ রুদ্র সেই মহাযজ্ঞে মহৎ আশ্চর্য্য অনুষ্ঠান করেন। তিনি জ্বালারূপ ধারণ করিয়া, দ্বিজসম্মিধানে অধিষ্ঠান করিতে লাগিলেন। বিষ্ণুও তাঁহার অনুরূপ অনুরূপে প্রবৃত্ত হইলেন। যেহেতু, সেই যজ্ঞে তিনি প্রধান পদে অধিকৃত হইয়াছিলেন।

এদিকে গোপনন্দিনীর হরণবৃত্তান্ত শ্রুতিগোচর হইলে, সমস্ত গোপ, গোপকুমারী ও গোপীগণ সম্মিলিত হইয়া, ব্রহ্মার সমীপে সমাগত হইল। দেখিল, তাহাদের কণ্ঠা মেখলাবন্ধ হইয়া, বজ্রশালায় অধিষ্ঠান করিতেছে। তদ্বদর্শনে তদীয় পিতা মাতা, হা পুত্রী, হা পুত্রী ! বলিয়া রোদন,

বান্ধব ও সখীগণ, হ্যা সখি, হ্যা সখি ! বলিয়া ক্রন্দন করিতে লাগিল। এবং করুণস্বরে বলিতে লাগিল, হায়, কোন্ ব্যক্তি তোমারে এখানে আনয়ন ও কোন্ ব্যক্তিইবা মুক্তা দ্বারা বন্ধন করিল ? তৎকালে তাহাদের সমস্ত ক্রন্দনকোলাহলে চতুর্দিক পরিপূরিত ও আকাশমণ্ডল প্রতিধ্বনিত হইয়া উঠিল। তদর্শনে ভগবান্ বিষ্ণু দেবরাজ ইন্দ্রের বাক্যানুসারে স্তম্ভধর-বচনবিদ্যাসহকারে সকলকে বারংবারং প্রতিমানিত করিয়া বলিতে লাগিলেন, হে গোপ ও গোপীগণ ! তোমরা শোক পরিহার কর। তোমাদের এই কন্যা পরমসৌভাগ্যশালিনী। ইনি পিতামহ ব্রহ্মাকে পতি লাভ করিয়াছেন। বেদপারগ সদাশ্রুগণ যোগাবলম্বনপূর্বক যে গতিলাভে সমর্থ হয়েন না, এই কন্যা ব্রহ্মার সহবাসে সেই গতি প্রাপ্ত হইয়াছেন। হে গোপ ! তুমি কস্মিন্ধি, সদাচারসম্পন্ন ও নিরতিশয় ধর্মবৎসল। ইহা সবিশেষ জানিয়া আমি ত্বদীয় কন্যাকে পিতামহ হস্তে সম্প্রদান করিয়াছি। ইনি এক্ষণে দেবীগণে অধিষ্ঠিত হইয়াছেন। ইহার প্রভাবে তোমার মহোদয়সম্পন্ন দিব্যালোক সমস্ত লাভ হইবে। কলতঃ, দেবগণের কার্য্য-সিদ্ধির জন্যই তোমাদের বংশের সহিত এই পরিণয়কার্য্য সম্পাদিত হইয়াছে। আমি লোকমঙ্গল সাধনার্থ ধরাতলে অবতীর্ণ হইব। তৎকালে ইনি আমার ক্রীড়ারূপিণী হইবেন। নন্দপ্রভৃতি মহাত্মাগণ যখন পৃথিবীতে অবতারণ করিবেন, তখন আমি স্বয়ং অবতীর্ণ হইয়া, তাহাদের মধ্যে অধিষ্ঠান করিব। সেই সময়ে তোমাদের কন্যা সকল আমার সহিত বাস করিবে। তাহাতে কোনপ্রকার দোষ বা কোনরূপ ভয় সমুৎপন্ন অথবা গোপগণ তাহাদের প্রতি ঈর্ষ্যা ও মৎসর-

সম্পন্ন হইবে না । ফলতঃ, সেই কর্ম বশতঃ তাহার কোন-  
রূপে দূষিত বা পতিত হইবে না ।

ভগবান্ আদরসহকারে এইপ্রকার কহিলে, গোপ তাহা  
শ্রবণ করিয়া কহিল, হে প্রভো ! আপনি বরদান করিলেন,  
ধর্মের রক্ষাসাধনজন্য আমাদের কুলে অবতীর্ণ হইবেন ।  
আপনি চরাচরবিধাতা নারায়ণ ; আপনার মহিমার ইয়ত্তা  
নাই । আপনার দর্শনমাত্রে আমাদের স্বর্গবাস হইল ।  
আর, আমাদের এই কন্যা কুলের সহিত পরম পবিত্র  
স্বর্গলোক লাভ করিবে । আপনি অনুগ্রহপূর্বক এই বরদান  
করুন । আপনার প্রসাদে আমাদের যেন সমস্ত অভিশাপ  
স্বসম্পন্ন হয় । স্বয়ং দেবদেব বিষ্ণু গোপদিগকে এইপ্রকার  
অনুন্নয় করিলে, পিতামহ ব্রহ্মা বামহস্ত প্রসারণপূর্বক তাহা  
দিগকে এইপ্রকার বর দান করিলেন । তখন গায়ত্রীক্লপিণী  
গোপকন্যা আশ্বায়দিগকে উপস্থিত দেখিয়া সকলকেই যথা-  
বিধানে প্রণিপাত করিয়া, বাম হস্ত উত্তোলন পূর্বক কহিতে  
লাগিলেন, হে মাতঃ ! এই ব্রহ্মা সকলের বিধাতা, সমুদায় জগ-  
তের প্রভু এবং দেবগণেরও দেবতা । আমি ইহঁারে পতিলাভ  
করিয়াছি । এক্ষণে ইহঁার সহবাসে এই স্থানেই অধিষ্ঠিতা  
রহিলাম । আপনারা প্রস্থান করুন এবং মদীয় সখীগণও স্ব স্ব  
সহচরগণ স্মৃতিবাহারে গমন করুক । কি পিতা, কি বন্ধু  
বান্ধব আমার জন্য কাহারও শোক করিবার আবশ্যক নাই ।  
আমি সকলকেই কুশল বাক্যে বলিতেছি, আমি সাক্ষাৎ  
পরমেশীকে প্রাপ্ত হইয়া, দেবগণের সহিত নিরুদ্ধেগে অধি-  
ষ্ঠান করিতেছি । আমার জন্য কাহার ভাবনা নাই । অন-  
ন্তর গোপ ও গোপীগণ আশ্বাসিত হইয়া, প্রস্থান করিলে,

গায়ত্রী যজ্ঞসভায় সমুপাগত হইয়া, ব্রহ্মাকে কহিলেন, হে বি.ভা! আপনি অভীষিত বর দান করুন। পিতামহও গায়ত্রীর অনুমোদনানুসারে তাহাদিগকে যথাভিলাষিত বর দান করিলেন। হে রাজেন্দ্র! সেই গোপকন্যা গায়ত্রীরূপে দেবগণের সমীপবর্তিনী হইয়া, ব্রহ্মবজ্রে অধিষ্ঠান করিতে লাগিলেন। সেই যজ্ঞ দিব্য শত বর্ষ ব্যাপিয়া সমাহিত হইতে লাগিল।

একদা দেবাদিদেব মহাদেব পঞ্চমুণ্ডে অলঙ্কৃত হইয়া, কপাল গ্রহণপূর্বক ভিক্ষাভিলাষে ঐ যজ্ঞে সমাগত হইলেন। ঋত্বিক ও সদশ্রুগণ তাঁহাকে চিনিতে না পরিয়া, অনুযোগপূর্বক বলিতে লাগিলেন, তোমার আকার ও বেশবিহ্বাস নিতান্ত জুগুপ্সিত এবং বেদবাদিগণের একান্ত নিন্দনীয়। তোমার ন্যায় কদাচার পুরুষকে যজ্ঞবাটে প্রবেশ করিতে দেওয়া কখনই উচিত নহে। তুমি কেন এখানে আগমন করিলে?

দ্বিজগণ মোহাচ্ছন্ন হইয়া, বারংবার এইপ্রকার বলিতে লাগিলে, মহেশ্বর ঈষৎ হাস্য করিয়া বলিলেন, হে দ্বিজশ্রেষ্ঠগণ! স্বয়ং ব্রহ্মা এই যজ্ঞ করিয়াছেন। ইহা সকলেরই সন্তোষদায়ক। ফলতঃ, অন্য কোন ব্যক্তিই ইহাতে উৎসারিত হইবে না; ইহাই এই যজ্ঞের মুখ্যব্রত। তবে কেন তোমরা আমাকে প্রতিষেধ করিতেছ?

সদশ্রু ঋত্বিকগণ কহিলেন, তুমি কপালী, যজ্ঞে তোমার প্রবেশাধিকার কোথায়? অতএব তুমি এস্থান হইতে প্রস্থান কর। মহাদেব কহিলেন, হে দ্বিজগণ! আমি কিছু ভোজন করিয়া পরে গমন করিব। তোমরা আমারে

প্রতিশোধ করিও না। এই বলিয়া তিনি সম্মুখে কপাল  
 যন্ত করিলেন। এবং দ্বিজগণের বক্রতা ও কুটিলতা দর্শন  
 করিয়া, সেই সম্মুখস্থ কপাল সকলের অংগাচরে যজ্ঞের এক  
 প্রান্তে বিসর্জন করিলেন। অনন্তর তাগাদিগকে অবলোকন  
 \* করিয়া বলিতে লাগিলেন, হে দ্বিজসন্তনগণ! আমি পুষ্কর-  
 তীরে স্নান করিতে চলিলাম। অনন্তর সদয়গণ, আচ্ছা  
 তাহাই কর, বলিলে, সেই দেবাধিদেব মহাদেব তথা হইতে  
 প্রশ্নান করিলেন এবং কৌতূহলাক্রান্ত দেবতাদিগকে সবি-  
 শেষ সমস্ত বিজ্ঞাপিত করিলেন। হে কুরুরাজ! কপদৌ  
 মহাদেব পুষ্করতীরে প্রশ্নান করিলে, ব্রাহ্মগণ বলিতে  
 লাগিলেন, হে ব্রহ্মন্! এই কপাল অতি অশুভ পদার্থ।  
 ইহা যজ্ঞভাষ্য থাকিতে, আমরা কখন হোম করিতে পারিব  
 না। প্রজাপতি ব্রহ্মা তাঁহাদের বাক্য আকর্ষণ করিয়া  
 কহিলেন, কপাল কখন অপবিত্র নহে। অতএব আমি ইহা  
 উৎসারিত করিব। এই বলিয়া তিনি স্বয়ং হস্ত দ্বারা সেই  
 কপাল যজ্ঞশালা হইতে দূরে নিক্ষেপ করিলেন। দেখিতে  
 দেখিতে আর এক কপাল তথায় নিপতিত হইল। তাহাও  
 তিনি পূর্বের ঞ্চায় সমুদ্রুত করিলেন। এইরূপে দ্বিতীয়,  
 তৃতীয়, বিংশতি, ত্রিংশত, পঞ্চাশং, শত, শতসহস্র ইত্যাদি  
 ক্রমে ভূরি ভূরি কপাল তথায় প্রাচুর্ভূত হইলে, ব্রহ্মা বারং-  
 বার প্রক্ষিপ্ত করিয়াও, কোনমতেই তাহাদের শেষ করিতে  
 পারিলেন না। যত নিক্ষেপ করেন, ততই প্রাচুর্ভূত হয়।  
 এই বিস্ময়াবহ ব্যাপার অবলোকন করিয়া সকলে দেবদেব  
 মহাদেবের শরণাপন্ন হইলেন এবং তিনি পুষ্করতীরে বাস  
 করিতেছেন অবগত হইয়া, তথায় গমন করিলেন। অন-

স্তর সকলে সমবেত হইয়া আশুতোষের সম্ভাষণার্থ  
স্তব করিতে লাগিলেন। দেবদেব শম্ভু তাঁহাদের ভক্তিসহ-  
কৃত স্তুতি বাক্যে পরম সন্তুষ্ট হইয়া, তাঁহাদিগকে দর্শন  
দান করিলেন। হে ভীষ্ম ! দ্বিজাতিগণ তৎকালে ভক্তিভরে  
একান্ত অবনত হইয়াছিলেন। ভগবান্ ভবদেব তাঁহাদিগকে  
সম্ভাষণ করিয়া বলিতে লাগিলেন, হে ব্রাহ্মণগণ ! কপাল  
ব্যতিরেকে কিরূপে পুরোডাশ নিষ্পন্ন হইতে পারে ? আমি  
আদেশ করিতেছি, তোমরা আমার অভীষ্টভাগ বিধান কর।  
তাহা হইলেই, আমার অনুশাসন সর্বতোভাবে সম্পন্ন  
হইবে। দ্বিজাতিগণ কহিলেন, হে শম্ভো ! আমরা সর্বথা  
আপনার অনুশাসন সমাহিত করিব।

অনন্তর কপালপাণি ভগবান্ ভবদেব পিতামহ ব্রহ্মাকে  
কহিলেন, হে প্রজাপতে ! আমি তোমার প্রতি সন্তুষ্ট হই-  
য়াছি। তোমার যাহা প্রিয় ও অভিলষিত হয়, বর প্রার্থনা  
কর। হে বিভো ! আমি তৎসমস্তই তোমাকে প্রদান  
করিব। তোমাকে আমার অদয় কিছুই নাই। ব্রহ্মা কহি-  
লেন, আমি দাক্ষিত ও সভাস্থিত হইয়াছি ; বিশেষতঃ,  
সংসারে যে ব্যক্তি আমার নিকট প্রার্থনা করে, আমি তাহার  
সমুদায় কামনা প্রদান করিয়া থাকি, অতএব তোমার নিকট  
বরগ্রহণ করিতে পারিব না। বরদ পিতামহ এইপ্রকার  
কহিলে, দেবদেব শম্ভু, আচ্ছা তাহাই হউক, বলিয়া, সেই  
স্থানেই অন্তর্হিত হইলেন।

অনন্তর মন্বন্তর অতিবাহিত হইলে, সূতভাবন ভবদেব  
পুনরায় দ্বিজাতিদিগকে পরীক্ষা করিবার জন্য ছদ্মবেশ ধারণ  
করিয়া, যজ্ঞসভায় সমুপস্থিত হইলেন। তিনি কৌতুক-

বশতঃ দিগম্বরমূর্তি পরিগ্রহ করিয়া, মন্তের ন্যায় আগমন করিয়াছিলেন। দ্বিজাতিগণ তাঁহাকে দর্শন করিয়া, কেহ হাশ্ব, কেহ ভৎসনা, কেহ বা পাংশুবর্ষণ করিতে লাগিলেন। কেহ অতিমাত্র দর্পিত হইয়া, লোষ্ট্র ও লণ্ডু দ্বারা তাঁহার আচ্ছন্ন, এবং কতিপয় ব্রাহ্মণ পরস্পর হাশ্ব করিয়া, তাঁহার বিভিন্ন সমুৎপাদন করিতে প্রবৃত্ত হইলেন। অন্যান্য বটুগণ জটাগ্রহণপূর্বক তাঁহাকে ধারণ করিয়া, জিজ্ঞাসা করিতে লাগিলেন, কোন্ ব্যক্তি তোমাতে এইপ্রকার ত্রতচর্য্যা উপদেশ করিল? কেহ কেহ বলিল, এখানে স্ত্রীলোক সকল অবস্থান করিতেছেন। তুমি কি জন্ম একরূপ জুগুপ্সিত দিগম্বর বেশে তাহাদের মধ্যে আগমন করিলে? কোন্ পাপাচার গুরু তোমাতে এইপ্রকার শিক্ষা দিল যে, তুমি উন্নতের ন্যায়, প্রলাপবাক্য উচ্চারণ করিতে করিতে, সভামধ্যে ধাবমান হইতেছ?

ছদ্মবেশী মহাদেব প্রচ্ছন্ন বাক্যে প্রতিবচন প্রদান করিয়া কহিলেন, হে ব্রাহ্মণগণ! ব্রহ্মা আমার শিশু, বিষ্ণু আমার যোনি। এই উভয়ের পরস্পর ঘর্ষণবশতঃ লোকবীজ সমুৎপন্ন হইয়াছে। ইহার অন্যথা হইলে, সমুদায় লোক নিতান্ত ক্লিষ্টমান হইয়া থাকে। আমি এই পুত্র সমুৎপাদন করিয়াছি এবং স্বয়ং ইহা হইতেই জন্মগ্রহণ করিয়াছি। এই সমুদায় সৃষ্টি মহাদেবের কল্পিত। তিনি হিমালয়ে ভার্য্যার সৃষ্টি করিয়াছেন। উমা রুদ্রের হস্তে সমর্পিত হইয়াছেন। তিনি কাহার তনয়া হইবেন। তোমরা মূর্থ, কিছুই জান না। আমার এই ত্রতচর্য্যা ব্রহ্মার কল্পিত, বিষ্ণুর প্রদর্শিত অথবা দেবদেব গিরিশের উপদেষ্টমহে।



ব্রাহ্মণগণ তাঁহার বাক্য শ্রবণ করিয়া, রোষাবেশে কহিতে লাগিলেন, রে দুরাচার ! বিড়ম্বনা করিতেছ । অদ্য তুমি আমাদের নিশ্চয়ই বধ্য । এই বলিয়া সকলে মিলিত হইয়া, তাঁহারে অধিক্ষেপ করিতে লাগিলেন । হে নৃপ-সত্তম ! অবিমুক্ত ভব তাহাতে কিছুমাত্র বিকৃত না হইয়া, ঈযৎ হস্ত করিয়া কহিলেন, হে দ্বিজাতিগণ ! তোমরা পরমদয়ালু ও সর্বভূতে মৈত্র্যসম্পন্ন । কি জন্য আমারে উন্মত্ত ও হতচেতন বলিয়া ভৎসনা করিতেছ ? কপট ক্ষিপ্তরূপধারী মহাদেব এইপ্রকার বাক্যবিশ্বাস করিলে, ব্রাহ্মণগণ সেই দেবদেবের মায়ায় বিমোহিত হইয়া, তাঁহারে বাস্তবিক উন্মত্ত বিবেচনা করিয়া, পাণি, পাদ ও মুষ্টি দ্বারা প্রহার ও তাড়না করিতে লাগিলেন । ব্রাহ্মণ-গণ এই প্রকারে পীড়ন করিতে আরম্ভ করিলে দেবাধিদেব মহাদেব নিরতিশয় রোমাঞ্চিত হইলেন । এবং তৎক্ষণাৎ তাঁহাদিগকে অভিশপ্ত করিয়া বলিলেন, তোমরা বেদ-বিহীন, পরদারসেবী, বেশ্যাসক্ত ও পিতৃমাতৃ-বিবর্জিত হইবে । কোন কালেই পুত্র, পৌত্র, গৃহ, বিত্ত ও বিদ্যালাভ করিতে পারিবে না । অধিকন্তু, তোমরা আমার শাপ-প্রভাবে সর্বেশ্বরপরিশূন্য ও নিরতিশয় ভীষণ হইয়া, সর্বদা শিক্ষা ও পরপিণ্ডে জীবিকা নির্বাহ করিবে এবং ধনহীন হইয়া, বৃথা আশার অনুসরণপূর্বক তাহার প্রভাবে নির্দয় প্রভুদিগের গুণ গান করিয়া, বৃথা পর্যটন করিবে । কিন্তু যে সকল দ্বিজাতি আমার এই মন্ত্রবেশ অবলোকন করিয়া, করুণা প্রদর্শন করিয়াছে, তাহাদের ধন, পুত্র ও শত শত দাস দাসীলাভ হইবে এবং তাহারা সর্বদাই সুখসম্পন্ন

বাস করিবে । কদাচ আমার এই বাক্যের অন্তথা হইবে না । ভূতভাণন ভবানীপতি এইরূপে শাপ ও বর দান করিয়া, তৎক্ষণাৎ অন্তর্ধান করিলেন । তিনি অন্তর্হিত হইলে, ব্রাহ্মণ-গণের চৈতন্য নমুদভূত হইল । তাঁহারা ব্যাকুল ও শংকিত হইয়া, ইত্যন্তঃ তাঁহার অন্বেষণ করিতে লাগিলেন । কিন্তু কুত্ৰাপি তাঁহারে দেখিতে পাইলেন না । তখন তাঁহারা ঐকান্তিকনিয়মসম্পন্ন হইয়া, পুঙ্করক্ষেত্রে সমাগত হইলেন । তথায় পবিত্র সলিলে যথাবিধি স্নান করিয়া, মহাদেবের তুষ্ট সাধন জন্য এক মনে পরমদমাধিসহকারে শতরুদ্রিয় জপ করিতে লাগিলেন । জপাবদানে ভগবান্ রুদ্র প্রসন্ন ও তাঁহাদের সাক্ষাৎকারে সমুপস্থিত হইয়া বলিতে লাগিলেন, হে বিজয়ভ্রমর ! যে সকল ব্রাহ্মণ শান্ত, দান্ত, ভক্তিদম্পন্ন ও আমাতেই যাঁহাদের অন্তঃকরণ সমাহিত, আমার শাপ কোন ক্রমেই তাঁহাদিগকে আক্রমণ করিবে না । যাঁহারা অগ্নিহোত্র-নিরত ও ভগবান্ জনাদিনের একান্ত ভক্ত ; যাঁহাদের মতি শমগুণে সন্মান্য এবং যাঁহারা অক্লান্ত হইয়া তেজোরাশি দিবাকর ও পিতামহ ব্রহ্মার উপাসনা করেন, তাঁহাদের কখন অমঙ্গলসম্ভাবনা নাই ।

ভগবান্ ভবদেব এইমাত্র বলিয়া মৌনাবলম্বন করিলে, সেই দেবদেব মহেশ্বরের নিকট এইপ্রকার প্রসাদসহিত বরলাভ করিয়া, পিতামহ ব্রহ্মা যে স্থানে অধিষ্ঠান করিতে-ছিলেন, ব্রাহ্মণগণ দেবগণ সমভিব্যাহারে তথায় সমাগত হইলেন । এবং তাঁহার পুরোভাগে অধিষ্ঠানপূর্বক নানা-প্রকার স্তুতিসহকারে তদীয় সম্ভাষণসাধন করিতে লাগিলেন । পিতামহ তাঁহাদের প্রমুখাৎ সমস্ত শ্রবণপূর্বক পরম-

পরিতুচ্চ হইয়া, তাঁহাদিগকে মৃদু মধুর বাক্যে বলিলেন, হে দ্বিজাতিগণ ! তোমরা আমার নিকট ৩ বর প্রার্থনা কর। আমি তোমাদের এই ব্যবহারে নিতান্ত প্রীতি লাভ করিয়াছি। এক্ষণে তোমাদের কাহার কি প্রার্থনা, নির্দেশ কর। তোমরা অবিশঙ্কিত হইয়া, ধন, ধর্ম, নীতি, যাহা ইচ্ছা বরণ কর। পিতামহ পরিতুচ্চ হইয়া, এইপ্রকার বাক্য প্রয়োগ করিলে, দ্বিজাতিগণ সকলেই নিরতিশয় হর্ষাবিষ্ট হইলেন। অনন্তর তাঁহাদের মধ্যে কেহ কেহ কহিলেন, হে ব্রহ্মণ ! আমাদের ধনে প্রয়োজন নাই। যাহাতে আমরা অগ্নিহোত্র, বেদ, বিবিধ শাস্ত্র ও শাস্ত্রময় লোকপরম্পরা লাভ করিতে পারি, আপনি সেইরূপ বর প্রদান করুন। কতিপয় ব্রহ্মণ অন্যবিধ বর প্রার্থনা করিলেন। আর কতকগুলি আর এক প্রকারে স্ব স্ব কামনা বিনিবেদিত করিলেন। তাঁহাদের পরম্পর এইরূপ মতভেদ নিরীক্ষণ করিয়া, ব্রহ্মা রোষাবিষ্ট হইয়া কহিলেন, তোমাদের মধ্যে কোন্ কোন্ ব্যক্তি প্রধান এবং কোন্ কোন্ ব্যক্তিই বা বয়সে শ্রেষ্ঠ ? তাহাতে দ্বিজাতিগণ, নেতি নেতি, বলিয়া সভামণ্ডল প্রতিধ্বনিত করিতে আরম্ভ করিলেন। তদদর্শনে পিতামহ রোষাবিষ্ট হইয়া বলিলেন, যেহেতু, তোমরা তিনদলে বিভক্ত হইয়া, আমার বাক্য অগ্রাহ্য করিতেছ, সেই হেতু, তোমাদের মধ্যে একদল আমূলিকগণ নামে বিখ্যাত হইবে। যাহারা উদাসীন, ক্রোধপরীত, অমর্ষসম্বিত ও গৃহীতামুখ হইয়া যুদ্ধাভিলাষে অধিষ্ঠান করিতেছে, তাহারা বৌশিকী নামক দ্বিতীয়গণে পরিণত হইবে। হে ব্রাহ্মণগণ ! আমি অভিনন্দিত করিতেছি, তোমাদের ভূণ, ভূমি ও জল প্রভৃতি

সগুদায় বস্তুই বিনষ্ট হইবে এবং কিছুই অবিক্রেয় থাকিবে না। তোমরা প্রতিগ্রহপরায়ণ ও লোভবশতঃ বিনষ্টবুদ্ধি হইয়া, পরস্পর কোপ প্রকাশ করিবে। তোমরা এইপ্রকার রুদ্রশাপ আক্রান্ত হইবে, তাহাতে সন্দেহ নাই। তোমাদের মধ্যে ঐহারা বেদাদি প্রার্থনা করিলেন, তাঁহারা আমার প্রসাদে চিরস্থায়ী অভঙ্গুর পদ লাভ করিবেন। পিতামহ এই বলিয় শাপপ্রদান করিলে, সেই সকল ব্রাহ্মণ দেবগণের সহিত প্রস্থান করিলেন।

হে রাজসত্তম ভীষ্ম ! এই ব্রহ্মসংজ্ঞিত পুষ্করতীর্থ পরম ক্ষেত্রস্বরূপ। যে সকল ব্রাহ্মণ শান্তিগুণ অবলম্বন পূর্বক তথায় অধিষ্ঠান করে, ব্রহ্মলোকে তাহাদের কিছুই দুর্লভ হয় না। ব্রহ্মক্ষেত্র কোকামুখ, ঋষিনঙ্গম, নৈমিষ, বারাগসী, প্রয়াগ, বদরিকাশ্রম, গঙ্গাদ্বার, গঙ্গাসাগরসঙ্গম, রুদ্রকোটী, বিরূপাক্ষ, মিত্রবন, এই সকল তীর্থক্ষেত্রে অঙ্গসংযম করিলে, মূষ্য যে দ্বাদশাঙ্গিক সিদ্ধি লাভ করে, একমাত্র পুষ্করক্ষেত্রে ব্রহ্মচর্য্যে মনোনিবেশ করিলে, তাহা প্রাপ্ত হইয়া থাকে, সন্দেহ নাই। ফলতঃ, এই পুষ্করক্ষেত্র, তীর্থ সকলের মধ্যে পরম তীর্থ ও ক্ষেত্র সকলের মধ্যে পরম ক্ষেত্র। যে সকল ব্রাহ্মণ পিতামহে ঐকান্তিকভক্তিসম্পন্ন, তাঁহারা সর্বদা সর্বতোভাবে ইহার পূজা করেন।

এক্ষণে ব্রহ্মার সহিত সাবিত্রীর যেরূপ বিবাদঘটনা হয়, বলিতেছি, শ্রবণ কর। সাবিত্রী যজ্ঞশালায় গমন করিতে অভিলାষিণী হইলে, ভৃগুবংশসন্তৃত্য বিষ্ণুপত্নী বর্ষাশ্বিনী কমলা, অঙ্গরোগসমভিব্যাহারিণী পুলোমহুহিতা শচী, ধৃত্বর্ণা স্বাহা, বরাননা স্বধা, মহাধনা গৌরী, মনের স্তায় বেগ-

শালিনী বায়ুপত্নী, কুবেরপ্রিয়া ভগবতী ঋদ্ধি, এই সকল দেবরমণী ও দেবকন্যা আমন্ত্রিত হইয়া, স্বরাপূর্বক তথায় আগমন করিতে লাগিলেন। দনুবল্লভা দানবীগণ, সপ্তর্ষি ও ঋষিদিগের পত্নী, ভগিনী ও দৌহিত্রীগণ, বিদ্যাধরী ও লোকমাতৃগণ, রাক্ষসকন্যা ও মাতৃকা সকল এবং সমুদায় আদিত্যমণ্ডল ও যাবতীয় দক্ষকন্যা বন্ধুবান্ধব ও স্নুসাসমভিব্যাহারে তথায় সমাগত হইলেন। পতিব্রতা কমলালয়া সাবিত্রী তাঁহাদের সহিত গমনে সমুদ্যতা হইলেন। তখন কেহ মোদক, কেহ বা কলপূরিত সূৰ্প গ্রহণ করিয়া, ব্রহ্মার সমীপে সমুপস্থিত হইলেন। কেহ কেহ বিচিত্র দাড়িম, কেহ কবীর, কেহ স্নস্বাদু জম্বীর, কেহ স্পর্ক বিল্ব, কেহ বা চিপিটক, কোন কোন বরাস্ত্রনা নানাবিধ অগ্নিবিকার, কেহ বা এইরূপ ও অন্তরূপ বিবিধ দ্রব্য সূৰ্প মধ্যে গ্রহণ করিয়া, পতিব্রতা সাক্ষিত্রীর সমভিব্যাহারে পরম পবিত্র বজ্রক্ষেত্রে গমন করিলেন। তৎকালে তাঁহাদের অলৌকিক রূপবিভবে চতুর্দিক আলোকিত ও সমুদায় বজ্রসভা যেন সমুদভাসিত ও পুলকিত হইয়া উঠিল। দেবরাজ ইন্দ্র আভীরকন্যাকে আনয়ন করিয়াছিলেন। তিনি ভাবিয়াছিলেন, সাবিত্রী ব্রহ্মার সমীপে আগমন করিবেন না। এক্ষণে তাঁহারা সমাগত দেখিয়া, তিনি নিরতিশয় শঙ্কিত ও একান্ত সঙ্কুচিত হইলেন। পিতামহও তাঁহারা অবলোকন করিয়া, নিতান্ত কুণ্ঠিতভাবাপন্ন হইলেন, এবং সাবিত্রী কি বলিবেন, ভাবিয়া অধোমুখে অবস্থান করিতে লাগিলেন। তাঁহার বদনকমল নিতান্ত শ্লান হইয়া উঠিল। বিষ্ণু, রুদ্র, সভাসদ ও দ্বিজাতিগণ এবং অন্যান্য অমরবর্গ, সকলেরই অন্তঃকরণে ভয়সঞ্চার

হইল । পুত্র, পৌত্র, প্রপৌত্র, মাতুল, ভ্রাতা, এবং যাহারা দেবগণেরও দেবতা, ঋতুনামা সেই সকল দেবগণও নিরতিশয় ভীত হইয়া, সাবিত্রী কি বলেন, ব্রহ্মা ও আভীরকন্যাই বা কিরূপ বাক্য প্রয়োগ করেন, শুনিবার জন্য মৌনাবলম্বন-পূর্বক অলক্ষ্যে অধিষ্ঠান করিতে লাগিলেন । তৎকালে কোন ব্যক্তিই মুখর বা অগ্রণী হইয়া, আগ্রপ্রদর্শন বা কোন-প্রকার বাঙ্গনস্পত্তি করিতে সমর্থ হইলেন না । সমুদায় সভামণ্ডলী নির্বাত ও নিরুদ্ভাষ প্রদীপের ন্যায়, স্পন্দনশূন্য ও বাক্যশূন্য হইয়া, কেবল ইহাই চিন্তা করিতে লাগিলেন যে, এই বরবর্ণিনী সাবিত্রী অধর্য্য বর্জ্জক আমন্ত্রিতা হইয়া, এখানে আগমন করিয়াছেন । আর, দেবরাজ পুরন্দর এই আভীরকন্যাকে আনয়ন ও স্বয়ং বিষ্ণু রুদ্রের অন্তমোদনানুসারে পিতামহহস্তে ইহঁারে সম্প্রদান করিয়াছেন । ইহঁার পিতাও তদ্বিষয়ে সম্মতি দিয়াছেন । এক্ষণে পতিব্রতা সাবিত্রী কিরূপে যজ্ঞে অধিষ্ঠান করিবেন এবং কি রূপেই বা এই যজ্ঞ সমাপ্ত হইবে ? হে কুরুপিতামহ ! সকলে শঙ্কিত ও উদ্বিগ্ন হইয়া, এইপ্রকার চিন্তমান হইলে, কমলালয়া সাবিত্রী তথায় প্রবিষ্ট হইলেন । তিনি দেখিলেন, কমল-যোনি ব্রহ্মা সহস্র সহস্রদেবতা ও ঋত্বিগ্গণে পরিবৃত্ত হইয়া আসীন রহিয়াছেন । বেদপারগ ব্রাহ্মণগণ চতুর্দিকে উপবেশন করিয়া, অনবরত অনলে আহুতি প্রদান করিতেছেন । হরিগনয়না আভীরকন্যা বন্ধমেখলা হইয়া, ক্রৌঞ্চবস্ত্রপরিধান-পূর্বক পরব্রহ্মের ধ্যান করত পত্নীশালায় অধিষ্ঠিতা রহিয়াছেন । তিনিই এক্ষণে পতির আদরভাগিনী ও প্রধান পদে বিনিবেশিতা হইয়াছেন । এবং তেজে ভাস্করপ্রতিমা ধারণ-

পূর্বক তদীয় প্রভার ন্যায় সমুদায় সভামণ্ডপ সমুদ্ভাসিত করিতেছেন । হতাশন ঋষিগণের মধ্যে প্রজ্বলিত হইয়া, যেন পশুভাগ গ্রহণ করিতেছেন । সমুদায় দেবগণ যজ্ঞ-ভাগাৰ্থী হইয়া, তথায় উপনীত হইয়াছেন । তিনি প্রবেশ করিলে, কেহই কোনরূপ বাঙ্‌নিষ্পত্তি করিলেন না । পিতামহও মৌনাবলম্বনপূর্বক অধোমুখে বসিয়া রহিলেন । এই সকল দর্শন করিয়া, বরাননা সাবিত্রী নিরতিশয় রোষাবিষ্টা হইলেন । এবং পিতামহকে সম্বোধন করিয়া সভামধ্যে বলিতে লাগিলেন, হে দেব ! আপনি কি বুঝিয়াছেন ? আমি আপনার পত্নী, আমাকে পরিত্যাগ করিয়া, আপনি নিতান্ত অসদনুষ্ঠান ও একান্ত পাপাচরণ করিয়াছেন, ইহা কি আপনার অনুভূত হইতেছে না ? এই গোপকন্যা তুচ্ছাতি-তুচ্ছা, কখনই আমার সমান নহে । লোকে বলিয়া থাকে, যোগ্যের সহিত যোগ্য সঙ্গতা হয়, এ কথা মিথ্যা নহে । অদ্য ইহা প্রত্যক্ষ অবলোকন করিলাম । আপনি রূপলোভে মোহিত হইয়া, নিতান্ত গর্হিত কার্য্যের অনুষ্ঠান করিয়াছেন । ভাবিয়া দেখুন, আপনি দেবগণের পিতামহ ও ঋষিগণের প্রপিতামহ । গোপকন্যা পরিগ্রহ করিয়া, আপনার কি লজ্জা হইতেছে না ? এই দেখুন, এই সকল ব্যক্তি আপনাকে দর্শন করিয়া হাস্য করিতেছে ; আমিও নিরতিশয় অবমানিতা হইয়াছি । যদি ইহাই আপনার স্থিরসংকল্প হয়, আপনি অধিষ্ঠান করুন । আপনাকে মমস্কার করি । এক্ষণে আমি সখীগণসমাজে কিরূপে মুখদর্শন করাইব । মদীয় স্বামী বিধাতা অশ্রু পত্নী পরিগ্রহ করিয়াছেন ; একথাই বা কিরূপে তাঁহাদিগকে বলিব ।

ভগবতী সাবিত্রী রোষকষায়িত হইয়া বারংবার এই-প্রকার বলিলে, ব্রহ্মা অপ্রতিভ হইয়া, স্থলিত বাক্যে বলিতে লাগিলেন, হে দেবি ! ঋষিগণ আমারে যজ্ঞে দীক্ষিত করিয়া বলিলেন, পত্নীব্যতিরেকে কখনই হোমাক্রিয়া নিষ্পন্ন হইতে পারে না। অতএব আপনি পত্নী আনয়ন করুন। তাঁহাদের বাক্যে দেবরাজ ইন্দ্র এই আভীরকণ্ঠ্যকে আনয়ন করিলে, স্বয়ং বিষ্ণু ইহঁারে পত্নীরূপে আমার হস্তে সম্প্রদান করেন। তাহাতেই আমি ইহাকে বরণ করিয়াছি। এবিষয়ে আমার কিছুমাত্র দোষ নাই। অতএব তুমি আমারে ক্ষমা কর। হে স্ত্রীতে ! আমি আর কখন অপরাধ করিব না। এক্ষণে তোমার পদতলে নিপতিত হইয়া, প্রার্থনা ও প্রণাম করিতেছি, তুমি অনুগ্রহপূর্বক আমার এই প্রথম অপরাধ মার্জনা কর। হে স্ত্রী ! আমি তোমারই ভক্ত ও অনুগ্রহত।

পুলস্ত্য কহিলেন, হে কুরুপিতামহ ! সাবিত্রী নিরতিশয় রোষান্বিতা হইয়াছিলেন। অতএব পিতামহ নানাপ্রকার অনুনয় সহকারে কাতর বাক্যে বারংবার এই প্রকার প্রার্থনা করিলেও, তাঁহার কৰুণাসঞ্চার বা রোষাপনয়ন হইল না। তিনি ক্রোধভরে দ্বিগুণতর অধীর ও অভিভূতা হইয়া, তাঁহারে অভিশপ্ত করিয়া বলিতে লাগিলেন, যদি আমি তপোানুষ্ঠান বা গুরুগণের সন্তোষ সমুৎপাদন করিয়া থাকি, তাহা হইলে, পৃথিবীর কুত্রোপি কেহ কখন ব্রহ্মার পূজা করিবে না। হে বিভো ! আমি সত্য শপথ করিয়া বলিতেছি, দ্বিজাতিগণ কেবল কার্তিকী পূর্ণিমাতে আপনার পূজা করিবেন। এই সাংবৎসরী কার্তিকী পূজা ব্যতিরেকে আর কখন আপনার পূজা হইবে না। হে বিভো ! আপনি আমার



প্রতি কোপ করিবেন না । যেহেতু আঘাত করিলে, আঘাত পাইতে হয়, তাহাতে সংশয় নাই । এই বলিয়া তিনি ইন্দ্রকে লক্ষ্য করিয়া কহিলেন, দেবরাজ ! তুমি এই আভীর-কন্যাকে ব্রহ্মার সমীপে আনয়ন করিয়াছ । তোমাতেও অভিশপ্ত করিব । তুমি যেরূপ ক্ষুদ্রকার্য্যের অনুষ্ঠান করিয়াছ, সেইরূপ তাহার ফলপ্রাপ্ত হইবে । হে শতক্রতো ! তুমি যখন সংগ্রামমুখে অধিষ্ঠান করিবে, তখন শত্রু কর্তৃক বন্ধ ও সংশয়দশায় উপস্থিত হইয়া, তাহাদের কিছুই করিতে পারিবে না । প্রত্যুত, নিতান্ত ক্ষীণবল ও ক্ষীণপ্রাণ হইয়া, তাহাদের নিকট অবস্থান করিবে । এইরূপ নিদারুণ পরাভবযন্ত্রণা প্রাপ্ত হইয়া, পুনরায় অচিরাৎ মুক্তি লাভ করিবে । হে রাজকুলধুরন্ধর পিতামহ ভীষ্ম ! ভগবতী সানিদ্ৰী ইন্দ্রকে অভিশাপপ্রদানপূর্ব্বক বিষ্ণুকে সম্বোধন করিয়া কহিলেন, হে জনার্দন ! তুমি এই আভীরকন্যাকে পিতামহহস্তে সম্প্রদান করিয়া যেরূপ জুগুপ্সিত কার্য্যের অনুষ্ঠান করিয়াছ, এক্ষণে তাহার অনুরূপ ফল ভোগ কর । হে মধুমথন ! তুমি যখন মহর্ষি ভৃগুর নিদেশানুসারে মনুষ্যালোকে জন্মগ্রহণ করিবে, তখন তোমাকে দুঃসহ পত্নীবিয়োগযন্ত্রণা অনুভব করিতে হইবে । দুর্জয় শত্রু স্বদীয় প্রিয়তমা পত্নীরে হরণপূর্ব্বক জলনিধির পরপারে আনয়ন করিবে, তুমি জানিতে না পারিয়া, শোকে হতচেতন ও দুঃখভরে নিতান্ত অবসন্ন হইবে । এবং ভ্রাতার সহিত নিরতিশয় দুঃখিত ও পদে পদেই একান্ত বিপন্ন হইয়া, অতি কষ্টে বহুকাল পশুগণের পার্শ্বে অধিষ্ঠান করিবে । তৎকালে তোমার ক্রেশ ও মনোদুঃখের সীমা থাকিবে না । অনন্তর ক্রোধভরে ক্রুদ্ধকে

অভিশপ্ত করিয়া বলিতে লাগিলেন, হে হর ! তুমি যখন দারুবনে অবস্থান করিবে, তখন ঋষিগণ ক্রোধপরীত হইয়া, তোমাতে শাপ প্রদান করিবেন । হে ক্ষুদ্রকপালিক ! সেই শাপপ্রভাবে তোমার লিঙ্গ ভূমিতে পতিত হইবে । তুমি পুরুষত্বপরিহীন হইয়া, নিতান্ত দুর্নিবার যাতনা অনুভব করিবে । অনন্তর অগ্নিকে শাপ প্রদান করিয়া বলিতে লাগিলেন, হে হব্যবহ ! তুমি পূর্বের মদীয় পুত্র পরম তপস্বী ভৃগুর শাপপ্রভাবে সর্ব ভক্ষ হইরাছ । আমি আর দন্ধ দহন করিতে অভিলাষিণী নহি । কিন্তু হে জাতবেদঃ ! তুমি আমায়ে নিতান্ত মর্শ্বপীড়া প্রদান করিয়াছ । আমি তোমার নিকট কোনরূপেই অপরাধিনী নহি । এইজন্য সত্য করিয়া বলিতেছি, রুদ্রের শুক্রে তুমি প্লাবিত হইবে এবং হৃদীয় জিহ্বা অপবিত্র বস্তু সমুদায়ে নিতান্ত পরিতৃপ্তি লাভ করিবে । তদনন্তর ঋত্বিক্ ব্রাহ্মণদিগকেও শাপদানে সমুদ্যতা হইয়া, বলিতে লাগিলেন, হে ঋত্বিগ্গণ ! তোমরা অকুতাপরাধে আমায়ে পরিত্যাগ করিয়া, এই যজ্ঞে দীক্ষিত হইয়াছ । সেই পাপ তোমরা প্রতিগ্রহজন্য হোতৃকার্য্যে ব্যাপ্ত ও বৃথা পর্য্যটন করিয়া, একান্ত পরিশ্রান্ত হইবে ; লোভবশতঃ লোকমধ্যে ক্ষেত্র ও তীর্থ সমুদায়ে গমন করিবে ; পরাম্বে উদরপূর্ত্তি ও স্বগৃহে অধিষ্ঠান করিয়া সর্বদাই পরিতৃপ্ত হইবে ; অযাজ্য যাজন, কুৎসিত প্রতিগ্রহ, ও বৃথা ধনোপার্জন করিয়া, অনর্থক ক্লেশভার বহন করিবে ; এবং মরণান্তর প্রেতযোনি প্রাপ্ত হইবে, তাহাতে অণুমাত্র সংশয় নাই । বরাননা সাবিত্রী এইরূপে বিপুল রোষভরে কম্পাঘিতা হইয়া, দেবরাজ ইন্দ্র, ভগবান্ বিষ্ণু, দেবাধিদেব রুদ্র

তেজস্বিপ্রধান বহি, পিতামহ ব্রহ্মা এবং বেদপারগ দ্বিজাতি, সকলকেই অভিশপ্ত করিলেন । শাপদানানন্তর সভা হইতে বিনিক্ষান্ত হইয়া, জ্যেষ্ঠ পুঙ্করে গমনপূর্বক বাস করিতে কৃতসংকল্প হইলেন । কমলালয়া লক্ষ্মী ও অন্যান্য যুবতিগণ তাঁহারে তদবস্থ নিরীক্ষণ করিয়া হাস্য করিতে লাগিলেন । তিনি সকলকেই আগন্তুণ করিয়া কহিলেন, আমি এইরূপে অবমানিতা হইয়া, আর এই সভায় অধিষ্ঠান করিতে পারিব না । যেখানে লোকের কোলাহল নাই, তথায় গমন করিব । তাঁহার বাক্য শ্রবণ করিয়া, সেই সকল প্রমদা তাঁহারে পরিহারপূর্বক স্ব স্ব নিকেতনে গমনোদ্যতা হইলেন । সার্বভৌর ইচ্ছা ছিল, তাঁহারা তদীয় সহবাসে অধিষ্ঠান করেন, কিন্তু কেহই তাঁহার বাক্যে প্রত্যভিনন্দন করিলেন না । তদর্শনে তিনি পুনরায় রোষান্বিত হইয়া, তাঁহাদিগকে শাপ দিয়া বলিলেন, এই সকল দেবকন্যা কেহই আমার দুঃখে দুঃখিত নহে । আমাকে অনায়াসেই পরিহার করিয়া, স্ব স্ব স্থানে প্রস্থান করিল । ইহারা যেরূপ কৃতঘ্নার ন্যায়, নির্দয়্যার ন্যায়, আমাকে পরিহার করিল, সেইরূপ, আমি ইহাদিগকে কুৎসিত শাপ প্রদান করিব । এই বলিয়া লক্ষ্মীকে উদ্দেশ করিয়া কহিলেন, হে চপলে ! তুমি নিরতিশয় ক্ষুদ্রা, সর্বদা চলচিত্তা হইয়া, কদাচ এক স্থানে বাস করিতে পারিবে না । এবং সর্বদা কাণ্ডজ্ঞানশূন্য মূর্খের হস্তেই পতিত হইবে । অধিকন্তু, যাহারা স্নেহ, যাহারা পার্শ্বতীয়, যাহারা কুৎসিত, যাহারা কুষ্ঠরোগে আক্রান্ত, যাহারা অহঙ্কৃত ও উদ্ধত এবং যাহারা অভিশপ্ত ও নিতান্ত দুৰাচার, এইরূপ ব্যক্তিগণ মধ্যেই তুমি বাস করিবে । অনন্তর দেব-

রাজপত্নী শচীদেবীকে শাপ প্রদান করিয়া কহিলেন, রে দুষ্ক-  
চারিণি ! দেবরাজ ব্রহ্মহত্যাপাপে আক্রান্ত হইয়া, স্বর্গভ্রষ্ট  
ও নিতান্ত দুর্দশাপন্ন হইলে, মহারাজ নহ্ম তদীয় পদে  
অধিক্রুত হইয়া, তোমারে অবলোকনপূর্বক প্রার্থনা করিবে ।  
এবং বলিবে, আমিই ইন্দ্র ; এই তরলমতি শচী কি জন্য  
আমার উপাসনা করিবে না । বাহা হউক, যদি আমি এই  
শচীকে লাভ করিতে না পারি, তাহা হইলে, সমুদায় দেবতা-  
দিগকে বিনষ্ট করিব । হে ছুরাগারে ! হে গর্বিতে ! তৎ-  
কালে তোমার সমুদায় অভিলষিত বিধ্বস্ত ও নিরতিশয়  
দুঃখ উপস্থিত হইবে । তুমি নহ্মভয়ে একান্ত ভীত ও সঙ্কু-  
চিত হইয়া বাস করিবে । আমার শাপ কোনমতেই ব্যর্থ  
হইবে না । অনন্তর অন্যান্য দেবপত্নীদিগকে শাপ প্রদান  
করিয়া কহিলেন, আমি সত্য শপথ করিয়া বলিতেছি,  
তোমরা কখন অপত্যজনিত প্রীতি অনুভব করিতে পারিবে  
না । ভগবতী গৌরীকেও ঐরূপে শাপ প্রদান করিলেন ।

হে নৃপসত্তম ! বরবর্ণিনী সাবিত্রী সকলকে এইরূপে  
অভিশপ্ত করিয়া, ছুর্নিবার অভিমানভরে রোদন করিতে  
লাগিলেন । অবিরলবিগলিত অশ্রুধারায় তাঁহার বক্ষঃস্থল  
ভাসিয়া গেল । ভগবান্ বিষ্ণু তাঁহারে প্রসন্ন করিয়া, মধুর  
বাক্যে বলিলেন, হে বিশালাক্ষি ! তুমি এখানে আগমন  
কর । আর রোদন করিও না । হে শুভে ! এই যজ্ঞসভায়  
প্রবেশ করিয়া, ক্ষৌম বস্ত্র ও দীক্ষা গ্রহণ কর । আমি  
তোমার পদে ধরি, প্রণাম করিতেছি, তুমি আমাদের অপ-  
রাধ মার্জনা কর । হে রাজসত্তম ! ছুরত্যয় অভিমানভরে  
সাবিত্রীর হৃদয় বিদলিত হইয়াছিল । অতএব তিনি বিষ্ণুর

অন্যনয়সহকৃত সাস্তুনাশাক্যে কোন মতেই ক্ষান্ত না  
 করিলেন, আমি তোমার বাক্য কদাচ গ্রহণ করিব না।  
 পিতামহ অকৃতাপরাধে অবমাননা করিয়াছেন। যেখানে  
 তাঁহার শব্দ প্রতিগোচর হইবে না, তথায় গমন করিব।  
 আর আমি ইহার মুখ দর্শন করিতে অভিলাষিণী নহি। এই  
 বলিয়া পতিব্রতা সাবিত্রী পূর্ব্বতের উচ্চতম প্রদেশে আরো-  
 হণপূর্ব্বক অধিষ্ঠিতা হইলেন। বিষ্ণু ও ব্রহ্মাঞ্জলি ও পরমপ্রণত  
 হইয়া, তথায় অবস্থানপূর্ব্বক ঐকান্তিকভক্তিসহকারে তাঁহার  
 সন্তোষসাধনে প্রবৃত্ত হইলেন। হে পিতামহ! তিনি সাবি-  
 ত্রীকে নানাপ্রকারে স্তব করিয়া বলিতে লাগিলেন, হে পতি-  
 ব্রত। তুমি সকলের ঈশ্বরী। সর্ব্বত্রই তোমার গমনাগমন  
 ও সর্ব্বভূতে তোমার দর্শন প্রাপ্ত হইয়া থাকে। তুমি এই  
 পৃথিবী সর্ব্বতোভাবে ব্যাপ্ত করিয়া, সকলের নিয়ন্ত্রী ও  
 বিধাত্রীরূপে অধিষ্ঠান করিতেছ। এই সপ্তভূবনের যে কিছু  
 বস্তু, সমুদায়ই তুমি; তে মাভিন্ন এই সংসার কিছুই নহে।  
 তুমিই ইহার সত্তা, তুমিই ইহার অধিষ্ঠাত্রী এবং তুমিই ইহার  
 স্বরূপ। হে ভুবনেশ্বরী! তুমি এইরূপে সর্ব্বভুবনব্যাপিনী ও  
 সর্ব্বত্র বিরাজমানা হইলেও সিদ্ধিকাম ও ভূমিকাম ব্যক্তি-  
 গণ তোমাতে যে যে স্থানে অবলোকন ও যে যে রূপে স্মরণ  
 করিয়া থাকে, তাহা আমার অবিদিত নাই। এক্ষণে আমি  
 তৎসমস্ত যথাযথ বর্ণন করিব। হে শুভে! তুমি তীর্থগণা-  
 গ্রগণ্য পুষ্করে সাবিত্রী, বারানসীতে বিশালাক্ষী, নৈমিষে  
 লিঙ্গধারিণী, প্রয়াগে ললিতাদেবী, গন্ধমাদনে কাম্বুকা, মানসে  
 হৃষীকেশী, অন্বরে বিশ্বকায়ী, গোমতে গোমতী, মন্দারতীরে  
 কাম্বুকারিণী, চৈত্ররথে মদোৎকটা, হস্তিনাপুরে জয়ন্তী, কাম্বু-

কুঞ্জে গৌরী, মলয় পর্বতে রম্ভা, একাত্মকে কীর্ত্তিমতী,  
 বিশেষত্বেরে বিশা, কর্ণিকে পুরহুতী, কেদারে মার্গদায়িনী,  
 হিমালয়পৃষ্ঠে নন্দা, গোকর্ণে ভদ্রকালিকা, স্বানেশ্বরে ভবানী,  
 বিল্বকে বিল্বপত্রিকা, শ্রীশৈলে মাধবীদেবী, ভদ্রেত্বরে ভদ্রা,  
 বরাহশৈলে জয়া, কমলালয়ে কমলা, রুদ্রকোটীতে রুদ্রাণী,  
 কালঞ্জরপর্বতে কালী, মহালিঙ্গে কপিলা, কর্কটতীর্থে  
 মুকুটেধরা, শালগ্রামে মহাদেবী, শিবলিঙ্গে জনপ্রিয়া, মায়া-  
 পুরীতে নীলোৎপলা, ললিততীর্থে লসন্তী, সহস্রাক্ষে উৎ-  
 পলাক্ষী, মহোৎপলে হিরণ্যাক্ষী, গঙ্গাতে মঙ্গলা, পুরুষো-  
 ভমে বিমলা, বিশালাক্ষেত্রে অমোঘাক্ষী, পাণ্ডুপর্বতে পাণ্ডলা,  
 সুপার্শ্বে নারায়ণী, ত্রিকুটে রুদ্রসুন্দরী, বিপুলে বিপুলা,  
 মলয়াচলে কল্যাণী, কোটরীতীর্থে কোটরী, গঙ্গমাদনে সগঙ্গা,  
 কুজাত্মকে ত্রিসঙ্খ্যা, গঙ্গাদ্বারে হরিপ্রিয়া, শিবচণ্ডে শুভা-  
 চণ্ডা, দেবিকাতটে নন্দিনী, দ্বারবতীতে রুক্মিণী, বৃন্দাবনে  
 রাধা, মথুরায় দেবকী, পাতালতীর্থে পরমেশ্বরী, বিদ্যাপর্বতে  
 নীতা, কালিন্দীতীর্থে রৌদ্রী, হরিশ্চন্দ্রে চন্দ্রিকা, বামতীর্থে  
 বিমলা, যমুনায মুগাবতী, করবীরে মহালক্ষ্মী, বিনায়কে  
 উমাদেবী, অরোপতীর্থে রোগহন্ত্রী, মহাকালে মহেশ্বরী, উষ্ণ-  
 তীর্থে অভয়া, বিদ্যাকন্দরে অমৃতা, মাণ্ডব্যতীর্থে মাদ্রবী,  
 মহেশ্বরে মহাগৌরী, গণেশাতীর্থে প্রচণ্ডা, অমরকণ্টকে  
 চণ্ডিকা, বরাহতীর্থে সোমেশ্বরী, প্রভাসে পুষ্করাবতী, সর-  
 স্বতীতীর্থে মাতাদেবী, পারতটে পারা, মহালয়ে মহাপদ্মা,  
 পদ্মোক্ষীতীর্থে পিঙ্গলেশ্বরী, কৃতসৌরে সিংহিকা, কার্ত্তিকেয়-  
 তীর্থে শঙ্করী, উৎপলাবর্তকে কালাদেবী, দিঙ্কুসঙ্গমে হুভদ্রা,  
 দিঙ্কুবনে লক্ষীমাতা, ভরতাস্রমে তরঙ্গা, জালঙ্করে বিশ্বমুখী,

বিন্ধ্যশৈলে তারকা, দেবদারুবনে পুষ্পি, কাশ্মীরমণ্ডলে মেধা, হিমালয়ে ভীমাদেবী, সেতুবন্ধে ঈশ্বরী, কপালমোচনতীর্থে শুদ্ধা, কায়াবরোহণে মাতাদেবী, শঙ্খোদ্ধারতীর্থে ধ্বনি, পিণ্ডারকবনে ধৃতি, চন্দ্রাভাগাতীর্থে কালী, অক্ষোদক্ষেত্রে সিদ্ধিদায়িনী, নারায়ণতীর্থে দেবী, বদরিকাশ্রমে উর্বরী, উত্তরকূলে ওষধীশা, কুশদ্বীপে কুশোদকা, হেমকূটে মম্বথা, কুমুদতীর্থে সত্যবাদিনী, শ্রমণালয়ে অশ্বখবন্ধনী, বেদশালায় গায়ত্রী এবং ব্রহ্মসারিধৌ সানিদ্ৰী । অধিক কি, তুমি সূর্য্য-বিশ্বে প্রভা, মাতৃগণের মধ্যে বৈষ্ণবী, সতীগণের মধ্যে অরু-ক্ষতী, রামাগণমধ্যে তিলোত্তমা, ব্রহ্মমধ্যে ব্রহ্মকলা এবং শরীরদিগের শক্তিস্বরূপা । হে দেবি ! তোমার এই অষ্টোত্তরশত নাম উদ্দেশ্যতঃ উল্লিখিত হইল । এই অষ্টোত্তরশত নামে অষ্টাধিক শত তীর্থ প্রাপ্তভূত হইয়াছে । যে ব্যক্তি ভক্তিপূর্ব্বক এই অষ্টোত্তরশত নাম জপ বা শ্রবণ করে, এবং যে ব্যক্তি এই অষ্টাধিকশত তীর্থে স্নান করিয়া, সেই সেইরূপে তোমারে দর্শন করে, তাহার সমুদায় পাপ বিগলিত হইয়া যায় । এবং সে ব্যক্তি কল্পকাল ব্রহ্মলোকে অধিষ্ঠান করে । হে শুভে ! যে ব্যক্তি ভক্তিযোগপবিত্রিত অন্ধানহকারে ব্রহ্মার সন্নিধানে পৌর্ণমাসী ও অমাবস্যাতে এই অষ্টশতক শ্রবণ করায়, তাহার বহুপুত্রলাভ হয়, তাহাতে কিছুমাত্র সন্দেহ নাই । গোদানে, শ্রীকদানে ও দেবগণের আরাধনাসময়ে অথবা প্রতিদিন ইহা শ্রবণ করিলে, বিদ্বান্ ব্যক্তি নিশ্চয়ই পরব্রহ্মের সাক্ষাৎকার প্রাপ্ত হইবেন ।

হে রাজর্ষিসত্তম ! ভগবান্ বিষ্ণু ভক্তিসমন্বিত হইয়া, এই প্রকার স্তব করিলে, মূর্ত্ততা সাবিত্রী পরমপরিভূক্তা হইয়া,

প্রসন্নবাক্যে তাঁহারে বরদান করিয়া কহিলেন, হে বিভা ! তুমি আমারে সম্যক রূপে স্তব করিলে ; এইজন্য তুমি সকল অবতारेই সকলের অজয় ও সর্বথা পিতৃমাতৃবৎসল হইবে। হে স্ত্রী ! তুমি এই স্থানে আগমনপূর্বক আমারে এই প্রকারে স্তব করিলে। সেইহেতু, সংসারে সর্বদ্বৈষাবিনশ্মুক্ত হইয়া, পরম স্থান প্রাপ্ত হইবে। হে বৎস ! এক্ষণে গমন করিয়া যাহাতে পিতামহ ত্রক্ষার যজ্ঞ সমাপ্ত হয়, তদনুরূপ অনুষ্ঠান কর। তোমার বাক্যেই আমার সমুদায় রোষ ও সমুদায় ক্ষোভ তিরোহিত হইয়াছে। আমি কুরুক্ষেত্রে ও প্রয়াগে অম্মদায়িনী হইব। এবং তোমার সমীপে স্থাপিতা হইয়া, ত্বদীয় নির্দেশ পরিপালন করিব। তুমি নিরুদ্ধেগে গমন কর। হে ভীষ্ম ! বরাননা সাবিত্রী প্রসন্না হইয়া, প্রীত বাক্যে এইপ্রকার বরদান করিলে, দেবাধিদেব বিষ্ণু হর্ষাবিক্ত হইয়া ত্রক্ষার যজ্ঞসভায় সগুপ্ত হইলেন এবং সর্বসমক্ষে সাবিত্রীর চরিত্র বিজ্ঞাপিত করিলেন। সকলে শুনিয়া নিরুদ্ধেগ ও পরমপ্রীত হইলেন।

কিন্তু আভীর কন্যা গায়ত্রী সপত্নী সাবিত্রীর এইপ্রকার চরিত্র অশ্লোকন ও আকর্ষণ করিয়া, কোন মতেই প্রীতীলাভ করিতে পারিলেন না। মনে মনে যারপর নাই ক্ষুণ্ণ ও বিষন্ন হইতে লাগিলেন। অনন্তর সপত্নীবিদ্বেষ হৃদয়-মধ্যে নিতান্ত সঞ্চিত হইয়া উঠিলে, তিনি একান্ত অসহমান হইয়া, সভাসমক্ষে বলিতে লাগিলেন, তোমরা এই ভর্তৃসান্নিধ্যে আমার বাক্য শ্রবণ কর। আমি সন্তুষ্ট হইয়া, সকলকে বরদান করিতেছি। সাবিত্রী অকৃতাপরাধে রোষাবিক্ত হইয়া, সকলকে অভিশপ্ত করিয়াছে। কিন্তু আমি



সত্যশপথ করিয়া বলিতেছি, যদি স্বামীর প্রতি আমার প্রীতি ও ভক্তি থাকে, তাহা হইলে, সাক্ষীর শাপ কোন অংশেই সফল হইবে না। প্রত্যুত যে সকল ব্যক্তি ভক্তিসমন্বিত হইয়া, ত্র্যম্বকসহকারে পিতামহ ত্র্যম্বক পূজা করিবে, তাহাদের ধন, ধান্য, পুত্র, কলত্র, গৃহ, বিদ্য, সুখ ও সৌভাগ্য লাভ হইবে। তাহাদের আশ্রয় অবিচ্ছিন্ন সুখ ও পুত্রপৌত্রে সর্বদা পরিপূর্ণ থাকিবে। উপযুক্ত অমবস্ত্রের জন্ত তাহাদের কখন লালায়িত হইতে হইবে না। তাহার সর্বপ্রকার অভিলষিত বিষয় সম্ভোগ করিয়া চরমে মোক্ষসুখ প্রাপ্ত হইবে। যে ব্যক্তি কার্তিকমাসে ত্র্যম্বকগৃহবিনিম্মাণ ও তাহাতে ত্র্যম্বকপ্রতিমা প্রতিষ্ঠা করিয়া, যথাবিধানে তাঁহার পূজা করিবে, সর্বপ্রকার যজ্ঞ, সর্বপ্রকার তপস্যা, সর্বপ্রকার দান ও সর্বপ্রকার তীর্থে স্নান করিলে, যে ফলপ্রাপ্তি হয়, উল্লিখিত ব্যক্তি সেই প্রতিষ্ঠা দ্বারা তাহার কোটি গুণিত লাভ করিবে। যে ব্যক্তি কার্তিকী পূর্ণিমায় উপবাস করিয়া, ভক্তিপূর্বক প্রতিপদতিথিতে বিহিত বিধানে তাঁহার পূজা করিবে, তাহার ত্র্যম্বকপদপ্রাপ্তি হইবে, সন্দেহ নাই। কার্তিকমাসে দেবদেব ত্র্যম্বক রথযাত্রা নিরূপিত হইয়া থাকে। ভক্তিসমন্বিত হইয়া এই রথযাত্রা বিধান করিলে, নিশ্চয়ই ত্র্যম্বকপদ প্রাপ্ত হওয়া যায়। অগ্রে ত্র্যম্বকভোজন করাইয়া, পরে ইহঁার পূজা করিবে। পূজা সমাহিত হইলে, গীত ও বাদ্যধ্বনি সহকারে রথে আরোহণ করাইবে। রথাগ্রে এই দেবদেবের বিহিত বিধানে পূজা করিয়া, ত্র্যম্বকগণ দ্বারা স্বস্তিবাচন ও পরিপূর্ণাশ্রমগুলি সম্পাদন পূর্বক ইহঁাকে রথে অধিষ্ঠিত করিবে এবং প্রজাগর দ্বারা রজনী অতিবাহন

করিবে। নানাপ্রকার প্রেক্ষণ ও মনোহর বেদধ্বনি দ্বারা এইরূপে প্রজাগর করিয়া, প্রভাত হইলে, ভক্তিসংহকারে বহুবিধ ভক্ষ্য ভোজ্য প্রদান পূর্বক ব্রাহ্মণদিগকে ভোজন করাইবে। পরে অগ্ন্যাগ্ন ব্যক্তিদিগকে ভোজন করাইয়া, বুদ্ধিমান ব্যক্তি যথাবিধানে মন্ত্রোচ্চারণ এবং জল ও পায়স সহকৃত আজ্য প্রদানান্তর ব্রাহ্মণ দ্বারা স্বস্ত্যাদিবাচন সম্পাদন করিবে। অনন্তর পুণ্যাংশক সমাধান করিয়া, ব্রাহ্মণ রথ প্রচালিত এবং চতুর্বেদপারগ দ্বিজাতিগণ দ্বারা তাহা পরিভ্রামিত করিবে। তৎকালে ব্রাহ্মণ দক্ষিণ পার্শ্বে গায়ত্রী ও সম্মুখভাগে পদ্ম স্থাপন করিতে হইবে। এইরূপে স্তম্ভধর শঙ্খ ও স্তম্ভর বাদ্যব্রহ্মণি পুরসর ব্রাহ্মণরথ পরিভ্রমণ ও সমুদায় পুর প্রদক্ষিণ করাইয়া, যথাবিধি নীরাজনপূর্বক পরে স্বস্থানে স্থাপন করিবে। যে ব্যক্তি এইরূপে রথযাত্রা সম্পাদন, যে ব্যক্তি ভক্তিভরে তাহা সন্দর্শন এবং যে ব্যক্তি সেই রথ আকর্ষণ করে, তাহাদের ব্রহ্মপদলাভ হইয়া থাকে, সন্দেহ নাই। কার্তিকমাসী অমাবস্তায় যথোপচার প্রদান পূর্বক ব্রহ্মগৃহে ব্রাহ্মণ পূজা করিলে, পরম পদ প্রাপ্ত হওয়া যায়। যে ব্যক্তি উল্লিখিত অমাবস্তায় মাণ্য, গন্ধ, বস্ত্র, অন্ন, ও পুষ্পাদি উপহার প্রদান করিয়া, তাঁহার পূজা করে, সে স্বর্গের উপরি ব্রহ্মলোকে গমন করিয়া থাকে। এই অমাবস্তা তিথি যার পর নাই পুণ্যশালিনী ও সর্বপ্রকার মঙ্গলবর্দ্ধিনী। এই তিথিতে ব্রাহ্মণদিগকে যথোপচারে ভোজন করাইবে। যে ব্যক্তি ব্রাহ্মণ, বিশেষতঃ আত্মাকে ভোজন করায়, সে অমিততেজাঃ ভগবান্ বিষ্ণুর পরম স্থান প্রাপ্ত হইয়া থাকে। চৈত্রেয়াসের প্রতিপদতিথিও নিরতিশয় পুণ্যশালিনী। যে

নরোত্তম এই পবিত্র তিথিতে যথাবিধি স্নান করিয়া, পিতামহের পূজা করে, তাহার সমুদায় ছুরিত বিদূরিত, সমুদায় ব্যাধি বিগলিত ও সমুদায় আধি তিরোহিত হইয়া যায় । এই তিথিতে দান করা সর্ব্বথা কর্তব্য । গো বা মহিষ অথবা অন্য যে কোন পদার্থ দান কর, সমুদায়ই সমুদ্রবৃদ্ধির কারণ রূপে পরিণত হয় । অতএব সকলেই বস্ত্র ও সর্ব্বপ্রকার অলঙ্কারাদি দ্বারা বিভূষিত করিয়া, ব্রাহ্মণদিগকে ভোক্ষ্যভোজ্য প্রদান করিবে । হে কুরুদ্রহ ! আশ্বিন, কার্তিক ও চৈত্রমাসের এই সকল পুণ্যতিথির বিয়য় পূর্বে তোমার নিকট উল্লেখ করিয়াছি । যাহা হউক, ভগবতী সার্বিত্রী ব্রহ্মাকে শাপদানানন্তর বলিয়াছিলেন, কার্তিকী পূর্ণিমা ব্যতিরেকে ব্রাহ্মণগণ আর তোমার পূজা করিবেন না । কিন্তু গায়ত্রী দেবী তাহার নিরাকরণ করিয়া বলিলেন, যাহারা আমার বাক্য শুনিয়া ঐ সকল তিথিতে তোমার পূজা করিবে, তাহারা ইহলোকে সমুদায় ভোগ সম্ভোগ করিয়া, পরলোকে পরম পুরুষাৰ্থ মোক্ষপদার্থ লাভ করিবে ।

অনন্তর তিনি ইন্দ্রকে বর দান করিয়া কহিলেন, হে দেবরাজ ! আমি তোমাতে বর দিতেছি । তুমি সংগ্রামে শত্রুকর্তৃক নিপীড়িত হইলে, পিতামহ ব্রহ্মা তোমার জন্ম শোকাকুল হইবেন এবং স্বয়ং তোমাতে উদ্ধার করিবেন । তুমি তাঁহার প্রসাদে মুক্তিলাভ ও স্বীয় নিকেতনে গমন করিয়া, পুনরায় নিজ রাজ্যসম্পদ ও পরম হর্ষ প্রাপ্ত হইবে ।

পরে বিষ্ণুকে বরদান করিয়া কহিলেন, তুমি একাদশ-সহস্রবর্ষ জীবিত থাকিয়া, এই ত্রৈলোক্যরূপ মহারাজ্য অকণ্টকে সম্ভোগ করিবে । ইহার মধ্যে তোমার কোনপ্রকার

বিপদ উপস্থিত হইবে না । হে উপেন্দ্র ! তোমার খ্যাতি ও প্রতিপত্তি সৰ্বলোকসম্পারিণী এবং লোকে তোমার প্রতি বিপুল অত্যাগদম্পন্ন হইবে । তুমি রামরূপে সমুদয় মানব-দিগকে সর্বিশেষ বিভাবিত করিবে । তোমার প্রভাবে সকলেরই সম্ভানফল লাভ হইবে ।

অনন্তর রুদ্রকে বর দিয়া বলিলেন, হে বিভো ! যাহারা প্রতিনিয়ত ভক্তিসম্পন্ন হইয়া ত্বদীয় লিঙ্গের পূজা করিবে, সেই সকল পুণ্যকৰ্ম্ম সকলের পূজনীয় হইয়া, চরমে স্বৰ্গ ও অপবৰ্গ সম্ভোগ করিবে । তোমার লিঙ্গপূজা করিয়া, লোকে যে গতি প্রাপ্ত হইবে, অগ্নিহোত্রে বা যজ্ঞে অনলে আছতি প্রদান করিয়া, কদাচ সে গতিলাভে সমর্থ হইবে না । যাহারা গঙ্গাতীরে ত্বদীয় লিঙ্গ স্থাপন পূৰ্ব্বক বিল্বপত্র দ্বারা পূজা করিবে, তাহারা অপবৰ্গ, যাহারা প্রকটিত করিবে তাহারা স্বৰ্গ এবং যাহারা স্পর্শ করিবে তাহারা পুণ্য প্রাপ্ত হইবে । অনন্তর অগ্নিকে সম্বোধন করিয়া বলিলেন, হে বহু ! আমি বর দিতেছি, তুমি প্রীত হইলে, যাবতীয় অমরগণের প্রীতি সমুদ্ভূত হইবে, তাহাতে সন্দেহ নাই । বেদে উল্লিখিত হইয়াছে, তুমি সন্তুষ্ট হইলে, দেবগণ যজ্ঞে ত্বদীয় মুখে হবিঃ ভক্ষণ করিয়া থাকেন ।

হে ভীষ্ম ! অনন্তর ভগবতী গায়ত্রী তত্রস্থ সমুদায় ব্রাহ্মণ-দিগকে বরদান করিয়া কহিলেন, তোমরা সকলের পূজনীয় হইবে । মানবগণ বৈরাগ্যযোগসহকারে সৰ্ব্বতীর্থে তোমাদের পূজা ও অন্নদানবিধানানুসারে অনেকবিধ দান করিয়া, পবিত্র ও স্বৰ্গপ্রাপ্ত হইবে, তাহাতে সন্দেহ নাই । তোমরা আমার বরপ্রভাবে ত্রিভুবনের পরিভ্রামে নিযুক্ত হইয়া, এক-

মাত্র প্রাণায়াম দ্বারাই সমুদায় দোষে বিনির্মুক্ত হইবে । বিশেষতঃ, পুষ্করতীর্থে স্নান করিয়া, বেদমাতা গায়ত্রীর জপ করিলে, তোমাদের প্রতিগ্রহজনিত সমুদায় দোষ পরিত্রুত হইয়া যাইবে । পুষ্করতীর্থে অন্নদান করিলে, সমুদায় দেব-তাই প্রসন্ন হইয়া থাকেন । যে ব্যক্তি ঐ তীর্থে একমাত্র ব্রাহ্মণভোজন করাইবে, তাহার কোটী ব্রাহ্মণভোজনের ফল লাভ হইবে । যে ব্যক্তি তোমাদের হস্তে ধন দান করিবে, তাহার ব্রহ্মহত্যাदि গুরুতর পাতক ও অন্যান্য সমুদায় দুষ্কৃত বিগলিত হইয়া যাইবে । আমি গায়ত্রী, তিনবার আমার জপ করিলে, ব্রহ্মহত্যাশব্দ দ্বারা পাপরাশি এবং দশ, শত বা সহস্রজন্মকৃত ছুরিতভারও তৎক্ষণাৎ বিনাশ প্রাপ্ত হয়, এবিষয়ে বিচারণার আবশ্যক নাই । বিশেষতঃ, ওঁকার-সমুচ্চারণপূর্বক মন্ত্রক দ্বারা আমার জপ করিলে, তোমাদের ত্রিযুগসঞ্চিত দুষ্কৃতরাশির পর্য্যবসান হইবে । হে দ্বিজসন্তমগণ ! আমি সমুদায় বেদের মাতা ও সর্বপ্রকার পদে অলঙ্কৃত ; এবং অষ্টাক্ষরা রূপে সমুদায় জগৎ পরিব্যাপ্ত করিয়া, সর্বদা অধিষ্ঠান করিতেছি । আমারে জপ করিলে, তোমাদের সর্বপ্রকার সিদ্ধি লাভ হইবে, তাহাতে সংশয় নাই । অধিক কি, তোমারা আমার জপপ্রভাবে সংসারে সকলের প্রধান পদে অধিরূঢ় হইবে । সাবিত্রী তোমাদিগকে যে শাপপ্রদান করিল, তাহা কখন সফল হইবে না । তোমরা যাহা দান বা হোম করিবে, তৎসমস্তই অক্ষয় হইবে । হে দ্বিজগণ ! আমি বর দিতেছি, তোমরা অগ্নিহোত্ৰনিরত, নিষ্ঠাসম্পন্ন ও ত্রিসঙ্ক্য হোমপরায়ণ হইয়া, একবিংশতি কুলের সহিত স্বর্গে গমন করিবে ।

হে ভীষ্ম ! ভগবতী গায়ত্রী এই রূপে ব্রহ্মা, বিষ্ণু, রুদ্র, অগ্নি, ইন্দ্র ও ব্রাহ্মণদিগকে উৎকৃষ্ট বরদান করিয়া, সেই মনোরম স্থানেই পিতামহ ব্রহ্মার পার্শ্বদেশে গমন করিলেন । অনন্তর সেই ব্রহ্মপ্রিয়া গায়ত্রী লক্ষ্মী প্রভৃতি সমাগত যুবতীদিগকে পৃথক্ পৃথক্ বরদান করিয়া বলিতে লাগিলেন, হে হরিপ্রিয়ে ! সবিত্রী যে শাপ দিয়া গেলেন, তাহা কোন অংশেই তোমাদিগের অনিষ্টসাধন করিতে পারিবে না । তুমি সকলের প্রীতিদায়ী স্ত্রশোভন বাম নয়নে বাহ্যারে অবলোকন করিবে সে কুৎসিত হইলেও সর্বাপেক্ষা শোভমান হইবে, তাহাতে কিছুমাত্র সন্দেহ নাই । হে পুত্রি ! আমি প্রসন্ন হইয়া বলিতেছি, তুমি যাহারে অবলোকন করিবে, তাহার সমুদায় পুণ্যলাভ হইবে এবং তুমি যাহারে পরিত্যাগ করিবে, তাহারে সমুদায় দুঃখ ভোগ করিতে হইবে । হে বরাননে ! যাহারা তোমার স্ত্রপ্রসন্ন দৃষ্টিলাভে সমর্থ হয়, তাহাদেরই কুল, তাহাদেরই জাতি, তাহাদেরই শীল, তাহাদেরই ধর্ম, তাহাদেরই বিভব এবং তাহাদেরই শোভা ; অধিক কি তাহারা রাজপদ পর্য্যন্ত অধিকার করে । দ্বিজাতিগণ তাহাদেরই নিকট যাচঞা করিয়া থাকে ; লোকে তাহাদের প্রতিই সৌজন্য প্রদর্শন করিয়া বলে, তুমিই আমার ভ্রাতা, তুমিই আমার পিতা, তুমিই আমার গুরু এবং তুমিই আমার বান্ধব, তোমা ব্যতিরেকে আমার জীবনধারণের সম্ভাবনা নাই । হে কল্যাণি ! যে সকল পুরুষ পরম ভাগ্যেয়সম্পন্ন, তাহাদের প্রতিই তোমার স্ত্রশোভন দৃষ্টি পতিত হইয়া থাকে । তাহাদেরই মনঃ সর্বদা প্রসাদস্বখ সন্তোগ করে এবং লোকে তাহাদের প্রতি উল্লিখিতরূপ বাক্য সকল

প্রয়োগ করিয়া থাকে। হে শোভনে! আমি সত্য সত্যই বলিতেছি, সংসারে তুমি সকলেরই প্রীতিসম্পাদন করিবে এবং সাধুগণ সর্বদা তোমার প্রতি সবিশেষ সম্ভ্রাম প্রদর্শন করিবেন।

অনন্তর দেবরাজ হিগী পুলোমনন্দিনী শচীদেবীকে বরদান করিয়া কহিলেন, হে পুত্রিকে! মহারাজ নহম ইন্দ্রপদ প্রাপ্ত হইয়া, তোমারে অবলোকনপূর্বক যাচ্ঞা করিলে, নিশ্চয়ই মহর্ষি অগস্ত্যের ছুরত্যয় শাপে নিপতিত হইবে। এইরূপে শাপগ্রস্ত হইয়া, ব্যাকুল হৃদয়ে সেই ঋষিবরকে প্রার্থনা করিয়া কহিবে, হে যুনে! আমি দর্প বশতঃ বিনষ্ট হইলাম, এক্ষণে আপনিই আমারে রক্ষা করুন, আপনি ব্যতিরেকে এই দারুণ সঙ্কটে আমার উদ্ধারের আর উপায় নাই। নহম ব্যাকুল হইয়া এবংবিধ কাতর বাক্য প্রয়োগ করিলে, মহর্ষির অন্তঃকরণে করুণাসঞ্চার হইবে। তখন তিনি প্রসন্ন হইয়া বলিবেন, হে রাজন্! তোমাৎ বংশে যে কুরুনন্দন পাণ্ডবগণ জন্মগ্রহণ করিবেন, তাঁহাদের হইতেই তোমার উদ্ধার সাধন হইবে। যাহা হউক, হে কল্যাণি! নহম অধঃপতিত হইলে, তুমি ভর্তার সহিত অশ্বমেধযজ্ঞ-সমাদানান্তে পুনরায় আমার বরে স্বর্গলোকে উপনীত হইয়া, পূর্বের ন্যায় দিব্য স্মৃথ সম্ভোগ করিবে, তাহাতে কিছুমাত্র সংশয় নাই। অনন্তর অত্যাণ্ড দেবপত্নীদিগকে সম্ভোধন করিয়া বলিতে লাগিলেন, হে অমররমণীগণ! তোমরা বিষাদ পরিহার কর। আমি বর দিতেছি, সাবিত্রীশাপে তোমাদের কিছুমাত্র অনিষ্টসম্ভাবনা নাই। তোমরা কখন পুত্রহীন হইয়া, দুঃখগ্রস্ত হইবে না। হে ভীষ্ম! সেই ভগবতী

সাবিত্রী এই রূপে গৌরীকেও শাপ হইতে বিমুক্ত করিলেন। পরম পরিতুষ্ট হইয়া, তিনি সতী গৌরীকে বরদানপূর্ব্বক যজ্ঞসমাপ্তির জন্য পিতামহ ব্রহ্মার সমীপে গমন করিলেন।

ভগবান রুদ্র বেদমাতা গায়ত্রীকে সকলের প্রতিই বরদান করিতে দেখিয়া, সাতিশয় প্রীত ও আনন্দিত হইলেন। অনন্তর ভক্তিভাবে প্রণাম করিয়া, বক্ষ্যমাণ বাক্য তাঁহার স্তব করিতে লাগিলেন, হে দেবি ! তোমা হইতেই সমুদায় বেদ প্রাদুর্ভূত হইয়াছে, এইজন্য তুমি বেদমাতা বলিয়া বিখ্যাত। হে অষ্টাক্ষরবিনোদিত ! তুমি গায়ত্রী, তুমি দুর্গতারিণী, তুমি সপ্তবিধ বাণী, তুমি সমুদায় অক্ষর, তুমি সমুদায় লক্ষণ, তুমি সমুদায় ভাষ্য ও সমুদায় শাস্ত্র, তোমারে নমস্কার করি। হে দেবি ! তুমি স্ননির্ম্মল শশধরের ন্যায়, সাতিশয় শুভ্রকান্তি। তোমার ঊরুযুগল নিরতিশয় বিশাল ও কদলীগর্ভের ন্যায়, নিতাস্ত কোমল। তোমার হস্তে এণশৃঙ্গ ও বিকসিত দিব্য কমল শোভা পাইতেছে। পীতবর্ণ বিচিত্রদর্শন ক্ষৌম বসনে তোমার অঙ্গলতার স্বাভাবিক সৌন্দর্য্য বর্দ্ধিত হইয়াছে। তোমার হৃদয়দেশ সূচিক্ণ হারগুচ্ছে অলঙ্কৃত ; স্ননির্ম্মল শশিরশ্মির ন্যায় উহার প্রভা কি মনোহারিণী। হে শুভে ! তুমি দিব্যকুণ্ডলসম্পন্ন শ্রবণ-যুগলে সূশোভিতা হইয়া, চন্দ্রমচিহ্নিত মনোজ্ঞ মুকুটে এবং গ্রন্থিত্রয়বেষ্টিত বিচিত্র কেশবন্ধনে ত্রিভুবনের লোচনানন্দ সম্পাদন করিয়া, সতত বিরাজমান হইতেছ। তোমার ভুজ-গাভোগসদৃশ ভুজযুগলের অসীম বিভায়ে সমুদায় দিগ্ভাণ্ডল সমুদ্ভাসিত হইতেছে। হে দেবি ! তোমার পয়োধরযুগল পীন, কঠিন, নিরতিশয় বর্তূল ও সমচূচক। তোমার জঘন



অতিশয় শুভ্র, অতিশয় বিস্তৃত ও নিতান্ত স্পষ্ট ; তোমার চরণ, আনন, নিতম্ব ও ত্রিবলি সমুদায় অঙ্গই অক্ষর, স্বকুমার ও সুদৃশ্য । স্বচাক্ষর উরু ও স্বঘটিত পদ্মভূষণে তোমার শোভাবিভবের একশেষ হইয়াছে । তুমি এই ত্রিভুবনের সর্বত্র গতিবিধি ও সমুদায় জগৎ পবিত্র করিয়া থাক । হে মহাভাগে ! তুমি সকলের বরদা ও সকলের অভয়দায়িনী হইবে । পুষ্করতীরে তোমার যাত্রা নিশ্চয়ই সম্পাদিত হইবে । হে দেবি ! তুমি জ্যৈষ্ঠমাসী পৌর্ণমাসীতে সকলের নিকট ব্রতপূজা লাভ করিবে । যে সকল মানব তোমার প্রভাব পরিজ্ঞাত হইয়া, ত্বদীয় পূজায় প্রবৃত্ত হইবে, তাহাদের ধন বা পুত্র কিছুই দুর্লভ হইবে না । হে কল্যাণি ! যাহারা কাস্তারে নিপতিত, যাহারা মহার্ঘবে নিমগ্ন অথবা যাহারা দস্যু কর্তৃক রুদ্ধ ও হতসর্শ্ব, তুমি তাহাদের পরম গতি । হে মঙ্গলরূপিণি ! তুমি সিদ্ধি, তুমি শ্রী, তুমি ধৃতি, তুমি পুষ্টি, তুমি ক্রিয়া, তুমি বৃত্তি, তুমি ক্ষমা, তুমি সক্ষ্যা, তুমি রাত্রি, তুমি প্রভা, তুমি নিদ্রা, তুমি কালরাত্রি, তুমি অশ্বা, তুমি কমলা, তুমি ব্রহ্মাণী, তুমি ব্রহ্মপাবনী, তুমি সকল বেদের জননী, তুমি পরমাগতি, তুমি জয়া, তুমি বিজয়া, তুমি ভূষ্টি । হে বরবর্ণিনি ! তুমি সকলের বরদাত্রী, তুমি পিতামহে চেষ্টারূপিণী, তুমি বহুরূপা, বিশ্বরূপা, স্নেন্দ্রা ও পদ্মধারিণী । তুমি বিশালাক্ষী, তুমি স্বরূপা, তুমি ভক্তগণের রক্ষাকারিণী । হে বরাননে ! তুমি প্রধানতম নগরে, আশ্রমে, আয়তনে, কাননে ও উপবনে সর্বদা অবস্থান কর এবং সমুদায় ব্রহ্মস্থানে ও ব্রাহ্মণগণে অধিষ্ঠিতা রহিয়াছ । হে দেবি ! তুমি

ত্রক্ষতারির দীক্ষা, শোভাবানর, শোভা, জ্যোতিষ্কগণের  
প্রভা, নারায়ণের লক্ষ্মী ও মুনিগণের ক্ষমা । তুমি নক্ষত্রসমূ-  
হের মধ্যে রোহিণী ও নারীগণের মধ্যে উমা । তুমি দেব-  
রাজ ইন্দ্রের সহস্রনয়নসদৃশী সূচাক্ষু দৃষ্টিশালিনী । হে ভগ-  
বতি ! তুমি ঋষিগণের ধর্মপত্নী, দেবগণের পরায়ণী, সমুদায়  
ভূতগণের ধনধান্যদা এবং স্ত্রীগণের বৈধব্য বিদূরিত করিয়া  
থাক । তোমার পূজা করিলে, ব্যাধি, মৃত্যু ও ভয় সমুদায়  
তিরোহিত হইবে । হে বরপ্রদে ! যে ব্যক্তি কার্তিকীপৌর্ণ-  
মাসীতে সম্যকরূপে তোমার পূজা করিবে, তোমার প্রসাদে  
তাহার সমুদায় কামনা সুসিদ্ধ হইবে । যে ব্যক্তি ভক্তিসম-  
ন্বিত হইয়া, এই স্তোত্র পাঠ বা শ্রবণ করে, তাহার সর্ব-  
প্রকার অর্থসিদ্ধি লাভ হইয়া থাকে, তাহাতে সন্দেহ নাই ।

গায়ত্রী কহিলেন, হে স্বাগো ! তুমি যাহা বলিলে, তৎ-  
সমস্তই সুসম্পন্ন হইবে । অধিকন্তু, তুমি আমার বরপ্রভাবে  
বিষ্ণুর সহিত সমুদায় বিষয় সুসম্ভাবিত করিবে ।

## অষ্টাদশ অধ্যায় ।

ভীষ্ম কহিলেন, হে ত্রক্ষন ! আপনার প্রসাদে পরম অদ্বুত  
ধর্ম শ্রবণ করিলাম । ইহা শ্রবণ করিয়া, আমার নিরতিশয়  
শ্রদ্ধা সমুৎপন্ন হইয়াছে । যাহা হউক, ভগবান্ রুদ্র যেক্রপে  
দেবী গায়ত্রীর অভিষেক করেন ; গায়ত্রী ও সাবিত্রী উভয়ের  
মধ্যে যেক্রপে বিবাদ প্রাচুর্ভূত হয় ; এবং আদিদেব নারা-  
য়ণ যেক্রপে সাবিত্রীকে সর্বস্থানে কীর্তন ও ভূতভাবন রুদ্র

যে রূপে গায়ত্রীর সংস্কার করেন, আপনার অনুগ্রহে তৎ-  
সমুদায় সৰ্বিশেষ অবগত হইলাম । আমার আত্মা পরম  
পবিত্র ও অতিশয় প্রসন্ন হইল এবং আনুষঙ্গিক পরম প্রীতি  
ও কৌতূহল সমুদ্ভূত হইল । হে ব্রহ্মন্ ! ভগবান্ নারায়ণ  
ব্রহ্মপত্নী সারিত্রীর স্তব করিয়া, তাঁহারে ভক্তিসহকারে  
পৰ্বতশিখরে স্থাপনপূর্বক যে ভুক্তিভুক্তি-প্রদায়িনী বচন-  
পরম্পরা প্রয়োগ করেন এবং সারিত্রী যেরূপ সৰ্বভূত-  
পাবনী, সকলের ঈশ্বরী ও পরম শ্রীশালিনী, তদ্ব্যতীত ও  
আপনার প্রমুখাৎ শ্রবণ করিলাম । হে ভগবন্ ! তাহার পর  
যে যে কাণ্ড সজ্জাতিত হয় এবং ভগবতী গায়ত্রী যেরূপ অনু-  
ষ্ঠান করেন, তৎসমুদায় শ্রবণ করিবার জন্য আমার নিরতি-  
শয় কৌতূহল উবুদ্ধ হইয়াছে । আপনি অনুগ্রহ করিয়া,  
আনুপূর্বিক বর্ণন করুন । আমার বোধ হইতেছে, উহা  
শ্রবণ করিলে; নিশ্চয়ই আমার চিত্তশুদ্ধি ও দেহশুদ্ধি লাভ  
হইবে ।

পুলস্ত্য কহিলেন, হে কুরুপিতামহ ! পিতামহ ব্রহ্মা  
পূর্বে পুষ্করতীরে যজ্ঞানুষ্ঠানে প্রবৃত্ত হইলে, দেবতা ও গন্ধৰ্ব  
প্রভৃতি যেরূপে তাঁহার স্তব করিয়াছিলেন, শ্রবণ কর ।  
পিতামহ কমলযোনি সত্যযুগের আদিতে যজ্ঞ করিতে আরম্ভ  
করিলে, মরীচি, অঙ্গিরা, পুলস্ত্য, পুলহ, ক্রতু, দক্ষ ও প্রজা-  
পতি ইহঁরা আসিয়া তাঁহারে প্রণাম করিলেন । সৰ্ব্বাভরণ-  
ভূষিত পরমভাস্বর পুরুষগণ ও অঙ্গরা সকল তাঁহার চতুর্দিকে  
নৃত্য এবং গন্ধৰ্বগণ স্বমধুর গান করিয়া, তাঁহার সন্তোষ-  
সাধন করিতে লাগিল । মহাশ্রুতি, চিত্রসেন, উৰ্কয়, অঘন,  
গোমায়ু, সূর্য্যবর্চাঃ, পৰ্জন্ত, নন্দি, চিত্ররথ, কলি ও নারদ

এবং হাহাহুহু ও মহাদ্যুতি হংস এই সকল দেব ও গন্ধর্ব্ব আগমনপূর্ব্বক তাঁহার উপাসনায় প্রবৃত্ত হইলেন । দিব্য অঙ্গরোগণ তাঁহার সমীপে নৃত্য করিতে লাগিল । বাতো-  
 র্যামা, বরুণ, বারুণ, ভগ, ইন্দ্র, বিবস্বান, পৃষা, তৃক্টা ও  
 পর্জন্ম ইত্যাদি দ্বাদশ আদিত্য ও সমুদায় দেবগণ আগমন  
 পূর্ব্বক তাঁহারে নমস্কার করিলেন । যুগব্যাধ, শর্ব্ব, মহা-  
 যশাঃ, নিখাতি, সমুদায় বিশ্বেদেব ও সাধ্যগণ অঞ্জলিবদ্ধ  
 হইয়া তথায় অধিষ্ঠান করিতে লাগিলেন । লোকপাল ও  
 লোকগুরু ভগবান্ নারায়ণ স্বয়ং সমুদায় ঋষিদিগের সহিত  
 সমাগত হইয়া এই বলিয়া তাঁহার স্তব করিতে লাগিলেন,  
 হে দেব ! হে জগৎপতে ! তুমি এই সমুদায় সংসার সৃষ্টি  
 করিয়াছ এবং তুমিই তাহার ঈশ্বর । অতএব হে স্বামিন্ !  
 হে পদ্মজন্মন্ ! তোমারে নমস্কার করি । হে বিভো !  
 আমরা এই যজ্ঞে তোমার কি মহৎ কার্য্য করিব, আদেশ  
 কর । পিতামহ তাঁহার পূজা করিয়া কহিলেন, যাঁহার  
 নাভিতে শ্রীবৎস, মনোহর কটিসূত্রে যাঁহার শোভাসমুদ্রির  
 সীমা নাই, যিনি পরম শ্রীমান্, যিনি ভূৰ্ভুবঃ প্রভৃতি সমুদায়  
 লোকের সৃষ্টি করিয়াছেন, যিনি শুচিরোমা, দৰ্ভরোমা, পরম  
 প্রভুশক্তি সম্পন্ন ও সর্ব্বপ্রকার তেজোময় ; যিনি পুণশীল  
 সাধুগণের গতি ও পাপাত্মাদিগের অগতি, সিদ্ধ মহাস্বাগণ  
 যাঁহারে উত্তম যোগ বলিয়া অবগত আছেন ; মোক্ষাভিলাষী  
 ব্রাহ্মগণ নিয়ত হইয়া, যাঁহারে অনন্তগুণ ও অনন্ত ঐশ্বর্য্য  
 সম্পন্ন, দেবগণের শ্রেষ্ঠ ও সাত্ত্বত বলিয়া বর্ণন করেন, যোগ-  
 ভাবিত ব্যক্তিগণ যাঁহার প্রসাদে জনন মরণ রহিত হইয়া  
 থাকেন ; সংসারে সমুদায় যোগিগণ যাঁহারে অনন্ত বলিয়া

উল্লেখ করেন, যিনি লোকরক্ষার্থ সহস্র মন্তক ও আকাশ-  
বিগ্রহ পরিগ্রহ করিয়া, সকল সংসার ব্যাপ্ত করিয়া আছেন ;  
আমরা সকলে শরণার্থী হইয়া, তাঁহারে আশ্রয় করি । তিনি  
সকলের শরণ্য ও রক্ষাকর্তা এবং সর্বভূতের অভয়দান জন্ম  
প্রাভুভূত হইয়াছেন । তিনি সমুদায় ঋষি ও সমুদায় লোকের  
মধ্যে প্রধান । এবং দেবগণের সাক্ষাৎ প্রিয়ার্থ ও জগতের  
মূর্তিমান স্থিতি ।

হে কুরুপ্রবর ! দেবদেব পিতামহ অনলে আহুতি দান  
করিয়া, যথাসৃষ্টি যথাপূর্ব যজ্ঞ সৃষ্টি করিয়াছিলেন । তিনি  
লোকস্থিতি রক্ষণার্থ এইরূপে যজ্ঞে প্রবৃত্ত হইলে, ভগবান্  
বহি প্রজ্বলিত হইয়া উঠিলেন । হে রাজেন্দ্র ! অচিন্ত্যাত্মা  
পিতামহ পরম প্রীত হইয়া, সমুদায় দেবগণের সহিত, ধনোঘ  
ও ঋত্বিগগণ দ্বারা আপনার যজ্ঞবট সর্বতোভাবে পূর্ণ ও  
পরিপালিত করিয়াছিলেন । দৈত্য, দানব, ও রাক্ষস প্রভৃতি  
যাহারা ঘোরমূর্তিপরিগ্রহপূর্বক যজ্ঞবিষয় করবার মানসে  
তথায় উপস্থিত হইয়াছিল, প্রভবিষু ভগবান্ বিষ্ণু স্বয়ং চাপ-  
গ্রহণ পূর্বক তাহাদের সকলকে নিবারিত করিয়াছিলেন ।  
সেই সনাতন বিষ্ণু আপনি আপনার স্বরূপ উল্লিখিত যজ্ঞের  
মুম্বিধান চিন্তা করিতে লাগিলেন । তিনি যথাতত্ত্ব চিন্তা  
করিয়া, উত্তম উত্তম ব্রাহ্মগগণ দ্বারা যজ্ঞ সম্পাদিত করিতে  
প্রবৃত্ত হইলেন । তাঁহার অধিষ্ঠানবশতঃ ঐ যজ্ঞে কোন  
বিষয়ে কোন রূপ বিষ উপস্থিত হইল না । ভূগু প্রভৃতি  
যজ্ঞকর্ম্ম বিশারদ ঋত্বিগগণ নির্ভয় ও নিশ্চিন্ত হইয়া, যাহা  
অক্ষয় পুণ্য স্বরূপ উল্লিখিত হইয়াছে, তাহাই বিধান পূর্বক  
অনলে আহুতি দান করিতে লাগিলেন । হে রাজর্ষে ! ঐ

যজ্ঞে দেববিদ্যা, যজ্ঞবিদ্যা ও সমুদায় পদক্রম পারদর্শী সহস্র সহস্র পরমর্ষি সমাগত হইয়াছিলেন। তাঁহারা সংযত ও সমাহিত হইয়া বেদপাঠ আরম্ভ করিলে, সমুদায় সভা প্রতিধ্বনিত হইয়া উঠিল। হে রাজর্ষে! ঐ সকল ঋষিপুঙ্কব বাসুদেব প্রভাবে সুরক্ষিত ও সর্বদা অবিহত সেই যজ্ঞে আহুতি দান আরম্ভ করিলেন। যজ্ঞ সংশ্রব, দীক্ষা ও সর্ব শব্দার্থের অভিজ্ঞ, এবং মৌমাংসা হেতু বাক্য সর্কতত্ত্বার্থ ও সর্ববিদ্যা বিশারদ দ্বিজাতিগণের সমুচ্চারিত ধ্বনি চতুর্দিক পরিপূরণ পূর্দক লোকের শ্রুতিবিবরে প্রবেশ করিতে লাগিল। ইতিহাস ও পুরাণবিৎ ব্রাহ্মণগণ যজ্ঞভূমি অলঙ্কৃত করিয়া, পুরাণ প্রভৃতি পাঠ করিতে লাগিলেন। হেরাজেন্দ্র! ঐ যজ্ঞে শত শত সংযতেন্দ্রিয় সংশিতব্রত রাজর্ষি ও জপ-হোমপরায়ণ শান্তস্বভাব ব্রাহ্মণমণ্ডলী উপস্থিত হইয়া-  
ছিলেন।

সুরাসুরগুরু লোকপিতামহ শ্রীমান্ ব্রহ্মা যজ্ঞভূমিতে অধিষ্ঠিত হইলে, সুর ও অসুরগণ তাঁহার সেবা এবং দক্ষ, বশিষ্ঠ, পুলহ, মরীচি, দ্বিজসত্তম অঙ্গিরা, ভৃগু, অত্রি, গোতম ও নারদ প্রভৃতি শিষ্টপতিগণ তাঁহার উপাসনা করিতে লাগিলেন। তেজঃ, বল, সত্ত্ব, মহী, আকাশ, শব্দ, স্পর্শ, রূপ, রস, গন্ধ, বিকৃতি, বিকার ও অন্যান্য মহৎ কারণ এবং ঋক্, যজু, সাম ও অথর্ব এই চারি বেদ শব্দ ছন্দ নিরুক্ত ও কল্প ইত্যাদি অঙ্গ ও উপাঙ্গ সমভিব্যাহারে মূর্তিমান্ হইয়া, ওঁ কার সহিত মহাত্মা পিতামহের উপাসনায় প্রবৃত্ত হইল। নয়, যজ্ঞ, সংকল্প, প্রাণ, ধর্ম, অর্থ, কাম, মোক্ষ, হর্ব ইহারা সংমিলিত হইয়া, তদীয় আরাধনা আরম্ভ করিল। দক্ষ, বহ-

স্পতি, মূহূর্ত, অম্বুদ, শনৈশ্চর, রাহু ও গ্রহ সকল, মরুত, বিশ্বকর্মা ও পিতৃগণ, এবং দিবাকর ও সোম পিতামহের সমীপে উপনীত হইলেন। দুর্গতারিণী গায়ত্রী, সপ্তবিধ ছন্দ, সমুদায় নীতিশাস্ত্র, গাথা ও নিয়ম সমস্ত, এবং সমুদায় অক্ষর, সমুদায় নক্ষত্রমণ্ডল, সমুদায় ভাষা ও সমুদায় শাস্ত্র মূর্তিমান হইয়া, তাঁহার অর্চনা করিতে লাগিলেন। হে বিশাংপতে। ক্ষণ, লব, মূহূর্ত, দিন, রাত্রি, অর্দ্ধমাস, মাস ও ঋতু সকল দেবগণ সমভিবাাহারে মহাত্মা পিতামহের উপাসনা মানসে সমুপস্থিত হইল। কীর্ত্তি, ক্রী, দ্যুতি, প্রভা, ধৃতি, ক্ষমা, ভূতি নীতি, বিদ্যা, মতি, শ্রুতি স্মৃতি, কাস্তি, তুষ্টি, ক্রিয়া, ইত্যাদি প্রধান প্রধান দেবীগণ তাঁহার উপাসনায় প্রবৃত্ত হইলেন। নৃত্যগীতবিশারদ দিব্য অঙ্গরোগণ দেবমাতৃ-দিগের সহিত মিলিত হইয়া, সমুচিত সপৰ্য্যা সহকারে তাঁহার প্রীতি সাধন আরম্ভ করিল। নিপ্রচিহ্নি, শিবি, শঙ্কু, উপশঙ্কু, পুষ্কর, পুঙ্কল, প্রফ্লাদ, গগনপ্রিয়, অনুহাদ, পরবহ, বরাহ, কুশ, রজ, যোনিভক্ষ, বৃষপর্বা, লিঙ্গভক্ষ, কুরু, ত্রপু, উগ্রসভ, নিরুদর, একচক্র, বিচক্র, কুলসম্ভব, স্থলভ, স্থল-ভাণ্য, ক্রামথ, ক্রাপথ, ক্রথ, বৃষকীর্ত্তি, মহাজিহ্ব, শঙ্খাচক্র, মহধ্বনি, দীর্ঘজিহ্ব, অর্কনয়ন, মুহূবাপ, মুহুপ্রিয়, নমুচি, শম্বর, বিহ্বর, বজ্রহস্তা, ক্রোধহস্তা, ক্রোধবর্দ্ধন, মহাচক্র, কাক্ক, কালভক্ষ, সমরপ্রিয়, দণ্ড, গবিষ্ঠ, গরিষ্ঠ, প্রলম্ব, নরক, ইন্দ্র-তাপ, বাতাপি, বলদর্পিত, কেহুমান, অতিলোমা, পুলোমা, বাঙ্কলি, প্রমদ, মদ, শৃগালবদন, কেশী, বরদ, একাক্ষ, একবাহু, বৃজ, ক্রোধ, বিমোক্ষণ ও বাড়ব্য ইত্যাদি বহুসহস্র বলবত্তর দানবগণ সমাগত হইয়া পিতামহের উপাসনায় প্রবৃত্ত

হইল এবং করপুটে বলিতে লাগিল হে ভগবন্ ! আপনিই আমাদিগকে সৃষ্টি করিয়াছেন ও আপনিই আমাদিগকে এই ত্রৈলোক্য রাজ্য দান করিয়াছেন। হে সুরেশ্বর ! আমরা আপনারই প্রসাদে দেবগণ অপেক্ষা সমধিক শক্তি সম্পন্ন ও সৰ্ব্বাংশে প্রাধান্য প্রাপ্ত হইয়াছি। হে ভগবন্ ! আপনি আমাদের পিতামহ। আমরা কি করিব, আদেশ করুন। আমরা সকলেই কার্য্য নির্ণয়ে সমর্থ। অনায়াসেই আপনার আদেশ পরিপালন করিতে পারিব। এই দেবগণ অদিতির গর্ভসমুত। ইহারা নিতান্ত কাপুরুষ এবং সৰ্ব্বদাই আমাদের কর্তৃক পরাভূত হইয়া থাকে। ইহাদের দ্বারা আপনার কার্য্য নির্বাহের সম্ভাবনা নাই। আপনি আমাদের ও দেবগণের সকলেরই পিতামহ। আপনার নিয়োগ আমাদের প্রীতিকর হইবে, সন্দেহ নাই। আমরা এক্ষণে সমুদায় দানবগণের সহিত মিলিত হইয়া, প্রেক্ষণকার্য্য সম্পাদন করিব।

ভগবান্ জনার্দন দৈত্যগণের এইপ্রকার সগৰ্ব্ব বাক্য আকর্ষণ করিয়া, ইন্দ্রের সহিত মিলিত হইয়া, দেবাধিদেব রুদ্রকে কহিলেন, হে রুদ্র ! পিতামহ কর্তৃক আমন্ত্রিত হইয়া, দনুপুঙ্গবগণ এই যজ্ঞে উপনীত হইয়াছে। ইহারা সম্প্রতি যজ্ঞ বিঘ্ন সম্পাদনের চেষ্টা করিতেছে। যাবৎ যজ্ঞ সমাপ্ত না হয়, তাবৎ আমাদিগকে ক্রমা অবলম্বন করিতে হইবে। যজ্ঞ সমাপ্ত হইলে, সকলে মিলিয়া ইহাদের সহিত সংগ্রাম করা যাইবে। হে বিভো ! যাহাতে এই পৃথিবী দানবশূন্য হয়, এবং দেবরাজ যাহাতে জয়লাভ করিতে পারেন, আপনি এবং আমি উভয়ে মিলিত হইয়া, তাহা সম্পাদন করিব। এক্ষণে শান্তিরক্ষার্থে যে উপায় স্থির করিয়াছি, অবগত করুন।



যে সকল দ্বিজাতি এই যজ্ঞ সমাগত হইবেন, মরুতদিগকে তাঁহাদের পরিবেশনকার্য্যে বিনিয়োজিত করিবার কল্পনা করিয়াছি। আর আমরা এই দানবদিগের নিকট ধন গ্রহণ করিয়া, তাহাদের দাসভাবে নিযুক্ত হইয়া, দুঃখিত ও ভিক্ষুক ব্রাহ্মণদিগকে তাহা প্রদান পূর্বক পিতামহজ্ঞ নিৰ্ব্বাহ করিব।

হে রাজর্ষি ভীষ্ম ! সৰ্ব্বভূতশরণ্য ভগবান্ জনার্দন পূর্ব্বাপর সৰ্বিশেষ পর্যালোচনা পূর্বক শাস্তিস্থাপন ও যজ্ঞ সংবিধান গান্ধে এইপ্রকার যুক্তিযুক্ত বাক্য প্রয়োগ করিলে, পিতামহও সাস্তু বাক্যে কহিলেন, এই দেখ, পল্লগগণও এই জন্ত আমাদের প্রতি রোষান্বিত হইয়াছে। অতএব চন্দ্র ও দেবগণের সহিত আপনারে ক্ষমা করিতে হইবে। অন্যথা যজ্ঞবিঘ্ন ঘটবার সম্পূর্ণ সম্ভাবনা। যাহা হউক, যুগাবসানে এই যজ্ঞ যখন সম্পূর্ণ হইবে, তখন তোমরা আমা কর্তৃক প্রেরিত হইয়া, সমুদায় দুঃখে পরিত্রাণ লাভ করিবে। ব্রহ্ম কার্য্য পরায়ণ দেবগণ ব্রহ্মার এই বাক্য শ্রবণ করিয়া কহিলেন, হে পিতামহ ! আপনার যজ্ঞ আমাদের ভয় কি ? অতএব যজ্ঞাবসানে আমরা এইরূপ অনুষ্ঠান করিব।

পিতামহ তাহাদের বাক্য শ্রবণ করিয়া, নিরতিশয় প্রীতি লাভ করিলেন। হে রাজেন্দ্র ! ঐ সময়ে যুহুৰ্ত্ত মধ্যেই তথায় এক কেটি ঋষি সমাগত হইলেন। পিতামহ যজ্ঞ করিতেছেন শ্রবণ করিয়া, তাঁহারা আগমন করিলেন। ভগবান্ জনার্দন তাঁহাদের সৰ্বিশেষ পূজা ও দেবদেব রুদ্র তাঁহাদিগকে যথাবিধি আসনাদি প্রদান করিলেন। ঋষি বশিষ্ঠ পিতামহের আদেশে অশ্বশালায় নিযুক্ত হইয়া-

ছিলেন। তিনি তাঁহাদিগকে কুশল জিজ্ঞাসিয়া, অন্নদান করিলেন এবং পুষ্করে বাসস্থান নির্দেশ করিয়া বলিলেন, আপনারা এই স্থানে অধিষ্ঠান করুন। হে কুরুপিতামহ ! দেবগণের সান্নিধ্যযোগে ভগবতী জহ্ননন্দিনী বেরূপ শোভা-শালিনী হইয়া থাকেন, জটাজিনধারী ঐ সকল ঋষির সমাগমে স্রগুরু ব্রহ্মার তরুণ শোভা সমুৎপন্ন হইল। হে মহাভাগ ! ঐ সকল ঋষিগণের মধ্যে কাহার মস্তক মুণ্ডিত, কাহার পরিধান কশায় বস্ত্র, কাহার শ্মশ্রু দীর্ঘ, কাহার দশনপংক্তি নিতান্ত বিরল, কাহার লোচনযুগল চিপটি, কেহ কেহ দীর্ঘকর্ণবিশিষ্ট, কাহার শ্রবণযুগল ক্রটিত, কেহ কেহ বিকর্ণ, কেহবা দীর্ঘ ও লম্ব শেফ সম্পন্ন ; কেহ কেহ স্নায়ুচর্ম্মাবশিষ্ট, কাহার বা উদর বিনির্গত হইয়াছে। হে নর-ব্যাঘ্র ! তাঁহারা সমস্তাং দীপ্যমান পুষ্কর তীর্থ নয়নগোচর করিয়া, নিতান্ত আহ্লাদিত হইলেন এবং তীর্থ লোভের বশ-বর্ত্তী হইয়া সেই তীর্থে অবস্থিতি করিতে লাগিলেন। হে রাজন্ ! ঐ তীর্থের একরূপ আশ্চর্য্য গুণ যে, তথায় মুখ দর্শন করিলে অহরগণ ও স্রগণের ন্যায় প্রতিভত হইয়া থাকে। তদর্শনে ঋষিগণ পরস্পর নিরীক্ষণ করিয়া, চিন্তা করিতে লাগিলেন, একি, এই তীর্থে দর্শন করিলে, মুখশ্রী সমুদ্ভূত হইয়া থাকে। এই জন্ম তাপসগণ তাহার নাম মুখদর্শন রাখিয়া দিলেন। তাঁহারা পরম নিয়মসম্পন্ন হইয়া, তথায় স্নানান্তর নিরতিশয় স্বরূপ, দেবপুত্রের ন্যায় দিব্যদর্শন ও নিরুপম গুণ শালী হইলেন। অধিকন্তু, তাঁহারা বনচারী ; তাঁহাদের শে.ভা সাতিশয় বর্জিত হইল। তাঁহারা উপবীত যাত্রেই তৎক্ষণাৎ স্নশোভিত হইয়া উঠিলেন। বলিতে কি, তাঁহা-

দের যেন অবস্থান্তর ও ভাবান্তর সংঘটিত হইল, বস্তুভাব দূর হইয়া, দিব্য ভাবে পরিণত হইল । হে রাজেন্দ্র ! অন-  
স্তর তাঁহারা তথায় অগ্নিহোত্র ও বিবিধ ক্রিয়ার অনুষ্ঠানে  
প্রবৃত্ত হইলেন এবং তপস্ব্যপ্রভাবে নিষ্পাপ ও নিষ্কল হইয়া,  
চিন্তা করিতে লাগিলেন, আমরা এই পরম তীর্থবাস করিব।  
এই সরোবর নিতান্ত শ্রেষ্ঠভাবসম্পন্ন । এইরূপ চিন্তাস্তর  
সেই সকল দ্বিজাতি তাহার নাম জ্যেষ্ঠ পুঙ্কর রাখিলেন ।

হে নরশ্রেষ্ঠ ! ঐ পুঙ্কর তীর্থে সরিষরা সরস্বতী প্রবাহিতা  
হইতেছেন । তাঁহার তীরদেশ বদরী, ইঙ্গুদ, কাশ্মরী, প্লক্ষ,  
অশ্বথ, বিভীতক, পলাশ, কাম্বের, পীলু, বকুল, স্তম্ভন, পারি-  
ভাদ্র, কপিথ, বিলু, আত্মাতক, অবিমুক্ত, করগুণ ও পারিজাত  
সলিলে প্রভৃতি বৃক্ষ পরম্পরায় পরিশোভিত । দ্বিজগণ তাহার  
পবিত্র স্নান ও নিত্যক্রিয়ার সমাধান করেন । ঐ মহানদী  
সুপ্রভা, কাঞ্চনাক্ষী, প্রাচী, নন্দা ও বিশালিকা এই পঞ্চশ্রোতে  
পুঙ্করক্ষেত্র প্রাবিত করিয়া, বিরাজমানা হইতেছেন । পিতামহ  
যজ্ঞানুষ্ঠানে প্রবৃত্ত হইলে, দ্বিজাতিগণ আগমন পূর্বক তথায়  
স্নান করিতে লাগিলেন । বিবিধ পুণ্যাহ শব্দে তাহার তীর-  
দেশ প্রতিধ্বনিত হইয়া উঠিল । হে মহারাজ ! পিতামহ  
দীক্ষিত হইলে, দেবগণ যজ্ঞবিধানে নিতান্ত ব্যগ্র  
হইয়াছিলেন ।

যাহা হউক, তিনি যজ্ঞানুষ্ঠানে প্রবৃত্ত হইলে, তাঁহার  
মনোমাত্রে বৌদ্ধিত হইয়া, সর্বকামসমৃদ্ধির সহিত অর্থসিদ্ধি  
ধর্ম্মার্থকুশল সেই সকল দ্বিজগণেরও সম্মিহিত হইল ।  
দেবগণও গন্ধর্ব্বগণ গান, এবং অঙ্গরা সকল নৃত্য ও দিব্য  
বাদ্য নিবাদিত করিতে লাগিল । দেবগণও তাঁহার যজ্ঞ

সম্পত্তি দর্শনে পরম পরিতুষ্ট এবং ঋষিগণও নিরতিশয় বিস্ময় ও হর্ষাবিক্ত হইলেন ।

হে রাজেন্দ্র ! এইরূপে যজ্ঞ প্রবৃত্ত ও পিতামহ পুরস্কৃত হইলে, স্তপ্রভানাম্নী সরস্বতী সন্তুষ্ট হইয়া, তাঁহার স্তব করিতে লাগিলেন । স্বাধ্যায়বাদী ঋষিগণ ঐ স্তপ্রভায় স্নান করিতেন । তাঁহারা সমাগত হইয়া, প্রণাম পূর্বক তাহার স্তব করিতে লাগিলেন । হে রাজর্ষে ! সেই মহানদী সত্রবাজী ঋষিগণ কর্তৃক স্তুতগান হইয়া, তাঁহাদের ভক্তি দর্শন পূর্বক পূর্বদিকে সমাগত হইলেন । তদবধি তাঁহার নাম প্রাচীপূর্বা হইল । এই প্রাচীপূর্বা যারপর নাই নত্যা ও ঋষিগণের বন্দনীয় । ইহাঁর যশও ত্রিভুবনবিখ্যাত ।

হে মহারাজ ! এস্থলে আর একটি অদ্ভুত ঘটনা বর্ণন করিতেছি, শ্রবণ কর । পূর্বের অঙ্কণক নামে এক বিপ্র ছিলেন । এইরূপ জনশ্রুতি যে, তাঁহার হস্ত কুশাগ্রে ক্ষত হইলে, তাহা হইতে অবিরল ধারায় শাকরস বিগলিত হইতে লাগিল । তদর্শনে বিপ্রবর নিরতিশয় আনন্দিত হইয়া, নৃত্য আরম্ভ করিলেন । তিনি নৃত্য করিতে প্রবৃত্ত হইলে, স্বর্বার জঙ্ঘম সমুদায় তদীয় তেজে মোহিত হইয়া, নৃত্য করিতে লাগিল । হে নরাধিপ ! বিষ্ণুপ্রমুখ দেবগণ এই ব্যাপার অবলোকন করিয়া, রাজর্ষি ও মহর্ষিদিগের সহিত ব্রহ্মার সমীপে গমনপূর্বক সমুদায় সর্বিশেষ বিজ্ঞাপিত করিলেন । তাহাতে পিতামহ ভগবান্ রুদ্রকে সন্মোদন করিয়া কহিলেন, হে ভীম ! বাহাতে এই বিপ্র নৃত্য না করেন, আপনাকে তদনুরূপ অনুষ্ঠান করিতে হইবে । দেবদেব রুদ্র অঙ্কণকের সমীপে সমাগত হইয়া, দেখিলেন, তিনি অতিশয় হর্ষাবিক্ত

হইয়াছেন। তদর্শনে তাঁহাকে সম্বোধন করিয়া কহিলেন, অঃহ বিপ্র ! তুমি কি কারণে সর্বদা নৃত্য করিতেছ ? এই দেখ, তুমি নৃত্য করাতে সমুদায় জগৎ নৃত্য করিতেছে।

অঙ্কণক কহিলেন, হে ব্রহ্মন্ ! তুমি দেখিতেছ না ; আমার ক্ষতস্থান হইতে অনবরত শাকরস বিনিঃসৃত হইতেছে ? আমি তদর্শনে সাতিশয় হর্ষাবিষ্ট হইয়া, নৃত্য আরম্ভ করিয়াছি।

রুদ্র তাঁহার বাক্য শ্রবণ করিয়া কহিলেন, তুমি রাগ মোহিত হইয়াছ। এই জন্য বিষয়াবিস্ট হইয়া নৃত্য করিতেছ। কিন্তু আমার ইহাতে কিছুমাত্র বিষয় উপস্থিত হয় নাই। তুমি আমারে অবলোকন কর।

হে কৌরব ! মহাদেব এই প্রকার কহিলে, মুনিপুঙ্গব অঙ্কণক ব্যায়মান হইয়া, চিন্তা করিতে লাগিলেন, ইনি কে, আমারে প্রতিষেধ করিতেছেন ? তিনি এই প্রকার চিন্তা করিতেছেন, এমন সময়ে মহাদেব অঙ্গুলির অগ্রভাগ দ্বারা তদীয় অঙ্গুষ্ঠে আঘাত করিলে, সেই ক্ষত হইতে হিগের ন্যায় পাণ্ডুরবর্ণ ভস্মরাশি বিগলিত হইতে লাগিল। তদর্শনে মহর্ষি অঙ্কণক চৈতন্য প্রাপ্ত ও একান্ত লজ্জিত হইয়া, তদীয় পদপ্রান্তে নিপতিত হইলেন এবং ভক্তিগদগদ সান্বনয় বাক্যে বলিতে লাগিলেন, বৃষিলাম, ভগবান্ রুদ্র ব্যতিরেকে সংসারে আর কেহ নহান্ বা আর কেহ সকলের পরতর নাই। হে দেবদেব ! হে শূলধ্বক ! আপনি স্বাবর জঙ্গমাত্মক সমুদায় জগতের এক মাত্র গতি। মনীষিগণ নির্দেশ করেন, আপনিই এই দৃশ্যমান বিশ্ব সৃষ্টি করিয়াছেন এবং যুগাবসানে সমুদায় জগন্মণ্ডল পুনরায় আপ-

নাতেই প্রবেশ করে। হে বিভো! আপনার স্বরূপ একরূপ ছুরধিগম্য ও একরূপ দুর্বিভাব্য যে, দেবগণও আপনারে পরিজ্ঞাত হইতে সমর্থ নহেন। আমার ক্ষমতা কি, আপনার স্বরূপ অবধারণ বা উপলব্ধি করি? হে ভূতভাবন! এই বিশ্ব আপনার স্বরূপ। পিতামহপ্রমুখ অমরগণ আপনাতে পরিলক্ষিত হইয়া থাকেন। হে সর্ব! আপনিই দেবগণের কর্তা ও কারয়িতা। আপনার অনুগ্রহেই সুরগণ সর্বত্র অকুতোভয় হইয়াছেন এবং সকলের প্রধান পদ লাভ করিয়াছেন। আপনার আদি নাই, অন্ত নাই, নাম নাই, রূপ নাই, জন্ম নাই, মৃত্যু নাই এবং কোন প্রকার উপাধি বা কোন প্রকার বিকার নাই। আপনি সংসারের সার ও সকলের প্রধান। অদ্য আপনারে দর্শন করিয়া, আমার শরীর সার্থক, জন্ম সার্থক ও জীবন সার্থক হইল। অতএব বারংবার আপনারে নমস্কার করি। আপনি তদ্ব্যবহায়ে আমার প্রতি অনুগ্রহ বিতরণ করুন।

হে মহারাজ! দ্বিজবর অক্ষয়ক সানুন্ময় বাক্যে এই প্রকার স্তব ও প্রণাম করিলে, মহাদেব প্রসন্ন হইয়া কহিলেন, হে দ্বিজ! আমার প্রসাদে সহস্র জন্মেও তোমার তপস্বীত্ব বিস্মৃত হইবে না। আমি তোমার সহিত সর্বদা এই স্থানে বাস করিব। বিশেষতঃ, মহাপুণ্য সরস্বতী এই পবিত্র ক্ষেত্রে বিরাজমান হইতেছে। এই সরস্বতীর উত্তর তীরে আত্মদেহ বিসর্জন করিলে, ইহলোকে বা পরলোকে মনুষ্যের কিছুই ছলিত থাকে না। যে সকল তাপস এই তীর্থে জলাহার, বায়ু ভক্ষণ, পর্ণাশন, স্থণ্ডিলে শয়ন অথবা অন্যবিধ ত্রুত অবলম্বন করিয়া, তপশ্চরণ করেন, তাঁহারা

সর্বপাপবিনির্মুক্ত ও শুদ্ধদেহ হইয়া, চরমে পরম ব্রহ্ম-  
পদ লাভ করিয়া থাকেন । যে ব্যক্তি এই তীর্থে কণামাত্র  
স্বর্ণ দান করে, প্রজাপতি বলিয়াছেন, মেরুদান তুল্য  
তাহার পুণ্য লাভ হয় । এই তীর্থে শ্রাদ্ধ করিলে, মানবগণ  
একত্রিংশৎ কুলের সহিত স্বর্গলোকে গমন করে । এই পুষ্কর  
পিতৃগণের পরম প্রিয় । এখানে তর্পণ করিলে, তাঁহারা  
উদ্ধার পাইয়া, ব্রহ্মলোক ও মোক্ষমार्গ লাভ করিয়া  
থাকেন । পুনরায় তাঁহাদিগকে তর্পণ প্রার্থনা করিতে  
হয় না ।

হে কুরুশ্রষ্ঠ ! সরিষরা সরস্বতী যে কারণে পশ্চিম  
বাহিনী হইয়াছেন, শ্রবণ কর । পূর্বের প্রভবিষ্ণু বিষ্ণু ইন্দ্রপ্রমুখ  
অমরগণে পরিবেষ্টিত হইয়, সরস্বতীর সমীপে গমন পূর্বক  
কহিলেন, হে সরিষরে ! তোমারে লবণসাগরের পশ্চিম-  
দিকে গমন ও সমুদ্রসলিলে বাড়বাগ্নিত্রয় স্বয়ং নিক্ষেপ  
করিতে হইবে । তাহা হইলে, সমুদায় দেবগণ সর্বথা  
নির্ভয় হইতে পারেন । অন্যথা, এই অগ্নি প্রবল হইয়া,  
আপনার তেজে সকলকেই দগ্ধ করিবে । হে স্রোতাগি !  
তুমি দেবতাদিগকে অনলসম্ভব ভয় হইতে পরিত্রাণ ও  
ও জননীর ন্যায় অভয় দান কর ।

হে রাজেন্দ্র ! মহাপ্রভাব বিষ্ণু মধুর বাক্যে এই প্রকার  
কহিলে, সরস্বতী বিনয়বচনে বলিলেন, আমি স্বতন্ত্রা নহি ।  
পিতা আমাকে ধারণ করিয়া থাকেন । আমি ধৃতব্রতা  
হইয়া, সর্বদা তাঁহার আদেশ পরিপালন করি । তাঁহার  
অনুমতি ব্যতিরেকে কুত্রাপি পদমাত্র গমন করিতে আমার  
শক্তি নাই । অতএব আপনি অন্য কোন উপায় চিন্তা

করুন । এবিষয়ে আগারে মার্জনা করিতে হইবে । এই বলিয়া তিনি বিপুল শোকভরে আক্রান্ত হইয়া, রোদন কতিে লাগিলেন । দেবগণ তাঁহারে শোক ভাৱাক্রান্তা অবলোকন পূৰ্ব্বক অনন্যোপায় হইয়া, পিতামহের সম্মুখে সমাগত হইলেন । সৰ্বদেবশরণ্য পিতামহ তদর্শনে শোক-সস্তাপিতা সরস্বতীকে সুবিহিত বাক্যে সান্ত্বনা করিয়া কহিলেন, দেবি ! রোদন করিও না । তোমার কিছুমাত্র ভয় নাই । তুমি দেবগণ কর্তৃক অনুভাবিতা হইয়া, তাঁহাদের প্রভাবে নিৰ্ব্বিলম্ব বাড়াবাড়ি ক্ষীরোদধি মধ্যে নিক্ষেপ করিয়া আইস । হে রাজেন্দ্র ! বালিকা সরস্বতী ব্যাকুলা হইয়া রোদন করিতেছিলেন । তাঁহার লোচনযুগল অবিরলবাহিনী বাষ্পধারায় নিতান্ত আচ্ছন্ন হইয়াছিল । পিতামহের বাক্যে তাঁহার সমুদায় ভয় তিরোহিত হইয়া গেল । তখন তিনি হৃষ্টমনাঃ হইয়া, সমুদ্রপ্রাণে কৃত-সংকল্পা হইলেন । হে মহাভাগ ! তাঁহার প্রয়াণসময়ে শঙ্খ চন্দ্রুভি এবং অন্যান্য স্রমধুর মঙ্গলনির্বোধে দিগ্ভাণ্ডল, আকাশমণ্ডল ও মেদিনীমণ্ডল প্রতিধ্বনিত হইয়া উঠিল । হে রাজন্ ! সেই সরিষরা সরস্বতী শরৎকালীন জলধরের ন্যায় সুবিশদ কান্তিসম্পন্না এবং হরহারের ন্যায় নিতান্ত শুভ্রবর্ণা । তাঁহার বদনমণ্ডল সম্পূর্ণ চন্দ্রমণ্ডলের ন্যায় মনোহর এবং লোচনযুগল পদ্মপত্রের ন্যায় আয়ত । তাঁহার হাব ভাব নিরতিশয় মধুর । তিনি শ্বেত বস্ত্র পরিধান ও শ্বেত মাল্য ধারণ করিয়া, মহেন্দ্ৰের মহীয়সী কীর্তির ন্যায় দশদিক্ পরিপূর্ণ ও স্থায়ী সমুজ্জ্বল তেজে সমুদায় সংসার সমুদ্ভাসন পূৰ্ব্বক মহিম্মন্দ গম্ভনে বিনিঃসৃত হইলেন ।



তাঁহার তৎকালিক শোভাবিভব সন্দর্শন করিয়া, হুরমশুলী সাতিশয় সমৃপ্ত ও পরম পরিভুষ্ট হইলেন । ভগবতী জহ্নু-নন্দিনী তাঁহার অনুগমন করিতে লাগিলেন । তদর্শনে তিনি সেই বরবর্ণিনীকে সম্বোধন করিয়া কহিলেন, হে কল্যাণি ! তুমি এই পর্য্যন্তই আমার অনুগমনে ক্ষান্ত হও । আমি পুনরায় তোমারে প্রয়াগক্ষেত্রে আমাতে মিলিতা অবলোকন করিব । সেই খানেই উভয়ের সাক্ষাৎ হইবে । দেবি ভাগিরথী মধুর বাক্যে বলিলেন, হে শুভে ! তোমার সঙ্গপরিহার আমার সর্ব্বথা অশক্য । আমিও তোমার সহিত প্রাচাদিকে গমন করিব । সরস্বতী কহিলেন, হে স্বত্রে ! আমি সত্য বলিতেছি, তুমি দেবগণে পরিব্রতা হইয়া, পুনরায় প্রয়াগতীর্থে আমার দর্শন লাভ করিবে । এক্ষণে শোক পরিহার পূর্ব্বক উদঙ্ঘুখী হও ।

হে স্বত্রে ! যেখানে গঙ্গা উদঙ্ঘুখী ও সরস্বতী পূর্ব্ব-দিগ্বাহিনী হইয়াছেন, তথায় স্নান ও দান করিলে, ইন্দ্রের ন্যায় পুণ্যলাভ, শ্রাদ্ধ করিয়া দান করিলে তাহার আনন্ত্য সংবিধান এবং পিতৃগণের উদ্দেশে দান করিলে তাহা অক্ষয় হইয়া থাকে । যে সকল ব্যক্তি তথায় এইরূপে স্নান, দান, বা শ্রাদ্ধ করে, তাহারা পিতৃঋণ, দেবঋণ ও ঋষিঋণ হইতে বিমুক্ত হইয়া, চরমে মোক্ষমার্গ প্রাপ্ত হয় ; এবিষয়ে বিচারণার প্রয়োজন নাই ।

যাহা হউক, সরস্বতী প্রয়াগসময়ে গঙ্গাকে আমন্ত্রণ করিয়া কহিলেন, অনঘে ! তুমি এক্ষণে স্থায় নিলয়ে গমন কর । পুনরায় আমার দর্শন পাইবে । এই বলিয়া তিনি যমুনা, গায়ত্রী, মনোরমা সাবিত্রী ও অন্যান্য সাক্ষীদিগকে

তদনুরূপে আমন্ত্রণ করিয়া, বিদায় প্রদান করিলেন। অনন্তর দেবতাদিগকে বিসর্জনপূর্বক নদীভূতা ও অর্দ্ধপদে উদ্ধগামিনী হইয়া, সমুদ্ভূতা হইলেন। দেবগণ অবলোকন করিতে লাগিলেন, সেই মহাভাগা সরিষরা সরস্বতী অক্ষ-  
বৃক্ষের অধস্তাং অবরোধপূর্বক অবতীর্ণা হইলেন। এই অক্ষবৃক্ষ সাক্ষাৎ বিষ্ণুরূপ। দেবগণ ফললাভ বাসনায় সর্বদা এই মহোদয় বৃক্ষ দর্শন ও বিজ্ঞাতিগণ প্রতিনিয়ত ইহার উপাসনা করিয়া থাকেন। দ্বিতীয় চতুর্শ্মুখের আয় ইহা বহুল শাখায় বিভক্ত। বিজ্ঞানাগণ ইহার কোটর কোটিতে প্রবৃষ্ট হইয়া, মনোহর ধ্বনি করিয়া, লোকের হৃদয়কন্দর সুধারসে পরিপ্লুত করে। সরস্বতী এই বনস্পতি মধ্যে প্রবেশ করিলে, চম্পকবৎ পুষ্পসম্পন্ন শাকোট ও কিংশুক বৃক্ষের অন্তর্গতা পুষ্পিতা জাতির আয়, বলাকা-  
শোভিত কেতকীর আয়, কোকিলানিষেবিত বিকসিত তমাললতার আয় এবং হরজটাবিহারিণী ফেনমালিণী জাহ্ন-  
বীর আয় নিরতিশয় শোভাশালিনী হইলেন। তিনি তথায় অধিষ্ঠানপূর্বক দেবগণবেষ্টিত ভগবান্ জনার্দনকে সম্বো-  
ধন করিয়া কহিলেন, হে দেব ! আপ্ত অগ্নিরে সমর্পণ করুন। আমি দেবগণের আদেশ সম্পাদন করিব। তিনি এই প্রকার বলিলে, ঐভবিষ্যু বিষ্ণু প্রতিবচন প্রদান করিয়া কহিলেন, হে কল্যানি ! বহিস্রগাগমে তোমার কিছুমাত্র ভয় নাই। তুমি পশ্চিম সাগরে এই মঙ্গলময় বাড়বানল  
নিষ্ক্রেপ কর। হে শুভে ! তুমি ক্রমে ক্রমে গমন করিয়া, সেই সাগরোঘ প্রাপ্ত হইবে। এই বলিয়া ভগবান্ গোবিন্দ মহোদয় বাড়বানল শতকুণ্ডে স্থাপন করিয়া, সরস্বতীহস্তে

সমর্পণ করিলেন। সুশ্রোণী সরস্বতী তাহা গ্রহণ করিয়া, পশ্চিমাভিমুখিনী হইয়া, প্রস্থান করিতে লাগিলেন এবং অন্তর্দানপূর্বক পুষ্করতীরে সমাগতা হইয়া, মর্যাদাপূর্বক নিঃশলসরিংক্রেপে প্রাহুভূতা হইলেন। হে রাজন্! এই পুষ্করারণ্য যার পর নাই পবিত্র। সুর ও সিদ্ধগণ সর্বদা ইহার সেবা করেন। পিতামহ ব্রহ্মা এই স্থানে যজ্ঞানুষ্ঠানে প্রবৃত্ত হইয়াছিলেন। মহানদী সরস্বতী মুনিমুখ্যগণের সিদ্ধি সম্পাদন বাসনায় তথায় সমাগতা হইলেন। পিতামহ বিরিক্তি তথায় যে সকল কুণ্ডে হোম করিয়াছিলেন, ঋষিগণ পরম সমাদৃত হইয়া, তৎসমস্ত দর্শন করিয়া থাকেন। যাহা হউক, পুণ্যতোয়া সরস্বতী মহানদী রূপে সেই পবিত্র ক্ষেত্রে আগমন পূর্বক মানবগণের কলুষরাশি নিরসন জন্য তথায় অধিষ্ঠান করিলেন। যে সকল পবিত্রকর্মা মহাপুরুষ তথায় আগমনপূর্বক সেই পুষ্করচারিণী সরস্বতীরে সন্দর্শন করেন, তাঁহারা কখন স্বেচ্ছারান্ত্রা অধোগতি প্রাপ্ত হয়েন না। যে ব্যক্তি ভক্তিসমম্বিত হইয়া, প্রয়তহৃদয়ে তথায় স্নান করে, সে ব্রহ্মলোকে গমন করিয়া, ব্রহ্মার সহিত আশ্রয় অনুভব করে। এই তীরে ব্রহ্মার উদ্দেশে মনোরম হবিঃ দান করিলে, অগ্নিলোক প্রাপ্ত হইয়া, সুশোভন ভোগ সমস্ত ভোগ করিতে পারা যায়। হে কুরুপ্রবর! যে ব্যক্তি ভক্তিযোগ সহকারে এই পুষ্করে দ্বিজাতিদিগকে উর্গাময় প্রাবরণ দান করে, সে সেই বজ্রদানের দশগুণিত ফল প্রাপ্ত হইয়া থাকে। যে পুণ্যবান্ পুরুষ স্নান করিয়া, পিতৃদিগের তর্পণ করে, সেই শুদ্ধধী তাঁহাদের সকলকেই নরক হইতে উদ্ধার

করিতে সমর্থ হয় । ব্রহ্মপুত্র নির্দেশ করিয়াছেন, পিতামহের পবিত্র ক্ষেত্রে গমন করিয়া, পুণ্যসলিলা সরস্বতীর সন্দর্শন পাইলে, মনুষ্যের অগ্ন্যুত্তীর্ণ প্রার্থনা করিবার প্রয়োজন নাই । অতএব সমুদায় তীর্থে স্নান করিলে, যে ফল লাভ হয়, জ্যেষ্ঠ কুণ্ডে একবার স্নান করিলেই মনুষ্যের তৎসমস্ত প্রাপ্তি হইয়া থাকে । এস্থলে আর অধিক বলিবার প্রয়োজন নাই । যে ব্যক্তি জ্যেষ্ঠ, মধ্যম ও কনীয়ান এই তিন কুণ্ড প্রাপ্ত হয়, তাহার পরম গতি লাভ হইয়া থাকে । তীর্থে ও ক্ষেত্রে যথাকালে স্নান ও দান করিয়া, দ্বিজাতিদিগকে অন্ন বিতরণ করিলে, অনন্ত সুখপ্রাপ্তি হয় । কার্তিকী পৌর্ণমাসী, কৌমুদী প্রক্ষালিত বৈশাখমাস এবং চন্দ্র ও সূর্যের উপরাগ তীর্থ ও ক্ষেত্র স্নানের প্রশস্ত কাল । মুনীশ্বরগণ এই পৃথিবীতে যে সকল তীর্থ নিরূপিত করিয়াছেন, পিতামহ স্বয়ং বলিয়াছেন, এই পুঙ্কর ক্ষেত্র তৎসমুদায়ের মধ্যে পরম পবিত্র । যে ব্যক্তি কার্তিকীপূর্ণিমায় মধ্যমকুণ্ডে স্নান করিয়া, দ্বিজাতিদিগকে সৰুৎ দ্রব্য দান করে, তাহার অশ্বমেধ যজ্ঞের ফল লাভ হয় । এই রূপ, কনীয়ান কুণ্ডে সমাধি সহকারে স্নান করিয়া ব্রাহ্মণকে কিকিঞ্চাত্র স্বর্ণ দান করিলে, তৎক্ষণাৎ ত্রিসপ্ত কুল সমভিব্যাহারে মনোহর অগ্নিলোকে গমন করিয়া, মহাফল ভোগ করিতে পারা যায় । অতএব সর্বদা সর্ব প্রবৃত্তে পুঙ্করতীর্থে গমন ও তথায় স্নান করিতে শ্রীর সংকল্প হওয়া পুরুষের সর্বতোভাবে কর্তব্য । হে ভীষ্ম ! মতি, স্মৃতি, প্রজ্ঞা, মেধা, বুদ্ধি ও কল্যাণী বাণী সরস্বতীর এই ছয় পর্য্যায় পরিকীর্তিত হইয়াছে । সেই সরস্বতী যেস্থান হইতে পূর্বদিগ্‌বাহিনী

হইয়াছেন, সেই পুষ্করারণ্যে গমন করিয়া, যে ব্যক্তি তীর দেশে অধিষ্ঠান পূর্বক তথায় তাঁহার সলিল সন্দর্শন করে, সে অনায়াসে অশ্বমেধ যজ্ঞের ফল লাভ করিয়া থাকে। যে কোন ব্যক্তি তাহাতে অবতরণ পূর্বক সমাধিস্থ হইয়া, জ্ঞান বিধি যথাবিধি সমাধা করে, সে ব্রহ্মার অনুচর হইয়া, তদীয় লোকে বসতি করে। লোকে এই স্থানে শোকাদি সহকারে ও পিতৃগণের পূজা করিলে, তাঁহাদের অনুভবিত সুবিপুল ভোগ পরম্পরা পরিভোগ করিতে সমর্থ হয়। অতএব যাহারা বিধিপূর্বক শ্রাদ্ধ করে, তাহারা নরক হইতেও দুঃখ সন্তাপ সন্তপ্ত পিতৃদিগকে স্বর্গে নয়ন করিয়া থাকে। হে পিতামহ! যে ব্যক্তি পুষ্করে গমন ও জ্ঞান করিয়া, কুশমিশ্রিত জল বা অমৃত দান করে, তাহার পিতৃগণ আনন্দে উৎফুল্ল হইয়া, নৃত্য করিয়া থাকেন। এই পুষ্কর পৃথিবীস্থ তীর্থ সমুদায়ের মধ্যে সর্ব প্রধান বলিয়া উল্লিখিত এবং এই জন্য সমুদায় তীর্থের আদি তীর্থ বলিয়া, সংসারে বিখ্যাত হইয়াছে। হে কুরুদেব! এই পুষ্কর স্বভাবতঃ ধর্ম ও অপবর্গের নিধি স্বরূপ অধিষ্ঠিত হইয়াছে। তাহাতে আবার সরস্বতীর সমাগম হওয়াতে, ইহার গুণবত্তার পরিসীমা নাই। এই তীর্থের সেবা করিলে, ধর্ম অর্থ, কাম ও মোক্ষ চতুর্কর্গই লাভ করিতে পারা যায়। যাহারা কলুষভার নিহরণ জন্য তদীয় নির্মল সলিলে প্রবেশ করে, তাহারা অনায়াসেই গোপ্রদান সমান ফল লাভ করিয়া থাকে। যে বক্তি ভক্তিভারাক্রান্ত পবিত্র চিত্তে তথায় জ্ঞান করে, সে চণ্ডাল হউক, পতিত হউক অথবা আর কেহই হউক, সমুদায় পাপ হইতে বিনির্মুক্ত হইয়া, পরম

পবিত্র ব্রহ্মলোকে গমন করিয়া থাকে । তথায় ভক্তিপূর্বক দ্বিজাতিদিগকে দান করিলে, ঐ দান স্বৰ্ণ দান অপেক্ষাও শ্রেষ্ঠ বলিয়া, মনীষি সমাজে পরিগণিত হয় । যে ব্যক্তি তথায় তর্পণ ও পিণ্ড দান করে, সেই পুণ্য প্রভাবে পরিত্রাণ পাইয়া, তদীয় নরকস্থ পিতৃগণও স্বৰ্গলোক প্রাপ্ত হইয়া থাকেন ।

শাস্ত্রে উল্লিখিত হইয়াছে, যে ব্যক্তি পুষ্কর ক্ষেত্রে সর-  
স্বতীর নিম্নল সলিল পান করে, তাহার ব্রহ্মা, বিষ্ণু ও মহেশ্বর সংজ্ঞিত অক্ষয় লোকপরম্পরা প্রাপ্তি হয় । সরিষরা সরস্বতী স্বর্গীয়দিগের শ্রেণিকা স্বরূপ পুষ্কর তীর্থে বিরাজ-  
মানা হইতেছেন । অপুণ্যশীল পুরুষগণ কদাচ তাঁহারে প্রাপ্ত হইতে পারে না । ধর্মতত্ত্বজ্ঞ মহর্ষিগণ যে যে স্থানে তাঁহার সেবা করিয়াছেন, সেই সেই স্থানেই তিনি সর্বদা পবিত্রা বলিয়া পরিকীৰ্ত্তিতা হইয়া থাকেন । বিশেষতঃ এই রূপে এই পুষ্কর তীর্থেই সেই মহানদী পবিত্র হইতেও পবিত্রতমা, পরম পুণ্য প্রদা ও সকলেরই সুখলভ্যা হইয়া, বিরাজ করিতেছেন । অতএব এই পুষ্কর সংসারে সমুদার তীর্থের প্রধান এবং ধর্ম অর্থ কাম মোক্ষ চতুর্বর্গের সাধন বলিয়া বিহিত হইয়াছে ।

যে ব্যক্তি প্রাচীনান্নী সরস্বতী প্রাপ্ত হইয়া, অন্য তীর্থের সাধনা করে, সে স্বীয় হস্তস্থিত অমৃত দূরে নিক্ষেপ করিয়া, বিষভোগের অভিলাষী হয় । বিচক্ষণ ব্যক্তি প্রথমতঃ জ্যেষ্ঠ কুণ্ডে গমন, তাহার পর মধ্যম কুণ্ডে অধিষ্ঠান, তদনন্তর কনীয়ান কুণ্ড প্রদক্ষিণ করিবেন । হে ভীষ্ম ! লোকে তিন কুণ্ডে স্নান ও প্রদক্ষিণ করিয়া, ব্রাহ্মণদিগকে ধনদানানন্তর পিতামহকে সন্দর্শন করিবে । যিনি ব্রহ্মলোক লাভের

অভিলাষ করেন, তিনি অনুলোম বিলোম একং ব্যস্ত সমস্ত  
যে কোন প্রকারেই হউক পুষ্করক্ষেত্রে স্নান করিবেন। এই  
পুষ্করে যে শুভ্রবর্ণ তিন শৃঙ্গ ও তিন প্রস্তবর্ণ বিরাজমান হই-  
তেছে, তাহার সেবা করিলে, সঙ্কল্পমাত্রে ধর্ম, অর্থ, কাম  
ও মোক্ষ ফল প্রাপ্ত হওয়া যায়। যে ব্যক্তি তথায় শরীর  
বিসর্জজন করে, সে পরিণামে মোক্ষমার্গ লাভ করিয়া থাকে,  
তাহাতে অণুমাত্র সংশয় নাই। হে রাজেন্দ্র ! প্রয়ত ও  
সংবত হইয়া, তথায় স্নান করিয়া, একটা পবিত্র গো প্রদান  
করিবে। তাহা হইলে, অক্ষয় লোক অধিকৃত হইয়া  
থাকে। এস্থলে অধিক বলিবার আবশ্যিক নাই। যে  
ব্যক্তি রজনীযোগে এই ত্রক্ষ্রক্ষেত্রে স্নান করিয়া, অর্থকে অন্ন-  
দান করে, তাহারও অনন্ত ফল ভোগ হয়। মনীষিগণ  
ইহাতে স্নান ও দান উভয়ই বিহিত বলিয়া প্রশংসা করেন।  
যে ব্যক্তি প্রয়ত হইয়া, শ্রদ্ধা সহকারে সামান্য গুড়মাত্রেও  
পিণ্ডপ্রদান করে, সে পিতৃলোকে গমন করিয়া থাকে। যে  
ব্যক্তি পুষ্করারণ্যে গমন করিয়া, সরিষরা সরস্বতীর সেবা  
করে, তাহার বদন হইতে স্রশোভন বাক্য সমস্ত বিনির্গত  
হইয়া থাকে। দেবী সরস্বতী পুষ্করারণ্যে ফলপুষ্পোপ-  
শোভিত খর্জুরী কাননের মধ্যবাহিনী হইয়া, বিরাজমানা  
হইতেছেন। ঐ অরণ্য মুনিগণের মনোরম, সর্বত্র বিকসিত  
কুমুমমালায় অলঙ্কৃত, এবং সিদ্ধ ও চারণগণ সর্বদা উহার  
সেবা করিয়া থাকেন। হে ভীষ্ম ! নন্দানাম্নী সরস্বতী  
সমুদায় সরিদ্গণের শ্রেষ্ঠ, ত্রিলোকে নিরতিশয় বিখ্যাত এবং  
মীন ও নর প্রভৃতি বিবিধ জলজন্তুগণে পরিপূর্ণ। উহার  
সলিল সাতিশয় নির্মল।

কুরুরাজ ভীষ্ম সান্ন্যাসন বাক্যে নিবেদন করিলেন, ভগবন্ ! সরিষরা নন্দা কি অন্য কোন নদী ? না সরস্বতীই নন্দা নামে পরিগণিতা হইয়া থাকেন ? জানিবার জন্য আমার নিরতিশয় কৌতূহল উবুদ্ধ হইয়াছে । অতএব সরস্বতী যে কারণে যাহা কর্তৃক নন্দানামে কল্পিত হইয়া থাকেন, অনুগ্রহ পূর্বক তাহা নির্দেশ করুন ।

দেবব্রত ভীষ্ম এই প্রকার বিনিবেদিত করিলে, সরস্বতী যে কারণে নন্দানামে বিখ্যাত হইয়া থাকেন, মহাতপাঃ-পুলস্ত্য সেই পুরাতন ইতিহাস যথাযথ কীর্তন করিতে প্রবৃত্ত হইলেন । পূর্বের প্রভঞ্জন নামে এক ক্ষত্রধর্মপরায়ণ নরপতি ছিলেন । তিনি অরণ্যে যুগীহত্যায়ে প্রবৃত্ত হইয়া, ইতস্ততঃ পর্যটন করিতে করিতে অবলোকন করিলেন, কোন যুগী তাঁহার সম্মুখভাগে গুল্মব্যবধানে অধিষ্ঠান করিতেছে । তদর্শনে তিনি তাহারে শর দ্বারা তৎক্ষণাৎ দ্বিধা করিলেন । হরিণবধু সহসা বাণবিক্ত হইয়া, চকিত নয়নে চতুর্দিকে দৃষ্টিপাত করিয়া দেখিল, মহাবল প্রভঞ্জন শরহস্তে দণ্ডায়মান রহিয়াছেন । তদর্শনে ব্যাকুল বচনে তাঁহারে অনুযোগ করিয়া কহিল, রে মূঢ় ! তুমি কি করিলে ? তুমি নিতান্ত দুষ্কর কার্যের অনুষ্ঠান করিলে । আমি গুল্মান্তরে প্রতিচ্ছন্ন ও অধোমুখী হইয়া, অকুতোভয়ে সন্তানকে স্তনদান করিতেছিলাম । তুমি মাংস লোভে হতবুদ্ধি হইয়া, আমারে বিদ্ধ করিলে । আহা, আমার এই শিশু বৎস স্তনপান করিয়া, এখনও পরিতৃপ্ত হয় নাই ! আহা, এখনও আমার পয়োধরে স্নেহবশতঃ দুগ্ধধারা বিগলিত হইতেছে ! তুমি এমন সময়ে আমারে হত্যা করিয়া, নিতান্ত দুষ্কর্ম



করিলে ! তোমা'রে আর কি বলিব ! কিন্তু আমি পূর্বে  
শুনিয়াছি যে, স্ত্রুপ্ত অথবা মৈথুন নিরত, অথবা বৎসকে স্তন্য  
দান প্রবৃত্ত এরূপ যুগকে নরপতি কখন বধ করিবেন না ।  
তুমি নিতাস্ত দুরাচার, সেই জন্য সনাতন রাজধর্ম্ম অনায়া-  
সেই লঙ্ঘন করিয়া, স্বীয় বংশ কলঙ্কিত করিলে । যাহা  
হউক, আমি লোকালয় পরিহার করিয়া, সর্ব্বদা এই অরণ্য  
মধ্যে বিচরণ করি । তোমার নিকট কদাচ কোন রূপে  
অপরাধিনী নহি । বিশেষতঃ, সন্তানকে স্তনদান করিতে-  
ছিলাম । তুমি অকৃতাপরাধে অশনি সদৃশ শর দ্বারা  
আমারে সংহার করিলে । হে দুর্ব্বুদ্ধে ! তুমি স্বীয় পাপের  
অনুরূপ প্রায়শ্চিত্ত স্বরূপ ক্রবাদযোনি প্রাপ্ত হইবে । এই  
কণ্টকাকীর্ণ বিজন অরণ্যে মাংসাশী ব্যাঘ্র হইয়া, অধিষ্ঠান  
কর ।

হরিণবধু নিতাস্ত ব্যাকুল হইয়া, এই প্রকার শাপ প্রদান  
করিলে, নরপতি প্রভঞ্নের ইন্দ্রিয় সমস্ত বজ্রাহতবৎ একান্ত  
ব্যথিত হইল । তখন তিনি অঞ্জলিবদ্ধ সহকারে তাহার  
পুরোভাগে উপনীত হইয়া, সান্ন্যয় বাক্যে বলিতে লাগি-  
লেন, হে কল্যাণি ! তুমি বৎসকে স্তনদান করিতেছিলে,  
আমি জানিতে পারি নাই । অজ্ঞানবশতঃ তোমা'রে নিহত  
করিয়াছি । এক্ষণে আমার প্রতি প্রসন্ন হও । হে শুভে !  
আমি নিতাস্ত ব্যাকুল হইয়া জিজ্ঞাসা করিতেছি, কতদিনে  
এই ব্যাঘ্রযোনি পরিহার পূর্ব্বক মানুষরূপ প্রাপ্ত হইব এবং  
কতদিনেই বা এই রূপহর দারুণ শাপের অবসান হইবে,  
অনুগ্রহ পূর্ব্বক নির্দেশ কর ।

যুগী তাঁহার কাতরতা দেখিয়া, সান্ন্যয় বাক্যে উত্তর

করিল, নন্দার সহিত সন্দর্শন ও কথোপকথন হইলেই, তুমি এই শাপ হইতে মুক্তিলাভ করিবে। বলিতে বলিতে মহী-পতি প্রভঞ্জন তাহার শাপ প্রভাবে তৎক্ষণাৎ নখ ও দংষ্ট্রায়ুধ সম্পন্ন ঘোররূপ ব্যাত্তরূপ ধারণ করিলেন। এই প্রকারে ভয়াবহ ব্যাত্ত হইয়া, যুগ প্রভৃতি চতুস্পদ পশু এবং কাল-প্রেরিত বিপদদিগকে বিনাশ ও ভক্ষণ করিয়া, সেই গহন অরণ্যে বিচরণ করিতে লাগিলেন। তাঁহার উপদ্রবে সমুদায় বনভাগ নিতান্ত শশব্যস্ত ও সংশয়াপন্ন হইয়া উঠিল। কোন প্রাণীই তাঁহার নিকটে গমন করিতে সাহসী হয় না। এই রূপে প্রতিনিয়ত যুগমাংসে উদর পূর্তি করিয়া, ক্রমে ক্রমে শত বৎসর অতীত হইয়া গেল। তিনি সর্বদাই আপনাকে নিন্দা করিয়া, অতি কষ্টে কালবাপন করিতেন। এক দিন একক্ষণের জন্যও তাঁহার অন্তরাত্মা স্থখ লাভে সমর্থ হয় নাই। একদা আত্মার ধিকার প্রদান করিয়া, নিতান্ত খিদ্যমান হৃদয়ে চিন্তা করিতে লাগিলেন, হায়, আমি কি পাষণ্ড, কি ছুরাচার! এই দারুণ কুচ্ছে নিপতিত হইয়া, দেখিতে দেখিতে নিমিষের ন্যায় শত বৎসর অতিবাহিত করিলাম, তথাপি আমার হতদম্ব কঠিন প্রাণ বহির্গত হইল না। না জানি, বিধাতা আর কত দিন আমারে এইরূপ দারুণ যন্ত্রণা প্রদান করিবেন! না জানি, কত দিনে পুনরায় মানুষ ভাব প্রাপ্ত হইব! অন্তরাত্মা প্রতিদিন যেরূপ মর্মান্তিক ও প্রাণা-স্তিক ব্যাতনা অনুভব করিতেছে, তাহাতে, আর কখন এরূপ বিমোহনিকরণ কুৎসিত কার্যের অনুষ্ঠান করিব না। আর কখন সামান্য মাংসলোভে যুগয়ায় ধাবমান হইয়া, অক্লতাপরাধে যুগীর প্রাণ সংহার করিব না। বলিতে কি, আমি

সামান্য মাংসের জন্য সর্বলোকভয়াবহ যে সংকট দশায় পতিত হইয়াছি, তাহাতে মৃগ বা মনুষ্য কাহার সহিত দর্শন হওয়া নিতান্ত দুষ্কর। কালের কি বিপর্যয় দেখ, আমি সকলের অধীশ্বর রাজা এবং সর্বথা সাধুবংশে জন্ম গ্রহণ করিয়াছি। এক্ষণে পাপানুষ্ঠান বশতঃ নিতান্ত অপকৃষ্ট যোনি ও বিকৃত দশা প্রাপ্ত হইলাম ! দন্ধ বিধি আমার কুল, মর্যাদা বা পদপৌরব কিছুই বিবেচনা করিলেন না। সামান্য পাপে অনায়াসেই গুরুদণ্ড বিধান করিলেন ! অথবা, আমার কিছুমাত্র স্মৃকৃত নাই। সেই জন্য অতিগর্হিত প্রাণিহিংসায় প্রবৃত্ত হইয়া, তৎপ্রভাবে দারুণ কৃচ্ছ্র নিপতিত হইলাম। কোন কালেই আমার মুক্তি লাভ হইবে না। বুঝিলাম, সংসারে আমিই এক মাত্র হতভাগ্য এবং আমিই একমাত্র দুষ্কৃতজন্মা। দেখ, সকল রাজাই আমার ন্যায় মুগ্ধায় গমন করিয়া, মৃগহত্যা করে, কিন্তু কাহাকেও আমার ন্যায় একরূপ প্রাণান্তিক মর্শ্ম পীড়া অনুভব করিতে হয় না ! এক্ষণে, প্রতিকূল বিধি কতদিনে অনুকূল হইয়া, প্রসন্ন দৃষ্টি নিক্ষেপ করিবেন, কি রূপেই বা মুক্তি লাভ হইবে এবং কি রূপেই বা মৃগীবাক্য সত্য হইবে। হে কুরুপিতামহ ! ব্যাত্তরূপী প্রভঞ্জন আত্মনিন্দা সহকারে এইরূপ বিলাপ ও পরিতাপ করিয়া, প্রতিদিন যাপন করিতেন। ছুঃখে ও ক্রোশে তাঁহার হৃদয় জর্জরিত হইয়াছিল।

যাহা হউক, সেই অরণ্যে নদীর তটে রোহিত নামে এক প্রকাণ্ড পর্বত ছিল। উহা বহুল কন্দর, বহুল দরিগৃহ ও বহুল অরণ্যে পরিবৃত। উহার পূর্বোত্তর ভাগ যেরূপ সংকট, বিষম, ভয়াবহ, ও নিবিড় তুণে আচ্ছন্ন, সেইরূপ অবিরল

সন্নিবিষ্ট বরী ও বৃক্ষ পরম্পরায় নিত্য গহন ও একান্ত  
 দুর্গম। মৃগ ও সিংহ প্রভৃতি ভয়াবহ স্থাপদগণ সর্বদা  
 তথায় বিচরণ ও শতশত শিবাগণ প্রতিনিয়ত চীৎকার  
 করিয়া থাকে। মহীপতি প্রভঞ্জন মহাবল, মহাদ্রুপ্ত,  
 শোণিত-মাংসাশী, কামরূপী, ভয়ঙ্কর ব্যাত্র হইয়া, সেই  
 দুর্গম গিরিসংকটে বাস করিতে লাগিলেন। তাঁহার আকার  
 পবনতের ন্যায়, গর্জ্জন মেঘধ্বনির ন্যায়, বদন সুবিশাল  
 দরীণ্ডহার ন্যায়, দংষ্ট্রা সাতিশয় তীক্ষ্ণ ও নখর সমস্ত আয়ু-  
 ধের ন্যায় নিরন্তর ভয়াবহ। দর্শন মাত্র হৃদয়শোণিত শুষ্ক  
 ও প্রাণ পলায়নোন্মুখ হয়। কোন প্রাণীই তাঁহার ত্রিসায়ায়  
 পদার্পণ করিত না। তিনি যেক্রপ মনুষ্যশরীরে সকলের  
 উপরি প্রভুতা করিতেন, এক্ষণেও পশুশরীরে সেইরূপ  
 একাধিপত্য করিয়া, অগণ প্রতাপে সমুদায় অরণ্যানী শাসন  
 করিতে লাগিলেন।

ঐ অরণ্যানীর সম্বিহিত প্রদেশে নন্দ নামে এক গোপাল  
 বাস করিত। সে সাতিশয় ধর্ম্মাত্ম ও গোপণের হিতানু-  
 ষ্ঠানে সর্বদা তৎপর। এবং অচ্ছিন্নাশ্রয় দীর্ঘ তৃণ দ্বারা  
 স্থায় গোধন রক্ষা করিত। হে রাজন্! গোপপতি নন্দ কোন  
 সময়ে সেই অরণ্যে গোচারণে প্রবৃত্ত হইলে, নন্দানান্নী  
 এক ধেনু দারুণ পিপাসায় আক্রান্ত ও যুথ হইতে পরিভ্রষ্ট  
 হইয়া, ইতস্ততঃ বিচরণ করিতে করিতে ব্যাত্ররূপী প্রভঞ্নের  
 সম্মুখে সমুপস্থিত হইল। তদর্শনে সেই ভয়ঙ্কর দ্বীপী মূর্ত্তি-  
 মান্ অস্ত্রকের ন্যায় দ্রুতবেগে তাহার অভিমুখীন হইল এবং  
 তিষ্ঠ তিষ্ঠ বলিয়া তারম্বরে কহিতে লাগিল, হে ধেনুকে!  
 অদ্য বিধাতা তোমারে আমার স্তব্ধ নিরূপিত করিয়াছেন।

সেই জনা তুমি স্বয়ং আমার সমীপে সমাগত হইয়াছ । অদ্য তোমাতেই ভক্ষণ করিয়া, আহার সমাধা করিব । দ্বীপী মূর্তিমান্ মৃত্যুর ন্যায় এইপ্রকার নির্ভূর বাক্য প্রয়োগ করিলে, ধেনুর সর্বশরীর লোমাঞ্চিত হইল । হে রাজেন্দ্র ! তাহার ভদ্র নামে শশধরসমপ্রভ শুভ্রবর্ণ অতি শিশু বৎস ছিল । ব্যাঘ্রের নিদারুণ বাক্য কর্ণগোচরে প্রবেশ করিবা মাত্র, সেই স্নিগ্ধ সুন্দর বৎসমূর্তি তদীয় স্মৃতিপথে তৎক্ষণাৎ সমুপস্থিত হইল । অগ্নি দুর্নিবার স্নেহ বশতঃ তাহার অন্ত-  
রাত্মা নিরতিশয় ব্যাকুল হইয়া উঠিল এবং সমুদায় পৃথিবী যেন ঘূর্ণায়মান বলিয়া বোধ হইতে লাগিল । জন্মের মত পুত্র দর্শন স্থখে বঞ্চিত হইতে হইল ভাবিয়া, স্তম্ভঃসহ শোক ছতাশন প্রজ্বলিত হইয়া, তাহারে দগ্ধ করিতে লাগিল । তখন পুত্রবৎসলা নন্দা চতুর্দিক তন্নয়ী নিরীক্ষণ করিয়া, নিতান্ত হতাশা হইয়া, করুণ স্বরে রোদন আরম্ভ করিল ।

হে রাজেন্দ্র ! ব্যাঘ্র তাঁহারে রোদনপরায়ণা ও নিতান্ত দুঃখিতা দেখিয়াও কিছুমাত্র করুণাবিক্ত হইল না । প্রত্যুত, সান্তিশয় কঠোর বাক্যে বলিতে লাগিল, হে ধেনুকে ! তুমি কিজন্য রোদন করিতেছ ? দেখ, দৈব তোমাতে আমার ভক্ষ্যরূপে যদৃচ্ছাক্রমে পাঠাইয়া দিয়াছেন । এক্ষণে তুমি রোদন কর, আর হাস্যই কর, কোন রূপেই তোমার জীবন-  
রক্ষার সম্ভাবনা নাই । অদ্য বিধাতা স্বয়ং তোমার মৃত্যু বিধান করিয়াছেন । তুমি বৃথা অনুশোচনা করিতেছ কেন ? এই বলিয়া সেই কামরূপী ব্যাঘ্র তাহারে পুনরায় জিজ্ঞাসা করিল, হে শুভে ! তুমি কিজন্য রোদন করিতেছ, জানিবার

জন্য আমার অতিশয় কৌতূহল উদ্ভূত হইয়াছে। অতএব সমুদায় স বিশেষ কীর্তন কর।

হে ভীষ্ম! মূর্তিমান্ অন্তক সদৃশ দ্বীপীর উগ্রমূর্তি দর্শন করিয়াই পুত্রপ্রাণা নন্দার প্রাণ উড়িয়া গিয়াছিল। এক্ষণে তাহার এই বাক্যে তদীয় শরীরে যেন পুনরায় জীবন সঞ্চার হইল। তখন অতি কাতর বাক্যে ধীরে ধীরে বলিতে লাগিল, হে কামরূপিণ্ ! তোমাতে নমস্কার করি। আমার অপরাধ ক্ষমা করিতে হইবে। হে সৌম্য ! তোমার দর্শনপথে পতিত হইলে, লোকের পরিত্রাণ নাই। অদ্য নিশ্চয়ই আমায়ে মরিতে হইবে। তজ্জন্য জীবিত বিষয়ে আমার কিছুমাত্র শোক নাই। ফলতঃ, জন্মিলেই মৃত্যু হইয়া থাকে এবং মৃত্যু হইলে, পুনরায় জন্মগ্রহণ করিতে হয়। বিধাতৃ-বিহিত এই নিয়মের কোন মতেই অন্যথাপাদন সম্ভব নহে। অতএব হে মৃগরাজ ! অপরিহার্য্য বিষয়ে আমার অণুমাত্র শোক উপস্থিত হইতেছে না। মনুষ্যের কথা কি, দেবগণকেও অবশ্যই মরিতে হইবে। অতএব হে ব্যাত্ত ! সংসারে আমিই একাকী অনর্থক প্রাণের জন্য কিনিমিত্ত বৃথা শোক করিব ? কিন্তু কোন অনির্কচনীয় স্নেহ বশতঃ আমার নিরপ্তিশয় শোক উপস্থিত হইয়াছে, তন্নিবন্ধন নিদারুণ দুঃখে আমার লোচনযুগল স্ফুটিত হইয়া, অবিরল ধারায় বাষ্পবারি বিগলিত হইতেছে। এক্ষণে যে দারুণ সন্তাপ হত হতাশনের স্রায় প্রবল হইয়া, আমার হৃদয় দগ্ধ করিতেছে, তোমাতে তাহা শ্রবণ করিতে হইবে। হে মৃগাধিপ ! আমার এই প্রথম বয়স। আমি সম্প্রতি প্রসূতা হইয়া, প্রথমজাত পুত্রমুখ দর্শন করিয়াছি। বিধাতা অনুকূল হইয়া,

আমারে এই অমূল্য অনুগ্রহ বিতরণ করিয়াছেন । কিন্তু আমি হন্তভাগিনী ও নিতান্ত পাপকারিণী । অধিক দিন তাহা ভোগ করিতে পাইলাম না । যাহা হউক, হে মহাবল ! আমার সেই বৎস অদ্যাপি তৃণ ভক্ষণ করিতে শিখে নাই ; মদীয় দুগ্ধপান করিয়া জীবনধারণ করে । এক্ষণে সে গোপ-কূলে বদ্ধ হইয়া আছে, অনেক ক্ষণ হইল, আমার স্তনপান করে নাই । নিশ্চয়ই ক্ষুধার্ত হইয়া, আমার অপেক্ষা করিতেছে । হে সৌম্য ! আমি কেবল তাহারই জন্য শোক করিতেছি । আহা, বৎস আমার কেমন করিয়া জীবনধারণ করিবে ! হে বীর ! আর আমি ইহ জন্মে পুত্রমুখ দেখিতে পাইব না । এই ভাবিয়া আমার অন্তরাত্মা অপার পুত্রস্নেহে বারংবার ব্যথিত হইতেছে । তোমার কল্যাণ হউক । অনুগ্রহ করিয়া, ক্ষণকালের জন্য আমারে পরিত্যাগ কর । আমি জন্মের মত তাহাকে স্তন দান করিয়া আসি, জন্মের মত তাহার স্তম্ভিষ্ঠ মুখচ্ছবি দর্শন করিয়া, শরীর সার্থক ও নয়ন শীতল করি এবং জন্মের মত তাহারে আলিঙ্গন ও ক্রোড়ে ধারণ করিয়া জননীর যাবতীয় প্রীতি ও যাবতীয় স্নেহের পরিশোধ করিয়া লই । হে মহাবল ! আমি সত্য শপথ করিয়া বলিতেছি, বৎসকে স্তনদান, মস্তকে আশ্রয়, সখীগণের হস্তে সমর্পণ ও হিতাহিত উপদেশ প্রদান করিয়া, পুনরায় প্রত্যাগমন করিব । তুমি ইচ্ছানুযায়ী আমারে ভক্ষণ করিও । এক্ষণে প্রসন্ন হইয়া ক্ষণকালের জন্য আমারে এই অনুগ্রহ বিতরণ কর । তোমার নিকট আর আমার কিছুমাত্র প্রার্থনা নাই ।

পুত্রপ্রাণা নন্দা বিনয় বাক্যে এই প্রকার প্রার্থনা করিলে,

দ্বীপী পুনরায় বসিতে লাগিল, তোমার পুত্রে আর প্রয়ো-  
জন কি ? মরণ নিকট হইয়াছে, বুঝিতে পারিতেছ না ?  
আমার দৃষ্টিপথে পতিত হইলে, প্রাণী মাত্রেই শঙ্কিত ও  
মৃত্যুশুখে নিহিত হইয়া থাকে । তুমি জানিয়া শুনিয়াও অন-  
র্থক করুণা ও পুত্র পুত্র বলিয়া বৃথা রোদন করিতেছ । কাল  
সংসারে সকলের অন্তক রূপে সর্বদা বিচরণ করিতেছে ।  
মনুষ্য তাহার আগম হইলে, কি পুণ্য, কি তপস্যা, কি দান,  
কি পিতা, কি মাতা, কি স্নহৎ, কেহই তাহারে পরিত্রাণ  
করিতে পারে না । বিশেষতঃ, যে গোকুল স্থলোচনা গোপা-  
ঙ্গনাগণের আবাসভূমি এবং অনুভব ভূস্বর্গ স্বরূপ ও সমুদায়  
তীর্থের আশ্রয় স্থান বলিয়া প্রসিদ্ধ ; যেস্থানে বৃষভগণ  
সর্বদা হর্ষভরে শব্দ ও দিব্য বাল বৎস সকল উল্লসিত হইয়া,  
সর্বদাই নৃত্য করিতেছে, যেস্থান মর্ত্যলোকের ভূষণ স্বরূপ  
ও স্বর্গের ন্যায় সাতিশয় মনোহর ; যেস্থান সর্বদাই প্রমু-  
দিত, সর্বদাই আনন্দ জনক এবং সর্বদাই দেবগণের  
পূজনীয়, যেস্থান পবিত্র সমুদায়ের পবিত্র, মঙ্গল সমুদায়ের  
মঙ্গল, তীর্থ সমুদায়ের তীর্থ এবং রমণীয় সমুদায়ের রমণীয় ;  
যেস্থান ঈশ্বরের স্নহৎ আয়তন স্বরূপ সর্বদাই ঋষিগণে পরি-  
পূরিত, গোপীগণের মস্থান শব্দে সর্বদাই প্রতিধ্বনিত, বাল  
বৎস সকলের মধুর রবে সর্বদাই আমোদিত, গোসমূহের  
সুবিপুল হুঙ্কার ঘোষে সর্বদাই বিরাজিত এবং লক্ষ্মীর  
সান্নিধ্য বশতঃ সর্বদাই অলঙ্কৃত ; যেস্থান শূর ও কৃতশ্রম  
গোপগণের পরিপালিত এবং জননীর স্তনপানাকাজক্ষী  
বৎসগণের করুণ রবে নিনাদিত ; যেস্থানে মৃত্যু গীত ও  
বাদ্য সংলাপ এবং মঙ্গলগণের বাঁহীস্ফোট প্রতিনিয়ত শ্রব-



মান হইয় থাকে ; এবং শুভ্রবর্ণ বৎসগণ ইতস্ততঃ নীয়মান হওয়াতে যেস্থান চলমান পঙ্কজ শোভিত সারাবরের ন্যায় সর্বদাই বিরাজমান লক্ষিত হয় ; হে ধেনুকে ! তুমি সেই হৃষ্ট-পুষ্ট-জন-সংকুল স্বর্গের ন্যায় রমণীয় শ্রীনিকেতন মনো-হর গোকুল অবলোকন করিয়া, পুনরায় প্রত্যাগমন করিতে সমর্থ হইবে, ইহা আমার বিশ্বাস হয় না । অতএব আমি ত্বদীয় রুধির পান করিয়া, ষষ্ঠানুকালীয় আহার সমাধা করিব । বাক্যমাত্রে কদাচ তোমাতে পরিত্যাগ করিতে পারিব না ।

নন্দা কহিল, হে মৃগেন্দ্র ! অনুগ্রহ করিয়া মদীয় বাক্যে কর্ণপাত কর । আমি এই প্রথম প্রসূতা হইয়াছি, তন্নিবন্ধন পুত্রদর্শনলালসা বলবতী হইয়া, মদীয় হৃদয় নিরতিশয় ব্যথিত করিতেছে । নিদারুণ মনোবেগ কোন মতেই আমার সহ্য হইতেছে না । হে মহাবল ! তোমার প্রভূত পুণ্য সঞ্চয় হইবে । ক্ষণকালের জন্য আমায়ে পরিত্যাগ কর, আমি পুত্রমুখ দর্শন, রক্ষক গোপ ও সখীদিগকে সম্ভাষণ এবং প্রিয়তম গোপাঙ্গনাদিগকে বিশেষতঃ জননীকে আমন্ত্রণ করিয়া, পুনরায় প্রত্যাগমন করিব । হে মৃগরাজ ! সংসারে আমি ব্যতিরেকে জননীর আর কেহ নাই । অতএব আমার একান্ত বাসনা, তাঁহারে জন্মের মত দর্শন ও আলিঙ্গন দিয়া, স্নখিনী করিয়া আসি । ব্রহ্মহত্যা, পিতৃহত্যা ও মাতৃহত্যা করিলে, যে পাপ হয়, আমি যদি প্রত্যাগমন না করি, তাহা হইলে, সেই পাপে লিপ্ত হইব । যে ব্যক্তি একবার কন্যা দান করিয়া, পুনরায় দ্বিতীয় পাত্রে তাহা দান করিতে ইচ্ছা করে, তাহার যে পাপ হয়, প্রত্যাগমন না

করিলে, আমার সেই পাপ হইবে। যে দ্বিপত্নীক পুরুষ একস্ত্রীকে বঞ্চিত করিয়া, স্নেহ বশতঃ অন্যকে দান করে, তাহার যে পাপ হয়, আমি যদি প্রত্যাগমন না করি, তাহা হইলে, সেই পাপে লিপ্ত হইব।

ব্যাত্ত্র কহিল, হে ধেনুকে ! তোমার বাক্যে আমার প্রত্যয় হইতেছে না। তুমি এখন প্রাণ ভয়ে ব্যাকুলতা ও নানা প্রকারে অনুনয় করিতেছ। কিন্তু আমার হস্তে পরি-  
ত্ৰাণ পাইয়া, গৃহে গমন করিলেই, তোমার মতি আর এক-  
প্রকার হইবে। তখন হয়ত মনে করিবে, মূর্খকে বঞ্চনা করিয়া আসিয়াছি। তোমার কূটবুদ্ধি সহবাসিগণও তোমার বাক্যে অনুমোদন করিয়া, বলিতে পারে, শপথ করিয়া তাহার পরিপালন না করিলে আবার পাপ কি ? বিশেষতঃ যেস্থলে প্রাণনাশ অবশ্যসম্ভাবী বা অপ্রতিবিধেয়, তথায় শপথ করিয়া, তাহাতে শ্রদ্ধা করিতে নাই। আমি বিশেষ রূপে অবগত আছি যে, সংসারে নাস্তিক ও পণ্ডিতাভিমানী মূর্খেরই দল অধিক। তাহারা বৃথা বাগ্ জাল বিস্তার করিয়া, তোমার বুদ্ধিকে চক্রস্থিতার ন্যায় ঘূর্ণায়মান করিবে। ঐ সকল দুরাচার অসাধ্য ও অকার্য্য কিছুই নাই। তাহারা দুষ্পরিহর তক্রলোভের বশীভূত হইয়া, তোমার চক্ষে অনা-  
য়াসেই ধূনিমুষ্টি প্রক্ষেপ করিবে। হে শুভে ! মনুষ্যের প্রকৃতি অতিতরল এবং আশয় অতি ক্ষুদ্র। তাহারা নানা প্রকার আগমার্থ বিস্তার করিয়া, সত্যকেও মিথ্যা এবং মিথ্যাকেও সত্য করিতে পারে। যাহারা বিদ্বান ও শাস্ত্রার্থ-  
বিশারদ বলিয়া বিখ্যাত, তাহাদেরই এ বিষয়ে সমধিক পারিপাট্য লক্ষিত হইয়া থাকে। এক কথা ভিজ্ঞাসা কর

পাঁচ কথায় পাঁচ প্রকারে উত্তর দিয়া, তোমার মতি দোলায়মান ও অন্তঃকরণ বিলোড়িত করিবে। আমি বিশেষ রূপে লক্ষ্য করিয়াছি, একবার কৃতকার্য হইলে, লোকে উপকারীর দিকে আর ক্রক্ষেপও করিতে অভিলানী হয় না জননীর স্তনে দুগ্ধ নিঃশেষ হইলে, সন্তান আপনা হইতেই তাঁহাকে পরিহার করিয়া থাকে। একবারও ভাবে না যে, এই জননী হইতেই তাহার জীবন ও সংসার ক্ষেত্রে পদার্পণ হইয়াছে; একবারও ভাবে না যে এই জননীর অমৃতময় স্তনদুগ্ধই অসহায় শিশুকালে তাহারে রক্ষা করিয়াছে। এই-রূপে এই সংসারের চারি দিকে প্রতারণা, কৃতঘ্নতা, হিংসা, ঘেঁষ ও দুর্বৃত্ততার প্রবল স্রোত ভয়ানক বেগে প্রবাহিত হইতেছে। উহার প্রবল তরঙ্গে পতিত হইলে, দেবতাকেও বিচলিত ও বিভ্রান্ত হইতে হয়। ফলতঃ, উপকার করিলে, তাহার প্রতিশোধ করে একরূপ ব্যক্তি কুত্ৰাপি আমার লক্ষিত হয় না। স্বার্থসিদ্ধির পূর্বে লোকের মতি যে রূপ থাকে, কৃতকার্য হইলে, সর্বতোভাবে তাহার অন্যথা হইয়া যায়। সমুদায় সংসার এইপ্রকার প্রতারণা ও দল্যবৃত্তি করিয়াই জীবনযাত্রা নির্বাহ করিয়া থাকে। অতএব আমি কিরূপে তোমার বাক্যে বিশ্বাসবদ্ধ হইতে পারি ?

নন্দা কহিল, ঈশ্বর করুন, শপথে পাতক নাই, কদাচ যেন আমার একরূপ মতিবিপর্যয় সংঘটিত না হয়; মুখকে বঞ্চনা করিয়াছি; কদাচ যেন আমি একরূপ বিপরীত বুদ্ধির বশবর্তিনী না হই। যাহা হউক, আমি পূর্বেই তোমার নিকট সবিশেষ সমস্ত নিবেদন করিয়াছি। এক্ষণে তোমার যেরূপ অভিরূচি হয়, বিধান কর। কিন্তু হে মহাবল !

তুমি এই অরণ্যের রাজা, কোন ব্যক্তি তোমারে বধনা  
করিতে সাহসী হইবে ?

হে ভীষ্ম ! পুত্রবৎসলা নন্দা কাতর বাক্যে বারংবার  
এই প্রকার অনুনয় করিলে, মহাবল দ্বীপী কথঞ্চিৎ সন্মত  
হইয়া কহিল, হে পুত্রবৎসলে ! যদি পুত্র দর্শনে একান্তই  
অভিলাষ হইয়া থাকে, তবে সহ্য গমন কর । হে শুভে !  
আমার অগ্রে সত্য করিয়া যাও, পুত্রকে স্তনদান ও মস্তকে  
আত্মাণ এবং সখী, স্বজন, বান্ধব, ভ্রাতা ও জননীকে দর্শন  
করিয়া, শীঘ্র প্রত্যাগমন করিবে ।

হে রাজর্ষে ! সত্যবাদিনী নন্দা তথাস্ত বলিয়া শপথ  
পূর্বক তদীয় অনুজ্ঞা গ্রহণানন্তর পুত্রভিমুখে দ্রুতবেগে  
প্রস্থান করিল । পথিমধ্যে গমন করিতে করিতে পুত্রের  
মুখ বদন স্মরণ ও আপনার মৃত্যুতে তদীয় ভাবী অসহায়  
অবস্থা বারংবার চিন্তা করিয়া, তাহার স্নেহপ্রবণ কোমল  
হৃদয় বায়ুবেগসমুখিত উত্তাল তরঙ্গাহত বেলাভূমির ন্যায়  
প্রতিনিয়ত একান্ত অভিহত হইতে লাগিল । চতুর্দিক ক্ষণে  
ক্ষণে ব্যাঘ্রময় ও ক্ষণে ক্ষণে পুত্রময়, কখন বা মৃত্যুময় ও  
অন্ধকারময় বলিয়া, তদীয় চিন্তাশুক মলিন নয়নে প্রতীয়মান  
হইতে লাগিল । দুঃখ ও বিষাদের এক শেষ উপস্থিত হইল;  
আন্তরিক তাপোচ্ছ্বাসবশতঃ বদনমণ্ডল শুক হইয়া গেল;  
নয়নমণ্ডল হইতে দরদরিত ধারায় অবিরল অশ্রুজল বিনি-  
র্গত হইয়া, কপোলতল ও ধরাতল ভাসাইয়া দিতে লাগিল;  
দুঃখ দুঃখের দুঃখ বেগ সহ্য করিতে না পারিয়া, তাহার  
কলেবর বাতবেগবিদলিত কদলীর ন্যায় বারংবার কপলময়  
চত্বরে লাগিল এবং অপার শোকেপারাবার উচ্ছবিত হইল।

মহর্ষি বেদব্যাস-প্রণীত

# পদ্মপুরাণ।

বাঙ্গালা গদ্যানুবাদ।

শ্রীজহ্নরলাল লাহা কর্তৃক সংগৃহীত ও তৎকর্তৃক

৬০ নং মিসুগৌসাইয়েব লেন হইতে প্রকাশিত।

অষ্টাবিংশ ও উনত্রিংশ খণ্ড।

কলিকাতা

মোডার্নাকো ৭ নং শিবকুমার স্ট্রীট লেন  
জ্যোতিষ প্রকাশ যন্ত্রে শ্রীগোপালচন্দ্র ঘোষাল দ্বারা

মুদ্রিত।

১২৮৯ সাল।

মূল্য চারি আনা।

## পদ্মপুরাণসংক্রান্ত কয়েকটি নিয়ম ।

১। প্রত্যেক মাসে তিন বা চারি খণ্ড ৮ পেজি ফর্মের তিন ফর্মের দুই মানা মূল্যে প্রকাশ করা যাইবে ।

২। দৈনিক্রমে মাসিক প্রকাশ না হইলে, অল্প মাসে তাহা পূরণ দওয়া যাইবে ।

৩। যিনি নাম স্বাক্ষর করিয়া এক খণ্ড গ্রহণ করিবেন, তাঁহাকে পুস্তকের দায়ী থাকিতে হইবে ।

৪। আমরা স্বেচ্ছাক্রমে পুস্তক প্রকাশ না করিলে, গ্রাহকগণের নিকট পদত্ব খণ্ড সকল ফেরত লইয়া, তাঁহাদের দত্ত মূল্য তাঁহাদিগকে করিতে বাধ্য रहিলাম ।

৫। দুই খণ্ডের অধিক মূল্য কেহই হাতে রাখিতে পারিবেন না । দুই অতিরিক্ত বাকী পড়িলে, প্রত্যেক খণ্ডে ৩০ হিঃ আদায় করা যাইবে ।

৬। ১২ টাকায় পুস্তক শেষ করা যাইবে ।

৭। অগ্রিম ১ এক টাকা না পাঠাইলে, মফঃস্বলস্থ গ্রাহকগণকে দওয়া যাইবে না । তাঁহাদিগকে অতিরিক্ত ডাকমাতুল দিতে হইবে এক টাকা মূল্যের পুস্তক পাইলে তাঁহারা পুনরায় অগ্রিম এক টাকা পাঠাইবেন ।

৮। যাহারা টিকিট দ্বারা মূল্য প্রেরণ করিবেন, তাঁহাদিগকে টাকা প্রতি আনা কমিশন দিতে হইবে । কারণ ইষ্টাম্পবিক্রয়কালে আনাদিগকে ৩ ম বাটা দিতে হয় ।

৯। আমাদের স্বাক্ষরিত বিল না লইয়া গ্রাহকগণ কাহাকে মূল্য দিলে দায়ী হইব না ইতি ।

কলিকাতা } প্রকাশক  
নিমুগোসাইয়ের লেন } শ্রীজহরলাল লাহা ।

হৃদয়কন্দর প্রাণিত করিতে লাগিল । হে রাজেন্দ্র ! করিণী  
যে রূপ জনাশয়ে পঙ্কমধ্য পতিত ও উত্থান-শক্তি-রহিত  
হইয়া, বারংবার ব্যাকুলতা প্রদর্শন করে, পুত্রপ্রাণা নন্দা  
সেইরূপ স্তম্ভস্পার বিষাদসাগরের গর্ভশায়িনী ও আত্ম-  
পবিত্রাণে অসমর্থ হইয়া, হৃষ্কারধ্বনি সহকারে মুহূর্মুহুঃ  
বিলাপ ও পরিতাপ করিতে লাগিল । তাহার সেই করুণ  
নিমাদ গগনমণ্ডল ও দিগ্ধাণ্ডল প্রতিধ্বনিত করিয়া, সমুদায়  
সংসার কারুণ্যরসে পরিপূতি করিয়া তুলিল । হে রাজেন্দ্র !  
পুত্রপ্রাণা নন্দা এই রূপে বিলাপ করিতে করিতে ইন্দ্রনদীর  
তটবর্তী গোকুলকে উপনীতা হইল । তাহার হৃষ্কারধ্বনি  
শ্রবণ করিয়া, তদীয় বালবৎস উচ্চৈঃস্বরে প্রতিবাদ করিতে  
ছিল । নন্দা আকর্ণনমাত্র তন্মুখী হইয়া, দ্রুতবেগে ধাবমান  
ও বাম্পাকুল লোচনে তাহার সমীপবর্তিনী হইল । হে  
রাজন্ ! শোকে ও মোহে তাহার বদন শুষ্ক ও মলিন হইয়া  
গিয়াছিল । এবং নয়ন হইতে অবিরল ধারায় বাম্পরাশি  
বিগলিত হইতেছিল । বৎস জননীর এই প্রকার অভূতপূর্ব  
দশান্তর অবলোকন করিয়া, একান্ত শঙ্কিত হইল এবং  
ব্যাকুল বচনে জিজ্ঞাসা করিল, মাতঃ ! আজি তোমার  
সৌম্য বা মুখ কিছুমাত্র লক্ষিত হইতেছে না, আজি তোমার  
দৃষ্টি নিতান্ত উদ্বিগ্ন ও একান্ত ভীত বলিয়া বোধ হইতেছে ।  
ফলতঃ, তোমার আকার প্রকার দেখিয়া, স্পষ্ট প্রতীতি  
হইতেছে, কোন গুরুতর অনিষ্টাপাত হৃদীয় অন্তঃকরণ  
নিতান্ত ব্যথিত করিয়াছে ।

নন্দা মুহুমধুর বাক্যে তাহারে সম্বোধন করিয়া কহিল,  
বৎস ! স্নান পান কর । আমার দুঃখের কারণ জিজ্ঞাসায়

যোজন নাই। আমি কোন মতেই তাহা বলিতে পারিব না। অদ্য যথেষ্ট স্তনপান করিয়া লও। আমি জন্মের মত বিদায় হইলাম। বিধাতা যতদিন আমার অদৃষ্টে পুত্রস্ব-  
ভোগ লিখিয়াছিলেন, অদ্য তাহার অবসান হইল। তোমা-  
ও এইপর্যন্ত মাতৃসন্দর্শন তুলিত হইল। আর আমি  
তোমাতে স্তনপান করাইয়া, সুখিনী হইতে পারিব না, আর  
আমি তোমাতে দর্শন করিয়া, শরীর সার্থক ও জন্ম সার্থক  
রিতে পারিব না। হা বৎস! আমার স্তন্যই তোমার  
জীবন। অতঃপর তুমি কাহার স্তন পান করিয়া, দেহ প্রাণ  
রক্ষণ করিবে, আমি কেবল ইচ্ছাই চিন্তা করিয়া, চতুর্দিক  
শূন্য ও অন্ধকারময় অবলাবন করিতেছি। হা দধি বিধাতঃ!  
আমি কি জন্ম আগাতে তনয়রত্ন প্রদান করিয়াছিলে, কি জন্মই  
তোমার পরিপালন স্থখে এক্রপ অকালে বঞ্চিত করিলে!  
স্বপ্নে আমি কি পাপকারিণী! সন্তানরত্ন ক্রোড়ে পাইবার  
কোঁকসেই আমার মৃত্যু হইল না কেন? যাহা হউক, হে বৎস!  
অদ্য আমি শপথ করিয়া, আগমন করিয়াছি, আমাতে এই  
হৃদেই গমন ও ক্ষুধাতুর ব্যাস্রকবলে অত্মজীবন সমর্পণ  
করিতে হইবে। অতএব সত্বরে স্তনপান করিয়া, জন্মের  
মত এই হতভাগিনীকে ছাড়িয়া দাও। আমি তোমার বদন-  
মল চিন্তা করিতে করিতে নির্ভয় হৃদয়ে ব্যাস্রহস্তে  
জীবন বিসর্জন করিয়া, পুত্রলোক লাভ করি।

বৎস কহিল, মাতঃ! তুমি যেস্থানে গমন করিতে ইচ্ছা  
করিতেছ, আমিও তথায় গমন করিব। তোমার সহিত  
মৃত্যু আমার প্লাঘার বিষয়, সন্দেহ নাই। ভাবিয়া দেখ,  
আমি তোমা ব্যতিরেকে একাকী কোন মতেই জীবন ধারণ



করিতে পারিব না। হে মাতঃ! যদি সেই ব্যাঘ্র তোমার সহিত আমাকেও ভক্ষণ করে, তাহা হইলে, মাতৃভক্তগণের যে ধ্রুবগতি, আমারও সেই গতি লাভ হইবে। অতএব আমি কোন মতেই তোমারে পরিত্যাগ করিব না। অবশ্যই তোমার সহিত গমন করিব। অথবা, তুমি অবস্থিতি কর। আমিই ব্যাঘ্রকবলে আত্মসমর্পণপূর্বক তোমার শপথকার পরিপূরণ করিব। জননী পরিত্যাগ করিলে, পুত্রের জীবনে প্রয়োজন কি? তুমি মৃত্যুমুখে পতিত হইলে, আমি সর্বদা অনাথ ও অশরণ হইব। কোন্ ব্যক্তি অরণ্যে প্রতিনিয়ত আমার রক্ষা করিবে, কোন্ ব্যক্তি স্তনদান করিয়া, দারুণ জঠরানলে আমারে পরিত্রাণ করিবে? আমি ক্ষুধার সময় ছফ্কার করিয়া, কাহার ফোড়ে আরোহণ করিব? ফলতঃ, মাতার সমান নাথ নাই, মাতার সমান গতি নাই, মাতার সমান স্নেহ নাই, মাতার সমান স্মৃতি নাই এবং ইহলোকে বা পরলোকে মাতার সমান দেবতা নাই। প্রজাপতি আমার এই পরম ধর্ম নিরূপিত করিয়া দিয়াছেন। যাহারা জননীর সহিত সর্বদা বাস করে, তাহারা চরণে পরম গতি প্রাপ্ত হয়। অতএব আমি কোন মতেই তোমারে পরিহার করিব না।

নন্দা কহিল, বিধাতা আমায়ই মৃত্যু বিধান করিয়াছেন। তুমি কোথায় গমন করিবে। একের মৃত্যুতে অপরের মৃত্যু কখনই বিধেয় হইতে পারে না। যাহা হউক, আমি জন্মের মত তোমার নিকট বিদায় লইতেছি। আর কখন ইহলোকে তোমার সহিত সাক্ষাৎ হইবে না। আজি হইতেই উভয়ের সম্পর্ক ও স্নেহবন্ধন একবারেই পরিহৃত হইল। অতঃপর তুমি একাকী হইলে। অতএব যে উপদেশ দিতেছি, জননীবাক্য

বলিয়া, সৰ্বদা তাহা পালন ও তদনুরূপ অনুষ্ঠান করিবে ।  
 হে বৎস ! জলে বা অরণ্যে যেস্থানে বিচরণ করিবে, সৰ্ব-  
 দাই সাবধান থাকিবে । শাস্ত্রকারেরা পুনঃ পুনঃ বলিয়া  
 গিয়াছেন, প্রমাদ হইতে ভূতমাত্রেয়ই মৃত্যু হইয়া থাকে,  
 তাহাতে সন্দেহ নাই । লোভ বশতঃ কদাচ বিষমম্ভ তুণে  
 বিচরণ করিবে না । লোকমাত্রেই লোভের বশীভূত হইয়া,  
 ইহলোক বা পরলোক সৰ্ব্বত্র বিনাশ প্রাপ্ত হয় । লোভ  
 বশতই লোকে মোহাম্বল হইয়া সমুদ্র বা দুৰ্গম অরণ্যে  
 প্রবেশ করে । লোভ বশতঃ বিদ্বান্ ও বুদ্ধিমান্ ব্যক্তিও  
 নিতান্ত অকার্য্যের অনুষ্ঠান করিয়া থাকে । কলতঃ সমুদায়  
 সংসার লোভ হইতে, প্রমাদ হইতে ও বিস্রম্ভ হইতেই ক্ষয়  
 প্রাপ্ত হয় । অতএব কদাচ লোভ বা প্রমাদের বশবৰ্ত্তী হইবে  
 না । হে পুত্র ! সৰ্ব্বথা সৰ্ব্বপ্রযত্নে আত্মাকে রক্ষা করা  
 লোকমাত্রেয়ই অবশ্য কৰ্ত্তব্য । আত্মা রক্ষিত হইলে, সন্মু-  
 দায় সুরক্ষিত হয় । গো সকল গন্ধ দ্বারা দর্শন করে ; নর-  
 পতিগণ চার দ্বারা, পণ্ডিতগণ শাস্ত্র দ্বারা এবং চৰ্ম্মচক্ষুঃ  
 ব্যক্তিগণ চক্ষু দ্বারা দর্শন করিয়া থাকে । তুমি কদাচ ঘোর  
 অরণ্যে একাকী অবস্থান করিবে না । সৰ্বদা সাবধান  
 হইয়া, ধৰ্ম্ম চিন্তা ও ধৰ্ম্মের অনুষ্ঠান করিবে । সংসারে সৰ্ব-  
 লেরই মৃত্যু হইয়া থাকে । মৃত্যু বিধাতৃবিহিত অথগু ও  
 অপরিহার্য্য নিয়ম । আমি যখন শরীর ধারণ করিয়াছি, তখন  
 কোন না কোন সময় অবশ্যই প্রাণত্যাগ করিতে হইবে ।  
 লোকে চিন্তাই করুক আর রোদনই করুক, কেহ কাহার  
 মৃত্যু নিবারণ করিতে পারে না, অতএব তুমি কদাচ আমার  
 মৃত্যুতে উদ্বিগ্ন হইবে না । যেক্রপ কোন পথিক পথশ্রমে

কাতর হইয়া, বৃক্ষছায়া আশ্রয় করে এবং শ্রান্তি দূর হইলে, পুনরায় তাহা পরিত্যাগ করিয়া যায়, ভূতগণের সমাগমও সেইরূপ অচিরস্থায়ী। তাহার। কিয়ৎকালের জন্য এই সংসারে আগমন করে এবং কাল পূর্ণ হইলে, অবশেষে তাহা পরিহার করিয়া থাকে। কোন ব্যক্তি ইচ্ছা করিয়া এই ঐশ্বরী শক্তি বা নৈসর্গিক নিয়মের প্রতিরোধ করিতে পারে না। হে পুত্রক ! সমুদায় সংসারই অনিত্য এবং উৎপাদিমাতেই ক্ষণভঙ্গুর। লোকে যে এই অনিত্য জগতে এইপ্রকার ক্ষণবিশ্বংসী শরীর লইয়া, কিয়ৎকালের জন্য অবস্থিতি করে, তাহাই তাহার পরম লাভ। অতএব কিজন্য তুমি শোকভরে আচ্ছন্ন ও অবসন্ন হইতেছ ? এক্ষণে শোক পরিহার করিয়া, আমার বাক্য পরিপালন কর। এবং জন্মের মত মধুর বাক্যে একবার এই হতভাগিনীকে মা বলিয়া সম্বোধন কর। শুনিয়া আমার প্রাণ শীতল ও অন্তরাস্ত্রা স্নিগ্ধ হউক। বোধ হয়, আমি পূর্বজন্মে অনেক পাপ করিয়াছিলাম। এবং বলপূর্বক কোন পুণ্যবতীর ক্রোড় শূন্য করিয়া, তাহারে সন্তান ধনে বঞ্চিত করিয়াছিলাম। সেই জন্য বিধাতা আমারে তাদৃশ রত্নে এইরূপে বঞ্চিত করিলেন। হা বৎস ! হা ভুবনভূষণ ! হা লোচনানন্দদায়িন্ ! আর আমি তোমারে পুত্র বলিয়া সম্বোধন পূর্বক প্রাণ মনঃ ও শরীর শীতল করিতে পাইব না, আর আমি তোমারে স্নেহভরে ক্রোড়ে ধারণ করিয়া, এই অসার সংসার নিত্য সুখময় দিব্য ধাম বলিয়া বোধ করিতে পাইব না। বৎস ! তোমারে পরিত্যাগ করিতে হইবে বলিয়া, আমার হৃদয় বিদীর্ণ, মর্মান্বিত্তি বিণীর্ণ ও সমুদায় সংসার জীর্ণ অর-

ণ্যের ন্যায় প্রতীয়মান হইতেছে এবং দিগ্‌গুণ ও জগন্মণ্ডল শূন্য ও নিবিড় অন্ধকারাচ্ছন্ন বোধ হইতেছে। আর আমি এক্রূপ যুগ্মবু ও এক্রূপ অবসন্ন দশায় তোমার নিকট তিষ্ঠিতে পারিতেছি না। অতএব তুমি উদর পূরিয়া আমার স্তন পান পূর্বক জন্মের মত বিদায় দাও। আমি তোমার প্রসন্ন বদন হৃদয়ে চিন্তা করিতে করিতে স্থখে ও সৌভাগ্যে শরীর বিসর্জন করি।

হে ভীষ্ম! এইপ্রকার কাতর বাক্য প্রয়োগ করিতে করিতে পুত্রপ্রাণা নন্দার শোকসাগর উদ্বেল ও লোচনযুগল অবিরলনির্গলিত বাষ্পদ্বারায় পরিপূর্ণ হইয়া উঠিল; বাঙ্‌ নিষ্পত্তি-ক্ষমতা রহিত ও শরীর স্পন্দনশূন্য হইয়া গেল; সুনিবিড় অন্ধকার যেন সমুদায় সংসার আচ্ছন্ন করিয়া, তাহার দৃষ্টিমার্গ প্রতিরোধপূর্বক চতুর্দিকে বিচরণ করিতে লাগিল। তখন সে নাগীর ন্যায় উন্মত্ত ও স্তব্ধ নিশ্বাসভার বারংবার পরিহার করিয়া, অবশ ও অবসন্ন শরীরে পুনঃ পুনঃ বৎসের মস্তক আশ্রয় ও লেহন করিতে আরম্ভ করিল। এবং জননীর যত স্নেহ, যত প্রীতি ও যত মমতা তাহার পরিচয় প্রদান করিতে লাগিল। অনন্তর মহাপক্ষে বিনিময়া করিণীর ন্যায় নিতান্ত অবসন্ন হইয়া, পুনরায় বিলাপপূর্বক কাতর বাক্যে বলিতে লাগিল, পুত্রের সমান স্নেহ নাই, পুত্রের সমান স্থখ নাই, পুত্রের সমান প্রীতি নাই এবং পুত্রের সমান গতি নাই। যাহার পুত্র নাই, তাহার জগৎ শূন্য, যাহার পুত্র নাই তাহার দেহ শূন্য। পুত্র দ্বারাই লোক সকল লাভ হইয়া থাকে; পুত্র দ্বারাই নরক হইতে পরিত্রাণ পাওয়া যায়। লোকে বলিয়া থাকে, চন্দনতরু সাতিশয় শীতল : কিন্তু

আমার মতে পুত্রের গাত্র-পরিস্পর্শ চন্দন অপেক্ষাও শীতল।  
 হে রাজন্! পুত্রবৎসলা নন্দা এইরূপ বারংবার পুত্রের গুণ  
 সকল বর্ণন করিয়া, স্নেহে নয়নে স্থায়ী পুত্রের প্রতি পুনঃ  
 পুনঃ স্নিগ্ধ দৃষ্টি নিক্ষেপ করিতে লাগিল। যতই নিরীক্ষণ  
 করে, ততই তাহার স্নেহের সাগর—প্রীতির সাগর উচ্ছলিত  
 হইয়া, তদীয় হৃদয়বেলা পুনঃ পুনঃ আলিঙ্গন করিতে লাগিল।  
 অনন্তর সখীগণ ও গোপদিগকে অভিবাদন করিয়া, জননীকে  
 প্রণাম পূর্বক সাক্ষাৎ লোচনে গদগদ বচনে বলিতে লাগিল,  
 হে মাতঃ! অদ্য আমি যুথের অগ্রে বিচরণ করিতে গিয়াছি।  
 কোন যুগাধিপের হস্তে নিপতিত হইয়াছি। অনেক শপথ  
 করিতে, সে আমাকে ছাড়িয়া দিয়াছে। এক্ষণে তাহার  
 সমীপে গমন করিতে হইবে। আমি কেবল তোমাদিগকে  
 দর্শন করিবার জন্যই তাহার নিকট শপথ করিয়া আসিয়াছি।  
 এক্ষণে সকলের সহিত সাক্ষাৎ হইল। অনুমতি কর, স্থায়ী  
 সত্য পরিপালন করিয়া, সাধুলোক লাভ কর। হে মাতঃ!  
 পিতামাতার নিকটে সন্তানের অপরাধের দীমা নাই। কিন্তু  
 স্নেহময় জনক জননী নিজ গুণে সন্তানের সেই অপরাধ সমস্ত  
 ক্ষমা করিয়া থাকেন। অতএব আমি জ্ঞানতঃ বা অজ্ঞানতঃ  
 যদি কখন তোমার নিকটে অপরাধ করিয়া থাকি, তাহা  
 মার্জনা করিতে হইবে। বিধাতা তোমারই আশীর্ব্বাদে  
 আমারে যে সন্তানরত্ন প্রদান করিয়াছেন, অদ্য আমি তোমা  
 রই হস্তে তাহা সম্প্রদান করিলাম। তুমি বহুপূর্বক ইহার  
 বালন পালন করিবে এবং আমার ন্যায় স্নেহে নয়নে ইহারে  
 দর্শন করিবে। আমি নিতান্ত মন্দভাগিনী ও নিতান্ত দুর্ভাগ-  
 কারিণী। সেই জন্য অকালে তোমার সহবাস-স্থখে বঞ্চিত

হইলাম ; সেই জন্য তোমার যত্নাতিশয়-সহকৃত স্নেহাতিশয়ের পরিশোধ করিতে পারিলাম না। ভাবিয়াছিলাম, রুদ্ধকালে আমিই তোমার অবলম্বন হইব। কিন্তু দক্ষ বিধি আমারে তাহা সম্পন্ন করিতে দিল না। হৃদয়ের আশা হৃদয়েই লীন হইয়া গেল। এক্ষণে প্রসন্ন হইয়া বিদায় দাও, আমি তোমার স্নেহময়ী মধুর মূর্তি অনুধ্যান করিতে করিতে স্মৃতিহীন হইয়া, ব্যাস্রকবলে আত্মদেহ বিসর্জন ও প্রতিকূল দৈবের প্রতিকূল আত্মা প্রতিপালন করি। তোমায়ে আর অধিক বলিবার প্রয়োজন নাই। আমি আপনারই দারুণ অদৃষ্টভার বহন করিতে চলিলাম, তুমি রথারোহণ করিও না। বিধাতা আমারে যে জন্ম সংসারে স্বল্প দিনের জন্ম পাঠাইয়া দিয়াছিলেন, আজি তাহার নিয়ম পূর্ণ হইল। তুমি কেবল ইহাই ভাবিয়া, অদ্য আমারে বিদায় প্রদান কর :

এইপ্রকার বলিতে বলিতে মাতৃভক্তা পুত্রপ্রাণা নন্দার কোমল হৃদয় শতধা বিদীর্ণ হইয়া গেল এবং দরদরিত ধারায় বাষ্পবারি বিগলিত হইয়া, ধরাতল ভাসাইয়া দিল। ফলতঃ পুত্র ও মাতৃবিয়োগ যুগপৎ সংঘটিত হওয়াতে তাহার অবস্থা চক্রবাকবিরয়োজিতা চক্রবাকীর ন্যায়, আশ্রয়তরুবিরহিতা ধরাপতিতা লতার ন্যায় এবং যষ্টিহীন। পথভ্রান্তা অন্ধার ন্যায়, নিরতিশয় শোচনীয় হইয়া উঠিল। হে ভীষ্ম! পুত্রকে পরিত্যাগ করিতে তাহার কোন মতেই ইচ্ছা ছিল না। অতএব একবার কিয়দূর গমন, আরবার প্রত্যাবর্তন এইপ্রকারে বারংবার যাতায়াত করিতে লাগিল। পদে পদেই তাহার পদদ্বয় স্থলিত হইতে লাগিল। অবশেষে অতি কষ্টে উচ্ছলিত স্নেহবেগ কথঞ্চিৎ সংবরণ করিয়া,

স্বত্বপদনক্ষারে যেখানে সেই বরাদ্দদ্বৈতাসম্পন্ন মাংস  
ভয়ানক ব্যাঘ্র অবস্থিতি করিতেছে, তথায় গমন করিল।

এদিকে জননীকে প্রস্থান করিতে দেখিয়া, মাতৃপ্রাণ  
দুঃখপোষ্য বৎস নিরতিশয় ব্যাকুল হইয়া উঠিয়া  
মাতৃবিয়োগ কোন মতেই তাহার সহ্য হইল না। তখন  
চতুর্দিক শূন্যময় অবলোকন করিয়া, উর্দ্ধপুচ্ছ হইয়া, হ  
বেগে ধাবমান হইল এবং জননীর অগ্রেই ব্যাঘ্রের সম্মুখে  
সমাগত হইল। তাহারে দর্শন করিয়া, পুত্রবৎসলা  
প্রাণ উড়িয়া গেল। পাছে ব্যাঘ্র আপনার সম্মুখে  
সন্তানকে ভক্ষণ করে, এই ভাবিয়া সেই স্মৃতি নন্দা নিঃশ  
শয় ব্যাকুল হইয়া, দর্শনমাত্র ব্যাঘ্রকে সম্বোধন পূর্ব  
বলিতে লাগিল, হে মহাকায় ! ধর্ম্ম একমাত্র সত্যে সর্ব  
অধিষ্ঠিত রহিয়াছে এবং সমুদায় জগৎ একমাত্র সত্য  
বেই অবস্থান করিতেছে। আমি এই সত্যের অনুরোধে  
তোমার নিকট প্রত্যাগমন করিলাম। এক্ষণে তুমি ম  
মাংসে অভিলাম্বনরূপ তৃপ্তি লাভ কর। হে মহাবল !  
ভূত পরিহৃত হউক, তুমি আমার শোণিত পান কর। আ  
উপরতা হইলে পর, আমার এই পুত্রকে ভক্ষণ করিও।

দ্বীপা ভাবিয়াছিল, কোন্ ব্যক্তি ইচ্ছা করিয়া হ  
কবলে পতিত হইতে অভিলাম্বী হয়। অতএব নন্দা  
নই প্রত্যাবৃত্ত হইবে না। কিন্তু এক্ষণে তাহারে সম্মুখ  
সম্মুখীনা দেখিয়া, তাহার অন্তঃকরণে অভূতপূর্ব বিস্ম  
রসের সঞ্চার হইল। তখন সে গদগদ বাক্যে বলি  
লাগিল, হে কল্যাণি ! হে সত্যবাদিনি ! তোমার স্বাগত  
অথবা সত্যবাদিগের ক্ৰোধপি কোন রূপ অশুভ সঞ্চার

সম্ভাবনা নাই। যাহা হউক, হে ধেনুকে ! তুমি পূর্বে বলিয়াছিলে, সত্যই প্রত্যাগমন করিবে। ইহাই আমার কৌতূহল হইতেছে, তুমি গমন করিয়া পুনরায় কিরূপে প্রত্যাবৃত্ত হইলে ? আমি কেবল সত্যপরীক্ষার জন্মই তোমারে পাঠাইয়াছিলাম। অন্যথা, আমার হস্তে পতিত হইয়া, জীবিত শরীরে কিরূপে গমন করিতে পারিবে ? তুমি পুত্রের সহিত আগমন করিয়াছ, ইহাতেই আমার কৌতূহল উপস্থিত হইয়াছে। এক্ষণে আমি এই সত্য-সুরোধেই তোমারে মুক্তিদান করিলাম। অতঃপর তুমি আমার ভগিনী, আর তোমার পুত্র ভাগিনেয় হইল। আমার হস্তে তোমাদের আর অণুমাত্র ভয় সম্ভাবনা নাই। তুমি ব্যথচ্ছ গমন কর। লোক সমুদায় সত্যে প্রতিষ্ঠিত আছে এবং ধর্ম এই সত্যে অধিষ্ঠিত রহিয়াছে। গো সকল সত্য প্রভাবেই নরকদা ইহলোকে ক্ষীরধারা মুগ্ধন করিয়া থাকে। তুমি যারপর নাই সত্যবতী ।। যে ব্যক্তি তোমার ক্ষীরপান করিয়া জীবন ধারণ করে, সেই ধন্য। তুমি যেখানে অবস্থান কর, সেই প্রদেশ এবং তত্রস্থ তৃণলতা সকলও ধন্য। অধিক কি, যাহারা তোমার পয়ঃ-সার পয়ঃ পান করে, তাহারাই ধন্য, তাহারাই মান্য এবং তাহারাই স্মৃতির অনুষ্ঠান করিয়াছে।

হে রাজেন্দ্র ! মহাবল দ্বীপী গোগণের এই প্রকার সত্যনিষ্ঠা অবলোকন করিয়া, পুনরায় বলিতে লাগিল, অতঃপর আমি এরূপ কার্যের অনুষ্ঠান করিব, যদ্বারা আমার পাপনির্হরণ হইতে পারে। আমি প্রতিদিন শত-সহস্র জীব সংহার ও ভক্ষণ করিয়াছি। বলিতে পারি না,



গোর ঈদৃশী সত্যপরায়ণতা দর্শন করিয়া, কিরূপ প্রাপ্ত হইব। আমি অতিশয় পাপাত্মা, ছুরাচার, ও জীবগণের সংহারক। যেরূপ দারুণ কার্যের আয়োজন করিয়াছি, তাহাতে আমার ভাগ্যে কিরূপ লোক লাভ হইবে বলিতে পারি না। যাহা হউক, আমি পবিত্র সীমা সমুদায়ে গমন করিয়া পাপরাশি শোধন করিব, অথবা গিরিবরে আরোহণ করিয়া ধরাতলে পতিত বা ক্ষত হুতাশনে প্রবিষ্ট হইব। কিংবা আত্মপরিশুদ্ধির জন্য সন্তপ্ত রই আদেশানুসারে তপশ্চরণ করিব। হে সত্যবাদী, কিরূপ তপোবুষ্ঠান করিব, সংক্ষেপে নির্দেশ কর। আমার সময়ের কাল নাই।

ধেনু কহিল, সত্যযুগে তপস্যা, ত্রেতাযুগে জ্ঞান এবং দ্বাপরে যজ্ঞ এবং কলিযুগে একমাত্র জ্ঞান প্রশস্ত থাকে। সমুদায় দানের মধ্যে সর্বভূতে অভয় দান একমাত্র শ্রেষ্ঠ এবং ইহার পর দান আর নাই। অতীত সর্বপ্রযত্নে এই দানের অনুসরণ করিবে। সে ব্যক্তি চরাচর সর্বভূতে অভয় দান করে, সে সর্বত্র বিদ্যমান হইয়া, পরব্রহ্ম প্রাপ্ত হয়। অহিংসার সমান জ্ঞান নাই, অহিংসার সমান তপস্যা নাই, যেরূপ হস্তিপদে তপ পদ সমস্ত বিদ্যমান হয়, সেইরূপ অহিংসা দ্বারা সমস্ত অদর্শ লয় প্রাপ্ত হইয়া থাকে। এই অহিংসা দেহের বৃক্ষের ত্রিতাপনাশিনী ছায়া, ধর্ম ও জ্ঞান ঐ বৃক্ষের পুষ্প স্বর্গ ও মোক্ষ ইহার ফল। যাহারা দুঃখত্রয়রূপ দিব্যলোহিত তাপে সন্তপ্ত, যোগতরুর এই ছায়া তাহাদের শীতল সাধন করে। তাহারা ইহার আশ্রয়ে সম্যকরূপ নির্ভর

লাভ করিয়া, পুনরায় দুঃখে অভিহত হয় না । এই আমি তোমার নিকট পরম শ্রেয়ঃ সংক্ষেপতঃ কীর্তন করিলাম, তুমিও সমুদায় সৰ্ব্বতোভাবে পরিজ্ঞাত আছ, কেবল আমাকে জিজ্ঞাসা করিতেছ ।

দ্বীপী কহিল, আমি পূৰ্বে যুগী শাপে এই দারুণ ব্যাস্ত্ররূপ প্রাপ্ত হইয়াছি । প্রতিদিন শত শত প্রাণিহত্যা করিয়া, আমার পাপের এক শেষ উপস্থিত হইয়াছে । অদ্য তোমার সংসর্গ ও উপদেশ বলে আমার বিনষ্ট স্মৃতি পুনরুদ্ধৃত হইল । হে শুভে ! পূর্ণ শতাব্দী অতীত হইল, এই জঘন্য ব্যাস্ত্রশোণিতে পতিত হইয়াছি । সৌভাগ্য বশতঃ কতদিনে তোমার সহিত সাক্ষাৎ হইবে, কেবল ইচ্ছাই চিন্তা করিয়া, এই দুঃখসহস্রপরিমস্কুল যাতনাময় বর্ষশত কথঞ্চিৎ অতিবাহিত করিয়াছি । অদ্য প্রতিকূল বিধির অতিক্রান্ত অগ্রহে তোমার সহিত সাক্ষাৎ হইল । তুমি ধর্ম্মের আশ্রয় ও সৰ্ব্বথা সাধুমাৰ্গ প্রতিষ্ঠিত । হে কল্যাণি ! তোমার নাম কি ?

নন্দা কহিল হে মহাসত্ত্ব ! মদীয় স্বামী নন্দ আমার নাম নন্দা রাখিয়াছেন । যাহা হউক, তুমি এক্ষণে আমারে নির্ভয়ে ভক্ষণ কর । কিজন্য বিরক্ত করিতেছ ?

হে ভীষ্ম ! তাহার নাম নন্দা শ্রবণ করিয়া, মহীপতি প্রভঞ্জন তৎক্ষণাৎ শাপমুক্ত ও পুনরায় নিজস্বরূপ প্রাপ্ত এবং বলকপদমণ্ডিত হইলেন । ইত্যবসরে সাক্ষাৎ ধর্ম্ম সত্যবাদিনী নন্দাকে অবলোকন করিবার জন্য তথায় সমাগত হইয়া, স্নেহ-সংপ্লুত মধুর বাক্যে বলিতে লাগিলেন, হে নন্দ ! আমি ধর্ম্ম ; তোমার সত্যনিষ্ঠায় পরম হৃষ্ট

হইয়া, আগমন করিয়াছি। তোমার কল্যাণ হউক।  
এক্কেণে অভিলষিত বর বরণ কর। ধর্ম্ম স্বয়ং মূর্ত্তিমান হইয়া,  
এইপ্রকার বাক্য প্রয়াগ করিলে, নন্দা বর প্রার্থনা করিয়া  
বলিল, আমি যেন আপনার অনুভাবে পুত্রের সহিত অক্ষয়  
পদ লাভ করি। ইহাই আমার প্রার্থনা।

হে রাজন্! নন্দা তৎক্ষণাৎ ধর্ম্মের বরদান প্রভা  
সত্যানদিগের শুভস্থান লাভ করিল। রাজা প্রভঞ্জনও আপ  
নার পূর্ব্বোপার্জ্জিত রাজ্য সম্পত্তি প্রাপ্ত হইলেন। এইরূপে  
নন্দা নাম্নী ধেনু সরস্বতীতীরে স্বর্গ লাভ করিয়াছিল; সে  
জন্য পণ্ডিতাণ সরস্বতীকে নন্দা নামে অভিহিত ক  
থাকেন। ফলতঃ ধর্ম্মের বরদান জন্যই তাহার নাম ন  
হইয়াছে। এই নন্দানাম্নী সরস্বতী তথায় খজ্জুরীবন আ  
করিয়া, নবাত্মার অকুরোধে দক্ষিণ হইতে প্রতিনিবৃত্ত হই  
য়াছেন। যে সকল পণ্ডিত আগমন করিতে করিতেও তাঁহা  
নাম গ্রহণ করেন অথবা যে সকল শুভকর্মা তথায় করে  
পরিহার করেন, তাঁহারা বিদ্যাধরের রাজা ও স্বর্গে অধি  
হইয়া থাকেন। সেই সরস্বতীতে স্নান ও পান করিলে, নিম  
য়ই স্বর্গলোক লাভ করিতে পারা যায়। যাহারা পরম স  
হিত হইয়া, অক্টমীতে তথায় স্নান করে, তাহারা স্বর্গে  
পূর্ব্বক সর্ব্বদা সুখ ও আনন্দ সন্তোষ করিয়া থাকে।  
সরস্বতী স্ত্রীদিগের মৌভাগ্য সমুৎপাদন করেন। যে সক  
ললনা তৃতীয়া তিথিতে তথায় অনশনব্রতের অনুষ্ঠান ক  
তাহারা মৌভাগ্যভাজন হয়, সন্দেহ নাই। এই সরস্বতী  
করিলেও পাপসময় তিরোহিত হইয়া যায়। ইহাতে  
কোন ব্যক্তি তাহার সুপবিত্র সলিল স্পর্শ করে, তাহাকে

মুনীশ্বর বলিয়া অবগত হইবে । যে ব্যক্তি এখানে রক্ত দান করে, সে রূপবান হয় । কলতঃ, স্বয়ং ব্রহ্মা এই নদী বিনির্মিত করিয়াছেন । ইহা মেরুপ পবিত্র, সেইরূপ পবিত্রশীল জনগণে সুরম্য । তীর্থ ও অয়তন সকল ইহার তটভূমি অলঙ্কৃত করিয়া, শোভা পাইতেছে । সিন্ধু ও মুনিগণ সৰ্বদা সেই সকল তীর্থের সেবা করিয়া থাকেন । স্নান, পান, দান অথবা অন্য কোন রূপে ইহার সেবা করিলে, ধর্ম সমুৎপন্ন হইয়া থাকে; ইহার তীরে স্নান, দান বা জপ করিলে, অক্ষয় ফল লাভে সমর্থ হওয়া যায় । দেবেন্দ্রগণ ধান্য প্রদান এবং জল দান শ্রেষ্ঠ বলিয়া থাকেন । লোকে তত্তৎ তীর্থে নাহা দান করে, তাহাই ধর্মের হেতু, স্বর্গের সেতু ও উৎকৃষ্ট বলিয়া নিদ্বিষ্ট হইয়াছে । প্রমদা বা পুরুষ প্রবহনসহকারে তথায় প্রায়োপবেশন করিলে, ব্রহ্মগৃহে গমন করিয়া, যথেষ্ট-রূপ ভুক্তি ফল প্রাপ্ত হয় । স্থাবর বা জঙ্গম যে কেহ তাহার উপকণ্ঠে বাস করে, তাহারই কর্মক্ষয় এবং দান ও যজ্ঞের দুঃপ্রাপ্য ফল প্রাপ্তি হইয়া থাকে । হে রাজেন্দ্র ! এই রুচিরফলা সরস্বতী দুষ্কৃতচেতা মানবগণের জন্মার্জিত পাপরাশি বিনাশ করিয়া, ধর্মফল প্রদান করেন । অতএব মনুজ-গণ সর্বদা সর্বপ্রযত্নে এই মহানদীর সেবা করিবে ।

## উনবিংশতিতম অধ্যায় ।

ভীষ্ম কহিলেন হে ব্রহ্মন ! আমি পুষ্কর ও নন্দাতীর্থের সমস্ত মাহাত্ম্য শ্রবণ করিয়াছি । ঐ শ্রেষ্ঠ পুষ্করতীর্থে

কোটি কোটি ঋষিগণ সমাগত হইয়া থাকেন। ঐ সকল ঋষি  
মুপদর্শনিতীর্থে পরস্পর স্বীয় মূখ অবলোকন করিয়া  
একাকারে মনোহর রূপসৌন্দর্য্য প্রাপ্ত হইয়া থাকেন, আপ-  
নার প্রসাদ এ সমস্ত বিনয় শ্রুত হইয়াছে। হে ঋষি-  
জ্ঞানার প্রতি কৃপা করিয়া যজ্ঞ প্রবৃত্তির কথা পূর্বের  
হইয়াছেন, তাহা শুনিয়া, আমার বিশেষ ভূপিতাভ হয় না  
অধুনা সেই সমস্ত বিবরণ আমার নিকট প্রকাশ করুন।  
অপর সেই মহাত্মা ঋষিগণ কিরূপে যজ্ঞ বিভাগ  
করিয়াছেন এবং পূর্বকালে কোন্ ব্যক্তি কর্তৃক  
দান ও বাটী নিশ্চিত হইয়াছে? হে ব্রহ্মন! গঙ্গা ও  
সরস্বতী নদী ইহারা ভূনগ্নন হইয়া কি কারণে উভয়  
প্রবাহিত হইতেছেন? বেদজ্ঞানপরায়ণ ব্রাহ্মণবৃন্দ  
বা পুষ্কর যাত্রা করিয়া থাকেন? হে যোগিশ্রেষ্ঠ ভগবান  
ত্রেতাযুগকালীন এই পুষ্কর তীর্থ দর্শনাদি করিলে, পুরাণ  
বাদ্শ ফললাভ করিয়া থাকেন, তৎসমুদায় অনুগ্রহ পূর্বক  
বলিতে আচ্ছা হউক।

পুলস্ত্য বলিলেন, হে কুরুকুলকতিনক ভীষ্ম! তুমি  
এই প্রশ্ন সাতিশয় দুর্লভ ভাবে পরিপূরিত, অতএব  
পুত্র! তুমি একাগ্রমনা হইয়া তীর্থ সম্পর্কীয় মহৎ  
সমুদায় শ্রবণ কর। হে রাজেন্দ্র! যে ব্যক্তির হস্ত  
ও অন্তঃকরণ সংগত হইয়াছে, উক্ত ইন্দ্রিয়াদি দ্বারা  
প্রকার পাপাচরণে প্রবৃত্তি হয় না, এবং যাহার  
তপস্যা ও কীর্তি বিখ্যাত আছে, সেই ব্যক্তি অনায়াসে  
তীর্থফল ভোগ করিতে পারে। ইহা ঋষিদিগের পক্ষে  
পরম গুহ্য বলিয়া প্রসিদ্ধ, কিন্তু হে ভরতকুলোদ্ভব!

তোমারে ঐ সমস্ত তীর্থ ফল অবগত করাইব ; তুমি সাবধান হইয়া মনোমধ্যে ইহা ধারণ করিয়া রাখিবে। হে মহারাজ ! পূর্বের যৎকালে পরমেশী হিরণ্যগর্ত্ত ব্রহ্মা এই শুদ্ধকর তীর্থে মহৎ বজ্রাৰুষ্ঠান করিয়াছিলেন তখন কোটি কোটি ঋষিগণ ও উগ্র তপস্বী যোগিগণ পিতামহের দর্শনে-  
 ছায় তথায় সমাগত হইলেন। এবং ঐ সমস্ত মহাত্মগণ মুখদর্শন তীর্থ আশ্রয় পূর্বক জ্যেষ্ঠ পুঙ্করতীর্থে অবস্থিতি করিতে লাগিলেন। হে ভীষ্ম ! মুখদর্শন তীর্থ প্রভাবে ঐ মহাত্মা মুনিসত্তমগণ নিবা রূপলাবণ্য প্রাপ্ত হইয়া অতিশয় প্রীত হইলেন। ব্রহ্মদর্শনাকাজ্ঞী সেই ঋষিগণ এই অত্যদ্ভুত ব্যাপার অবলোকন পূর্বক আশ্চর্য্যদপূর্ণ হৃদয়ে ঐ তীর্থের ভূয়সী প্রশংসা করিতে লাগিলেন।

হে রাজেন্দ্র ! এইরূপে ব্রহ্মগজ্ঞ আরম্ভ হইলে ঐ সমস্ত ঋষিগণ যজ্ঞভূমির চতুর্দিকে সমাগত হইলেন। এবং তীর্থ-  
 বিভাগপূর্বক ভক্তিপরায়ণ হইয়া যজ্ঞকর্ত্তা জগদাদি পুরুষ ব্রহ্মার স্তব করিতে লাগিলেন। পিতামহ ব্রহ্মা মনীষী ঋষি-  
 দেব স্তুতিবাক্যে সমস্ত হইয়া, কহিলেন, হে ঋষিগণ ! আমি তোমাদের প্রতি প্রীত হইয়াছি, অন্য হইতে তোমাদের অনুষ্ঠিত ধর্ম্ম বুদ্ধি প্রাপ্ত হইব। যে সকল ব্যক্তি রূপার্থী ও দুঃপ্রাপ্য পুঙ্করতীর্থে সমাগত হইয়া, সর্ব্বাঙ্গে তদীয় মলিনে সর্ব্বশরীর মজ্জন করে, তাহারা রূপবান্ হইয়া থাকে, কোন সন্দেহ নাই। মুখদর্শন তীর্থ লোকদিগকে উত্তমরূপ প্রদান করে। অতএব অধুনা ইহা রূপতীর্থ বলিয়া বিখ্যাত হইবে। হে কুরুবংশভূষণ রাজেন্দ্র ভীষ্ম ! শত-  
 শোভনমণ্ডল পুঙ্করতীর্থ মধ্যে এইরূপ তীর্থ দীর্ঘে দশযোজন

এবং সার্বভৌমত্ববিস্তার, ইহা সর্বদা সামিকোটি  
 পরিবৃত্ত। হে অরিন্দম ! যজ্ঞসমূহমাধ্যো রাজসূয় ও  
 মেধ অতিশয় ফলপ্রদ, কিন্তু মনুষ্য এই পুষ্কর তীর্থে  
 করিবামাত্র অনায়াসে এই ক্রতুদ্রয়ের অপেক্ষা অধিক ফল  
 লাভ করিয়া থাকে। হে নৃপালচূড়ামণে ! পুণ্যতমা সামিকোটি  
 শেষ পুষ্করে প্রবেশ করিয়াছেন, ব্রহ্মাদি দেবতারূপে, সামিকোটি  
 সিদ্ধ ও চারণবর্গ চৈত্রশুক্লা ত্রয়োদশী তিথিতে শেষ  
 প্রাণিক্তা সরস্বতী তীর্থে গমন করিয়া থাকেন। যাহারা  
 সরস্বতী তীর্থে দেবার্চনতৎপর হইয়া অভিমেক করে তঁহাদের  
 অক্ষয়কল লাভ হইয়া থাকে। এবং তাহারা স্বীয়  
 উচ্চাঙ্গকরিয়া থাকে। হে মহারাজ ভীষ্ম ! ব্রহ্মা  
 সমাগত মহর্ষিগণ এইরূপে তীর্থবিভাগ সমাধা করিয়া  
 ছিলেন। যাহারা এই তীর্থ বিভাগ শ্রবণ করে, তা  
 বহুল সুখসমৃদ্ধিসম্পন্ন হইয়া সুপবিত্র বিনয়লোকে  
 গমন করিয়া থাকে। হে ভীষ্ম ! মানব এই তীর্থে স্নান করি  
 নিশ্চল হয় এবং ব্রহ্মলোকে গমন করে ও তাহার  
 গতিলাভ হয়। পুষ্করতীর্থের নাম উচ্চারণ মাত্র মহাপাত  
 বিনষ্ট হইয়া যায়, ইহা ত্রিলোকে দেবদেবের তীর্থ বর্ষ  
 প্রসিদ্ধ। হে কুরুকুলানন্দবর্দ্ধন ! দশকোটি সহস্র  
 ত্রিসংখ্য কালীন এই তীর্থের সাম্রিধ্যে বিরাজিত হইয়া থাকে।  
 এবং এই পুষ্কর তীর্থে আদিত্যগণ, বসুগণ, রুদ্রগণ, সাধ্যগণ  
 মরুতগণ এবং গন্ধর্বা ও অপ্সরারূপে নিয়ত সম্মিহিত হইয়া  
 আছেন। যে ব্যক্তি তীর্থশ্রেষ্ঠ পুষ্কর তীর্থে তপস্যাচর্য  
 পূর্বক দেবতা ও পিতৃগণের তর্পণ করে, সে শ্রেষ্ঠ ভে  
 ভোগকরে এবং অন্তে স্বর্গ লোকে গমন করিয়া থাকে। ব্রাহ্ম

ক্ষত্রিয়, বৈশ্য, দেবতা ও ব্রহ্মর্ষিগণ এই মহাতীর্থ পুষ্করে স্নান করিবারাত্র নির্মলান্তঃকরণ হইয়া থাকেন। মহাতীর্থ পুষ্করে গমনকরা দূরে থাকুক, মনোমধ্যে ইহার নাম চিন্তা করিলেই সমস্ত কল্মস বিনষ্ট হইয়া যায় এবং স্বর্গলোকেও পূজা প্রাপ্ত হয়। হে রাজেন্দ্র! এই পুষ্কর তীর্থে লোকপিতামহ ব্রহ্ম দেবদানবগণের সম্মতিক্রমে নিয়ত বিরাজিত রহিয়াছেন। দেবতা ও ঋষিগণ পুষ্কর তীর্থে গমনমাত্র শুদ্ধচিত্ত এবং মহৎ সিক্তি ও শ্রেষ্ঠপুণ্য প্রাপ্ত হইয়া থাকেন। যে ব্যক্তি তথায় গাইয়া দেবতা ও পিতৃগণের অর্চনাপরায়ণ হইয়া অভিষেক করে, মনীষিগণ কহিয়া থাকেন যে ঐ ব্যক্তি অশ্বমেধ অপেক্ষাও দশগুণাদিক ফল প্রাপ্ত হয়। হে ভীষ্ম! যদিও কোন ব্যক্তি পুষ্করারণ্য-মধ্যে এককাল ব্রাহ্মণ ভোজন করাইতে পারে, তাহা হইলে ঐ পুণ্যপ্রভাবে সে সাতিশয় প্রীত হইয়া কোটি কোটি বিপ্রগণ কর্তৃক দেবতা পূজিত হয় এমত নহে, সেই পুণ্যের ফলে ইহলোক ও পরলোক মধ্যে স্তখে কালাতিপাত করিয়া থাকে। বিচক্ষণ ব্যক্তিগণ পুষ্কর তীর্থে শাক, মূল, ফল প্রভৃতি দ্রব্য পিতৃলোকের আরাধনা করিয়া দক্ষিণাসমেত ঐ সমগ্র আত্মীয় দ্রব্য ব্রাহ্মণদিগকে প্রদান করিয়া থাকেন, তাঁহারা ঐ কর্ম অগৃষ্ঠান দ্বারা হয়মেধ যজ্ঞের ফল লাভ করেন। হে কৌরব! এই পুষ্কর তীর্থ বৈখানন, সিদ্ধগণ ও মুনিদিগকে সর্বদা পুণ্য প্রদান করিয়া থাকে। হে রাজসত্তম! ব্রাহ্মণ, ক্ষত্রিয় ও বৈশ্য এই তীর্থে আগমন করিলে পিতামহ ব্রাহ্মার নায় পুণ্যসঞ্চয় করিয়া অন্তিমে ব্রহ্মলোক প্রাপ্ত হয়। এখানে দেবাদিদেব মহাযোগী মধুমুদন বিরাজিত আছেন



এবং পুণ্যতম। সরস্বতী এখান হইতে উৎপন্ন। হইয়াছে।  
 যদি কোন হীনবর্ণ ইহাতে স্নান করে, তীর্থমাহাত্ম্য অনু-  
 সারে সেও বর্ণশ্রেষ্ঠ ব্রাহ্মণের লাভ করিয়া থাকে। মহাত্মা দেব  
 দেব মধুসূদনের এই তীর্থে স্নান করিলে আর জন্ম  
 করিতে হয় না। হে ভীষ্ম ! আমি শুনিয়াছি, যদি  
 কার্তিক মাসে পুষ্কর তীর্থে গমন করে, তবে তাহার  
 ফল লাভ হয়। বিশেষতঃ যদি কোন ব্যক্তি সায়াং  
 অথবা প্রভাত সময়ে বন্ধাজলি হইয়া তীর্থশ্রেষ্ঠ পুষ্কর  
 স্নান করে, তাহার শরীরে পাপরাশি আর কদাপি থাকে  
 করিতে পারে না। হে কৌরবেন্দ্র ! পুষ্করতীর্থে তপস্যা  
 করিলে সমুদয় তীর্থানুষ্ঠিত তপস্যার ফল লাভ হয়। কোন  
 অথবা পুরুষ জন্মাবধি যে সকল পাপ আচরণ করিয়া  
 পুষ্কর তীর্থে স্নান করিলে তাহাদের ঐ সমস্ত পাপ তৎক্ষণাৎ  
 অপসারিত হইয়া যাইবে। সমস্ত দেবগণমধ্যে মদ্রপ লোক  
 বিধাতা পিতামহ ব্রহ্মা শ্রেষ্ঠ বলিয়া পরিগণিত আ-  
 র্য্য অসংখ্য তীর্থ মধ্যেও এই সুবিখ্যাত পুষ্কর তীর্থ সেই প্র-  
 শ্রেষ্ঠ নির্ণীত হইয়াছে। হে কৌরব ! যদ্যপি কোন ব্যক্তি  
 ইন্দ্রিয় সংযম পূর্বক দশবর্ষ কাল পুষ্করতীর্থে বসতি করি-  
 পায়ে, তাহা হইলে ঐ ব্যক্তি সংসারে যত প্রকার যজ্ঞ  
 ঋত্নের বিধি বিহিত আছে, তৎসমুদায় আচরণের পুণ্য  
 অনায়াসে প্রাপ্ত হইবে এবং ব্রহ্মলোকে গমন করিবে সন্দে-  
 নাই। অপর, যে ব্যক্তি পুষ্করতীর্থে পূর্ণ শতবর্ষ কাল অ-  
 হোত্রের উপাসনা করে, সে বাজপেয় যজ্ঞের ফললাভ  
 করিয়া বিষ্ণুলোকে গমন করিবে। হে বীর ! যদিও সংসার  
 দুর্গম তীর্থ অনেক আছে তথাপি কোন না কোন উপায়ে

সকল তীর্থে যাওয়া যায়, কিন্তু পুষ্করতীর্থে গমন করা অতি দুষ্কর। এই তীর্থশ্রেষ্ঠ পুষ্করসনিলে স্নান করাও সহজ নহে, তাহাতেও অনেক প্রতিবন্ধক ঘটয়া থাকে, পুষ্করতীর্থে তপস্যাচরণ করিতেও অনেক সূকৃতির আবশ্যক করে, এই তীর্থের ধ্যান করাও দুষ্কর। ব্রাহ্মণ পুষ্করতীর্থে গমন করিয়া জ্যেষ্ঠ পুষ্করজলে স্নান করিলে মোক্ষভাগী হইয়া থাকেন, আর শ্রাক্ষ অনুর্তানে পিতৃতারক মধ্যে পরিগণিত হন। নামমাত্র কোন ব্রাহ্মণ পুষ্করতীর্থে সন্ধ্যোপাসনা করিলে দ্বাদশবার্ষিক সন্ধ্যোপাসনার ফল পাইতে পারে, ইহাতে কোন সংশয়ই নাই। কারণ পূর্বের স্মরণে ব্রাহ্মণ এই প্রকার বাক্য প্রয়োগ করিয়াছেন যে, ঐ বিপ্রেত্র বংশে নাবিত্রী পতন দোষ কদাপি স্থান পাইতে পারে না। অতএব হে ভীষ্ম! সংযত হইয়া পুষ্করতীর্থে বাস করা অতীব শুভদায়ক। পুষ্করতীর্থের আর এক চমৎকার প্রভাব দেখ, পতিতংপরা কোন কামিনী ভর্তার সন্ধ্যোপাসনা করিবার নিমিত্ত যদি তাত্রপাত্রে পুষ্করতীর্থ জল আনিয়া বর্ষে বর্ষে প্রদান করে তবে সেই পুণ্যফলে সমস্ত পাপ হইতে পরিমুক্ত হইয়া স্বর্গ লাভ করিয়া থাকে। এবং স্বর্গ স্তম্ভ ভোগাবসানে ব্রহ্মলোক প্রাপ্ত হইয়া ব্রহ্মার পরিমিত দিবস পর্য্যন্ত তথায় অবস্থিতি করে। যে ব্যক্তি সায়াংসময়ে একাকী অবস্থিত হইয়া ধ্যান পূর্বক পুষ্করতীর্থের আদ্যতোয়ে সন্ধ্যার বন্দনা করে, তদ্বারাই তাহার দ্বাদশবার্ষিকী সন্ধ্যোপাসনার ফল হয় ইহাতে কোন সন্দেহ নাই। হে রাজসদ্রম! যাহারা এই পুষ্করতীর্থের দক্ষিণদিগ্ সমাশ্রয় পূর্বক গায়ত্রী জপ সমাধানান্তে পিতৃ তর্পণ করিয়া থাকে, তাহাদের পিতৃগণ

এই অনুষ্ঠান দ্বারা দ্বাদশবার্ষিকী পরমা প্রীতি লাভ করা  
 আদ্য পিণ্ডে তৃপ্ত হইয়া, অমৃত ভোজন করিয়া থাকেন।  
 হে ভীষ্ম ! বিবানগণ এই কারণেই দারপরিগ্রহ করে, দেহ,  
 সন্তান তীর্থে যাইয়া আত্মানুষ্ঠান পূরক পিতৃলোককে  
 পিণ্ডদান দ্বারা পরিতুষ্ট করিবে। এই বিষয়ে অয়ং পিতৃলোক  
 এই কথা বলিয়াছেন যে, যাহারা তীর্থস্থলে শ্রাদ্ধ দ্বারা  
 পিতৃলোকের তৃপ্তি সাধন করে, তাহাদের সন্তানসমৃদ্ধি  
 ধনধান্য কদাপি বিচ্ছিন্ন না হইয়া নিরন্তর বর্দ্ধিত হয়  
 ফলতঃ পুষ্করতীর্থে দেবতা ও পিতৃগণের তৃপ্তি  
 করিলে অগ্নিস্টোম যজ্ঞের ফল লাভ হইয়া থাকে।

হে ভূপতে ! পুষ্করতীর্থে যে সকল আশ্রম সংস্থাপিত  
 ছিল, আমি তৎসমুদায় তোমার নিকট কহিতেছি, এত  
 শ্রমনা হইয়া শ্রবণ কর। মহাত্মা অগস্ত্য এই স্থানে  
 গণের সম্মত আশ্রম সংস্থাপন করিয়াছিলেন। পরম  
 যতিগণ ও সপ্তর্ষিগণের আশ্রম ও তথায় দৃষ্ট হইল,  
 তথায় নাগদিগের যে সমস্ত পুরী সংস্থাপিত ছিল,  
 সৌন্দর্য্যের কথা আর কি কহিব। হে মহারাজ !  
 নিকট যে সমস্ত আশ্রমবাসিগণের কথা উল্লেখ  
 তন্মধ্যে মহাত্মা অগস্ত্য সাতিশয় প্রভাবসম্পন্ন,  
 মহাত্মা অগস্ত্যের উৎকট প্রভাব বর্ণনাকরিতেছি,  
 মন্য হইয়া শ্রবণ কর, উহা শ্রবণ করিলে সন্দেহ  
 বিনষ্ট হইয়া থাকে।

হে ভীষ্ম ! পূর্বকালে কৃতযুগে যুদ্ধভর্মদ পরম  
 দারুণ ক্রুর ও প্রসিক্ত কালেয়নামক দৈত্যগণ অতিশয়  
 হইয়া, অতিউগ্রবীৰ্য্য বৃত্রাসুরকে নেতৃত্বপদে বরণ

ইন্দ্রাদি সমস্ত দেবতারূপের প্রতি ধাবিত হইতে লাগিল।  
 হে দীর্ঘ ! মহোৎসবোৎসব কালেয়গণ নানাবিধ প্রহরণ ও  
 বিবিধ শস্ত্রসমায়ুক্ত ছিল। এইরূপে দৈত্যগণ অমর নিক-  
 রের উপর দৌরাভ্যা আরম্ভ করিলে, যাহারা সেই দুষ্ক কাল-  
 কেয়গণের অধিপতি বৃত্রাসুরের বিনাশে যত্ন করিতে লাগি-  
 লেন। এবং দেবরাজ পুরন্দরকে অগ্রে স্থাপনপূর্বক সুর-  
 জ্যেষ্ঠ পিতামহসমীপে উপস্থিত ও বন্ধাঞ্জলি হইয়া সেই  
 দেশাদিদেব জগদ্ব্যোমি ব্রহ্মার স্তুতি করিতে লাগিলেন।  
 তখন পিতামহ ব্রহ্মা বিনত অমররূদকে মধুর বচনে কহি-  
 লেন, হে সুরগণ ! আমি তোমাদের আন্তরিক ছুৎসমুদায়  
 পরিজ্ঞাত আছি, তোমরা ক্রুর বৃত্রাসুরভায়ে বিব্রত হইয়াছ;  
 যেক্রপ উপায় অবলম্বন করিলে বৃত্রাসুরবিনষ্ট হইবে, আমি  
 তাহা কহিতেছি তোমরা তাহার চেষ্টা কর। বোধ হয়,  
 অতি উদার বুদ্ধি ব্রহ্মজ্ঞ মহাত্মা প্রসিদ্ধ দধীচি মুনির তোমরা  
 জ্ঞাত আছে, অধুনা সমস্ত অমরনিকর একত্র হইয়া তাহার  
 নিকট উপগত হও এবং তাঁহার স্থানে তদীয় অস্থিলাভ বর  
 যাচঞা কর। হে দেবগণ ! মহামুনি অগস্ত্য অতিশয় ধর্ম্মাত্মা,  
 তিনি তোমাদের এইরূপ কঠোরতর প্রার্থনা কদাপি অগ্রাহ্য  
 করিবেন না, বরঞ্চ আমার এই অস্থি দ্বারা স্বর্লোকবাসী অম-  
 রগণের মহৎ কার্য সাধন হইবে। এইরূপ বিবেচনা করিয়া  
 প্রীতি পূর্বক তাহা দান করিবেন। তোমরা তাহার অস্থি  
 দ্বারা দুর্ভেদ্য অমোঘ বজ্রাস্ত্র নিৰ্ম্মাণ করিয়া তদ্বারা বৃত্রাস-  
 রকে বিনাশ কর। হে কৌরবশ্রেষ্ঠ ! দেবগণ ব্রহ্মার উপদেশ-  
 বাক্যে প্রোৎসাহিত হইয়া তৎক্ষণাৎ দধীচি মুনির আশ্রমে  
 গমন করিলেন এবং জয়কাজ্জী হইয়া মুনিবরকে সম্বোধন

করিয়া কহিলেন, হে সৰ্ব্বজ্ঞ ! আপনি স্বকীয় অস্থি আমাদে-  
গকে প্রদান করুন, তাহা হইলে ত্রিলোক প্রদান করা হইবে।  
হে ভীষ্ম ! মহামুনি দধীচি পীড়্যমান সুরোত্তমদিগকে  
করিয়া কহিলেন, হে দেবতাগণ ! আপনারা যে কারণে  
প্রার্থনা করিতেছেন, নিঃশঙ্কহৃদয়ে আমার নিকট  
প্রকাশ করুন, যদি আমি দ্বারা তাহার কোন প্রতিশ্রুতি  
হয়, আমি তৎক্ষণে তাহা করিতে প্রস্তুত আছি। হে ভীষ্ম !  
দেবগণ দধীচি মুনির তাদৃশ বাক্য শ্রবণকরিয়া অশ্রু-  
আনন্দ সহকারে তদীয় সমাপে আত্মব্রতান্ত প্রকাশ  
নির্ভয়ান্বিতকরণে কহিলেন, আপনার অস্থি দ্বারা শত্রুবিধ্বংস  
হইলে দেবগণ নিশ্চিন্ত হইতে পারেন।

দধীচি কহিলেন, হে দেবগণ ! তোমরা প্রাণি-  
অভয়দাতা, তোমাদের উপকার সৰ্ব্বথা কর্তব্য। আমি  
প্রাণ পরিত্যাগকরিয়া তোমাদের হিতসাধন করিব।  
হে বীর ! মহর্ষি ধৃতব্রত দধীচি এই বাক্য কহিয়া  
বলম্বনপূৰ্ব্বক দেহত্যাগ করিলেন। দেবগণ দধীচির  
অদ্ভুত কার্য্য দর্শনে পরম সন্তোষ লাভ করিলেন।  
তদুক্তা মুনিবরের অস্থি লইয়া অমোঘ বজ্রাস্ত্র প্রস্তুত  
লেন। যেরূপ পৰ্ব্বত স্থায়ী উন্নত শৃঙ্গসমূহ দ্বারা  
দিকে অবলোকিত হইয়া থাকে, অমররাজ পুরন্দর  
উদ্যতাস্ত্র দেবতারুন্দ দ্বারা তদ্রূপ চতুর্দিকে দৃষ্ট  
লাগিলেন। হে ভরতশ্রেষ্ঠ ভীষ্ম ! অনন্তর দেব  
দিগের মুহূর্ত্তকালব্যাপক লোকভ্রাসকর মহৎ যুদ্ধ  
হইল। এই ঘোরতর সংগ্রামে খড়্গধারী যোদ্ধাগণ  
স্থায়ী অস্ত্র উদ্যত করিয়া পরস্পরের শরীরে এক

প্রহার আরম্ভ করিল যে, তাহা দ্বারা স্তম্ভমূল শব্দ উৎপত্তি হইতে লাগিল। হে মহাপাল! যোদ্ধা গণের ছিন্ন মণ্ড শোণিতে পরিপ্লুত হইয়া অন্তরীক্ষ হইতে পক্ষ তালকলের ন্যায় ভূতলে পতিত হইতে লাগিল। যেরূপ অনলের তেজে বৃক্ষ সকল দগ্ধ হইয়া থাকে, তদ্রূপ হেমকবচধারা কালেয় দৈত্যগণ পরম পট্টিশ প্রভৃতি নানাপ্রকার অস্ত্রশস্ত্র প্রহার করিয়া অমরনিকরের সংহার করিতে লাগিল। সেই অতিশয় দুর্জয় তেজস্বী কালেয়দিগের তাদৃশ যুদ্ধাবগ দেবগণ সহ্য করিতে পারিলেন না, সকলেই মহাভয়ে অভিভূত হইয়া যুদ্ধস্থল হইতে পলায়ন করিতে লাগিলেন। হে ভীষ্ম! এইরূপে দেবত গণ দুই কালেয়ভয়ে সমরক্ষেত্র হইতে পলায়নপরায়ণ হইলে, দেবরাজ মহেশ্বরোচন পুরন্দর অতিশয় হতাশ হইলেন এবং বৃত্রাসুরের বুদ্ধি দর্শনে স্থির থাকিতে পারিলেন না, তখন মহৎ কষ্টল তাঁহারে আশ্রয় করিল অনন্তর সমস্ত অমাগণ দেবরাজকে মোহাভিভূত দেখিয়া স্বীয় স্বীয় তেজঃ প্রদান করিতে লাগিলেন। দেবরাজের তাদৃশ চরিত্র অবলোকন করিয়া নিষ্পাপ ব্রহ্মর্ষিগণও আপন আপন তেজঃ প্রদান করিলেন। পরে লোকরক্ষক কমলাপতি বিষ্ণু বৃত্রাসুর দ্বারা লোকনাশ সম্ভব দেখিয়া স্বীয় অলৌকিক তেজঃ দ্বারা ইন্দ্রের পুষ্টিসাধন করিলে সেই দেবরাজ শক্র তাঁহাদের তেজে বর্ধিত হইয়া সগর্বে সিংহনাদ করিতে লাগিলেন। অশ্রুনাথ বৃত্র দেবরাজ ইন্দ্রকে স্বীয় সম্মুখস্থিত জানিতে পারিয়া অতিশয় তীব্ররবে চীৎকার করিল। বৃত্রাসুরের ভয়ঙ্কর গর্জন শ্রবণকরিয়া সনাগরা ধরণী, ত্রিদশালয় স্বর্গ এবং পর্বত সকলও যেন চলিতে

লাগিল। হে ভীষ্ম ! দেবরাজ ইন্দ্র বৃত্রাসুরের সেই সূচোর  
গর্জন শ্রবণ মাত্র অতিশয় অভিভূত হইয়া গেলেন এবং  
পাছে উহা দ্বারা কোন অনিষ্ট ঘটে, এই আশঙ্কায় অতি  
সত্বরে বৃত্রের শিরশ্ছেদন নিমিত্ত সেই দুর্জয় বজ্রাস্ত্র প্রাণে  
করিলেন। হে বীর ! পূর্বে ভগবান্ বিষ্ণুর কর হ  
বিমুক্ত হইয়া, যে প্রকার মহাশৈল মন্দরাচল পতিত হ  
ছিল, তদ্রূপ স্তব্ধ মাল্যধারী কাল্যেয়গণের বীর্য  
মহাসুর বৃত্র বজ্রাহত হইয়া ভূতলে পতিত হইল। অসু  
পতি বৃত্র এইরূপে দধীচির অস্থিনিশ্চিত বজ্রাস্ত্র দ্বারা  
হইলে, পরস্পর আহ্বান করত কাল্যেয়াদি অন্যান্য অসু  
ভয়ে ভীত হইয়া দিগ্দিগন্তরে পলায়ন করিতে লাগিল।  
এদিকে বৃত্রাসুর নিহত হইলে ব্রহ্মহত্যা মূর্তিমতী  
দেবরাজকে আক্রমণ করিবার নিমিত্ত তাঁহার সমীপে  
করিতে লাগিল, তদর্শনে দেবরাজ ভীত ও ব্যাকুল হইয়া  
পরিত্রাণবাসনায় ইতস্ততঃ পর্যটন পূর্বক কুত্রাপি  
প্রাপ্ত না হইয়া অবশেষে সরোবরে প্রবেশ করিবার নিমিত্ত  
দ্রুতপদে ধাবমান হইলেন। তিনি এরূপ ব্যাকুল হইয়া  
ছিলেন, যে তাঁহার হস্ত হইতে যে শ্রেষ্ঠ বজ্রাস্ত্র বিমুক্ত  
হইয়া বৃত্রাসুরকে নিহত করিয়াছিল তাহাও তিনি দেখি  
লেন না, অধিক কি, তিনি আত্মাকেও বিস্মৃত হইয়া  
গেলেন। যাহা হউক সমস্ত দেবতাগণ ও সমুদায় মহর্ষিবৃন্দ  
দেবরাজের তাদৃশ অসাধারণ কার্য দেখিয়া অতিশয় প্রমত্ত  
হইলেন এবং মনোহর বচনাবলী দ্বারা সকলে তাঁহার স্তুতি  
করিতে লাগিলেন। হে বীর ! অনন্তর দেবগণ বৃত্রাসুরঘাতী  
দেবরাজ ইন্দ্রকে ব্রহ্মহত্যা পাপে পরিভ্রম্যমান অবলোকন

পূর্বক পরম নিমাদ প্রাপ্ত হইলেন । পরে ত্রিদশনাথ ইন্দ্র  
জকলের পরামর্শ অনুসারে মানস সরোবর সমীপে বহুকাল  
নিবাস করিয়া অশ্বমেধ যজ্ঞের অনুষ্ঠান পূর্বক সেই ব্রহ্মহত্যা  
পাপ হইতে বিমুক্ত হইলেন ।

হে রাজেন্দ্র ভীষ্ম ! এদিকে সেই সমুদায় কালেয় প্রভৃতি  
দানবগণ দেবগণ কর্তৃক পীড়িত ও ভয়ব্যাকুল হইয়া শীঘ্র  
অগাধসলিলসম্পন্ন সরিৎপতির গর্ভে প্রবিষ্ট হইতে লাগিল ।  
ঐ উদপি অতিশয় অপ্রমেয় সুখপূর্ণ এবং অনন্ত রত্নরাশিতে  
সমাকুল ছিল । সমুদায় দানবগণ সেই সমুদ্রে প্রবিষ্ট হইয়া  
গতহর হইল এবং ত্রৈলোক্য বিনাশে কৃতনিশ্চয় হইয়া  
পরস্পর তাহার মন্ত্রণা করিতে লাগিল । হে কৌরব !  
তাহাদের মধ্যে যে সমস্ত দৈত্য মতিনিশ্চয়জ্ঞ বলিয়া  
বিখ্যাত ছিল, তাহারা এই কামনা সিদ্ধির নিমিত্ত বিবিধ  
উপায় প্রদর্শন করিতে লাগিল । হে ভীষ্ম ! চিন্তাপরায়ণ  
সেই দুষ্ক দৈত্যগণের ক্রুর মতি দেব ও ঋষিগণের বিনাশে  
ধাবমান হইল । এবং তাহারা পরস্পর এইরূপ স্থির করিল,  
যে, সংসারে বিদ্যা ও তপস্যাসম্পন্ন যে সমস্ত ব্যক্তি আছে,  
সর্বাগ্রে তাহাদের বিনাশ করা কর্তব্য, কেননা এই লোক  
সমুদয় কেবল তপস্যা দ্বারা পরিবদ্ধিত হইতেছে, অতএব  
সকলে কৃতপন্থ হইয়া তপস্যাচরণ নিবারণ করিতে থাক ।  
হে বীর ! সেই মতিনিশ্চয়জ্ঞ দুষ্ক দৈত্যগণ এইরূপ উপায়  
নিশ্চয় করিয়া কালেয় প্রভৃতি দৈত্য সকলকে কহিল, হে  
দৈত্যগণ ! এই ভূমণ্ডলে যে সমস্ত তপস্বী ও যতিগণ যজ্ঞাদি  
বিবিধ কার্য্য দ্বারা ধর্ম্ম বদ্ধিত করিতেছেন, তোমরা অতি-  
শীঘ্র তাহাদিগকে বিনষ্ট করিয়া ফেল । সেই সমস্ত ব্রাহ্মণ



হত হইলে এই জগৎ অনায়াসে বিনষ্ট হইবে। হে কৌরবেন্দ্র ! এইরূপ অবধারিত হইলে, তাহারা পরস্পর জগদ্বিনাশের উদ্যোগ করিতে লাগিল। তাহারা দিবনে রত্নাকর মধ্যে বাস করিত এবং রাত্রিকালে দলবদ্ধ হইয়া বজ্রে, আসন ও আশ্রমে গমন করিয়া ঋষিদিগকে ভক্ষণ করিত। দুই দুই দৈত্যগণ মহর্ষি বশিষ্ঠের আশ্রমে প্রবিষ্ট হইয়া অশ্বাশীতিশত ব্রাহ্মণ এবং তথায় অন্যান্য যে সমস্ত ব্রাহ্মণ ছিলেন, তাহাদিগকে ভক্ষণ করিয়া ফেলিল। হে ভূমি ! মহর্ষি চ্যবনমুনির আশ্রম অতিশয় পুণ্যজনক ও পবিত্র। দ্বিজগণে সেবিত, তাহারা রজনীযোগে সেই পবিত্র আশ্রমে প্রবিষ্ট হইয়া, ফল ও মূল ভক্ষণকারী একশত মুনিকে ভক্ষণ করিয়া ফেলিল। সেই দুই দৈত্যেরা নিশাভাগে সেই ঘোরতর নৃশংস ব্যাপারে লিপ্ত থাকিয়া দিবসে সমুদ্রের প্রবেশ করিত। যাহা হউক, তাহারা ভরদ্বাজমুনির আশ্রমে গমন করিয়া, তথায় যে সমস্ত ব্রাহ্মণ নিয়ম পূর্বক বায়ু অমুমাত্র ভক্ষণ করিয়া, ব্রহ্মচর্য্য অবলম্বন করিয়াছিলেন, তাহার মধ্যে বিংশতি জনকে ভক্ষণ করিল। দানবগণ এইরূপে মুনিকুল ভক্ষণ করিতে লাগিল, কিন্তু তাহারা দেবরাজ শক্রের ভুজবলে পীড়িত ছিল, স্ততরাং তাহার ভয়ে দিবাভাগে কোন অত্যাচার না করিয়া লুকায়িত হইয়া থাকিত।

হে নরাধিপ ! এইরূপে কিছুদিন গত হইলে, সেই সমস্ত কালেয় দৈত্যগণ অসংখ্য মুনিগণকে বিনষ্ট করিল, কিন্তু মানবগণ ইহা কোন রূপে বিদিত হইতে পারিল না। তৎকালে স্বাধ্যায়, বসট্কার ও যজ্ঞাদি উৎসব কিছুই রহিল না, দুই কালেয় ভয়ে পীড়িত হইয়া জগৎ উৎসাহহীন

হইল। হে মনুজেশ্বর ভীষ্ম ! এইরূপে জগৎক্ষয় আরম্ভ হইলে, মানবগণ আত্মপরিভ্রাণে অসমর্থ ও ভীত হইয়া, দিগ্দিগন্তরে পলায়ন করিতে লাগিল। কোন কোন ব্রাহ্মণ নিশাভাগে পর্বতগুহায় আশ্রয় লইলেন, কেহ বা ভয়ে উদ্ভিন্ন হইয়া প্রাণ পরিত্যাগ করিলেন।

অনন্তর বিশ্বসংসার এই রূপে ক্ষয়প্রাপ্ত হইতেছে দেখিয়া দেবগণ ভগবান্ বিষ্ণুর শরণপরায়ণ হইলেন, এবং লোকরক্ষার্থ কৃতযত্ন হইয়া সেই দেবাদিদেবের স্তব করত কহিলেন, হে পুরুষোত্তম ! পূর্বের দৈত্যগণের আদিপুরুষ বিখ্যাত মহেষ্টাস মহোজা মহাবীৰ্য্য হিরণ্যকশিপু, এইরূপ জগৎ ক্ষোভি করিয়াছিল। হে প্রভো ! আপনি লোক সকলের মঙ্গলসাধননিমিত্ত নরসিংহবিগ্রহ পরিগ্রহ করিয়া ছুঁত মহোজা অশুরের সহিত ঐ আদিদৈত্য হিরণ্যকশিপুরে বিনষ্ট করিয়াছিলেন। হে জগৎপালক ! মহাসুর বলি সমস্ত প্রাণির অবধ্য হইয়া উপদ্রব করিতে আরম্ভ করিলে আপনি অতি মনোহর বামনমূর্তি ধারণ করিয়া উহারে একবারে ত্রৈলোক্য ভ্রষ্ট করিয়াছেন। হে মধুসূদন ! আমরা আপনার লোকাতিগ কার্য্যের নির্ণয় কি করিব ? আপনি অতি কঠিনতর যে সকল কার্য্য নির্বাহ করিয়াছেন, তাহার ইয়ত্তা হয় না। আমরা ভীত হইয়া আপনার শরণপরায়ণ হইতেছি এবং আপনিই ভয়াকুল দেবগণের একমাত্র গতি, অতএব হে দেবেশে ! আমরা লোকের মঙ্গলার্থ আপনাকে নিবেদন করিতেছি। আপনি ইহার উপায় করুন। হে বিভো ! সম্প্রতি এই মহদুয়ে লোক সমুদায় এবং দেবরাজ ইন্দ্র সাতিশয় ব্যাকুল হইয়াছেন, আপনি

ইহাদিগকে রক্ষা করুন । অধিক কি, আপনার প্রসাদে চতুর্বিধ প্রজা কুশল লাভ করুক, সমস্ত মানব নিষ্কল হউক ; দেবগণ সুস্থ হইয়া হব্য কব্য দ্বারা সুখভোগ করিতে থাকুন । হে প্রভো ! আপনার প্রসাদে এই লোক নিরুদ্ভিগ্ন ও পরস্পর পরস্পরের বশতাপন্ন হইয়া চলিবে এবং আপনি ইহার রক্ষক, কিন্তু অধুনা লোক মধ্যে মহদুঃখ উপস্থিত হইয়াছে, যে প্রতিদিন নিশাভাগে ব্রাহ্মগণ বিনষ্ট হইতেছেন, কেই বা এইরূপ গর্হিত অনুষ্ঠাতা, আমরা ইহার কিছুই নিরূপণ করিতে পারি না । ব্রাহ্মদিগের তেজোবলেই পৃথিবী পরিবর্তিত হইত। তাঁহারা ক্ষীণ হইলে তাঁহাদিগের সহিত ভূমণ্ডলও ক্ষীণ হইয়া পড়িবে । হে জগৎপতে ! আপনার প্রসাদে এই লোক সমুদায় স্থিতি করিতেছে । হে মহাবাহু ! আপনি ইহার পরিরক্ষক ; আমরা আপনার নিকট প্রার্থনা করিতেছি, ইহা যেন ক্ষয় প্রাপ্ত না হয় ।

হে ভীষ্ম ! ভগবান্ ভূতভাবন বিষ্ণু দেবতাদিগের প্রকার কাতর বাক্য শ্রবণ করিয়া কহিলেন, হে অমরগণ ! যে কারণে প্রজা ক্ষয় হইতেছে তাহা আমার বিদিত । বলিতোছি শ্রবণ কর । বৃত্রাসুর বিনষ্ট হইলে লোকবিনাশ দারুণ কালেয়গণ আপনাদের প্রাণরক্ষার নিমিত্ত বরুণ সমুদ্র মধ্যে প্রবিষ্ট হইয়াছে । তাহারা নানা গ্রহ সমুদ্র ঘোর সমুদ্রে মধ্যে বাস করিয়া লোকবিনাশে ক্রতঘ্ন হইয়া রাত্রিকালে মুনিগণকে ভক্ষণ করিতেছে । হে দেবগণ ! তোমরা কোন মতেই ঐ দৈত্যগণকে বিনাশ করিতে পারি না, যেহেতু তাহারা সাগর মধ্যে আশ্রয় লইয়াছে, এ

যাহাতে সমুদ্রসলিল ক্ষয় হয়, তোমরা তাহার উপায় চিন্তা কর ।

হে কোরবেন্দ্র ! বিবুধগণ ভগবান্ বিষ্ণুর প্রমুখাৎ কালৈ-  
শ্বর্যগণের রুভান্ত পরিজ্ঞাত হইয়া সমুদ্রশোষের উপায় স্থির  
করত পিতামহ ব্রহ্মার সহিত মুনিবর অগস্ত্যের আশ্রমে গমন  
করিলেন । হে ভীষ্ম ! যিনি স্বকীয় কৰ্ম্ম দ্বারা বহুবিধ পুণ্য-  
সঞ্চার ও নানাপ্রকার অদ্ভুত কার্য্যের অনুষ্ঠান করিয়াছেন  
এবং যিনি একমাত্র তপোরাশি বলিয়া প্রসিদ্ধ, ব্রহ্মাপ্রমুখ  
সমস্ত বিবুধগণ সেই অপ্রমত্তস্বভাব মিত্রাবরুণনন্দন মহাত্মা  
অগস্ত্যের আশ্রমে উপস্থিত হইলেন । দেবগণ কহিলেন,  
হে মহর্ষে ! পূর্বে রাজর্ষি নহ্ম স্বীয় পুণ্যবলে অমরনগরীর  
রাজরূপে প্রতিষ্ঠিত হইয়া ত্রিলোকস্থ প্রাণিপুঞ্জের কণ্টক-  
স্বরূপ হইলে, একমাত্র আপনি কারুণ্যগুণের বশীভূত হইয়া,  
সেই লোককণ্টক নহ্মকে স্বরগণের ঐশ্বর্য্যভোগ হইতে ভুক্ত  
করত তদীয় দৌরাত্ম্যসম্ভূত লোক সমুদায়ের গতি হইয়া-  
ছিলেন । হে মহর্ষে ! আপনার অসাধারণ লোকহিতৈষিতা  
কাহার অবিদিত নাই, যৎকালে গিরিবর বিষ্ণু স্মরকর  
ঐশ্বর্য্য দর্শনে ক্রোধ ও ঈর্ষা পরবশ হইয়া ভগান্ আদিত্যের  
গতিরোধ করিতে প্রবৃত্ত হইয়াছিল, তৎকালে আপনি সেই  
নগোত্তম বিষ্ণুর নিকট গমন করিয়া তাহারে নিবারণ করিয়া-  
ছিলেন । গিরিবর বিষ্ণুও আপনার বাক্য অনুসারে বন্ধিত  
হয় নাই । হে ঋষে ! প্রজাগণ যত্ন কৰ্ত্তৃক আকৃষ্ট হইলে,  
লোক সমুদায় তপস্তা দ্বারা রক্ষিত হইয়া থাকে, লোক  
মধ্যে বতপ্রকার সং পথ বিদ্যমান আছে, আপনিই তৎসম-  
স্তের নেতা এবং ভয়ভীত দেবগণের আপনিই একমাত্র

গতি, অধুনা আমরা, ভয়ার্ত্ত হইয়া আপনার শরণাগত হইয়াছি, আপনি আমাদেরকে অভয় বর প্রদান করুন।

ভীষ্ম কহিলেন, হে মহামুনে ! অদ্রিরাজ বিষ্ণু কারণে ক্রোধবশ হইয়া হঠাৎ ঐরূপ বুদ্ধি প্রাপ্ত হইয়া আপনি অনুকম্পাপূর্ব্বক সেই ব্রতান্ত বর্ণন করুন।

পুলস্ত্য কহিলেন, হে বীর ! পর্ব্বতপ্রধান বিষ্ণু দেবী সহস্ররশ্মি দিবাকর উদয় ও অস্ত সময় কনকাচল স্তম্ভে প্রদক্ষিণ করিয়া থাকে। ইহা দেখিয়া তাহার অন্তঃকরণে ঐ প্রকার ঐশ্বর্য্যলাভের ইচ্ছা বলবতী হইল। তখন ভানুকে সম্বোধন করিয়া কহিল, হে দিবাকর ! আপনি এক দিন যেক্রপ নিয়মানুসারে সমস্ত নগাধিরাজ স্ববর্ণময় হু পর্ব্বতকে প্রদক্ষিণ করিয়া থাকেন, অদ্যাবধি সেই আমাের প্রদক্ষিণ করুন। হে কৌরবেন্দ্র ! শৈলশ্রেষ্ঠ এইরূপ কহিলে ভগবান্ বিভাবসু তাহাকে সম্বোধন ক কহিলেন, হে শৈলেন্দ্র ! তুমি স্তম্ভের সম্পত্তি দর্শনে হইয়াছ ; এই জন্যই আমাের এই প্রকার অনুরোধ তেছ। বোধ হয় তুমি ইহা বিদিত নহ, যে আমি ইচ্ছায় স্তম্ভের প্রদক্ষিণ করিনা। যে মহাপুরুষ এই স্বা জঙ্গনাগ্নক জগৎ নির্মাণ করিয়াছেন, তিনি আমাের ঐগ গতি নির্ণয় করিয়া দিয়াছেন। আমাের এরূপ কি ক্ষ আছে যে, আমি সেই নিয়ন্তার প্রতিকূলতাচরণ করিতে প হে পরম্পদ ভীষ্ম ! বিষ্ণুচল দিবাকরের এই বাক্য শু মাত্র সাতিশয় রোমাবিষ্ট হইল, এবং সূর্য্য ও চন্দ্রমাের গ পথ রোধ করিতে কৃতদংকল্প হইয়া সহসা অতিশয় ব হইতে লাগিল। এরূপ বুদ্ধি প্রাপ্ত হইল যে, তৎ

উচ্চতর পর্বত ভূমণ্ডলে আর নেত্রগোচর হইল না । সমস্ত বিবৃদ্ধগণ বিদ্যাপর্বতের তাদৃশ অবস্থা দর্শন করিয়া মহর্ষিৰূপে পরিবেষ্টিত হইয়া, উহার সম্মুখানে সমাগত হইলেন । হে কুরুপ্রবীর ! তাঁহারা উহার নিকটে উপস্থিত হইয়া কহিলেন, হে পর্বতশ্রেষ্ঠ ! তুমি একি করিতেছ, তোমার শরীরবদ্ধিত হওয়াতে সূর্য্যচন্দ্র প্রভৃতি গগনবিহারী গ্রহগণের গতিরোধ হইতেছে, তুমি সত্ত্বর স্বীয় শরীর সঙ্কুচিত কর ; বিধাতা স্বয়ং এইরূপ বিধি বদ্ধ করিয়াছেন যে, সূর্য্য মেরুকেই প্রদক্ষিণ করিবে । তুমি তাহার অগ্রথা করিও না । হে বীর ! অমরগণ এইরূপ কহিলে, শৈলেন্দ্র বিদ্যা কোন মতেই তাঁহাদের বাক্য রক্ষা করিল না । বরং আরও বদ্ধিত হইতে লাগিল । দেবতাগণ আপনাদের প্রার্থনা ব্যর্থ দেখিয়া অত্যন্ত বিমর্ষভাবাপন্ন হইলেন এবং উপায়ান্তর না দেখিয়া মহর্ষি অগস্ত্যের শরণাপন্ন হইতে নিশ্চয় করিলেন । পরে তাঁহারা সকলে মিলিত হইয়া ধার্মিকগণের চূড়ামণি অদ্ভুত ও উগ্রবীৰ্য্য সম্পন্ন সর্বকাল আশ্রমস্থ তপঃপরায়ণ মহাত্মা অগস্ত্যের নিকট উপস্থিত হইলেন এবং সমুদায় বিষয় আনুলতঃ নিবেদন করিয়া কহিতে লাগিলেন, হে মুণীশ্বর ! ভগবান্ বিধাতা সূর্য্য, চন্দ্র, ও অন্যান্য জ্যোতিষ্কগণের গমনপথ যে প্রকারে নির্দেশ করিয়াছেন, আপনার তাহা অবিদিত নাই, কিন্তু অধুনা তাহার বিপরীত হইয়া উঠিয়াছে, শৈলরাজ বিদ্যা হুমেরুর ঐশ্বর্য্য দর্শনে ক্রোধপরবশ হইয়া, সূর্য্যাদি জ্যোতিষ্কগণ তাহারে আর প্রদক্ষিণ করিতে না পারে, এইরূপ অভিপ্রায়ে সাতিশয় বদ্ধিত হইতেছে । আমরা তাহারে অনেক নিষেধ করিয়াছি, তথাপি সে ক্ৰান্ত

হইয় নাই । এক্ষণে আপনি ইহার কোন প্রতিবিধান করুন ।  
 হে নৃপতে ! মহর্ষি অগস্ত্য দেবগণ প্রমুখাৎ বিদ্যাপর্ব্বতের  
 দৌরাত্ম্য অবগত হইয়া শীঘ্র তাহার নিকটে উপস্থিত হই-  
 লেন এবং সাদর সম্ভাষণ পূর্ব্বক কহিলেন, হে পর্ব্বতোত্তম !  
 তুমি কি কারণে উদ্ধত হইয়া বর্দ্ধিত হইতেছ, তুমি মদায়  
 বাক্য শ্রবণ কর, এ তোমার গমনের পথ নহে, এই পথে  
 গমন করিলে, তোমার ব্যাঘাত ঘটিতে পারে, অধুনা আমি  
 তোমার গতিপথ প্রদানার্থ এখানে আসিয়াছি, তুমি আমার  
 নিরূপিত পথে গমন কর, তাহা হইলে বিশেষ মঙ্গললাভ  
 করিতে পারিবে । হে পর্ব্বতরাজ ! অধুনা তুমি আপন  
 স্বভাবে অবস্থিতি কর, পুনরায় আর একরূপ উন্নত হইও ।  
 হে ভীষ্ম ! মহর্ষি অগস্ত্য পর্ব্বতশ্রেষ্ঠ বিদ্যাকে এই প্রকার  
 প্রবোধ বচনে ক্ষান্ত করিয়া দক্ষিণাভিমুখে যাত্রা করিলেন ।  
 তিনি অদ্যাপি ঐ দক্ষিণ দিক হইতে আর প্রতিনিবৃত্ত হই-  
 লেন না, শৈলশ্রেষ্ঠ বিদ্যও তাঁহার বাক্যে বিশ্বস্তচিত্ত হইয়া  
 তদীয় পুনরাগমন প্রতীক্ষায় স্বীয় শরীর সংকোচ করিল,  
 আর বর্দ্ধিত হইল না । হে বীর ! তুমি আমার নিকট বিদ্য  
 পর্ব্বতের বৃদ্ধি বিষয় শ্রবণ অভিলাষ করিয়াছিলে, আমি  
 তোমার সমীপে মহাত্মা অগস্ত্যের প্রভাবের সহিত বিদ্যা-  
 গিরির সমস্ত বৃত্তান্ত আমূলতঃ বর্ণন করিলাম । অধুনা অমর-  
 বিজয়ী কালেয় দৈত্যগণ যেরূপ অগস্ত্যবরে দেবগণ কর্তৃক  
 বিনষ্ট হইয়াছিল, তাহা বলিতেছি শ্রবণ কর । হে রাজেন্দ্র !  
 সমস্ত ত্রিদশবৃন্দ মহর্ষি অগস্ত্যের সন্নিধানে কাতরতা সহ-  
 কারে সমস্ত জগৎ ক্ষয় কারণ প্রকাশ করিলে, সেই মিত্রা-  
 বরুণমন্দন মহর্ষি অগস্ত্য কহিলেন, হে বিবুধগণ ! তোমরা

কিজন্য আগার নিকট আগমন করিয়াছ এবং কিরূপ বর প্রার্থনা কর, সমুদায় সবিশেষ নির্দেশ কর। হে কুরুপ্রবীর! অমরগণ মহর্ষি অগস্ত্যের এইরূপ প্রসন্নতা দর্শনে অতিশয় হর্ষাবিষ্ট হইয়া কহিলেন, হে মহর্ষে! আপনি একমাত্র লোকভয়দ্রাতা ও দেবতাগণের পরম গতি, আমরা ঘোরতর বিপদে পতিত হইয়াছি, আপনি অনুকম্পা প্রকাশ পূরঃসর আশাদিগকে এই মহন্তয় হইতে পরিত্রাণ করিলে, জগতের মঙ্গলসাধন হইবে, এবং একরূপ দুর্ভুহ ব্যাপার সম্পন্ন করিতে একমাত্র আপনিই পটু। হে ঋষে! অধুনা দেবতাগণের প্রতি অগ্রহ বিতরণ করিয়া অগাধজলপূর্ণ সমুদ্র পান করুন। ঋষিশ্রেষ্ঠ! আমরা লোকনাথ ভগবান্ নারায়ণের প্রমুখাৎ অবগত হইয়াছি যে, স্বরশত্রু কালেয় অমরগণ সমুদ্র মধ্যে আশ্রয় লইয়া নিশাযোগে মহর্ষিগণকে বিনষ্ট করিতেছে; ঐ ছফেরা যে স্থানে আবাস স্থির করিয়াছে, তথায় গমন করা দেবগণের সাধ্য নাই, অতএব আপনি শীঘ্র অর্ণবশোষণ করিয়া ফেলুন; তাহা হইলে আমরা ঐ সকল দুর্ভাত্মকে দেখিতে পাইব এবং অনায়াসে কালসদনে প্রেরণ করিব। হে কুরুকুলতিলক! ঋষিশ্রেষ্ঠ অগস্ত্য দেবতাদিগের এতাদৃশ বাক্য শ্রবণে কিছুমাত্র কুণ্ঠিত হইলেন না, বরং উৎসাহ সহকারে কহিলেন, হে দেবগণ! তোমরা আমার নিকট যেরূপ প্রার্থনা করিলে, আমি তাহাই করিব, কোন মতে অন্যথা হইবে না, আমি এই দুস্তর সমুদ্রে পান করিলে যে তোমাদের কামনা সিদ্ধি হইবে এমন নহে, ইহা দ্বারা সমস্ত লোকের মহৎ সুখসাধন হইবে। অতএব আমি অতিশীঘ্র ইহা সমাধা করিতেছি। হে সত্ত্বত! মহর্ষি অগস্ত্য এইরূপ



কহিয়া তপঃসিদ্ধিসম্পন্ন প্রভূত মুনিগণ সমভিব্যাহারে সমুদ্র সমীপে গমন করিতে লাগিলেন । হে ভীষ্ম ! তৎকালে মহর্ষি অগস্ত্যের সেই অলৌকিক অত্যাশ্চর্য্য কার্য্য দেখিবার নিমিত্ত মনুষ্য উরগ গন্ধর্ব্ব যক্ষ রাক্ষস পক্ষগ প্রভৃতি প্রাণিগণ মিলিত হইয়া সাগর সমীপে উপনীত হইতে লাগিল ।

হে রাজেন্দ্র ! সমুদায় দেব গন্ধর্ব্ব উরগ যক্ষ রাক্ষস ও মানবগণ মহর্ষি অগস্ত্যের সহিত সমবেত হইয়া সরিৎপতি সমুদ্র সন্নিধানে সমাগত হইয়া দেখিলেন, তাহার ঘোরতর ভয়ঙ্কর নিশ্বসন শ্রবণে কর্ণবধির হইয়া যায় এবং তাহার ঊর্ধ্ব সকল বায়ু দ্বারা আন্দোলিত হইয়া যেন নৃত্য করিতেছে । হে বীর ! তাহারা আরও দেখিলেন, সাগরের জলরাশি ক্ষোভিত হইয়া পর্ব্বতকন্দরে প্রবিষ্ট হইতেছে এবং ক্ষেপণ রাশি উল্লঙ্ঘিত হইয়া অপূর্ব্ব শোভা ধারণ করিয়াছে । জলরাশি নানাপ্রকার গ্রাহগণ সমাকীর্ণ । হে ভীষ্ম ! এইরূপে মহাভাগ ঋষিগণ, দেবগণ, গন্ধর্ব্ব ও মহোরগগণ বান্ ঋষিসত্তম অগস্ত্যের সহিত মিলিত হইয়া সেই শোভাসম্পন্ন অর্ণবসমীপে সমাগত হইলেন । মিত্রাবরুণ-নন্দন ভগবান্ অগস্ত্য সমুদ্রসমীপে উপস্থিত হইয়া দেবগণের সহিত সমাগত সেই সমস্ত ঋষিদিগকে বিনীত ভাবে কহিলেন, সমস্ত লোকের হিতসাধনার্থে আমি এই অগাধ জলপূর্ণ সমুদ্র পান করিতেছি । হে দেবগণ ! আপনারা শীঘ্র স্বীয় অভিপ্রেত কার্য্য সাধনের চেষ্টা করুন । হে মহাভাগ ! মিত্রাবরুণতনয় তপস্বিশ্রেষ্ঠ অগস্ত্য এই রূপ বাক্য প্রয়োগ পূর্ব্বক সর্ব্বলোকসমক্ষে অতি ক্রোধসহকারে সমুদ্র পান করিলেন । সর্বাসব অমরগণ ঋষিবরের সেই অলৌকিক

অত্যাশ্চর্য্য কার্য্য দেখিয়া অতিশয় বিস্ময়াবিষ্ট হইলেন । এবং  
 স্তুতি বাক্য প্রয়োগ করত তাঁহার পূজা করিতে লাগিলেন ।  
 মহাত্মা অগস্ত্য সমস্ত ত্রিদশগণ ও গন্ধর্ব্বমুখ্য এবং অন্যান্য  
 প্রাণিগণ কর্ত্ত্বক পূজিত ও দিব্য পুষ্পে অবকীর্য্যমান হইয়া  
 সেই মহার্ণবকে একবারে সলিলশূন্য করিয়া ফেলিলেন,  
 উহাতে আর বারিমাত্র রহিল না, শুদ্ধ মরুভূমির ন্যায় হইয়া  
 পড়িল । সে যাহা হউক, হে ভীষ্ম ! স্বরগণ সরিৎপতি  
 সমুদ্রকে বারিশূন্য অবলোকন করিয়া পরমআহলাদিত হই-  
 লেন, এবং শ্রেষ্ঠ আয়ুধ সকল গ্রহণ করিয়া কালেয়গণকে  
 আক্রমণ করিবার নিমিত্ত চারিদিকে ধাবিত হইলেন । হে  
 বীর ! সেই অদীনসত্ত্ব দেবগণ হর্ব্বসহকারে দানবদিগকে  
 প্রহার করিতে লাগিলেন । দুই কালেয়গণ মহাবল মহা-  
 তরসী মহাত্মা দেবগণ কর্ত্ত্বক আহত হইয়া তুমুল শব্দ  
 করিতে লাগিল এবং কোনমতেই দেবগণের শস্ত্রবেগ ধারণ  
 করিতে পারিল না । হে ভরতকুলভূষণ ! সেই ভীষ্মনিষ্মন  
 দানবগণ দেবশস্ত্রে নিপীড়িত হইয়া মূহূর্ত্তকাল তাঁহাদের  
 সহিত তুমুল সংগ্রাম করিল । হে মানদ ভীষ্ম ! যদিও ঐ  
 সমস্ত দানব অতিশয় বলশালী ছিল, কিন্তু এই যুদ্ধে তাহারা  
 কোনরূপে আত্মরক্ষা করিতে পারিল না, যে হেতু, উহারা  
 অনেক ত্রাক্রাণ বিনষ্ট করিয়া তাঁহাদের তপোবলে পূর্ব্বেই  
 দগ্ধ হইয়াছিল । অধুনা সংগ্রামে প্রবৃত্ত হইলে, বিবুধগণ অনা-  
 য়াসে উহাদিগকে বিনষ্ট করিয়া ফেলিলেন । সেই হেম-  
 নিকাভরণভূষিত স্বর্ণকুণ্ডলধারী দানবগণ বিনষ্ট হইয়া  
 পুষ্পিত কিংশুকের ন্যায় অপূর্ব্ব শোভা ধারণ করিল ! এই-  
 রূপে কালেয়গণ বিনষ্ট হইলে, ইতাবশিষ্ট দানবগণ বহুধা

বিদারিত করিয়া আত্মপরিজ্ঞান নিমিত্ত পাতালতলে আশ্রয় লইল । এদিকে অমরগণ ভূমণ্ডল অস্তরশূন্য অবলোকন করিয়া পরম আত্মলাদিত হইলেন, এবং মুনিপুঙ্গবগণের সহিত মিলিত হইয়া বিবিধ বাক্যে মিত্রাবরুণতনয় অগস্ত্যের স্তব করিতে লাগিলেন, হে মহাভাগ মহর্ষে ! আপনার অদ্ভুত ক্ষমতার কথা আর কি কহিব, আপনি এই সমুদ্র শোষণরূপ লোকাতিগ কার্য্য অবলীলাক্রমে সম্পন্ন করিলেন, আপনার প্রসাদে অদ্য লোকসমুদায় মহৎ সুখ লাভ করিল, ক্রুরবিক্রম দুক্ট কালেয় দৈত্যগণ আপনার তেজোরশি দ্বারা নিধন প্রাপ্ত হইয়াছে । হে মুনিপুঙ্গব ! আপনি এই সলিলরাজ সমুদ্রের যে নিখিল জলপান করিয়া এক্ষণে অনুকম্পা প্রকাশ পূর্ব্বক তৎপরিমিত সলিল শুষ্ক স্বজন করিয়া পূর্ব্বের ন্যায় ইহা জলপূর্ণ করুন । হে তপস্বী মুনিসত্তম অগস্ত্য দেবগণের সমুদ্রপূরণপ্রার্থনা শ্রবণ পূর্ব্বক গম্ভীর স্বরে কহিলেন, হে ত্রিদশগণ ! আমি সর্ব্বজনসমক্ষে সমুদ্রপান করিয়াছি ; উহার অগাধ জল আমার উদরে প্রবেশমাত্র মদায় জঠরানলতেজে জীর্ণ হইয়াছে, আর তাহার তাদৃশ আকার নাই, রস রুধির শুক্ল পুরীষাদিতে পরিণত হইয়াছে, তোমরা এই সমুদ্র পূরণের অন্য কোন উপায় স্থির কর, তোমরা সচেষ্ট হইলে এই সাগর সলিল সংযুক্ত হইবে, ইহা কদাপি মরুভূমি সদৃশ থাকিবে না । হে কোরবপ্রবর ! স্বরগণ সেই মহর্ষিপ্রবর ভাবিতাত্ম্য অগস্ত্যের তাদৃশ বাক্য শ্রবণে সমাগত মুনিবৃন্দের সহিত বিষম্ব হইয়া পড়িলেন । অনন্তর সেই মুনিপুঙ্গবকে প্রণতি পূর্ব্বক প্রস্থান করিলেন । হে মহারাজ ! সেই অদ্ভুত

কাৰ্য্য পরিদর্শন নিমিত্ত যে সমস্ত প্রজা তথায় সমাগত হইয়াছিল, তাহারাও অগস্ত্যের সেই আশ্চর্য্য কাৰ্য্য বিলোকন করত বিস্মিত ভাবে যথাভিলষিত স্থানে প্রত্যাগমন করিতে লাগিল ।

এদিকে সমস্ত ত্ৰিদশগণ ভগবান্ বিষ্ণুর সমভিব্যাহারে লোকপিতামহ ব্রহ্মার সদনে গমন করিলেন । তাঁহারা তথায় উপস্থিত ও সমুদ্র পূরণার্থ কৃতযত্ন হইয়া বদ্ধাঞ্জলিপুটে স্তব্ধজ্যেষ্ঠ ব্রহ্মারে কহিলেন, হে দেব ! মহর্ষি অগস্ত্য অৰ্ণব শোষণ করিয়া তদীয় বারিরাশি জীর্ণ করিয়াছেন, সমুদ্র জলহীন হইয়া মরুভূমি সদৃশ হইয়াছে, অধুনা কি উপায়ে উহা পুনরায় জলপূর্ণ হইবে, তাহা আদেশ করুন ।

হে শাস্ত্রমুতনয় ভীষ্ম ! লোকপিতামহ ব্রহ্মা সমাগত অমরবৃন্দকে কহিলেন, হে বিবুধগণ ! তোমরা সমুদ্র পূরণার্থ চিন্তিত হইও না, তোমাদের এই কামনা পূরণের উপায় আছে, তোমরা নিশ্চিন্ত হইয়া, যথোচিত স্থানে গমন কর । এক্ষণে এই বারিবিহীন মহার্ণব কালযোগে স্বীয় প্রকৃতি লাভ করিয়া যেপ্রকারে পূর্ণ হইবে, বলিতেছি, শ্রবণ কর । দিবাকর-বংশ-সম্ভূত অদ্ভুত-কৰ্ম্মা নৃপশ্রেষ্ঠ ভগীরথ পিতৃলোকের মৃত্যু শ্রবণ করিয়া তাঁহাদের উদ্ধারার্থে তীর্থশ্রেষ্ঠ সরিষরা গঙ্গারে ভ্রমণে আনয়ন করিবে এবং গঙ্গাসঙ্গমে সাগরও পুনর্বার সলিলে পরিপূর্ণ হইবে ! হে ভীষ্ম ! লোকবিধাতা ব্রহ্মা এইরূপে সেই সমস্ত দেবতা ও ঋষিদিগকে স্বস্থানে প্রেরণ করত মহর্ষি অগস্ত্যের আশ্রমে গমন করিয়া প্রীতি পূর্বক কহিলেন, হে ভগবন্ ! তুমি যে সমুদ্রপানরূপ অদ্ভুত কাৰ্য্য দ্বারা দেবগণের বিশেষ উপ-

কার সাধন এবং ছুট কালেয়গণের নিধন করিয়াছ, আমি  
তুমি অতিশয় তুচ্ছ হইয়াছি, এক্ষণে তুমি সংশয়রহিত  
হইয়া অভিলষিত বর প্রার্থনা কর, আমি তোমারে তাহা  
প্রদান করিব, সন্দেহ নাই। ভগবান্ ব্রহ্মা এইরূপ কহিলে  
ঋষিশ্রেষ্ঠ অগস্ত্য প্রণিপাত পূর্বক তাঁহারে বলিলেন, হে  
দেব! আমি আপনার প্রসাদে এই আশ্রমে থাকিয়া মহৎ  
দেব কার্যের অনুষ্ঠান করিয়াছি, এক্ষণে আপনি প্রদত্ত  
হইয়া আগারে এইরূপ বর প্রদান করুন, সংসারে যে সমস্ত  
আশ্রম বিদ্যমান আছে, সে সমুদায় হইতে যেন আমার  
এই আশ্রম শ্রেষ্ঠতর হয়, আমি ইহা ব্যতীত অন্য কোন  
বর অভিলাষ করি না। হে ভাষ্য! মহর্ষি অগস্ত্য এই  
প্রকার কহিলে, ভগবান্ ব্রহ্মা কহিলেন, তোমার প্রার্থনাকু-  
ষায়ী এই আশ্রম সৰ্ব্বাশ্রমের শ্রেষ্ঠ হইবে, সন্দেহ নাই।  
তিনি এইরূপ কহিয়া পুনরায় বলিতে লাগিলেন, হে ঋষি!  
যে যত্নবত ব্যক্তি পুষ্কর তীর্থ দর্শনে যাত্রা করিয়া এই  
আশ্রমে সমাগত হইয়া উপবাস পূর্বক পিতৃ ও দেবগণের  
তৃপ্তি সাধন করিবে, সে অশ্বমেধ যজ্ঞের ফল লাভ করিয়া  
অবশ্য মদীয় লোকে গমন করিবে। আর এই কুণ্ডের জলে  
স্নান, পিড়লোক ও দেবতাগণের তর্পণ এবং দেবদেব বিষ্ণুর  
অর্চনা করিলে, তৎসমুদায়ই অক্ষয় হইবে। যে সমস্ত  
ব্যক্তি এখানে উচ্চাবচ অন্ন দ্বারা পিণ্ডক্রিয়া সমাধানান্তে  
উহা দ্বিজমুখাদিগকে প্রদান করিবে, তাহাদের স্বর্গ বাস  
হইবে, সন্দেহ নাই। অধিকন্তু, যাহারা এই স্থলে আদিয়া  
তৃপ্তি বিধান ও আহুতি প্রদান কিম্বা কন্দ মূল ও ফল দ্বারা  
মুনিগণের তৃপ্তি বিধান করিবে, তাহারা দ্বিত্যর্গ হইয়া শ্রেষ্ঠ-

গতি লাভ করিবে। হে মুনীশ্বর ! যে ব্যক্তি এখানে একটি মাত্র ব্রাহ্মণ ভোজন করায়, তাহার কোটি ব্রাহ্মণ ভোজনের ফল লাভ হয় এবং যে সমস্ত অন্নযানাদি দান করা যায়, তাহা অক্ষয় হইয়া থাকে। হে মুনে ! এখানে যে ব্যক্তি যে যে কামনা করিয়া সমাগত হইবে, তাহার সে সমস্ত সিদ্ধ হইবে। যদি কেহ এখানে আসিয়া কেবল স্নান করে, তাহা হইলে, সে ভূমণ্ডলে বিয়োনি জন্ম গ্রহণ করে না। হে মুনিশ্রেষ্ঠ ! আমি সন্তুষ্ট হইয়া এই বর দিতেছি যে, সমসারে বত প্রকার স্নান আছে, তন্মধ্যে এখানে স্নানই শ্রেষ্ঠ; আর বত তীর্থ বিদ্যমান আছে, সে সকল তীর্থ হইতে এই পুষ্করতীর্থই অতি উত্তম হইবে, ইহাতে সংশয় নাই। হে ঋষে ! এই পুষ্কর তীর্থের মাহাত্ম্য কথা অধিক আর কি কহিব, কোন ঋত্বী অথবা কোন পুরুষ জন্মাবধি যে সকল পাপে পরিলিপ্ত আছে, এই পুষ্কর তীর্থের জলে স্নান করিলে উহাদের ঐ সমস্ত কলুষ তৎক্ষণাৎ প্রলুপ্ত হইবে। হে ভীষ্ম ! লোকপিতামহ ভগবান্ ব্রহ্মা এই প্রকারে পুষ্করতীর্থমাহাত্ম্য বর্ণনা কবত মুনিসত্তম অগস্ত্য ঋষিকে আমন্ত্রণ পূর্বক সমভিব্যাহারী দেবতাদিগকে পরিত্যাগ করিয়া তৎক্ষণাৎ তথা হইতে মন্তুর্হিত হইলেন। ঋষিশ্রেষ্ঠ অগস্ত্যও লোকনাথ ব্রহ্মার সদনে স্বীয় আশ্রমের প্রাধান্য লাভ পূর্বক আশ্রয় সন্তুষ্ট হইয়া তথায় বাস করিতে লাগিলেন। হে মানদ ভীষ্ম ! আমি এই অগস্ত্য আশ্রমের বৃত্তান্ত তোমার নিকট কহিলাম, পুনরায় সপ্তর্ষিদিগের আশ্রম কীর্তন করিতেছি শ্রবণ কর।

অত্রি, ভগবান্ বশিষ্ঠ, পুলস্ত্য, পুলহ, ক্রতু, অঙ্গিরা ও  
গৌতম ইহারা সেই পুষ্করতীর্থে স্বয়ং আশ্রম স্থাপন করিয়া-  
ছিলেন। এতদ্ব্যতীত স্মৃতি, স্মৃগ, বিশ্বামিত্র, শূলশিরা,  
প্রীতিবর্দ্ধন সম্বর্ভ, বন্য বৃহস্পতি, ধৌম্য, চ্যবন, কশ্যপ, ভৃগু  
হুর্কাসা, জমদগ্নি, মার্কণ্ডেয়, গালব, উশনা, ভরদ্বাজ, যবকৃৎ,  
বিতথ ইহাদেরও আশ্রম তথায় সংস্থাপিত ছিল। হে ভীষ্ম !  
শূল্যক্ষ, ঞকরাক্ষ, কর্ণ, মেধাতিথি, নারদ, পর্ক্বত, স্তগক্ষ,  
চ্যবন, তৃণানুশরণ ধৌম্য, শতানন্দ, কৃতব্রত জামদগ্ন্য এবং  
রাম ও অষ্টক প্রভৃতি ঋষিগণও সেখানে এক একটী আশ্রম  
নিৰ্ম্মাণ করিয়াছিলেন। মহাত্মা কৃষ্ণদ্বৈপায়ন পুত্র ও শিষ্য  
সমন্বিত হইয়া এই পুষ্করতীর্থে আপনার একটী আশ্রম  
স্থাপন করিয়াছিলেন। হে কৌরবেন্দ্র ভীষ্ম ! এই পুষ্ক-  
রতীর্থে সপ্তর্ষিদিগের আশ্রমে সমাগত হইলে, ইন্দ্রিয়নিগ্রহ,  
ধৈর্য্য, তপস্যা, সত্য, ক্ষমা, আর্জব, দয়া ও দান প্রভৃতি  
প্রতিষ্ঠিত হয়। এই স্থানে যে সমস্ত সদস্য কৰ্ম্ম অর্জিত হয়,  
পরলোকে সেই সেই কৰ্ম্মফল ভোগ হইয়া থাকে। পরমার্থ  
পরায়ণ মুনিগণ এই বিষয় সবিশেষ পরিজ্ঞাত আছেন, এই-  
জন্য তাঁহারা অতিশয় সাবধান হইয়া থাকেন। হে ভীষ্ম !  
যাহারা নাস্তিক, অধার্ম্মিক, অজ্ঞিতেন্দ্রিয়, নৃশংস, অক্ষম,  
কৃতব্র ও অদাতা, তাহারা কদাপি এই তীর্থরাজ পুষ্করে আগ-  
মন করিতে পারে না। যাহারা সর্বদা সত্যনিষ্ঠ, তপঃসম্পন্ন,  
শূর, দয়াবান্, ক্ষমাপরায়ণ, যজ্ঞকারী ও দানশীল, তাঁহারা  
এখানে অনায়াসে আসিতে পারেন। অধিক কি, যে মহাত্মা  
ব্রাহ্মণগণ এই দুর্গম পুষ্করতীর্থে আগমন করেন, তাঁহাদের  
শরীরে ব্যাধিভয় কদাপি হয় না, জরা তাঁহাদিগকে আক্রমণ

করে না, মৃত্যু ও তাঁহাদের নিকটবর্তী হইতে সাহসী হয় না । ক্ষুধা ও পিপাসা তাঁহাদের দেহ মধ্যে থাকিতে পারে না, তাঁহারা কখন ঘানি ভোগ করেন না । হে কৌরবশ্রেষ্ঠ ! যে সমুদায় ব্যক্তি লোভ, মোহ, দম্ভ, মদ ও দ্রোহের বশীভূত হইয়া সর্বদা বিষয় ভোগে আসক্ত হয়, তাহারা যদি কদাচিৎ পুষ্করতীর্থে উপস্থিত হয়, এখানে কখন প্রবেশ করিতে পারে না । যাঁহাদের দেহ মমতাশূন্য, অহঙ্কাররহিত এবং যাঁহারা কখন দ্বন্দ্বপ্রিয় নহেন, যাঁহারা অতি সাবধানে ইন্দ্রিয় নিগ্রহ করিয়াছেন, যাঁহারা সর্বদা ধ্যানযোগে রত থাকেন, সেই সমস্ত মহাত্মগণই পুষ্করতীর্থে গমন করিতে পারেন । যাঁহারা নিত্য স্বাধ্যায় সম্পূর্ণ ও নিত্য স্নানপরায়ণ, সেই সকল ব্যক্তিই পুষ্করতীর্থগমনে উপযুক্ত হইতে পারেন । তীর্থশ্রেষ্ঠ পুষ্করতীর্থে পরকীয় রমণীদিগকে মাতৃস্বয়ং ও ছহিত তুল্য দর্শন করা কর্তব্য । এই পুষ্করতীর্থে সমাধি অবলম্বন করিলে সনাতন ব্রহ্ম লোকও জয় করিতে পারা যায় । হে নৃপতে ! তোমার নিকট এই পুষ্করমহাত্ম্য বর্ণন করিলাম ।

হে কুরুকুলতিলক ! কোন সময়ে অনারুণি উপস্থিত হইলে, লোকসকল অতিশয় ক্লেশময় হইয়া উঠিল এবং প্রাণিগণ ক্ষুধায় পীড়িত হইতে লাগিল । হে বীর ! এইরূপে লোক সমুদায় অশ্রুশূন্য হইলে, মূনিগণ ক্ষুধায় কাতর হইয়া উঠিলেন এবং অতি সহজলভ্য ফলমূলাদিও লাভ করিতে না পারিয়া দুঃখিত হইতে লাগিলেন । তাঁহারা খাদ্যলাভ বাসনায় অরণ্য পর্য্যটন করিয়া ক্লিষ্টমান হইলে, সপত্নীক নরপতি পুষ্পবাহন তাঁহাদের তাদৃশী অবস্থা অবলোকনপূর্বক অতিশয় দুঃখিত হইলেন এবং সেই ক্ষুধাকাতর ঋষিদিগকে



কহিলেন, হে ব্রাহ্মণগণ ! প্রতিগ্রহ ব্রাহ্মণদিগের ধর্ম বলিয়া পরিগণিত আছে, ব্রাহ্মণ প্রতিগ্রহ করিলে কখন দূষিত হন না। অতএব হে মুনিসত্তমগণ ! আপনারা আমার নিকট প্রতিগ্রহ করুন। হে ঋষিগণ ! আমি আপনাদের কষ্ট দেখিয়া অত্যন্ত দুঃখিত হইয়াছি, এইজন্য আপনাদিগকে ভূরি ভূরি শাল্যম ত্রীহি যব, বস্ত্র স্বর্ণ গো ধেনু প্রদান করিতেছি, আপনারা অনায়াসে ঐ দ্রব্যে অনারুণি নিবন্ধন ক্রেশ দূর করিতে পারিবেন এবং আমিও বিশেষ হর্ষলাভ করিব সন্দেহ নাই। হে নরেন্দ্র ! ঋষিগণ নরপতি পুষ্পবাহনের বাক্য শ্রবণ করিয়া কহিলেন, হে ভূপতে ! প্রতিগ্রহ ব্রাহ্মণের ধর্ম বটে, কিন্তু রাজার নিকট প্রতিগ্রহ করিলে ঘোরতর দোষ ঘটিয়া থাকে। শাস্ত্রে কথিত হইয়াছে, নরপতির নিকটে মধু ও অম্নাদি গ্রহণ করিলে তৎসমস্ত ঘোষণা বিমূল্য হইয়া থাকে। ইহা আমরা বিশেষ বিদিত আছি, আপনি কি নিমিত্ত আমাদের প্রলোভিত করিতেছেন ?

হে মহারাজ ! আপনি কি বিদিত নহেন যে, দশ কুকুর যেপ্রকার অপবিত্র, একমাত্র চক্রী সেইরূপ অপবিত্র বলিয়া পরিগণিত হইয়াছে এবং দশ চক্রী যাদৃশ অস্পৃশ্য, একজন ধ্বজও সেইরূপ অস্পৃশ্য হইয়া থাকে। আর দশ ধ্বজ যে প্রকার অপবিত্র, এক বেশ্যা সেইরূপ অস্পৃশ্য এবং দশ বেশ্যা যেরূপ অপবিত্র, এক নরপতি তাহার সমান বলিয়া নির্দিষ্ট হইয়াছেন। হে ভীষ্ম ! পুষ্করতীর্থবাসী ঋষিবৃন্দ ভূপাল পুষ্পবাহনকে এইপ্রকার তিরস্কার বাক্য প্রয়োগ করিয়া পুনরায় কহিলেন, হে ভূপতে ! দেখুন, শৌনিক দশ-সহস্র কুকুর বহন করিয়া যে প্রকার অপবিত্র হয়, নৃপতি

সর্বদা তৎসদৃশ অপবিত্র বলিয়া পরিগণিত আছেন। অতএব তাঁহার নিকট প্রতিগ্রহ করা ঘোরতর পাপজনক, সন্দেহ নাই। যে ব্রাহ্মণ লোভে আকৃষ্ট হইয়া রাজ সন্নিধানে প্রতিগ্রহ করে, সেই লোভ বশতঃ পরিণামে তমিস্রাদি ঘোরনরকে পচিয়া মরে। মহারাজ! রাজপ্রতিগ্রহে যে সকল দোষ বিদ্যমান আছে, আমরা তাহা সবিশেষ জ্ঞাত থাকিয়া কিপ্রকারে আপনার প্রতিগ্রহ স্বীকার করিব? অতএব আপনি এবিষয়ে ক্ষান্ত হউন, সপত্নীক আপনার মঙ্গল হউক, আপনি যে সমস্ত দ্রব্যাদি আমাদিগকে প্রদান করিতে উদ্যত হইয়াছেন, এক্ষণে সে সমুদায় অন্য কাহাকে প্রদান করুন। হে বীর! ঋষিগণ ভূপতিরে এইরূপ কহিয়া অরণ্য মধ্যে প্রবেশ করিলেন।

এদিকে নরপাল পুষ্পবাহন সেই ব্রহ্মবাদী ঋষিগণের লোভবিহীন বচন আকর্ষণ করিয়া বিমর্ষভাবাপন্ন হইলেন এবং মন্ত্রীদিগের সহিত পরামর্শ করিয়া স্থির করিলেন যে, ঐ স্থানে কোনরূপ রত্নাদি প্রক্ষেপ করিয়া উহাদের নির্লোভতা পরীক্ষা করা যাউক। এইরূপ পরামর্শ স্থির হইলে, মন্ত্রিগণ তথায় উপস্থিত হইয়া হেমগর্ভ উড়ুশ্বর প্রক্ষিপ্ত করিতে লাগিল। এইরূপে মন্ত্রিগণ নৃপাদেশে তথায় স্বর্ণ উড়ুশ্বর বিকীর্ণ করিলে, কোন কোন ঋষি ধনলোভে তাহা গ্রহণ করিতে লাগিলেন। তখন মুনিবর অত্রি ঐ সমস্ত উড়ুশ্বর স্বর্ণে নিষ্প্রিত হইয়াছে জানিতে পারিয়া অগ্রাহ্য বোধে কহিলেন, হে ঋষিগণ! আমরা মূঢ়বিজ্ঞান বা মন্দবুদ্ধি নহি, এই সকল উড়ুশ্বর স্বর্ণে নিষ্প্রিত হইয়াছে জানিয়া কিরূপে পাপাচরণ করিব? যাহারা সর্বদা অনন্ত সুখ লাভের ইচ্ছা

করেন, তাঁহারা কখন ইহা গ্রহণ করিবেন না। সুবর্ণ শত সংখ্যকই হউক, বা সহস্র সংখ্যক হউক, অথবা তাহা অপেক্ষা অধিক হউক, গ্রহণ করিলেই পাপিষ্ঠ গতি লাভ হইয়া থাকে। এই পৃথিবী ত্রীহি যব হিরণ্য পশু ও স্ত্রীতে পরিপূর্ণা, কিন্তু ঐ সকল কাহারও তৃপ্তি সাধন করিতে পারে না, এইরূপ বিবেচনা করিয়া সমদর্শী হইবে। হে কোরবেন্দ্র ! মহর্ষি অত্রি এইপ্রকার নীতিগর্ভ বাক্য বিন্যাস করিলে, বশিষ্ঠ কহিলেন, সংসারে কোন দ্রব্যের সঞ্চয় করিবে না, যদি কোনপ্রকার দ্রব্য সঞ্চয় করিয়া তাহা দ্বারা ধর্ম সম্পাদন করিতে পার, তাহা হইলে শ্রেষ্ঠ সঞ্চয় হইয়া থাকে, কোন ব্যক্তি ধর্মার্থে কোন দ্রব্য সঞ্চয় করিলে অতিশয় প্রশংসনীয় হইয়া থাকে, আর যদি তাহা না করিয়া কেবল জীবনযাত্রা নির্বাহ নিমিত্ত সঞ্চয় করে, তবে সর্বথা নিন্দনীয় হয়। সঞ্চয়শীল কোন মানব কদাপি সুখী হইতে পারে না। ব্রাহ্মণ যে বে স্থানে অসংপ্রতিগ্রহ না করেন, সেই সেই স্থলে তাঁহার সন্তোষ লাভ ও ব্রহ্মতেজ বৃদ্ধি হয়, অসংপ্রতিগ্রহ করিলে ইহার বিপরীত ফল ঘটিয়া থাকে। জিতাত্মা ব্যক্তি অকিঞ্চনই এবং রাজ্যসুখ এই উভয়ের পরিমাণার্থে উভয়কে তুল্যদণ্ডে ধারণ করিয়া দেখিয়াছেন, তাহাতে অকিঞ্চনই রাজ্যসুখাপেক্ষা অধিক হইয়াছে। ব্রাহ্মণের পক্ষে অর্থ অতি অনর্থ, যেহেতু সামান্য অর্থের দ্বারা ব্রাহ্মণের মহদর্থ ব্রহ্মতেজ বিনষ্ট হয়, ব্রাহ্মণ ঐশ্বর্যশালী হইলে, তাঁহার শ্রেয়ঃ অনায়াসে বিনষ্ট হইয়া যায়। অর্থের একটা চমৎকার শক্তি আছে, অর্থ সঞ্চয় হইলে সঙ্গে সঙ্গে বিমোহ জন্মিয়া থাকে এবং ঐ বিমোহ নরকের কারণ।

এই কারণে শ্রেয়োর্থী পুরুষ অর্থকে দূরে পরিহার করিয়া থাকেন। গাত্রে পঙ্ক লিপ্ত করিয়া প্রক্ষালন করা অপেক্ষা দূর হইতে উহা পরিত্যাগ করাই ভাল। ফলতঃ এই সংসারে অর্থ সর্বদা নিন্দনীয়, তাহার চেষ্টা করাও উচিত নহে। যে ব্যক্তি অর্থলাভের ইচ্ছা প্রকাশ করে, সে ক্ষয়িষ্ণু বলিয়া কীর্তিত হয় এবং সঞ্চিত অর্থ পরার্থে পরিত্যাগ করিলে তাহা মোক্ষের হেতু হইয়া থাকে। ভরদ্বাজ কহিলেন, মনুষ্য যত দিন অক্লান্ত প্রাপ্ত না হয়, ততদিন তাহার দন্ত, কেশ, চক্ষু ও ত্বকি অতিশয় শোভিত থাকে, একবার জীর্ণদশাগ্রস্ত হইলে, স্ত্রী কেশও শোভন দন্ত সকল জীর্ণ হইতে থাকে, লোচন আর পূর্ববৎ জ্যোতিষ্মান থাকে না, এবং কণ্ঠ হইয়া যায়। এইরূপে জীর্ণ অবস্থা উপস্থিত হইলে, জীর্ণ হয় কিন্তু ধনোপার্জনস্পৃহা এবং জীবিতাশা ও ইহার নিরূপদেবে বর্দ্ধিত হয়। যেপ্রকার সৌত্রিক সূচী বস্ত্রে সূত্রসঞ্চার করিয়া থাকে, সেইরূপ এই সংসারসূত্র স্বরূপ সূচীতে সংলগ্ন হইয়া রহিয়াছে। এই তৃষ্ণার পার করিতে কাহার সাধ্য নাই, ইহা পূর্ণ করাও দুষ্কর। এক কি ইহা শত শত দুঃখের আধার এবং মনুষ্যের স্বধর্ম নষ্ট করিয়া থাকে। অতএব যত্ন পূর্বক ইহা পরিত্যাগ করা কর্তব্য।

হে কৌরবশ্রেষ্ঠ ভীষ্ম! মহর্ষি ভরদ্বাজ এইরূপ নীতি প্রদর্শন করিলে, গৌতম কহিতে লাগিলেন, সন্তুষ্ট হইলে, কোন্ ব্যক্তি সর্বপ্রকার শ্রেষ্ঠ ফল ভোগ করিতে না পারে? ব্রাহ্মণের লোভ করা কদাপি কর্তব্য নহে, যে কোন স্থল হউক, যদি ব্রাহ্মণ লোভ প্রকাশ করে, তাহা হইলে কোন-

রূপে শ্রেয়ঃ লাভ করিতে পারে না, পদে পদেই সঙ্কটাপন্ন হইয়া থাকে । যাঁহার অন্তঃকরণ সর্বদা সন্তোষরত্নে স্তম্ভিত, তাহার সর্বত্রই উন্নতি লাভ হইয়া থাকে । যাঁহারা কোনরূপ দুঃখে দুঃখ বোধ না করিয়া সন্তোষরূপ অমৃত পানে তৃপ্ত হইয়াছেন, সেই শান্তচেতা মহাত্মাগণ যে প্রকার অতুল সুখ অনুভব করেন, ধনলাভেচ্ছায় ইতস্ততঃ ধাবমান ব্যক্তিগণের তাদৃশ সুখানুভব কোথায় হইতে পারে ? সংসারে অসন্তোষ পরম দুঃখ এবং সন্তোষ পরম সুখকর বলিয়া অবধারিত আছে, অতএব যে পুরুষ সুখ লাভের ইচ্ছা করেন, তিনি সর্বদা সন্তুষ্ট হইয়া থাকিবেন, তাহা হইলে তাঁহার কোনপ্রকার সুখের অভাব থাকিবে না । হে বীর ! ঋষিশ্রেষ্ঠ গোতমের কথা অবসান হইলে বিশ্বামিত্র যে সমস্ত কথা উল্লেখ করিয়াছিলেন, আমি তৎসমুদায় বলিতেছি, শ্রবণ কর । বিশ্বামিত্র কহিলেন, কামনাসক্ত ব্যক্তি কোন কামনা করিলে, যদি দৈবাৎ তাহা পূর্ণ না হয় তবে অধিকতর যন্ত্রণাকর হইয়া উঠে । ঐ কল্পিত কামনা, কামনাসক্ত পুরুষের বশবর্তী না থাকিয়া শরীরে বাণ বিদ্ধ হইলে বাদৃশ যন্ত্রণা হয়, সেইরূপ তাহারে 'পীড়া প্রদান করিতে থাকে । কাম্যবস্তুর উপভোগ দ্বারা কদাচিৎ কামনা শাস্তি হয় না, বরং বর্দ্ধিত হইয়া থাকে, প্রজ্বলিত অনলে হবিঃ প্রদান করিলে, তাহা নির্বাণ না হইয়া ক্রমশঃ অতিশয় প্রদীপ্ত হইয়া থাকে । কপিঞ্জল পক্ষী যেরূপ শ্যেনের আবাসভূত তরুচ্ছায়া পরিত্যাগ করিলে সুখলাভ করিতে পারে, সেইরূপ, যে ব্যক্তি কোনপ্রকার কামনার অভিলাষ না করে, সে সুখ ভোগ করিয়া থাকে । ভূপতি চতুঃ-

সাধাবিস্তৃত ধরনী ভোগ করিয়া কদাপি কৃতার্থ হইতে পারে না, কিন্তু যে ব্যক্তি প্রস্তুত ও কাঞ্চন উভয়কেই তুল্য বোধ করিতে পারেন, তিনি অনায়াসে কৃতার্থ হইয়া থাকেন।

ভ্রমদগ্নি কহিলেন, যে ব্যক্তি প্রতিগ্রহ করিতে সমর্থ, সে যদি কোন প্রতিগ্রহ না করে, তাহা হইলে সেই প্রতিগ্রহী ত্যাগী শাস্ত লোকলাভ করিতে পারে; বিশেষতঃ

১। প্রতিগ্রহ লইলে, উহার শরীরে ব্রহ্মতেজ থাকিতে পারেনা, তৎক্ষণাৎ তিরোহিত হইয়া যায়।

২। বীর! এইরূপে ঋষিগণের বাক্য সমাপ্ত হইলে, ভ্রমদগ্নি কহিলেন, দুর্শ্মতিগণ যে তৃষ্ণারে কোন পরিত্যাগ করিতে পারে না, শরীর জীর্ণ হইলেও

৩। তৃষ্ণা জীর্ণ হয় না, প্রত্যুত, দিন দিন মবীভূত হয়, এবং ৪। প্রাণান্তকর রোগ বলিয়া নির্দিষ্ট হইয়াছে, মনুষ্য তৃষ্ণা পরিত্যাগ করিতে পারিলে সুখী হইয়া থাকে।

গুণী কহিলেন, এই মহেশ্বর ঋষিগণ যে উগ্রতরা ভয় করিয়া থাকেন, যাহা দুর্ব্বলের বলদায়িকা হইবে ও সেই তৃষ্ণারে অতিশয় ভয় করিয়া থাকে। অনন্তর ভ্রমদগ্নি কহিলেন, ধর্মপরায়ণ বিদ্বান্ ব্যক্তি আত্মহিত না করিয়া, যে সমস্ত কার্যের অনুষ্ঠান করিয়া থাকেন, আত্মহিতকামী বুদ্ধিমান পুরুষ তদনুরূপ অনুষ্ঠান করিবেন।

হে কৌরবকুলতিলক ভীষ্ম! সেই সমস্ত দৃঢ়ব্রত ঋষিগণ পরস্পর এইরূপ বাক্য প্রয়োগ করিয়া, পাছে লোভ আকর্ষণ করে, এই আশঙ্কায় সেই হেমগর্ভ উড়ুম্বর সকল পরিত্যাগ পূর্বক স্থানান্তরে গমন করিলেন। এবং ইত্যন্ত বিচরণ করিতে করিতে মধ্যস্থ পুষ্করতীরে উপস্থিত

মহর্ষি বেদব্যাস-প্রণীত

# পদ্মপুরাণ ।

বাঙ্গালী গদ্যানুবাদ ।

শ্রীজহরলাল লাহা কর্তৃক সংগৃহীত ও তৎকর্তৃক

৬৭ নং নিয়োগোসাইয়ের লেন হইতে প্রকাশিত ।

ত্রিংশ ও একত্রিংশ খণ্ড ।

কলিকাতা

বি, পি, এম্‌স্‌ যন্ত্রে

শ্রীবেণীমাধব চক্রবর্তী দ্বারা মুদ্রিত ।

২২ নং বামাপুকুর লেন ।

১২৯০ সাল ।

মূল্য চারি আনা ।

## পদ্মপুরাণ সংক্রান্ত কয়েকটি নিয়ম।

- ১ম। প্রত্যেক মাসে তিন বা চারি খণ্ড পেজি করবেন, তিন কপার  
১০ ছই আনা মূল্যে প্রকাশ করা যাইবে।
- ২য়। দৈবক্রমে মাসিক প্রকাশ না হইলে, অন্য মাসে তাহা পূরণ  
করিয়া দেওয়া যাইবে।
- ৩য়। বিনি নাম স্বাক্ষর করিয়া এক খণ্ড ও গ্রহণ করিবেন, তাঁহাকে  
সম্পূর্ণ পুস্তকের দ্বারী থাকিতে হইবে।
- ৪র্থ। আমরা যেচ্ছাক্রমে পুস্তক প্রকাশ না করিলে, গ্রাহকগণের নিকট  
হইতে প্রদত্ত খণ্ড সকল ফেরত লইয়া, তাঁহাদের দত্ত মূল্য তাঁহাদিগকে  
প্রত্যর্পণ করিতে বাধ্য रहিলাম।
- ৫ম। ছই খণ্ডের অধিক মূল্য কেহই হাতে রাখিতে পারিবেন না। ছই  
খণ্ডের অতিরিক্ত বাকী পড়িলে, প্রত্যেক খণ্ড ১০ হিঃ আদার করা যাইবে।  
মুনাধিক ১২ টাকার পুস্তক শেব করা যাইবে।
- ৬ষ্ঠ। অগ্রিম ১ এক টাকা না পাঠাইলে, মকঃসলহ গ্রাহকগণকে  
পুস্তক দেওয়া যাইবে না। তাঁহাদিগকে অতিরিক্ত ডাকমাসুল দিতে হইবে  
না। এক টাকার মূল্যের পুস্তক পাইলে তাঁহারা পুনরায় অগ্রিম এক টাকা  
করিয়া পাঠাইবেন।
- ৭ম। বাহারা টিকিট দ্বারা মূল্য প্রেরণ করিবেন, তাঁহাদিগকে টাকা প্রতি  
১০ এক আনা কমিশন দিতে হইবে। কারণ ইন্ডিয়ান বিক্রয়কালে আমা-  
দিগকেও ঐ নিয়মে বাটা দিতে হয়।
- ৮ম। আমাদের স্বাক্ষরিত বিল না লইয়া গ্রাহকগণ কাহাকে মূল্য দিলে  
স্বজ্ঞান্য দ্বারী হইব না ইতি।

কলিকাতা

৬০নং নিমুগোঁসামের লেন

প্রকাশক

শ্রীজহরলাল লাহা।



হইলেন। তাঁহারা সেই মধ্যম পুঙ্কে উপস্থিত হইয়া, শুনঃসখ নামক পরিব্রাজককে সহসা তথায় সমাগত দেখিলেন। হে ভীষ্ম! অনন্তর ঋষিগণ সেই শুনঃসখের সহিত মিলিত হইয়া কিঞ্চিৎ বনাস্তরে গমন করিলেন। এবং কোন সরোবরতীরে উপবিষ্ট হইয়া আপনাদের মঙ্গল গতি লাভের চিন্তা করিতে লাগিলেন। তখন শুনঃসখ ক্ষুধাকাতর সেই ঋষিদিগকে কহিলেন, হে ঋষিগণ! ক্ষুধা হইলে, কিরূপ বেদনা অনুভূত হয়, আপনারা প্রকৃত রূপে তাহা নির্দেশ করুন।

ঋষিগণ কহিলেন, হে শুনঃসখ! শক্তি, খড়্গ, গদা, চক্র ও তোমার প্রভৃতি অস্ত্র শরীরে বিদ্রু হইলে, যাদৃশী বেদনা ঘটিয়া থাকে, ক্ষুধা তাহা অপেক্ষাও অধিকতর বেদনা প্রদান করে, কেন না, শস্ত্রপীড়িত ব্যক্তি ক্ষুধাবিক্ত হইলে আর তাহার শস্ত্রাদি বেদনা অনুভূত হয় না, কেবল ক্ষুধার যাতনাই বলবতী হয়। শ্বাস, কাস ও ক্ষয়াদি ব্যাধি এবং জ্বর ও অপম্মার রোগে যে প্রকার যাতনা হয় ক্ষুধিত ব্যক্তি তাহা অপেক্ষাও অধিকতর ক্লেশ ভোগ করিয়া থাকে। অধিক কি, ক্ষুধাপীড়িত মানবগণ স্রবণ নিম্নিত অঙ্গদা কেয়ূর, উজ্জ্বল মুকুট এবং কুণ্ডলাদি অলঙ্কারের শোভাস্বথ অনুভব করিতে পারে না। মৃত্তিকার উপরি জল পতিত হইলে, যেরূপ সূর্য্য কিরণ দ্বারা শুষ্ক হইয়া থাকে, সেইরূপ জঠরানল প্রজ্জ্বলিত হইলে, সমুদায় শরীর শুষ্ক হইয়া যায়। ফলতঃ মনুষ্য ক্ষুধায় পীড়িত হইলে, তাহার কিছুতেই তৃপ্তি হয় না, সে অনায়াসে অভ্যাগত ঋষিকেও নিন্দা করিয়া থাকে এবং কাহার কথা

শ্রবণ বা কোন বস্তু দর্শন করিতে তাহার ইচ্ছা হয় না,  
 সমুদায়ই তাহার বিষবৎ বোধ হয় । হে শুনঃসখ ! আমরা  
 তোমাতে ক্ষুধিত ব্যক্তির যে সকল চরিত্র কহিলাম, তৃপ্ত  
 ব্যক্তি ইহার বিপরীত রীতি সম্পন্ন হইয়া থাকে, সে কাহার  
 অবমাননা করে না, সকলের মর্যাদা রক্ষা করে । সে যাহা  
 ইউক, লোক মধ্যে অন্ন সদৃশ কোন দ্রব্য অদ্যাপি উৎপন্ন  
 হয় নাই, এবং পরেও যে হইবে তাহারও সম্ভাবনা নাই,  
 অতএব অন্নই সর্বাপেক্ষা শ্রেষ্ঠতর, অন্ন এই সমস্ত জগতের  
 মূলস্বরূপ এবং সমুদায় জগৎ একমাত্র অন্নে প্রতিষ্ঠিত  
 হইয়া রহিয়াছে । হে দ্বিজ ! তুমি কেবল এই মনুষ্যগণকে  
 অন্নময় বিবেচনা করিও না, সমস্ত পিতৃগণ, দেবতাগণ,  
 দৈত্যগণ, যক্ষগণ, রাক্ষস কিম্বদ এবং পিশাচগণ ইহারা  
 সকলেই অন্নময় বলিয়া অবধারিত হইয়াছেন । কুক্কট, বায়স,  
 কুক্কর, বিলেশয় মৃষিক, জলচর মৎস্য ও কীট পিপালিকা  
 প্রভৃতি যে সকল জন্তু দেখিতেছে, ইহারা সকলেও অন্নময়  
 বলিয়া নির্দিষ্ট আছে । এই জন্য ধার্মিকগণ প্রযত্ন সহ-  
 কারে সর্বদা অন্নদান করিয়া থাকেন এবং অন্নদানবারা ইহ-  
 কালে পরিতৃপ্ত হইয়া চরমে অক্ষয় শাস্ত লোক প্রাপ্ত হন  
 হে বিপ্র ! তপস্যা, তীর্থস্নান, জপ, হোম, ধ্যান, যোগ  
 গতি অথবা ধর্ম সমুদায় অন্ন দ্বারা বর্দ্ধিত হইয়া থাকে ।  
 চন্দ্রলোক, বরুণলোক, যমলোক, কুবেরলোক, ব্রহ্মলোক  
 এবং বহুলোক প্রভৃতি সমুদায় লোক একমাত্র অন্নে  
 প্রতিষ্ঠিত হইয়া রহিয়াছে । চন্দন অণুর ও ধূপাদি গন্ধদান  
 এবং শাতার্তের শাত নিবারণ জন্ত ইক্ষনদান ইত্যাদি যে  
 সমস্ত উৎকৃষ্ট দান দেখা যায়, তাহা অন্নদানের ঘোড়শাংশের

একাংশও বলিয়া গণ্য হইতে পারে না। সৰ্ব্ব প্রকার অলঙ্কারে অলঙ্কৃত করিয়া কন্ঠাদান এবং প্রপাদান ইহাও অন্নদানের ষোড়শাংশের একাংশ বলিয়া গণ্য হইতে পারে না। কূপ-দান, আরামদান, আয়তনদান, বাপীদান এবং বৃষোৎসর্গ প্রভৃতি সংকার্য্যও অন্নদানের ষোড়শাংশের একাংশ বলিয়া গণ্য হইতে পারে না।

হে শুনঃসখ ! যতপ্রকার দান আছে, তন্মধ্যে ভূমি-দান, গোদান, পানীয়দান এবং অন্নদানই অতি উৎকৃষ্ট। এই সকল দ্রব্যদানের তুল্য দান আর নাই, পূৰ্বে দেবগণ এই দান গুলির গুরুতা দেখিয়া ইহাদের মধ্যে কোন্ দান সৰ্ব্বাপেক্ষা অধিকতর ও গুরুতর, ইহা পরীক্ষা করিবার নিমিত্ত ভূলাদণ্ডে ধারণ করিয়াছিলেন, কিন্তু সৰ্ব্বাপেক্ষা অন্নদান গুরুতর হইয়াছিল। অন্নই দেহিগণের প্রাণ এবং অন্নই তাহাদের বল, তেজ, রূপ ও পরাক্রম। যেহেতু তেজ কেবল অন্ন হইতেই উৎপন্ন হয় এবং অন্ন দ্বারা বর্দ্ধিত হইয়া থাকে। হে বিপ্র ! মহাত্মা পৌণ্ড-রীক এবং মেধা ইহঁরা অগ্নিষ্টোম, ত্রিরাত্র, রাজসূয়, সৌত্রামণী, রাজপেয় এবং মানুষ ও পশু ইত্যাদি যে সমুদায় ষোড়শ মহাক্রতুর উল্লেখ করিয়াছেন, তৎসমস্তও অন্ন দ্বারা প্রবর্দ্ধিত হইয়া থাকে। অন্ন না থাকিলে এসকল সম্পন্ন হইতে পারে না। সে যাহা হউক, হে ব্রাহ্মণ ! তোমারে অন্নদানের মাহাত্ম্য আর কি কহিব, যে ব্যক্তি সৰ্ব্বদা ক্ষুধাতুরকে অন্নদান করিয়া থাকে, সপৰ্ব্বত সমগ্র নদী সমন্বিত সকানন ভূমণ্ডল বিধিপূৰ্ব্বক দান করিলে যে পুণ্যাভ হইয়া থাকে, ঐ অন্নদাতা একমাত্র অন্নদানের

বার। অনায়াসে তৎফলভাগী হইয়া থাকে । যে ব্যক্তি  
 ক্ষুৎপিপাসাপীড়িতের ব্যাকুল বাক্য শ্রবণমাত্র প্রতিনিয়ত  
 অন্নদান করিতে পারেন, তিনি ব্রহ্ম তুল্য হইয়া থাকেন,  
 ইহাতে সন্দেহ নাই । হে সৌম্য ! যে ব্যক্তি সর্বদা অন্নদান  
 করে, সে যদি দৈবাৎ ব্রহ্মহত্যা পাপে পরিলিপ্ত হয় তাহা  
 হইলে সেই পাপ কোন মতেই তাহাকে আক্রমণ করিতে  
 পারে না, যেহেতু অন্নদান পুণ্য প্রভাবে উহা আপনিই  
 ধ্বংস হইয়া যায় । হে বিপ্র ! কোন বিষয় তোমার অজ্ঞাত  
 নাই, তবে কি কারণে আমাদিগকে জিজ্ঞাসা করিতেছ ?  
 হে মহাপ্রাজ্ঞ যে ব্যক্তি ব্রাহ্মণদিগকে বিশেষতঃ ক্ষুধাতুরকে  
 সর্বদা অন্নদান করে, তাহার সমুদায় সদক্ষিণ যজ্ঞের  
 ফল প্রাপ্ত হইয়া থাকে । অধিক কি যে ব্যক্তি নিত্য  
 অন্নদানে রত থাকে সে সমুদায় ব্রতচরণ ফলের পার-  
 গামী এবং সমস্ত তীর্থ স্নায়ী বলিয়া প্রসিদ্ধ হয়, এবং  
 তাহার সমুদায় দেবতা অর্চনার ফল লাভ হয় । যে  
 ব্যক্তি শ্রদ্ধাসম্বিত হইয়া ক্ষুধিত ব্রাহ্মণদিগকে অহরহ  
 স্নসংস্কৃত অন্নদান করে, তাহার সৌভাগ্যের কথা আর কি  
 কহিব । সে ভূতভাবন ব্রহ্মার সহিত ব্রহ্মলোকে স্নখভোগ  
 করিয়া থাকে । হে বিজ ! যে ব্যক্তি একাগ্রমনা হইয়া  
 এই অন্নদান মাহাত্ম্য শ্রাদ্ধকালে বিশেষতঃ অমাবস্তা,  
 গ্রহণ, পূর্ণিমা, কিস্বা চন্দ্রের কলাক্ষয় কালে পাঠ করেন,  
 তদীয় পিতৃগণ যাবজ্জীবন তাঁহার প্রতি প্রসন্ন হইয়া  
 থাকেন, ইহাতে কোন সন্দেহ নাই । যে ব্যক্তি এই অন্ন-  
 দানমাহাত্ম্য নিয়ত পাঠকরে সে প্রভু্যক্ত হউক, বা প্রমত্ত  
 হউক, সংসর্গ প্রাপ্ত হউক কিম্বা ভরু বা বিরহিত হউক

তাহার শরীরে কোন প্রকার পাপ আশ্রয় করিতে পারে না।

হে সৌম্য ! ব্রাহ্মণ যদি দমসম্পন্ন হইতে পারেন, তাহা হইলে তিনি সমস্ত সুখ সৌভাগ্য ও স্বর্গভাজন হইয়া থাকেন। বহুদর্শী ব্যক্তিগণ দম দান ঘম প্রভৃতি যে সমস্ত বিষয়ের উল্লেখ করিয়াছেন, তাহার প্রত্যেকটি অতি উৎকৃষ্ট বলিয়া নির্দিষ্ট হইয়াছে, কিন্তু ব্রাহ্মণগণের পক্ষে দমই সনাতন ধর্ম বলিয়া প্রসিদ্ধ। দমপরায়ণ ব্রাহ্মণ অতিশয় তেজস্বী হইয়া থাকেন। দম দ্বারা তেজঃ বর্দ্ধিত হয় এবং দম উত্তম ও পবিত্র বলিয়া পরিগণিত, অন্যান্য যে সমস্ত নিয়ম বিহিত আছে, দম তৎসর্ব্বাপেক্ষা শ্রেষ্ঠতর। অধিক কি, ধর্ম্মমূল সমস্ত যজ্ঞাদি হইতে দম অতি উৎকৃষ্ট। তপস্বীচরণ যজ্ঞানুষ্ঠান জপ এবং দান এ সমুদায়ই দম হইতে প্রবর্তিত হইয়া থাকে। যে ব্যক্তি কুৎসিত কন্মের অনুষ্ঠানে বিরত এবং সর্ব্বদা বীতরাগ গৃহই তাহার তপোবন। যে ব্যক্তি সর্ব্বদা স্বীয় পুত্র কলত্রাদির সহিত সংকস্মাচরণ পূর্ব্বক ধর্ম্মার্জিত ধন দ্বারা জীবন যাত্রা নির্ব্বাহ করিয়া থাকেন, সেই পুরুষোত্তম গৃহে থাকিয়াই মোক্ষ লাভ করেন। কেবল শস্ত্র ও শাস্ত্র বিদ্যানিরত হইলে মোক্ষলাভ হইতে পারে না এবং যে ব্যক্তি কুমমুখ্য-সংসর্গী সেও যুক্তি লাভের অনধিকারী; অধিকন্তু যে ব্যক্তি সর্ব্বদা ভোজন ও আচ্ছাদনে তৎপর এবং সর্ব্বদা লোকচিন্তা গ্রহণে রত সেও মোক্ষলাভ করিতে পারে না।

হে সৌম্য ! যে ব্যক্তি ইন্দ্রিয় সংযমনে অসমর্থ, সেই অদাস্তের তপস্বীচরণে কি হইতে পারে? এবং তাহার আশ্রমেও প্রয়োজন কি? যিনি সর্ব্বদা শীলবৃত্তিনিরুক্ত,

এবং যাঁহার ইন্দ্রিয় সকল নিগৃহীত হইয়াছে, সেই সং-  
 স্ভাবসম্পন্ন ব্যক্তির আশ্রমে কোন আবশ্যক নাই । যেহেতু,  
 গৃহবাস তাঁহার আশ্রম বাস হইয়া থাকে । বিষয়াসক্ত  
 ব্যক্তি বনবাসী হইলেও তাহার দোষ সকল প্রাদুর্ভূত  
 হইতে থাকে এবং যিনি পঞ্চ ইন্দ্রিয় নিগ্রহ করিয়াছেন,  
 তাঁহার বন গমনের আবশ্যক নাই, গৃহে থাকিয়াই তপ-  
 স্চরণ হয় । যে ব্যক্তি সর্বদা কুৎসিতাচরণ পরিবর্জন  
 করিয়া সংপথে বিচরণ করেন এবং যে ব্যক্তি একান্তশীল  
 ও ধৃঢ়ব্রত, তিনি নিশ্চয় মোক্ষলাভ করিয়া থাকেন ।  
 যে ব্যক্তি কখন ইন্দ্রিয় সকলের কোনরূপ প্রতীসাধন  
 করেন না, যাঁহার অন্তঃকরণ নিয়ত অধ্যাত্মযোগে রত  
 থাকে, যিনি কোনরূপ হিংসাকার্য্য করেন না, প্রতিনিয়ত  
 জপ ও ধ্যান পরায়ণ হইয়া কালযাপন করিয়া থাকেন  
 নিশ্চই তাঁহার মোক্ষলাভ হয় । দমপরায়ণ ব্যক্তির  
 কোন সময়েই কেশ থাকে না, তিনি স্নেহে শয়ন করেন  
 এবং স্নেহেই জাগরিত হইয়া থাকেন । যিনি অন্তঃকরণের  
 সহিত সমস্ত ভূতগণকে সমভাবে অবলোকন করেন,  
 সম্ভাষ তাঁহার মনে সর্বদাই অধিষ্ঠান করে । বিনীতাত্মা  
 ব্যক্তিগণ যেরূপ স্নাতানুভব করিতে করিতে মহাপথে গমন  
 করিয়া থাকেন হস্তী কিম্বা ঘোটকে আরোহণ করিয়া সেরূপ  
 গমন বা তাদৃশ স্নাতানুভব কদাপি হইতে পারে না ।  
 যাহার আত্মা বশীভূত নহে এবং যে ব্যক্তি নিয়ত ক্রোধ-  
 পরায়ণ সংসারে তাহার অরাতির অসম্ভাব নাই, সে স্বয়ংই  
 আত্ম শত্রু হইয়া থাকে । যে ব্যক্তি কোন প্রকারে  
 আত্মারে বশীভূত করিয়াছে যমও তাহার অনিষ্ট

করিতে সমর্থ নহে। হে শুনঃসখ! এই সংসারে সর্বদা ক্রব্যাদ্য, ভূত ও অন্যান্য অদাস্ত প্রাণী হইতে বহুবিধ ভয় উৎপন্ন হইয়া থাকে। যাহাতে ঐ সমুদায় ভয় কোন মতে স্বীয় ক্ষমতা প্রকাশ করিতে না পারে, এই নিমিত্ত বিধাতা দণ্ডের সৃষ্টি করিয়াছেন। বিধাতার সৃষ্টি এই দণ্ডের প্রভাব অসামান্য। ভূত সমুদায় এই দণ্ডের দ্বারাই রক্ষিত হইয়া থাকে, দণ্ডই সমস্ত প্রজাকে প্রতিপালন করে, এবং ইহা এপ্রকার দুর্জয় যে পাপিষ্ঠগণ সর্বদা ইহার শাসনে ভীত হইয়া দুষ্কর্মানুষ্ঠান হইতে বিরত হইয়া থাকে। যাহা হউক, শ্যামবর্ণ লোহিত লোচন এই দণ্ড সর্ব প্রাণির ভয়াবহ এবং মনুষ্য সকলের শাসন কর্তা। ধর্ম কেবল এই দণ্ডকে আশ্রয় করিয়া মূর্তিমান রহিয়াছেন।

হে ভীষ্ম! ঋষিগণ এই প্রকার কহিয়া পুনর্ব্বার দমের স্বরূপ বলিতে লাগিলেন। আশ্রমবান্ প্রাণিদিগের সে সমস্ত ধর্ম ও ব্রত বিহিত হইয়াছে, তাহার মধ্যে দমই অতি উত্তম। শান্ত্রমতি ঋষিগণ আনুশংগ, অপারূষ্য, সন্তোষ, শ্রদ্ধাধানতা, অনসূয়া, গুরুপূজা, সর্বভূতে দয়া এবং অপৈশুন্য প্রভৃতিকে দমের চিহ্ন বলিয়া ব্যাখ্যা করিয়া থাকেন। হে ভীষ্ম! ধর্ম, মোক্ষ, এবং স্বর্গ এসমুদায়ই একমাত্র দমের অধীন। যে ব্যক্তি অবমানিত হইলে কুপিত হন না এবং সম্মান লাভে বাহার হর্ষ নাই, যিনি সুখ ও দুখ এই উভয়কে সমান বোধ করিয়া থাকেন, সংসারে সেই ব্যক্তি ধীর ও শান্ত বলিয়া বিখ্যাত। ধীর ব্যক্তি কদাচিৎ অবমানিত হইলেও স্থখে শয়ন করিয়া থাকেন, স্থগে জাগরিত হন এবং শ্রয়ো বিধানে তৎপর

থাকেন, কিন্তু অবমত্ত। হইলে, বিনিষ্ট হইয়া যান । আত্মধর্মের গৌরব অবলোকন করিয়া অন্তের চরিত ধর্মের দোষারোপ করিবে না, সর্বত্র আত্মবোধ করিবে, কদাপি পরকীয় দোষ মুখে আনিবে না । বস্ত্র যেরূপ বিকলাঙ্গ ব্যক্তির হীন অঙ্গ আচ্ছাদন করিয়া থাকে, সেইরূপ দম কুলহীনতা ও ক্রিয়া হীনতা প্রভৃতি সমুদায় দোষ অনায়াসে প্রচ্ছাদন করে ! দমসম্পন্ন হইলে বংশ এবং দুষ্কর্মাদি দোষ তিরোহিত হইয়া যায় । হে ভীষ্ম ! সংসারে যত প্রকার ব্রত বিদ্যমান আছে, দমই সে সমুদায়ের মূল স্বরূপ এবং দম সনাতন ধর্মরূপে পরিগণিত হইয়াছে, যে ব্যক্তি এই দমের স্বরূপ জ্ঞাত নাই সে নিরন্তর অধ্যয়নে ব্রতী হইলেও কোন ফল লাভ করিতে পারে না । যে ব্যক্তি দম ও আত্মা এই দুই মানদণ্ডে তুলনা করেন, তিনি তাদৃশ অনুষ্ঠান দ্বারা ধৃতিমান ও স্বধর্মসংযুক্ত হইয়া থাকেন । সমুদায় ব্রতের মধ্যে দমই পরমোৎকৃষ্ট ব্রত রূপে প্রতিপন্ন হইয়াছে । হে বিপ্র ! যে ব্যক্তি ষড়ঙ্গ সমগ্র বেদ অধ্যয়ন করিয়াছে কিন্তু দম বিশিষ্ট হইতে পারে নাই, সে কখন জনসমাজে আদরণীয় হয় না । সাংখ্য ও যোগানুষ্ঠান, সংকুল জন্ম, তীর্থাভিষেক ইত্যাদি সাধুকার্য্যও দমের অভাবে নিরর্থক হইয়া পড়ে । যোগবিৎ ব্যক্তি কাহারও অবমাননায় ক্ষুব্ধ না হইয়া অমৃত লাভের স্রায় সন্তুষ্ট হইয়া থাকেন । এবং সম্মানকে বিষের স্রায় ঘৃণা করেন । অবমান দ্বারা তপস্তার বৃদ্ধি হয়, সম্মান দ্বারা তাহার ক্ষয় হইয়া থাকে, অতএব তপস্বী ব্যক্তি সর্বদা সম্মান পরিত্যাগ পূর্ব্বক অবমান কামনা করিবেন । দক্ষা গো যেরূপ



গমন করে, ব্রাহ্মণ অর্চিত ও পূজিত হইলে সেই প্রকার গমন করিবেন। এবং ছুঙ্কা গো পুনরায় যে প্রকার শাদ্বল ভোজন করিয়া তৃপ্তি লাভ করে সেই রূপ অর্চিত ও পূজিত বিপ্র জপ ও হোম দ্বারা পুনরায় আপ্যায়িত হইবেন। সংসারে যত প্রকার সুহৃদ বিদ্যমান আছে আক্রোশক তৎ-সর্ব্বাপেক্ষা প্রধান। উহার তুল্য সুহৃদ আর কাহাকেও দেখিতে পাওয়া যায় না, যেহেতু আক্রোশক অন্যের দুষ্কৃত গ্রহণ পূর্ব্বক তাহারে আত্ম পুণ্য প্রদান করে। কোন ব্যক্তি আক্রোশ প্রকাশ করিলে, তাহার প্রতি কখন আক্রোশ প্রকাশ করিবে না, তৎকালে বিচলিত মনকে প্রতিনিবৃত্ত করিবে, ব্রহ্মচর্য্যে নিরক্ষিপ হইলে পরম গতি লাভ হয় না। যদিও কাম এবং ক্রোধ এই দুই প্রবল শত্রুকে পরাজিত করিতে পারা যায়, তাহা হইলে অন্য কোন রিপু আর কিছুই করিতে পারে না।

হে ভীষ্ম ! ঋষিগণ এইরূপ বহুবিধ বাক্য প্রয়োগ পূর্ব্বক পুনরায় কহিতে লাগিলেন, হে ব্রহ্মন্ ! শ্রদ্ধা অন্ন দ্বারা ধৃত হয়, কুল শীল দ্বারা ধৃত হয়, প্রাণ অমৃত দ্বারা ধৃত হয় আর ক্রোধ সত্য দ্বারা ধৃত হইয়া থাকে। যৎকালে শরীরে ক্রোধের আবির্ভাব হয়, তখন, যে ব্যক্তি তাহা ধারণ করিতে পারে সেই অক্রোধী অনায়াসে বিশ্বসংসার পরাজয় করে। এই লোক মধ্যে তাহার সন্ধান আর কেহ নাই। ক্ষমাবান ব্যক্তিগণের সমুদায়ই শুণ্ড; এই একমাত্র দোষ লক্ষিত হইয়া থাকে, যে লোকে ক্ষমাসম্পন্ন ব্যক্তিকে অক্ষম বলিয়া গণ্য করে। কিন্তু ক্ষমাবান্গণের এই দোষ কদাপি বাচ্য হইতে পারে না, যেহেতু ক্ষমা

সাতিশয় প্রজাবতী, উহার আশ্রয় গ্রহণ করিলে, নিঃ-  
সন্দেহ শ্রেয়ঃ লাভ হইয়া থাকে । ক্রোধবশ হইয়া,  
কখন পূজা হোম করা বিধেয় হয় না । যেহেতু ভগ্ন ভাণ্ড  
মধ্যে সলিল যেরূপ নিঃশেষ হইয়া থাকে, সেইরূপ ক্রোধী  
ব্যক্তির পূজা হোমাদিও বিনষ্ট হইয়া যায় । হে দ্বিজ !  
যে ব্রাহ্মণ এই পুণ্যপ্রদ দমাধ্যায় সতত অন্য ব্যক্তিরে  
শ্রবণ করান, তিনি নিশ্চয়ই ব্রহ্মলোক প্রাপ্ত হইবেন  
এবং কদাচ তথা হইতে বিচ্যুত হইবেন না । অধুনা  
আপনারে সারধর্ম্য কহিতেছি, শ্রবণ করিয়া অবধারণ করুন ।  
যাহা আপনার ও অন্তের প্রতিকূল তাহা অনুষ্ঠান করিতে  
নাই । এই সংসারে যে ব্যক্তি পরস্ত্রীকে মাতার স্থায়  
অবলোকন করেন, পরের দ্রব্য লোভ্ববৎ বিবেচনা করিয়া  
থাকেন, এবং সমস্ত প্রাণিকে আত্মসদৃশ জ্ঞান করেন, তিনিই  
যথার্থ দর্শন করেন । ঐহার অধ্যয়ন দেবতার প্রীতির  
নিমিত্ত হয়, যিনি অন্তের জীবনের উপকারার্থ আত্মজীবন  
ধারণ করেন, যিনি পুত্রোৎপাদন নিমিত্ত স্ত্রী সহবাস করিয়া  
থাকেন, তাঁহার জীবনই সার্থক । ২৬০ হে রাজেন্দ্র ভীষ্ম !  
সমস্ত ধাতু মধ্যে কাঞ্চন যেরূপ উৎকৃষ্ট, সর্বধর্ম্মাত্মক এই  
দমাধ্যায়ও সেইরূপ শ্রেষ্ঠতর । ইহা অধ্যয়ন করিলে অমৃত  
লাভ হয় । হে শুনঃমথ ! তোমারে এই ধর্ম্মসর্বস্ব কহি-  
লাম । শ্রেয়ঃকামী ব্যক্তির ইহা সেবা করা সর্ব্বথা কর্তব্য ।

হে দেবব্রত ! অনন্তর সমস্ত ঋষিগণ কিঞ্চিৎ বনাস্তরে  
গমন করিয়া তথায় কোন সরোবরে অবতরণ করিলেন ।  
এবং মৃগাল সকল তাঁরে নিক্ষেপ পূর্ব্বক জনকেলি করিতে  
লাগিলেন । অনন্তর ক্রীড়া সমাধা হইলে তাঁহারা সকলে তাঁরে

উদ্ভীর্ণ হইলেন এবং পূর্ব্বে ঐ সরোবরতীরে যেমৃণাল রাখিয়া-  
 ছিলেন তাহা দেখিতে না পাইয়া পরস্পর কহিতে লাগিলেন,  
 কি আশ্চর্য্য ! আমরা বহুদিন ক্ষুধায় পীড়িত রহিয়াছি, অধুনা  
 তাহার শান্তিকামনায় অতি তুচ্ছ পদ্মমৃণাল আহরণ করিলাম,  
 কোন্ পাপকন্মা নৃশংস সে সকল অপহরণ করিল। সেই  
 দুর্ফাওয়া একবারও বিবেচনা করিল না যে, এই ধর্ম্মভীরু ঋষি-  
 বৃন্দ ক্ষুধায় কিরূপ যাতনা ভোগ করিতেছেন। ইহারা এই  
 জীবনসর্ব্বস্ব মৃণাল না পাইলে অতিশয় দুঃখিত হইবেন।  
 হে ভূপতে ! অনন্তর সেই ঋষিগণ পরস্পর মৃণাল অপহরণ  
 আশঙ্কা করিয়া পরস্পরকে জিজ্ঞাসা করিতে লাগিলেন, পীরে  
 যখন কোন প্রকারে সন্দেহ দূর হইল না, তখন তাঁহারা পর-  
 স্পর শপথ পূর্ব্বক মৃণালাপহারকের নির্ণয় করিতে প্রবৃত্ত  
 হইলেন। হে ভীষ্ম ! সর্ব্বাণে দ্বিজশ্রেষ্ঠ কাত্যায়ন এই-  
 প্রকার শপথ পূর্ব্বক আত্মদোষ ক্লালন করিলেন। কাত্যায়ন  
 কহিলেন, হে দ্বিজবর্ষ্যগণ ! আমি আপনাদের সমক্ষে এইরূপ  
 শপথ করিতেছি, যে ব্যক্তি ক্ষুধার্ত্তের সম্বলস্বরূপ এই মৃণাল  
 অপহরণ করিয়াছে, সে সর্ব্বত্র সর্ব্বস্ব হরণ করুক, গচ্ছিত ধনে  
 লোভী হউক, কূটসাক্ষ্য প্রদান করুক, সর্ব্বদা অনৃতভাষী  
 হউক, কুশীদ গ্রহণ দ্বারা আত্মজীবন রক্ষা করুক এবং শুষ্ক  
 গ্রহণ করিয়া কণ্ঠা বিক্রয় করুক। অধিক আর কি বলিব, যে  
 ব্যক্তি মৃণাল লইয়াছে, সে সর্ব্বকাল শূদ্রের অন্ন ভোজন  
 করুক এবং দান করিয়া অন্যত্র কীর্ত্তন করুক, পরস্প্রীতে  
 উপগত হউক, একাকী মিষ্টান্ন ভোজন করুক। হে বীর !  
 দ্বিজ কাত্যায়ন এইপ্রকার অতি কঠোরতর শপথ করিলে,  
 বিশ্বামিত্র কহিলেন, হে মহর্ষিগণ ! যে ব্যক্তি এই মৃণাল অপ-

হরণ করিয়াছে, সে নিয়ত কামনাপর ও দিবাভাগে মৈথুন ক্রিয়ায় রত হউক এবং বাচ্ঞা করিয়া জীবন যাপন করুক ।

মহর্ষি বিশ্বামিত্র এইরূপে আত্মদোষ কালন করিলে, জন্মদগ্নি কহিলেন, আমরা সকলে জীবনরক্ষা করিবার নিমিত্ত যে যুগল আনিয়াছিলাম, যে ব্যক্তি তাহা হরণ করিয়াছে, সেই দুঃস্মৃতি স্বীয় মাতা ও পিতাকে সর্বদা অবমাননা করুক । স্তাদন্তবৃদ্ধি হইয়া জীবনধারণ করুক ।

হে কৌরবপ্রবর ! শুনঃসখ কহিলেন, যে ব্যক্তি এই যুগল লইয়াছে, সে ন্যায়পথের পথিক হইয়া বেদ অধ্যয়ন করুক, এবং নিরন্তর গৃহস্থ হইয়া অতিথিগণের পূজাপরায়ণ হউক, এবং সর্বদা দমবিশিষ্ট থাকিয়া স্তখে কালযাপন করুক ।

হে ভীষ্ম ! তৎকালে সেই ঋষিগণ শুনঃসখের ছলসংযুক্ত শপথ বাক্য শ্রবণ করিয়া কহিলেন, হে শুনঃসখ ! তুমি যেক্রপ শপথ করিলে, ইহাতে ইচ্ছসাধন প্রকাশ পাইতেছে, অতএব আমাদের সকলের জীবনরক্ষাকর যুগল তুমিই হরণ করিয়াছ, তাহাতে কোন সন্দেহ নাই । হে ভীষ্ম ! শুনঃসখ মহর্ষিগণের বাক্য শ্রবণে পরম পরিতুষ্ট হইয়া কহিলেন, হে ঋষিগণ ! আপনারা যে যুগল সরোবরতীরে রাখিয়াছিলেন, অন্য কেহই তাহা অপহরণ করে নাই, আমিই তাহা লইয়াছি । হে দ্বিজাতিগণ ! আমি প্রকৃত শুনঃসখ নহি, আমারে দেবনায়ক ইন্দ্র বলিয়া জানিবে । আমি আপনাদের নিকট ধর্ম্ম শ্রবণ করিতে আসিয়াছি এবং আপনাদের কতদূর ধর্ম্মানুষ্ঠান হইয়াছে ইহা পরীক্ষার্থে এই যুগল অপহরণ করিয়াছি । যাহা

হউক, হে মুনিগন্তমগণ ! আপনারা সর্বথা লোভশূন্য ও অক্ষয় লোক জয় করিয়াছেন, অতএব সকলে বিমানে আরোহণ করিয়া ত্রিংশালয়ে গমন করুন ।

হে কুরুকুলতিলক ! অনন্তর বাক্যবিশারদ সেই সমস্ত মহর্ষিগণ তাঁহাকে ইন্দ্র জানিয়া পুনরায় করিলেন, যে ব্যক্তি এই পুষ্কর তীরে সমাগত হইয়া মধ্যম পুষ্করে প্রবেশ পূর্বক ত্রিরাত্র উপোষিত থাকিবে, তাহার অনন্ত ফল প্রাপ্তি হইবে । লোকে অরণ্যে বাস করিয়া দ্বাদশবার্ষিকী দীক্ষা অবলম্বন পূর্বক যে সমস্ত ফল লাভ করিয়া থাকে, এই মধ্যম পুষ্করে আসিলে, সেই সমস্ত ফল অনায়াসে প্রাপ্ত হইবে, সন্দেহ নাই । অধিক আর কি कहিব, যে ব্যক্তি এই মধ্যম পুষ্করে সমাগত হইবেন, তিনি কোনরূপ দুর্গতি ভোগ করিবেন না, এমন কি স্বীয় কুলের সহিত ব্রহ্মলোক প্রাপ্ত হইয়া এক দিন তথায় বাস করিবেন ।

পুলস্ত্য কহিলেন, হে ভীষ্ম ! তখন সেই সমস্ত ঋষিগণ প্রীত হইয়া দেবরাজ ইন্দ্রের সহিত ত্রিবিষ্টপে গমন করিলেন । সেই ক্ষুধাক্রাম ঋষিগণ বহুবিধ ভোগ দ্রব্য দ্বারা প্রলোভিত হইলেও কোন মতেই লোভ প্রকাশ করেন নাই, এই জন্ত স্বর্গমণা হইয়া স্বরলোকে গমন করেন । হে বীর ! যে ব্যক্তি এই শুভদায়ক ঋষিচরিত্র প্রতিদिवস শ্রবণ করে, তাহার সমস্ত পাপ দূর হইয়া যায় এবং সে স্বর্গলোক প্রাপ্ত হইয়া স্থখে কালযাপন করে ।

## বিংশ অধ্যায়।

---

ভীষ্ম কহিলেন, হে গুরো ! নরপতি পুষ্পবাহন নানা লোকে বিখ্যাত, ইহাঁর তেজ সূর্যের ন্যায়, ইনি কি কারণে এই পুষ্পবাহন নামে প্রসিদ্ধ হইয়াছিলেন, আপনি আমার প্রতি প্রসন্ন হইয়া এ সমস্ত প্রকাশ করুন। পুলস্ত্য কহিলেন, হে ভরতকুলভূষণ ভূপতে ! ভূপাল পুষ্পবাহন দেবদেব চতুমুখের আরাধনা করিয়াছিলেন। লোকপিতামহ ব্রহ্মা ভূপালের তপস্যায় পরিতুষ্ট হইয়া কামগামী কাঞ্চন কমল তাঁহারে প্রদান করিলেন। হে নৃপতে ! ভূপতি পুষ্পবাহন পিতামহ সন্নিধানে কামগম যান প্রাপ্ত হইয়া যথাভিলষিত স্থানে গমন করিলেন। পরে ঋষিগণের সহিত লোকে যাহারে তমসদ্বীপ বলিয়া থাকে, সেই দ্বীপ দর্শনার্থে গমন করিলেন। তিনি যানারোহণে যথাস্থখে বিচরণ পূর্বক তমসদ্বীপ ও অমর লোক অবলোকন করিতে লাগিলেন। হে ভীষ্ম ! কল্পের আদিতে পুষ্করবাসীগণ এই দ্বীপের অর্চনা করিয়াছিলেন, একারণ ইহা পুষ্করদ্বীপ নামে বিখ্যাত হইয়াছে। সে যাহা হউক, ভগবান্ কমলযোনি ব্রহ্মা ইহাঁরে দিব্যপুষ্পযান প্রদান করিয়াছিলেন, এই নিমিত্ত সমস্ত দেবতা ও নরগণ ইহাঁরে পুষ্পবাহন বলিয়া থাকেন। হে ভীষ্ম ! নরনাথ পুষ্পবাহনের সৌভাগ্যের কথা আর কি কহিব। এই ভূপতি স্বীয় তপঃপ্রভাবে ব্রহ্মাও মধ্যে পূজিত হইয়াছিলেন, তৎকালে ইহাঁর তুল্য অন্য কোন দ্বিতীয় ব্যক্তি ত্রিভুবন মধ্যে

লক্ষিত হইত না । তাঁহার ভাৰ্য্যার নাম লাবণ্যবতী, গিরি-  
রাজতনয়া পার্শ্বতী যে প্রকার মহেশ্বর মহাদেবের প্রিয়তমা,  
লাবণ্যবতীও তদ্রূপ-পুষ্পবাহনের স্নেহাস্পদা হইয়াছিল । হে  
কৌরব ! ভূপতি পুষ্পবাহন স্বীয় বনিতা লাবণ্যবতীর গর্ভে  
দশসহস্র সন্তান উৎপাদন করিয়াছিলেন । ইহারা সকলেই  
ধাৰ্ম্মিকচূড়ামণি ও ধনুর্ধরের অগ্রগণ্য ছিল । সে যাহা  
হউক, কোন সময়ে ঋষিবর প্রচেতা ভূপাল পুষ্পবাহনের  
সহিত সাক্ষাৎ করিবার নিমিত্ত তদীয় গৃহে আগমন করিলেন ।  
নরপতি পুষ্পবাহন ঋষিশ্রেষ্ঠ প্রচেতাকে অভ্যাগত দেখিয়া  
বথাবিধি তাঁহার পরিচর্যা করিলেন । পরে তিনি স্বীয় অমৃত  
নন্দনকে মুহুমুহু অবলোকন পূর্বক মুনিবর প্রচেতাকে কহিতে  
লাগিলেন, হে মুনে ! আমি আপনার নিকট কিঞ্চিৎ আত্ম-  
ব্রতান্ত জিজ্ঞাসা করিতেছি, অনুগ্রহ করিয়া প্রকাশ করুন,  
আমি কি হেতু সমস্ত মানবগণের পূজনীয় এই অতুল বিভব  
ভোগ করিতেছি ? এবং আমার ভাৰ্য্যা লাবণ্যবতী কি কারণে  
এরূপ সৌন্দর্য্যশালিনী হইয়াছে যে, তাহার লাবণ্যে সংসার-  
স্থিতা সমুদায় সুন্দরীগণের সৌন্দর্য্যগর্ব্ব পরাভূত হইয়াছে ।  
হে মুনিন্দ্র ! লোকবিধাতা ব্রহ্মা আমার তপস্যায় পরিতুষ্ট  
হইয়া আমারে স্বৰ্ণময় অম্বুজ গৃহ প্রদান করিয়াছেন ।  
হে ঋষে ! আপনি যে আমার এই অমৃত সন্তান দেখিতেছেন,  
ইহারা সকলেই ধাৰ্ম্মিকাগ্রগণ্য এবং সকলেই আমার  
বশাভূত ।

হে মুনিবর ! যৎকালে আমি আত্মগৃহে অবস্থিতি করি, তখন  
শতকোটি নৃপাল বহুশত হস্তী ও রথে পরিবৃত্ত হইয়া আমার  
উপাসনা করিতে থাকে । আমি বিবেচনা করিতে পারি না

যে অগ্রে ইহাদের কাহার প্রতি দৃষ্টিপাত করিব, আমার এতাদৃশ বিভব দেখিয়া আমি স্বয়ং বিস্ময়ান্বিত হইয়া থাকি, অন্তে যে বিস্ময়াবিষ্ট হইবে তাহার বিচিন্তিত কি? যাহা হউক নিশানাথ চন্দ্রমা সমস্ত তারাগণে পরিবৃত থাকিয়া ঘেরূপ প্রতিভা প্রকাশ করেন আমিও বহুশত ভূপাল পরিবেষ্টিত হইয়া তরুণ শোভিত হই। হে ঋষে! আমি জন্মান্তরে এমন কি তপোমুষ্ঠান করিয়াছিলাম, যে তাহার প্রভাবে এই প্রকার সমৃদ্ধি লাভ করিয়াছি, অথবা আমার ভার্য্যা লাবণ্যবতীর জন্মান্তরীণ পুণ্যফলেই আমার এই সৌভাগ্য ভোগ হইতেছে কিম্বা আমার সম্ভ্রতিগণের পূর্বপুণ্য প্রভাবেই আমার লোকাতিগ স্থখ হইয়াছে। হে প্রচেতাঃ! অবশ্যই আপনি এ সমুদায় বিদিত আছেন, যেহেতু আপনি সর্বজ্ঞ, জগতে কোন বিষয় আপনার অজ্ঞাত নাই, অধুনা অনুকম্পা প্রকাশ করিয়া আমার এই সংশয় অপনোদন করিলে কৃতার্থ হই।

হে ভীষ্ম! মুনিবর প্রচেতা পুষ্পবাহন নরপতির সমস্ত বাক্য শ্রবণ করিয়া কহিলেন, হে ভুবনপতে! আপনার অন্তঃকরণে যে সংশয় আশ্রয় লইয়াছে আমি তাহা অপসারিত করিতেছি, আপনি আমার নিকট স্বীয় পূর্বজন্ম বৃত্তান্ত শ্রবণ করুন। উহা শ্রবণ করিলে আর কদাপি এরূপ সংশয়াবিস্ট হইবেন না। হে জনাধিপ! জন্মান্তরে তুমি দরিদ্র ব্যাধকুলে জন্মপরিগ্রহ করিয়াছিলে, পিতা মাতা ভ্রাতা অথবা তোমার কোন বন্ধুবান্ধব ছিল না, ভাগ্যক্রমে তোমার পরিণয় হইয়াছিল। হে ভূপতে! কোন সময় দৈবাৎ মহতী অনারুষ্টি হইলে তুমি স্বীয় পত্নীর সহিত গৃহে অনস্থিত



হইয়া কোনপ্রকার ভোগ্যদ্রব্য লাভ করিতে পার নাই  
অঙ্গনে বসিয়া ভাষ্যার সহিত চিন্তা করিতেছিলে, এমন সময়  
হঠাৎ 'আকাশগত' কোন মঙ্গলধ্বনি তোমার কর্ণকুহরে  
প্রবিষ্ট হইল, হে নৃপ ! যে মঙ্গলশব্দ তোমার কর্ণে প্রবেশ  
করিয়াছিল আমি তাহাও বলিতেছি শ্রবণ কর । বিষ্ণুপরা-  
য়ণা অনঙ্গবতী নাম্নী বৈষ্ণবজাতীয়া কোন রমণী মাঘ মাসের  
শুক্র দ্বাদশীতে ভগবান্ লক্ষ্মীপতি হৃষীকেশকে স্বর্ণ অলঙ্কারে  
অলঙ্কৃত করত বিভূতি দ্বাদশীত্রত সমাপ্ত করিয়া সুশোভিত  
সামগ্রী সম্ভার সহিত গুরুকে লবণাচল প্রদান করিতেছেন ।  
তোমরা উভয়ে সুধাকাতর ছিলে, স্ততরাং ঐ অলঙ্কিত  
মঙ্গলধ্বনির এতাদৃশ অর্থ পরিগ্রহ করিয়া সেই লবণাচল  
সম্মিধানে গমন করিলে এবং তথায় উপস্থিত হইয়া ভক্তিভাবে  
স্বীয় ভাষ্যার সহিত দেবদেব কেশবের অর্চনা করিতে  
লাগিলে । হে ভূপতে ! ঐ লবণাচলে শয্যা সমস্ত বহুবিধ  
পুষ্পে আকীর্ণ ছিল । অনন্তর বৈষ্ণা অনঙ্গবতী তোমাদের  
সেইরূপ কেশবার্চনা দর্শন করিয়া সাতিশয় সম্ভুক্তা হইলেন  
এবং তোমাদের প্রীতির নিমিত্ত ভূত্যদিগকে তিন খানি দিব্য  
বস্ত্র প্রদান করিতে কহিলেন । ভূত্যেরা প্রভুর আদেশানুসারে  
তোমাদিগকে তৎক্ষণাৎ বসনত্রয় প্রদান করিলে, তোমরা  
কোন মতেই উহা গ্রহণে সন্মতি প্রকাশ করিলে না । সেই  
সময় অনঙ্গবতী পরিচারকগণকে পুনরায় কহিল, ইহারা মদন্ত  
বস্ত্রত্রয় গ্রহণে অসন্মতি প্রকাশ করিতেছে, অতএব ইহা-  
দিগকে ঐরূপ উত্তম চারিখানি বস্ত্র দাও । হে নরপাল ! বৈষ্ণ-  
কন্যাস্বীয় ভূত্যগণকে এইপ্রকার আদেশ করিয়া তোমা-  
দিগকে কহিল, এখানে চব্যচোষ্য লেহপেয় প্রভৃতি প্রভূত

খাদ্য প্রস্তুত রহিয়াছে, তোমরা অভিলাষানুরূপ ভোজন করিয়া পরিতৃপ্ত হও । হে ভূপালশ্রেষ্ঠ ! তোমরা অনঙ্গবতীর এই আদেশ বাক্য আকর্ণন করিয়া অতি বিনীতভাবে কহিলে, হে দেবি ! আমরা আপনার দর্শনে চরিতার্থ হইয়াছি, আপনি অনুগ্রহ করিয়া আমাদেরকে ভোজন করিতে আদেশ করিতেছেন, কিন্তু আমরা অদ্য ভোজন করিব না কল্য করিব, অদ্য এই ভাবে কেশবার্চন করিতে থাকিব, আপনি আমাদের প্রতি প্রসন্ন হউন । তোমরা তাহারে এইরূপ কহিয়া কেশবার্চন কার্য্যেই নিযুক্ত রহিলে, পরন্তু ঐ কার্য্যে নিযুক্ত থাকিয়াও প্রসন্নত বাদ্য করিয়াছিলে । যাহা হউক, তোমার পত্নী, অনঙ্গবতীর অনুগ্রহ দেখিয়া বিনয়াবনত হইয়া বলিল, হে দেবি ! আমরা নীচকুলোৎপন্ন ও জন্মাবধি পাপিষ্ঠ ; দৈবাৎ আপনার সম্ভলাভ করিয়াছি, এক্ষণে আপনি আমাদের প্রতি প্রসন্ন থাকিয়া আমাদেরকে এখানে ভগবান কেশবের অর্চনা করিতে দেন । হে স্ত্রীশ্রেণি ! তাহা হইলে আমরা কৃতার্থ হইতে পারি । তোমার ভার্য্যা এইরূপ প্রার্থনা করিলে সেও তাহাতে সন্মতা হইল । পরে তোমরা সাতিশয় ভক্তিসহকারে ঐকান্তিক ভাবে দ্বাদশীত্রয় ও ভগবানের অর্চনা করিলে ।

হে ভূপতে ! এইরূপ অনুষ্ঠানে সেই রজনী অতিবাহিত হইলে, অনঙ্গবতী ভক্তিসহকারে গুরুকে প্রণাম করিয়া শয্যা ও লবণাচল দান করিল এবং দ্বাদশ ব্রাহ্মণকে বস্ত্র অলঙ্কারে বিভূষিত করিয়া গো, ভূ, হিরণ্যাদি নানাবিধ দ্রব্য দান করিল । পরে স্কন্ধে বস্তু দীন অনাথ অন্ধ ও বধিরগণকে সমভাবে প্রতুষ্ট ভক্ষ্য ভোজ্য প্রস্তুতি প্রদান করিতে লাগিল । অনন্তর অনঙ্গবতী আমাদের পূজা করিয়া বিদায় করিল । হে

নৃপোত্তম ! তুমি লুক্ক কুলে জন্ম পরিগ্রহ পূর্বক পত্নীর সহিত  
পুষ্পাবকরণ ও ভগবান কেশবের অর্চনা করিয়াছিলে, একারণ  
তোমার ক্লেশপাপ বিনষ্ট হইয়াছে । হে নৃপ ! তুমি এই  
সদনুষ্ঠান করিয়াছ বলিয়া ব্রহ্মা তোমার প্রতি সন্তুষ্ট হইয়া-  
ছেন এবং তোমার এইরূপ তপস্যায় প্রসন্ন হইয়া তোমা-  
কে পুষ্করগৃহ প্রদান করিয়াছেন । যাহা হউক, তোমরা প্রসঙ্গত  
বিভূতি দ্বাদশীত্রতের অনুষ্ঠান করিয়াছিলে, এই কারণেই  
লোকপিতামহ চতুশ্মুখ তোমা-কে এই অভুল্য বিভব,  
কামগামী হিরণ্যকমল, বশ্য সন্ততি এবং রূপগুণোপেতা  
স্বশীলা ভার্য্যা দান করিয়াছেন । হে মহাভাগ ! তুমি আমার  
নিকট যে সমস্ত সংশয় প্রকাশ করিয়াছিলে, তোমার জন্মাস্ত-  
রীণ বৃত্তান্ত বর্ণন করিয়া তৎসমুদায় নিরাকৃত করিলাম । হে  
রাজেন্দ্র ! তুমি প্রসঙ্গত বিভূতি দ্বাদশীত্রত করিয়াছিলে  
বলিয়াই লোকমধ্যে এইরূপ সৌভাগ্যশালী হইয়াছ । এক্ষণে  
যদি কৃতযত্ন হইয়া পুষ্করতীরে এই স্নমহৎ বিভূতি দ্বাদশী-  
ত্রতের অনুষ্ঠান কর, তাহা হইলে অবশ্যই অতি দুর্লভ নির্বাণ  
পদ প্রাপ্ত হইবে সন্দেহ নাই । মহর্ষি প্রচেতা পুষ্পবাহন  
নৃপতি-কে এইরূপ কহিয়া তথা হইতে অন্তর্হিত হইলেন ।

হে কৌরব ! পুষ্পবাহন ভূপতি স্বীয় পূর্বজন্মবৃত্তান্ত  
মহর্ষি প্রচেতার নিকট পরিজ্ঞাত হইয়া পুষ্করতীরে পুনরায়  
বিভূতি দ্বাদশীত্রতের অনুষ্ঠান করিলেন । হে বীর ! এই  
বিভূতি দ্বাদশীত্রতের মাহাত্ম্য আর কি কহিব, ব্যাধও ঐ  
ত্রতপ্রভাবে এতাদৃশ সৌভাগ্যশালী ভূপতি হইয়াছে । এই  
পুণ্যকথা শ্রবণ করিলে কদাপি খণ্ডত্রতের পাপভাগী হইতে  
হয় না । অতএব প্রযত্ন সহকারে ঐ ত্রত করা কর্তব্য । হে

অনঘ ! এই বিভূতি দ্বাদশীত্রতাচরণ করিয়া, ক্ষমতানুসারে ত্রাক্ষণদিগকে গবাদি দক্ষিণা দান করিবে । জ্যেষ্ঠ পুষ্করে গোদান করিবে, মধ্যম পুষ্করে অভ্যুত্তম ভূমিদান এবং কনীয়স পুষ্করে কেবলমাত্র ধনদান করিবে । হে ভূপতে ! প্রথমপুষ্কর ত্রাক্ষদৈবত নামে বিখ্যাত, দ্বিতীয় বিষ্ণুদৈবত ও তৃতীয় রুদ্রদৈবত বলিয়া নির্দিষ্ট হইয়াছে । যেহেতু ত্রাক্ষা বিষ্ণু মহেশ্বর ইহারা পৃথক্ পৃথক্ এই স্থানে বিরাজিত আছেন । এই পুষ্কর-মাহাত্ম্য সমস্ত ব্যক্তির পাপবিনাশক । যে ব্যক্তি ভক্তিসহকারে ইহা পাঠ করে কিম্বা অন্য কাহার প্রমুখাৎ শ্রবণ করে, সে দেহাবসানে সুরলোকে গমন করে এবং তথায় দেবতাগণের পূজ্য হইয়া শতবৎসর বাস করিয়া থাকে ।

হে কুরুকুলশ্রেষ্ঠ ! দেবদেব ত্রাক্ষা পাতকনাশক যে ষষ্ঠীত্রত কহিয়াছেন তোমার নিকট তাহা কীর্তন করিতেছি, শ্রবণ কর । হে ভীষ্ম ! এই ষষ্ঠীত্রতে ত্রতী হইয়া উপবাস পূর্বক ত্রাক্ষণগণ এবং কুটুম্বদিগকে গো, হিরণ্য বস্ত্র ও যজ্ঞোপবীত এবং বিগুহ্ব বসন প্রদান করিবে । যে ব্যক্তি এই রূপ অনুষ্ঠান করিয়া এই ত্রত সমাধা করে তাহার অতিশয় পুণ্য লাভ হয় এবং সে চরমে শিবলোকে গমন করিয়া আনন্দ লাভ করিতে থাকে । হে রাজেন্দ্র ! অশ্ব এক ত্রত আছে তাহার অনুষ্ঠান করিলে কদাপি যমলোক দর্শন হয় না, এ কারণ তাহারে যমলোকবিনাশন ত্রত বলিয়া থাকে । অধুনা নীলত্রতের প্রভাব শ্রবণ কর । যে ব্যক্তি শর্করাসংযুক্ত পাত্র ও নীলোৎপল ভগবান বিষ্ণুরে প্রদান করে, সে অনায়াসে বিষ্ণুপদ লাভ করিয়া থাকে । যে সকল ব্যক্তি আষাঢ় অবধি চারমাস কাল প্রত্যঙ্গ বর্জজন করে ভগবান্ কমলাপতি তাহার

প্রতি পরম প্রীত হইয়া থাকেন। মুনিগণ এই ব্রতকে প্রীতি-  
ব্রত বলিয়া থাকেন। হে ভীষ্ম ! যে ব্যক্তি স্বয়ং দধি ক্ষীর ও  
ঘৃতাদি ভোজন পরিত্যাগ করিয়া ব্রাহ্মণদিগকে ঐ সমস্ত দ্রব্য  
ও বস্ত্রদান করে সে সমস্ত পাপ হইতে বিমুক্ত হয়, এবং  
“সর্বদা আমার প্রতি প্রসন্ন হউন” এই প্রার্থনা করিয়া  
হরগৌরীর অর্চনা করে, তাহার ভবানী লোক লাভ হয় ; হে  
বীর ! এই মহৎ ব্রতের নাম গৌরীব্রত। প্রযত্ন সহকারে  
সর্বদা ইহার অনুষ্ঠান করিবে। অধুনা কামব্রতের অনুষ্ঠান-  
বিধি বলিতেছি শ্রবণ কর। ত্রয়োদশীতিথিতে নিশাযোগে  
ভগবান্ নারায়ণের পূজা করিবে, তাঁহার প্রসন্নতা সাধনার্থে  
দশাঙ্গুল পরিমিত কাঞ্চনময় অশোকপুষ্প ইক্ষুসংযুক্ত করিয়া  
তাঁহারে প্রদান করিবে, পরে ব্রাহ্মণগণকে বস্ত্র ও ভূষণ দ্বারা  
‘ভগবান্ প্রচ্যুত প্রীত হউন’ বলিয়া প্রদান করিলে কল্পকাল  
পর্যন্ত বিষুপুরে বাস হইয়া থাকে। অধিকন্তু তাহাকে কখন  
কোনরূপ শোক সহ্য করিতে হয় না। ইহাকে কামব্রত বলিয়া  
থাকে ইহা দ্বারা সর্বথা সর্বশোক বিনষ্ট হয়। হে মানদ  
ভীষ্ম ! যে ব্যক্তি কার্তিক মাসে স্বর্ণপদ্ম নির্মাণ করাইয়া  
উহা দ্বারা ভগবান্ রুদ্রদেবের অর্চনা করত ঐ স্বর্ণ পদ্ম  
ব্রাহ্মণকে প্রদান করে, তাহার শিবলোক প্রাপ্তি হয়। মুনিগণ  
এই ব্রতকে শিবব্রত কহিয়া থাকেন। যে ব্যক্তি হেমন্ত ও  
শিশির কালে স্বয়ং পুষ্পোপভোগ পরিত্যাগ করিয়া দ্বৌ-  
কালীন শিব ও কেশব প্রীত হউন বলিয়া ব্রাহ্মণদিগকে  
জুগন্ধি পুষ্প সম্ভার প্রদান করে, সে পরম পদে প্রয়াণ করে।  
ইহাকে সৌম্যব্রত বলিয়া অবধারণ করিবে।

হে কৌরবেন্দ্র ! অধুনা ভাগ্যব্রতের কথা বলিতেছি

অবিহিত হইয়া শ্রবণ কর। ফাল্গুন আদি মাসের তৃতীয়া তিথিতে যে ব্যক্তি লবণ ভক্ষণ পরিত্যাগ করে এবং ইহা সমাপ্ত হইলে ভবানী প্রসন্ন হউন এইরূপ কহিয়া, বিপ্রদম্প-  
তীর অর্চনা পূর্বক তাহাদিগকে সমস্ত সস্তার সমেত শয্যা ও সমুদায় আবশ্যক দ্রব্য সমূহ পরিপূর্ণ গৃহ দান করে, সে ব্যক্তি কল্পকাল গৌরীলোকে বাস করিয়া থাকে। হে বীর ! যে ব্যক্তি সায়ংকালে মৌনাবলম্বন পূর্বক ভগবানের যথাবিধি অর্চনা করে ও ব্রাহ্মণগণকে ঘৃতকুস্ত প্রদানের ন্যায় বস্ত্রমুগল ও তিলদান করে, তাহার পুনরাবৃতিবর্জিত সারস্বতলোক লাভ হয়। এই ব্রতের নাম সারস্বত ব্রত। ইহার অনুষ্ঠান করিলে শুদ্ধ সারস্বত লোক লাভ হয় এরূপ নহে এই ব্রতানুষ্ঠায়ী ব্যক্তি দিব্যরূপ সম্পন্ন হয় এবং উত্তম বিদ্যা লাভ করিতে পারে। হে মানদ ! এক্ষণে তোমারে কীর্তিব্রত বলিতেছি। এই ব্রতের অনুষ্ঠান করিলে ভূমণ্ডলে মহৎ কীর্তিলাভ হইয়া থাকে। পঞ্চমী তিথিতে কমলালয়া লক্ষ্মীর অর্চনা করিয়া উপবাসী থাকিবে। পরে ব্রত সমাপ্ত হইলে ধেনুসমন্বিত স্বর্ণ কমল ও হিরণ্য তরু ব্রাহ্মণকে প্রদান করিবে। তাহা হইলে কমলা পরম প্রীতা হইবেন। অতঃপর সমব্রতের বিধি বলিতেছি, ভগবান্ কেশব অথবা শঙ্কর ইহা-  
দের এক জনকে ঘৃত ঘ্রা স্নান করাইয়া পান্য অর্ঘ্যাদি সহযোগে অর্চনা করিবে এবং প্রীতির নিমিত্ত সাক্ষাৎ তদুদ্দেশে সূর্য্যমণ্ডলে প্রণাম করিবে। আর এই ব্রত সমাপ্ত হইলে তিল ও ধেনু ব্রাহ্মণকে দান করিবে। তাহা হইলে শিবলোক প্রাপ্তি হইবে। ভগবান্ শিব ও কেশবের সমভাবে অর্চনা করিতে হয় বলিয়া ইহা সমব্রত নামে বিখ্যাত হই-

রাছে। বীরব্রত নামে আর এক ব্রত আছে, ইহার অনুষ্ঠান করিতে হইলে, নবমীর দিবস একবার ভোজন করিয়া দশমী তিথিতে উপবাস করিবে, পরে স্বীয় শক্তি অনুসারে ব্রাহ্মণ-গণকে ভোজন করাইয়া, হেমকঙ্কু বস্ত্রযুগল, এবং স্বর্ণ-নির্মিত সিংহ প্রদান করিবে। হে ভীষ্ম! যে ব্যক্তি এই বীর ব্রত করে, অর্বুদ জন্ম তাহার কোনরূপ শত্রুভয় থাকে না, এবং সে অতিশয় রূপবান হইয়া থাকে। বিশেষতঃ যোদ্ধাগণ এই ব্রতানুষ্ঠান করিলে সুখী হইতে পারে। যে ব্যক্তি প্রতি-পৌর্ণ মাসীতে পয়োব্রত করিয়া থাকে, এবং সংবৎসর পরিসমাপ্ত হইলে, দুষ্কবতী পঞ্চ গাভী, বিবিধ বস্ত্র ও নানা প্রকার অলঙ্কার বিধিপূর্বক ব্রাহ্মণকে দান করে, সে বিষ্ণু-লোক প্রাপ্ত হইয়া থাকে। তাহার শত শত পিতৃকুল এই ব্রত প্রভাবে উদ্ধার প্রাপ্ত হয় এবং সে কল্লাবসানে দেবরাজ্যে প্রতিষ্ঠিত হয়। এই ব্রতের এতাদৃশ প্রভাব বলিয়া ইহারে পিতৃব্রত বলিয়া থাকে।

হে কুরুকুলতিলক! আমি সর্বদা তোমার ভক্তিদর্শনে প্রসন্ন আছি, অতএব তোমার নিকট কোন কথাই অপ্রকাশ রাখিব না, অধুনা তোমাতে আনন্দব্রত বলিতেছি, ইহার আচরণ করিলে, কদাপি নিরানন্দে কালযাপন করিতে হয় না। চৈত্রাদি চারি মাস কাহার নিকট কোন কিছু যাচঞা না করিয়া, এই ব্রত করিবে। ব্রত সমাপ্ত হইলে, অম্ববস্ত্রতিল-পাত্রসম্বিত হিরণ্য ও মাণিক্য ব্রাহ্মণকে দান করিবে, তাহা হইলে ব্রহ্মলোক প্রাপ্ত হইয়া, আনন্দ ভোগ করিতে থাকিবে। সমস্ত ব্রতমধ্যে এই আনন্দব্রত অতিশয় উত্তম ব্রত বলিয়া বিখ্যাত হইয়াছে। হে ভীষ্ম! যে ব্যক্তি প্রতিদিন ভগবান্

কেশবকে পঞ্চামৃত দ্বারা স্নান করায়, এবং এইরূপে সংরৎসর কাল অবিবাহিত হইলে, পঞ্চামৃত সমন্বিত, ধেনু, ও শঙ্খ ব্রাহ্মণগণকে দান করে, সে তৎক্ষণাৎ শিবলোক প্রাপ্ত হয়, এবং কল্লাবসানে নৃপতি হইয়া থাকে। এই মহৎ ব্রতকে মৃতব্রত বলিয়া জানিবে।

হে বীর ! এক্ষণে বিষ্ণুব্রতের মাহাত্ম্য শ্রবণ কর। হেমন্তকাল অবধি সম্বৎসরকাল মাংস পরিত্যাগ করিবে। এই ব্রত সমাধা করিয়া, দক্ষিণা স্বরূপ গো ও হেমমৃগ দান করিলে, অশ্বমেধ যজ্ঞের ফল লাভ হইবে ; এবং অনায়াসে বিষ্ণুপদ প্রাপ্ত হইবে। অতঃপর শান্তিব্রতের অনুষ্ঠান বলিতেছি, শ্রবণ কর। বৈশাখ মাসে পুষ্প ভোগ এবং লবণ আহার বর্জন পূর্বক ব্রাহ্মণকে গোদান করিবে, তাহা হইলে কল্লকাল পর্য্যন্ত বিষ্ণুপদে বাস করিয়া, ইহলোকে রাজপদ প্রাপ্ত হইবে। হে সৌম্য ! এই স্তমহৎ শান্তি ব্রতের মাহাত্ম্য আর অধিক কি কহিব, ইহা দ্বারা কীর্ত্তি বৃদ্ধি ও কাম্যফল লাভ হইয়া থাকে। হে কৌরবাগ্রগণ্য ! অধুনা তোমার নিকট ব্রহ্মব্রত বলিতেছি, এই ব্রতপ্রভাবে অতিদুর্লভ নির্বাণপদ লাভ করা যায়। ইহাতে কাঞ্চনান্বিত তিলরাশি বিধি অনুসারে উৎসর্গ করিবে, এবং স্তবর্ণালঙ্কৃত সেই সমুদায় তিল ব্রাহ্মণদিগকে অর্পণ করিবে। সিদ্ধিপ্রদ অনলে তর্পণ এবং শক্তি অনুসারে বস্ত্র অলঙ্কার ও পুষ্পমাল্য দ্বারা বিপ্রদম্পতীর পূজা করিবে, পরে ‘বিশ্বাত্মা প্রীত হউন’ বলিয়া ত্রিপলের অধিক স্তবর্ণ দান করিবে। এই সমস্ত কার্য্য পুণ্যজনক দিবসে করিতে হয়, তাহা হইলে এই ব্রতের অনুষ্ঠাতা পুনরায় জন্ম পরিগ্রহ করে না, এককালে নির্বাণপদ লাভ করিয়া থাকে।



হে ভীষ্ম ! দিবসত্রয় পয়োব্রতের অনুষ্ঠান করিয়া স্তবর্ণের কল্পবৃক্ষ প্রস্তুত করাইবে । যে প্রকার কল্পপাদপ নির্মাণ করিবে, তাহা অপেক্ষা অধিকতর উচ্চ তণ্ডুল ও শঙ্খ সংযুক্ত করিয়া ব্রাহ্মণদিগকে দান করিলে ব্রহ্মপদ প্রাপ্তি হইয়া থাকে ইহাকে কল্পবৃক্ষ ব্রত বলিয়া জানিবে । এক্ষণে তীব্র-ব্রতের বিধি শ্রবণ কর । যে ব্যক্তি মাসোপবাসী হইয়া ব্রাহ্মণদিগকে শোভনা ধেনুদান কবে, তাহার বৈষ্ণবপদ লাভ হয় । ঋষিগণ এই ব্রতকে তীব্রব্রত বলিয়া নির্দেশ করিয়াছেন । অপর দিবাভাগে পয়োব্রতী হইয়া বিংশতিপল পরিমাণের অধিক ভূমি ধন ও স্তবর্ণময়ী করিয়া ব্রাহ্মণকে দান করিলে শিবলোক প্রাপ্তি হয় । হে ভীষ্ম ! মুনিগণ ইহারে ধনব্রত বলিয়া থাকেন, যদি সপ্তকল্পের কোন পাপ সঞ্চিত থাকে, এই ব্রতপ্রভাবে তাহাও ধ্বংস প্রাপ্ত হয় ।

হে রাজেন্দ্র ! মাঘমাস কিস্বা চৈত্র মাসে গুড় ও ধেনু ধান করিবে, তৃতীয়া তিথিতে গুড় দান করা অতীব প্রশস্ত । এই ব্রতের প্রভাবে গৌরীলোক প্রাপ্তি হইয়া থাকে, এই ব্রতের নাম মহাব্রত । ইহা সর্বদা আনন্দ প্রদান করে । সংবৎসর-কাল একভুক্ত থাকিয়া ভক্ষ্যের সহিত উত্তম পানীয় ব্রাহ্মণকে দান করিলে কল্পকাল শিবলোকে বাস হইয়া থাকে, মুনিগণ ইহাকে প্রাপ্তিব্রত বলিয়া থাকেন । হে ভীষ্ম ! যে ব্যক্তি শীত ও বাত পীড়িত ব্রাহ্মণকে ইক্ষনদান করিয়া পরিশেষে ঘৃত ও ধেনুদান করে সে পরব্রহ্মপদ প্রাপ্ত হয়, এই ব্রতের নাম বৈশ্বানরব্রত । ইহা দ্বারা সমুদায় পাপরাশি বিনষ্ট হইয়া থাকে । পরন্তু যে ব্যক্তি ভক্তি সহকারে একাদশী দিবসে ভগবানকে চক্র নিবেদন এবং ইহা সমাপ্ত হইলে ব্রাহ্মণকে স্তবর্ণ দান

করে সে অস্ত্রে বিষ্ণুপদ পাইয়া থাকে, এই ব্রতের নাম স্বর্ণব্রত । ইহার অনুষ্ঠান করিলে কল্পাপসানে রাজ্যভাগী হইয়া থাকে ; হে ভীষ্ম ! এক্ষণে দেবীব্রতের বিষয় শ্রবণ কর । এই ব্রতে পায়সাশী হইতে হয়, ব্রত সমাপ্ত হইলে ব্রাহ্মণকে গোয়ুগল প্রদান করিবে তাহা হইলে কল্পকাল লক্ষ্মীলোকে বাস করিবে চতুর্থীতে নক্তভোজী হইয়া বৎসরান্তে ব্রাহ্মণকে শীত নিবারক বস্ত্র দান করিলে শিবলোক প্রাপ্তি হইয়া থাকে । এই ব্রতের নাম বৈনায়ক বলিয়া জানিবে চারিমাস মহাকল ভোগ পরিত্যাগ পূর্বক ব্রাহ্মণকে তাহা প্রদান করিবে এবং কার্তিকমাসে হেমদান করিলে মহৎ ফল ও শুভলোক লাভ হয়, এই ব্রত সৌরব্রত বলিয়া প্রসিদ্ধ ইহার প্রভাবে কল্পাবসানে রাজ্যভাগী হইয়া থাকে । যে ব্যক্তি কার্তিকী পূর্ণিমায় বৃষোৎসর্গ করিয়া নক্তব্রত করিয়া থাকে, তাহার শৈবপদ প্রাপ্তি হয়, মুনিগণ এই ব্রতকে বৃষব্রত কহিয়া থাকেন । হে ভীষ্ম ! বরব্রতের কথা শ্রবণ কর । যে ব্যক্তি সপ্তরাত্র উপোষিত থাকিয়া ব্রাহ্মণকে যতকুন্ত দান করে তাহার ব্রহ্মলোক প্রাপ্তি হয়, ইহাই বরব্রত বলিয়া প্রসিদ্ধ জানিবে । হে বীর ! যে ব্যক্তি আষাঢ়ী কার্তিকী মাঘী ও বৈশাখী পূর্ণিমাতে পয়স্বিনী ধেনুদান করে, সে কল্পকাল শত্রুলোকে বাস করিয়া থাকে । এই মহৎব্রতের নাম মিত্রব্রত । যে ব্যক্তি তৃতীয়া তিথিতে অগ্নি পক বস্ত্র ব্যতীত অন্য প্রকার ভোজ্য আহার করিয়া গোদান করে তাহার কদাপি পুনরারুতি হয় না এবং যিনি বাসভবন দান করেন তাহার পুনরারুতি হয় না, ইহার নাম শীতব্রত । উপবাসী থাকিয়া যে ব্যক্তি রথ অশ্ব-সমন্বিত পলঙ্কয়ের উর্দ্ধে স্বর্ণ দান করে, তাহার শতকল্প-

কাল স্বর্গলোকে বাস হয় । পরে রাজাধিরাজ হইয়া জন্ম পরিগ্রহ করে, মুনিগণ এই ব্রতকে অশ্বব্রত বলিয়া নির্দিষ্ট করিয়াছেন ।

হে ভূপতে ভীষ্ম ! অলঙ্কৃত কন্যারে পাত্রস্থ করাও একটি ব্রত বলিয়া জানিবে । যে ব্যক্তি অলঙ্কৃত কন্যা পাত্রস্থ করে তাহার কল্প সহস্রকাল সত্যলোকে বাস হইয়া থাকে । ইহার নাম দেবব্রত । নিত্য উপবাসপরায়ণ হইয়া তিন রাত্রি অবসানে ধেনুদান করিলে স্বর্গলোক প্রাপ্তি হয় এবং কল্পান্তে বৈষ্ণবপদ লাভ করিয়া জ্যোতির্শ্রম্য হইয়া থাকে । মুনিগণ ইহারে কবিব্রত বলিয়াছেন । উপবাস করিয়া তাহার অবসানে ব্রাহ্মণকে গোদান করিবে, তাহা হইলে যক্ষাধিপতি কুবেরের লোক লাভ হইবে, ইহার নাম গোব্রত ।

হে ভীষ্ম ! সমস্ত রজনী জলে বাস করিয়া প্রাতঃকালে গোদান করিবে । এইরূপ করিলে, বরুণ লোক প্রাপ্তি হয় এই ব্রতের নাম বরুণব্রত । চান্দ্রায়ণ করিয়া ব্রাহ্মণকে হেমচন্দ্র দান করিলে পুণ্যজনক চন্দ্রলোক লাভ হয় এই ব্রত চন্দ্রব্রত বলিয়া বিখ্যাত । জ্যৈষ্ঠমাসে পঞ্চপল পরিমিত হেমধনু দান করিবে । এইরূপ প্রতি অক্টমী ও চতুর্দশা তিথিতে ধেনুদান করিলে শুভলোক প্রাপ্ত হয় ইহার নাম বিধিব্রত । হে কৌরবেন্দ্র ! এক্ষণে ভবানীব্রতের কথা শ্রবণ কর । চৈত্রমাসে তৃতীয়াতিথিতে শিবালয় সংস্কারজন করিবে । ইহা সমাপ্ত হইলে ধেনুদান করিবে তাহা হইলে ভবানী লোক প্রাপ্তি হইবে । মাঘমাসের সপ্তমী তিথিতে আত্মবাস হইয়া ব্রাহ্মণকে গোদান করিলে কল্পকাল স্বর্গবাস হয়, পরে ভূপতি হইয়া জন্ম পরিগ্রহ করিয়া থাকে ইহার নাম প্রাপক-

ব্রত । হে বীর ! ফাল্গুনী পৌর্ণমাসী তিথিতে ত্রিরাত্র উপবাসী হইয়া যে ব্যক্তি শুভ ভবন ব্রাহ্মণকে দান করে তাহার আদিত্য লোক প্রাপ্তি হয় । এই ব্রত ধামব্রত বলিবা বিখ্যাত । হে ভীষ্ম ! প্রতিদিন উপবাসী থাকিয়া বিবিধ পুষ্প ও অলঙ্কার দ্বারা দেবরাজ ইন্দের ত্রিকালীন অর্চনা করিলে ইহকালে মঙ্গললাভ এবং পরত্রে ইন্দ্রপুর প্রাপ্তি হইয়া থাকে । মুনিগণ এই ব্রতকে ইন্দ্রব্রত বলিয়া থাকেন । শুক্লপক্ষীয় দ্বিতীয়া তিথিতে লবণ ভাজন দান আরম্ভ করিয়া সংবৎসর কাল এইরূপে অতিবাহিত করিবে । পরে বৎসরান্তে ইহা সমাপ্ত করিয়া গোদান করিলে, অনায়াসে শিবলোক প্রাপ্তি হইবে । এই ব্রত সোমব্রত বলিয়া প্রসিদ্ধ হইয়াছে । যে ব্যক্তি শুক্ল প্রতিপৎ তিথিতে একভুক্ত হইয়া থাকে এবং সমাপ্ত হইলে ব্রাহ্মণকে কনক দান করে তাহার বৈশ্বানর পদলাভ হইয়া থাকে । ইহা শিবব্রত নামে বিখ্যাত । প্রতিপৎ তিথিতে একভুক্ত থাকিয়া ব্রতসমাপন সময়ে ব্রাহ্মণগণকে দশধেনু ও তপ্ত কাঞ্চন দান করিবে ; তাহা হইলে ব্রহ্মাণ্ডের আধিপত্য লাভ হইবে ইহার নাম বিশ্বব্রত । এই ব্রত করিলে মহাপাতক বিনষ্ট হয় । হে কৌরব ! যত প্রকার ব্রত বর্ণন করিলাম সর্ব্বাপেক্ষা কন্যা দান ব্রত অতি উত্তম ; কন্যাদান হইতে কোন প্রকার দানই উত্তম নহে ইহার সদৃশ আর কিছুই দেখিতে পাই না । যে ব্যক্তি কার্ত্তিকী পূর্ণিমা তিথিতে পুষ্কর তীরে কন্যা দান করে তাহার পুণ্যের কথা আর কি বলিব । সে ব্যক্তি স্বর্গলোকে বাস করিয়া থাকে, কদাপি তথা হইতে বিচ্যুত হয় না । অপর ঐ পূর্ণিমা তিথিতে তিল পিষ্ট দ্বারা গজ নিশ্চাণ করিয়া তাহারে রক্ত বিভূষিত করিবে । পরে পুষ্কর

তীর্থীয় জলমধ্যস্থ হইয়া ঐ হস্তী ব্রাহ্মণকে দান করিলে ইন্দ্রলোক প্রাপ্তি হইবে।

হে কৌরবেন্দ্র ভীষ্ম ! তোমার নিকট যে সমস্ত দান বিধি ও ব্রত নিয়ম कहিলাম, যে ব্যক্তি ইহা ভক্তি পূর্বক শ্রবণ কিম্বা স্বয়ং পাঠ করিবে, শতমহন্তর কাল তাহার গান্ধর্ব্বাধিপত্য লাভ হইবে সন্দেহ নাই।

ভীষ্ম कहিলেন, হে গুরো ! আমি আপনার কুপায় অনেক বিষয় পরিজ্ঞাত হইলাম, কিন্তু আপনি আগারে অনুগ্রহ করিয়া স্নানবিধি প্রকাশ করুন, যেহেতু স্নান ব্যতিরেকে নৈশ্ৰল্য ও ভাবশুদ্ধি হয় না, অতএব হে বিপ্র ! আগার প্রতি কৃপা করিয়া স্নান বিধি বলিয়া কৃতার্থ করুন।

পুলস্ত্য कहিলেন, হে রাজেন্দ্র ! মনঃশুদ্ধি ব্যতিরেকে কোন কর্ম ফল দায়ক হয় না। ঐ মনঃশুদ্ধিও স্নান সাপেক্ষ অতএব সর্ব্বাঙ্গে মনঃশুদ্ধি নিমিত্ত স্নান করা আবশ্যক। নদ্যা-দির জলে স্নান করা বিহিত। গৃহ মধ্যে পুত্র কিম্বা ভৃত্যবর্গ দ্বারা জল আনা হইয়া স্নান করিবার বিধি দৃষ্ট হয় ঐ প্রকার আশ্রিত সলিলে বিদ্বান্ ব্যক্তি তীর্থ কল্পনা করিয়া তাহাতে মূলমন্ত্র উচ্চারণ করিবে। ওঁ নমো নারায়ণায় এইটি মূলমন্ত্র বলিয়া নির্দিষ্ট হইয়াছে ; হে ভীষ্ম ! কুশহস্ত হইয়া বিধি পূর্বক আচমন করিয়া শুচি ও প্রবত হইবে। চতুর্হস্ত পরিমিত চতুরস্র স্থান সমুদায়ে তীর্থ কল্পনা করিয়া ভগবতী গঙ্গারে সেই জলমধ্যে আবাহন করিবে। যেমন্ত্র পাঠ করিয়া গঙ্গার আবাহন করিতে হয় তাহা শ্রবণ কর। হে দেবি ! তুমি ভগবান্ বিষ্ণুর পাদ হইতে উৎপন্ন হইয়াছ, তুমি স্বয়ং বৈষ্ণবী, বিষ্ণুও তোমার পূজা করিয়া থাকেন। তুমি আমা-

দিগকে জন্ম জন্মান্তরাণ পাপ হইতে পরিত্রাণ কর । হে দেবি জাহ্নবি ! বায়ুদেব বলিয়া থাকেন যে আকাশে ভূতলে অন্ত-  
রীক্ষে যে সার্ব্বাত্তিন কোটি তীর্থ নিরূপিত আছে, সে সমুদায়  
তীর্থই আপনাতে বর্তমান । অতএব আপনি আমাদের সপ্ত-  
জন্মকৃত পাপমোচন করুন । হে ভীষ্ম ! এই প্রকারে ভাগীরথী  
গঙ্গার আবাহন পূর্বক তাঁহার যে সমস্ত নাম তৎকালে কীর্তন  
করিতে হইবে তাহাও বলিতেছি শ্রবণ কর । নন্দিনী, নলিনী,  
বৃন্দা, পৃথ্বী, স্তম্ভগা, বিশ্বকায়া, শিবা, অসিতা, বিদ্যাধরী, স্প্র-  
সমা, লোকপ্রসাদিনী, ক্ষেমা, জাহ্নবী, শান্তা ও শান্তি-  
প্রদায়িনী, এই সমস্ত মঙ্গলকর নামগুলি স্নানকালে যত্নপূর্বক  
সংকীর্তন করিবে । এইরূপে গঙ্গার আবাহন ও নামপাঠ  
করিলে সেই ত্রিপথগামিনী গঙ্গা সেখানে সন্নিহিতা হইবেন  
সন্দেহ নাই । হে বীর ! বদ্ধাঞ্জলি হইয়া সপ্তবার গঙ্গানাম  
জপ করিয়া স্থায় মন্তকে তিনবার বা চারিবার অথবা সাতবার  
জলসেক করিবে । তদনন্তর বিধি পূর্বক যুত্তিকা গ্রহণ করিয়া  
এইরূপ কহিবে, হে বসুন্ধরে ! তুমি অশ্বকর্তৃক আক্রান্ত  
হইয়াছিলে রথ দ্বারা আক্রান্ত হইয়াছিলে বিষ্ণু কর্তৃক আক্রান্ত  
হইয়াছিলে । হে যুত্তিকে ! আমি পূর্বে যে সকল ছদ্ম  
করিয়াছি তুমি আমার সেই সমস্ত ছুরিত হরণ কর । হে  
বরারোহে ! তুমি রসাতল গত হইলে ভগবান্ বিষ্ণু বাহনত  
ধারী হইয়া তোমারে উদ্ধার করিয়াছেন । হে স্তব্রতে ! তুমি  
সমস্ত লোকের প্রভব, আমি তোমারেনমস্কার করি । হে বীর !  
এই প্রকারে মন্ত্রপাঠ সমাপ্ত করিয়া স্নান করিবে । তৎপরে  
গাত্রমার্জনাদি পূর্বক উপরে উখিত হইয়া বিশুদ্ধ শুক্লবস্ত্র  
পরিধান করিয়া যথা বিধি তর্পণ করিতে আরম্ভ করিবে ।

তর্পণ দ্বারা লোক পবিত্র হইয়া থাকে, যত্নপূর্বক তাহার অনুষ্ঠান করা সর্বতোভাবে কর্তব্য। সর্বাগ্রে ব্রহ্মতর্পণ; তৎপরে, বিষ্ণু, তদনন্তর ভগবান্ রুদ্রের পরে প্রজাপতির তর্পণ করিবে। অনন্তর দেব, যক্ষ, নাগ, গন্ধর্ব্ব, অশুরা, অহুর, ক্রুর, সর্প, সুপর্ণ, তরু, সরীসৃপ, খগ, বিদ্যাধর, জলধর, এবং আকাশগামী, নিরাহার, পাপ ও ধর্ম্মরত জীবসকলের তৃপ্তি সাধনার্থ জলদান করিবে। হে কৌরব! পরে দেব পক্ষে উপবীতী হইয়া তর্পণ করিবে, কিন্তু পিতৃপক্ষে প্রাচীনাবীতী হইয়া এই অনুষ্ঠান করিবে। তদনন্তর ঋষিপুত্র ও ঋষিগণের তর্পণ করা আবশ্যক। হে ভীষ্ম! ঋষিদিগের তর্পণ করিবার সময় সনক, সনন্দ তৃতীয়, সনাতন, কপিল, আশুরি, বোড়ু ও পক্ষিশিখ ইহাদের এককালীন তর্পণ করিতে হয়। এই সমস্ত মহাশয়গণের একবার নামোল্লেখ পূর্বক আপনারা আমার দত্ত এই সলিল দ্বারা তৃপ্তিলাভ করুন, এই বলিয়া জলদান করিবে। হে নরপাল! এই প্রকারে সনকাদি ঋষিবৃন্দের তর্পণ সমাপন করিয়া মরীচি, অত্রি, অঙ্গিরা, পুলস্ত্য, পুলহ, ক্রতু প্রচেতা, বশিষ্ঠ, ভৃগু ও নারদ ইহাদের প্রত্যেকের পৃথক্ পৃথক্ নামোল্লেখ করিয়া তর্পণ করিবে। ব্রহ্মা দেবর্ষি ও দেবতাগণের তর্পণ অক্ষত সমেত উদক দ্বারা করিতে হয়। তদনন্তর পিতৃপতিবর্মের তর্পণ সমাধা করিয়া কুশহস্তে অঘিস্থতা, সৌম্যা হবিষ্যন্ত উদ্বপ স্ককালিন বর্হিবদ আজ্যপা এই সমুদায় পিতৃলোকের তর্পণ করিবে। পরে স্বীয় পিত্র্যাদিত্রয় মাতামহাদিত্রয়ের প্রত্যেক গোত্র ও নামোচ্চারণ পূর্বক পরম ভক্তিসহকারে সচন্দন তিলোদল দ্বারা তর্পণ সমাপন করিবে। এইরূপে স্বীয় পিতা পিতামহ প্রপিতামহ, মাতা,

মহ প্রমাতামহ বৃদ্ধপ্রমাতামহগণের ও তাঁহাদের পত্নী সকলের তর্পণ সমাধা করিয়া এই মন্ত্র পাঠ করত এই সমস্ত অনির্দেশ্য ব্যক্তিবৃন্দকে জলদান করিবে যথা যাঁহারা আমার বান্ধব ও যাঁহারা আমার বান্ধব নহেন ও যাঁহারা জন্মান্তরেও আমার বান্ধব ছিলেন এবং যাঁহারা আমার দত্ত সলিল লাভ আকাঙ্ক্ষা করেন তাঁহারা ত্রৈ মদন্ত জল দ্বারা অখিল ভূপ্তি লাভ করুন। হে কৌরবেন্দ্র! অনন্তর স্থীয় পরিধেয় বস্ত্র নিষ্পাড়ন পূর্বক সেই সলিল গ্রহণ করিয়া যাঁহারা আমাদের বংশে জন্মপরিগ্রহ করিয়া সম্ভান উৎপাদন না হইতে হইতেই কালগ্রাসে পতিত হইরাছেন তাঁহারা এবং আমাদের গোত্রে মৃতব্যক্তি সকলও মদন্ত এই বস্ত্রনিষ্পীড়নোদক পান করুন এই বলিয়া সেই সলিল প্রক্ষেপ করিবে।

হে কুরুবংশতিলক ভীষ্ম! এইরূপে তর্পণক্রিয়া সমাধা করিয়া বিধি পূর্বক সম্যকরূপে আচমন করিবে। পার অগ্রে এক পদ্ম লিখিয়া অক্ষত পুষ্প তিল ও চন্দন দ্বারা ভগবান্ আদিত্যের নাম কীর্তন করিয়া যত্রপূর্বক তাঁহারে অর্ঘ্য প্রদান করিবে। অনন্তর হে সূর্য্য! তুমি এই বিশ্বের স্বরূপ, তুমি বিশ্বরূপধারী সহস্র রশ্মি ও সমস্ত তেজস্বরূপ, তোমাকে নমস্কার। হে ভক্তবৎসল! তুমি রুদ্রমূর্তি ও পদ্মনাভ, ও অঙ্গদ সর্বদা তোমার ভূষণ, তোমারে নমস্কার; তুমি সমস্ত লোকের অধীশ্বর; স্রুপ্ত ব্যক্তিগণের প্রতিবোধক তোমারে নমস্কার; তুমি সর্বদা প্রাণিগণের স্বকৃত ও দুষ্কৃত অবলোকন করিয়া থাক, হে ভাস্কর! আমি নিত্য তোমারে নমস্কার করি, তুমি আমার প্রতি প্রসন্ন হও। হে প্রভাকর! হে দিবাকর! তোমারে নমস্কার করি। এইরূপে ভগবান্



সূর্য্যদেবকে নমস্কার পূর্ব্বক তিনবার প্রদক্ষিণ করিবে।  
পরে ব্রাহ্মণ গো ও কাঞ্চন স্পর্শ পূর্ব্বক স্বগৃহে গমন  
করিবে। অনন্তর স্বীয় আশ্রমপথ অবলম্বন  
প্রতিমা প্রভৃতি পূজা করিবে। তৎপরে ভোজনক্রিয়া  
সমাপ্ত করিবে। ভোজনবিষয়ে সর্ব্বাঙ্গে ব্রাহ্মণের  
ভোজন করান কর্তব্য। ঋষিগণ এই বিধি অনুসারেই  
সর্ব্বথা সিদ্ধি লাভ করিয়াছেন।

## একবিংশ অধ্যায়।

পুলস্ত্য কহিলেন, হে কৌরবানন্দবর্দ্ধন ভীষ্ম !  
কালে ধর্ম্মনিরত বৃহৎক্ষেত্র নামে এক নরপতি  
ছিলেন। তাঁহার শৌর্য্য বীর্য্য ও বিক্রম প্রভাব অতিশয়  
শ্রেষ্ঠতর ছিল। কোন সময়ে দেবরাজ ইন্দ্র দানযুদ্ধে  
ভীত হইয়া উক্ত নরপতির সাহায্য প্রার্থনা করিয়াছি-  
লেন। নরনাথ বৃহৎক্ষেত্র দেবনায়ক ইন্দ্র দ্বারা আহুত  
হইয়া আপনারে কৃতার্থশ্রম্য বিবেচনা করিলেন, এবং  
সেই দেবদানবীয় তুমুল সংগ্রামস্থলে উপস্থিত হইয়া  
ইন্দের অজেয় সহস্র সহস্র দৈত্যকুল এককালে নিশ্চূল  
করিয়া ফেলিলেন। তৎকালে তেজস্বান্ সোম ও ভাস্কর এবং  
অগ্ন্যান্ গ্রহগণও নরপতি বৃহৎক্ষেত্রের তেজে বিগতপ্রভ  
হইয়া উঠিল। তাঁহার তাদৃশ বীর্য্যবল অবলোকন করিয়া  
কোন শত্রুই আর তাঁহার প্রতি আক্রমণ করিতে ইচ্ছা করিল

না, সকলে ভূষণীভাব অবলম্বন পূর্বক তাঁহার শাসনের অনু-  
 বর্তী থাকিয়া স্বীয় স্বীয় রাজ্যশাসন করিতে লাগিল । সুতরাং  
 ভূপাল বৃহৎক্ষেত্র ধরাতলে সাম্রাজ্য ভোগ করিতে লাগি-  
 লেন । হে ভীষ্ম ! ঐ ভূপতির ভানুমতী নামে এক ভাৰ্যা  
 ছিলেন । তৎকালে ত্রিলোক মধ্যে তৎসদৃশ সূন্দরী কামিনী  
 কুত্রাপি লক্ষিত হইত না, এবং সেই ভানুমতী ইহ লোকে  
 লক্ষ্মী বলিয়া বিখ্যাত হইয়াছিলেন । অমর সূন্দরীগণ তাঁহার  
 রূপ-লাবণ্য দর্শন করিয়া আপনাদের সৌন্দর্য্য মাধুর্য্য অপকৃষ্ট  
 বোধ করিতেন । নরপাল বৃহৎক্ষেত্রের ভানুমতী ভিন্ন অন্য  
 দশসহস্র পত্নী ছিল । তাঁহারাও রূপলাবণ্যসম্পন্ন ছিলেন ।  
 যখন ভানুমতী তাঁহাদের মধ্যবর্তিনী হইয়া উপবিষ্টা হইতেন  
 তখন লক্ষ্মীর ন্যায় তাঁহার বিশেষ শোভা বিস্তীর্ণ হইত এবং  
 তদীয় অঙ্গসৌন্দর্য্য ও কান্তি দ্বারা ঐ অমৃত কামিনীও দীপ্তি-  
 মতী হইত । সুতরাং তিনি নরনাথ বৃহৎক্ষেত্রের প্রাণাপেক্ষও  
 প্রিয়তমা মহিমা হইয়াছিলেন । ভূপাল বৃহৎক্ষেত্র প্রাণপ্রিয়-  
 তমা ভাৰ্য্যা, ভানুমতী ও অন্যান্য পত্নীগণের সহিত পরম সুখে  
 সংসার যাত্রা নির্বাহ করিতে লাগিলেন । কোন সময়ে মহর্ষি  
 বশিষ্ঠ তাঁহার সমীপে সমাগত হইলে তিনি সমাদর সহকারে  
 তাঁহার আতিথ্যসংকার করিলেন । মহর্ষি বশিষ্ঠও রাজকৃত  
 সম্মান দ্বারা সন্তুষ্ট ও আসনে আসীন হইয়া শান্তি দূর করিলে,  
 নৃপোত্তম বৃহৎক্ষেত্র বিষয়াবিষ্ট হইয়া সেই তপোধনকে  
 জিজ্ঞাসা করিলেন, হে ভগবন্ ! আমি এরূপ কি ধৰ্ম্মাচরণ  
 করিয়াছিলাম যে আমার এই বুদ্ধিশীল অচলা রাজলক্ষ্মী লাভ  
 হইয়াছে । এবং কি কারণে আমার শরীর সর্বদা বিপুলতেজে  
 সংযুক্ত রহিয়াছে ? আপনি দূর্বল, অবশ্যই এই বৃত্তান্ত অব-

গত আছেন। অতএব অগুগ্রহ করিয়া আমার নিকট তাহা স্পষ্টাক্ষরে প্রকাশ করুন।

বশিষ্ঠ কহিলেন, পূর্বকালে লীলাবতী নামী এক বৈশ্য্য-রমণী ছিল, ঐ যুবতী সর্বদা ভবানীপতি ভবের আরাধনায় সময়ান্তিপাত করিত। তাহার ধ্যান দর্শন করিলে বোধ হইত যেন হরমোহিনী স্বয়ংই মর্ত্যে আবিভূতা হইয়া পিনাকির ধ্যানে নিরতা আছেন। যাহা হউক লীলাবতী কেবল বৈশ্য্য ছিল এমত নহে, সময়ে সময়ে অন্যান্য বহুবিধ ধর্ম্ম কার্য্য করিত। এক সময় চাতুর্শাস্য ত্রত করিয়া পুষ্করতীর্থে লবণাচল দান করিয়াছিল। কেবলমাত্র লবণাচল দান করিয়া ক্ষান্ত হয় নাই। তাহার সঙ্গে সঙ্গে স্তব্ধপ্রতিমাও বিধিপূর্বক ব্রাহ্মণসঙ্গে হইয়াছিল। হে নরপতে! যে প্রকারে ঐ হেম-প্রতিমা প্রস্তুত করিয়াছিল বলিতেছি। তুমি জন্মান্তরে স্বর্ণ-কার কূলে উৎপন্ন হইয়াছিলে, দৈবের অনুবন্ধ হেতু ঐ আঢ্যা বৈশ্য্যবালার ভৃত্যত্বে তাহার গৃহে নিযুক্ত থাকিয়া উহার প্রয়োজনোপযোগী অলঙ্কার প্রস্তুত করিতে। সেও তোমার শিল্পনৈপুণ্যে অতিশয় প্রীত থাকিত। হে পার্থিব! দৈবাৎ তাহার হেমপ্রতিমাস্থাপনে মতি সন্তুষ্ট হইলে ঐ বিষয় স্বেচ্ছাক্রমে নিষ্পন্ন করিতে আদেশ করিল। তুমিও সেই আদেশের বশবর্তী হইয়া ভক্তি প্রদ্বা ও পরিভ্রমসহকারে তাহা প্রস্তুত করিলে এবং সেই সর্বদাসসম্পন্ন হেমপ্রতিমা নিৰ্ম্মাণ করিয়া লীলাবতীকে অর্পণ করিলে। উহা তাহার দেবকার্য্যের নিমিত্ত, এই ভাবিয়া তাহার নিকট হেমপ্রতিমার মূল্য কিম্বা গঠন চাতুর্ঘ্যের কিছু পারিতোষিক ও লইলে না। এই ভানুমতী তৎকালে তোমার প্রণয়িনী ছিল, পরন্তু কোন

সময়ে বৈশ্যকন্যার নিয়োগবর্তিনী হইয়া একরূপ স্ববর্ণপাদপ গঠন করিয়াছিল যে কুত্রাপি তাহার দ্বিতীয় লক্ষিত হইত না । লীলাবতী সেই হেমতরু দেখিয়া একরূপ সন্তুষ্ট হইয়াছিল যে উহার প্রস্তুত মূল্য ও পুরস্কার দিতে চাহিলে ধর্মবুদ্ধি অনুসারে ইনিও কিছুমাত্র গ্রহণ করিলেন না । বৈশ্য উহা দান করিয়া হর্ষিত হইল । তোমার ভার্য্যা ধার্মিকা ছিল স্ততরাং যেরূপ ভাবে লীলাবতী সর্বদা ব্রাহ্মণ সেবন প্রভৃতি যে সকল ধর্ম্মানুষ্ঠান করিত তাহার সহচারিণী হইয়া সেই কার্য্যে নিযুক্ত থাকিত ! হে অনঘ ! তোমরা যদিও অতি দুঃখী ছিলে তথাপি এই বৈশ্যকন্যার সাহায্যে বহুবিধ ধর্ম্ম-সঞ্চয় করিয়াছিলে ; যাহা হউক, লীলাবতী বৈশ্যার প্রচুর ধন সংগ্রহ ছিল । সে নিরন্তর ধর্ম্মের শুশ্রূষায় তৎসমস্ত অল্প-কাল মধেই ব্যয়িত করিয়া ফেলিল । অনন্তর কালবলে তাহার যুত্ব হইলে সর্বপাপ হইতে বিমুক্ত হইয়া দেবদেব শিবের লোক লাভ করিল । যে দরিদ্র স্বর্ণকারদম্পতী ঐ বৈশ্যার ভৃত্যভাবে সেবা করিত, তাহারা এই আমার সম্মুখীন রহিয়াছে । অধুনা সেই স্বর্ণকার বৃহৎক্ষেত্র নামে সপ্তদ্বীপা পৃথিবীর অধীশ্বর । তাঁহার প্রভাব সূর্য্যের ন্যায় উজ্জ্বল ও দুঃসহ । এক্ষণে তুমি সেই লীলাবতীর ধর্ম্মকার্য্য সাহায্য প্রভাবে ভূমণ্ডলে জন্মিয়াছ এবং রত্নপ্রতিমা নির্মাণ ও তাহার মূল্য গ্রহণ কর নাই বলিয়াই তোমার এইরূপ সদগতি লাভ হইয়াছে । তোমার জন্মান্তরীণ ভার্য্যা ভানুমতী ও ইহ-জন্মে তোমার পত্নী হইয়াছেন । যাহা হউক ইনি যে স্বর্ণপাদপ নির্মাণ করিয়া তাহার কোন মূল্য গ্রহণ করেন নাই, তজ্জন্য এতাদৃশী সৌভাগ্যশালিনী হইয়াছেন । তোমার পত্নীর

যে রূপলাবণ্য এত অধিক হইয়াছে, তাহার কারণ শ্রবণকর, ইনি যে হেমপাদপের উজ্জ্বলতাসাধন করিয়াছিলেন সেই কারণে ইহঁার এরূপ সৌন্দর্য্য প্রাপ্তি ও সমস্ত প্রমদাগণের আধিপত্য লাভ হইয়াছে । হে রাজন্ ! তুমি অতিশয় মহাত্মা তোমাতে একটি উপদেশ দিতেছি তাহা পালন করিলে বিশেষ শ্রেয়ঃ লাভ হইবে । তোমরা জন্মান্তরে অতিশয় দরিদ্র ছিলে, এমনকি সকল দিন সমান রূপে অতিবাহিত করিতে পারিতে না, কখন বা অনশনে জীবনযাত্রা নির্বাহ করিয়াছ, তোমরা এ প্রকার দৈন্যদশাগ্রস্ত থাকিয়া ও লীলাবতীর সহযোগে লবণাচলের সেবা করিয়া এই অদ্ভুত পদ প্রাপ্ত হইয়াছ । অধুনা তোমার কোন বিষয়ের অসম্ভাব নাই, তুমি ভূমণ্ডলস্থ লোকের পূজ্য, এবং আরোগ্য সৌভাগ্য সর্ব্বদা তোমার নিকট বর্ত্তমান আছে এবং কমলা অচলা হইয়া তোমার ভবনে বিরাজমানা রহিয়াছেন, অতএব তুমি বিধি পূর্ব্বক ধান্যাচলাদি ত্রৈলোক্যের অনুষ্ঠান করিতে থাক । হে রাজেন্দ্র ভীষ্ম ! 'ধর্ম্মপরায়ণ নরপতি বৃহৎক্ষেত্র বশিষ্ঠের দ্বিতগর্ভ বাক্য শ্রবণ করিয়া পরমানন্দ সহকারে লবণাচলাদি দান কার্য্যে সমস্ত ধন বিসর্জন করিতে লাগিলেন । হে ভীষ্ম ! যে ব্যক্তি সর্ব্বদা ধর্ম্মপথে ধনাদি বিতরণ করিয়া থাকে এবং যে তাহাকে স্পর্শ করে এবং যে ব্যক্তি এই ধর্ম্ম বিষয়ক কথা শ্রবণ করে অপার যিনি এই মহৎ কার্য্যের বিধি প্রদান করেন তাঁহারা বিগতপাপ হইয়া স্বর্গলোকে গমন করিয়া থাকেন । হে কৌরব ! এই স্তম্ভহৎ বিষয় পাঠ করিলে সমস্ত দুঃখ বিনষ্ট হয়, যাঁহারা যত্ন পূর্ব্বক এই সমস্ত দানাদি করে, তাঁহাদের সমুদায় গিরীন্দ্রদানের কল লাভ হইয়া থাকে ।

ভীষ্ম কহিলেন, হে ব্রহ্মন্ ! কোন্ কোন্ ব্রত কিম্বা কি প্রকার উপবাস ও দানাদি করিলে শোকসংঘ ও বিয়োগ দুঃখ বিনষ্ট হইতে পারে ? কি প্রকারে মনুষ্যগণ এই ভূতলে ঐশ্বর্য লাভ করিতে পারে ? অপরে কোন্ কোন্ কৰ্ম্মের অনুষ্ঠান করিলে পুরুষের ভবভীতি বিনষ্ট হয় ? হে গুরো ! অনুকম্পা প্রকাশপূর্বক এই সমস্ত প্রকাশ করুন ।

পুলস্ত্য কহিলেন, হে ভীষ্ম ! তুমি যে সমস্ত সংশয়ান্বিত প্রশ্ন করিলে এ সমুদায়ের বিশেষ বিবরণ বিবৃদ্ধগণেরও চুল্লভ । যদিও ইহার উত্তর দান স্বল্প সময় সাধ্য নহে, তথাপি তুমি আমার বিশেষ ভক্ত ও স্নানীল, দুঃসাধ্য হইলেও তোমার নিকট কিছুই গোপন করিতে পারি না, অতএব আদৌ তোমাতে একটি ব্রত বলিতেছি ইহা দেবগণের ও দেবরাজেরও অজ্ঞাত । যাহা হউক, তুমি শ্রবণ কর । হে ভীষ্ম ! তুমি আমায়ে এইরূপ জিজ্ঞাসা করিয়াছ যে কিসে শোকসমূহ নিবারিত হয় একারণ অগ্রে শোকনিবারণ বিশোক দ্বাদশীব্রত বলিব । এইব্রতে দশমীর দিন লঘু আহার করিয়া নিয়মাবলম্বন করিয়া থাকিবে । পরদিন প্রভাত্যে গাত্রোত্থান পূর্বক প্রাঙ্মুখ অথবা উত্তর মুখে দন্তধাবন করিয়া সমুদায় প্রাতঃকৃত্য সমাপনানন্তর স্নান করিয়া আসিবে । পরিশেষে যথাসাধ্য উপহারাদি দ্বারা ভগবান্ কেশবের অর্চনা করিয়া সেই একাদশার দিবস নিরাহারে থাকিবে । এবং হে অচ্যুত ! আমি অদ্য উপবাসী থাকিয়া আপনার অর্চনা করিব, হে বিভো ! আমি শরণাগত ! আপনি আমার প্রতি প্রসন্ন হউন, অদ্য কোনমতেই কোন প্রকার ভক্ষণ করিব না, আগামী কল্য বিধিপূর্বক ভোজন করিব । হে ভীষ্ম ! এই প্রকার নিয়মে বদ্ধ

থাকিয়া পরদিন প্রাতঃকালে গাত্রোথান করিবে। পরে সৰ্ব্বৌষধি ও পঞ্চগব্য জলে স্নান করিয়া স্বয়ং শুভ্রমাল্য ও শুভ্রবসন ধারণ করিয়া শ্রীপতি নারায়ণের অর্চনা করিবে। বিশোকায় নমঃ এই মন্ত্র দ্বারা পদদ্বয়ে, বরায় নমঃ, এই মন্ত্রে জজ্ঞাদ্বয়ে, শ্রীশায় নমঃ এইমন্ত্রে জানুদ্বয়ে, কন্দর্পায় নমঃ এই মন্ত্রে কটিদেশে, বিপুলায় নমঃ এইমন্ত্রে পার্শ্বে, পদ্মনাভায় নমঃ এই মন্ত্রে নাভিদেশে, মন্থথায় নমঃ এই মন্ত্রে হৃদয়ে, শ্রীধরায় নমঃ এই মন্ত্রে বক্ষস্থলে, বৈকুণ্ঠায় নমঃ এইমন্ত্রে কণ্ঠদেশে, যজ্ঞমুখায় নমঃ এই মন্ত্রে আশ্রদেশে, হৃষীকায় নমঃ এই মন্ত্রে কর্ণে, বাসুদেবায় নমঃ এই মন্ত্রে চক্ষুদ্বয়ে, বামনায় নমঃ এই মন্ত্রে ললাটে, বিশ্বরূপিণে নমঃ এই মন্ত্রে কিরীটে পূজা করিবে। পরে সৰ্ব্বাত্মনে নমঃ এই বলিয়া সৰ্ব্বত্র পূজা করিবে। এইরূপে ধূপ দীপ মাল্য ও চন্দন দ্বারা ভগবান্ নারায়ণের অর্চনা পূর্বক আহ্লাদ সহকারে চতুরস্ত্র অরঙ্গি-পরিমিত কুণ্ড অথবা স্থণ্ডিল করিবে। সেই স্থণ্ডিলের উপরি-ভাগের ভিত্তি অষ্টাঙ্গুল পরিমিত থাকিবে এবং শুক্লবর্ণ দশা-মুক্ত বিশুদ্ধ বস্ত্রযুগল তাহাতে গুপ্ত করিয়া রাখিবে। নদী-বালুকা দ্বারা সূর্য্য এবং লক্ষ্মীর প্রতিকৃতি লিখিবে। পরে সূর্য্য, লক্ষ্মী, দেবী, শান্তি, শ্রী, তুষ্টি, পুষ্টি, সিদ্ধি ও সৃষ্টির যথাযথ পূজা করিবে। তদনন্তর অশেষ দুঃখ বিনাশক বিশোক বরদ ভগবান্ সৰ্ব্বদা আমাকে শোকপরিশূন্য করুন। এই বলিয়া বিশোকরূপী কেশবের পূজা করিবে। তদনন্তর রশ্মী-মালী সূর্য্যকে শুক্ল বস্ত্র দ্বারা বেষ্টিত করিয়া নানাবিধ ভক্ষ্য ফল ও সুবর্ণ কলস দ্বারা পূজা করিবে। এবং সমস্ত রজ্জ্বনী নৃত্যগীতে অতিবাহিত করিতে থাকিবে। হে কৌরব ! এই

-২৮

রূপ বিধি অনুসারে মাসে মাসে ত্রত করিয়া যখন সমাপন কাল সমাগত হইবে, তখন কোন বিপ্র মিথুনের গৃহে গমন পূর্বক তাঁহাদিগকে আহ্বান করিয়া স্ব গৃহে আনয়ন করিবে। এই ত্রত প্রতিষ্ঠাকালে তিন কিস্মা একটি বিপ্র মিথুন আনয়ন করা আবশ্যক কিন্তু বহুবিভক্ত ব্যক্তি সামর্থ্য অনুসারে উহার আহরণ করিবেন। পরে উত্তম উত্তম বস্ত্র ও গন্ধ পুষ্প প্রদান করিয়া তাঁহাদিগের পূজা করিবে। তদনন্তর গাত বাদ্য ও জাগরণ দ্বারা সমস্ত রজনী পরমাফ্লাদে যাপন করিয়া প্রভাতে স্নানাদি প্রাতঃক্রিয়া সমাধানান্তে বিপ্র দম্পতির অর্চনা করিবে। এবং তাঁহাদিগকে যথাসাধ্য বিভাদি প্রদান করিয়া গৃহে পাঠাইবে, পরে ক্ষমতানুসারে ব্রাহ্মণাদি ভোজন করাইয়া স্বয়ং ভোজন ও পুরাণাদি শ্রবণ করিয়া সেই দিবস অতিবাহিত করিবে। সেই সময় গুড়ধেনু সমন্বিত শয্যা এবং লক্ষ্মীর সহিত স্তবর্ণময়ী সূর্য্য প্রতিমা দান করিলে বিপুল ঐশ্বর্য্যশালী হইবে। এই ত্রতে উৎপল, করবীর, বালমন্দার, কেতকী, সিন্ধুবারক, মল্লিকা, গন্ধপাটলা, কদম্ব, কুঞ্জক ও জাতী পুষ্প অতিশয় প্রশস্ত।

ভীষ্ম কহিলেন, হে মুনীশ্বর ! আপনি সমস্ত ধর্ম্মের পরিজ্ঞাতা, আমি আপনার প্রসাদে যে কত প্রকার জ্ঞান লাভ করিলাম তাহার ইয়ত্তা নাই। অধুনা প্রসন্নতা সহকারে গুড়ধেনুর কথা প্রকাশ করুন। ঐ গুড়ধেনুর বিধান কিরূপ, কিপ্রকারে উহা প্রস্তুত এবং কোন্ মন্ত্র দ্বারা উহা দান করিতে হইবে এই সমস্ত যথাযথ বর্ণনা করিয়া কৃতার্থ করুন।

পুলস্ত্য কহিলেন, হে ভীষ্ম ! তুমি গুড়ধেনুবিষয় যাহা জিজ্ঞাসা করিয়াছ, আমি তোমাতে তাহা বলিতেছি, যেরূপ



দিধামে উহার অনুষ্ঠান এবং যে মন্ত্র দ্বারা উহা দান করিবে আর গুড়ধেনু দান করিলে যে প্রকার ফল লাভ হইবে সেই সমুদায় শ্রবণ কর। ইহা শ্রবণ করিলে সমস্ত পাপ বিদূরিত হইয়া যায়। হে বীর! গোময় লিপ্ত ভূভাগের উপর দর্ভ আস্তরণ করিয়া তাহার উপরে চতুর্হস্ত পরিমিত মন্তক সহিত কৃষ্ণসার চর্ম্ম বিছাইবে ঐ কৃষ্ণসারের মন্তক পূর্ব্বদিকে থাকিবে। এবং ইহা অপেক্ষা একটী ক্ষুদ্রতর যুগচর্ম্মে লবণ রাখিয়া তাহাকে বৎসাকৃতি করিবে ও সেই ধেনু উদগ্ৰাখী করিয়া রাখিবে। হে কৌরব! ভার চতুর্হস্ত পরিমিত লবণে ঐরূপ ধেনু নির্মাণ করিলে উত্তম গুড়ধেনু হইবে, উহা অপেক্ষা অধিক পরিমাণে নির্মাণ করিতে কোন বাধা নাই, যাহা হউক, যদি ঐ পরিমাণের অর্দ্ধেকাংশে নির্মাণ কর তবে বৎস গঠন চতুর্থাংশে করিবে। গৃহস্থ এই প্রকার লবণ সঞ্চয়ে অসম্মত হইলে তাহার ক্ষমতানুযায়ী লবণে ধেনু কল্পনা করিতে হইবে, এই ধেনুযুগলকে শুক্লকম্বল দ্বারা আচ্ছাদিত করিয়া তাহার পৃষ্ঠদেশে তাম্র এবং রোমস্থানে শুভ্রাভের করিবে। ক্ষুদ্রয়ে বিদ্রুম তথা স্তনদ্বয়ে নবনীত এই প্রকারে সমস্ত অবয়বাদি কল্পনা সমাধা হইলে দিব্য কোণেশে বসন দ্বারা সমস্ত শরীর আচ্ছাদিত করিয়া দিবে। হে ভীষ্ম! এই প্রকারে বৎস-সহিত ধেনু বিনির্মাণ করিয়া ধূপ দীপাদি নানাবিধ উপচারে পূজা সমাধা হইলে এই প্রকার প্রার্থনা করিবে, যিনি সর্ব্বপ্রাণীর লক্ষ্মী, যিনি কামধেনুরূপে দেব-লোকে বিরাজিতা আছেন, ইনি সেই সাক্ষাৎ কামধেনু, অনুগ্রহ করিয়া আমার সমস্ত কল্যাণ বিধংস করুন। হে দেবী! আপনি বিষ্ণুর বক্ষস্থলস্থিতা লক্ষ্মীরূপা এবং বৈশ্বানর

অগ্নির স্বাহা, আপনিই দিবাকর আদিত্য ও নিশানাথ চন্দ্রমার শক্তি, অতএব সম্প্রতি নেনুরূপা হইয়া আমার শ্রীবিধান করুন । কি লোকপিতামহ চতুর্মুখ ব্রহ্মা, কি ধনদাতা কুবের, কি সমস্তলোকপালগণ এসমুদায়ের লক্ষ্মীরূপে কেবল আপনিই প্রতিষ্ঠিতা । অনুগ্রহ করিয়া আমারে বরদান করুন । যে স্বধা পিতৃমুখ্যাগণের জীবন স্বরূপা আপনি স্বয়ং সেই স্বরূপধারিণী, আপনি যজ্ঞভূক্গণের স্বাহা, একমাত্র সমস্ত পাপহরণে আপনিই পটুতর । হে দেবি ! আমার সর্বত্র শান্তি বিধান করুন । হে পরম পবিত্র হৃদয় কুরুনন্দন ভীষ্ম ! এই প্রকারে সেই ধেনুরে আক্রমণ করিয়া ব্রাহ্মণকে প্রদান করিবে । এই ধেনু দানের বিধি বর্ণনা করিলাম । এতদ্ব্যতীত যে সমস্ত ধেনু দান নির্ণীত আছে, তাহাদেরও বিধি এইরূপ । ইহারা সকলেই সমুদায় পাপ পরিমোচন করিতে পারে এবং ইহারা সকলেই দেবধনু বলিয়া কথিত হইয়াছে, এক্ষণে তাহাদের স্বরূপ ও সকলের নাম প্রকাশ করিতেছি শ্রবণ কর ।

হে নরাধিপ ! কলুষ বিনাশের জন্ম আদিম ঋষিগণ অনেকবিধ ধেনুর উল্লেখ করিয়াছেন, তাঁহার যে সমস্ত ধেনুর উল্লেখ করিয়াছেন তন্মধ্যে গুড়ধেনু প্রথম, দ্ব্যতধেনু দ্বিতীয়, তিলধেনু তৃতীয় বলিয়া গরিগণিত হইয়াছে । অপর জলধেনু চতুর্থ, ক্ষীরধেনু পঞ্চম মধুধেনু ষষ্ঠ, শর্করাধেনু সপ্তম ও লবণ ধেনু অষ্টম, রসধেনু নবম, দ্ব্যতধেনু দশম । হে ভীষ্ম ! রসধেনু বিনির্মাণে রসপূর্ণ কুন্ত ও শুভ্রবস্ত্র রাশি আবশ্যক করে । কেহ কেহ এই দশধেনু মধ্যে স্তবর্ণ ধেনুর নাম উল্লেখ করিয়া থাকেন । হে ভীষ্ম ! কোন কোন মহর্ষিগণ নবনীত তৈল ও বহুবিধ উপকরণ দ্বারা ধেনু নির্মাণ বিধি

বন্ধনি করিয়া থাকেন। প্রতিপর্বে এইরূপ ধেনু নির্মাণ পূর্বক মন্ত্র দ্বারা আবাহন করিবে। আক্ষে এইরূপ ধেনুদান অতি প্রশস্ত, ইহা দ্বারা ভুক্তি মুক্তি ফল লাভ হইয়া থাকে। হে বীর ! গুড়ধেনুর প্রসঙ্গে সমস্ত ধেনুর দান প্রথা তোমাংরে কহিলাম, এইরূপ ধেনুদান করিলে, অশেষবিধ যজ্ঞের ফল লাভ হয় এবং সমস্ত পাপ বিনষ্ট হইয়া যায়। এই সংসারে যত প্রকার ত্রুত বিদ্যমান আছে আছে তন্মধ্যে বিশোক দ্বাদশীত্রুত অতি উত্তম। এই ত্রুতের অনুষ্ঠানান্তে গুড়ধেনু প্রদান করিবে। অপর অয়নে বিষুব সংক্রান্তিতে পুণ্যকালে ব্যতীপাতযোগে গ্রহণ কালে ও পর্ব সময়ে গুড়ধেনু প্রভৃতি সমস্ত ধেনুদান অতি শুভকর হইয়া থাকে। যাহা হউক, হে কৌরবেন্দ্র ! বিশোকদ্বাদশী ত্রুতের ফল অতিশয় বিস্ময়াবহ, যাহার প্রভাবে সমুদয় পাপরাশি বিদূরিত হইয়া থাকে। মানুষ যাহাতে ত্রুতী থাকিলে, অন্তে ভগবান বিষ্ণুর পরমপদ প্রাপ্ত হইয়া থাকে। . পরন্তু ত্রুতী ইহলোকে সুখসৌভাগ্য আয়ু আরোগ্য প্রভৃতি লাভ করিয়া স্বচ্ছন্দে কালাতিপাত করিয়া থাকে। এবং অন্তে বিষ্ণুপুর গমন করে সন্দেহ নাই। হে নৃপতে ! যে ব্যক্তি এই বিশোক দ্বাদশীত্রুত করে, সেই ঐ ধর্মপরায়ণ দশ সহস্র অবসুদ বর্ষকাল বিষ্ণুপুরে অধিবাস করিয়া থাকে। কোন প্রকার শোক দুঃখ ও দুর্গতি তাহারে অধিকার করিতে পারে না। যদি কোন নারী এই বিশোক দ্বাদশীত্রুত করিয়া সেই দিবস নৃত্য গীতাদি দ্বারা অতিবাহিত করে, তবে সেই কামিনীও এই রূপে ফলভাগিনী হইয়া থাকে তাহাতে সন্দেহ নাই। যেহেতু ভগবান্ হরির নিকট নৃত্য গীত ও বাদ্য অতিশয় প্রশস্ত বলিয়া অবধারিত হইয়াছে।

হে কৌরব ! যে ব্যক্তি এই বিশোক দ্বাদশী ব্রত বিষয় পাঠ করে কিম্বা যে ইহা শ্রবণ করে অথবা যে ব্যক্তি ইহার উপদেশ প্রদান করে, সে ব্যক্তি ইন্দ্রলোকে বাস করে । সমস্ত বিবুধগণ কল্পকাল পর্য্যন্ত তাহার পূজা করিয়া থাকেন ।

ভীষ্ম কহিলেন, হে ভগবন্ ! যে সমস্ত দান দেবলোকের ও পূজনীয় এবং যাহা সমাদর সহকারে দেবর্ষিগণ ও মহর্ষিগণ অনুষ্ঠান করিয়া থাকেন, আপনি অনুগ্রহ করিয়া সেই সমস্ত দান মাহাত্ম্য বর্ণন করুন, তাহা শুনিবার জন্য আমার অত্যন্ত কৌতুক জন্মিয়াছে ।

পুলস্ত্য কহিলেন, হে নৃপসত্তম ভীষ্ম ! অধুনা তোমারে দশ প্রকার অচল দান বলিতেছি শ্রবণ কর । যাহার প্রভাবে মানবগণ দেবতাগণের নিকটও পূজ্য হইয়া থাকে, এই অচল দানে যে প্রকার ফল হয়, তাহার সদৃশ ফল, পুরাণাধ্যয়ন বেদাধ্যয়ন যজ্ঞ ও আয়তনের অনুষ্ঠান করিলেও পাওয়া যায় না । অতএব সেই অতুল্যতম পর্বতদান তোমার নিকট কহিতেছি । প্রথম ধান্ধাচল, দ্বিতীয় লবণাচল, তৃতীয় গুড়াচল, চতুর্থ স্রবর্ণাচল পঞ্চম তিলাচল ষষ্ঠ কার্পাসচল, সপ্তম দ্রুত পর্বত অষ্টম রত্নশৈল নবম রজতাচল এবং দশম শর্করাচল নামে বিখ্যাত । অধুনা ঐ সকল পর্বত দানের বিধি শ্রবণ কর । অয়ন ও বিষুবসংক্রান্তিতে ব্যতীপাত কিম্বা দিনক্ষয়ে বিবাহ যজ্ঞ প্রভৃতি উৎসব সময়ে অথবা দ্বাদশী তিথিতে অচলদান অতি প্রশস্ত । যদি পুষ্যা নক্ষত্রযুক্ত পৌর্ণমাসী রবিবাসরে হয়, তাহা হইলে গোময় দ্বারা ভূমি লেপন পূর্বক তাহার মধ্যে ধাত্তের পর্বত প্রস্তুত করিবে । এই ধাত্ত পর্বত সহস্র দ্রোণ পরিমিত ধাত্ত দ্বারা

করিলে উত্তম ধান্ধাচল হইবে । আর যদি পঞ্চশত দ্রোণ পরিমিত ধান্ধে অচল প্রস্তুত করা যায়, তাহা হইলে মধ্যম ধান্ধাচল হইবে । এবং তিনশত দ্রোণ পরিমিত ধান্ধ দ্বারা প্রস্তুত করিলে সেই ধান্ধাচলের নাম কনিষ্ঠ ধান্ধাচল হইবে । হে নরেন্দ্র ! এইরূপে বিষ্ণুস্তাচলের সহিত ধান্ধাচল প্রস্তুত করিয়া তন্মধ্যে তিনটি স্বর্ণের বৃক্ষ প্রোথিত করিবে, এবং সেই বৃক্ষে রক্ততনুশ্রিত চারিটি শৃঙ্গ চারিদিকে সজ্জিত করিয়া দিবে । এই ধান্ধাচলের কন্দর সকল ইক্ষু বংশে আবৃত করিয়া রাখিবে এবং তাহার চারিদিকে য়তৌদক প্রস্রবণ থাকিবে । হে রাজেন্দ্র ! অনন্তর মুক্তাফলের ভায় অতি শুভ্র ও বিচিত্র বসন দ্বারা ধান্ধাচলকে আবৃত করিয়া বহুবিধ অলঙ্কৃত করিবে । পরে মহেন্দ্র প্রভৃতি অষ্টলোক-পালগণকে যথাস্থানে আবাহন ও স্থাপন করিয়া নানাবিধ ফল মনোহর মাল্য এবং বিলেপন দ্বারা স্নশোভিত করিবে । বিতানকের উপর পঞ্চবর্ণ অগ্নানি পুষ্পাস্তরণ সংস্থাপন করিলে মঙ্গললাভ হইয়া থাকে । হে ভীষ্ম ! এইরূপে অচলশ্রেষ্ঠ ধান্ধাচল বিনির্মাণ করিয়া তাহার চতুর্দিকে পুষ্প ও বিলেপন স্থাপন করিতে হইবে । তদনন্তর যথাবিধি পর্ষতের পূজা করিয়া হে অচল ! তুমি মদীয় ভবনে এই সকল দ্রব্যে বিনির্মিত হইয়া এই শৈল্যের নাম ধারণ করিয়াছ । অতএব পূজিত হইয়া আমার কল্যাণ বিধান কর এবং যাহাতে আমি অত্যুত্তম শান্তিলাভ করি তাহা সম্পাদন কর । হে গিরিরাজ ! তুমিই ভগবান্ ঈশ, তুমিই ব্রহ্মা বিষ্ণু ও দিবাকর, তুমিই একমাত্র সনাতন পুরুষ, সর্বদা আমাদিগের রক্ষাবিধান কর । যেহেতু তুমি লোকপালদিগের মন্দিরস্বরূপ । তুমিই বিশ্ব-

মূর্তি রুদ্র আদিত্য ও বহুগণের আবাসস্থল, অতএব আমা-  
দিগের মঙ্গল বিধান ও অশেষ দুঃখদায়ক সংসারমাগর হইতে  
আমাদিগকে উদ্ধার কর । এই প্রকার প্রার্থনা করিয়া নানা-  
বিধ উপচার দিয়া ধাতুশৈলের অর্চনা করিবে । পরে মন্দা  
পর্বতের পূজা করিয়া এই প্রার্থনা করিবে । হে অচল ! তুমি  
চৈত্ররথ উদ্যানে শোভিত থাকিয়া রুদ্রের ভূষ্ঠিসাধন কর, অত-  
এব সর্বদা আমার বিধান কল্যাণ কর । হে ভীষ্ম ! এই প্রকারে  
সকলের আমন্ত্রণ করিয়া প্রাতঃকালে ভগবানের অরণ পূর্বক  
মধ্যম ধাতুপর্বত গুরুকে প্রদান করিবে । যে সকল বিষ্ণু  
পর্বত রচিত হইয়াছিল সেই সমুদায় ঋত্বিকগণকে প্রদান  
করিয়া অবশিষ্ট ব্রাহ্মণদিগকে অর্পণ করিবে । হে নৃপ !  
ধাতুচল দানকালে সামর্থ্যানুসারে চতুর্বিংশতি অথবা দশ  
কিস্তা সাত কিস্তা আট অথবা পাঁচটি গোদান করিবে । সমস্ত  
পর্বত দানেই পয়স্বিনী কপিলা দান করিবে । এই নিবন্ধ  
হইয়াছে । অচল দানকালে দেবতাগণের পূজা ও উপাসনা  
করিবে । নবগ্রহ, লোকপাল এবং ব্রহ্মাদির পূজা করাও  
বিহিত । স্বীয় মন্ত্র দ্বারা ইহাদের পূজা করিয়া শৈলের হোম  
করিবে । এবং নিত্য উপবাসী হইয়া থাকিবে । যদি নিত্য  
উপবাসে অশক্ত হয় তবে নক্তব্রতী হইবে । হে পার্শ্বিক ।  
ক্রমে ক্রমে সমুদায় শৈলদানের বিধি বলিতেছি শ্রবণ কর ।  
যে সমস্ত মন্ত্র দান কালে প্রয়োগ করিতে হয় এবং ইহা দান  
করিলে যে ফল লাভ হয় তাহাও শ্রবণ কর । যেহেতু অন্ন  
ব্রহ্ম বলিয়া অবধারিত হইয়াছে, প্রাণ সকল অন্নেই প্রতিষ্ঠিত  
রহিয়াছে । সমুদায় প্রাণিই অন্ন হইতে উদ্ভূত হয় । এই  
জগৎ অন্নেই প্রবর্তিত হইতেছে । অন্নই লক্ষ্মী, অন্নই

জনার্দনরূপী । হে ধান্য ! তুমি পৰ্ব্বতরূপ পরিগ্রহ কারয়াছ, এই নরোত্তম সকলকে রক্ষা কর, হে কৌরব ! যে ব্যক্তি এইরূপ বিধি অনুসারে ধান্যময় গিরিদান করে, সে শতমহাস্তর দেবলোকে বিরাজ করিয়া আনন্দ উপভোগ করিয়া থাকে । এবং গন্ধৰ্ব্ব অম্বর ও উরগগণ সমাকীর্ণ বিমানে আরোহণ করিয়া স্বর্গে প্রয়াণ করে । পরে কৰ্ম্ম ক্ষয় প্রাপ্ত হইলে ভূম-  
ণ্ডলে রাজ্যভাগী হইয়া থাকে ।

হে রাজেন্দ্র ভীষ্ম ! মানবগণ ইহার প্রসাদে দেবসঙ্গম প্রাপ্ত হইয়া থাকে । অতঃপর সেই লবণাচলের বিধি সংক্ষেপে বলিতেছি অবধান কর । মোড়শ দ্রোণ পরিমিত লবণে যে অচল নিৰ্ম্মাণ হয় তাহাই উত্তম লবণাচল । অষ্ট দ্রোণ পরিমিত লবণ দ্বারা নিৰ্ম্মিত হইলে মধ্যম লবণাচল হইয়া থাকে আর যদি চারি দ্রোণ পরিমিত লবণে পৰ্ব্বত প্রস্তুত করা যায় তাহা হইলে অধম লবণাচল হইয়া থাকে । বিত্তবিহীন ব্যক্তি স্বীয় ক্ষমতানুসারে লবণাচল প্রস্তুত করিবে । যে পরিমিত লবণে পৰ্ব্বত নিৰ্ম্মিত হইবে তাহার চতুর্থাংশে বিকল্প পৰ্ব্বত রচনা করিবে । হে ভীষ্ম ! এইরূপে লবণাচল নিৰ্ম্মাণ করিয়া পূর্ব্বের ন্যায় স্বর্ণ বৃক্ষ ও স্বর্ণ শৃঙ্গাদি সমস্ত রচনা পূর্ব্বক ব্রহ্মাদি ও ইন্দ্রাদি লোকপালের আবাহন ও পূজা এবং জাগরণ করিবে । ধান্যাচল দানকালে যেরূপ প্রার্থনা মন্ত্র পাঠ করা যায় ইহাতেও সেইরূপ প্রার্থনামন্ত্র পাঠ করিতে হইবে । যথা—হে নরোত্তম ! সমস্ত বিবুধগণ মধ্যে যেরূপ ভগবণ বিশ্বাত্মা বিষ্ণুশ্রবর, যোগিগণমধ্যে মহাদেব যেরূপ শ্রেষ্ঠ, এবং সমস্ত মন্ত্রমধ্যে প্রণব যেরূপ প্রধান বলিয়া পরিগণিত, সেইরূপ সমস্ত রসমধ্যে তুমিই

একমাত্র শ্রেষ্ঠ । তোমা ব্যতিরেকে অত্যাশ্চর্য রস উৎকট হইয়া থাকে । অধুনা তুমি পর্বতরূপ পরিগ্রহ করিয়াছ, অতএব আমার মৌভাগ্য সম্পদ বিস্তার ও আমারে শোক-সাগর হইতে উদ্ধার কর । এইরূপ প্রার্থনা করিয়া পূর্ববৎ পূজা করিবে । পরে ব্রাহ্মণদিগকে বথারীতি দান করিতে হইবে । হে ভীষ্ম ! যে ব্যক্তি এইরূপ বিধি অনুসারে লবণাচল দান করে, তাহার কল্লকাল উমালোকে অধিবাস হইয়া থাকে । অনন্তর পরম গতিলাভ করে ।

হে ভীষ্ম ! অতঃপর গুড়াচলের বিধি শ্রবণ কর, তাহার অনুষ্ঠান করিলে মানবগণ দেবগণেরও পূজ্য হইয়া স্বর্গে গমন করে । দশভার গুড় দ্বারা যদি অচল প্রস্তুত করা যায় তাহা হইলে উত্তম অচল হয়, পঞ্চ ভার গুড়ের পর্বত মধ্যম, এবং তনভারে অধমাচল হয় । অল্পবিত্ত ব্যক্তি তাহার অর্ধেকের ও নিৰ্ম্মাণ করিতে পারে । পূৰ্ব্বোক্ত অচলদানে যে প্রকারে স্বর্ণ রক্ষ, রজত শৃঙ্গ ও শুভ্রবস্ত্র প্রভৃতি প্রদত্ত হয় ইহাতেও সেইরূপ করিতে হইবে । ব্রহ্মাদি দেবতা ও লোকপালগণের আবাহন এবং পূজা করিবে । ইহাতেও বিষ্ণু পর্বত রচনা করিতে হইবে । হোম ও জাগরণপ্রভৃতি কোন কার্যের ক্রটি করিবে না ।

হে ভীষ্ম ! খাচাচলদানে যে প্রকার প্রার্থনামন্ত্র পাঠ করিতে হয় ইহাতেও সেইরূপ প্রার্থনা মন্ত্র পাঠ করিবে । যথা, যেরূপ বিশ্বাত্মা জনার্দীন দেবতাগণের মধ্যে প্রধান, যেরূপ সমস্ত বেদের মধ্যে সাম, যোগিদিগের মধ্যে মহাদেব, মন্ত্র সকলের মধ্যে প্রণব, এবং নারীগণ মধ্যে পার্কীতী শ্রেষ্ঠ সেইরূপ আপনি ইক্ষুরস হইয়া সমস্ত রসমধ্যে প্রাধান্য লাভ



মহর্ষি বেদব্যাস-প্রণীত

# পদ্যপুরাণ ।

—:~:—

বাল্মীকি গদ্যানুবাদ ।

—:~:—

৩৭ নং নিম্নগোঁসাবের লেন হটতে

শ্রীঅহরলাল লাহা কর্তৃক সংগৃহীত ও তৎকর্তৃক

প্রকাশিত ।

চতুঃশ্লোকং খণ্ড ।

কলিকাতা ।

২৩১ নং অপার চাঁপুর রোড—আদরিণী যন্ত্রে

শ্রীবিনোদ বিহারী মজুমদার দ্বারা

মুদ্রিত ।

১২৯০ সাল ।

মূল্য দুই আনা ।

দেবদানবগণের তুমুল সংগ্রাম আরম্ভ হইলে, সেই যুদ্ধে দানব রাক্ষস ও দৈত্যবংশ প্রায় নিঃশেষ হইয়া গেল ঐ সমুদায় দানব রাক্ষস ও দৈত্যগণ শুক্রাচার্য্যের বিধি অনুসারে যে সমস্ত রমনীর পাণি গ্রহণ করিয়াছিল, তাহার স্বীয় স্বীয় ভর্তার নিধন বার্তা শ্রবণ করিয়া হতাশ হইল এবং দেবরাজ ইন্দ্রের শরণাগত হইয়া কহিল, হে দেবরাজ ! আপনি আমাদের গতি কি হইবে বলুন । বদভাংবর ইন্দ্র ফলকাল অম্বর-কামিনীগণের পতি চিন্তা করিয়া বলিলেন, তোমরা এখন বেষ্টাধর্ম্য অবলম্বন কর, তাহা হইলে আর দুঃখভোগ করিতে হইবে না । হে বরাঙ্গনাগণ ! তোমরা বেষ্টাধর্ম্যে লিপ্ত থাকিয়াও ত্রতাচরণ করিও । তাহার প্রভাবে আমার সদৃশ রাজহৃদয়গণকে স্মিলাভ করিবে এবং সকল সৌভাগ্য সম্পন্ন হইবে । যাহা হউক, অম্বরকামিনীগণ ইন্দ্রের নিদেশানুরূপ ত্রতপ্রভাবে দিব্য স্বামী ও সুখসৌভাগ্য লাভ করিয়াছিল, অতএব তোমরাও আপনাদের অপরাধ মার্জ্জনা জহ্ম ত্রত নিয়ম কর, সর্বনাশ সাবধান হইয়া থাকিও, অতঃপর তোমাদের গৃহে যদি কোন মুনিবালকও আইসেন, তাহা হইলে বালক বোধে তাঁহার ণেকনা না করিয়া বিধিবৎ অর্চনা করিও । একরূপ দাস্তিকতা প্রকাশ করিও না । হে অবলাগণ ! কোন পুণ্যদিবস বা পুণ্যতিথি উপস্থিত হইলে, ভক্তিসহকারে গো, ভূমি, হিরণ্য ও ধাতু যথাশক্তি ত্রাদানকে দান করিবে । বেদবিদ্বান্গণ বলিয়াছেন যে, এইরূপ করিলে সংসার যন্ত্রণা হইতে পরিত্রাণ পাওয়া যায় । তোমাদের যন্ত্রণা যুক্ত হইবার জহ্ম একটা ত্রত বলিতেছি যত্নপূর্বক ইহার অনুষ্ঠান করিও ।

হে ভীষ্ম ! দাস্ত কহিলেন, হে প্রমদাগণ ! রবিবাসরে হস্তা, পুনর্কল্প ও পুণ্যানকত্র প্রাপ্ত হইলে, সেই দিবস সার্বৌষধি জলে স্নান করিয়া ত্রতাচরণ করিবে । ভগবান্ কৃষ্ণকে সাক্ষাৎ কন্দর্প বিবেচনা করিয়া তাঁহার নামোচ্চারণ পূর্বক সমস্ত অঙ্গের অর্চনা করিবে ; অর্চনা করিবার সময়ে পাদদ্বয়ে বাম জঙ্ঘায় বেদকারী, মেঢ়-

দেশে কন্দর্প নিধি, ও কটিদেশে প্রীতিমৎ, নাভিতে সখ্য প্রদ, উদরে  
রাম, হৃদয়ে হৃদয়েশ, স্তনযুগলে আচ্ছাদকারী, কটিদেশে উৎকণ্ঠ,  
এবং মুখে আলম্ব্যকারী বলিয়া যথোপচারে পূজা করিবে। তাঁহার  
বাম অঙ্গে পুষ্পচাপ ও দক্ষিণাঙ্গে বাণের, মস্তকে রত্না, দেহে বিলোমা,  
শিরোদেশে সর্কাক্ষিক দেবের পূজা করা বিধেয়। তদন্তর ভগবানের  
নিকট এই প্রার্থনা করিবে, যে তুমি শিব ও শাস্ত্রস্বরূপ, তুমি  
পাশাঙ্কুশ শস্ত্র, চক্র ও গদা ধারণ কর, তোমার পরিধান গীতবসন,  
তুমি নারায়ণ ও মাধ্ব্য বামদেব স্বরূপ, তোমারে নমস্কার করি।  
এইরূপ প্রার্থনা মন্ত্র পাঠ করিয়া শান্তি, পৌতি, রতি, ত্রী, পুষ্টি,  
ভুক্তি এবং সর্কাক্ষ সুন্দরী দেবীরও অর্চনা করিবে। হে অবলাগণ!  
এই প্রকারে গন্ধমালা, ধূপ, দীপ, বস্ত্র ও অলঙ্কারে অনঙ্গরূপী জগদীশ্বর  
গোবিন্দের অর্চনা করিয়া ধর্মপারায়ণ বেদবিৎ কোন ব্রাহ্মণকে  
আহ্বান করিবে। এবং সেই দ্বিজবরকে ইনি মাধ্ব্য অনঙ্গের  
তবয়স এইরূপ বিবেচনা করিয়া গন্ধপুষ্পা, ধূপ, দীপ ইত্যাদি উপ-  
চারে তাঁহারও পূজা করিবে। অনন্তর তাঁহারে উত্তমরূপ ভোজন  
করাইয়া দ্রব্যপাত্রের সহিত শালিতুল ও কাংসপাত্রে ইক্ষুদণ্ড স্থাপন  
পূর্বক, “ভগবান্ মাধব প্রীত হউন, বলিয়া ঐ সমস্ত দ্রব্য তাঁহারে  
প্রদান করিবে। যৎকালে ঐ সমস্ত দ্রব্য দান করিবে, তখন সর্কাক্ষ-  
কবণের সহিত সর্কাক্ষসুগামী মাধবের প্রতি ভক্তিসম্পন্ন হইয়া থাকিবে।  
হে স্মিতভাবিনী প্রমদাগণ! এইরূপে ব্রত আরম্ভ করিয়া প্রতি  
রবিবাসরে ভগবানের পূজা করিবে, এবং পূজাস্ত্রে ব্রাহ্মণকে তুল  
প্রদান করিবে, সম্বৎসরকাল যাবৎ এই ব্রতের অনুষ্ঠান করিতে  
হইবে। ত্রয়োদশ মাস সমাগত হইলে, সর্কোপস্কর সমন্বিত শয্যা,  
দীপ, পাতুকা, ছত্র প্রভৃতি দ্রব্য ব্রাহ্মণকে প্রদান করিবে। সপত্নীক  
কামদেবের মূর্তি নির্মাণ পূর্বক স্তব্ধ অঙ্গুদী, বলয়, সূক্ষ্ম বস্ত্র ও  
মালা অনুলেপন দ্বারা স্নানজ্জিত করিয়া তাত্রপাত্রে গুড়পূর্ণ কুন্তের  
উপরি স্থাপন করিবে। তৎপরে যথাবৎ মন্ত্র পাঠ করিয়া পরাম্বনৌ

গাভী সমেত এই সমুদায় ত্রাক্ষণসাং করিবে। যে মন্ত্র পাঠ করিতে  
হইবে তাহাও বলিতেছি শ্রবণ কর। ভগবান্-শিব ও কেশবের 'যেমন  
অস্তুর দেখিতে পাওয়া যায় না', উহারা উভয়েই সেইরূপ সমস্ত কামনা  
পূরণ করেন, অতএব এই ত্রত প্রভাবে ভগবান্ বিষ্ণু আমার সমস্ত  
কামনা প্রদান করুন। হে কেশব! আপনি যে প্রকার লক্ষ্মীর দেহে  
সর্বদা বিরাজিত থাকেন, আমিও এই ত্রতে ত্রতী হইয়া আপনাকে  
নমস্কার করিতেছি, হে প্রভো! আপনি সেইরূপ আমার শরীবেও  
সর্বদা অবস্থান করুন। হে ভীষ্ম! তদনন্তর আত্ম ত্রাক্ষণের নিকটও  
প্রার্থনা করিবে, যে, হে দ্বিজোত্তম! আমি এই কারণবশতঃ আপ-  
নারে আহ্বান করিয়া যথোপচারে অর্চনা করিলাম, আপনি আমার  
প্রতি প্রসন্ন হইয়া এই সমুদায় সাগরী গ্রহণ করুন, তাহা হইলে  
আমার অভীষ্ট সিদ্ধি হইবে। ত্রাক্ষণ সম্বন্ধে এই প্রার্থনা করিয়া  
“কোদাং কস্মান্” ইত্যাদি একটি বৈদিক মন্ত্র পাঠ করিবে। এবং  
ঐ সমস্ত শাখা কুম্ভাদি দ্রব্য সমুদায় ত্রাক্ষণ গৃহে প্রেরণ করিবে।

হে ব্রহ্মজন্ম ভোগ! পুরা প্রভৃতি কয়েকটি নক্ষত্রযুক্ত রবিবারে  
এই ত্রতারস্ত করা বিশেষ, কিন্তু সামান্য রবিবারেও বিশেষরূপে পূজা  
করা কর্তব্য। যাহা হউক, এইরূপ কামনা করিয়া ত্রয়োদশ মাস কাল  
উত্তমরূপ ত্রত অনুষ্ঠান করিবে। অধিক কি, এই ব্রত প্রভাবে  
বথাকাম পূর্ণ হইয়া বিষ্ণুমন্দিরে প্রেরিত হইয়া থাকে। হে প্রমদাগণ!  
তোমরা ভগবান্ কৃষ্ণসাম্বিত্য লাভে ব্যস্ত হইয়া সম্প্রতি বৈশ্বাখ্যে  
প্রবৃত্ত হইয়াছ, অতএব তোমাদিগের নিকট বৈশ্বাখ্য কীৰ্ত্তন করিলাম।  
তোমরা ইহার অনুষ্ঠান কর তাহা হইলে অনায়াসে সদ্ধতি লাভ  
করিবে। হে অবলাগণ! ত্রত সমাপ্ত হইলে ভগবান্ কৃষ্ণ সম্বন্ধে  
এই প্রার্থনা করিবে, যে হে দেব! যেহেতু আপনি কদাচ লক্ষ্মীরে  
পরিভ্যাগ করেন না এবং কমলার সহিত আপনার যে প্রকার নিত্য  
সম্বন্ধ দেখিতে পাওয়া যায়, সেইরূপ আমার সহিত সম্বন্ধ নিরঙ্ক  
করুন। হে প্রভো! কদাচ আমাকে লক্ষ্মীশূন্য করিবেন না। হে

বরদ মাধব ! আপনি যে প্রকার লক্ষ্মীশূত্র হইয়া শয়ন করেন না তদ্রূপ আমার এই শয্যা শূত্র না করিয়া শয়ন করুন। এই প্রার্থনা করিয়া দেবদেব ভগবানের শ্রীতি সম্পাদনার্থ গীতবাদিত্রের অনুষ্ঠান করিবে। এবং তৎপরে ষষ্ঠাবাছাও করিবে, যেহেতু যতপ্রকার বাছা বিজ্ঞমান আছে তৎসমুদায়ই ষষ্ঠা মধ্যে অবস্থিতি করে অতএব ষষ্ঠা-বাছা করিলে সমস্ত বাছা বাদন হইয়া থাকে। বাহা হউক, এই প্রকার ভগবান্ গোবিন্দের পূজা করিয়া নিশাযোগে অক্ষর অলবণ ও তঁতৈল ভোজন করিবে। পরদিন প্রাতঃকালে লক্ষ্মী ও নারায়ণের প্রতিমা, দীপ, অম্ব, পাটুকা, ছত্র, চামর, আসন ও অগ্ন্যাত্ম সমস্ত উপকরণ সামগ্রী সহিত শয্যা, শুক্লবর্ণ পুষ্প দ্বারা আবৃত করিয়া ত্রীসম্পন্ন ব্রাহ্মণকে প্রদান করিবে। ত্রৈতের সামগ্রী সমুদায় বেদবিৎ বৈষ্ণবকে প্রদান করা কর্তব্য। বক্র কিম্বা পতিত ব্যক্তিকে ইহা কদাচ প্রদান করিবে না। তদনন্তর কোন ব্রাহ্মণদম্পতীকে আনয়ন পূর্বক বিধি অনুসারে অলঙ্কারাদি দ্বারা ভূষিত করিবে। বিবিধ উপাচারে তাঁহা-দিগকে ভোজন করাইয়া ব্রাহ্মণপত্নীকে সুবর্ণভোজন প্রদান তথা ব্রাহ্মণকে সর্বসম্ভারসম্বিত্তি সুবর্ণময়ী-প্রতিমা ও পূর্ণকুম্ভ দান করিবে। হে বীর ! যদি কোন পুরুষ এই ত্রতানুষ্ঠান করে, সেও এতাদৃশ ফললাভ করিবে এবং কদাচ তাহারে পত্নী বিরহ সহ্য করিতে হইবে না। সর্বদা তাহার পুত্র ও পৌত্র প্রভৃতি অক্ষয় হইয়া থাকিবে।

হে কুকুলতিলক ! ভূতভাবন ভবানীপতি শঙ্কর এইরূপে বর-শ্রীংগণের চরিত্র বর্ণনা করিলে, লোকপিতামহ ব্রহ্মা পুনরায় কহিতে লাগিলেন।

ব্রহ্মা কহিলেন, হে মহেশ্বর ! আপনি সর্ববর্ষের পারগ, আপনার অবিজ্ঞাত বিষয় কিছুই নাই, অধুনা আমারে এ প্রকার কোন বিধান বলুন, বাহা দ্বারা জগন্নাথ বিষ্ণুর প্রতিভক্তি জন্মাইতে পারে এবং অনন্তকাল তাঁহার সৎবাসও ঘটয়া থাকে।

মহাদেব কহিলেন, হে ব্রাহ্মণ ! তুমি যে রূপ প্রাপ্ত করিয়াছ, হে তোমার উপযুক্ত এবং অতিশয় সাধু ; আমি তোমার এই প্রাপ্ত অ্রবণে আচ্ছাদিত হইয়াছি, তোমার নিকট প্রচ্ছাদনন্দন ও ধীমান্ শুক্র-চার্য্যের যে কথোপকথন হইয়াছিল, তাহা বলিতেছি অ্রবণ কর। ধীসম্পন্ন উশনা ষোড়শবর্ষ বয়স্ক প্রচ্ছাদননয় বিরোচনকে দৈত্যসভায় দেখিয়া, এবং তাহার বাক্য অ্রবণ করিয়া, হে মহাবাহো বিরোচন ! তুমি সাধু, তুমি সাধু, এই প্রকার বাক্য প্রয়োগ করত হাস্য করিলেন। হে ভীষ্ম ! ভৃগুনন্দন শুক্রের তক্রপ হাস্য ও অভ্যুতরূপ বাক্য অ্রবণ করিয়া বিরোচন কহিলেন, হে ব্রাহ্মণ ! এ সময়ে কোন প্রকার হাস্য কোঁতুক হয় নাই, তবে কি কারণে আপনি এ প্রকার অলৌকিক হাস্য করিলেন ? অধিকন্তু আমি আপনার পদসেবক ভূতা, কি নিমিত্ত আমারে সাধু সাধু বলিয়া প্রশংসা করিলেন ? ইহার কারণ কি ? অনুগ্রহ করিয়া প্রকাশ ককন। হে বীর ! অমৃতকুলধুরন্ধর বিরোচনের তাদৃশ বচন অ্রবণ করিয়া, সর্বশাস্ত্রার্থের তত্ত্ববেত্তা শুক্র-চার্য্য মধুর বচনে কহিলেন। শুক্র কহিলেন, হে বিরোচন ! আমি যে তোমারে প্রশংসা করিলাম তাহার অহ্ন কোন রূপ কারণ নাই, কেবল ত্রৈ মাহাত্ম্যেই তোমার এরূপ প্রশংসা করিয়াছি যে ত্রৈতের প্রভাবে তুমি এইরূপ প্রশংসাপাত্র হইয়াছ তাহাও বলিতেছি অ্রবণ কর। হে বিরোচন ! পূর্বে দক্ষ রাজের যজ্ঞে দাক্ষায়ণী ভগবতী আত্মপ্রাণ পরিত্যাগ করিলে, দেবদেব মহাদেব ক্রোধান্ত হইয়া, দক্ষের বিনাশ কামনা করিলেন। তৎকালে সেই ভীষ্মবক্তৃ ত্রিশূলীর ললাট হইতে শ্বেদবিন্দু নির্গত হইতে লাগিল। হে ভীষ্ম ! ঐ ললাটোদাত অগ্নি-বৎ শ্বেদবিন্দু সপ্তমাগর ও সপ্তপাতালতল পর্য্যন্ত ব্যাপ্ত হইয়া পড়িল। এবং দেখিতে দেখিতে সেই শ্বেদবারি হইতে অনেকবক্তৃ ও অনেকমনন অনলের ছায় জ্বলনশীল ভীষণাকার এক পুরুষ উৎপন্ন হইল, উহার নাম বীরভদ্র, অতিশয়বলবান, সেই বীরভদ্রের হস্ত পদই অসুখ স্বরূপ ছিল। বাহা হউক, শত্ৰুশ্বেদসমুদ্ভব বীরভদ্র স্বীয় ক্ষমতাবলে বিষ্ণু

কর্তৃক রক্ষিত দক্ষযজ্ঞ নিমেষ মধ্যে ধ্বংস করিয়া ফেলিলেন। দক্ষযজ্ঞ বিনষ্ট করিয়া ত্রিজগৎ দাহন করিতে উদ্যত হইলে, শশাঙ্কশেখর শিব তাহারে নিবারণ পূর্বক, কহিলেন, হে বীরভদ্র ! তুমি দক্ষযজ্ঞ বিনাশ-রূপ অলৌকিক কৰ্ম্ম সম্পাদন করিয়াছ, ইহাতেই তোমার পৌরুষ বথেষ্ট প্রকাশ হইয়াছে। বুধা আর তোমার জগৎদাহনের আবশ্যক নাই, তুমি ঐ কার্য্য হইতে বিরত হও। সংসারে যত প্রকার কৰ্ম্ম আছে, শাস্তিই সে সকলের প্রধান। তুমি এক্ষণে শাস্তি অবলম্বন কর। তুমি আমার প্রসাদে ঐহগণের মধ্যে আধিপত্য লাভ করিবে। সমস্ত ব্যক্তি হর্ষ সহকারে তোমার প্রতিষ্ঠা ও পূজা করিবে। তুমি ধরাভ্রাজ হইয়া অঙ্গারক নামে বিখ্যাত হইবে। তুমি এই যে দেবলোক দেখি-তেছ, তোমার জন্ম এই প্রকার দ্বিতীয় দেবলোক কল্পিত হইবে। হে বীরভদ্র ! চতুর্থী তিথিতে যে ব্যক্তি ভক্তি ভাবে তোমার পূজা করিবে, সে অনন্তরূপ ও ঐশ্বর্য্য লাভ করিবে। হে রাজেন্দ্র ! মহেশ্বর-শিব এই রূপ কহিলে, কামরূপধারী বীরভদ্র, তৎক্ষণাৎ পৃথিবী হইতে উদ্ভব হইয়া ঐহত্ব লাভ করিলেন। হে বিরোচন ! পূর্বে কোন শূদ্র ব্যবস্থানুসারে পাচ্র অর্ঘাদি উপচার দ্বারা মহাবীর বীরভদ্রের পূজা করিতেছিল, শ্রদ্ধাবান হইয়া তুমি তাঁহার পূজা সম্যক অবলোকন কর, সেই পুণ্যে তুমি রূপবান হইয়া জন্মগ্রহণ করিয়াছ। একারণে দেব ও দানব তোমারে বিরোচন বলিয়া থাকেন। যাহা ইউক, শূদ্র কৃত বীর-ভদ্র পূজা দর্শনে তোমার এই রূপ সম্পত্তি লাভ হইয়াছে। হে দৈত্য-প্রধান ! ধরাভ্রাজ বীরভদ্রের পূজা প্রভাব আর কি বলিব, তুমি স্বয়ং উহার অর্চনা কর নাই, অন্তরূপ পূজা দর্শন প্রভাবে তোমার স্মরারি-কুলে জন্ম হইয়াছে।

হে ভীষ্ম ! ভৃগুকুলতিলকশত্ৰু এই প্রকারে বিরোচনের পূর্ব বৃত্তান্ত বর্ণনা করিলে, প্রহ্লাদমন্দন বীর বিরোচন বিস্ময়াব্বিত হই-লেন এবং অতিবিনীত ভাবে মহাত্মা শুক্রাচার্য্যকে পুনরায় কহিতে লাগিলেন।

বিরোচন করিলেন, হে ভগবন্ ! মহাবীর বীরভদ্রের ত্রতবিধি সম্যক রূপে কীর্তন করুন। আপনি আমাদের কুলগুরু ও জ্ঞানদাতা, আমারে জ্ঞানবান্ কর। আপনার সৰ্ব্বধা কর্তব্য। হে প্রভো ! মহাত্মা বীরভদ্রো মহাত্মা ও চরিত্র প্রভৃতি সবিশেষ বর্ণনা করিয়া কৃতার্থ করুন। দৈত্যগুরুশত্রু বিরোচনের সেই বাক্য শুনিয়া বিস্তারিত রূপে বীরভদ্রের মহাত্ম্য কীর্তন করিতে আরম্ভ করিলেন, শুরু করিলেন, হে বিরোচন ! মঙ্গলবারে চতুর্থী তিথি প্রাপ্ত হইলে, ঐ দিবস প্রাতঃ-কালে সৰ্ব্বাঙ্গে মৃত্তিকা লেপন পূৰ্ব্বক স্নান করিয়া পদ্মরাগ বিভূষিত হইবে। উত্তরাস্ত্র হইয়া ‘অগ্নিমুজ্জাদিব, ইত্যাদি বৈদিক মন্ত্র জপ করিয়া দিবা অতিবাহিত করিবে। পরে সূর্য্যাস্তের পূর্বে প্রাক্কন গোময়োল্লিপ্ত করিয়া তাহার চতুর্দিকে পুষ্পমালা ও অক্ষত প্রভৃতি বিকীর্ণ করিবে। ঐ গোময়লিপ্ত স্থানের মধ্যভাগে কুকুম দ্বারা অষ্টদল পদ্ম নির্মাণ করিয়া বীরভদ্রের পূজা করিবে। যদি দৈবাৎ কুকুম না পাওয়া যায়, তাহা হইলে রক্তচন্দনের পদ্ম নির্মাণ করিলে দোষাবহ হইবে না। যাহা হউক এইরূপ পদ্ম রচনা করিয়া তাহার চারিদিকে নানাবিধ ভোক্ত্যভোজ্য সহিত চারিটি কলস তৎ রক্তবর্ণ শালিতণ্ডুল ও পদ্মরাগ স্থাপনা করিবে। পদ্মের চারিকোণে নানা প্রকার ফল, মূল বিছান্ত করা আবশ্যিক। হে বীরভীষ্ম ! এইরূপে সমুদায় পূজাসম্ভার প্রস্তুত করিয়া বীরভদ্রের অর্চনা পূৰ্ব্বক গন্ধমালাদি সমুদায় উপকরণ নিবেদন করিবে। হে ভীষ্ম ! তদন্তর সবৎসা কপিলা আনয়ন পূৰ্ব্বক উৎসর্গ করিবে। উহার শৃঙ্গে স্তবর্ণ, ক্ষুরে রৌপ্য ও কাংশ্যদোহ থাকিবে। এবং একটি ধূরন্ধরবৃষ, শাখা ও সপ্ত অশ্বর সংযুক্ত করিয়া উৎসর্গ করিবে। অঙ্গুষ্ঠমাত্র পরিমিত পুঞ্চ স্তবর্ণ দ্বারা নির্মাণ করিবে। তাহার চারিটি হস্ত থাকিবে এবং ঐ পুঞ্চকে ছেমময় পাত্রে স্থাপিত করিবে। বীরভদ্রের প্রীতির নিমিত্ত যে সমস্ত দ্রব্য আহৃত হইয়া থাকে সেই সমুদায় রূপ গুণ শীল সম্পন্ন অধীতবেদ ব্রাহ্মণকে প্রদান করিবে। দক্ষুযুক্ত কোন ব্রাহ্মণ কিবা



কোন আত্মীয় ব্যক্তিরে কদাচ প্রদান করিবে না। তদনন্তর এই যন্ত্র পাঠ করিয়া অর্ঘদান করিবে। হে ভূমিনন্দন বীরভদ্র ! আপনি মহাদেবের তেজ হইতে উৎপন্ন হইয়াছেন, আমি রূপার্থী হইয়া আপনার শরণাপন্ন হইলাম, আপনি আমার দত্ত এই অর্ঘ গ্রহণ করুন। আপনি লোহিতাক্ষ মঙ্গল এবং আপনি গ্রহ মধ্যে অবস্থিতি করেন, আপনি সুরূপ ও কার্তিক স্বরূপ আপনাকে নমস্কার করি। হে মহাবাহো ! আপনি শিবললটিসমুত হইয়াও ধরণির গর্ভে উৎপন্ন হইয়াছেন আমি রূপার্থী হইয়া আপনার শরণাপন্ন হইলাম, আপনারে নমস্কার করি, আপনি এই অর্ঘ গ্রহণ করুন। হে ভীষ্ম ! এই যন্ত্র পাঠ করিয়া চন্দনবারি মুক্ত অর্ঘ প্রদান করিবে। তৎপরে কোন ব্রাহ্মণকে আনাইয়া রক্তবস্ত্র রক্তপুষ্প রক্তমালাদি দ্বারা অর্চনা করিয়া সর্বোপাস্ত্রসংযুক্তা শয্যা এবং অত্যা ত্র্য যে সমস্ত সামগ্রী লোক প্রিয় বলিয়া প্রসিদ্ধ তাহাও তাঁহারে প্রদান করিবে। তদনন্তর প্রদক্ষিণ করিয়া পূজা সমাপ্ত করিবে। এবং নিশাকালে হৃৎসংযুক্ত অক্ষর অলবণ দ্রব্য ভোজন করিবে। যদি কোন পুরুষ কিম্বা নারী ভক্তি-পূর্বক এই অক্ষরক ত্র্যত করে তাহা হইলে তাহার যেরূপ পুণ্যফল প্রাপ্ত হয়, তাহাও বলিতেছি। বীরভদ্রের অর্চনা প্রভাবে জন্মে জন্মে বিষ্ণু ও শঙ্করের শ্রিয়ভক্ত তথা রূপ সৌভাগ্য এবং সপ্তদ্বীপের অধিপতি হইয়া থাকে। হে দৈত্যেন্দ্র ! সপ্তকম্পসহস্রকাল কদ্র-লোকে বাস করিয়া আনন্দানুভব করে। হে বিরোচন ! বীরভদ্র ত্র্যতের মাহাত্ম্য শ্রবণ করিলে অধুনা তুমিও ইহার অনুষ্ঠান কর। হে কোরবেন্দ্রভীষ্ম ! ভৃগুনন্দনশুক্লাচার্য্য এইরূপে বীরভদ্রত্র্যত বিধি বর্ণনা করিলে দৈত্যপতি বিরোচন তৎসমুদায় অবগত হইয়া বিধি অনুসারে ত্র্যতচরণ করিতে লাগিলেন। যাহা হউক, এই ত্র্যতের প্রভাব আর কি বলিব, যে ব্যক্তি অনন্তচিত্ত হইয়া ইহা শ্রবণ করে, ভগবান্ নারায়ণ তাহার সমুদায় কামনা পূর্ণ করিয়া থাকেন। হে ভীষ্ম ! অন্ততকর্ম্মা শুক্লাচার্য্য যে ত্র্যতকথা বর্ণনা করিলেন, ইহা অক্ষরক

চতুর্ধী ত্রত বলিয়া বিখ্যাত । বেদবিৎ সকল ইহার ফল অক্ষয় বলিয়া থাকেন । তুমিও এই ত্রতের অনুষ্ঠান কর, তাহা হইলে বিশেষ শ্রেয়োলাভ করিবে ।

## চতুর্বিংশ অধ্যায় ।

ভীষ্ম কহিলেন, হে গুরো ! যে ব্যক্তি অনভ্যাস কিম্বা রোগাদি উপদ্রববশতঃ উপবাস করিতে অশক্তি হইয়া উপবাসের ফললাভ ইচ্ছা করে, তাহার অতীত সিদ্ধি কিরূপে হইতে পারে এরূপ কোন ত্রতবিধি বলিতে আজ্ঞা হউক ।

পুলস্ত্য কহিলেন, হে কুরুদ্বহ ! যাহারা উপবাসে অশক্তি অথচ উপবাস ফল কামনা করিয়া থাকে, তাহারা সমস্ত দিবস উপবাসী থাকিয়া রাত্রিতে ভোজন করিবে । তাহাতেই তাহাদের ত্রতফল লাভ হইবে । যাহা হউক, হে রাজেন্দ্র ! অধুনা তোমার নিকট সর্বদুঃখবিনাশন আদিত্যশয়ন নামক একটি ত্রত বলিতেছি, এই ত্রতে আদিত্যরূপী ভগবান্ শঙ্করকে অর্চনা করিতে হয় । হে বীর ! পুরাণবেত্তা ঋষিগণ যে নক্ষত্র সংযোগে এই আদিত্যশয়ন ত্রতের অনুষ্ঠান করিতে কহিয়াছেন, তাহা বলিতেছি শ্রবণ কর । রবিবার দিবসে হস্তানক্ষত্র সংযুক্ত সপ্তমীতিথি প্রাপ্ত কিম্বা এই তিথি নক্ষত্রে রবি সংক্রান্তি হইলে এই ত্রতের অনুষ্ঠান করিবে । যেহেতু এই তিথি সমস্ত কামনা প্রদান করিতে পারে । হে ভূপালশ্রেষ্ঠ ভীষ্ম ! ভগবান্ আদিত্যের নামোচ্চারণ করিয়া উমা ও মহেশ্বরদেবের পূজা করিবে, যেহেতু উমাপতিমহেশ্বর এবং দিবাকর স্বর্গে কোন প্রভেদ দৃশ্য হয় না । যাহা হউক, এইরূপ বিধানে ভগবানের অর্চনা করা কর্তব্য ।

হে তীৰ্থ ! আদিত্যদেবের অঙ্কার্চনা সময়ে, পদদ্বয়ে হস্তানঙ্কত্রে সূর্য্যায় নমঃ, গুহ্য দেশে চিত্রানঙ্কত্রে অর্কায় এবং জজ্বাহয়ে স্বাতি-  
 নঙ্কত্রে পুরুষোত্তমায় নমঃ, জানুযুগলে বিশাখানঙ্কত্রে ধাত্রে নমঃ  
 মস্ত্রে অর্চনা করিবে। উরুদ্বয়ে অনুরাধানঙ্কত্রে সহস্ররশ্মি দেবায়,  
 গুহ্যদেশে জ্যেষ্ঠানঙ্কত্রে অনঙ্গদেবায়, ও কটিদেশে মূলানঙ্কত্রে ভীমায়  
 নমঃ বলিয়া পূজা করিবে। নাভিদেশে পূর্বাষাঢ়া ও উত্তরাষাঢ়া  
 নঙ্কত্রে তুষ্ঠী এবং সপ্ততুরঙ্গম দেবের অর্চনা করিবে। আর, কুক্ষি-  
 দেশে শ্রবণানঙ্কত্রে তীক্ষ্ণাংশুদেবের, কক্ষে ঘনিষ্ঠানঙ্কত্রে বিকর্তন  
 এবং বক্ষঃস্থলে শতভিষানঙ্কত্রে ধাতুবিনাশন দেবের পূজা করিবে।  
 বাহুদ্বয়ে পূর্বভাদ্রপদ ও উত্তরভাদ্রপদ নঙ্কত্রে চণ্ডকরদেবের  
 অর্চনা করিবে। হে নৃপতে ! করদ্বয়ে রেবতীনঙ্কত্রে শাস্ত্রাচ্ছাধীশ-  
 দেব এবং নখরে অগ্নিনীনঙ্কত্রে সপ্তাঙ্খুরন্ধরদেবের ও হস্তে ভরগী-  
 নঙ্কত্রে দিবাকরের পূজা করিবে। হে তীৰ্থ ! আশ্বদেশে কৃত্তিকা-  
 নঙ্কত্রে ভগবান্ ভাস্করদেবের এবং ওষ্ঠ ও অধরদেশে রোহিণীনঙ্কত্রে  
 বিভাকরের পূজা করিবে। পরে দশনে মৃগশিরা নঙ্কত্রে মুরারে নমঃ  
 এই বলিয়া ভগবানের অর্চনা করিবে। এবং নাসাদেশে আর্দ্রা ও  
 পুনর্বসু নঙ্কত্রে সবিতার পূজা করিবে। ললাটদেশে পুষ্যানঙ্কত্রে  
 অস্তোদয়বজ্রভদেবের এবং বেদশরীর ধারিণে নমঃ বলিয়া অর্চনা  
 করিবে। মস্তকে অল্লেশা ঋক্ষে বিবুধপ্রিয় এবং কর্ণে মধাঋক্ষে  
 গোপন দেবের পূজা করিবে। হে রাজেন্দ্র ! নেত্রযুগলে পূর্বকঙ্কণী  
 তারকায় গোত্রাক্ষণনন্দনায় নমঃ এই বলিয়া অর্চনা করা করা কর্তব্য,  
 কর্ণে উত্তরকল্ণুগী ঋক্ষে শম্ভবে নমঃ এই মস্ত্রে পূজা করিবে।  
 হে কোরবেন্দ্র ! এই প্রকারে সমস্ত শরীরের পূজা সমাধা করিয়া  
 আয়ুধ সকলের অর্চনা করিবে। যে সমস্ত অস্ত্রের পূজা করিতে  
 হইবে তাহা বলিতেছি শ্রবণ কর। দেবদেব পশুপতি যে শূল  
 দ্বারা অঙ্কক ত্রিপুর প্রভৃতিমহোঐ রানবগণের বিনাশসাধন করিয়া-  
 ছেন, ষাঁহার তেজঃ প্রজ্জ্বলিত অনলের স্থায় দীপ্তিবিশিষ্ট সেই

অস্ত্রশ্রেষ্ঠ ত্রিশূল, পাশ, অকুশ, গদা ও পদ্মের নমঃ শিবার এই মন্ত্র বলিয়া পূজা করিবে। এইরূপ বিধানে অস্ত্র পূজা সমাধা করিয়া বিধেস্ত্রায় নমঃ এই মন্ত্রে মন্ত্রকে পূজা করিবে। পূজা সমাধা হইলে অতৈল অমাংস ও অক্ষার এবং অনুচ্ছিন্ন অন্ন ভোজন করিবে।

হে কৌরবাগ্রগণ্য ! এই রূপে এই ত্রত সমাপ্ত করিয়া ঐশ্বর্যের সহিত শালিতণ্ডুল প্রস্থ পাত্রে স্তম্ভ করিয়া, স্তূৰ্ণ সমেত ত্রাক্ষণকে দান করিবে। তদনন্তর গুড়, কীর, মৃতাদি সমন্বিত নানাবিধ ভোজ্য সামগ্রী ত্রাক্ষণকে ভোজন করাইবে। তৎপরে স্তূৰ্ণের অষ্টাঙ্গুল পরিমিত অষ্টদল পদ্ম, উপাধান, বিতাম, ভৃঙ্গার ও ব্যজন সংযুক্ত শয্যা, পাত্ৰকা, ছত্র, চামর, আসন, দর্পণ, বিবিধ ভূষণ, ফল, বস্ত্র, অনুলেপন প্রভৃতি দ্রব্য উৎসর্গ করিয়া, পরশ্বিনো সবৎসা কপিলাকে হেমশৃঙ্গ রৌপ্যক্ষুর ও কাংস্তাদোহনে ভূষিতা করিয়া মন্ত্র পাঠ পূর্বক ত্রাক্ষণকে অর্পণ করিবে। এবং এই প্রার্থনা মন্ত্র পাঠ করিবে। যথা হে আদিত্য ! তোমার শয়ন সর্বদা অশূন্য এবং তুমি কাস্তি ত্রী ও বৃষ্টিতে সর্বদাই বিভূষিত হইয়া থাক, কদাপি তাহা হইতে চ্যুত হও না, অধিকন্তু বেদবিৎবিদ্বান্গণ মন দ্বারাও তোমাব্যতীত অত্র কাহারেও জানেন না, অতএব তুমি অনুগ্রহ করিয়া আমারে সংসার সাগর হইতে উদ্ধার কর। হে ভীষ্ম ! তদনন্তর প্রদক্ষিণ ও প্রণাম করিয়া বিসর্জন করিবে এবং শয্যা গবাদি যে সমস্ত বস্তু উৎসর্গ করা হইয়াছে তাহা ত্রাক্ষণগৃহে পাঠাইয়া দিবে। হে রাজেন্দ্র ! তোমার নিকট ভগবান চন্দ্রশেখর মহাদেবের পরম প্রীতি-কর যে ত্রত কীর্তন করিলাম ইহা বিদ্বেষী ও দান্তিক লোকের নিকট কদাচ প্রকাশ করিও না, বিশেষতঃ বাহারা গো, দ্বিজ, দেবতা, ঋষি এবং কাম্যযোগিগণের নিন্দা করে, তাহাদের নিকট ইহার নামোজ্জ্বল করা কর্তব্য নহে। এই ত্রত অতিশয় মঙ্গলকর ও আনন্দদায়ক, ইহা সর্বদা গোপনীয় কিন্তু বাহারা দান্ত ও অনুগত ভক্ত তাহাদিগের নিকট ইহা প্রকাশ করিবে। বেদবিৎ পণ্ডিতেরা কহিয়া থাকেন যে

ইহার অনুষ্ঠান করিলে মহাপাতকীদিগেরও দূরিত হয় হইয়া থাকে । ভক্তিপূর্বক এই ত্রত করিলে কদাপি বন্ধুবিচ্ছেদ কিম্বা পুত্রবিয়োগ, ধননাশ অথবা পত্নীবিচ্ছেদ প্রভৃতি দুঃখভোগ করিতে হয় না, ইহার প্রভাবে রোগ শোকাদি তিরোহিত হইয়া থাকে । পূর্বের মহর্ষি বশিষ্ঠ, অর্জুন, কুবের এবং দেবরাজ ইন্দ্র ইহারা সকলে এই উত্তম ত্রতের অনুষ্ঠান করিয়াছিলেন । হে বীর ! এই ত্রতের নামমাত্র কীৰ্ত্তন করিলে সমস্ত কলুষ বিনষ্ট হইয়া যায় । যে ব্যক্তি এই আদিত্যশয়ন ত্রতের মাহাত্ম্য শ্রবণ করে, কিম্বা স্মরণ ইহা পাঠ করে, সে ব্যক্তি পুরুষত্ব ইন্দ্রের বজ্রত হয়, তাহাতে সন্দেহ নাই । অধিকন্তু যে ব্যক্তি এই উত্তম ত্রতের আচরণ করে, তাহার পিতৃগণ নরকগত হইলেও এই ত্রত প্রভাবে অনায়াসে উদ্ধার পাইয়া থাকে । হে ভীষ্ম ! মহর্ষিগণ অশ্বখ, বট, উড়ুঘর, পর্কটী, আমলকী ও শ্লক্ষবৃক্ষকে অতিশয় পবিত্র বলিয়া থাকেন, অতএব অগ্রহায়ণাদি দুইমাসে ইহার এক একটি বৃক্ষের কাষ্ঠিকা লইয়া দম্ভধাবন ও ফলাদি ভোজন করিবে । এই প্রকারে এই কয় বৃক্ষ দ্বারা সংবৎসরকাল দম্ভধাবন অতিবাহিত হইলে ত্রাক্ষণদিগকে দণ্ড বিতান ধ্বজ চামর এবং পঞ্চরত্নের সহিত জলপূর্ণ কুম্ভদান করিবে । ইহাতে কোনমতে বিস্তাশাঠ্য করিবে না, তাহা করিলে বিশেষ দোষ প্রাপ্ত হইবে ।

ভীষ্ম কহিলেন, হে ব্রহ্মন্ ! আপনি সর্ববর্ষবেত্তা, আমার প্রতি আপনার বিশেষ স্নেহ আছে । এক্ষণে আমার এই সন্দেহ বিনাশ করুন, হে গুরো ! পুরুষ যে ত্রতের অনুষ্ঠান করিলে দীর্ঘায়ুঃ আরোগ্য ও সুখসৌভাগ্য সংযুক্ত হয় এবং অরূপ ও কোলীজ লাভ করে অনুগ্রহ পূর্বক তাহা বলিতে আজ্ঞা হউক ।

পুলস্ত্য কহিলেন, হে কুবৎশবিবর্দ্ধন ! তুমি আমার অতিশয় প্রিয়পাত্র, আমি তোমার নিকট রহস্য কথা ব্যক্ত করিয়া যেরূপ আনন্দিত হই, অত্যাশ্রয় কোন কার্য্যে সেরূপ সুখানুভব করিতে পারি না । বাহা হউক তুমি ধনপুত্রাদি লাভকর যে ত্রতের প্রসঙ্গ করিয়াছ,

পুরাণবেত্তা সকল ইহা অতি রহস্য বলিয়া নির্দেশ করিয়াছেন, তথাপি তোমায়ে বলিতেছি শ্রবণ কর। রোহিণীচন্দ্রশরন নামে এক যত্ন-ব্রত আছে সেই ব্রতে ভগবান্ ভূতভাবন নারায়ণ চন্দ্রের নাম দ্বারা অর্চিত হইয়া থাকেন। যে প্রকার নিয়মে ইহার অনুষ্ঠান করিতে হয় তাহাও বলিতেছি। হে ভীষ্ম! যদি গুরুপক্ষের একাদশী তিথিতে সোমবার হয় কিম্বা রোহিণী নক্ষত্রে পৌর্ণমাসী তিথি পাওয়া যায়, তাহা হইলে ঐ দিবস পঞ্চগব্য ও সর্ষপ দ্বারা স্নান করিবে। ব্রাহ্মণ এই ব্রতে ব্রতী থাকিলে স্নানান্তে ‘আপ্যায়স্ব’ এই বৈদিক মন্ত্র জাপ করিবে। যদি শূদ্র ইহার অনুষ্ঠান করে তবে ঐ মন্ত্র জপ না করিয়া ‘সোমায় বকণায়াধ বিষ্ণবে দ্বিভুজে নমঃ, এই মন্ত্র জাপ করিবে। পরে বিধি অনুসারে জাপ সমাপন পূর্বক গৃহে আসিয়া কল পুষ্পাদি বিবিধ উপচার দ্বারা ভগবান্ মধুসূদনের পূজা এবং নাম কীর্ত্তন করিবে। অনন্তর পদদ্বয়ে সোমেশ্বর, জজ্ঞাদেশে অনন্তধাম ও জাম্বুদ্বয়ে জলোদর দেবের এবং মেটুদেশে অনন্তবাহুর পূজা করিবে। হে ভীষ্ম! রোহিণীনাথ শশাঙ্কদেবের কটিদেশে কাম-সুখপ্রদ দেবের এবং উদরে অমৃতোদর ও নাভিদেশে শশাঙ্ক নামে পূজা করিবে। পরে মুখে দ্বিজাধিপতি ও আসো ম্লেয়স এবং গ্রন্থে কামদশনপ্রিয় দেবতার অর্চনা করিবে। নাসিকায় কেশর পূজা এবং পুনর্বার মুখে ওষধীর বল ও আনন্দবর্জক বীজরূপী চন্দ্র-নাথে পূজা করিবে। পরে পদ্মনিভলোচনযুগলে ইন্দ্রীবর ব্যাসকর-দেব ও কর্ণদ্বয়ে সুরবন্দিত নামে পূজা করিয়া ললাটদেশে উদধি-প্রিয়, কেশে পুণ্যাধিপতি এবং মস্তকে বিষ্ণেশ্বরদেবের অর্চনা করিবে। এইরূপে উড়ুনাথ চন্দ্রমার পূজা সমাপ্ত করিয়া গন্ধ পুষ্প তিলাদি দ্বারা রোহিণীদেবীর অর্চনা করিবে। পূজা সমাপ্ত হইলে গোমুত্র কষায়দ্রব্য ও অমৃতোদর উপচার তক্ষণ করিয়া ইতিহাসাদি শ্রবণে সেই দিবস হাপন করিবে। পরে প্রাতঃকালে সব্রত পূর্ণকৃত্ত ‘পাপবিনাশনায় নমঃ’ এই মন্ত্র পাঠ করিয়া ব্রাহ্মণকে দান করিবে।

হে ভীষ্ম ! পূজা কালে কদম্ব, নীলোৎপল, কেতক, জাতী, পদ্ম, শতপত্র, মল্লিকা, সিন্ধুবার বা করবীর প্রভৃতি পুষ্প চন্দ্রমার উদ্দেশ্যে, দান করিয়া সেই সেই পুষ্প দ্বারা ভগবান্ হরির অর্চনা করিবে। সম্বৎসরকাল এই বিধানে ত্রুত করিয়া, ত্রুতান্ত্রে সর্বোপ-  
 ক্ষরাশ্রিতপদ্ম দান করিবে। চন্দ্র ও রোহিণীর স্মরণময়ী প্রতিমা প্রস্তুত করিয়া, আটটি মুক্তাকল তাহাতে সংযুক্ত করিবে। ষড়ঙ্গুল পরিমিত চন্দ্রের প্রতিমা এবং রোহিণীর চতুরঙ্গুল পরিমিত প্রতিমা নির্মাণ করাইয়া অর্চনা করিবে। এবং ক্ষীরপূর্ণ কুন্তোপরি কাংস্র-  
 পাত্রে প্রতিমা স্থাপন করিবে। পরে বস্ত্র, কাংস্যভাজন দেখু, শঙ্খ ও বিবিধ অলঙ্কার দ্বারা বিপ্রদম্পতীর অর্চনা করিয়া তাঁহাদিগকে, প্রত্যেক চন্দ্র ও রোহিণীর স্বরূপ জ্ঞান করত এই প্রার্থনা মন্ত্র পাঠ করিবে, হে দেব চন্দ্র ! তুমি যেরূপ রোহিণীদেবীর শয্যা পরিত্যাগ কর না, এবং সর্বদা ঐ দেবীরে বিভূতিপরিপূর্ণা করিয়া থাক, তদ্রূপ আমারেও বিভূতি প্রদান কর। হে দেব ! তুমি পরম আনন্দস্বরূপ মুক্তিদাতা, মুক্তি ও ভক্তি তোমাতেই অবস্থিতি করে, আমি একান্ত-  
 চিন্তে তোমার অনুগত, আমার অভীষ্ট কল প্রদান কর। হে কোর-  
 বেন্দ্র ! ভবভয়ভীত জনগণের ভয়নিবারক এই ত্রুত তোমাতে বলি-  
 লাম, ইহা দ্বারা সমস্ত কামনা পূর্ণ হয় এবং ভক্তি মুক্তি কললাভ হইয়া থাকে। হে নৃপসন্তম ! এই রোহিণীশরন ত্রুত পিতৃগণের পরম সন্তোষদায়ক। যে ব্যক্তি ইহার অনুষ্ঠান করে, সে কম্পশত-  
 ত্রয় চন্দ্রলোকে বাস করিয়া ত্রৈলোক্যাধিপত্য লাভ করিয়া থাকে। যদি কোন নারী এই ত্রুতের অনুষ্ঠান করে, তাহা হইলে রোহিণীর শ্রায় সৌভাগ্য সম্পন্না হইয়া থাকে। হে বীর ! মধুমধন গোবিন্দের নাম কীর্তনাত্মক এই ত্রুতবিধি যে ব্যক্তি পাঠ করে, কিম্বা ইহা শ্রবণ করে, দেবতাগণ তাহাদিগকে উত্তমমতি দান করে, এবং অস্ত্রে স্বরলোক প্রাপ্ত হইয়া, বিবধগণ কর্তৃক পূজিত হইয়া থাকে।

## পঞ্চবিংশ অধ্যায়।

ভীষ্ম কহিলেন, হে ব্রহ্মন্! আমি আপনার প্রসাদে অভূত পূৰ্ণ অনেক বিষয় পরিজ্ঞাত হইলাম, অধুনা অনুকম্পা প্রকাশ পূৰ্ণক বাণী, কূপ, তড়াগ, আরাম ও পুষ্করিণী ও দেবতারতন প্রভৃতির প্রতিষ্ঠা কিরূপ বিধানে করিতে হয় তাহা বলুন। হে গুরো! এই সকল কর্মে কোন্ কোন্ ব্রাহ্মণ ঋত্বিক হইতে পারেন এবং ইহাতে কিরূপ পরিমাণে বেদিকা নির্মাণ করিতে হয় আর ইহার দক্ষিণা দানে কি কি দ্রব্য প্রসিদ্ধ; ইহার স্থানই বা কিরূপ? এবং ইহাতে কি প্রকার আচার্য্য ধার্য্য করিতে হয়, হে বিপ্র! এই সমুদায় ক্রিয়ায় কোন্ প্রকার মাংস প্রশস্ত সমুদায় সর্বিশেষ বর্ণনা ককন।

পুলস্ত্য কহিলেন, হে মহাবাহো ভীষ্ম! পুরাণ ও ইতিহাসাদি মধ্যে তড়াগ, আরাম প্রভৃতি প্রতিষ্ঠা করিবার যে প্রকার বিধি নিবদ্ধ আছে, তাহা শ্রবণ কর। হে রাজন্! উত্তরায়ণ আগত হইলে, শুক্লপক্ষে শুভবাসরে ব্রাহ্মণগণ দ্বারা স্থতিবাচন করাইয়া তড়াগের সমীপবর্তী পূৰ্ণদিকে চতুর্হস্ত পরিমিত বেদী নির্মাণ করিবে। ঐ বেদির চারিদিকে চারটি কোণ থাকিবে, এবং উহার নীৰ্ঘ প্রস্থ সমান করিতে হইবে। আর ষোড়শহস্ত পরিমিত চতুর্ভুজ একটা মণ্ডপ করিবে। বেদির উত্তর দিকে পঞ্চ কিম্বা সপ্ত অথবা নবঘোনি বিশিষ্ট অরতিপরিমিত মেখলা থাকিবে। ঐ সমুদায় মেখলা সপ্তাঙ্গুল ও অষ্টাঙ্গুল অথবা দ্বাদশাঙ্গুল কিম্বা যজ্ঞমানের হস্ত পরিমিতও করা যাইতে পারে। ধ্বজা পতাকা দ্বারা ঐ বেদী শোভিতা করিবে এবং অশ্বখ, উড়ুঘুর প্লক্ষ ও বট শাখা দ্বারা বেদীর প্রত্যেক দিকে দ্বার প্রস্তুত করিবে। হে নৃপাত্মজ! সেই বেদির মধ্যে আ—



হোতা, আটজন দ্বারপাল এবং আটজন জ্ঞাপক ত্রাঙ্গণ থাকিবেন । ইহারা সকলেই বেদার্থের কথনে নিপুণতর এবং সকলেই সৰ্বলক্ষণ সম্পন্ন, মন্ত্রবিৎ, জিহেস্ত্রিয় ও কুলশীল যুক্ত হইবেন । হে ভীষ্ম ! পূর্বে যে মণ্ডপ নির্মাণ করিতে বলিয়াছি, সেই মণ্ডপের প্রত্যেক স্তম্ভে পূর্ণকুম্ভ, যজ্ঞোপকরণ সামগ্রী, প্রভুতবাজন, আসন, তাত্রপাত্র আহুত থাকিবে । যজ্ঞার্থে তিন অরতি পরিমিত কীরিকা কাষ্ঠের বৃক্ষ প্রস্তুত করিবে । যে ব্যক্তি স্বীয় সৌভাগ্য বৃদ্ধির বিশেষ আকাঙ্ক্ষা করে, সেই যজমান আপনার দেহের পরিমাণে যজ্ঞমুপ নির্মাণ করাইবে । পঞ্চবিংশতি সংখ্যক ঋত্বিকদিগকে সুবর্ণ অলঙ্কার, কুণ্ডল, হেমকেয়ূর, কটক, অঙ্গুরীয়ক ও বিবিধ বসন দ্বারা পরিভূষিত করিবে । সমুদায় ঋত্বিককে সমানরূপ দ্রব্য প্রদান করিবে, কোনমতে ইহার ভারতম্য করিবে না । বিশেষতঃ আচার্য্যকেও ঋত্বিকদিগকে প্রদেয় দ্রব্যের দ্বিগুণ দ্রব্য সমস্ত অর্পণ করিবে । অধিকন্তু আত্মশয্যা সদৃশ একটা শয্যা দিবে । হে কৌরবশ্রেষ্ঠ ! তড়াগ প্রতিষ্ঠার্থে সুবর্ণের কুর্ম ও মকর, রজতের মৎস্য, ডুগুত, কুলীরক, মণ্ডুক, বায়স ও শিশুমার প্রভৃতি জন্তু ও সুবর্ণের পাত্র প্রস্তুত করা কর্তব্য । এই সমুদায় দ্রব্য আহুত হইলে যজমান সর্বৌষধি জলে স্নান করিয়া শুক্লগন্ধ, মাল্য ও অনুলেপনাদি বিলেপন পূর্বক পুত্র পৌত্র ও কলত্রাদি পরিবৃত্ত হইয়া পশ্চিম দ্বার দিয়া সেই বাগমণ্ডপে প্রবিষ্ট হইবেন । তৎকালে ভেরী তুরী ইত্যাদি বাদ্যের বহুবিধ মঙ্গল ধ্বনি কিয়ৎক্ষণ হইতে থাকিবে । পরে ঐ বাজ্ঞ নিরন্ত হইলে পঞ্চবর্ণ গুণ্ডিকা দ্বারা ষোড়শার চক্র বেদির উপরে অঙ্কিত করিবে । হে ভূপতে ! এইরূপে পঞ্চগুণ্ডিকা রচিত পদ্ম প্রস্তুত হইলে, তদ্বাধ্যে সূর্য্যাদি নবগ্রহ ও গ্রহপতিদিগকে তথায় স্থাপন করিবে । এবং বাকগমন্ত্র উচ্চারণ করিয়া ত্রাঙ্গা, বিষ্ণু, শিব, বিনায়ক, লক্ষ্মী ও ভগবতী দেবীর স্থাপনা করিবে । সমস্ত লোকের শান্তি কাশনা করিয়া নিখিল ভূতগ্রাম তথায় স্থাপিত করিবে । এইরূপে সমুদায়

দেবভাগ্যের স্থাপন করিয়া গন্ধ, পুষ্প, ফল ও তাক্য দ্বারা অধিবাসন করিবে। পূর্ণকুম্ভসকল রত্নবস্ত্র দ্বারা বেষ্টিত করিয়া রাখিবে। পরে যজমান দ্বারপালগণের সমীপবর্তী হইয়া গন্ধ পুষ্পাদি দ্বারা তাঁহাদের অর্চনা করিবেন এবং তাঁহাদিগকে বরণমস্ত্র পাঠ করাইয়া বিধিপূর্বক বরণ ও বাগদ্বার পালন জন্ম আমন্ত্রণ করিবেন। তদনন্তর আচার্য্যের বরণ করিবেন। হে মতিমন্ তীক্ষ্ম ! এই প্রকারে বরণ ক্রিয়া সমাধা করিয়া বেদির পূর্বভাগে বহুখচ দুইজন ত্রাক্ষণ স্থাপন করিয়া দক্ষিণ ভাগে দুইজন যজুর্বেদী, পশ্চিমে দুইজন সামবেদী, উত্তরে দুইজন অথর্ববেদী ত্রাক্ষণ স্থাপন করিবেন। এইরূপে বেদির চারিদিকে আটজন দ্বিজাতি স্থাপন করিয়া স্বয়ং যজমান দক্ষিণভাগে উত্তরাস্থ্য হইয়া উপবেশন করিবেন। এবং ঋত্বিকৃগণকে আপনারা বেদ পাঠ ককন ও ষাড্‌কদিগকে আপনারা যজ্ঞ করিতে থাকুন ; তথা জাপকদিগকে হে জাপকগণ ! আপনারা উৎকৃষ্ট মন্ত্র জপ ককন, এইরূপ কহিবেন। হে তীক্ষ্ম ! কৃতমালাভিভূষণ যজমান সমুদায় ত্রীতীগণের নিকট স্ব স্ব কার্য্যারম্ভ প্রার্থনা করিলে তাঁহারা সকলেই বিধি অনুসারে স্বয়ং স্বয়ং কার্য্য করিতে আরম্ভ করিবেন। তৎকালে সেই যজ্ঞস্থল বেদাদি মন্ত্রধ্বনি তথা হোমায়ির গন্ধে এক অপূর্ব শোভা ধারণ করিবে। পরে যজমান হোম মন্ত্রোচ্চারণ পূর্বক হৃত ও সমিধ দ্বারা হোম করিবে। এবং সমুদায় হোতৃগণও যজমানের সহিত চারিদিকে হোম করিতে থাকিবেন। হে বীর ! অনন্তর জ্যেষ্ঠসামগ ত্রাক্ষণগণ বৈরাজ্যপুরুষসূক্ত তথা সামগদ্বিজগণ পশ্চিম দ্বারে বৃহৎসাম ও রৌরবরথস্তুর ইত্যাদি সূক্ত এবং অথর্ববেদবেত্তা ত্রাক্ষণগণ উত্তরদ্বারস্থ থাকিয়া শাস্তিপৌরোহিত্য সূক্ত পাঠ করিবেন। এবং জপান্তে সকলে মনে মনে প্রভু বরুণ দেবের স্মরণ করিবেন। যাহা হউক, হে তীক্ষ্ম ! পূর্ব দিবস অধিবাস করিবার নিমিত্ত গজ অশ্ব বস্মীক গোকুল ইত্যাদি স্থান হইতে মৃত্তিকা আনাইয়া বেদির উপর প্রক্ষেপ করিবে। এবং রোচনা সিদ্ধার্থ গুণ্ডুল গন্ধ ইত্যাদি দ্রব্য

চারিদিকে স্থাপন করিবে। এবং এই সমুদায় দ্রব্য ও পঞ্চগব্য দ্বারা স্নান তথা ত্র্যক্ষণদিগকে দান করিবে।

হে ভীষ্ম ! এইরূপ বিধি অনুসারে হোমাদি সমুদায় ক্রিয়া সমাপ্ত হইলে, যজমান শতসংখ্যক গো, ত্র্যক্ষণদিগকে দান করিবে। যদি একশত গো দান করিতে অসক্ত হয়, তবে পঞ্চাশৎ কিম্বা ষট্-ত্রিংশৎ অথবা পঞ্চবিংশতি গো দান করিতে পারে, কদাপি ইহার ত্যজন করা কর্তব্য নহে। এই সমস্ত গো দান হোম সমাপ্তির পর দান না করিয়া পরদিন প্রাতঃকালেও করা যাইতে পারে। হে বিশাম্পতে ! তদনন্তর নানাবিধ বাজ্র শব্দ তথা বেদপাঠন শব্দে দিক সকল পরিপূরিত হইলে যজমান তড়াগ সমীপে গমন করিবে, এবং একটি গাভীরে ককালঙ্কৃত করিয়া ঐ তড়াগস্থ জলমধ্যে তাহারে অবতরণ করাইবে। ঐ গাভী সামবেদী ত্র্যক্ষণকে প্রদান করা কর্তব্য। পরে পঞ্চরত্ন সমন্বিত স্বর্ণ পাত্র হস্তে লইয়া তৎপাত্রস্থ কূর্ম্ম মকর মংস্য কুলীর ডুগুতাদি জন্তু সকল গলিলে নিক্ষেপ করিবে। দধি অক্ষত বিভূষিত মহানদী জল তড়াগে ফেলিবে। স্নায় উত্তরাভিমুখ হইয়া অথর্ববেদোক্ত মন্ত্র পাঠ করত ঐ জলে স্নান করিবে। পরে কিঞ্চিৎ জল গ্রহণ করিয়া মণ্ডল মধ্যে আগমনপূর্ব্বক ‘আপো-হিষ্টা’ এই মন্ত্রোচ্চারণ করিয়া তথায় প্রক্ষেপ করিবে।

হে ভীষ্ম ! পুনরায় সেখানে দেবতাগণের অর্চনা করিয়া তাঁহাদের ভোজ্য বলি প্রদান করিবে এবং বিবিধমন্ত্রে হোম করিয়া, চতুর্থী কৰ্ম্ম সমাধামাস্তে ঐ সমুদায় যজ্ঞপাত্র ও শক্তি অনুসারে নানাবিধ দ্রব্য ঋত্বিকদিগকে দান করিবে। হোম নির্ম্মিত পাত্র ও শয্যা আচার্য্যকে দিবে। তদনন্তর প্রভূতভোজ্য সামগ্রী দ্বারা সহস্র ত্র্যক্ষণ ভোজন করাইবে। অসক্ত হইলে অষ্টোত্তরশত কিম্বা পঞ্চাশৎ অথবা বিংশতি সংখ্যক ত্র্যক্ষণ ভোজন করাইবে। হে ভারত ! পুরাণে তড়াগ প্রতিষ্ঠার এই বিধি নির্দিষ্ট হইয়াছে, এইরূপ বিধানে তড়াগ প্রতিষ্ঠা করিলে অনন্তকল লাভ হইয়া থাকে। হে বীর !

বাণী, কুণ, পুষ্করিণী সমুদায়ের প্রতিষ্ঠা বিধি এইরূপ, কেবল মাত্র প্রাসাদ ও উদ্যানাদি প্রতিষ্ঠায় মন্থতঃ কিছু বিশেষ দৃষ্ট হইয়া থাকে। এই সমস্ত কার্য্যে বিস্তৃষ্টা করিতে নাই। তড়াগ প্রতিষ্ঠা কালের ব্যাখ্যা আর কি করিব যদি প্রাবৃত্তকালে উহাতে জল থাকে, তাহা হইলে অগ্নিফোঁস যজ্ঞের কল পাওয়া যায়। শরৎকালের কলও ঐরূপ। হে ভীষ্ম! হেমন্ত ও শিশিরকালে জল থাকিলে বাজপেয় যজ্ঞের কল তথা বসন্তকালে অশ্বমেধ সূদৃশ কললাভ হইয়া থাকে। যদি গ্রীষ্মকালে তড়াগে সলিল থাকে, তাহা হইলে রাজসূয় যজ্ঞের কলাপেক্ষা অধিক কল পাওয়া যায়। হে মহারাজ ভীষ্ম! এই কারণে তড়াগাদি প্রতিষ্ঠাকারী ব্যক্তি কম্পকাল পর্য্যন্ত ব্রহ্মলোকে বসতি করিয়া পরে দেবলোকে চিরকাল বাস করিয়া থাকে।

## ষড়বিংশ অধ্যায়।

—\*~\*~—

ভীষ্ম কহিলেন, হে ব্রহ্মন্ ! আপনি তড়াগাদির সমুদায় বিধান বর্ণনা করিয়াছেন, কিন্তু তন্মধ্যে পাদপ প্রতিষ্ঠার কোন প্রসঙ্গের উল্লেখ নাই। বাহা হউক, পণ্ডিতগণ যে যে বিধানে, বৃক্ষাদি প্রতিষ্ঠা করিতে বলিয়াছেন, তৎসমুদায় কীর্তন করুন। হে গুরো! উহার অনুষ্ঠান করিলে কোন্ লোক প্রাপ্তি হইয়া থাকে ?

পুলস্ত্য কহিলেন, হে ভূপতে ! অধুনা তোমারে পাদপ ও উদ্যান প্রতিষ্ঠা প্রতিষ্ঠাব বিধি বলিতেছি, তড়াগাদি প্রতিষ্ঠায় যেরূপ বিধি নিবদ্ধ হইয়াছে, ইহাতেও প্রায় সেই সমুদায় বিধি মিনীত হইয়া থাকে। কদাচিত্ ইহার ভারতময় দৃষ্ট হয়। পরন্তু যে প্রকারে ইহার সমাধা করিতে হয়, তাহাও শ্রবণ কর। হে বীর ! মণ্ডপসম্ভার প্রাপ্ত করিয়া স্নানাদি ক্রিয়া সমাপনান্তে বিশুদ্ধাক্ষরকরণে সূৰ্য্য, বস্তু ও অনুলোপন

দ্বারা ত্র্যাক্ষগণের পূজা করিবে। উদ্ভানস্থ বৃক্ষ সকলের সর্কৌষধি মিশ্রিত সলিলে অভিষেচন করিয়া, নানাপ্রকার পুষ্প তথা মাল্য দ্বারা অলঙ্কৃত করিবে। এবং বৃক্ষে বস্ত্র বেষ্টিত করিয়া রাখিবে। হে ভীষ্ম! সূচী দ্বারা সমুদায় বৃক্ষের কর্ণবেশ করিয়া, স্রবণের শলাক্য সহ কুণ্ডল প্রদান করিবে। মার্জিত স্রবণে সাত কিষা আটটি ফল প্রস্তুত করাইবে। এবং প্রত্যেক বৃক্ষতলে এক একটি বেদী নির্মাণ করাইয়া উহার অধিবাসন করিবে। এবং সমুদায় বৃক্ষ সম্মুখানে এক একটি জলপূর্ণ কুম্ভ স্থাপন করিয়া গন্ধ পুষ্পাদি দ্বারা তাহার অর্চনা তথা তাত্র পাত্রোপরি ধূপ ও গুণ্ণুল প্রদান করিবে। এবং সর্বত্র ষাণ্ড বিকিরণ করিয়া রাখিবে। ত্রতী, দিনান্তে বৃক্ষাদির পূজা করিয়া দ্বিজাতিগণ দ্বারা পাদপের আগন্তুণ করিবে। হে ভীষ্ম! দ্বিজাতিগণ যেক্রপ বিধানে পাদপগণের অধিবাস করিবেন, শ্রবণ কর। তাঁহার অভিবেক কর্মে ত্রতী হইয়া ইন্দ্রাদি লোকপালগণের অধিবাসন প্রণালী অনুসারে বনম্পতিদিগের অধিবাসন করিবেন। তদনন্তর শুভলক্ষণ-সম্পন্ন একটা পয়স্বিনী গাভীকে স্বর্ণশৃঙ্গ, কাংস্যাদোহন তথা শুক্ল-সস্ত্রে আবৃত ও বৃক্ষমধ্যে উদগুখে স্থাপিত পূর্বক, উৎসর্গ করিবে। পরে ঋগ্বেদী, সামবেদী ও অথর্ববেদী ত্র্যাক্ষগণ অভিবেক মন্ত্র পাঠ করিবেন ও নানাবিধ মঙ্গলজনক বাস্ত্র এবং সঙ্গীত হইতে থাকিবে। যজ্ঞমান ত্র্যাক্ষগণ দ্বারা পূর্ণকুম্ভসলিলে স্নান করত শুক্রাধ্বরপরিহিত হইয়া জপ করিবে। এবং স্রীয় বিভব অনুসারে হেমমূত্র কটক অঙ্কুরায়ক পবিত্র বিবিধ বসন সর্কৌপস্করসমম্বিতা শয্যা ও পাদুকা প্রভৃতি উৎসর্গ করিবে। ক্ষীর ও আমিষ বলি প্রদান করিয়া, ক্রমতিলা দ্বারা স্নাত হোম করিবে। হোম সমিধে পলাশ কাষ্ঠও প্রশস্ত, উহা দ্বারাও স্নাত হোম করা যাইতে পারে। এইরূপে হোমাদি সমাপন হইলে, যজ্ঞমান স্রীয় সামর্থ্যানুরূপ দক্ষিণা দান করিবে। যে সমুদায় বস্ত্র যজ্ঞমানের প্রিয়কর বলিয়া নির্দিষ্ট আছে, বিগতবৎসর হইয়া দক্ষিণায় সেই সেই দ্রব্য দান করিবে। ঋগ্বেদাদি অগ্ন্যায় ত্র্যাক্ষ-

দিগকে বৎপরিমিত দক্ষিণা প্রদান করিবে, তাহার দ্বিগুণ দ্রব্য আচার্য্যকে অর্পণ করিবে। হে কোরবেন্দ্র ! এই প্রকার বিধি অনুসারে যে ব্যক্তি বৃক্ষোৎসব করে, তাহার সমুদায় বাসনা সফল হইয়া থাকে। এবং অশ্বে অনন্ত কল সন্তোষ করে। হে রাজন্ ! বৃক্ষোৎসবের কলাধিক্যের কথা আর কি কহিব, যে ব্যক্তি বৃক্ষ সকল স্থাপন করেন, তিনি তিন শত ইন্দ্রের ভোগকাল পর্য্যন্ত স্বর্গলোকে অধিবাস করিয়া থাকেন। বৃক্ষারোপিত ব্যক্তির গাত্রে যত লোম আছে, তাহার উর্দ্ধতন ও অধস্তন তত পুরুষ এই কলে স্বর্গে গমন ও পুনরাবৃত্তিবর্জিত পরম সিদ্ধি লাভ করিয়া অনন্তকাল সুখভোগ করেন। হে মহাবাহো ভীষ্ম ! যে মানব এই বৃক্ষোচ্ছানরোপণ বিধি নিয়ত শ্রবণ করে, কিম্বা অচ্যুত শ্রবণ করায়, এই উভয়েই দেবগণ কর্তৃক পূজিত হইয়া, ত্রৈলোকে আনন্দানুভব করিতে থাকে। যাছাদের পুত্র নাই, এই সমস্ত পাদপগণ তাহাদের সন্তানের কার্য্য করিয়া থাকে। অতএব হে রাজেন্দ্র ! তুমি বৃক্ষ রোপণ কর, যেহেতু তোমার পুত্র বা কলত্র কেহই নাই। সংসারে মনুষ্যের পুত্র থাকা অভ্যস্ত আবশ্যিক। যাছা হউক, হে বীর ! যদি তোমার বৃক্ষ রোপণে অতিমত থাকে, তবে অত্র কোন বৃক্ষ রোপণ না করিয়া, একমাত্র অশ্বখ রোপণ কর। এই তক সকল তকর শ্রেষ্ঠ ; একটিমাত্র অশ্বখ পাদপ রোপণ করিলে, সহস্র পুত্র কৃত কার্য্যের কললাভ হওয়া যায়। হে ভীষ্ম ! যে যে মহীকছ রোপণ করিলে, যে যে প্রকার কললাভ হয় তাহাও বলিতেছি শ্রবণ কর। অশ্বখ বৃক্ষ রোপণ করিলে ধনবান্ হয়, অশোক রোপণে কোন রূপ শোকগ্রস্ত হইতে হয় না, অপর প্লকতক রোপণ করিলে যজ্ঞকল প্রাপ্তি হয়, নিম্বতক রোপণে দীর্ঘায়ু লাভ হইয়া থাকে। হে বীর ! জম্বুক ( গোলাপ-জাম ) বৃক্ষ রোপণকারী স্বর্গে গমন করিয়া থাকে এবং দাড়িম্বতক ভাৰ্য্যাপ্রদানে সমর্থ। উড়ুঘর বৃক্ষ রোপণ করিলে কোন প্রকার রোগ হয় না, পলাশ বৃক্ষ রোপণ করিলে ত্রৈলোক্য প্রাপ্তি হইয়া

থাকে। যে ব্যক্তি অর্কবৃক্ষ রোপণ করে, ভগবান্ দিবাকর তাহার প্রতি অতিশয় সন্তুষ্ট হইয়া থাকেন। অপর দেবদেব শঙ্করের আবাস বৃক্ষ শ্রীকল রোপণ করিলে উমাপতি মহাদেব প্রীত হইয়া থাকেন। গাটলা বৃক্ষ রোপণে হরপ্রিয়া পার্শ্বতী, তথা অম্বরগণ এবং কুম্ভতক রোপণে শ্রেষ্ঠগন্ধর্ভগণের তুষ্টিসাধন হইয়া থাকে। বিভীতক রোপণ করিলে, যেরূপ দাস বুদ্ধি হইয়া থাকে, বহুল বৃক্ষও প্রায় সেইরূপ দাস্যদ বলিয়া কীর্তিত হইয়া থাকে। যদি তালবৃক্ষ রোপণ করা যায়, তাহা হইলে অপত্য বিনাশ হইয়া থাকে এবং বকুল কুল বুদ্ধি করিতে ক্রটি করে না। যত্নপূর্বক বকুল তরু রোপণ করা কর্তব্য। নারিকেলী রোপণ করিলে বহু ভাগ্যা লাভ হয়। অপর দ্রাক্ষা সর্বাঙ্গ সুন্দর বলিয়া বিখ্যাত হইয়া থাকে। কেলী সর্বদা রতিপ্রদা তথা কেতকী কুলনাশিনী বলিয়া পরিগণিতা, কদাচিৎ ইহায়ে রোপণ করা কর্তব্য নহে। যাহা হউক, হে রাজেন্দ্র ! যে মানব এই সমুদায় বৃক্ষ কিম্বা কেবলমাত্র প্লক বৃক্ষ রোপণ করিয়া তাহার প্রতিষ্ঠা করে, সেই ব্যক্তি অনায়াসে স্বর্গলোক প্রাপ্ত হইয়া থাকে।

## সপ্তবিংশ অধ্যায় ।

—:~:—

পুলস্ত্য করিলেন, হে ভাষ্য ! তোমারে আর একটা ব্রত বলিতেছি, শ্রবণ কর। পুরাণবিদগণ উহারে সৌভাগ্যশয়ন ব্রত বলিয়া থাকেন, উহার অনুষ্ঠান দ্বারা সর্ব কামনা ফল পাওয়া যায়। পূর্বে ভূ, ভুব, স্ব ও মহ আদি লোক সকল দক্ষীভূত হইলে, সমস্ত প্রাণির সৌভাগ্য একত্রীভূত হইল। পরে তাহারা বৈকুণ্ঠ স্থান প্রাপ্ত হইয়া বিষ্ণুর বকঃস্থল লাভ করিয়া তথায় অবস্থিতি করিতে লাগিল।

হে নৃপতে ! এইরূপে কিছুকাল অতীত হইলে, ভগবান্ কমলাসন ত্র্যম্বা ও রুদ্র যখন সৃষ্টি করিবার নিমিত্ত মিলিত হইলেন, তখন বিষ্ণুলিঙ্গ-বিভূষণা শিকাকারা অস্ত্র তদর্শনা বহিজ্জালা যেন ভুবন প্রকাশ করত প্রাজ্জ্বলিত হইল। লোকনাথবিষ্ণু বহিজ্জালায় অভিতপ্ত হইলে, তদীয় বক্ষঃস্থলে যে সমুদায় প্রাণির সৌভাগ্য অধিষ্ঠিত হইয়াছিল, উহা রসরূপে পরিণত হইয়া বসুধাতলে গতিত হইতে লাগিল। তৎকালে ব্রহ্মতনয় ধীমান্ প্রজাপতি দক্ষ সেই আপতিত তেজো-রাশি উর্দ্ধে উৎক্ষিপ্ত করিবারাত্র উহা অতিশয় রূপলাবণ্যকর হইয়া উঠিল, এবং ঐ রস পবনময়ী দক্ষেব তেজঃ বল ও মহাজ্ঞান স্বরূপ হইল। তদনন্তর সর্বসৌভাগ্যাদায়ক ওষধি সকল জন্ম পুরিগ্রহ করিল। হে ভীষ্ম ! তোমারে যে বহিজ্জালার কথা कहিলাম, ঐ বহিজ্জালা দক্ষকন্যা সতীরূপে পরিণতা হইল। ঐ সতী-দেবী ত্রৈলোক্যসুন্দরী বলিয়া বিখ্যাতা হইয়াছিলেন, দেবদেব মহাদেব তাঁহার পাণিগ্রহণ করিলেন। হে ভীষ্ম ! ভক্তিমুক্তিফলপ্রদ, বিশ্বসৌভাগ্যগয়ী সেই দেবীর আরাধনা করিলে, কোন্ ফল লাভ না হইতে পারে।

ভীষ্ম कहিলেন, হে জগদগুরো ! সমস্ত জনের ধাত্রী দাক্ষায়ণী দেবীর আরাধনা কিরূপ বিধানে করিতে হয়, বর্ণনা করুন।

পুলস্ত্য कहিলেন, হে সর্বজনপ্রিয় ! বসন্ত কালের শুক্লপক্ষীয় তৃতীয়া তিথিতে পূর্বাহ্নে তিল দ্বারা স্নান করিবে। যেহেতু সেই দিবসে বিশ্বাত্মনী দাক্ষায়ণী সতী পাণিগ্রহণক বিধি মন্ত্র অনুসারে উদ্বোঢ়া হইয়াছিলেন, অতএব ঐ দিবস তাঁহার সহিত শঙ্করেরও অর্চনা করা কর্তব্য। এবং মেরুপ বিধানে অর্চনা করিতে হইবে তাহাও শ্রবণ কর। সূবর্ণের প্রতিমা নির্মাণ করাইয়া পঞ্চগব্য ও গন্ধোদক দ্বারা স্নান করাইবে। পরে নানাবিধ ফল ধূপ দীপ ও নৈবেদ্য সংযুক্ত করিয়া পূজা করিবে। হে বীর ! কোটিচন্দ্রনিভা গৌরীদেবীর পাদদ্বয়ে পার্শ্বভারে অর্চনা করিবে। তাঁহার গুল্ফ



দেশে শিবা ও জজ্জায় কড়াণী এবং জাম্বুয়ুগলে বিজয়ার পূজা করিবে । কুক্ষিহুয়ে কোটিনী দেবী ও উদরে ও মঙ্গলার পূজা করিয়া, কুচুয়ুগলে ‘সর্বাঙ্গনে নমঃ’ এই বলিয়া ঈশানীর পূজা করা আবশ্যিক । হে ভীষ্ম ! দেবীর কণ্ঠদেশে কড়াণী, গ্রীবাদেশে ত্রিপুরা, করহুয়ে অনন্তার যথাবিধি অর্চনা করিবে । বাহুয়ুগলে কালানলপ্রভ ত্রিলোচন হরের, ভূষণে সৌভাগ্যভরণ দেবীর পূজা করিবে । ওষ্ঠহুয়ে অশোক-বনবাসিনী ভূতিদার, মুখে চন্দ্রমুখী শ্রীর অর্চনা করিবে ।

মস্তকে ভোমা ও উগ্ররূপিণী দেবীর পূজা করিয়া বিধি পূর্বক হরের অর্চনা ও সৌভাগ্যাক্তক পাঠ করিবে । এবং নীবার কুঙ্কুম ক্ষীর ও নীর ওধায় স্থাপন করিবে । এই প্রকারে সেই দিবস অতিবাহিত করিয়া পরদিন প্রভাতে কৃতস্মান ও কৃতজপ্য হইয়া শুচি হইবে । এবং বস্ত্র ও মালা দ্বারা দ্বিজদম্পতীকে ভূষিত করিয়া সৌভাগ্যাক্তক সংযোগে মহাদেবের ভক্তিভাবে পূজা করিবে । ত্রতাস্ত্রে সর্কোপস্করসংযুক্ত শয্যা দান করিবে । হে কুরুদ্বহ ! এই প্রকারে দ্বাদশ সংসর অতিবাহিত হইলে, সুরবর্নের উমামহেশ্বর ও লক্ষ্মীনারায়ণের প্রতিমা নির্মাণ করিয়া ভক্তিপূর্বক বিপ্রমিথুনের অর্চনা করিয়া শয্যাসহিত ঐ সমুদায় দ্রব্য অর্পণ করিবে । হে রাজন্ ! প্রতিমাসে এইরূপে অর্চনা করিলে সৌভাগ্য, আরোগ্য, রূপ, বস্ত্র, অলঙ্কার, ভূষণ প্রভৃতি লাভ হইয়া থাকে । যে ব্যক্তি এই সৌভাগ্যশয়নপ্রদ ত্রত সাত, আট কিম্বা দ্বাদশবৎসর করিতে পারে, সে ব্রহ্মলোক লাভ করে । হে নরেশ্বর ! কোন নারী বা কুমার যদি এই ত্রতচরণ করে, তাহা হইলে, সেও ঐ প্রকার ফল পাইয়া থাকে । অধিকন্তু যে ব্যক্তি এই ত্রতবিধি শ্রবণ করে, কিম্বা কীর্তন করে অথবা অল্প ব্যক্তিরে এই ত্রত করিবার উপদেশ দেয়, সে ব্যক্তিও বিদ্রাঘর হইয়া চিরকাল স্বর্গলোকে বাস করিয়া থাকে ।

মহর্ষি বেদব্যাস-প্রণীত ।

# পদ্মপুরাণ ।

বাল্মীকি গদ্যানুবাদ ।

শ্রীজহরলাল লাহা কর্তৃক সংগৃহীত ও তৎকর্তৃক

৩৭ নং নিয়ুগোসাইয়ের লেন হইতে প্রকাশিত ।

৩৫ ও ৩৬ খণ্ড ।

কলিকাতা ।

বাল্মীকি

শ্রীমলিনীমোহন-দাস দ্বারা মুদ্রিত ।

৭৫ নং বর্ধমান-স্ট্রীট ।

১৯০৩ খ্রিঃ

## অষ্টাবিংশ অধ্যায় ।



ভীষ্ম কহিলেন, হে মহামতে পুলস্ত্য ! ভগবান্ দেবদেব  
প্রভু বিষ্ণু যজ্ঞপর্বত প্রাপ্ত হইয়া, যে সমুদায় কার্যের  
অমুষ্ঠান করিয়াছিলেন, সেই সমুদায় বর্ণনা কর । এই ভূম-  
ণ্ডল বহুবিধ দানরে পরিপূর্ণ হইলে, দেবদেব বিষ্ণু কোন্  
কোন্ প্রধান দানবগণের বিনাশ সাধন করিয়াছিলেন ? এবং  
এই ভূতলে কি রূপেই বা তাঁহার পদ বিন্যাস হইয়াছিল ?  
স্বর্গের মধ্যে উত্তম বৈকুণ্ঠ-লোক যাঁহার বসতি, সেই মহাত্মা  
বিষ্ণু কি কারণে এই মর্ত্যলোকে পদ বিন্যাস করিয়াছিলেন ?  
হে ব্রহ্মন্ ! যিনি ইন্দ্রপুরোগম দেবতাগণের দেবতা, যিনি  
সর্বদা মহৎ তপস্যা ও ভক্তির প্রভু স্বরূপ, যাঁহার আরাধনা  
করিলে, ভক্তি মুক্তি লাভ করা যায়, সেই দেবদেব নারা-  
য়ণকে কি প্রকারে বহুধাতলে আনা যাইতে পারে ? বিষ্ণু-  
ভক্ত ব্যতীত এই দুষ্কর কার্য্য করিতে আর কে পারিগ হইয়া  
থাকে ? হে ব্রহ্মবিতন্ম ! নৃবাহরূপী বিষ্ণু মহর্লোকে বাস  
করিয়া থাকেন, নৃনিংহবিগ্রহধারী প্রভুও জনলোকে বিরা-  
জিত আছেন । এবং তপোলোক কেবলমাত্র ত্রিবিক্রমের  
বসতি বলিয়া কীর্তিত হইয়া থাকে । যাহা হউক, হে  
গুরো ! মহাত্মা ভগবান্ বিষ্ণু কি কারণে এই সমুদায় লোক  
পরিত্যাগ করিয়া, শিলাপর্বত রোধমধ্যে পুষ্করতীরে পিতা-  
মহ ব্রহ্মার যজ্ঞপর্বত ভূমির উপর পদদ্বয় বিক্লেপ করিয়া-

ছিলেন, এই সমস্ত বিষয় শুনিতে আমার একান্ত বাসনা হইয়াছে, অনুগ্রহ পূর্বক বিস্তারিত রূপে তৎসমুদায় কীর্তন করুন। হে শূরো! যাহা শ্রবণ করিলেই সমস্ত পাপ বিনষ্ট হইয়া থাকে। আপনি আমার প্রতি প্রসন্ন হইয়া এই প্রার্থনা পূরণ করুন।

পুলস্ত্য কহিলেন, হে বংশ ভীষ্ম! তুমি উত্তম প্রশ্ন করিয়াছ! আমি তোমার প্রশ্ন শ্রবণ করিয়া অত্যন্ত আশ্লা-  
দিত হইয়াছি। পূর্বে দেবদেব বিষ্ণু শিলাপর্বতসমীপবর্তী  
নক্ষত্রপর্বত প্রাপ্ত হইয়া, যে প্রকারে পদন্যাস করিয়াছিলেন,  
তৎসমুদায় বর্ণনা করিতেছি সুসমাহিত হইয়া শ্রবণ কর।  
হে পরম্পদ ভীষ্ম! পূর্বে কৃতযুগে ভগবান্ বিষ্ণু দেবকার্যে  
সিদ্ধি ও পৃথিবীর রক্ষা বিধানার্থে ঐরূপ পদন্যাস করিয়া-  
ছিলেন। হে বীর! বলবন্তর তদনুসর্য দানবগণ সবাসব  
দেবতাগণকে পরাজিত করিয়া, ত্রিলোক বশবর্তী করিয়াছিল।  
ঐ দানবগণ প্রকার বলবীর্য্যসম্পন্ন হইয়াছিল যে, দেবতা-  
দিগকে অবলীলাক্রমে পরাজিত করিয়া সকলে যজ্ঞভাগভুক্  
হইয়া উঠিল, অমরগণ কিছুই করিতে পারিলেন না। হে  
ভীষ্ম! এই রূপে সচরাচর ত্রৈলোক্যমণ্ডল দানবাদিত হইতে  
 থাকিলে, দেবরাজ শত্রু পরম বাথা প্রাপ্ত হইতে লাগিলেন।  
অধিক কি, তিনি জীবনের রক্ষা বিধানে নৈরাশ্য অবলম্বন  
করিলেন। তখন সমুদায় দেবগণ দেবগুরু বৃহস্পতির সহিত  
মিলিত হইয়া, যথায় পিতামহ ব্রহ্মা অবস্থিতি করিতেন,  
সকলে বিপদ বিনাশে কৃতযত্ন হইয়া, মত্তর তাঁহার নিকট  
গমন করিলেন। হে কোরবেন্দ্র ভীষ্ম! দিবৌকম অমরগণ  
ব্রহ্মসদন প্রাপ্ত হইয়া নক্সাঞ্জলি সহকারে কহিলেন, হে শূরো-

ভ্রম ! আমরা দানবগণ কর্তৃক পীড়িত হইয়া, রাজ্যাদি সুখভোগে বঞ্চিত হইয়াছি, কি রূপে পুনরায় রাজ্যলাভ করিতে পারি ? ইত্যাদি সমস্ত জগতের অবস্থা বর্ণনা করিতে লাগিলেন । হে প্রভো ! বাস্কলি প্রভৃতি দানবগণ আপনার বর প্রভাবে উদ্ধৃত হইয়া পড়িয়াছে, উহাদের নিকট দেবগণের আধিপত্য করিবার ক্ষমতা নাই, উহারা স্বয়ং সকল দেবকার্য্য সম্পাদন করিতেছে, যজ্ঞভাগ গ্রহণ করিতেছে, আমরা বিনষ্ট প্রায় হইয়াছি, রাজ্যাদি লাভ করিবার কোন উপায় দেখিতেছি না । হে পিতামহ ! বাস্কলি প্রভৃতি দুরাত্মা দানবগণ যখন এতদূর দৌরাভ্যাস করিতেছে, বোধ হয় এই উহাদের উচ্ছেদ সময় সমাগত হইয়াছে । বাহা হউক আমরা আপনার নিকট প্রণত, আপনি আর বিলম্ব করিবেন না, সত্ত্বর ইহাদের বধোপায় চিন্তা করুন, ইহারা বিনষ্ট না হইলে জগৎ শাস্তিলাভ করিতে পারিবেনা । হে লোকপিতামহ ! তাহাদের দৌরাভ্যাসের কথা আর কি বালব, পুত্র সমুদায় দুরাত্মা দানবগণের অগোচরে দেবকার্য্য সম্পাদিত করিতে হয় । তাহারা দিন দিন লোক সকলকে অশান্তি-প্রতিষ্ঠিত ক্রিয়াকলাপাদি কার্য্য হইতে বিরত করিতেছে । কাহারও আর ঐ সকল দেবকার্য্যে প্রবৃত্তি দেখিতে পাই না । অস্ত্রগণ সর্বদাই প্রবৃত্তিহানির চেষ্টায় আছে । হে প্রভো ! যদি কোন প্রকৃত মানব স্বার্থসিদ্ধির ভাবনা করিয়া কোনরূপ বৈদিক কৰ্ম্মের অনুষ্ঠান করিতে বাসনা করেন, দুষ্কৰ্ম্ম তাহাকেও ঐ কার্য্য হইতে নিরস্ত করিয়া থাকে । হে নাথ ! দেবগণ বেদাদি ক্রিয়াবলী বলিয়া উক্ত হইয়া থাকেন, জগতে এক প্রকার ঐ সমস্ত ক্রিয়া ধ্বংস হইয়াছে

সুতরাং আমরা বিপদমাগরে নিমগ্ন হইয়াছি। এক্ষণে কোথায় যাই, কি করি, কিছুই স্থির করিতে পারিতেছি না। যাহা হউক, হে পদ্মযোনি! আপনি আমাদেরকে এই বিপদমাগর হইতে উদ্ধার করুন। বাহাতে পুনরায় আমাদের তেজ বৃদ্ধি হইতে পারে এরূপ উপায় স্থির করিয়া দিন। হে লোকেশ! আমি আপনার নিকট জগতের স্বরূপ অবস্থা ব্যাখ্যা করিলাম, অধুনা জগতে যে প্রকার ভাব বিদ্যমান রহিয়াছে তাহা শ্রবণ করুন। স্বাধ্যায়, বসট্কার, উৎসব ও মঙ্গলাদি কোন প্রকার কার্য্য আর কুত্রাপি দেখিতে পাই না। লোকে আখ্যান ও যোগ প্রভৃতি পরিত্যাগ করিয়া মুক্তাচার পরিগ্রহ করিয়াছে, জগতের সীমাপর্য্যন্ত কোন স্থানেই দণ্ডনীতি দেখিতে পাওয়া যায় না, জগৎ এক প্রকার কঠোর দশাগ্রস্ত হইয়াছে। হে কমলযোনে! ইত্যাদি কারণেই আপনার নিকট আসিয়াছি, বাহাতে সচ্ছপায় হয় এরূপ বিধান করুন।

হে কৌরবেন্দ্র ভীষ্ম! ইন্দ্রপ্রমুখদেবতাগণ লোকপিতামহ ব্রহ্মার নিকট সমুদায় জগতের ছুরবস্থা প্রকাশ; দেবতাদিগের স্ব স্ব রাজ্য বিচ্যুতি ও দানবগণের প্রবলতা প্রভৃতি বর্ণনা করিলে, সুরজ্যেষ্ঠ ব্রহ্মা কহিলেন, হে মঘবন্ দেবরাজ! সেই বাঙ্কলি দানব অতিশয় ক্ষুদ্র, কেবলমাত্র আমার বরপ্রভাবে এতাদৃশ বলগর্ভিত হইয়াছে, তজ্জন্যই তুমি তাহারে পরাজিত করিতে পার নাই, সেই দুষ্ক নারায়ণ বিষ্ণুর বধসাধ্য, অতএব তোমার কোন চিন্তা নাই। হে ভীষ্ম! ব্রহ্মা এই প্রকার কহিয়া মনে মনে চতুর্ভূজ দেব ভগবান্ বিষ্ণুর ভাবনা করত স্থাপুর ন্যায় স্তম্ভভাবে রহিলেন। এবং ক্ষণকাল সেই পরাৎ-পরের অমুখ্যানে আত্মারে মিলিত করিয়া ফেলিলেন। এই

রূপে আত্মহু ব্রহ্মা জগৎকাল ধ্যানপরায়ণ হইলে চতুর্ভূজ  
বিষ্ণু সর্ব প্রাণির দর্শন পথে থাকিয়া মুহূর্ত্তগাত্রে তথায়  
উপনীত হইলেন। কহিলেন, হে ব্রহ্মন্ ! তোমার আর ধ্যান  
করিবার আবশ্যক নাই, ক্ষান্ত হও, তুমি যে কারণে এই প্রকার  
ধ্যান করিতেছ, আমি তাহা সবিশেষ পরিদ্রষ্টা আছি, এই  
নিমিত্তই তোমার নিকট উপস্থিত হইয়াছি। ব্রহ্মা ভগবান্  
নারায়ণকে প্রত্যক্ষ করিয়া কহিলেন, হে দেব জগৎপ্রভো !  
আপনি কি নিমিত্ত এই জগৎ বিনষ্ট করিতে ইচ্ছা করিতেছেন ?  
জগৎ নির্মাণ করিবার নিমিত্তই আমার উৎপত্তি হইয়াছে।  
যাহার যে প্রকার প্রালব্ধ নির্দিষ্ট হইয়াছে তাহার তাহাই  
হইবে, কিছুমাত্র তারতম্য হইবে না, ইহাতে বিস্ময়কর কার্য্য  
কিছুই নাই। হে প্রভো ! জগৎ এই নিয়মে সর্বদা বিরাজিত।  
আমি ইহার নির্মাতা। আপনি পালয়িতা এবং রুদ্রদেব  
ইহার সংহর্ত্তা। এক্ষণে তাহার বিপরীত রীতি সংযুক্ত হইয়াছে।  
এই জগতে দৈত্যগণ কখনই দেবরাজ্য ভোগে অধিকারী নহে,  
কিন্তু অধুনা মানবপ্রধান বলি মহাত্মা ইন্দের ত্রৈলোক্যাধিপত্য  
হরণ করিয়া স্বয়ং তাহা উপভোগ করিতেছে। হে প্রভো !  
দেবরাজ্য শক্রের দুর্দশা স্বয়ং প্রত্যক্ষ করুন। হে কেশব !  
শীঘ্র এরূপ কোন মন্ত্রণা করুন, যাহাতে দেবগণ পুনরায়  
স্বীয় স্বীয় কার্য্যভার বহন করিতে সাহসী হন, এবং অসুরেরা  
নিস্তেজ হইয়া পড়ে।

হে কুরুকুলতিলক ! অরজ্যোষ্ঠ ব্রহ্মা ভূতভাবন ভগবান্  
নারায়ণ সমক্ষে এই প্রকার বচনপরম্পরা বিন্যাস করিলে,  
বাসুদেব বিষ্ণু কহিলেন, হে কমলাসন ! দৈত্যরাজ বলি  
আপনার বর প্রভাবে অবধ্য হইয়াছে, তাহার প্রাণনাশের

কোন সম্ভাবনা নাই। সেই দানব বাহাতে প্রবঞ্চিত হইয়া হীনাবস্থায় পতিত হয়, এরূপ কোন বুদ্ধি সৃষ্টি করিতেছি। হে ব্রহ্মন্ ! আমি সেই ছুরাভ্রা দানবগণের বিনাশ সাধনার্থ বাগনমূর্তি পরিগ্রহ করিব এবং দৈত্যপতি বলি যথায় মাত্রাজ্যস্থাপন করিয়াছে তথায় উপস্থিত হইব। দৈত্যগণ আগার চেষ্টা বুঝিতে পারিবে না। আমি দেবগণের মঙ্গল-চিকীর্ষু হইয়া সেখানে গমন পূর্বক এই কথা বলিব, হে দৈত্যরাজ ! আমি খর্ব্বিকায় বামন, আপনি আগার এই বামন-রূপপরিমিত পদত্ৰয় ভূমি আমারে প্রদান করুন। হে মহা-ভাগ ! আপনার নিকট আগার এইমাত্র যাচ্ঞা, আমার অভি-লাষ সাধন করুন। হে অজ্ঞানোনে ! দানবেন্দ্র বলি দানকালে আত্মজীবন পর্য্যন্ত দান করিতে অশক্ত হয় না। অতএব সে আগার এই ছল প্রতিগ্রহ করিতে না পারিয়া অবশ্যই আমারে তিনপদ পরিমিত ভূমিদানে সম্মত হইবে। হে পিতামহ ! আমি শূকররূপ ধারণ পূর্বক যে পাতালতল বিদারণ করিয়াছিলাম, দৈত্যরাজ ছুরাভ্রা বলিরে বধনা করিয়া তথায় প্রেরণ করিব। দেবগণ পুনরায় ত্রৈলোক্যের প্রভুত্ব প্রাপ্ত হইয়া নিষ্কণ্টকে স্বর্গভোগ উপভোগ করিতে থাকিবেন। হে বীর ! নারায়ণ এইপ্রকার কহিয়া দেবরাজকে কহিলেন, হে শক্র ! আমি নিশ্চয়ই বাগন রূপে অবতীর্ণ হইয়া তোমাদের মঙ্গল সাধন করিব, কদাচ অন্যথা হইবে না, ভূমি নিঃশঙ্ক হইয়া স্বস্থানে গমন কর। এই বলিয়া বিরত হইলেন। এবং সেই লোকভাবন অদিতির গর্ভমধ্যে প্রবেশ করিলেন।

হে রাজেন্দ্র ! পুরুষোত্তম-বিষ্ণু দেবকার্যসাধনোদ্দেশে



অদিতির গর্ভে প্রবিষ্ট হইলে, অনেকানেক শুভকর নিমিত্ত সকল প্রার্থিত হইতে লাগিল। সমস্ত ভগতের একমাত্র আধার বিষ্ণু যে অদিতির গর্ভগত হইয়াছেন, ইহা কেবল নিমিত্ত দ্বারা জানা যাইতে লাগিল। গন্ধবহ বায়ু মালতি কুসুমের পরিমল বহন করিতে লাগিল। হে ভীষ্ম ! সর্বভূতে দয়াবান্ দেবদেব বিষ্ণু ত্রিদশগণের নঙ্গলসাধনার্থে কৃত-নিশ্চয় হইয়া উত্তম কাবণ, উত্তম যোগ ও বিশুদ্ধ চন্দ্র ইত্যাদি বিহিত কাল অবলোকন পূর্বক, অদিতির পুত্রভাব আশ্রয় করিলেন। ভগবান্ নারায়ণ ভূত ভবিষ্য যোগ বশতঃ গর্ভবাসে প্রবিষ্ট হইলে, সমুদায় জগৎ আপদ্পরি-শূন্য এবং সমুদায় প্রাণিগণ সর্বকামনানাম্পন্ন হইয়া উঠিল। সগৌরব মন্দ মন্দ গতিতে প্রবাহিত হইতে লাগিল মেঘগণ বিমানোপগত হইয়া দিগন্তর, পর্বত ও বিবিধ পথে উত্তম বারি বর্ষণ করিতে থাকিল। হে বীর ! তৎকালে ত্রিলোক এপ্রকার আশ্চর্য্যভাব ধারণ করিল, যে, তাহা দর্শনমাত্র সকলেই প্রোৎসাহিত ও আফ্লাদিত হইতে লাগিল। যাহা হউক, হে রাজেন্দ্র ! ভূতভাবন ভগবান্ বিষ্ণু অদিতির গর্ভে প্রবেশ করিবানাত্র মেরুপ অশরীরী দেববাণী আবির্ভূত হইয়াছিল, তাহাও শ্রবণ কর। আমি একমাত্র পদ দ্বারা ত্রিবিষ্টপ লঙ্ঘন করিব এবং অপর পদ দ্বারা দানবেন্দ্র বলিরে পাতালবাসী করিব, দেবরাজ শক্বেব মে সমুদায় বল, লাভ্য, সৌভাগ্য, মে সমুদায়ই আগার দত্ত, অতএব যাহারা সেই সমস্ত ভোগ হইতে ইহঁকে বিচ্যুত করিয়াছে, আমি সেই সমুদায় দানবগণের বিনাশ করিবার নিমিত্ত আর এক ক্রম নিযুক্ত করিব এবং শরজাল অনেকানেক চক্রপাত ও গদাঘাত

দ্বারা প্রায় দানবগণকে বিনষ্টপ্রায় করিব। এই ধরণী দানব-  
ভার সহ্য করিতে পারিতেছেন না, অতএব আমি দ্রুত  
দানবগণের বিনাশ করিয়া শীঘ্র ভূমির ভার অবতারণ করিব।  
আমি সেই দনুযুগ্য বলিরে যে প্রকারে বন্ধন করিব, তাহা  
পূর্বে কেহ কখন চিন্তানুভূত কিম্বা দৃষ্ট বা শ্রুত হয় নাই।  
হে ভীষ্ম ! তৎকালে মহা এই অশরীরী দৈববাণী আবির্ভূত  
হইল।

পুলস্ত্য কহিলেন, হে কুরুবর ! পূর্বে লোকনাথ বিষ্ণু  
মহর্ষি কশ্যপকে বললাবণ্য লাভ বর প্রদান করিয়াছিলেন,  
এক্ষণে তাহা সম্পন্ন করিতে কৃতঘ্ন হইলেন। মহর্ষি কশ্য-  
পের আত্মায় বিভূর সমুদায় লক্ষণ প্রতিভাত হইতে থাকিল।  
তিনি স্বীয় আত্মাতে কলা পরিদর্শন করিয়া চিন্তা করিতে  
লাগিলেন। আমার চিত্ত কেন বিভ্রান্ত হইল, আমার অন্তরে  
যে উত্তম রূপ দীপ্তি পাইতেছে। আমি কদাপি এরূপ রূপ  
দর্শন করি নাই। এইরূপ কি প্রকারে আমার অন্তরে  
প্রবিষ্ট হইল। এই তেজঃ কাহার সদৃশ তাহা কিছুই  
জানিতে পারি না। হে ভীষ্ম ! কশ্যপ এই প্রকার চিন্তা-  
যুক্ত হইলে অক্ষতমানসা অদিতি সেই তেজ দ্বারা গর্ভবতী  
হইলেন। এবং সেই ঐশ্বরিক গর্ভ দিব্য সহস্র বৎসর ধারণ  
করিয়া রহিলেন। হে বীর ! তদনন্তর প্রসবকাল সমাগত  
হইলে ভগবান হরি বামন রূপে ভূমিষ্ঠ হইয়া পড়িলেন।  
সেই দেবদেব জনার্দন ভূমিষ্ঠ হইবামাত্র নদীসকল নিঃশল  
সলিলাবরণ, অনিল দিব্য গন্ধ বহন করিতে লাগিল। মহর্ষি  
কশ্যপ সেই দীপ্তিশীল পুত্রের মুখ দর্শন করিয়া পরম  
পরিতোষ লাভ করিলেন। এবং ত্রিলোকবাসী জনগণের মানস

আহ্লাদে উন্নত হইয়া উঠিল । হে কোরবেন্দ ! জনার্দন  
নারায়ণের জন্ম হইবাগাত্র স্বলোকস্থ চন্দ্রুতি সকল শব্দে  
পরিপূর্ণ হইল । তৎকালে তিনলোকবাসী শ্রাণীপুঞ্জ এক্রপ  
হর্ষিত হইয়াছিল যে মোহ ও দুঃখ তাহাদের নিকট  
আসিতে পারিল না । গন্ধর্ব্বীগণ ও নিদ্যাধরী সমস্ত স্ব স্ব  
স্বামীর সহিত মিলিত হইয়া হৃদয়ে সংগীত আরম্ভ করিল ।  
অপ্সরা সকল দেবদেবের উদ্ভবে আহ্লাদনাগরে মগ্ন হইয়া  
গেল, তাহারা ও দেবাজনা সকল স্তনভরে ক্লাস্তা হইয়া নৃত্য  
করিতে লাগিল । সিদ্ধগণ লাধ্যগণ মরুদগণ ইহারা প্রেমা-  
নন্দ প্রকাশ করিতে ক্রটি করিলেন না । মুনীন্দ্রগণ সতত  
সত্যবাদ আলাপন পূর্ব্বক সংসারবিরক্তি প্রদর্শন করিতে  
লাগিলেন । হে ভীষ্ম ! সেই সময় লোক সমুদায়ের যেরূপ  
সন্তোষলাভ হইয়াছিল, তাহা আর কি বলিব । গাঢ় তিমির-  
রাশি হইতে মুক্ত হইলে যেরূপ নিরুত্তি লাভ হইয়া থাকে  
জীবলোক সেইরূপ বিগতবিষাদ হইয়াছিল । অমরপুরযুবতী-  
রন্দ মনোহর মন্দারপুষ্প গ্রহণ করিয়া দূর হইতে অদিতির  
উপর বর্ষণ করিতে লাগিল । হে কোরব ! সেই শুভ সময়  
সকলেরই আনন্দনিমিত্ত সমাগত হইয়াছিল, এমন কি কেহ  
কেহ আহ্লাদে পরিপূর্ণ হইয়া উচ্চস্বরে জগন্নাথের জয় হউক,  
জগন্নাথের জয় হউক, এইরূপ বাক্যবিন্যাস করিতে লাগিল !  
অপরে প্রেমোদ পূর্ণ হইয়া কেবল সাধুবাদ করিতে লাগিল ।  
যাহা হউক, তৎকালে যমনিয়মপারগ সিদ্ধগণ তাঁহারে মৃত্যু-  
বিচ্ছেদের হেতুভূত জানিয়া পরম্পর ধ্যানাগত হইলেন ।  
ভগবান্ কৃষ্ণ এইরূপে অখিলজগৎ আহ্লাদে পরিপূর্ণ করিয়া  
স্বয়ং আবির্ভূত হইলেন ।

হে ভীষ্ম ! জগদীশ্বর বিষ্ণু সমস্ত প্রাণীর আরাধ্য, তিনি  
 স্বয়ং পরমাত্মা হইলেও কমলযোনি ব্রহ্মার ধ্যানের বশীভূত  
 হইয়া মানবীয় অঙ্গ প্রত্যঙ্গ পরিগ্রহ পূর্বক আবির্ভূত হই-  
 লেন । ইনি স্ফটিকরূপে ব্রহ্মা ; পালনার্থে বিষ্ণু এবং সর্ব-  
 সংহারক রুদ্র মূর্তিধারী, বলিয়া বিখ্যাত হইয়া থাকেন । বেদ,  
 যজ্ঞ ও স্বর্গ ইহঁার স্বরূপমাত্র, তাহাতে কোন সংশয় নাই ।  
 হে রাজেন্দ্র ! ভগবান্ বিষ্ণু এই স্বাবরজঙ্গমাত্মক জগতের  
 সর্বত্র পরিব্যাপ্ত হইয়া আছেন । এবং সেই স্বয়ম্ভু ব্রহ্মাদি  
 পৃথক্ পৃথক্ রূপে বিখ্যাত হইয়া একাকীই সমুদায় ব্রহ্ম  
 পরিপালন করিতেছেন । হে রাজন্ ! স্ফটিক যেরূপ স্বভা-  
 বতঃ নিৰ্ম্মল হইয়াও পীত লোহিতাদি বর্ণের অধীনে নানা-  
 প্রকার বর্ণ ধারণ করিয়া থাকে । তদ্রূপ সেই নিরঞ্জন স্বয়ম্ভু  
 গুণের বশীভূত হইয়া নানাবিধ রূপে আবির্ভূত হইয়া  
 থাকেন । হে বীর ! একমাত্র গাহপত্য অগ্নি যেরূপ মস্ত্রের  
 অধীনে দক্ষিণাগ্নি তথা আহবনীয় নাম ধারণ করেন, তদ্রূপ  
 এই লোকভাবন্ নারায়ণও ব্রহ্মা বিষ্ণু প্রভৃতি রূপে সম্পন্ন  
 হয়েন । যাহা হউক, অধুনা তিনি যে বামনরূপে পরিণত  
 হইয়াছেন এই শরীর দ্বারাই সর্বত্র দেবকার্য্য সম্পাদিত  
 হইবে নন্দেহ নাই । হে শাস্ত্রনুতনয় ! ভাবিতাত্মা অমরগণ  
 এইরূপ চিন্তা করিতেছেন, ইত্যবসরে বামনরূপধর ভগবান্  
 বিষ্ণু দেবরাজ ইন্দ্রে সঙ্গ লইয়া বলি নিকেতনে গমন  
 করিলেন । হে বীর ! দৈত্যরাজ বলির পুরীর কথা আর কি  
 কহিব, ঐ পুরী সর্ব্বরত্নে বিভূষিতা পাণ্ডুর বর্ণ শত শত গৃহে  
 সংকুল্লা, উহার নির্বাণ মার্গে স্বর্ণবর্ণ মনোজব তুরঙ্গম সকল  
 সসজ্জিত হইয়া রহিয়াছে, তাহাদের গ্রীবা ও অক্ষি দীর্ঘ ।

উঁহারা ঐ পুরীর শোভা দূর হইতে দর্শন করিতে লাগিলেন ।  
 হে ভূপতে ! দৈত্যরাজ বলির সভায় যে সমুদায় সভ্যগণ  
 সর্বদা বিরাজমান থাকিত তাহাদের বদন পূর্ণপ্রধাকরের  
 ন্যায়, বর্ণ স্বর্ণাপেক্ষাও স্তদৃশ্য ও উজ্জ্বল । তাহারা সকলে  
 বলির সম্মুখে পরস্পর হাস্য পরিহাসাদি সংলাপ করিতেছে ।  
 সহস্র সহস্র গায়কগণ নানাপ্রকার সংগীত সমালোচন করি-  
 তেছে । শত শত উদ্যান বহুবিধ কুসুমের পরিপূর্ণ হইয়া  
 অপূর্ব শ্রীধারণ করিয়াছে, সমুদায় দলুনাথ্যগণ নিঃশব্দ হৃদয়ে  
 অরোগ শরীরে ইতস্ততঃ পরিভ্রমণ করিতেছে । সর্বত্রই  
 বেণু বীণা সুদঙ্গের শব্দে পরিপূরিত । অমরগণ প্রহুষ্ঠাস্তঃ-  
 করণে অমরাবতীতে মেগধকার জীড়া করিয়া থাকেন, সেই  
 রূপ দানবগণও বহুরত্নোপশোভিতা সেই পুরীমধ্যে সর্বদা  
 জীড়া করিয়া বেড়াইতেছে । হে ভীষ্ম ! দৈত্যরাজ বলির  
 সভামণ্ডপে দ্বিজনাথগণ মহৎ ব্রহ্মধোম কীর্তন করিতেছেন ।  
 স্তব্ধাঙ্ক ধূপ, ও স্তব্ধভিকৃত বায়ু প্রবাহিত হইতেছে । বিরো-  
 চননন্দন বাস্কলি সর্বদা দলুজাকীর্ণ সমুদ্রসম্পন্ন পুরমধ্যে  
 বিরাজিত হইতেছেন, সেই নয়কোবিদ দানব স্বর্গ, মর্ত্য,  
 পাতাল বশীকৃত করিয়া, সর্বপ্রাণীকে স্ব স্ব ধর্ম্মে শিক্ষিত  
 করিতেছেন । এবং তিনি সেই মনোহর পুরমধ্যে থাকিয়া  
 সচরাচর ত্রৈলোক্য পালন করত স্তথানুভব করিতেছেন । হে  
 রাজেন্দ্র ! দৈত্যরাজ বলি ধর্ম্মজ্ঞ, কুলজ্ঞ, সর্বদা সত্যবাদী ও  
 জিতেন্দ্রিয়, ব্রহ্মণ্য, শরণ্য, দীননাথ এবং দয়াবান্, স্বয়ং  
 বেদবেদাঙ্গের তত্ত্বজ্ঞ ও সর্বদা বেদমন্ত্রনিং ব্রাহ্মগণের সংযুক্ত  
 হইয়া থাকেন । অধিক আর কি বলিব, বাস্কলি অক্ষুদ্রশীল-  
 নিলয় ও সর্বশত্রুর প্রতিহিংসক, মান্য ও মান্যতা,

সুভামী, সর্বদা বিষ্ণুপূজক। সমস্ত অর্থের পরিচ্ছাত্তা, সুভগ ও প্রিয়দর্শন ছিলেন। তাঁহার ধন ও ধান্য অপরিমিত ছিল। সেই দানব সর্বদা দানশীল, নিত্য ত্রিবর্গ সাধক এবং পুরুষকার দ্বারা তিনলোক জয় করিয়াছিলেন। তৎকালে তাঁহার সদৃশ গুণধর অতি বিরল বলিয়া বিখ্যাত হইত। যাহা হউক, সেই দেবদানবদর্পহারী বলি স্বীয়পুরে থাকিয়া ত্রৈলোক্যস্থ সমুদায় প্রজাপুঞ্জ কর্তৃক পূজিত হইতেন। হে বীর ! সেই দানবরাজ বলির রাজ্যশাসন সময়ে কোন ব্যক্তি স্বধর্ম-হীন হইতে পারিত না, কেহ দরিদ্র ছিল না, ব্যাধি তাঁহার শাসন ভয়ে কাহারেও পীড়া দিত না, দূঃখ দূরে পলায়ন করিয়াছিল, কেহ স্বপ্নায়ুঃ ভোগ করে নাই। বলির রাজ্যমধ্যে কেহ গূর্থ বা মন্দরূপ কিম্বা দুর্ভগ ও নিরাকৃতি ছিল না। মহাত্মা পুরন্দর ইন্দ্র গুণসমুদায়ের একত্র সম্মিলন এবং সমস্তাৎ সমৃদ্ধি বৃদ্ধি অবলোকন করিয়া দৈত্যনাথ বলির ভূয়সী প্রশংসাবাদ করিতে লাগিলেন, এবং সেই দমুপ্রধান বলিরে তীক্ষ্ণরশ্মি তপনের ন্যায় তেজস্বী ও ত্রিলোকের শরণ্য দেখিয়া অতীকৃত নাধনে হতাশ হইয়া পড়িলেন।

হে কোঁরবাগ্রগণা ! এদিকে সমস্ত অসুরগণ দেবরাজ ইন্দ্রকে পুরমধ্যে সমাগত দেখিয়া বলির নিকট উপস্থিত হইয়া কহিল, হে প্রভো ! আপনার এই পুরমধ্যে দ্বিজসত্তম বামনের সহিত পুরন্দর একাকী সমাগত হইয়াছেন, হে দৈত্যনাথ ! অধুনা আমরা তাঁহার সহিত কিরূপ ব্যবহার করিব শীঘ্র আদেশ করুন। দেবরাজ যখন সাহস করিয়া পুরমধ্যে প্রবেশ করিয়াছেন, অবশ্যই তখন কোন গূঢ়াভিপ্রায় আছে সন্দেহ নাই। হে বীর ! দৈত্যগণের প্রমুখাৎ ইন্দ্রা-

গমনবার্তা। শ্রুত হইয়া দক্ষনাথ বলি যারপর নাই আনন্দিত হইলেন, কহিলেন, হে দৈত্যগণ ! তোমরা সত্ত্বরে সমস্ত পুরী অলঙ্কৃত করিয়া দেবরাজকে পুরমধ্যে প্রবেশ করাও, তিনি যখন স্বয়ং এখানে আসিয়াছেন, তখন আগার পূজা তাহাকে সংশয় নাই। হে ভীষ্ম ! দৈত্যনাথ বলি অন্তর দানবগণকে এই প্রকার আদেশ করিয়া শক্রদর্শনলালসায় একাকী বহির্গত হইলেন। তাঁহার পুরী সপ্তকক্ষাসম্বিতা ছিল, তিনি হঠাৎ তাহা হইতে বহির্গত হইলেন। রাজা বলি এইরূপে দেব-রাজের আগমনার্থে হর্ব প্রকাশ করিতেছেন, এমন সময়ে দেবে-ন্দ্র ও বামন ব্রাহ্মণের সহিত তথায় সমাগত হইলেন, “এবং দক্ষনাথ বলি তাঁহাকে লৌকিকী কথায় বলিতে লাগিলেন। হে বীর ! দানবকুলধুরন্ধর রাজা বলি সমাগত দেবরাজকে প্রত্যক্ষগোচর করিয়া আপনারে কৃতার্থজন্য বোধ করত প্রণিপাত পুরঃসর কহিতে লাগিলেন, এই সংসারে আগার তুল্য ধন্যতর ব্যক্তি আর কেহই নাই, যেহেতু আমি সর্ব্বার্চনীয় এই উভয় দেবকে দর্শন করিলাম, আমার মৌভাগ্যের তুলনা হইতে পারে না। কারণ আমি স্রীমদ্ভগবৎ শক্রকেও গৃহমধ্যে দেখিলাম। বোধ হয় দেবরাজ অদ্য আমার নিকট কোন কামদান যাচঞা করিবেন। দেবরাজ যদি মদীয় প্রাণও প্রার্থনা করেন, তিনি গৃহাগত হইয়াছেন, অতএব নিশ্চয়ই আমি তাঁহারে তাহাও প্রদান করিব। স্ত্রী, পুত্র, রাজসমৃদ্ধি কিম্বা ত্রৈলোক্য ইহা অতি তুচ্ছ পদার্থ; এসমস্ত বিষয়ে কোন আপত্তিই নাই; যেহেতু আমি প্রাণদান করিতে উদ্যত হইয়াছি।

হে ভীষ্ম ! দৈত্যনাথ বলি এই প্রকার কহিতে কহিতে দেবরাজের সম্মুখবর্তী হইয়া তাঁহারে অভিবাদন ও আলিঙ্গন

পূর্বক অঙ্কদেশে ধারণ করিলেন এবং সমারোহসহকারে গৃহে প্রবেশ করাইলেন । সবিশেষ বহু পূর্বক পাদ্য আচমনীয়াদি দ্বারা দেবনায়কের পূজা করিয়া কহিলেন, হে শত-ক্রতো ! অদ্য আমার জন্ম সকল হইল, আমার সমস্ত মনোরথ পূর্ণ হইয়াছে, হে দেবরাজ ! আপনি আমার গৃহে আগমন পূর্বক আমারে সমুদায় দনুগুণ্যের শ্রেষ্ঠ করিলেন । হে দেব ! অগ্নিষ্টোমাদি বহু অনুষ্ঠান করিলে, যে প্রকার ইন্ট্রসাধন হইয়া থাকে, হে পুরন্দর ! তোমার দর্শনে অদ্য আমার সে সমস্ত ফল লাভ হইল । বেদবিৎ ব্রাহ্মণকে ভূমিদান কিম্বা গো দান করিলে যে প্রকার ফল হয়, অদ্য আমার সেই সমুদায় ফল লাভ হইল অথবা আপনার দর্শনমাত্রেই রাজসূয় যজ্ঞের ফল পাইয়াছি । হে বাহুব দেবরাজ ! ছুঙ্কর তপস্যা দ্বারাও আপনার দর্শন পাওয়া যায় না, অতএব বখন আপনি স্বয়ং আমার গৃহে আসিয়াছেন, তখন আমার তুল্য মৌভাগ্যবান্ আর কে হইতে পারে ? হে দেব, অধুনা আমারে আপনার কি প্রিয়কার্য সাধন করিতে হইবে ? হে পাকশাসন ! আমার উপর কার্যভার ন্যস্ত করিতে সন্দিগ্ধ হইবেন না । আপনি আমারে যে কার্য আদেশ করিবেন, তাহা স্বেচ্ছকর হইলেও সম্পন্ন হইয়াছে, এইরূপ বোধ করিবেন । বাহা হউক আমি আপনার ভৃত্য আপনার আদেশ পালনে কোন মতেই পরাঙ্মুখ হইব না । আমি আপনার দর্শনে ধন্য ও কৃতকৃত্য হইয়াছি । হে শক্র ! অমরপ্রধানগণ ভবনীয় বেচরণ-সুগল সর্বদা বন্দনা করেন, আমি অনায়াসে আপনার সেই পাদপদ্ম বন্দনা করিলাম, হে প্রভো ! এই দাসের নিকটে আপনার স্বয়ং আগমনের কারণ কি প্রকাশ করুন ।



হে কৌরব ! দেবরাজ ইন্দ্র দনুপ্রধান বলিরাজার অকপট ব্যবহার দর্শনের সান্তিশয় প্রীত হইয়া কহিলেন, হে বাস্কলে ! আপনি সমস্ত দানবগণের একমাত্র প্রধান ইহা আমি বিদিত আছি, কিন্তু আপনারে দর্শন করিয়া আমার আশ্চর্য্য বোধ হইয়াছে। হে অশ্বর ! আপনার অলৌকিক ক্ষমতার বর্ণনা করা দুঃসাধ্য, আপনি তেজে সূর্য্যের সদৃশ, আপনার গাভীর্য্য সমুদ্রের ন্যায়, ক্ষমা ধরণীর তুল্য এবং আপনি সৌভাগ্যে নারায়ণের ন্যায় হইয়াছেন। হে দৈত্যনাথ ! আমার সমভিব্যাহারী অতি হ্রস্বকায় এই ব্রাহ্মণ কশ্যপের বংশে জন্ম গ্রহণ করিয়াছেন, ইনি আমার নিকট তিনপদ পরিমিত ভূমি প্রার্থনা করেন, হে বাস্কলে ! আপনি ভুজবল দ্বারা আমার রাজ্য অপহরণ করিয়াছেন, তজ্জন্য আমি ইহাঁর প্রার্থনা পূর্ণ করিতে পারি নাই, আমি নির্দীন, আগারে ভূমি দান করুন। হে মহারাজ ! আমি ব্রাহ্মণের নিমিত্ত তিনপদ ভূমি প্রার্থনা করিতেছি, এ বিষয়ে আপনার বাহা অভিরূচি হয় তাহাই করুন। এই ব্রাহ্মণ সাধারণ নহেন, ইনি ত্রিলোকপূজনীয়া অদিতির গর্ত্তে উৎপন্ন হইয়াছেন। ইহাঁর পিতা কশ্যপ সর্ব্বলোকপুজ্য। ইনি সেই কশ্যপের বংশবর্দ্ধন হইয়া জন্ম পরিগ্রহ করিয়াছেন। হে দানব ! ইহাঁর অগ্নিশরণার্থে তিনপদ ভূমিদান করুন। ইহাঁর শরীর অতি ক্ষুদ্র এই বামন স্বীয় ক্ষুদ্রদেহ দ্বারা যে ভূভাগ লইবেন তাহা অতি সামান্য। হে রাজসত্তম ভীষ্ম ! দৈত্যরাজ বলি ইন্দ্রের বাক্য শ্রবণে কিঞ্চৎ সন্দ্বিগ্ন হইয়া কহিলেন, হে দেবেন্দ্র ! অথী বামন ব্রাহ্মণের কোন অভিপ্রায় জানিতে পারি নাই, আপনি এই দ্বিজবরের নিমিত্ত তিনপদ ভূমি প্রার্থনা করিতেছেন, যদি এই হ্রস্ব ভূমি

ব্যতীত অন্য কোন বিষয় প্রার্থনা না করেন এবং আমার  
 দ্বন্দ্ব, মন্ত্রী ও পদাঙ্গুগব্যক্তিবৃন্দ যদি ইহাতে অগ্নিমত প্রকাশ  
 করেন তাহা হইলে আমি আপনার প্রার্থনা পূর্ণ করিয়াছি  
 জানিবেন। হে বীর ! দেবরাজ পুনরায় কহিলেন, হে  
 বাস্কলে ! অতিথি বাসন আপনার গৃহে উপস্থিত হইয়াছেন,  
 আপনি ইহাঁর অভ্যর্থনা বিদিত হইয়া যথাযোগ্য আচরণ  
 করুন। হে মহাত্ম্যতে ! যদ্যপি তিনপদ ভূমি দান করিতে  
 আপনার অতিরিক্ত হয়, তবে শীঘ্র এই মহাত্মা বাসনেই উহা  
 প্রদান করুন। হে ভীষ্ম ! দেবরাজ ইন্দ্র এই প্রকার প্রার্থনা  
 করিলে বাস্কলি কহিলেন, হে মানদ শক্র ! আপনার সমস্ত  
 সম্বল ? আপনি স্বস্তিমান হইয়া বলুন, হে দেবেন্দ্র ! আপনি  
 আপনার নিমিত্ত দুঃখ করিবেন না, যেহেতু আপনি সমুদায়  
 দেবতাগণের অয়ন স্বরূপ, হে দেব ! লোকবিধাতা পিতামহ  
 ব্রহ্মা আপনার উপর সমস্ত ভার ন্যস্ত করিয়া ধ্যান ও ধারণা  
 সহকারে পরম পদ চিন্তা করত স্থখে অবস্থিতি করিতেছেন।  
 অপর লোকপালক বিষ্ণু সংগ্রামে প্রভূত দানবগণের ও  
 অন্যান্য চুক্তগণের বধসাধন করিয়া একমাত্র আপনার ভরসায়  
 ক্ষীরোদ সলিলে স্থখে শয়ান হইয়া আছেন। হে শক্র !  
 কৃতিবাসা উমাপতি আপনার উপরে তাবৎ ভার ন্যস্ত করিয়া  
 স্বীয় ভার্য্যার সহিত অচলশ্রেষ্ঠ কৈলাসে স্থখে বাস করি-  
 তেছেন। বাহা হউক, হে দেবরাজ ! আপনি আমার  
 নিকট যাচ্ঞা করিতে আসিয়াছেন, ইহার কোন গুঢ় অভি-  
 মন্ত্র আছে, কেননা পূর্বে আপনি বলি হইতেও বলশালী  
 অন্যান্য বহুতর দানবগণকে স্বীয় ভুজবলে নিধন করিয়াছেন,  
 আপনার অসীম ক্ষমতার কথা আর কি বলিব, দ্বাদশ আদিত্য-

গগ, একাদশ রুদ্র, অশ্বিনীকুমার ও সনাতন ধর্ম ইহারা সকলেই আপনার বাহুবল আশ্রয় করিয়া অমর লোকमध्ये স্থখভোগ করিয়া থাকেন। হে শক্র ! ভগবান্ বিষু আপনা হইতেই বরদাক্ষিপাত্তক যজ্ঞ সমাধা করিয়াছেন, হে পাকশাসন ! বীর-বর নমুচি ও বৃত্রাসুর আপনা দ্বারাই বিনষ্ট হইয়াছে। পূর্বে হিরণ্যকশিপু আপনারে পীড়িত করিয়াছিলেন, কিন্তু প্রভু বিষু নৃসিংহরূপ ধারণ করিয়া সেই উগ্র অসুরকে বিনষ্ট করিয়াছেন। যাহা হউক, হে দেব ! যৎকালে আপনি ঐরা-বতশিরোগত থাকিয়া বজ্রহস্তে সংগ্রামে অবতীর্ণ হয়েন, তখন প্রায় সমুদায় দানব রণক্ষেত্রে আপনারে দর্শন করিয়া প্রাণত্যাগ করে। আপনি বলশালী যে সমুদায় দানবগণের পরাজয় সাধন করিয়াছেন, আমি সহস্রাংশেও তাহাদের তুল্য হইতে পারি না, অতএব হে দেবেন্দ্র ! আপনার প্রভূত পরাক্রমের নিকট কোনমতেই আমার গণনা হইতে পারে না, আপনি অর্খীভাবে আমার সমীপে উপনীত হইয়াছেন, অন্য আর কিছুই নহে। হে প্রভো ! আপনি আমায় যে-রূপ আদেশ করিতেছেন, তাহা অবশ্যই সম্পন্ন করিব সন্দেহ নাই। এই হৃষিকায় ব্রাহ্মণকে তিন পদ পরিমিত ভূমি দান অবশ্যই করিব, কোনমতে অন্যথা হইবে না, হে দেব ! আমি আপনার নিদেশবত্তী থাকিয়া স্ত্রী পুত্র গো এবং অন্যান্য ধনসম্পত্তি অথবা ত্রৈলোক্যের আদিপত্য এই ব্রাহ্মণকে প্রদান করিতে কুণ্ঠিত নহি, তিনপদ পরিমিত ভূমি ইহা অপেক্ষা অতি তুচ্ছ। হে দেবরাজ ! যদি আপনার প্রার্থনা পূরণে পরাঙ্গু হই, তাহা হইলে আমার লজ্জাকর একটি প্রবাদ প্রখ্যাত হইবে যে বলিরাজা গৃহাগত ইন্দ্রদেবকে

তিন পদ পরিমিত ভূমি দান করিতে পারেন নাই । যাহা হউক আমার নিকট যে ব্যক্তি অর্থীভাবে উপস্থিত হয় আমি তাহারে সর্বদাই পরম প্রিয়তম জ্ঞান করিয়া থাকি, অদ্য আপনি স্বয়ং আমার নিকট অর্থীভাব প্রকাশ করিতেছেন, ইহাতে আর বিবেচনা কি আছে । বিশেষতঃ হে প্রভো ! আপনি ব্রাহ্মণের নিমিত্ত যাচ্ঞা করিতেছেন, অতএব তিন পদ ভূমি অবশ্যই ইহাঁরে প্রদান করিব ইহাঁরে ত্রিবিষ্টপও দান করিতে পারি ।

হে কৌরবাগ্রগণ্য ! দানবেশ্বর বলি এই প্রকার কহিয়া বিরত হইলে, দৈত্যকুলপুরোধা দানবরাজকে তৎকালোচিত বাক্যে কহিলেন, হে দৈত্যনাথ ! আপনি দানবের রাজা তাহাতে কোন সন্দেহ নাই, ত্রৈলোক্য শ্রীও আপনাতে অধিষ্ঠিতা হইয়া রহিয়াছেন । এই খর্ব্বকায় ব্রাহ্মণকে পদত্রয় ভূমিদান যুক্ত কিম্বা অযুক্ত আপনি ইহার কিছুই জানেন না । হে মহারাজ ! আপনি মন্ত্রীগণের সহিত যুক্তাযুক্তের সমালোচন করিয়াই সমাসব দেবতাগণের পরাজয় সাধন পূর্ব্বক ত্রৈলোক্য রাজ্য লাভ করিয়াছেন, এই তুচ্ছ তিন পদ ভূমিদান কার্য্যেরও যুক্তাযুক্ত বিবেচনা করা কর্তব্য । যদিপি আপনি ইহার কোন বিবেচনা না করিয়া সহসা এই কার্য্যে প্রবৃত্ত হন, তাহা হইলে এই অনুষ্ঠান দ্বারা আপনার দুর্দশা হইবে । বামন-রূপী ব্রাহ্মণকে সামান্য জ্ঞান করিবেন না, ইনি সেই সর্ব্বনিয়ন্তা সনাতন বিষ্ণু আপনারে বঞ্চনা করিবার নিমিত্ত এইরূপ ক্ষুদ্রকায় হইয়াছেন; ইনি আপনার পিতৃহা আপনি সেই পিতৃহাকে দান করিতেছেন, ইহা অতি গর্হিত কৰ্ম্ম । ইনি যে কেবল মাত্র আপনার পিতৃহা তাহাও নহেন

আপনার মাতা বন্ধু প্রভৃতিরেও বিনষ্ট করিয়াছেন, অমুনা  
 আপনার ঐশ্বর্য্য নষ্ট করিতে এইরূপ ছল গ্রহণ করিয়াছেন ।  
 হে দানব ! পরের হিত কামনা দানবের ধর্ম্ম নহে, যেহেতু  
 দানবগণ নিরন্তর গায়াবী ও গায়া দ্বারা ইহারা সর্ব্বত্রই ইচ্ছা-  
 সাধন করিয়া থাকে । অতএব বিষ্ণু গায়াবী দানবগণের বিনা-  
 শার্থে গায়া দ্বারা খর্ব্ব ব্রাহ্মণদেহ পরিগ্রহ করিয়াছেন । হে  
 দৈত্যপতে ! আমি আপনার পুরোধা সর্ব্বথা আপনার হিত-  
 সাধন করাই আমার কর্তব্য কর্ম্ম, আপনারে অধিক আর কি  
 বলিব এই খর্ব্বকে কিছুই দেওয়া কর্তব্য নহে, এ যদি মক্ষিকা-  
 পদপরিমিত ভূমি প্রতিগ্রহ করিতে চায় কদাপি তাহাও প্রদান  
 করিবেন না আমি বিশেষ প্রতীক্ষণ করিয়া দেখিতেছি ইহারে  
 ভূমিদান করিলে, সদ্য বিনষ্ট হইবে । হে বীর ! দৈত্যরাজ  
 বলি স্বীয় গুরুর উপদেশ বাক্য শ্রবণ করিয়া কহিলেন, হে  
 গুরো ! আমি মঙ্গলার্থী হইয়া সমস্ত মঙ্গলকর কার্য্য পরি-  
 জ্ঞাত হইয়াছি প্রতিজ্ঞা পালন করা সনাতন ধর্ম্ম বলিয়া পরি-  
 গণিত । অতএব যদি এই বাগন রূপধর ব্রাহ্মণ স্বয়ং সেই  
 ভগবান্ বিষ্ণু হন, তবে আমার তুল্য ধন্যতর আর কে হইতে  
 পারে ? আরও দেখুন, ভগবান্ বিষ্ণু যদি আমার নিকট এই  
 ত্রৈলোক্য রাজ্য প্রতিগ্রহ করিয়া দেবগণকে ইহা প্রদান  
 করেন, তাহা অপেক্ষা ধন্যতর আর কি আছে । তাহা হইলে  
 আমি দানব হইয়া দেবগণ হইতেও ধন্যতর হইলাম । হে  
 গুরো ! ধ্যান পরায়ণ যোগী ব্রাহ্মণগণ ধ্যানযোগ দ্বারা, যাঁহার  
 দর্শনলাভ করিতে পারে, না, আমি সেই পূর্ব্বকাম বিষ্ণুরে  
 প্রত্যক্ষ করিলাম, অতএব আমার সদৃশ ভাগ্যবান্ আর কে  
 হইতে পারে ? হে গুরো ! যাহারা কুশোদকপাণি হইয়া দান

করে, তাহারা বলিয়া থাকে যে ভগবান্ পরমাত্মা সনাতন  
 বিষ্ণু প্রীত হউন, তাহাদের এই বাক্য উচ্চারিত হইবাগাত্র  
 তাহারা অপবর্গের ভাগী হইয়া থাকে। হে প্রভো ! এই  
 কার্য্যে যদি আমার কোনরূপ বিকল্প দর্শন করেন তাহা হইলে  
 আপনি কালপ্রজ্ঞ আশ্রমে অবস্থাই উপদেশ প্রদান করিবেন,  
 অদিকন্তু হে গুরো ! প্রণিধান পূর্ব্বক আপনার একবার ইহাও  
 দেখা কর্তব্য হইয়াছে যে আমার গৃহে কোন অর্থী আসিলে  
 আমার কোন বিষয়ই তাহারে অদেয় থাকে না, অতএব হে  
 গুরো ! আমি এই সমস্ত চিন্তা করিয়া বাগনদেবকে স্বীয় শ্রাণ  
 এবং স্বর্গধামও প্রদান করিতে উদ্যত হইয়াছি, দেখুন যে বস্তু  
 দান করিতে দাতার পীড়াকর হয়, পরিণামে সেই দানই  
 মোক্ষদায়ক হইয়া থাকে, এই নিমিত্ত এই বাগনের অভিলা-  
 যানুরূপ দান প্রদানে পরাঙ্মুখ হইব না। হে ভীষ্ম ! দৈত্য-  
 রাজ বলির একাগ্রচিত্ততা এবং সেই রূপ বাক্য শ্রবণ করিয়া  
 দৈত্য পুরোহিত মৌনাবলম্বন করিলেন। বলি কহিলেন, হে  
 দেবরাজ ! আপনি আমার নিকট যাচকতা স্বীকার করিয়া-  
 ছেন, আপনি প্রার্থী হইলে নগ্নস্ত ভূমণ্ডল আপনারে প্রদান  
 করিতে পারি, কিন্তু আপনার উপযুক্ত প্রার্থনা হয় নাই,  
 আপনি পদত্ৰয়পরিমিত ভূমি যাচঞা করিয়াছেন, ইহা আমার  
 লজ্জাকর হইয়াছে। হে ভীষ্ম ! দেবরাজ ইন্দ্র বলিরাজের  
 তাদৃশ বাক্যে অপ্রতিভ হইয়া কহিলেন, হে দৈত্যেন্দ্র ! আপনি  
 সত্য কথাই কহিয়াছেন, আমার শ্রায় ব্যক্তির এই প্রার্থনা  
 অতি সামান্য, কি করি, আমি এই খর্ব্বদ্বিজবর কর্তৃক প্রার্থিত  
 হইয়া আপনার নিকট এই সামান্য বস্তু যাচঞা করিতেছি,  
 ইহা দ্বারা এই ব্রাহ্মণ কুমারের বিশেষ উপকার হইবে। হে

দমুপুত্র ! আপনি এই সামান্য প্রার্থনা কেন পূরণ করিতেছেন না, হে বীর ! আমার প্রার্থনানুসারে ত্রাক্ষণেরে তিন পদ ভূমি দান করুন ।

হে রাজেন্দ্র ! অনন্তর দৈত্যরাজ বলি ইন্দ্রদেবকে কহিলেন, হে দেবরাজ ! আপনি স্বয়ং এই বামন ত্রাক্ষণকে তিন পদ ভূমি দান করুন, হে বীর তিনি এইরূপ কহিয়া কুশবারি-স্পর্শ পূর্বক এই বাক্য উচ্চারণ করিলেন যে আগার এই ভূমি দান দ্বারা ভগবান্ হরি স্বয়ং প্রীত হউন ।

হে ভূপালচূড়ামণে ! দৈত্যরাজ বলি দেবরাজ ইন্দ্রের অভিমতানুসারে মস্ত্রোচ্চারণ পূর্বক বামন রূপ ধর ত্রাক্ষণকে এইরূপে তিন পদ ভূমি দান করিলে হ্রস্বকায় ভগবান্ হরি দেবতাগণের হিত কামনা বশম্বদ হইয়া তৎক্ষণাৎ অবামন মূর্তি পরিগ্রহ পূর্বক সমস্ত লোক আক্রমণ করিলেন । হে বীর ! সেই সনাতন বিষ্ণুদেব যজ্ঞ পর্বত অবলম্বন পূর্বক উত্তর মুখে অবস্থিত হইয়া সমস্ত জগৎ স্বীয় পদ দ্বারা আক্রমণ করিয়া ফেলিলেন, তাঁহার বাগপদে সমুদায় ভূলোক পরিব্যাপ্ত হইল । হে পার্থিব ! সেই অদ্ভুতকর্মা হরি দ্বিতীয় পদ দ্বারা ধ্রুবলোক আক্রমণ পূর্বক তৃতীয় চরণে সমস্ত ত্রাক্ষাণ্ড তাড়ন করিবামাত্র, তাঁহার অঙ্গুষ্ঠাঙ্গুলির আঘাতে অণ্ডকটাহ ভিন্ন হইয়া ভুরি ভুরি মলিলরাশি নির্গত হইতে থাকিল । এবং সেই অণ্ডকটাহিনির্গত জলরাশি ত্রাক্ষলোক প্লাবিত করিয়া ক্রমে ক্রমে সমস্ত লোকে পরিব্যাপ্ত হইল । যাহা হউক, ঐ জলরাশি ধ্রুব স্থান ও সূর্যালোক প্রভৃতি সমুদায় লোক এবং যজ্ঞপর্বত প্লাবিত করিয়া পুষ্কর মধ্যে প্রবিষ্ট হইল, সেই মলিল হইতেই দিম্বুপদোদ্ভবা গঙ্গাদেবী দিম্বুপদী নামে

বিখ্যাতা হইয়া আবিভূতা হইয়াছেন। হে বীর ! অণ্ডকটাহ নির্ভিন্ন জলরাশি পুষ্করতীরে যে যে স্থানে প্রবিষ্ট হইয়াছে, অক্টমী তিথিতে তথায় গমন করিয়া বাহ্য স্নান করিলে অশ্ব-  
মেধ যজ্ঞফল লাভ হইয়া থাকে। যে ব্যক্তি ইহার অনুষ্ঠান করে, সে একবিংশতি কুলের সহিত বৈকুণ্ঠলোক প্রাপ্ত হয়।  
তথায় তিনশত কল্পকাল বিপুল ভোগ উপভোগ করিয়া, অবশেষে সার্বভৌমাধিপত্য লাভ পূর্বক ভূতলে জন্মগ্রহণ করিয়া থাকে। হে ভীষ্ম ! ভগবানের অঙ্গুষ্ঠাশ্রবিনিঃসৃত্য সেই তোয়দারা বিষ্ণুপদীনদী বলিয়া বিখ্যাতা হইয়াছে, অপর-অনেক কারণ বশতঃ এই মলিল হইতে বিষ্ণু পদৌ গঙ্গা প্রাহুভূতা হইয়াছেন। হে নৃপ ! সেই শুভজল তৎ-  
কালে যথাযথা প্রবিষ্ট হইয়াছিল, তাহাই বিষ্ণুপদী বলিয়া উক্ত হইয়াছে। হে মহাভাগ ! ভগবান্ বিষ্ণু সকলের প্রতি অনুগ্রহ করিয়া বিষ্ণুপদৌ নদীর জল সচরাচর ত্র্যক্ষাণ্ডে ব্যাপ্ত করিয়া ফেলিলেন। এইরূপে সমস্ত ত্র্যক্ষাণ্ড পবিত্র হইলে বাগন বৈশ্বদেব বিষ্ণু দৈত্যনাথ বলিরে কহিলেন, হে বাস্কলে ! তোমার দানে আমার দুই ক্রম পূর্ণ হইয়াছে, অধুনা তৃতীয় ক্রম পূর্ণ কর। হে ভীষ্ম ! দৈত্যপতি বলি বামনের বাক্যে কোন প্রত্যাত্তর করিতে না পারিয়া মৌনাবলম্বন করিয়া অধোমুখে অবস্থিতি করিতে লাগিলেন। তখন তাঁহার পুরোধা এইরূপ বাক্যে তাঁহারে বলিলেন, হে দেব বাস্কলে ! আপনার যে যে স্থলে আধিপত্য ছিল, আপনি সে সমুদায় উৎসর্গ করিয়াছেন এক্ষণে আর কি করিবেন। হে বীর ! দৈত্যরাজ বাস্কলি পুরোহিত বাক্যের গুঢ় অভিপ্রেতি বিদিত হইয়া কহিলেন, হে ভগবন্ ! যে পরিসীমিত ভূমিতে আমার অধিকার বিদ্য-



মান আছে আমি সে সমুদায়ই আপনাকে প্রদান করিয়াছি  
 আপনি প্রণিধান করিয়া দেখুন আমি কিঞ্চিন্মাত্র বস্তুও গোপন  
 করিয়া রাখি নাই । বিশেষতঃ দানকর্ম প্রভুর ক্ষমতা সাধ্য  
 তাহার অতীত হইলে কোন মতে নির্বাহ হইতে পারে ন',  
 যদি আমার কোন ক্ষমতা থাকে প্রকাশ করুন আমি সমস্ত  
 ক্ষমতাই আপনারে সমর্পণ করিয়াছি । 'হে ভীষ্ম ! বাস্কলির  
 তাদৃশ বাক্য শ্রবণ করিয়া ভগবান্ বিষ্ণু নিরুত্তর হইলেন,  
 আর এক ক্রমমিত দান প্রার্থনা করিতে পারিলেন না, বরং  
 সেই সত্যবাদী বলিলে সম্বোধন পূর্বক কহিলেন, হে দানব  
 প্রধান ! অধুনা আমি তোমার কি প্রিয়ানুষ্ঠান করিব বন ?  
 হে মানদ ! তুমি মদীয় হস্তে শরীর ন্যস্ত পূর্বক এই মহৎ  
 কার্য করিয়াছ একারণ তুমি বর গ্রহণের যোগ্য পাত্র, আপ-  
 নার অভিলাষানুরূপ বর প্রার্থনা কর । হে বীর ! ভগবান  
 বিষ্ণু প্রীত হইয়া এইরূপ কহিলে, বাস্কলি কৃতার্থ হইয়া  
 বামনদেবের প্রীতি সমুদ্ভাবন করত কহিলেন, হে দেবদেব !  
 আপনি প্রীত হইয়া আমারে বরদান করিতে উদ্যত হইয়া-  
 ছেন, তবে আমার প্রতি প্রসন্ন হইয়া এই বর প্রদান করুন,  
 তপস্বীগণ যে শ্বেতদ্বীপের দর্শন লাভ করিতে পারেন না,  
 আমি আপনার রূপায় যেন তথায় অধিবাস করিতে পারি ।  
 হে ভীষ্ম ! দৈত্যগতি বলি এইরূপ ছুফর প্রার্থনা করিলে  
 ভগবান্ বিষ্ণু কহিলেন, হে বাস্কলে ! তুমি যুগান্তর কাল  
 অপেক্ষা কর । যৎকালে আমি বরাহরূপ ধারণ করিয়া পাতাল  
 তলে প্রবিষ্ট হইব, সেই সময় তোমারও বরসাধন করিব,  
 তুমিও মদীয় দেহে লয় প্রাপ্ত হইবে তাহা হইলে তোমার  
 কামনা সিদ্ধি হইবে, হে বীর ! এতাবৎকাল অপেক্ষা করিয়া

থাক। তিনি দানবেন্দ্র বলিরে এইরূপ কহিয়া অন্যান্য দানব সকলকে তথা হইতে নিরাকৃত করিলেন, এবং সেই বিভূ বাসন দেবগণকে পুনরায় ত্রৈলোক্যভার যথাযথ প্রদান পূর্বক তথা হইতে অন্তর্হিত হইলেন। দমুনাথ বাস্কলিও পাতালতল আশ্রয় করিলেন। ঘীমান্ দেবরাজও পরম স্তখে ভুবনত্রয় পালন করিতে লাগিলেন।

হে কুরুদ্বহ! জগদগুরু ভগবান্ নারায়ণ এই প্রকার ত্রিবিক্রম বামন রূপে প্রাদুর্ভূত হইয়াছিলেন, তাঁহার পদ-ত্রয় হইতে গঙ্গাদেবী উৎপন্ন হইলেন, ইহার নাগমাত্র উচ্চারণ করিলে সমুদার কলুম ধ্বংস হইয়া যায়। হে নৃপ! ভগবান্ বিষ্ণুর চরণ হইতে যেক্রমে গঙ্গার উৎপত্তি হইয়াছে, তোমার নিকট তাহা কীর্তন করিলাম, ইহা যথামুরূপ শ্রবণ করিলে সমস্ত পাপ মুক্ত হইয়া যায়। বিষ্ণুপদী ত্রয়ীতে দর্শন করিলে, শীঘ্র ছঃস্বপ্ন, দুশ্চিন্তা এবং দুষ্কৃতি নষ্ট হয়। পুঙ্করে এই যজ্ঞ পর্বত দর্শন করিলে প্রাণীগণ ও জন্তু সমুদায় সংসার বন্ধন হইতে পরিত্রাণ পাইয়া থাকে। হে ভীষ্ম! ভগবান্ বিষ্ণুর পদদর্শন অতি সৌভাগ্যকর, যে মানব গোঁরাবলম্বন পূর্বক ইহার উপর অধিরোহণ করে তাহার সর্বসৌভাগ্য লাভ হয়। এই ত্রিপুঙ্করী যাত্রা করিলে অশ্বমেধ যজ্ঞের ফল লাভ হয়। পাপরাশি তাহার শরীর স্পর্শ করিতে পারে ন', এবং পরিণামে বিষ্ণুপুরে বাস হইয়া থাকে।

## উনত্রিংশ অধ্যায়

ভীষ্ম কহিলেন, হে ভগবন্ পুলস্ত্য ! দৈত্যরাজ বাস্কলির বন্ধন অতি আশ্চর্য্যকর । ভগবান্ ত্রিবিক্রম বামন যে প্রকারে বলিরে বন্ধন করিয়াছিলেন, ব্রাহ্মণসত্তমগণের প্রমুখ্যৎ তাহা আমার শ্রুত হইয়াছে বিরোচন নন্দন বলি অদ্যাপিও পাতালে বসতি করিতেছেন, এই সমুদায় বিষয় যথায়থ বর্ণনা করুন । হে গুরো ! আর যে প্রকারে নাগভীর্ষের উদ্ভব হইয়াছে, পিশাচগণ যেরূপে উৎপন্ন হয়, কিরূপেই বা শিবদূতী প্রাহুভূতা হইলেন, এবং তিনি কি কারণেই বা ক্লেমঙ্করী বলিয়া উদাহৃত হইয়া থাকেন, হে মহাগুনে ! কি হেতু অন্তরীক্ষে পুঙ্করে ভীর্ষ নির্গীত হইয়াছে এবং যে প্রকারে দৈত্যরাজ বলির বন্ধন সংঘটিত হইয়াছিল, হে শ্রোতা ! দেবদেব বিষ্ণু যেরূপে ভূমি আক্রমণ করিয়াছিলেন, অনুগ্রহ করিয়া এই সমুদয় আমার নিকট বর্ণন করুন, ইহা শ্রবণ করিলে সমুদায় পাপরাশি বিনষ্ট হইয়া থাকে, মঙ্গলাকাঙ্ক্ষী ব্যক্তিগণ সর্বদা ইহা শ্রবণ করিতে বাধ্য হইয়া থাকেন ।

পুলস্ত্য কহিলেন, হে রাজন্ ভীষ্ম ! তুমি কৌতুকাক্রান্ত হইয়া যে প্রশ্নভাব প্রকাশ করিলে, সে সমুদায় আনুপূর্ব্বিক তোমার নিকট কীর্তন করিতেছি । হে নৃপসত্তম ! ভগবান্ বিষ্ণুর অনুসঙ্গেই বলির বন্ধন হইয়াছিল এ সমুদায় পূর্বে তোমাতে যথায়থ বলিয়াছি, তুমিও আমার নিকট এই উপা-

খ্যান শ্রবণ করিয়াছি। হে ভীষ্ম ! পুনরায় বৈবস্বত মন্বন্ত  
কাল প্রাপ্ত হইলে বৈরোচনি বলি ত্রৈলোক্য আক্রমণ ক  
বেন, তখন প্রভবিষ্মু বিষ্ণু বামন রূপে পরিগ্রহ করিয়  
একাকী বলি যজ্ঞে উপস্থিত হইয়া বলিরে বন্ধন করিবেন  
হে নরাধিপ ! এই প্রকারে পুনরায় বামনের প্রাদুর্ভাব হইবে  
তিনি বামন হইয়াও অবামন রূপে ত্রিবিক্রম দ্বারা দেবকার্য্য  
সাধন করিবেন। হে কুরুনন্দন ! তোমাতে এই সমুদায় কহি  
য়াছি অধুনা নাগগণের তীর্থ বিসম্ভ্রম শ্রবণ কর।

হে মহাব্রত ! অনন্ত, বায়ুকি, মহাবল তক্ষক, কর্কোটর,  
পদ্ম, মহাপদ্ম, শঙ্খ, অপরাজিত কুলীর প্রভৃতি বহুতর নাগ-  
গণ মহর্ষি কশ্যপের বংশে উৎপন্ন হইয়াছিলেন। ইহারা সে  
সমস্ত নাগসন্তান উৎপাদন করিয়াছিলেন, তাহা দ্বারা প্রায়  
সমুদায় জগৎ পরিপূর্ণ হইয়াছিল। ইহারা সকলেই ভীমকর্মা  
ভীষ্ণুশ্রোত্র বিশিষ্ট এবং সকলেই অতিশয় বিষোন্মগ্ন। হে  
নরাধিপ ! এই সমুদায় নাগতনয় মনুষ্যগণকে দর্শন করিবামাত্র  
ভয়ানক করিয়া ফেলিত। ইহারা এরূপ ভয়ানক হইয়াছিল যে  
ইহাদের দর্শনেই মানুষগণ হতপ্রাণ হইয়া যাইত। পরম  
দারুণ নাগগণ এইরূপে অহরহ প্রজাক্ষয় আরম্ভ করিলে,  
সমস্তাৎ প্রজা সকল নিরন্তর আপনাদের ক্ষণতা দেখিয়া  
শরণা ত্রক্ষার শরণাপন্ন হইল। হে মহীপতে ! প্রজাগণ এই-  
মাত্র অর্থনির্দেশ করত কহিতে লাগিল। প্রজাগণ কহিল, হে  
দেবদেব ! আপনি এই লোক সকলের স্বয়ং প্রকৃতি, আপ-  
নিই পরমেশ্বর, আমাদের স্রষ্টা ও পাতা, হে বিভো ! আমরা  
ভীষ্ণুদংশে ভূজসমগণ দ্বারা ভীত হইয়াছি, আপনি আমা-  
দিগকে এই বিপদ হইতে পরিত্রাণ করুন। হে প্রভো ! এই

রাজা নাগগণ অহরহ আমাদিগকে ভক্ষণ করিতেছে, হারা মনুষ্য ভূরগ প্রভৃতি পশুদিগকে প্রায় নিঃশেষিত করিয়া ফেলিল। হে পিতামহ ! আপনি যাবতীয় প্রাণিপুঞ্জের হৃষ্টি করিয়াছেন কিন্তু অধুনা ভূজঙ্গ দ্বারা আপনার সৃষ্টিক্ষয় হইতেছে, বিবেচনা করিয়া ইহার যথোচিত বিধান করুন। হে বীর ! লোক বিধাতা ব্রহ্মা সমুদায় প্রজাগণের প্রমুখাং নাগের দৌরাত্ম্য অবগত হইয়া কহিলেন।

ব্রহ্মা কহিলেন, হে প্রজাগণ ! আমি অচিরাৎ তোমাদের এই ভয় নিবারণ করিতেছি, তোমরা নিঃসংশয়ে স্ব স্ব নিকেতনে গমন কর, অদ্য হইতে অবশ্যই আরোগ্য লাভ করিবে। হে ভীষ্ম ! অব্যক্তরূপী ভগবান্ ব্রহ্মা এইরূপ কহিলে সমস্ত প্রজাগণ পরম প্রীতি সহকারে স্ব স্ব স্থানে গমন করিল। এদিকে সমুদায় প্রজাগণ গমন করিলে প্রজাপতি ব্রহ্মা বাহুকি-প্রমুখ নাগগণকে আহ্বান করত ক্রোধ সহকারে অভিসম্পাত করিলেন। ব্রহ্মা কহিলেন, হে নাগগণ ! তোমরা যেমন প্রতিদিন মনুষ্য সকলের ক্ষয়সাধন করিতেছ, কিছুই মমতা করিতেছ না, তোমাদের এই অত্যাচারের ফল শীঘ্র প্রাপ্ত হইবে। সোমবংশোদ্ভব রাজা জনমেজয় সর্পসত্তে প্রদীপ্ত হুতাশনে তোমাদিগকে দগ্ধ করিবেন। আর স্বীয় মাতৃবৈর স্মরণ পূর্বক পুষ্কীরাজ গরুড়ও অনুক্ষণ তোমাদিগকে ভক্ষণ করিবেন। এই প্রকারে সমুদায় দুর্জনাগগণ বিনষ্ট হইবে সন্দেহ নাই। হে ভীষ্ম ! জগদ্যোনি ব্রহ্মা নাগগণের প্রতি এইরূপ অভিশাপ প্রদান করিলে, ভূজঙ্গমগণ সাত্বিশয় শিধ্যমান ও তাঁহার চরণতলে নিপতিত হইয়া এইরূপ কহিতে লাগিল, হে ভগবন্ ! হে সুরস্রোত ! আমরা আপনার দ্বারাই

এইরূপ কুটিল স্বভাব প্রাপ্ত হইয়াছি, আপনিই আমাদিগকে কুরতা, বিগোল্গতা ও দংশকতা সম্পন্ন করিয়াছেন; অতএব হে বিভো! অধুনা আপনি আমাদিগকে কি কারণে অভিশপ্ত করিতেছেন? ব্রাহ্মা কহিলেন, হে পন্নগগণ! আমিই তোমাদিগকে কুটিলায়ণ করিয়া সৃষ্টি করিয়াছি বটে কিন্তু এই কারণে কি তোমরা নির্দয় হইয়া নিত্য মনুষ্যদিগকে ভক্ষণ করিবে? নাগগণ কহিল হে দেব! আপনি অনুগ্রহ করিয়া আমাদের তথা মানুষ সকলের পৃথক্ পৃথক্ মর্যাদা ও পৃথক্ পৃথক্ সময় নির্দেশ করিয়া দিন। হে লোকেশ! আপনি আমাদের প্রতি ক্রুদ্ধ হইয়া, রাজা জনমেজয় সর্পসত্ত্বে তোমাদিগকে বিনাশ করিবেন, এইপ্রকার অভিশাপ প্রদান করিয়াছেন। হে দেব! প্রসন্ন হইয়া ইহার উপায় অবধারণ করুন।

ব্রাহ্মা কহিলেন, হে নাগগণ! জরৎকার নামে কোন ব্রাহ্মণ সন্তান বিখ্যাত হইবেন, তোমাদের ভগিনী জরৎকার তাঁহার ভাৰ্য্যা হইবে। সেই জরৎকার যজ্ঞপরায়ণ আন্তিক নামে যে পুত্র প্রসব করিবে, সেই ব্রাহ্মণই এই ভয় হইতে তোমাদিগকে রক্ষা করিবে, সন্দেহ নাই। আর সেই আন্তিক ব্রাহ্মণই তৎকালে মনুজদিগের সহিত তোমাদের মহৎ সময় অবধারণ করিবে। হে পন্নগগণ! অধুনা তোমরা একমনা হইয়া আমার শাসন শ্রবণ কর, আমি সন্তুষ্ট হইয়া ঋতমৌলী, নয়, ও হর্যাক এই তিন গৃহ তোমাদিগের বাসের উপযোগী করিয়া দিলাম, তোমরা তথায় সুখে অবস্থান করিতে থাক, আমি তোমাদিগের আরও বহুবিধ ভোগ্য নির্ণয় করিয়া দিতেছি, তোমরা আমার শাসনাধীন থাকিয়া যত দিন সেই

মহাত্মা জনমেজয়ের শাগিন সমাগত না হয় ততদিন ঐ স্থানে সাবধান হইয়া থাক। অনন্তর যৎকালে বৈবস্বত মন্বন্তরের আদিতে তোমরা কশ্যপের দায়াদ হইবে সেই সময় সমস্ত দেবতা তথা ধীসম্পন্ন সুপর্ণের সহিত তোমাদের দায়াদত্ব থাকিবে। হে পদ্মগগণ ! ঐ সময়ে রাজা জনমেজয়ের যজ্ঞে হত্যাশন চিত্রভামু তোমাদিগকে ভক্ষণ করিতে থাকিবেন এবং তোনরা অতিক্রমে ঐ বিপদ হইতে উত্তীর্ণ হইবে। এই প্রকারে তোমাদের অব্যাহতি লাভ হইবে সন্দেহ নাই। হে ভীষ্ম ! বিষোদ্বাণ নাগগণ লোকপিতামহ চতুৰ্ম্মুখ ব্রহ্মার নিকটে শাপ এবং প্রসন্নতা এই উভয় যুগপৎ লাভ করত দুঃখিতাহুঃকরণে পাতাল ভবনে গমন করিল। হে ভারত ! অনন্তর কিয়ৎকাল অতীত হইলে, তাহারা পরস্পর এইরূপ চিন্তা করিতে লাগিল, দৈববশে মহাবিশা জনমেজয় আমাদের কুলনাশক হইয়া অবশ্যই পাণ্ডববংশে অবতীর্ণ হইবেন। হায় আমাদের এই বিপদ হইতে কে উদ্ধার করিবে। এবং সেই জগদ্যোনি ত্রিভুবনের অধিপতি সমস্ত লোকের পিতামহ সৃষ্টিকর্তা হইয়াও কি কারণে আমাদের এইরূপ গুরুতর অভিশাপ দিলেন। সেই বিরাটরূপী ব্রহ্মা ইদানী পুষ্করতীরে বজ্রে দীক্ষিত হইয়াছেন, সকলে মিলিত হইয়া তথায় গমন করি, তাহারে প্রসন্ন করিতে পারিলে তিনি ভূমি হইয়া অবশ্যই আমাদের এই শত বর প্রদান করিবেন। হে ভারত ! ভুজঙ্গগগণ এইরূপ পরামর্শ করিয়া সত্তরসেই ত্রিপুষ্কর মধ্যে সমাগত হইল, এবং তথায় যজ্ঞপৰ্ব্বত প্রাপ্ত হইয়া শৈলভিত্তিরে আশ্রম করিয়া রহিল। হে কোরব ! লোকনাথ ব্রহ্মা সমুদায় নাগগণকে ক্লান্ত দেখিয়া তাহাদের ক্লেশ মোচ-

নার্থে এইরূপ উপায় করিলেন যে সর্বস্বত্বপ্রদ শীতল বারি-  
ধারা সহসা উদঙ্ঘুখে নিজ্জান্ধা হইয়া শ্রান্ত নাগগণের উপর  
পতিত হইতে লাগিল । ঐ সমুদায় জলরাশি ভূমণ্ডলে নাগ-  
তীর্থ বলিয়া বিখ্যাত হইয়াছে । কেহ কেহ ইহাৱে নাগকুণ্ড  
বলিয়া থাকে, কেহ বা নাগসরিং বলিয়া ব্যাখ্যা করে, যাহা  
হউক, এই নাগতীর্থ অতিশয় পুণ্যজনক ও সমস্ত নাগের  
বিষনাশক হইয়াছে । যে মানব পঞ্চমী তিথিতে ভক্তিপূর্বক  
এই নাগতীর্থে স্নান করে, সর্পগণ কদাচ তাহার বংশে পীড়া  
প্রদান করে না । হে মানদ ! যে মানব এই নাগকুণ্ডে পিতৃ-  
লোকের শ্রাদ্ধ করে, লোক বিধাতা ব্রহ্মা তাহার প্রতি সন্তুষ্ট  
হইয়া তাহারে পরম স্নান প্রদান করেন সন্দেহ নাই । লোক-  
পিতামহ ব্রহ্মা তাহার প্রতি সন্তুষ্ট হইয়া তাহারে পরম স্নান  
প্রদান করেন সন্দেহ নাই । লোকপিতামহ ব্রহ্মা এইরূপে  
নাগগণকে বিগতভয় করিয়া পুনরায় সেই পূর্বোক্ত বাক্য  
শ্রবণ করাইলেন । যাহা হউক, এই পঞ্চমী তিথি অতিশয়  
পবিত্র, সর্বপাপহর ও শুভ বলিয়া কীর্তিত হইয়াছে যেহেতু  
ঐ তিথিতে নাগগণের প্রিয়কার্য্যের অনুষ্ঠান হইয়া থাকে ।  
এই দিবসে কটু ও অম্ল ভোজন পরিত্যাগ করিবে । এই  
তিথিতে ক্ষীর দ্বারা নাগগণের পূজা করিলে পরম নিৰ্ব্বতি  
লাভ হইয়া থাকে ।

ভীষ্ম কহিলেন, হে গুরো ! নাগতীর্থের বিবরণ শ্রবণ  
করলাম, এক্ষণে দেবী শিবদূতী যেখানে গমন করিয়াছেন  
এবং যাহাতে বিনিবেশিতা হইয়াছেন সেই সমুদায় যথাবিধি  
বলিতে আজ্ঞা হউক ।

পুলস্ত্য কহিলেন, হে ভীষ্ম ! কোন সময়ে শিবা তপস্যায়



পুত্ৰগানস হইয়া নীলগিরি আশ্রয় করিলেন। রৌদ্রীর তপঃ-  
প্রভাবে যেরূপে শক্তি শিবদূতী উৎপন্ন হইয়াছিলেন, সেই  
কৌতুকাবহ ব্যাপার শ্রবণ কর ।

হে বীর ! ভাবিনী শিবা আমি কি প্রকারে চিরকাল এই  
অখিল ব্রহ্মাণ্ড পালন করিব এইরূপ চিন্তাপরতন্ত্র হইয়া  
পঞ্চাগ্নিসাধন দ্বারা দুষ্কর তপস্যাচরণ করিতে লাগিলেন ।  
সেই দেবী উত্তম তপস্যারস্ত করিয়া কালান্তর অতিবাহিত  
করিয়া ফেলিলেন । সেই সময়ে মহাতেজস্বী রুরু নামক  
কোন দানব ব্রহ্মায় বরপ্রভাবে দুর্দান্ত হইয়া সমুদ্র মধ্যবর্তী  
রক্তাখ্য পুর মধ্যে বাস করিতে লাগিল । হে ভীষ্ম ! দৈত্যেন্দ্র  
রুরু সমস্ত দেবতাগণেরও ভয়ঙ্কর হইয়া ঐ পুরমধ্যে স্বায়  
রাজ্য সংস্থাপন করিল । তৎকালে শত শত সহস্র সহস্র  
কোটি কোটি দানবগণ মিলিত হইয়া দ্বিতীয় নমুচিদানবের  
অ্যায় শ্রীমান্ রুরুর সেবায় নিযুক্ত হইল । হে বীর ! এই  
প্রকারে কিছুদিন অতীত হইলে দুর্গ রুরুদানব লোকপাল-  
দিগকে পরাজয় করিবার নিমিত্ত সমস্তমৈন্যে পরিবৃত্ত হইয়া  
যুদ্ধার্থে উপস্থিত হইল ।

অনন্তর দেবগণ স্বীয় স্বীয় অস্ত্র গ্রহণ পূর্বক তাহার  
সহিত দুই বৎসর কাল ঘোরতর যুদ্ধ করিতে লাগিলেন ।  
দুর্ধ্ব রুরু সেই যুদ্ধে অসুরগণকে বিনষ্ট করিতে লাগিল ।  
হে ভীষ্ম ! দেবগণ এইরূপে পরাজিত হইলে, বীর্যবান্ অস্ত্র  
সকল বিবুধগণের প্রতি ধাবিত হইতে লাগিল । তৎকালে  
সেই সমস্ত দেবতাই ভয়ে বিহ্বল হইয়া ইতস্তত ধাবমান  
হইতে থাকিলেন । পরে তাঁহারা যেখানে স্বয়ং শিবানী  
রৌদ্রী দেবী গাঢ় তপস্যা অবলম্বন পূর্বক স্থিতি করিতেছেন

সেই নীলপৰ্বত মধ্যে উপস্থিত হইলেন । হে কোরব ! সেই দেবী সংহারকারিণী বলিয়া বিখ্যাতা হইয়া থাকেন, তাঁহারেই কালরাত্রি বলিয়া জানিবে । প্রফুল্লোৎফুল্ললোচনা দেবী শিবা সমস্ত বিবুধগণের তাদৃশ দুঃবস্থা দর্শন করিয়া বিস্ময়বৃত্তা হওত দেবতাগণের সেইপ্রকার দুর্দশা হইবার কারণ জিজ্ঞাসা করিলেন । কহিলেন, হে দেবগণ ! তোমাদের পশ্চাতে ত কোন ভয়ের চিহ্ন দেখিতে পাই না । তবে কি নিমিত্ত ইন্দ্র-প্রমুখ দেবতাগণ ভয়ান্ত হইয়া দৌড়িয়া আসিলে ?

দেবতারা কহিলেন, হে দেবি ! আমাদের ভয়ভীতির কারণ শ্রবণ করুন, ভীমপরাক্রম দৈত্যনাথ রুরু চতুরঙ্গ সেনায় পরিবৃত্ত হইয়া এই আমাদের পশ্চাতে আসিতেছে, আমরা তাহা হইতেই ভীত হইয়া আপনার শরণাগত হইয়াছি, আপনি আমাদের এই ভয় অপনোদন করুন । হে ভীষ্ম ! দেবী শিবা দেবগণের সেই কাতরোক্তি শ্রবণ করিয়া হাস্য করিলেন । তাঁহার সহাস্য বদনকমল হইতে এক শক্তি নির্গতা হইলেন । তাঁহার হস্ত পাশ অক্ষুশ শূলাদি সমস্ত অস্ত্রে সংযুক্ত ছিল ; ভীমদংষ্ট্রা বন্ধোদ্ধমুখুট। সেই দেবী দুর্দান্ত অস্ত্রদিগকে সমাগত দেখিয়া সন্দেহদশনচ্ছদা হইয়া ফেৎকাররাবে দানবগণকে সম্ভ্রাসিত করিতে লাগিলেন । হে বীর ! কোন কোন দেবী শুক্রাস্ত্র পরিধানা কেহ বা চিত্রবস্ত্র-বিভূষিতা কেহ বা সুনীলবসনারূতা অন্যে রক্ত পীত প্রভৃতি নানা বসন পরিবৃত্তা হইয়া দেবীর সমস্তাৎ পরিব্যাপ্ত হইল । এই সমুদায় শক্তিগণ নানাবিধ দেহ এবং নানাপ্রকার যুধ ধারণ পূর্বক দেবতাগণকে অভয় দান করিতে লাগিল । হে কোরব ! রৌদ্রীশিবা এই অদ্ভুতাকারসম্পন্ন অদ্ভুতবীৰ্য্যা

শক্তিগণে পরিবৃত্তা হইয়া, হে দেবতাগণ ! ভীত হইও না, তোমাদের সর্বত্র কুশল হউক, আর তোমাদের কোন চিন্তা নাই এইরূপ কহিলেন । এদিকে দৈত্যনাথ রুর অমরগণকে পলায়নপন্ন নিরীক্ষণ করিয়া তাঁহাদের গমনপথের অনুসরণ পূর্বক চতুরঙ্গ বলের সহিত মিলিত হইয়া সেই নীল পর্বত মধ্যে উপস্থিত হইল, এবং তথায় দেবদেবীসমাকুল দেব-সৈন্য অবলোকন করিয়া দৈত্যগণ তাহাদিগকে তিষ্ঠ তিষ্ঠ এইরূপ কহিতে লাগিল, হে বীর ! অনন্তর সেই সমুদায় অস্ত্রগণ ও দেবীগণের পরস্পর মহাভয়ঙ্কর যুদ্ধ আরম্ভ হইল । ঐ যুদ্ধে দৈত্যগণ নারাচাক্ষে বিদ্ধ হইয়া ভয়ার্ত্ত হইল, সর্পগণ যে প্রকার দণ্ডাঘাতে প্রভগ্ন হয়, তদ্রূপ ভগ্নপ্রায় হইয়া পড়িল । যাহা হউক সেই যুদ্ধে শক্তি দ্বারা কাহার হৃদয় নির্ভিন্ন হইল এবং গদা প্রহারে কাহারও বক্ষঃস্থল চূর্ণ হইয়া গেল । হে ভীষ্ম ! রৌদ্রীদেহসমুৎপন্ন দেবীগণ কুষ্ঠারামাতে কোন কোন অস্ত্রের শিরশ্ছেদন এবং মূল দ্বারা কাহারও মস্তক বিদ্ধ করিয়া ফেলিলেন । যাহা হউক শক্তিগণের ত্রিশূল-লাগ্ন দ্বারা দৈত্য সৈন্যগণের গ্রীবা উরু প্রভৃতি ভিন্ন হইয়া অশ্ব, রথ, মাতঙ্গ ও পদাতি সকল ভূতলশায়ী হইল । তৎকালে রুর ব্যতিরিক্ত প্রায় সমুদায় দানবগণ রণভূমে নিপতিত হইয়া গেল । এইরূপে দৈত্যবল নিহত হইলে অস্ত্রপতি রুর আপনার বলকয় দেখিয়া মায়া সৃষ্টি করিল । এবং সেই আত্মরিক মায়া দ্বারা রণস্থলে সেই সমুদায় দেব দেবী-গণকে মোহিত করিয়া ফেলিল । রৌদ্রীশিবা সেই সমুদায় দেবদেবীগণকে অস্ত্রমায়ায় সগাচ্ছন্ন দেখিয়া সেই আত্মরিক মায়া নিবারণ করিলেন । তদনন্তর স্বীয় মহাশক্তি অস্ত্র দ্বারা

রুদ্রেরে তাড়না করিলেন। হে রাজেন্দ্র ! দৈত্যপতি রুদ্র সেই যুদ্ধে দেবী কর্তৃক তাড়িত হইয়া ভয়ঙ্কর শব্দে চীৎকার করিতে লাগিল। এবং স্বীয় দানবী মায়া বিনষ্ট হইল দেখিয়া সংগ্রাম পরিহার পূর্বক শীঘ্র পাতাল তলে প্রবিষ্ট হইল। পরমেশ্বরী রৌদ্রী দেবী ক্রুদ্ধা হইয়া সেই সমুদায় দেবীগণে পরিবৃত্তা হইয়া পাতালভবনে রুদ্রের সম্মুখে উপস্থিত হইলেন।

হে ভীষ্ম ! দেবীর বদননোৎপল্লব শক্তি সকল ক্ষুধায় কাতর হইয়া রৌদ্রী শিবারে কহিলেন, হে দেবি ! হে শুভে ! আমরা অতিশয় বুদ্ধিজিত হইয়াছি, আমাদেরকে ভোজন প্রদান করুন। দেবীগণ এইরূপ কহিলে, শিবা তাহাদিগকে ভোজন সামগ্রী প্রদান করিলেন। যখন ঐ সমুদায় ভোজন করিয়া তাহাদের অভিলাষ পূর্ণ হইল না, তখন তিনি পশুপতি মহাদেব রুদ্রদেবকে ধ্যান করিলেন। ত্রিলোচনা বিড়ু কৃপাপরবশ হইয়া ধ্যানমাত্রই তথায় উপনীত হইয়া দেবীরে কহিলেন, তোমার কি প্রিয় অনুষ্ঠান করিতে হইবে বল। হে বরারোহে ! তোমার মনোগত অভিলাষ কি সত্ত্বর প্রকাশ কর। শিবদূতী কহিলেন, হে দেব ! এই সমুদায় দেবী ক্ষুধায় কষ্ট পাইতেছেন, আপনি অনুগ্রহ করিয়া ইহাদের ভক্ষণার্থে কিঞ্চিৎ মাংস প্রদান করুন। হে ভীষ্ম ! দেবী শিবদূতী এইরূপ প্রার্থনা করিলে ভগবান্ রুদ্রদেব কহিলেন, হে দেবি শিবদূতী ! এই দেবী সকলের একটি ভক্ষণোপায় বলিতেছি শ্রবণ কর। যুগান্তর সমাগত হইলে গঙ্গাদ্বারে এক যজ্ঞ আরম্ভ হইবে। আমার গণ সমুদায় সেই যজ্ঞ ধ্বংস করিয়া ফেলিলে যজ্ঞ যুগরূপ ধারণ করিয়া বেগে

পলায়ন করিতে থাকিবে। সেই সময়ে আমি তাহারে বাণ দ্বারা বিদ্ধ করিলে সেই নজ্জ রুধিরে সিঞ্চিত এবং অঙ্গগন্ধ-যুক্ত হইবে। তখন দেবতাগণ আমার ঐরূপ একটি নাগ কীৰ্ত্তন করিবে। আমি এই দেবীগণের ভোজন নির্দেশ করিলাম। হে দেনি ! ইহাদের নিমিত্ত আর একটি ভোজন নিরূপিত করিয়াছি। হে দেবেশি ! যে স্ত্রী গৰ্ভবতী হইয়া অন্য স্ত্রীর পরিধেয় পরিধান করে কিম্বা স্পর্শও করে বিশেষতঃ পুরুষের পরিধেয় ব্যবহার করে, অথবা সভা গোষ্ঠে গমন করে কিম্বা ভূতলে একাকিনী অবস্থিতা থাকে এই দেবী সকল তাহাদের এই ছিদ্ৰ অঙ্গসঙ্গ করিয়া বলপূর্ব্বক তাহাদের সমস্তান সকল গ্রহণ করিবেন। এবং বহুশত বর্ষ প্রীতি-সহকারে তাহাদের দেহে অবস্থিতি করিবেন। হে বরারোহে ! ইহারা সূতিকাগৃহচ্ছিন্ন গ্রহণ করিয়া তথায় পূজিতা হইতে থাকিবেন। হে দেবেশি ! তথায় জাতহারিকারা কদাপি থাকিতে পারিবে না, গৃহে ক্ষেত্রে তড়াগে রাজ্যে ও উদ্যানে চিন্তারত হইয়া যে সকল স্ত্রীগণ নিত্য বসতি করিবে, এই দেবীগণ তাহাদের শরীর এবং অন্যান্য তাবৎ বস্তির আশ্রয় করিয়া স্নানভোগ করিতে থাকিবেন। হে ভীষ্ম ! ভগবান্ শঙ্কর দেবীগণের ভক্ষণ নিরূপণ করিলে শিবদূতী কহিলেন, হে মহাদেব ! আপনি সর্ব্বজীবের কল্যাণদাতা শঙ্কর হইয়া এই সমুদায় দেবীকে প্রজাপীড়াকর এইরূপ কুৎসিত আহার কেন প্রদান করিলেন, কৃপা করিয়া যাহাতে ইহাদের সমস্ত সাধন হইতে পারে এইরূপ বিধান করুন, হে মানদ ! প্রজাপীড়া অতি লজ্জাকর, অতএব ইহাদিগের অন্য ভোজ্য নির্দেশ করিয়া দিন। হে বীর ! দেবী এইরূপ কহিলে দেব-

দেব মহেশ্বর সেই দেবী পার্বতীর সম্মিথানে ধর্ম ও অর্থদ্বাক্যে কহিতে লাগিলেন, হে পার্বতি ! আমিই সমুদায় অম্মের সাধন করিয়াছি সেই অম্মই বহুরূপে পরিণত হইয়া ব্যয়ীভূত হইয়াছে আমার নিকট কিছুমাত্রও নাই। আপনারা আমার নিকট তৃপ্তিলাভার্থ সমাগত হইয়াছেন। আমি আপনাদিগকে কিরূপ ভোজন প্রদান করিব তাহাই চিন্তা করিতেছি, যে সকল দ্রব্য আমার নামে অর্পিত হইবে আপনারা তাহাই ভোজন করিবেন, যেহেতু কেহ কখন উহার স্বাদ পরিগ্রহ করে নাই। অনাস্বাদিত বলিয়াই ইহা আপনাদিগকে প্রদান করিলাম। অধুনা আপনারা আমার নাভির অধোভাগে বর্তুল ও ফলের ন্যায় যে দুইটি লম্বমান বৃক্ষ আছে তাহাই ভক্ষণ করুন। হে কৌরবেন্দ্র ! সেই দেবীগণ ভগবান্ শঙ্করের নিকট মহাপ্রসাদ লাভ করিয়া পরমাত্মাদিতা হইলেন, সকলে মহাদেবকে প্রণতি পূর্বক তাঁহার স্তুতি করিলেন। মহেশ্বর কহিলেন, হে দেবীগণ ! আমি তোমাদিগকে যেরূপ খাদ্য প্রদান করিয়াছি, কোন মানব ইহা অবগত থাকিয়াও তোমাদিগকে দেবতারূপে আচ্ছান করিলে আমি সন্তুষ্ট হইয়া তাহাদের ধন পুত্র দ্বারা পশু ও গৃহাদি সমস্ত স্বর্ণ এবং তাহাদের অন্যান্য অভিলাষ সমুদায় পূরণ করিব। ইহা অবধারিত আছে যে হাস্য দ্বারা দীর্ঘদশন এবং নিন্দাভাজন হইয়া থাকে অতএব জানিয়া শুনিয়া নিন্দা ও হাস্য পরিত্যাগ করিবে। অধিকন্তু, হে দেবীগণ ! আপনারা লোক সকলের রক্ষা করিয়া থাকেন, একারণ লোকমধ্যে মাতৃগণ বলিয়া বিখ্যাতা হইবেন। যে মানব আশ্বিনী পূর্ণিমা কিস্বা কার্তিকী পূর্ণিমাতিথিতে সমুদায় বক্ষু বাঙ্কবগণের সহিত মিলিত হইয়া

চনকপূরিকা এবং ব্রহ্মণের উপহার প্রদান করিলে কোন কালে তাহার বংশ উচ্ছেদ হইবে না । এই প্রকার অর্চনা করিলে অপুত্রের পুত্রলাভ, ধনুহীনের ঐশ্বর্য্য তথাক্রমে হুভগ এবং সর্বশাস্ত্রবিশারদ হইয়া হংসযুক্ত বিমানে আরোহণ পূর্বক ব্রহ্মলোক লাভান্তে আনন্দভোগ করিতে থাকে । হে রাজেন্দ্র ! ভগবান শঙ্কর মাতৃগণের পূজাদি কীর্তন করিয়া রৌদ্রীদেবীকে সম্বোধন করত কহিলেন, হে শিবদূতি ! এই সমুদায় মাতৃকারূপিণী দেবীগণের যে ভক্তি নির্দেশ করিলাম, আপনি কহিলেন ইহা লজ্জাম্পদ অতএব সবিশেষ তাহার বর্ণনা করুন । তিনি এইরূপ কহিয়া সেই দেবীর স্তুতি করিতে লাগিলেন, হে দেবি ! হে চামুণ্ডে ! তোমার জয় হউক, তুমি সমুদায় জীবের অপহর্তা ও সর্বগতা ; তুমি কালরাত্রি স্বরূপা তোমারে নমস্কার । হে বিশ্বমূর্ত্তে ! হে শুভে ! হে বিরূপাক্ষি ! তুমি ত্রিলোচনী, শুদ্ধ শুভস্বরূপা ও ভীমরূপা শিবা নিত্যা এবং মহামায়া ; হে কৃষ্ণে ! তুমিই ক্ষুভিতা, ভীমাক্ষি ও জয়া তোমারে নমস্কার ; তুমি মহাদেব বিচিত্রাক্ষী, নৃত্যপ্রিয়া ও শুভরূপিণী বিকালিনী কালিকা, তুমি মহাকালী ও পাপহারিণী । হে ভীমরূপা ভয়ানকে দেবি ! তুমি পাশহস্তা, দণ্ডহস্তা ও ভীমরূপা চামুণ্ডা, তোমারে নমস্কার । হে তীক্ষ্ণদংষ্ট্রে হেমহাবলে ! তুমি প্রেতাসনগতাশিবা, হে ভীমাক্ষি দেবি ! তুমি সর্বভূতভয়ঙ্করী, হে করালবস্ত্রান্তে ! তুমি করালী, বিকরালী, তুমিই মহাকালী ও করালিনী কালী এবং কালরাত্রি ; তোমারে নমস্কার । দেবি ! তুমি সর্বশাস্ত্রাধিতা ও সর্বদেবনমস্কৃতা, তোমারে নমস্কার । রাজন্ ভীম ! দেবী শিবদূতী পরমেশী রুদ্রদেবতা কর্তৃক স্তুত হইয়া

পরম পরিতুষ্ট হইলেন, পরে এইরূপ বাক্যে কহিলেন, হে দেবেশ ! আমি তোমার স্তবে তুষ্ট হইয়াছি তোমার মনো-ভিলমিত্ত বর প্রার্থনা কর ।

রুদ্র কহিলেন, বরাননে দেবি ! আপনি আমার এই স্তোত্রে যে সন্তুষ্ট হইয়াছেন, ইহা দ্বারাই আমারে এক প্রকার বরদান করা হইয়াছে । পরন্তু যে ব্যক্তি মৎকৃত এই স্তোত্র পাঠ দ্বারা আপনার তুষ্টি সাধন করিবে, আপনি তাহা-দিগকেও বর প্রদান করিবেন । বিশেষতঃ যে ব্যক্তি এই নীলপর্কসে আরোহণ করিয়া ভক্তিভাবে আপনার পূজা করিবে তাহার পুত্র, পৌত্র ও সমুদায় পশ্বাদি সমৃদ্ধি সম্পন্ন হইবে । দেবি ! যে ব্যক্তি এই উপাখ্যান ভক্তিপূর্বক শ্রবণ করিবে সে সমুদায় পাপরহিত হইয়া শিবপুরী গমন করিবে । নরাধিপ ভীষ্ম ! যে কোম ভূপতি অষ্টরাজ্য হইয়া অষ্টমী নবমী ও চতুর্দশী তিথিতে নিয়ত শুচি ও উপবাসী থাকিয়া এই স্তোত্র পাঠ করেন তিনি সম্বৎসর কাল মধ্যে নিফলকীকৃতরাজ্য লাভ করিয়া থাকেন । যাহা হউক বীর ! সর্ববেদাগ্ররূপিণী জ্ঞানাত্মিকা এই শক্তিই রাজসী, রক্তা ও বৈষ্ণবী বলিয়া বিখ্যাতা হইয়া থাকেন, এই রৌদ্রী শক্তি দেবীকেই শিবদূতী কহা যায় । নৃপ ! যে ব্যক্তি পরম ভক্তি সহকারে এই শিবদূতীর মাহাত্ম্য শ্রবণ করে, সে ব্যক্তি সর্ব পাপ মুক্ত হইয়া নির্বাণ পদ লাভ করে । ভীষ্ম ! ইহার প্রভাবে আর কি বলিব, যে ব্যক্তি পুষ্করতীর্থীয় জলে স্নান করিয়া ভক্তি পূর্বক এই স্তোত্র কীর্তন করে সেও এই সমুদায় ফল স্বাভাবিক লাভ করিয়া ত্রাকালোক প্রাপ্ত হইয়া থাকে । পার্থিব ! এই শিবদূতীর উপাখ্যান যাহার গৃহমধ্যে সর্বদা



লিখিত থাকে, তথায় কদাপি অগ্নিভয় সৰ্প ও চৌরাদি ভয় থাকে না । যে ব্যক্তি পুষ্করতীরে বাস করিয়া ইহার পূজা করে, বীর ! সমস্ত ত্রৈলোক্যে তাহার চেষ্ঠা বিদ্যমান থাকে, এবং তাহার অনেক সম্ভান, ধন, ধান্য এবং বরস্ত্রী লাভ হয় । সে অতিশীঘ্র রত্ন ও সুবর্ণাঢ্য হইয়া থাকে । বাহার গৃহে এই বিষয় লিপিবদ্ধ হইয়া থাকে অবশ্যই তাহার স্তম্ভসৌভাগ্য লাভ হয় ।

ভীষ্ম কহিলেন, ব্রহ্মন্ ! জীবগণ কোন্ কৰ্ম্মবিপাকদ্বারা প্রেতযোনি প্রাপ্ত হয় এবং কিরূপ কৰ্ম্মানুষ্ঠান করিলে এই প্রেতের মুক্তি হইয়া থাকে, এই সমুদায় যথাবিধি কীর্তন করুন ।

পুলস্ত্য কহিলেন, নৃপসত্তম ! তোমার নিকট ইহার সবিশেষ বর্ণন করিতেছি, বাহা শ্রবণ করিলে কদাপি মোহ আক্রমণ করিতে পারে না । দেবতাগণও যে দুস্তর নরক উত্তীর্ণ হইতে সমর্থ নহেন প্রাণীগণ স্বকৰ্ম্মানুসারে সেই দুস্তর দোর নরক প্রাপ্ত হইয়া প্রেতযোনি অবলম্বন করে । দৈবাৎ কোন সাধুলোকের সহিত আলাপন অথবা কোন পুণ্যতীরের নামানুকীৰ্তন করিলে, প্রেতযোনি প্রাপ্ত মানবগণ তৎক্ষণাৎ ঐ যন্ত্রণা হইতে মুক্ত হইয়া থাকে । ভীষ্ম ! এই বিষয়ের একটা উপাখ্যান বলিতেছি শ্রবণ কর । পূর্বে পৃথু নামে সংশিতব্রত কোন ব্রাহ্মণ সৰ্ব্বত্র বিখ্যাত হইয়াছিলেন । সেই যোগবিশ্ব সৰ্ব্বদা স্বাধ্যায় ও হোমননিরন্ত থাকিয়া কালান্তিপাত করিতেন । এই পৃথু ব্রাহ্মণ অনুক্ষণ শন দম ও কাস্তি সম্পন্ন ; হিংসা ও হিংস্রতা ইহার নিকট অবস্থিতি করিতে পারিত না ; ইনি সৰ্ব্বদাই স্বীয় কৰ্ম্মে নিযুক্ত, ব্রহ্ম-

চর্য্য ও তপোযুক্ত হইয়া কালাতিপাত করিতেন । বৈদিক ক্রিয়াকলাপ ও পিতৃকার্য্য করিতে কদাচ তাঁহার ক্রটি দেখিতে পাওয়া যাইত না । তিনি পরলোকে পাপপীড়াভয়যুক্ত হইয়া সত্যবাক্য পালনে স্থিরনিশ্চয় ছিলেন । তাঁহার মুখে মধুর বাক্য নিঃসৃত হইত তিনি সর্ব্বদা অতিধিসেবায় তৎপর ছিলেন । কাহার সহিত কখন কোন দ্বন্দ্ব করেন নাই । সংসারজয় বাসনা করিয়া এইরূপ কৰ্ম্মানুষ্ঠানেই কালাতি-বাহিত করিতেন । ভীষ্ম! সেই তপস্বী পৃথু এই প্রকার স্বভাব সম্পন্ন থাকিয়া বহুকাল অরণ্য মধ্যে বাস করিতে লাগিলেন । এইরূপে কিয়ৎকাল অতীত হইলে, গোগবিৎ পৃথু ব্রাহ্মণের বুদ্ধি তীর্থদর্শনাভিলাষিণী হইয়া উঠিল । তিনি ইহাই পর্যালোচনা করিলেন যে, পুণ্যতীর্থ করিলে পুণ্য-কর্ম্মের ফল হইয়া থাকে, অতএব তীর্থদর্শন করা কর্তব্য । এইরূপ অবধারিত করিয়া প্রভাতে পুষ্করতীরে গমন করিয়া স্নান ও তপণাদি ক্রিয়া সমাধা করিলেন । পরে কৃতজপ্য ও কৃতনমস্কার হইয়া পথে যাইতে যাইতে দেখিলেন, তাঁহার সম্মুখে বৃক্ষাদিহীন নির্জ্জন ও কণ্টকময় অরণ্য মধ্যে ভীষণা-কার পাঁচটি পুরুষ ভ্রমণ করিতেছে । হে বীর! সেই তদ্বিৎ ব্রাহ্মণ ঘোরতর বিকৃতাকার পাপদর্শন পাঁচজন প্রেতকে দেখিয়া ত্রস্ত হৃদয়ে তাহাদের সম্মুখীন হইলেন । ভয়োদ্ভিগ্ন-মনা ব্রাহ্মণ কথঞ্চিৎ ধৈর্য্যাবলম্বন পূর্ব্বক মধুর বচনে জিজ্ঞাসা করিলেন, বিকৃতানন বিকৃতাকার তোমরা কে ? এবং কোন্ কর্ম্মের অনুষ্ঠান করিয়া এইরূপ বিকৃতাকার প্রাপ্ত হইয়াছ ? আর তোমরা কেনই বা এরূপভাবে পথ পর্যাটন করিতেছ ?

প্রেতগণ কহিল, আমরা প্রতিনিয়তই ক্ষুৎপিপাসা পীড়িত

ও মহাদুঃখে সনাবৃত আছি, আমরা সকলে একরূপ ক্ষুৎপিড়িত হইয়াছি যে, আমাদের চেতনা ও সংজ্ঞা নষ্টপ্রায় হইয়াছে। সেই কারণেই আমাদের দিক্ বিদিক্ জ্ঞান নাই এমন কি, আমরা কি অন্তরীক্ষ কি ত্রিদিব কি মহৌ ইহার কিছুই বিদিত নহি, যাহা হউক, ভাস্করের উদয় দর্শন করিয়া গেক্ষপ প্রভাত দীপ্তি পাইয়া থাকে, আমরা আপনার নিকট আমা-  
দের এই দুঃখ কীর্তন করিয়াও সেই প্রকার সুখলাভ করি-  
তেছি। আমাদের নামও বলিতেছি শ্রবণ করুন। পর্য্যাসিত,  
সূচীমুখ, শীত্ৰগ, রোহক ও লেখক নামে আমরা বিখ্যাত।  
ব্রাহ্মণ কহিলেন, কর্মবিপাক বশতঃ প্রেতযোনি প্রাপ্ত হইয়া  
থাকে, তোমরা কর্মানুসারেই প্রেতত্ব লাভ করিয়াছ ; প্রেত-  
যোনিপ্রাপ্ত তোমাদের নাগের কারণ কি ? তোমরা যে  
কারণে সনামক প্রেত হইয়াছ তাহা বর্ণন কর। প্রেতগণ  
কহিল, আমি ব্রাহ্মণকে পর্য্যাসিত অন্ন দান করিয়া সর্বদা  
স্বাদু অন্ন ভোজন করিতাম একারণ পর্য্যাসিত নাম পাইয়াছি।  
অন্নাদিপ্রার্থক ব্রাহ্মণদিগকে অনেকানেক স্থানে সূচিত করিতাম  
এই কারণেই সূচীমুখ নাম হইয়াছে। হে দ্বিজোত্তম ! ক্ষুধিত  
ব্রাহ্মণ খাদ্য প্রার্থনা করিলে তৎক্ষণাৎ তথা হইতে প্রস্থান  
করিতাম এই কারণে শীত্ৰগ এই নাম প্রাপ্ত হইয়াছি। হে  
বিপ্র ! গৃহের উপরিভাগে থাকিয়া ব্রাহ্মণ ভোজন না করা-  
ইয়া স্বয়ং অন্ন ভোজন করিতাম, ব্রাহ্মণগণ ঔদ্বিগ্নমনা হইয়া  
থাকিতেন, এই কারণেই রোহক নাম হইয়াছে। ইনি সর্বদা  
মৌন থাকিয়া ভোজন ও ভূমি লিখন করিতেন, আমাদের  
সর্বাপেক্ষা ইনিই অধিক পাপিষ্ঠ এই কারণেই ইহার লেখক  
নাম হইয়াছে। লেখক নেত্র দ্বারা ও রোহক অশাক্ষিরা

হইয়া গমন করে, শীঘ্রগ শুদ্ধতা প্রাপ্ত হইয়াছে এবং সূচী-  
মুখ সূচী হইয়াছে। পর্য্যাসিত স্বীয় পাপে লম্বোষ্ঠ, বৃহৎ উদর  
ও বৃহৎ ক্রমণ সম্পন্ন হইয়াছে, হে বিপ্র ! এই সমুদায় যথা  
সম্ভব আত্মবৃত্তান্ত বর্ণন করিলাম। ভীষ্ম ! ব্রাহ্মণশ্রেষ্ঠ পৃথু  
প্রোতগণের বৃত্তান্ত অবগত হইয়া কহিলেন, সংসারে যত প্রাণী  
বিদ্যমান আছে সকলেরই এক এক প্রকার আহার অবধারিত  
আছে, তোমরা কোন্ দ্রব্য আহার করিয়া থাক তাহা বল।

প্রোতগণ কহিল, ব্রহ্মন ! সমস্ত তত্ত্ববিগর্হিত আমাদের  
আহারও শ্রবণ করুন, যাহা শ্রবণ করিলে বারম্বার নিন্দা  
করিতে থাকিবেন। যে গৃহ শ্লেষ্মা মূত্র পুরীষ ও স্ত্রীগণের  
অমঙ্গলসংযুক্ত এবং শৌচাচারবিবর্জিত, প্রোতেরা সেই  
গৃহেই ভোজন করিয়া থাকে। যেখানে স্ত্রীলোকের উচ্ছিষ্ট  
বিকীর্ণ এবং মলিন ও জুগুপ্সিত উপকরণ বিস্তীর্ণ থাকে,  
প্রোতগণ সেই গৃহেই ভোজন করিয়া থাকে, যে গৃহ সর্বদা  
নির্লজ্জ ও পতিত জনগণে সেবিত ও দস্যুধর্ম্মে পরিপূরিত  
প্রোতগণ সেই গৃহেই ভোজন করে। যে গৃহ নিয়মহীন ও  
হোমাদিক্রিয়াহীন এবং ব্রতহীন বলিয়া নির্দীক্ষিত, প্রোতগণ  
সর্বদাই তথায় ভোজন করে। যেখানে গুরুজনের পূজা হয়  
না, স্ত্রীগণ যথায় কর্তৃত্ব করে, যে গৃহে ক্রোধ হীন না থাকে  
প্রোতগণ সেইখানে ভোজন করিয়া থাকে। তাত ! আমরা  
আপনার আদেশানুসারেই প্রোত ভোজন বর্ণন করিলাম ইহা  
অপেক্ষা পাপতর আর কিছুই নাই, এই যোনি যে পাপপূর্ণ  
তাহা বর্ণনা করা হুঃসাধ্য; হে তপোধন ! আমরা প্রোতভাবা-  
পন্ন হইয়া আপনারে জিজ্ঞাসা করিতেছি, হে দৃঢ়ব্রত ! যে  
কর্ম্ম করিলে এই প্রোতত্বলাভ না হয় তাহা বলুন।

ব্রাহ্মণ কহিলেন, যে মানব একরাত্র কিম্বা ত্রিরাত্র উপ-  
বাস দ্বারা কৃচ্ছ্রচান্দ্রায়ণাদি ত্রতের অথবা অন্যান্য শুভত্রতের  
অনুষ্ঠান করে সে কদাপি প্রেতযোনি প্রাপ্ত হয় না । যে নর  
প্রতিদিন একগ্রাস বা তিনগ্রাস মাত্র ভোজন করে এবং সর্ব-  
ভূতে দয়াবান্, তাহার প্রেতযোনি প্রাপ্তি হয় না । যাহার মান্য  
ও অপমান, স্বর্ণ ও লৌহ এবং শত্রু ও মিত্রে সমান বোধ,  
সে কখনই প্রেত হইতে পারে না । যে ব্যক্তি নিয়ত দেবতা  
অতিথি ও গুরুজনের পূজায় রত এবং ভৃত্যগণেরও পূজা  
করে, সে ব্যক্তি কদাপি প্রেত হইতে লাভ করে না । শুরূপক্ষীয়  
চতুর্থী তিথিতে কখনো মঙ্গলবারযুক্ত হইলে, যে ব্যক্তি শ্রদ্ধা  
মহাকারে ঐ দিবস পিতৃগণের শ্রাদ্ধ করে, তাহার প্রেতযোনি  
প্রাপ্তি হয় না । যে মানব জিতক্রোধ, গৎসরহীন, তৃষ্ণা ও  
আসঙ্গ বর্জিত, ক্ষমাবান্ ও দানশীল সে কদাপি প্রেত হয়  
না । যে নর গো ব্রাহ্মণ অতিথির পূজায় তৎপর এবং সমু-  
দায় দেবদেবীগণের নিত্য অর্চনা করে সেই ব্যক্তি কখনই  
প্রেতযোনি প্রাপ্ত হয় না । ভীষ্ম ! দ্বিজবর পৃথু এইরূপ  
কহিলে সেই পঞ্চপ্রেত পুনরায় কহিল, যুনে ! আমরা আপ-  
নার নিকট বহুবিধ ধর্ম্ম শ্রবণ করিলাম, অধুনা অনুগ্রহ করিয়া  
যে কর্ম্ম করিলে প্রেতযোনি প্রাপ্ত হয়, তাহাই প্রকাশ করুন ।  
ব্রাহ্মণ কহিলেন যাহারা নিয়ত শৃদ্রাম্ন ভক্ষণ করে তাহারা  
প্রেত হয়, বিশেষতঃ যাহারা ব্রাহ্মণ হইয়া শৃদ্রাম্ন ভোজন  
করে শৃদ্রাম্ন উদরস্থ করিয়া মৃত হয় তাহারা অবশ্যই প্রেত  
হইয়া থাকে । যাহারা প্রতিনিয়ত বৃথা নাংস আহারে অনু-  
রত তাহারাই প্রেত হইয়া থাকে । যাহারা অযাজ্য যাজক  
যজ্ঞক্রিয়াবিহীন এবং শূদ্রের সেবায় রত তাহারাই প্রেত

হয় । যে ব্যক্তি মিত্রের ন্যাগ অপহরণ করে এবং শূদ্রপাকে রত থাকে, যে বিশ্বাসঘাতক ও বঞ্চক সেই প্রেত হইয়া থাকে । যে ব্যক্তি যৎসামান্য দক্ষিণা অন্মকে বঞ্চনা করিয়া স্বয়ং গ্রহণ করে এবং যে সর্বদা নাস্তিক ভাবের আশ্রয় করে, সে প্রেতযোনি প্রাপ্ত হয় । বিপ্রেন্দ্র 'পৃথু এইরূপে প্রেতযোনি প্রাপ্তির বিষয় বর্ণনা করিলে গগনমার্গে দুন্দুভি-  
ধানি এবং সহস্র সহস্র দেবতার হস্ত হইতে মুক্ত হইয়া ভূতলে পুষ্পরুষ্টি হইতে থাকিল । এই পঞ্চপ্রেত পুণ্যশীল ব্রাহ্মণের সহিত সম্ভাষণ এবং পুণ্যকীর্তন করিয়াছে বলিয়া উহাদিগকে স্বর্গেলইবার নিমিত্ত সমস্তাৎ রথ আসিয়া উপস্থিত হইল । অতিকদর্য্যযোনিপ্রাপ্ত প্রেতগণও সাধুসম্ভাষণ করিয়া মুক্তিলাভ করিল, অতএব যদি তুমি আপনার শ্রেয় কামনা কর তবে অতদ্রুত হইয়া সর্বদা সাধুসম্ভাষণে যত্ন-  
বান হও । বীর ! এই পঞ্চপ্রেতসম্বন্ধিনী কথা ধন্য যশস্য ও আয়ুশ্য বলিয়া নির্দিষ্ট, অতএব যে মানব একবার ইহা পাঠ করিবে সে কদাপি প্রেতকূলে জন্ম গ্রহণ করিবে না । যে নর শ্রদ্ধাসহকারে এই প্রেতাক্টক শ্রবণ করে কখনই তাহারে প্রেতযোনি প্রাপ্ত হইতে হয় না ।

---

## ত্রিংশ অধ্যায় ।

---

ভীষ্ম কহিলেন, মুনিমত্তম ! তীর্থশ্রেষ্ঠ পুষ্কর মধ্যে দশ-  
রথতনয় রামচন্দ্র ঋষিবর মার্কণ্ডেয় কর্তৃক কি নিমিত্ত প্রবো-  
ধিত হইয়াছিলেন ? এই উভয় মহাত্মার সমাগম হইবার  
কারণ কি ? উহা কোন্ সময়ে হইয়াছিল ? গুরো !  
মহাতপাঃ মার্কণ্ডেয় কাহার তনয় , এবং কি রূপেই বা উৎ-  
পন্ন হইয়াছেন, ইহাঁর এরূপ নামের কারণ কি ? এই সমুদায়  
যথাযথ বর্ণন করুন । শাস্ত্রনুতনয় ভীষ্ম এইরূপ কহিলে  
পুলস্ত্য কহিতে লাগিলেন ।

পুলস্ত্য কহিলেন, হে ভীষ্ম ! অধুনা তোমাংরে মার্কণ্ডেয়ের  
উত্তম উৎপত্তি কথা বলিতেছি শ্রবণ কর । মহাভাগ ! পুরা-  
কল্পে সর্বলোকবিশ্রুত যুকণ্ডু নামক যে এক মুনি ছিলেন,  
তিনি মহর্ষি ভৃগুর তনয় বলিয়া বিখ্যাত । এই মহাভাগ  
যুকণ্ডু অরণ্যচারী হইয়া ঘোরতর তপস্যাচরণ করিলে; তৎ-  
কালে তাঁহার এক পুত্র উৎপন্ন হইল তাহার নাম মার্কণ্ডেয় ।  
বীর ! এই যুকণ্ডুনন্দন মার্কণ্ডেয় পঞ্চবর্ষ বয়সেই নানাবিধ  
গুণে ভূষিত হইয়াছিলেন । কোন সময়ে বালক মার্কণ্ডেয়  
প্রাঙ্গণ মধ্যে ভ্রমণ করিতেছেন সেই সময়ে হঠাৎ কোন  
জ্ঞানী তথায় আসিয়া উপনীত হইলেন । ঐ জ্ঞানী তথায়  
কণকাল বিশ্রাম করিয়া মুনি বালক মার্কণ্ডেয়ের জীবন শেষ  
লক্ষণ উপস্থিত হইয়াছে দেখিয়া চিন্তাপরায়ণ হইলেন । পরে  
তাঁহার পিতাংরে জিজ্ঞাসা করিলেন, তোমার বালকের বয়ো-

মান কত হইয়াছে ? ভীষ্ম ! তখন যুকণ্ড স্বীয় তনয়ের বয়স অষ্ট বর্ষ হইয়াছে কহিলেন । যুকণ্ড এইরূপে পুত্রের বয়োগান বিজ্ঞাপন করিলে, সেই জ্ঞানী কহিলেন, হে গুণীশ্বর ! আমি তোমারে সত্য বলিতেছি, তোমার এই বালকটির আয়ু শেষ হইয়াছে, যত্নের এক মাস মাত্র অবশিষ্ট আছে, অতএব তুমি এই কীর্ণায়ু বালকের নিমিত্ত কদাচ শোক করিও না । হে ভীষ্ম ! ভৃগুতনয় যুকণ্ড জ্ঞানীর প্রমুখাৎ আত্মনন্দনের আয়ুর্হীনতা বিদিত হইয়া সত্বর তনয়ের ত্রতোপনয়ন সংস্কার করিলেন । পরে পিতা যুকণ্ড সংস্কৃত বালককে এই উপদেশ প্রদান করিলেন যে, তুমি অদ্য হইতে সমুদায় ঋষিবৃন্দকে অভিবাদন করিতে থাক । হে বীর ! ঐ বালকও পিতার আদেশানুসারে সমাগত ঋষিগণকে ভক্তি পূর্বক প্রণাম করিতে লাগিলেন । অনন্তর দীপ্তপাবক সদৃশ তেজঃসম্পন্ন নিশ্চল সপ্তর্ষিগণ তীর্থদর্শন মানসে পরিভ্রমণ করিতে করিতে তথায় সমাগত হইলেন । এবং বালকমাকণ্ডেয় পিতার নিদেশানুসারে তাঁহাদিগকে দেখিবার মাত্র সকলকেই যথারীতি অভিবাদন করিলেন । তাঁহারাও ঐ শিশুকে “আয়ুস্মান হও ” এইরূপ আশীর্বাদ প্রয়োগ করিলে, ঐ বালক তৎক্ষণাৎ দণ্ডমেখলা পরিত্যাগ করিলেন । এবং কহিলেন, হে মহাজ্ঞাগণ ! আমি কীর্ণায়ুঃ, আপনারা কি নিমিত্ত আমাের এইরূপ আশীর্বাদ করিলেন ? হে কৌরবেন্দ্র ! তখন সেই ঋষি সকল বাস্তবিক তাঁহার আর পাঁচদিন মাত্র আয়ু নির্দ্ধারিত আছে দেখিয়া ভীত হইলেন, এবং মাকণ্ডেয়কে সঙ্গে লইয়াই তৎক্ষণাৎ ব্রহ্মসদনে গমন করিলেন ।

হে ভীষ্ম ! এইরূপে সেই সপ্তর্ষিগণ মাকণ্ডেয়কে সঙ্গে



লইয়া ব্রহ্মসদনে উপস্থিত হইলেন এবং তাঁহাকে তথায় স্থাপনান্তে পিতামহ ব্রহ্মারে প্রণিপাত পুরঃসর প্রণাম করিলেন । পরে লোকবিধাতা ব্রহ্মা বালক মার্কণ্ডেয় কর্তৃক অভিবাদিত হইয়া দীর্ঘায়ু হও, এইরূপ কহিলেন । হে বীর ! নপুংসগণ তৎকালে পিতামহ ব্রহ্মার ঐরূপ বাক্য শ্রবণে প্রীত হইলেন এবং তাঁহার নিকট এই বালক নিরায়ু ইহা কহিলেন । ব্রহ্মা ঋষিদিগের তাদৃশভাব অবলোকন করিয়া বিস্মিত হইয়া কহিলেন, তোমরা কি কার্য্য সাধনার্থ এখানে আসিয়াছ ? এবং এই বালকটিই বা কে ? সমুদায় আনু-পূর্ব্বিক নিবেদন কর । হে রাজন্ ! লোকেশ ব্রহ্মা এই রূপ কহিলে নপুংসগণ তাঁহার নিকট সমুদায় যথাযথ বর্ণনা করিয়া কহিলেন, হে পিতামহ ! মহর্ষিভৃগুর যুকুণ্ডু নামে যে পুত্র আছে, এই ক্ষীণায়ু বালক তাহারই অপত্য । এই বালক অল্পায়ু বলিয়াই ইহার পিতা শিশুরে এই প্রকার মেথলা পরাইয়া যজ্ঞসূত্র ও দণ্ড ধারণ করাইয়াছে এবং এইরূপ উপদিষ্ট করিয়াছে যে তুমি ভূমণ্ডলে যে কোন ব্রাহ্মণকে ভ্রমণ করিতে দেখিবে তাঁহাকেই অভিবাদন করিবে । বালকও সেইরূপ করিতেছে । পরন্তু হে পিতাহ ! আমরা তীর্থযাত্রা প্রসঙ্গে ভূলোক পরিভ্রমণ করিতে করিতে দৈবাৎ ইহারে দেখিলাম, এ বালক আমাদের অভিবাদন করিলে আমরাও ইহারে চিরায়ু হও, এইরূপ কহিয়াছি, অতএব হে প্রভো ! সম্প্রতি এই বিপ্র বালক কি রূপে চিরায়ু হইতে পারে ? আমরাও কিরূপে অনৃতবাদী না হই এবং হে দেব ! আপনার বাক্যও ব্যর্থ না হয় এই রূপ উপায় করুন । কৌরবেন্দ্র ! তৎকালে সেই নপুংসগণ এই প্রকার কহিলে লোকপিতামহ

ব্রহ্মা কহিলেন, হে ঋষিগণ ! তোমরা ভীত হইও না তোমরা সকলেই সত্যবাদী হইবে চিন্তা নাই। এই ক্ষীণায়ুবালক মার্কেণ্ডেয় আমার তুল্য আয়ুস্মান হইবে সন্দেহ নাই। অধিকন্তু এই শিশু মার্কেণ্ডেয় ঋষিগণের মধ্যে প্রাধান্য লাভ করিবে। এবং উত্তম উত্তম মুনিগণে পরিবৃত হইয়া কল্পের আদি ও অন্ত সময়ে আমার সহায় হইবে। হে পরম্পর ভীষ্ম ! লোক পিতামহ ব্রহ্মা ও সেই সপ্তর্ষিগণ বালক মার্কেণ্ডেয়কে এই রূপ সম্বোধন করিয়া প্রেরণ করিলেন। পরে মহাভাগ ব্রাহ্মগণ পুনরায় তীর্থযাত্রা প্রসঙ্গে বহির্গত হইলেন। মার্কেণ্ডেয় স্বভবনে প্রতিগমন করিলেন।

অনন্তর ঋষিশ্রেষ্ঠ মার্কেণ্ডেয় লঙ্কণর হইয়া নিম্ন ভবনে উপনীত হইলেন। পরে স্বীয় পিতারে প্রণতি পূর্বক কহিলেন, তাত ! আমি ব্রহ্মবাদী মুনিগণ কতৃক ব্রহ্মলোকে নীত হইয়া ছিলাম, লোকনাথ ব্রহ্মা বর দান দ্বারা আমারে দীর্ঘায়ু সম্পন্ন করিয়া পাঠাইয়াছেন, আপনি মনোগত চিন্তা পরিহার করিয়া আমার আয়ু পরিমাণ শ্রবণ করুন, পিতঃ ! লোককর্তা ব্রহ্মা আমায় প্রসন্ন হইয়া এই বরদান করিয়াছেন যে, আমি কল্পের আদি ও অন্ত সময়ে তাঁহার সহায় হইয়া থাকিব। পিতঃ ! অধুনা আমি পুষ্কর তীর্থে গমন করিব, সেই তীর্থে ব্রহ্মলোক সদৃশ। যিনি সমুদায় দেবতাগণের দেহুভা, সমুদায় সংসারের প্রতিষ্ঠাতা ও সকল লোকের জনয়িতা, যাঁহার উপাসনা করিলে সমুদায় কামনা সম্পন্ন, সমুদায় পাপ বিশীর্ণ, সমুদায় সন্তাপ বিগলিত, সমুদায় সুখ সমুদিত হইয়া থাকে, যিনি পরমদেব পরম কারণ ও পরম পুরুষার্থ বলিয়া অভিহিত হয়েন, যিনি সকল মন্ত্রের

মহর্ষি বেদব্যাস-প্রণীত ।

# পদ্মপুরাণ ।

বাস্কলা গদ্যানুবাদ ।

শ্রী জহরলাল লাহা কর্তৃক সংগৃহীত ও তৎকর্তৃক

১৭ নং নিয়র্গেস-ইয়েব লেন চট্টো প্রকাশিত ।

৪১, ৪২, ও ৪৩ খণ্ড ।

কলিকাতা

বাস্কলা বসু

শ্রী. অনীমোহন দাস দ্বারা মুদ্রিত ।

১৫ নং কলকাতা লেন চট্টো ,

১৯২০ সাল ।



গৃধ্র কহিলেন, হে রঘুকুলেন্দ্র ! আমি আপনারে স্মর  
অস্মর সকলেরই প্রধান বলিয়া অবগত আছি । হে মহামতে !  
আপনি বৃহস্পতি, শুক্র ও বশিষ্ঠ অপেক্ষাও শ্রেষ্ঠ ভাবাপন্ন ।  
অধিক কি, আপনি অনলসমভাবে সকলেরই আনন্দ বিধান  
করেন, এই জন্য মর্ত্যলোকে দ্বিতীয় চন্দ্র বলিয়া বিখ্যাত ।  
আপনি তেজে সূর্যের ন্যায়, গৌরবে হিমজির ন্যায়, গান্ধার্যে  
সাগরের ন্যায়, খ্যাতিতে লোকপালগণের ন্যায়, শীত্রে  
অনিলের ন্যায় । হে রাঘব ! আপনি সর্বসম্পন্ন চরাচর বিষ্ণু ;  
আপনি তেজোহুর্জয় মহাপ্রভাব মহর্ষি এবং আপনি  
সর্বাস্ত্র বিধির পারদর্শিতা লাভ করিয়াছেন । হে নরপুঙ্গব !  
আমার নিবেদন শ্রবণ করুন । আমিই প্রথমে এই আশ্রয়  
দক্ষন করি । কিন্তু এই উল্লুক বাহুবীৰ্য্য সমুদ্ভূত হইয়া বল-  
পূর্বক তাহা হরণ করিয়া থাকে । এই উল্লুক দুর্দ্বর্ষ চরাচর  
ও সমস্ত বিধিবিলোপক, আপনার সমক্ষেই আমার বাসগৃহ  
হরণ করিতেছে । অতএব ইহায়ে উপশাসিত করুন । হে  
বিভো ! আপনি সকলের রাজা, এই জন্য আমি আপনাব  
শরণাপন্ন হইলাম ।

হে ভীষ্ম ! গৃধ্র এই বলিয়া বিনিবৃত্ত হইলে, উল্লুক ক্রুতা-  
ঞ্জলিপুট বিনয়বাক্যে নিবেদন করিল, হে জনাধিপ ! এক্ষণে  
অবহিত হইয়া, আমারও আবেদন পরিগ্রহ করুন । হে রাম !  
রাজা কখন মানুষ নহেন । সোম, সূর্য্য, শতক্রতু, কুবের ও  
অমরগণ ইঁহাঁরই নরপতি রূপে কন্মগ্রহণ করেন কিন্তু  
আপনি সর্বময় দেবতা ও সাক্ষাৎ নারায়ণ । আপনি শ্রাণি-  
গণের হিতব্যাপারে সম্যকরূপ সৌম্যতা ও সর্বত্র সমদৃষ্টি  
নিক্ষেপ করেন, এই জন্য চন্দ্রের ন্যায় : আপনি কোদণ্ড

সহায়ে প্রজালোকের রক্ষা ও দানে পাপ ভয় নিবারণ করেন এবং আপনি দাতা, ভর্তা ও গোপ্তা, এই জন্য ইন্দ্রের ন্যায় ; আপনি তেজঃ প্রভাবে সর্বযোধের অধুষ্য, এই তেজ অনলের ন্যায় ; আপনি অক্ষীণ হইয়া লোকদিগকে তাপ দান করেন, এই জন্য সূর্যের ন্যায় ; শ্রী অযাচিত ও অচিন্তিত হইয়াই আপনাতে নিত্য অধিষ্ঠান করেন, এবং আপনার ঐশ্বৰ্য্যের সীমা নাই, এই জন্য আপনি ধনদের ন্যায় । কলতঃ আপনি স্থাবর জঙ্গম সর্বভূতেই সমদৃষ্টি ও শত্রুমিত্রে সমভাব অবলম্বন পূৰ্ব্বক ধৰ্ম্মানুসারে ব্যবহার ও বিধিক্রমে সকলের শাসন করিয়া থাকেন, কদাচ ঈর্ষ্যাঘেষের বশবর্তী হইয়া, পদমাত্র বিচলিত হয়েন না । হে রাম ! আপনার ক্রোধে স্রগং কৃতান্ত বাস করে । যে ব্যক্তি আপনার বিরুদ্ধে অভ্যু-  
 স্থিত হয়, তাহার নিশ্চয় মৃত্যু সংঘটিত হইয়া থাকে । আপনি লোকের চিত্তে বিহার করেন এবং লোক সকল আপনাতে রূপণ করিয়া থাকে । এই জন্য আপনি সর্বলোকে রাম বলিয়া বিখ্যাত ও পরিগীত হয়েন । আপনি সাক্ষাৎ অনন্তরূপী বিষ্ণু । আপনার এই মনুষ্য ভাব পরম অনূশংস ও সর্বভূতেই নিরতিশয় কৃপাবিত । আপনি দেবদেহে বেরূপ সকল দেবের প্রধান, মানুষ দেহেও সেইরূপ সকল মানুষের শ্রেষ্ঠ । কলতঃ রাজা অনাথের নাথ, দুর্বলের বল, অচক্ষুর চক্ষুঃ ও অগতির গতি । অতএব হে ধার্মিক ! আপনি আমাদেরও নাথ । এক্ষণে আমার নিবেদন শ্রবণ করুন । এবং যাহা বিহিত হয় বিধান করুন । পক্ষিরাজ গরুড় আমাদের সকলের নাথ, আপনিই তাহাকে নিৰ্ম্মাণ করিয়াছেন, অতএব আপনি আমাদের দেবতা । আপনি পূৰ্বে চতুর্বিধ ভূতগ্রাম

সৃষ্টি করিয়াছেন। হে বিভো! আমি এই আশ্রয় বন্ধন করিয়াছি। কিন্তু ছুরাচার গৃধ্র বলপূর্বক তাহা হরণ করিতেছে। হে নরপুঙ্গব! আপনি নম্রস্বাগণের শাস্তা ও পালয়িতা, যাহা বিহিত হয় করুন।

মহাবাহু রাম উল্লুকের বাক্য শ্রবণ করিয়া, সচিবদিগের নিকট সর্বাংশে কীর্তন করিলেন। অশোক, ধর্ম্মপাল হুমন্ত ও মহাবল এই কয় জন তাঁহার ও রাজা দশরথের মন্ত্রী। ইহারা সকলেই নীতিযুক্ত মহাবল, সর্ব্বশাস্ত্র বিশারদ, পরম শান্ত, কুলীন, এবং সম্যক রূপ মন্ত্রকোবিদ। ধর্ম্মাত্মা রাম তাঁহাদের সকলকে আহ্বান করিয়া, পুষ্পক হইতে অবরোহণ পূর্বক বিবদমান গৃধ্র ও উল্লুককে জিজ্ঞাসা করিলেন, হে গৃধ্র তোমার এই নিলয় কতবর্ষ বিনির্ম্মিত হইয়াছে, যদি জান, তদ্ব্যতঃ বিনির্দেশ কর। গৃধ্র তাঁহার বাক্য আকর্ষণ করিয়া কহিল, হে রাম! উল্লুকাহু মানবগণ সমুখিত হইয়া, যে অবাধ এই সমস্ত বহুমতী আবৃত করিয়াছেন, তদাশ্রুতি আমার এই গৃহ বিনির্ম্মিত হইয়াছে।

মহাপ্রভাব রাম ইহা শ্রবণ করিয়া, সভাসদদিগকে কহিলেন, যে সভায় বৃদ্ধগণ নাই, সে সভা নহে; যে বৃদ্ধ ধর্ম্ম উপাসনা না করেন, তিনি বৃদ্ধ নহেন; যে ধর্ম্মে সত্য সম্পর্ক নাই, তাহা ধর্ম্ম নহে এবং যে সত্যে আপনার বন্ধন বিমুক্ত না হয়, তাহা সত্য নহে। যে সকল সত্য সভায় গমন করিয়া, তুষ্ণীভাব অবলম্বন করেন, এবং বথা প্রাপ্ত বলিয়া থাকেন, তাহারা মিথ্যাবাদী। যে ব্যক্তি জানিয়াও, জিজ্ঞাসিত হইলে, কামক্রোধ, বা ভয় বশতঃ তাহাতে বিনিবৃত্ত হয়, সে, আপনাকে সহস্র বারুণ পাশে বদ্ধ করিয়া থাকে। সংবৎসর পূর্ণ

হইলে, তাহাদের মধ্যে একমাত্র পাশবিমুক্ত হয়। অতএব অবগত থাকিলে, তৎক্ষণাৎ সত্য বলিবে।

ঋষিগণ তাঁহার বাক্য আকর্ষণ করিয়া, বিনয়বচনে কহিলেন, হে মহারাজ ! উল্লুখ যাহা বলিল তাহাও সম্ভব এবং গৃধ্র যাহা বলিল, তাহারও কোন পরিহার হইতে পারে না। এক্ষণে এবিষয়ে আপনিই প্রমাণ। যেহেতু, রাজাই পরমগতি রাজাই প্রজার শাস্তা এবং রাজধর্ম্ম সনাতন ধর্ম্ম। হে পুরুষোত্তম ! রাজা যাহাদের শাসন করেন, তাহারা কখন দুর্গতি প্রাপ্ত হয় না। বলিতে কি, তাহারা বৈবশ্বত হস্তেও মৃত্ত হইয়া থাকে।

তখন ভগবান্ রাম সচিবগণের বাক্য শ্রবণ করিয়া কহিলেন। পৃথিবী লক্ষ্মীর সহিত জগদ্গুরু বিষ্ণুর জগতে প্রবিষ্ট হইলে, সেই মহাতেজাঃ ভূতাত্মা জগদীশ্বর তাঁহাকে গ্রহণ করিয়া, সলিলার্ণবে প্রবিষ্ট হইয়া, অনন্ত শয্যায় শয়ন করিলেন। তাহাতে বহুশত বর্ষ অতীত হইলে, পিতামহ ব্রহ্মা তাঁহাকে রুদ্ধস্ত্রোত জানিয়া, তাঁহার জঠরমধ্যে সমাবিষ্ট হইলেন। হে সচিবগণ পিতামহ প্রবেশ করিলে, বিষ্ণুর নাভিদেশে এক হেমময় পদ্ম প্রোতুর্ভূত হইল। মহাপ্রভু ব্রহ্মা তাহা হইতে বিনির্গত ও সৃষ্টি বাসনা পরতন্ত্র হইয়া, যোগমার্গ অবলম্বন পূর্বক, পৃথিবী বায়ু, সকীচক পর্বত, মনুষ্য, সরীসৃপ, জরায়ুজ অণুজ ও অন্যান্য বিবিধ প্রজা সৃষ্টি করিলেন। ঐ সময়ে তদীয় গাত্র হইতে মধু ও কৈটভ নামে প্রবল পরাক্রান্ত দানবদ্বয় প্রোতুর্ভূত ও বরপ্রভাবে সাতিশয় সমুদ্র হইয়া উঠিল। তাহারা পিতামহকে তথায় নিরীক্ষণ করিয়া, ক্রোধাবিষ্ট হইয়া, সংহার বাসনায় তাঁহার অভিযুখে



ধাবমান হইল । জগদযোনি ব্রহ্মা উৰ্দ্ধশ্বাসে সাতিশয় ব্যাকুল ও ভীত হইয়া, বিবিধ বাক্যে স্তব করিলে, ভগবান্ বিষম কৃপা পরতন্ত্র হইয়া, মধুকৈটভকে তৎক্ষণাৎ সংহার করিলেন মধুকৈটভ বিনষ্ট হইলে, কমলাসিন ব্রহ্মা সবিশেষ পর্যালোচনা পূৰ্ব্বক, বহুবিধ সৃষ্টি করিলেন । তাঁহার সৃষ্ট সমুদায় প্রজা পৃথক পৃথক রূপে বিনিষ্পন্ন হয় । বহুমতী কোথায় মনুষ্যদিগের সহিত প্রাদুর্ভূত হইয়াছিল । অতএব ইহা গৃধ্রের গৃহ নহে, উলূকেরই গৃহ । রে গৃধ্র ! তুমি সাতিশয় পাপাত্মা ও পাপকৰ্ম্মা । এবং পরের আশ্রয় নিজস্বীকৃত করিতে উদ্যত হইয়াছ । অতএব তুমি সৰ্ব্বদা দণ্ডনীয় তাহাতে সংশয় নাই ।

হে কুরুনন্দন ! ভগবান্ রাম এই বলিয়া, গৃধ্রের দণ্ড দানে সমুদ্যত হইলে, অস্তরীক্ষ হইতে সহসা অশরীরিণী বাগী প্রাদুর্ভূত হইয়া, তাঁহারে কহিতে লাগিল, হে রাম ! এই গৃধ্র তপোবন হইতে পূৰ্বে দগ্ধ হইয়াছে । ইহারে আর বধ করিবেন না । হে জলেশ্বর ! পূৰ্বে মহাতপাঃ গৌতম ভোজনার্থে ইহারে দগ্ধ করেন । তৎকালে ইনি ব্রহ্মদত্ত নামে বিখ্যাত এবং স্বভাবতঃ সত্যব্রত ও শুচি ছিলেন । মহর্ষি ইহার গৃহে আগমন ও ভোজন প্রার্থনা করিয়া কহিলেন, আমারে পূর্ণ শতবৎসর আহার প্রদান করিতে হইবে । নিরপরাধ ব্রহ্মদত্ত পূৰ্ব্বাপর না ভাবিয়া, তাঁহার আহার দানে আকৃষ্ট হইলেন । তাহাতে মহর্ষি ক্রোধাবিষ্ট হইলেন । অনন্তর সেই রোষভরে দারুণ শাপ প্রদানানন্তর কহিলেন, যেহেতু, তুমি ভোজন প্রদানে কৃষ্ট হইলে, সেই জন্য গৃধ্র যোনিতে পতিত হও । রাজা অভিশপ্ত হইয়া বিনয় বচনে বলিতে

লাগিলেন, হে ব্রহ্মন্ ! হে ধৰ্ম্মজ্ঞ ! হে মূনি বর্ষঃ ! হে মহা-  
ভাগ ! আমি না জানিয়া, এই অপরাধ করিয়াছি। অনুগ্রহ  
করিয়া, আমারে এই শাপ বিমোচন করুন। তাহাতে মহা-  
তপাঃ গোতম, তাঁহার এই অপরাধ বাস্তবিক অজ্ঞানকৃত না  
জানিয়া, শাপাস্ত্রবিধান পূর্বক কহিলেন, মহাভাগ্য মহাযশা  
রাজীবলোচন রাম দেবকার্য সাধনোদ্দেশে রঘুবংশে সমুৎপন্ন  
হইবেন। হে নরপুঙ্গব ! তাঁহার দর্শন পথে পতিত হইলেই  
তোমার শাপ বিমোচন হইবে।

এইরূপে আকাশ বাণী শ্রোতৃত্ব হইলে, ভগবান্ রাম  
তাহারে সমস্ত জিজ্ঞাসা করিলেন। রামবাক্য শ্রবণমাত্র  
রাজর্ষি ব্রহ্মদত্ত তৎক্ষণাৎ গৃধ্রভাব পরিহার পূর্বক গন্ধমাল্যা-  
মূলেপন দিব্য রূপ পুরুষমূর্তি পরিগ্রহ করিলেন এবং বলিতে  
লাগিলেন, সাধু রাজব ! সাধু এই নরক হইতে বিমুক্ত হই-  
লাম। অদ্য আপনি আমারে নিষ্কারণ অনুগ্রহ প্রদান করিলেন।  
বিহঙ্গম গৃধ্র এই বলিয়া, মহীপতি নর রূপে বিমানে আরো-  
হণ পূর্বক তৎক্ষণাৎ আত্মা বিনির্জিত দিব্য লোকে গমন  
করিলেন। তখন মহাবাহুরাগ উল্লুকে কহিলেন, হে ধৰ্ম্মজ্ঞ  
কৌশিক তুমি এক্ষণে গৃহে প্রবেশ কর, আর তোমার গৃধ্র  
হইতে কিছুমাত্র ভয় নাই। সম্প্রতি সন্ধ্যা উপস্থিত, আমি  
তাহার উপাসনা করিয়া, মহর্ষি সমীপে গমন করিব। তিনি  
উদক উপস্পর্শ ও সন্ধ্যাকৃত্য সমাধান করিয়া, মহাতপাঃ  
কুন্ত্যোনির আশ্রমে প্রবেশ করিলেন। অগস্ত্য সাতিশয় শ্রদ্ধা-  
বিত হইয়া, সেই মহাভাগ প্রিয় অতিথির ভোজনার্থ বহুশুণ  
ফলমূল ও রসশালী শাক আহরণ করিলেন। নরব্যাত্র রাম  
মহর্ষি উপনীত অমৃতোপম অন্ন ভোজন করিয়া পরম প্রীত

ও পরিতুষ্ট হইয়া, সেই রাত্রি তদীয় আবাসে শাপন করিলেন । অনন্তর প্রভাতে গাত্রোত্থান পূর্বক কৃতান্তিক হইয়া, গমন করিবার জন্য মহর্ষির অভিমুখীন হইলেন এবং বিহিত বিধানে অভিবাদন করিয়া, শানুনয় বাক্যে নিবেদন করিলেন, হে মহাভাগ ! আপনারে আগন্তুণ করি । ভবদীয় প্রসাদে আমার অন্তরাঙ্গা সর্বিশেষ আপ্যায়িত হইয়াছে । এক্ষণে অনুমতি করুন, স্বকীয় নিলয়ে গমন করি । হে মহামতে, আপনারে দর্শন করিয়া, আমি ধন্য ও অনুগৃহীত হইয়াছি । পুনরায় আপনার পবিত্র পদারবিন্দ দর্শনার্থ আগমন করিব ।

হে কুরু পিতামহ ! মহাভাগ কাকুৎস্থ এইপ্রকার অদ্ভুত দর্শন বাক্য প্রয়োগ করিলে, তপোধন কুম্ভযোনি তাঁহার বিনয় দর্শনে পরম প্রীত হইয়া, মধুর বাক্যে কহিলেন, হে রাম ! হে রঘুনন্দন ! তোমার এই বাক্য নিতান্ত অদ্ভুত ও নিতান্ত শুভকর এবং সর্বভূতেরই পবিত্রতা সাধন করে, হে রাম ! তুমি সাক্ষাৎ অনন্তমূর্ত্তি নারায়ণ । মনুষ্য রূপে সংসারে অবতরণ করিয়াছ । যাহারা মুহূর্ত্তমাত্র তোমাতে অবলোকন করে, তাহারা পবিত্র হইয়া থাকে । এবং দেবগণ তাহাদের কথা কীর্তন করেন । কিন্তু যাহারা ঈর্ষ্যা কলুষিত কুটিল চক্ষে তোমাতে নিরীক্ষণ করে, তাহারা ব্রহ্মদণ্ডে বিনিহত হইয়া, তৎক্ষণাৎ নরকে গমন করে । কলতঃ সংসারে তোমার মহিমার পার নাই, প্রভাবের ইয়ত্তা নাই । হে রঘুনন্দন ! তোমার চরিত্র একরূপ সর্বলোকপাবন যে, সকলমুই বলিয়া থাকে, তুমি অল্পের বহু প্রশংসা কর । এক্ষণে তুমি অব্যগ্র ও সর্পদা শাস্তিপূর্ণ হইয়া, গমন কর । পৃথিব্যে তোমার কোন প্রকার ভয় উপস্থিত হইবে না । হে রাম ! তুমি জগতের পরম

গতি, বিধাতা তোমার হস্তে গুরুতর ভার সমর্পণ করিয়াছেন  
অতএব ধর্ম্মানুসারে রাজ্য শাসন কর ।

হে কুরুপিতামহ ! মহর্ষি এইপ্রকার কহিলে, মহাবাহু  
রাম কৃতাজ্ঞা হইয়া, অভিবাদনার্থ তদীয় সমীপে গমন করি-  
লেন । এবং তাঁহাকে ও অন্যান্য তপোধনদিগকে অভিবাদন  
করিয়া, হেমভূষিত পুষ্পকরথে অধিরূঢ় হইলেন । অনন্তর  
তিনি গমন করিতে প্রবৃত্ত হইলে, মুনিগণ চতুর্দিক হইতে  
তাঁহারে আশীর্ব্বাদ করিতে লাগিলেন । বোধ হইল, যেন  
দেবগণ দেবরাজ ইন্দ্রকে সাধুবাদ দ্বারা পূজা করিতেছেন ।  
হে কুরুপিতামহ ! সেই সর্ব্বার্থকোবিদ ককুৎস্থকুলভূষণ রাম  
দ্রুতগামী পুষ্পকে আরোহণ করিয়া, অর্দ্ধদিবসেই অযোধ্যায়  
উপনীত হইলেন এবং সম্মুখক্কে অবতরণ ও কামগামী পুষ্প-  
ককে বিসর্জন করিয়া, কক্ষান্তর হইতে বিনির্গত হইয়া, দ্বার-  
পালদিগকে কহিলেন, তোমরা সহর গমন করিয়া, বৎস ভরত  
ও লক্ষ্মণকে আমার আগমনসংবাদ বিজ্ঞাপিত কর ; দ্বারপাল  
অক্লিষ্টকর্ম্মা রামের বাক্য শ্রবণ করিয়া, তৎক্ষণাৎ তাঁহার আদে-  
শানুরূপ অনুষ্ঠান করিল এবং ভরত ও লক্ষ্মণকে তাঁহার  
সমীপে উপনীত করিল । ভগবান্ রাম বহুক্ষণেরপর তাঁহা-  
দিগকে দর্শন করিয়া, সাতিশয় প্রীত হইলেন এবং গাঢ়তর  
আলিঙ্গন করিয়া বারম্বার আত্মাকে শীতল করিতে লাগিলেন ।  
এইরূপে পরস্পর স্নেহ ও প্রীতি বিনিময়ের পর তিনি প্রিয়তম  
ভরত লক্ষ্মণকে স্নানোদ্রেক করিয়া করিলেন, বৎস ভরত !  
বৎস লক্ষ্মণ ! আমি পরম হিতকর দ্বিজকার্য্য সাধন  
করিয়াছি । এক্ষণে আরও কিছু ধর্ম্মানুষ্ঠান করিতে ইচ্ছা  
করি । আমি তোমাদের সহিত মিলিত হইয়া, যজ্ঞশ্রেষ্ঠ রাজ-

সূর্য সম্পাদন ও আনুসঙ্গিক ধর্মোচরণ করিব। যজ্ঞানুষ্ঠানে পরম ধর্ম ও পরম ফল প্রাপ্ত হওয়া যায়। দেখ, পিতামহ ব্রহ্মা পূর্বের পুষ্করক্ষেত্রে অধিষ্ঠান পূর্বক যষ্ঠ্যধিকত্রিশত ভূরি দক্ষিণ উৎকৃষ্ট যজ্ঞ করিয়াছিলেন। আমি রাজসূর্য দ্বারা ধর্মবৎসল দেবগণের পূজা করিয়া, সমুদায় লোকে কীর্তি ও জ্ঞান লাভ করিব। দেখ শক্রনিসূদন মিত্র রাজসূর্যের অনুষ্ঠান করিয়া, সমৃদ্ধ মুহূর্ত্তে দিব্যালোকে গমন করেন। অতএব তোমরা এবিষয়ে বিহিত চিন্তা কর।

ভরত কহিলেন, হে ধর্মজ্ঞ ! হে শক্রহন্ ! আপনার এই বাক্যে পরম প্রীত হইয়াছি। কিন্তু হে ধর্মবৎসল ! আমরা রাজসূর্য হইতে বিনিবৃত্ত হইয়া কান্যকুজে বাগনদেবের প্রতিষ্ঠা পূর্বক প্রথমতঃ ধর্মচর্যা করিব। হে মহাবীর ! ভগীরথ যেরূপ গঙ্গাকে আনয়ন করিয়া, ত্রিলোক শ্রুত ও দিব্যালোক প্রাপ্ত হইয়াছেন, তদ্রূপ বাগনদেবের প্রতিষ্ঠা করিলে, আপনিও যথোপযুক্ত সময়ে স্বর্গে গমন করিবেন, তাহাতে আর সন্দেহ নাই।

## নপ্তত্রিংশ অধ্যায় ।

ভীষ্ম কহিলেন, ভগবন্ ! মহাবাহু রাম কীরূপে কান্যকুজে বাগনদেবের প্রতিষ্ঠা ও কীরূপে কোথায় তাহা লাভ করিয়াছিলেন, সবিস্তার কীর্তন করুন। হে ব্রহ্মন্ ! আপনার বাণী স্বভাবতঃ কীর্ত্তিমধুর, তাহাতে আবার রামকীর্ত্তি বর্ণনে আবও

মনোহারিণী হইয়াছে। বলিতে কি, উহা আপনার যুগ হইতে বিনির্গতা হইয়া আমার হৃদয়ে লগ্ন হইয়া রহিয়াছে। রঘুকুলতিলক রাম সাক্ষাৎ নারায়ণের অবতার। নবোদিত পূর্ণচন্দ্রের ন্যায় তাঁহার মনোহারী ভাব। এই জন্য লোকে সেই ও অনুরাগভরে তাঁহারে অবলোকন করিত। তিনি ধর্ম্মজ্ঞ কৃতজ্ঞ ও সাতিশয় বুদ্ধিমান। এবং পরম সমাহিত হইয়া ধর্ম্মানুসারে সমুদায় পৃথিবী শাসন করিতেন। তাঁহার এইরূপ ধর্ম্ম ও অবধান সহকৃত শাসনকালে সর্ব্বপ্রকার সিদ্ধি আপনা হইতেই প্রাপ্ত হইত ও বিবিধ শস্য সমুৎপন্ন হইত; প্রজালোকের সুখের নীমা ছিল না; বহুমতী অকুটপত্যা ও মহাত্মাগণ নিঃসপত্ন হইয়াছিলেন; দুষ্কগণ সূর্যোদয়ে অন্ধকারের ন্যায়, আত্মগোপন করিয়াছিল। অধিক কি, তিনি লোকের প্রাণ মনের প্রভু ছিলেন, কিন্তু কদাচ অহংকৃত বা রাগভরে অভিহত হইয়া, সেই প্রভুতার অন্যায় প্রয়োগ করেন নাই। এইজন্য প্রজালোকে তাঁহারে পিতার ন্যায় মনে করিত। সংসারে কুত্ৰাপি তাঁহার শত্রু ছিল না। সকলেই প্রিয়তম সখিজনের ন্যায় তাঁহার অনুগামী হইত। তিনি লোককণ্টক রাবণকে, পুত্র ও অমাত্যের সহিত বিনিপাতিত করিয়া, দেবকার্য্য সাধন করেন। হে দ্বিজোত্তম! তথাপি পূর্ণধর্ম্মে তাঁহার মতি সমুৎপন্ন হইয়াছিল তাঁহার চরিত্র সর্ব্বিস্তর শুনিবার জন্য সাতিশয় ওৎসুক্য জন্মিতেছে।

পুলস্ত্য কহিলেন, মহারাজ! দশরথনন্দন রাম কিয়ৎকাল অতীত হইলে, ধর্ম্মপথে ব্যবস্থিত হইয়া, যাহা করিয়াছিলেন, এক মনে শ্রবণ কর। তিনি প্রিয়মিত্র বিতীষণকে দেখিবার নিমিত্ত স্মরণ করিয়া কহিলেন, রাক্ষসরাজ বিতীষণ

লঙ্কা নগরে অধিষ্ঠান পূর্বক ক্রীড়ারাজ্য শাসন করিতে-  
ছেন। আমি তাঁহারে দেবগণের প্রিয় সাধন বাসনায় সেই  
চন্দ্রার্ককালিক রাজ্য সম্প্রদান করিয়াছি। তাঁহার রাজ্য  
অবিনষ্ট হইলে, আমারই কীর্তি চিরস্থায়িনী হইবার সম্ভা-  
বনা। ছুরাঙ্গা রাবণ ত্রিলোক বিনাশার্থ তপস্যা করিয়াছিল।  
এবং মোহমদে অন্ধ হইয়া, সর্বপ্রকার পাপের একশেষ  
উপস্থাপিত করে। এই জন্য আমি তাঁহারে বিনাশ করিয়া  
মিত্র বিভীষণকে দেব কার্য্যে বিনিয়োজিত করি। অতএব  
ইদানীং স্বয়ং গমন করিয়া, তাঁহারে হিতোপদেশ প্রদান  
করিব। এবং যাহাতে তদীয় রাজ্য চিরস্থায়ী হইতে পারে,  
তাঁহার উপায় বিধান করিব।

অমিততেজাঃ অমিতবিক্রম রাম এই প্রকার চিন্তা  
করিতেছেন, এমন সময়ে মহাবাহু ভরত তথায় উপনীত  
হইলেন। এবং তাঁহাকে তদবস্থ নিরীক্ষণ করিয়া কহিলেন,  
হে দেব ! আপনি কি চিন্তা করিতেছেন, যদি রহস্য না হয়,  
তাহা হইলে সমুদায় সবিশেষ নির্দেশ করুন। হে বিভো !  
আপনি আপনার বা দেবগণের যে কার্য্য সাধন করেন, তাহা,  
পুণ্যকর্ম্ম। পুণ্যকীর্ত্তি মহাত্মাগণ ত্রিভুবনে গান করিয়া থাকেন।  
সংসারে আপনার রহস্য বিষয়ত কিছুই লক্ষিত হয় না।

হে কুরুপিতামহ ! মহাভাগ ভরত এই প্রকার কহিয়া  
ধ্যানস্থিমিত চিন্তে উপবেশন করিলে, প্রিয়বাদী রাম প্রীতি-  
মধুরাক্ষরে কোমল বাক্যে তাঁহারে সম্বোধন করিয়া কহিলেন,  
বৎস ভরত ! তুমি এবং মহাযশাঃ লক্ষ্মণ তোমরা উভয়েই  
আমার বহিষ্চর প্রাণ। তোমাদের নিকট আমার গোপন  
করিবার কিছুই নাই। ঈশ্বরাত্র তোমাদের পরিহৃত বা

বিরহিত হইলে, নিশ্চয়ই আমার মৃত্যু হইয়া থাকে । যাহা হউক, আমার অন্তঃকরণে গুরুতর চিন্তা উপস্থিত হইয়াছে যে দশগ্রীব যেরূপ পাপাভিনন্দান বশতঃ দেবগণ কর্তৃক রাজ্য-চ্যুত ও বিনিপাতিত হইয়াছে, কিরূপ অনুষ্ঠান করিলে, মিত্র-রাজ বিভীষণের পক্ষে সেরূপ সংঘটিত না হয় । বিভীষণ স্বভাবতঃ সাতিশয় ধার্মিক তাঁহারে রক্ষা করা সর্বতোভাবে কর্তব্য । অতএব আমি এই মুহূর্ত্তেই লক্ষ্মা নগরে গমন এবং মিত্ররাজ বিভীষণকে সরাজ্য দর্শন করিয়া, সমুচিত কার্য উপদেশ করিব । তাঁহার রাজ্য অনাময় হইলে, আমারই শাস্ত্রত কীর্ত্তি সর্বতঃ সঞ্চারিত হইবে । হে ভ্রাতা ! প্রত্যাগমন সময়ে সমগ্রমেদিনী, বানররাজ স্ত্রী, মহাতেজা শত্রুঘ্ন ও তদীয় পুত্রগণ ইহাদের সকলকেই দর্শন করিব । রাজ কার্যের দুর্নিবার অনুবন্ধিতা বশতঃ অনেক দিন হইল, প্রিয় ভ্রাতা শত্রুঘ্ন বা প্রিয় স্ত্রী স্ত্রী ইহাদের কাহার সহিত সমাগম বা সাক্ষাৎ না হওয়াতে, অন্তঃকরণ প্রগাঢ় উৎকণ্ঠায় আক্রান্ত হইয়াছে । মহাবাহু রাম এই বলিয়া বিনিবৃত্ত হইলে, মহাবল ভরত কৃতাজলি পুটে অধিষ্ঠান পূর্বক সানুরাগ বচনে বলিতে লাগিলেন, হে বিভো ! আমি আপনার সহিত গমন করিব । অনুগ্রহ পূর্বক আমার এই প্রার্থনা পূরণ করিতে হইবে । তখন মহাবাহু রাম লক্ষ্মণকে কহিলেন, হে সৌমিত্রে ! আমরা যাবৎ প্রত্যাগমন না করি, তাবৎ তুমি অবহিত হইয়া, অযোধ্যা ও প্রজাগণের রক্ষা কর । সাবধান যেন কোনরূপে কর্তব্য কার্যের হানি না হয় । এই রূপে বারংবার চিন্তানন্তর লক্ষ্মণকে আদেশ করিয়া, ভরতকে কহিলেন, হে কৈকেয়ী নন্দবর্জন ! সহর



যানে আরোহণ কর। ঐ সময়ে স্মরণ মাত্র রথচর পুষ্পক অনুগত ভূত্যের ন্যায় তৎক্ষণাৎ সমাগত হইলে, উভয়ে তাহাতে আরোহণ করিয়া, প্রথমতঃ ভরত পুত্রের রাজধানীতে গমন করিলেন। তথায় তাঁহাকে, এবং তিনি কিরূপ রাজনীতির অনুসরণ করিয়া প্রজাদিগের শাসন করিতেছেন তাহা দর্শন করিয়া, পূর্বদিকে সমাগত হইলেন, হে কুরু-নন্দন! মহাভাগ লক্ষ্মণের পুত্রদ্বয় ঐদিকে রাজ্য করিতে-ছিলেন। তাঁহারা উভয়ে তাঁহাদের নগরী যথাযথ পরিদর্শন ও ছয় রাত্রি তথায় যাপন করিয়া, সেই বিমানচর পুষ্পকে অধিরূঢ় হইয়া দক্ষিণদিকে গমন করিলেন। অনন্তর গঙ্গা যমুনার সঙ্গমস্থিত ঋষিগণসেবিত প্রয়াগে উপনীত হইয়া, মুনিবর ভরদ্বাজের অভিষাদনানন্তর ভগবান্ অত্রির আশ্রমে প্রবেশ করিলেন, এবং তাঁহাকে যথাবিধি সম্ভাষণ করিয়া, জনস্থানে সমাগত হইলেন। বহু দিনের পর সে স্থান নয়ন পথে পতিত হওয়াতে ততৎক্ষণাৎ যেন মূর্তিমতী হইয়া, তদীয় সম্মুখে বিরাজ করিতে লাগিল এবং এক প্রকার অনির্বচনীয় ভাব সমুদিত হইয়া, তাঁহারে নিতান্ত বিচলিত করিল। তাহাতে সেই অপার জলনিধিরূপ নিতান্ত দুঃখবগাহ প্রকৃতি মহানুভাব রাম দুর্নিবার মনোবেগ কোন মতেই সংবরণ করিতে না পারিয়া পাশ্বেপবিষ্ট ভরতকে সম্বোধন পূর্বক বলিলেন, বৎস! পূর্বে দুরাচার রাবণ এই স্থানেই জনকদুহিতা সীতারে শূন্যগৃহে একাকিনী পাইয়া, বল পূর্বক হরণ করিয়া-ছিল; আমাদের পিতৃ সখা জটায়ু অপার বন্ধু প্রীতির বশ-বর্তী হইয়া, এই স্থানেই সীতার নিমিত্ত রাবণ হস্তে প্রাণ-ত্যাগ করেন; সৌভাগ্য বশতই এই স্থানে স্ববুদ্ধি কবন্ধে

সহিত আমাদের ঘোরতর যুদ্ধ সংঘটিত হয়। মতিমান্ কবন্ধ এই স্থানেই আমাদের হস্তে বিনিহত হইয়া, শাপ মুক্তির প্রতিস্বরূপ আগাদিগকে উপদেশ করে যে, প্রিয়তমা সীতা রাবণ গৃহে বাস করিতেছেন। গিরিবর ঋষ্যমুখে স্ত্রীীবনামে যে মহাবল বানর অধিষ্ঠান করে, তাহাতেই সীতার উদ্ধার হইবে, তুমি অমুজের সহিত তথায় গমন কর। বানররাজ স্ত্রীীব তোমার সহিত মিত্রতা করিবে। অনন্তর আমরা সেই কবন্ধের উপদেশানুসারে ঋষ্যমুখে গমন ও শুভক্ষণে স্ত্রীীবের সহিত সমিতা বন্ধন করি। হে ভরত ! বহুদিনের পর এই সেই সরোবর অবলোকন করিলাম। জনকহুহিতার স্ত্রুঃ-সহ বিরোগ শোকে ত্রিয়মাণ ও হতশক্তি হইয়া, পূর্বে ইহার তীরে উপবেশন পূর্বক বিলাপ ও পরিতাপ করিতে আরম্ভ করিলে, প্রিয়তম লক্ষ্মণ স্বয়ং নিতান্ত ব্যাকুল হইয়াও, স্থলিত গদগদ মধুর বাক্যে তৎকালোচিত যে প্রবোধ পরম্পরা প্রদান করেন, আজিও যেন সে সকল আমার হৃদয়ে নবীভূতের ন্যায়, জাগরুক হইয়া রহিয়াছে। আমি মরিলেও তাহা ভুলিতে পারিব না। আহা, বৎস লক্ষ্মণ আমার একান্ত সম-দুঃখস্থ। তিনি তাদৃশ কোমল বয়সে এই হতভাগ্যের জন্য যে দুর্বিষহ ক্লেশরাশি সহ্য করিয়াছেন, তাহা অরুণ করিলেও, হৃদয় বিদীর্ণ হইয়া যায়। বৎস ভরত ! রাজবংশের কথা দূরে থাক, সামান্য বংশেও জন্মগ্রহণ করিয়াও, কেহ কখন আমার ন্যায়, ভাগ্য বিপর্যয় জনিত তাদৃশ দারুণ দুঃখ সহ্য করে নাই। সে যাহা হউক, আমি নিতান্ত অবশ ও মুমূর্ষু ভাবাপন্ন হইলে, বৎস লক্ষ্মণ আমারে বলিয়াছিলেন, হে নরব্যাঘ্র ! শোক পরিহার পূর্বক শত্রু সংহার করুন।

আমি আপনার একান্ত বশব্দ আচ্ছাদকারী ভূত। আমার সহায়ে আপনার মৈথিলীলাভ কোনমতেই কঠিন বা দুঃসাধ্য নহে। আহা প্রিয়তম লক্ষ্মণের সেই অমৃতায়মান বচন পর-স্পরা জন্মের মত আমার হৃদয়ে ও প্রাণে বদ্ধ হইয়া গিয়াছে। আমি তৎকালে তাঁহারই কথায় নির্ভর করিয়া গাত্ৰোত্থান করি এবং প্রিয়তম সীতার বিরোগ দুঃখ বিস্মৃত হইয়া যাই। অনন্তর এইস্থানে আমার একবর্ষ অতিবাহিত হয়। হায়; সেই এক বর্ষ সীতাশোকে শতবর্ষের ন্যায় কি ভয়ঙ্কর যন্ত্রণা প্রদান করিয়াছিল। হে বৎস ! বাঁহারে কণমাত্র না দেখিলে ব্যাকুলতা হইত সেই প্রিয়তমা জনক দুহিতারে এক বৎসর না দেখিয়া, কিরূপে জীবন ধারণ করিয়াছিলাম, তাহা ভাবিলেও এখন লোমহর্ষণ উপস্থিত হইয়া থাকে। যদি তাদৃশ সঙ্কট সময়ে বৎস লক্ষ্মণের হস্তাবলম্ব প্রাপ্ত না হইতাম, তাহা হইলে, এতদিন রামনাম পৃথিবী হইতে অন্তর্হিত হইত। বৎস লক্ষ্মণ ! তুমিই ধন্য। হে কৈকেয়ি হৃদয়ানন্দন আমি এই স্থানে স্ত্রীবেদ হিতসাধনা প্রণোদিত হইয়া, মহাবল বালির সংহার করি। বীরপত্নী তারা স্বামিশোকে বিধুরা হইয়া, তৎকালে আমার সম্মুখে কতই ক্রন্দন করিয়াছিল, সমুদায় যেন আমার নিয়ন সান্নিধ্যে জাগরুক রহিয়াছে এবং কালের ছুরপণে পরিবর্তন-বশতঃ যে সকল ব্যাপার এক প্রকার বিস্মৃত হইয়াছিলাম, তৎসমস্তও যেন স্থানমাহাত্ম্যে অদ্য স্মৃতিপথে আছে, আছে পদ গ্রহণ করিতেছে। বৎস ! এই সেই বালিপালিতা কিকিঙ্ক্যানগরী চিরপরিচিতা সখীর ন্যায় আমারে যেন আহ্বান করিতেছে। লক্ষ্মণসহ স্ত্রী-মহাদেবী স্ত্রীবেদ সম্প্রতি ইহার আদিপাত্যে প্রতিষ্ঠিত হইয়া-

তেন । অদ্য এই কিস্কিন্দ্যা দর্শন করিয়া, বানররাজ হুগ্রীবের  
 সেই নিষ্কারণ অনুরাগ মিশ্রিত প্রথম প্রণয় সাক্ষাৎ স্বরূপ  
 আমার হৃদয়ে যেন উচ্ছ্বসিত হইয়া উঠিল । চল, আমরা  
 বহুদিনের পর তাঁহারে সন্দর্শন ও তাঁহার সহবাসস্থল অনুভব  
 করিয়া আত্মাকে প্রীত ও আপ্যায়িত করি । এই বলিয়া তিনি  
 ভরতের সহিত হুগ্রীব সকাশে সমুপস্থিত হইলেন । বানর-  
 রাজ তৎকালে অনুগত বানরগণে পরিবৃত হইয়া, সভাসমুপে  
 উপবেশন করিয়াছিলেন । সহসা অনুজসহিত রঘুনন্দনকে  
 সন্দর্শন করিয়া, তদীয় আফ্লাদমাগর উদ্বেল হইয়া উঠিল ।  
 এবং হৃদয় অতিমাত্র বিহ্বল হইল । কি করিবেন, ভাবিয়া  
 কিছুই স্থির করিতে পারিলেন না । কেবল নিতান্ত পিপাসিত  
 লোচনে তাঁহারে অদৃষ্ট পূর্ব্বের ন্যায়, পান করিতে লাগিলেন ।  
 অনন্তর আপতিত মনোবেগ কথঞ্চিৎ অপহৃত হইলে, তিনি  
 তৎক্ষণাৎ সজন ও সপত্নীক গাত্রোথান পূর্ব্বক অনুরাগভরে  
 প্রণাম করিয়া কহিলেন, হে বীরযুগল ! অদ্য আপনাদিগকে  
 দর্শন করিয়া, আমার সৌভাগ্যগর্ব বর্দ্ধিত হইল । এক্ষণে  
 আদেশ করিয়া, আমারে অনুগৃহীত করুন । ভক্তি গদগদ  
 বাক্যে এই প্রকার কহিয়া, তাঁহাদিগকে বরাসনে উপবেশন  
 করাইয়া ; স্বহস্তে অর্ঘ্য প্রদানানন্তর বিশেষরূপে পূজা করি-  
 লেন । হে কুরুনন্দন ! মহানুভাবরাস অনুজের সহিত আগমন  
 করিয়াছেন, এই বার্তা প্রবল প্রবাহের ন্যায়, ক্ষণ মধ্যে সমু-  
 দায় নগরী আন্দোলিত করিল । তখন অঙ্গদ, হনুমান, নল,  
 নীল, পীঠক, গয়, গবাক্ষ, গবয়, মহাবল পনস, মস্ত্রিনন্দন  
 বরধেনু, দেশঙ্গ, শতবলী, গৈন্দ, দ্বিবিদ, গন্ধমাদন, বীরবাহু,  
 বীর্ষা, বীরসেন, বিনায়ক, সূর্য্যভঙ্গ, সুদ, মুসেন, হরিষপ, ঋষৎ,

বিন, ভীমবিক্রম ও ধূত্র ইহারা স্বতন্ত্র মৈন্য সমভিব্যাহারে তাঁহার সমীপে তৎক্ষণাৎ সমাগত হইল। এবং একতান নয়নে অপার সাগর সদৃশ সেই রামরূপ অধ উর্দ্ধে পান করিয়াও, কোন মতেই নিঃশেষ করিতে পারিল না ; সুতরাং তাহাদের পরিতৃপ্তিরও পুনঃ পুনঃ সীমা বর্দ্ধিত হইতে লাগিল। ঐ সময়ে সমুদায় অন্তঃপুরিকা ও অন্যান্য কর্মকারিকাগণ লজ্জা ভয় পরিহার পূর্বক বিস্ফারিত নেত্রে তাঁহারে বারম্বার দর্শন করিয়া, সাতিশয় হর্ষাবিষ্ট হইল এবং সাধু সাধু বলিয়া গগনমণ্ডল প্রতিধ্বনিত করিতে লাগিল। অনন্তর স্ত্রীপ্রমুখ বানর সকল এবং তারাপ্রমুখ মহাভাগা বানরীগণ সমবেত হইয়া, তাঁহারে সহস্র সহস্র প্রণিপাত পূর্বক বলিতে লাগিল, হে রাঘব ! তুমি রাবণ বধ করিয়া, যাহার উদ্ধার ও অমরগণ সমক্ষে যাহারে অগ্নিশুদ্ধ করিয়া, পরিশেষে স্বীয় পুরে আনয়ন করিয়াছিলে, সেই দেবী কোথায় ? তাহারে তোমার অগ্রে অবলোকন করিতেছি না কেন ? হে রঘুনন্দন ! সেই সীতা ব্যতিরেকে তারকাহীন চন্দ্রমার ন্যায় তোমার কিছুমাত্র শোভা লক্ষিত হইতেছে না। পতি-প্রাণা জানকীও তোমা ব্যতিরেকে শোভাশূন্য হইয়া থাকেন এবং ক্ষণমাত্রও অধিষ্ঠান করিতে পারেন না। আজি তিনি তোমারে কিরূপে পরিত্যাগ করিলেন ? হে বিভো ! জানকী ব্যতিরেকে তোমার ভার্যাস্তর নাই, ইহা আমাদের বিলক্ষণ পরিজ্ঞাত আছে। অতএব সেই জানকী ব্যতিরেকে তোমার শোভা পরিহৃত হইয়াছে। যে রূপ ক্রৌঞ্চমিথুন, যে রূপ চক্র-বাকসুগল, সেইরূপ রামসীতা সংসারের সর্বত্র প্রথিত হইয়া থাকেন। হে রাম ! গরুড়াসন মংস্থিত ভগবান্ হরির পার্শ্ব-

বর্তিনী লক্ষীর ন্যায়, সেই জনকছহিতারে পূর্বের এই পুষ্পক-  
রথে তোমার সান্নিধ্যে অবলোকন করিয়া, তোমারে এক<sup>বাবের</sup> বের  
দেখিয়া, আমাদের অন্তরাজ্ঞা আপ্যায়িত হইতেছে না । 'রাক্ষসী

হে কুরু পিতামহ ভীষ্ম ! ঐ সময়ে তারাধিপসম্মাননা  
সুগ্রীবললনা তারা তাঁহার সম্মুখী না হইয়া, ঐ প্রকার বাক্য  
প্রয়োগ করিতে লাগিল । সরলহৃদয় রাম শ্রবণ করিয়া,  
নিতান্ত অপ্রতিভ ও সঙ্কুচিত হইয়া উঠিলেন । তাঁহার মুখ-  
চন্দ্রমা সহসা ম্লান হইয়া গেল । কি বলিবেন, কি করিবেন ;  
ভাদিয়া কিছুই স্থির করিতে পারিলেন না । সীতা যে অমল  
চরিত্রা ও পাতিভ্রাত্যের আদর্শ, তাহা সংসারে কাহারও অবি-  
দিত নাই । অতএব তিনি নিরপরাধে পুনরায় তাঁহারে বনে  
দিয়াছেন, একথা কোন্ প্রাণে কোন্ মুখে বলিতে পারেন ।  
ঐ সময়ে জনক ছহিতার সেই শিশু সুন্দর বদনকমল স্মরণ  
করিয়া, পুনঃ পুনঃ ব্যাকুল হইতে লাগিলেন । অবশেষে  
অতিকষ্টে আকার গোপন ও উচ্ছলিত শোকভার সংস্তম্ভন  
পূর্বক কহিলেন, অয়ি বিশালাক্ষি ! রোদন পরিহার কর ।  
কাল নিতান্ত দুর্ভাগ্যক্রম্য । এই স্বাবরজঙ্গমাত্মক চরাচর জগৎ  
কালকৃত বলিয়া অবগত হইবে । কালই প্রজাগণের সৃষ্টি  
করে এবং কালই তাহাদের সংহার করিয়া থাকে ।

অনন্তর মহাবল সুগ্রীব সেই সকল স্ত্রীদিগকে পরিহার  
করিয়া, অভিমুখী হইয়া কহিল, হে বিভো ! আপনারা কি  
উদ্দেশ্যে এখানে আগমন করিয়াছেন । সত্ত্বর আদেশ করুন,  
আমাকে আপনাদের কি করিতে হইবে যেহেতু, সময় অতি-  
ক্রান্ত হইতেছে । সুগ্রীব এইরূপ কহিলে, মহাবাহু ভরত  
রামের প্রেরণাপরতন্ত্র হইয়া কহিলেন, আমরা মিত্রবর

বিভীষণকে সম্ভাষণার্থ লঙ্কানগরে গমন করিব। সুগ্ৰীব  
রুহিল, আমিও আপনাদের সহিত গমন ও রাক্ষসরাজ বিভী-  
ষণকে দর্শন করিব। রাম কহিলেন, হে বানররাজ ! তবে  
সত্ত্বর আগমন কর ।

অনন্তর রাম, সুগ্ৰীব ও ভরত ইহারা তিন জনে মিলিত  
হইয়া, রথবর পুষ্পকে আরোহণ করিলেন এবং দেখিতে  
দেখিতে সেই দ্রুতগামি বিমান সহায়ে সমুদ্রের উত্তরকূলে  
আসিয়া উপনীত হইলেন। বহুদিনের পর সরিৎপতিকে  
নয়ন গোচর করিয়া, যুগপৎ হর্ষবিস্ময় সমুপস্থিত হইল।  
তাহাতে রাম চিরপরিচিত বান্ধব সমাগমের ন্যায় বিপুল  
আনন্দ অনুভব করিয়া, ভরতকে সম্বোধন পূর্বক কহিলেন,  
হে ভরত ! বাঁহার পরামর্শরূপতরুণ সহায়ে লঙ্কা সমররূপ  
সুদুস্তর সাগর উত্তরণ করিয়াছিলাম, সেই রাক্ষসরাজ বিভীষণ  
সচিব চতুর্কয় সমভিব্যাহারে প্রথমতঃ এই স্থানেই সাক্ষাৎ  
করেন এবং প্রিয়তম লক্ষ্মণ আমার আদেশানুসারে এই  
স্থানেই তাঁহারে লঙ্কারাজ্যে অভিষেক করেন। হে ভ্রাতা !  
এই সরিৎপতি আমাদের পূর্বপুরুষগণের কীর্তিস্তম্ভ। আমি  
ইহার দর্শন প্রতীকায় এইস্থানে দিবসত্রয় অবস্থিতি করি।  
তখনি ইনি আমারে দর্শন দান করিলেন না। তৎকালে  
সীতাশোকে বিষমুচ্ছিতের ন্যায়, আমার চৈতন্য বিগলিত  
হইয়াছিল। অতএব আর কোন মতেই প্রতীক্ষা করিতে না  
পারিয়া, প্রবল রোষ দহনে দহ্যমান হইয়া উঠিলাম এবং  
বেগভরে শরাসন সমুদ্যত করিয়া, হস্তে দারুণ অস্ত্র গ্রহণ  
করিলাম। তদর্শনে সরিৎপতি ভীত ও শরণার্থী হইয়া,  
লক্ষ্মণের আশ্রয় গ্রহণ করিল ! অনন্তর এই মিত্রবর সুগ্ৰীব

অমুনয় করিয়া কহিলেন, হে রাঘব ! ইহাঁরে মার্ক্ধ্বনা করুন । ইনি না জানিয়া, আপনার অতিক্রম করিয়াছেন । তখন আমি বিনিবৃত্ত হইয়া, হস্তস্থিত অস্ত্রের সহিত প্রবলিত রোবানল দূরে নিক্ষিপ্ত করিলাম । তদদর্শনে সরিৎপতি অমুনয় সহকারে কহিলেন, হে রাম ! তুমি সেতুবন্ধন পুরঃসর সলিল পূর্ণ মহোদধি লঙ্ঘন করিয়া লঙ্কানগরে গমন কর । তাহাতে আমি অচিরাত্ এই সমুদ্রে এই মহাসেতু বন্ধন করিলাম । হে নরসত্তম ! বানরসত্তমগণ তিনদিনে এই সেতুবন্ধ করে । প্রথম দিনে চতুর্দশ যোজন, দ্বিতীয় দিনে ষট্‌ত্রিংশৎ যোজন, এবং তৃতীয় দিনে শতযোজন বিনির্শিত হয় । হে নরবাত্স ! এই সেই লঙ্কানগরী অবলোকন কর । ইহার প্রাকার ও তোরণ সকল স্বর্ণময় । রাক্ষসরাজ রাবণ দুর্জয় বীর্য্যে ত্রিলোক অধিকৃত করিয়া, দ্বিতীয় প্রজাপতির ন্যায়, ইহার শাসন করে । দেবরাজপ্রমুখ দেবতাগণ দূতের ন্যায়, তাহার অনুবর্তন করিতেন । কিন্তু কালের কি কুটিল গতি । দৈবের কি মারণ চাতুর্য্য ? সীতাহরণ রূপ সামান্য সূত্রে স্বল্পকাল মধ্যেই স্বল্পসম্ভাবিতের ন্যায়, তাহার নাম মাত্র অবশিষ্ট হইল । হে বীর ! সেতুবন্ধ সমাপ্ত হইলে আমি লঙ্কানগরে প্রবেশ করিয়া তাহার চতুর্দিক অবরোধ করিলাম । তাহাতে চৈত্র শুক্লা-ত্রয়োদশীতে এই স্থানে ঘোরতর যুদ্ধ সমুপস্থিত হইল । ঐ দারুণ যুদ্ধ প্রলয়কালীন সংবর্তন বহির ন্যায় অষ্টচত্বারিংশ দিন সমভাবে প্রজ্বলিত হইয়া, অবশেষে ছুরাচার রাবণকে একবারেই কবলিত করিল । ত্রিলোকীর হৃদয় শল্য সমুজ্জ্বল ও দেবতাগণের আনন্দাশ্রু উচ্ছলিত হইয়া উঠিল । হে বীর ! রাক্ষসপুঙ্গব প্রহস্ত মহাবীর নীল কর্তৃক এই স্থানেই বিনি-



হত হয় ; মহাবল হনুমান এই স্থানেই ধূতাক্ষের প্রাণ সংহার করে ; নরোত্তম ও অতিকায় এই স্থানেই মহাক্সা স্ত্রীধ্বজের চরম প্রতাপানলে শলভের ন্যায় ভস্মীভূত হইয়া যায় ; আমি স্বয়ং এই স্থানে মূর্তিমান কৃতান্ত কুন্তকর্ণের সংহার করি এবং মহাবাহু লক্ষ্মণ এই স্থানেই অমর বিজয়ী ইন্দ্রজিতকে সমরকুণ্ডে আছতি দান করেন। এইরূপ স্বল্পদিন মধ্যেই রাবণবংশ ধ্বংস হইয়া যায় ।

অনন্তর দারুণ হত্যাকাণ্ড বিনিবৃত্ত হইলে, সুখ দুঃখঃময় শুদ্ধিকাণ্ড সমুপস্থিত হয়। তৎকালে পিতৃদেব মহারাজ দশরথ অঙ্গরা ও বিদ্যাধরগণে পরিবৃত্ত হইয়া, এই স্থানেই সমাগত হইলেন ! বহু দিনের পর তদীয় চরণারবিন্দ সন্দর্শন করিয়া, মনে যে অপরূপ আনন্দ সঞ্চার হইল, তাহা বলিবার নহে। কিন্তু হত দক্ষ বিধাতা রামের অদৃষ্টে কখন সুখভোগ নির্দেশ করিয়া রাখেন নাই। পিতৃদেবকে দর্শন করিয়া, যে অনির্বচনীয় আনন্দ সমুদিত হইয়াছিল, লোকমুখে পর-গৃহবাসিনী জনকনন্দিনীর অমল চরিত্রে সন্দেহবাদ আকর্ষণ করিয়া, দুর্নিবার দুঃখে সেইরূপ প্রতিপ্রহত হইয়া গেল। আহা ! প্রিয়তমা আমার হস্তে পড়িয়া, কত দুঃখ ও কত ক্লেশই সহ্য করিয়াছেন ; আমি অকৃতাপরাধে তাঁহারে যে রূপ মর্ম্ম পীড়া প্রদান করিয়াছি, ধরাতলে নরাদম রাম ব্যতিরেকে আর কেহই সে রূপ করিতে সাহসী হয় না ! বৎস ! তিনি এরূপ পতিপ্রাণা ও সরল হৃদয়া এবং আমার প্রতি এরূপ অকপট প্রীতি ও অকৃত্রিম অনুরাগশালিনী যে, আমি সামান্য লোক বিরাগ সংগ্রহভয়ে ভীত হইয়া, সঙ্কুচিত হৃদয়ে মস্তক অবনত করিলে তিনি তৎক্ষণাৎ তাহা

বুঝিতে পারিলেন এবং আমার চিত্ত তুষ্টি সাধনার্থ কিছুমাত্র বাঙ্‌নিষ্পত্তি না করিয়া, সেই শুদ্ধিকাম সমবেত সৰ্ব্বজন সমক্ষে অনায়াসেই প্রজ্জ্বলিত অনলে প্রবেশ ও আত্মশুদ্ধি সাধন করিলেন ।

এইরূপ শুদ্ধিকাণ্ড সমাপ্ত হইলে, পিতৃদেব প্রস্থান সময়ে এই স্থানে বলিয়া গেলেন, বৎস রাম ! তুমি অযোধ্যায় গমন কর এবং অকণ্টকে রাজ্য শাসন কর । আমি নিতান্ত হতভাগ্য, সেই জন্য তোমারে রাজপদে অভিষিক্ত করিয়া, স্মৃখী হইতে পারিলাম না । বলিতে কি, তোমা ব্যতিরেকে স্বর্গেও আমার কিছুমাত্র অনুরাগ নাই । যাহা হউক, তুমি আমারে উদ্ধার করিয়াছ; আমি তোমারই গুণে ইন্দ্রলোক লাভ করিয়াছি । অনন্তর তিনি লক্ষ্মণকে সম্বোধন করিয়া কহিলেন, বৎস ! তুমিই সার্থকজন্মা, তোমার যথেষ্ট পুণ্য সঞ্চিত হইয়াছে । তুমি আতাকর্তৃক অনুধ্যাত হইয়া, চরনে দিব্য গতি লাভ করিবে, উহাতে অণুমাত্র সন্দেহ নাই । তদনন্তর সীতাকে আহ্বান করিয়া কহিলেন, হে স্ত্রতে ! তুমি স্বভাবতঃ পতিপরায়ণতা গুণের পরাকারী এবং পবিত্রতার আদর্শ । তথাপি বৎস রাম তোমারে অগ্নিতে শুদ্ধ করিলেন । ইহাতে তুমি তাঁহার প্রতি কিছুমাত্র রোষ প্রকাশ করিও না । যেহেতু ইহা দ্বারা ত্বদীয় ভর্তার খ্যাতি লাভ হইবে ।

হে কুরুনন্দন! মহাবাহু রাম এই প্রকার বলিতে বলিতে রথচর পুষ্পক দ্রুতবেগে তাঁহাদিগকে লক্ষ্মণগরে আনয়ন করিল । তথায় যে সকল রাক্ষস ছিল, তাহারা ত্বরিত পদে বিভীষণ সকাশে গমন করিয়া কৃতাজ্ঞা পুটে নিবেদন করিল,

হে বিভো ! ভগবান্ রাম বানর-রাজ স্ত্রীশ্রী ও একজন মনুষ্যের সহিত আগাদের নগরীতে পদার্পণ করিয়াছেন । বিহীষণ রামের নিতান্তে ভক্ত ও অনুগত ; সহসা তদীয় আগমন-বার্তা শ্রবণ করিয়া অতিমাত্র হর্ষাবিষ্ট হইলেন এবং আপনারে সাতিশয় ভাগ্যবান বোধ করিলেন । অনন্তর পুলকিত চিত্তে সন্দেশবহদিগকে অভিলষিত অর্থ ও বসনাদি দ্বারা সমুচিত রূপে পুরস্কৃত ও আপ্যায়িত করিয়া, রক্ষাধিকৃত পুরুষদিগকে আদেশ করিলেন, তোমরা মত্বর লঙ্কানগরীর অলঙ্করণ সম্পাদন কর । প্রভু রাম তদীয় ভৃত্যদিগের আগমন মহোৎসব সাধন করা সর্বতোভাবে কর্তব্য । অনন্তর আদেশ দ্বারা লঙ্কানগরী অলঙ্কৃত হইলে, তিনি প্রভুর প্রত্যাগমনার্থ সচিবগণের সহিত বিনির্গত হইলেন দেখিলেন, জানকীবল্লভরাম বিমানের আরোহণ করিয়া, মেরুমহীধরাশ্রবর্তী দিবাকরের ন্যায়, অপূর্ণ শোভা ধারণ করিয়াছেন । তাঁহার শরীর বিনিঃসৃত শান্তিময়ী প্রভায় সমস্তাৎ আলোকিত ও পুলকিত হইয়াছে । তিনি মাষ্টাঙ্গে প্রণিপাত পূর্বক ভক্তি গদগদ মধুরাক্ষর বাক্যে কহিলেন, হে পদ্মপলাশলোচন ! অদ্য আগার জন্ম, কর্ম ও দৃষ্টি সফল হইল, অদ্য আমি ননোরথসিদ্ধির পার প্রাপ্ত হইলাম । যেহেতু, অদ্য আপনার জগদ্বন্দিত চরণযুগল দর্শন করিলাম । হে মহাভ্যুত ! আপনি ইন্দ্রাদি অমরগণের কার্য সাধন করিয়া, ত্রিভুবনবিজয়ী কীর্তিকলাপ সঞ্চয় করিয়াছেন । এই বলিয়া তিনি স্ত্রীশ্রী ও ভরত সহিত রামকে বারংবার অভিবাদন ও আলিঙ্গন করিয়া, ত্রিপিটপ হইতে উৎকৃষ্ট স্বীয় রাজধানীতে সন্নিবিষ্ট করিলেন, হে পিতামহ ! রাক্ষসরাজ রাবণ যে সর্বরজ্জোপশোভিত প্রদীপ্ত গৃহে শয়ন করিত,

ভগবান্ কাকুৎস্থ তথায় উপবেশন করিলে, বিত্তীয় গল-  
লম্বীকৃত বস্ত্রে অঞ্জলিপুটে বহন্তে অর্বাচন করিয়া কহি-  
লেন, হে বিতো ! আপনি ভূত্যের প্রতি অনুগ্রহ বিতরণ  
বাসনার স্বয়ং এখানে সমাগত হইয়াছেন । আপনারে যাহা  
দিব, তাহা আমার নাই । আপনি ত্রিলোককণ্টক হনুন্ত  
রাবণকে সংহার করিয়া, পূর্বের আমারে এই পুরি প্রদান  
করিয়াছেন, এক্ষণে আমি স্ত্রী, পুত্র, আত্মা ও বাহুব এবং  
অন্যান্য সমুদায় বস্তু সহিত ইহাই আপনার পদারবিন্দে  
অর্পণ করিতেছি, অনুগ্রহ পূর্বক প্রতিগ্রহ করিয়া, আমারে  
কৃতার্থ করুন । হে মহাত্মা ! আমার যাহা কিছু সমুদায়ই  
আপনার । রামচন্দ্র তাঁহার অকপট অনুরাগসহচরিত অকু-  
ত্রিম ভক্তি সন্দর্শনে দাতিশয় সম্বলিত হইয়া, তদীয় প্রীতিনান  
প্রতিগ্রহ পূর্বক, কহিলেন, হে মিত্র ! সমুদায় তোমারে দান  
করিলাম ; এক্ষণে প্রার্থনা করি, তোমার এই সমস্ত অক্ষয়  
হউক ।

হে কৌরব ! ভগবান্ রাম সাক্ষাৎ জগদগুরু নারায়ণের  
। তিনি স্বীয় অনুদার গুণে শত্রুবিদ্বে লোকনেরই  
সমান প্রীতি ও সমান অনুরাগ আকর্ষণ করিয়াছিলেন তাঁহার  
আকার প্রকারও অলৌকিকমত মনুষ্যতায় পরিপূর্ণ এবং লক-  
নেরই সৌন্দর্য্য ছিল । অতএব তাঁহারে দেখিবার নিমিত্ত  
কৌতুহলাক্রান্ত হইয়া, সমুদায় প্রজালোক ও লক্ষ্যবাসী  
অন্যান্য জনগণ তথায় সমাগত হইল এবং আরাধনাকে যার  
দর্শন করাও বলিয়া বিত্তীয়ের গোচর করিল । তখন রাজকন-  
যাক একে একে লখনকে দ্রাব্য সমীপে উপস্থিত করিলে,  
আত্মীয় সেউ মিত্রগণ কলহানি দর্শন করিয়া, লক্ষ্য দমন

পরিভূপ্ত করিতে লাগিল । অমন্তর আন্তরিক প্রীতির নিদর্শন স্বরূপ তদীয় শব্দ প্রান্তে বহুবল সঞ্চিত উপায়ন সমস্ত নিবেদন করিয়া দিল । কৌশলানুসঙ্গ রাম সমুচিত সম্ভাষণাদি দ্বারা সঙ্কোচ এই সমভাবে সন্তোষ সাধন করিয়া, অভিলষিত পরিপূরণ করিলেন । অনন্তর মহাবাহু ভরত তদীয় আদেশ বশব্দ হইয়া, তাহার দর ও রাক্ষসরাজের উপানীত রক্ষোবশব্রিত উপহাস সমস্ত গ্রহণ করিলেন ।

এইরূপে রাক্ষসগৃহে দিবসত্রয় অতিবাহিত ও চতুর্থ দিন সমুপাগত হইলে, ভগবান্ রাম সভামণ্ডপ অলঙ্কৃত করিয়া, আনীন হইলেন । বিভীষণ, সুগ্রীব, ভরত ও অন্যান্য রাক্ষসগণ যথাযোগ্য স্থানে তাঁহার চতুর্দিক বেষ্টিত করিয়া উপবেশন করিলেন । ইত্যবসরে যে অভূতপূর্ব ঘটনা সংঘটিত হইল, বলিতেছি, শ্রবণ কর । যিনি পূর্বে দেবমায়ার বশবর্ত্তিনী হইয়া, রামকে বনবাসে প্রেরণ করেন, সেই কৈকেয়ী যথোপযুক্ত সময়ে শরীর বিসর্জন পূর্বক স্বর্গলোকে গমন করেন । তিনি জন্মান্তরে মহাত্মা কশ্যপের পত্নীপদ বলঙ্কৃত করিয়াছিলেন । তৎকালে তাঁহার নাম সুশীলা বলিয়া বিখ্যাত ছিল । এই সুশীলাই কৈকেয়ী রূপে জন্মগ্রহণ করেন । বাহা হউক, তিনি স্বর্গে গমন করিয়া ভর্তার মিকট শ্রবণ করিলেন, রাম স্বয়ং প্রভু নিরাকরণ ; দেবমায়ার কার্য সাধন মানসে রঘুবংশের নশরথের উন্নয়নে অবতরণ করিয়াছিলেন । নন্দন্যের নারী আশ্রয়মাত্রে তাঁহার অন্তঃকরণ অভিযাত্রা শঙ্কিত হইয়া উঠিল । আপনাকে অপরাধিনী জ্ঞানিয়া, মনে মনে কতই চিন্তা করিতে লাগিলেন । অমন্তর রাম সমুপাগত হইলেন । বিভীষণ তৎকালে সভামণ্ডপে

আসীন ছিলেন। তাঁহারে আহ্বান ও মধুর বাক্যে সম্ভাষণ করিয়া, কহিলেন, হে পুত্রক ! অনেক দিন হইল রামের শশধরবিড়ম্বী বদনমণ্ডল দর্শন না করিয়া আমার অন্তঃকরণ প্রগাঢ় উৎকণ্ঠায় আক্রান্ত হইয়াছে। অতএব তাঁহারে দর্শন করিয়া যাইব। হে বৎস ! তুমি বন্ধুগণ সহিত রামকে আমার এই অভিলষিত বিজ্ঞাপিত কর। মুনিমন্তমগণ তাঁহারে নয়নগোচর করিয়া, পরম পুণ্য উপার্জন করেন। স্বয়ং সনাতন বিষ্ণু মূর্তিচতুষ্টয় পরিগ্রহ করিয়া, ধরাতলে অবতরণ করিয়াছেন। মহাভাগা সীতা তাঁহার চিরপরিগ্রহ সাক্ষাৎ লক্ষ্মী। আমি এবিষয় নিঃসংশয়ে অবগত হইয়াছি। হে বৎস ! তোমার অগ্রজ পরম বুদ্ধিমান ধনদ পূর্ব্বে রাক্ষসরাজ রাবণের উৎপীড়নে নিরস্ত্রায় ব্যথিত হইয়া, দেবগণের সমীপে গমন করিলে; তাঁহারা বলিয়াছিলেন, হে যক্ষরাজ ! আমাদের আর চিন্তার বিষয় নাই। স্বয়ং নারায়ণ দশগ্রীবের সংহার সাধন জন্য মহাত্মা রবুর বিশুদ্ধ বংশে দশরথের পুত্র রামরূপে জন্মগ্রহণ করিবেন।

বিভীষণ তথাস্তু বলিয়া, অঙ্গীকার পূর্ব্বক কহিলেন, হে দেবমাতা ! আপনি স্বকীয় পারিষদ ও অন্যান্য দেবকন্যার সহিত ভগবান্ রামের সকাশে গমন করুন। আমি তাঁহারে আপনার কথা নিবেদন করিব। হে শুভে ! এক্ষণে এই শুক্ল যব গ্রহণ করুন এবং দূর্ব্বা ও সর্ষপের সহিত পুত্রের মঙ্গল করিয়া, কল্যাণ সাধন করুন। বিভীষণ এইপ্রকার বাক্য প্রয়োগ পূর্ব্বক প্রভু রাম যেস্থানে অধিষ্ঠান করিতেছেন, তথায় গমন করিলেন। এবং তাঁহাকে দেখিবার নিমিত্ত যে সকল লোক সমাগত হইয়াছিল, তাহাদের সকলকেই উৎ-

সারিত করিয়া দিলেন । অনন্তর সভা জনশূন্য ও মহামুভব রাম স্তম্ভোপবিষ্ট হইলো, তাঁহারে কহিলেন, ভগবন্ ! আমাদেব এই দেবমাতা আপনার পাদযুগল দর্শন করিতে অভিলাষিণী হইয়াছেন । অতএব অনুগ্রহ পূর্বক ইহাঁরে দর্শন দান করুন ।

রাম মাতৃনাম শ্রবণ মাত্র অতিমাত্র সজ্জাস্ত হইলেন । ভক্তিতরে তাঁহার নয়নদ্বয় নিরুপিত হইয়া উঠিল । তখন তিনি মাতৃদর্শনার্থ নিতাস্ত উৎসুক হইয়া কহিলেন, আমি ইহাঁর সমীপে স্বয়ং গমন করিব । তুমি আমার সম্মুখ হইতে সত্বর অপস্থত হও । অনন্তর তিনি তৎক্ষণাৎ বরাসন হইতে গাত্রোত্থান করিয়া, উহাঁর সমীপে সমাগত হইলেন এবং মস্তকে অঞ্জলি আধান পূর্বক প্রণাম করিয়া, ভক্তি গদগদ বাক্যে কহিলেন, হে দেবি ! আপনাকে অভিবাদন করি । আপনি ধর্ম্মতঃ আমাদের মাতা । হে হৃদয়ে ! আমি জন্মান্তরে অনেক তপস্যা ও বহুবিধ পুণ্যসঞ্চয় করিয়াছিলাম । অদ্য তাহার প্রভাবেই আপনার চরণ কমল দর্শন করিলাম । বলিতে কি, অদ্য আমার সৌভাগ্যের সীমা নাই । আপনি যেরূপ পুত্রবৎ-সলতাগুণের বশবর্তিনী হইয়া আমাকে দর্শন দান করিলেন, সেইরূপ আপনাকে নয়ন গোচর করিয়া, অদ্য আমার সমুদায় পাপ তিরোহিত হইল । হে ভগবতি ! দেবী কৌশল্যা ! যেরূপ আমার মাতা, আপনিও সেইরূপ । জন্মজন্মান্তরে যেন আমার এইরূপ মাতৃসন্দর্শন লাভ হয় ।

কৈকেয়ী রঘুনন্দন রামের এইপ্রকার সরলতাপূর্ণ বিনয় মধুর বাক্য আকর্ষণ করিয়া যার পর নাই প্রীতিলাভ করিলেন । অনন্তর আন্তরিক অনুরাগের সহিত আশীর্বাদ প্রয়োগ

করিয়া কহিলেন, বৎস ! তুমি চিরজীবী হও । মলনাগণ যেন তোমার ন্যায় গুণবান পুত্র জন্ম জন্মান্তরে প্রাপ্ত হয় । কৌশল্যা যার পর নাই ভাগ্যবতী । সেইজন্যই ঐদৃশ গুণ-শালী পুত্র গর্ভে ধারণ করিয়াছেন । বৎস ! তুমি সামান্য মানব নহ । আমি ভর্তার মুখে শ্রবণ করিয়াছি যে, ভগবান্ বিষ্ণু রম্যবংশের পবিত্রতা, দেবগণের মঙ্গল, দশগ্রীবের সংহার ও বিভীষণের সমৃদ্ধি সাধন জন্য মানুষরূপে অবতীর্ণ হইবেন । এবং কৌশল্যার গর্ভে দশরথের পুত্র রাম রূপে জন্মগ্রহণ করিয়া, মহাবল বালীর নিধন, সুগ্রীবের রাজ্যসমৃদ্ধি সাধন ও সাগরে সেতুবন্ধন প্রভৃতি অলৌকিক কার্য্যপরাঙ্গরা সম্পাদন করিলেন । তাঁহার সুপবিত্র কীর্ত্তি সমুদায় ভুগুন পবিত্রীকৃত করিলে । আমি বাক্য স্মৃতিপথে সমুদিত হওয়াতে, আমি এক্ষণে তোমারে প্রকৃতরূপে জানিতে পারিয়াছি । পবিত্রতা গীতা স্বয়ং লক্ষ্মী, তুমি সাক্ষাৎ বিষ্ণু, আর এই সকল বানর দেবগণের অবতার । তোমার প্রভাবের সীমা নাই ; অহিংসারও ইয়ত্তা নাই । ধরাবলে রাজা দশরথ বন্য এবং কৌশল্যাই যথার্থ ভাগ্যবতী । ভাসাদেবও পুণ্যের পরি-সীমা নাই । যাহা হউক, তোমারে দর্শন করিয়া, আমার সকল মনোরথ পূর্ণ হইল । এক্ষণে আমি গমন করিব । তুমি অচলা কীর্ত্তি লাভ কর ।

কৈকেয়ী এই বলিয়া বিনিবৃত্ত হইলে, বিভীষণপত্নী সরমা তদীয় সকাশে সন্মুখস্থিত হইয়া, ভক্তিভরে প্রণাম করিল । এবং মূঢ়ল বাক্যে কহিতে লাগিল, হে পূর্ণব্রহ্মন ! আমি সরমা, আপনার দাসী । আমি পূর্বে অশোকবনবাসিনী জনক-নন্দিনীর পাদচারিকা দাসী ছিলাম । আহা, তাঁহার সহ-



বাসের কি মধুরান ভাব ! আমি পুত্র বিয়োজিতা হইয়াও,  
 তদীয় সহবাসে একদিনের জন্যও কোন প্রকার বাতনা  
 অনুভব করি নাই। তাঁহার সান্নিধ্য বশতঃ সেই রাক্ষসীকুল  
 দূষিত অন্ধকারামান অশোকবনিকাও স্বর্গের ন্যায় সান্ত্বিত  
 ননোরম ছিল। আমার সেই ভক্ত্রীদেবী আপনার প্রিয়তমা  
 জানকীত স্তম্বে আছেন ? হে পরম্পর ! আমি মরিলেও  
 তাঁহারে ভুলিতে পারিব না। তাঁহার সেই স্নিগ্ধ স্তন্দর  
 হাসিতচ্ছবি এখনও ঘন মূর্ত্তিমতীর ন্যায়, আমার চিত্তপটে  
 অঙ্কিত রহিয়াছে। আমি এক দিন এক ক্ষণের জন্যও তাঁহারে  
 নিস্মৃত নহি। তাঁহার সেই নির্ম্মল চরণাবিন্দ স্মরণ করিয়া,  
 অহোরহঃ যাপন করিয়া থাকি। যদিও দুর্ভাগ্যযোগ বশতঃ  
 বিধাতা তাঁহারে আমার নয়নপথের বহির্ভূত করিয়াছেন,  
 কিন্তু হৃদয়পথের বহিঃকৃত করিতে পারেন নাই। আমি  
 প্রতিদিন তাঁহারে সম্মুখবর্ত্তিনীর ন্যায়, হৃদয়মার্গে অনলোকন  
 করি এবং তদীয় গুণগাথা গান করিয়া থাকি। আমার মনঃ  
 তাঁহার চরণসরোজের অমৃতবিন্দী মকরন্দে একদা মগ্ন  
 হইয়াছে যে, আমি শয়নে, স্বপনে, ভোজনে, এবং অন্যান্য  
 যাবতীয় ব্যাপারে দিবানিশী কেবল তাহাই চিন্তা করি।  
 বিধাতা কতদিনে পুনরায় তাঁহার সহিত সাক্ষাৎকার সংঘটন  
 করিবেন ; কতদিনে তাঁহারে আবার দর্শন করিয়া স্মৃতি  
 হইব। হে দেবেশ ! আপনি কিজন্য তাঁহারে সমভিব্যাহারে  
 আনয়ন করেন নাই ? জানকী ব্যতিরেকে একাকী আপনার  
 শোভা হইতেছে না। হে পরম্পর ! তিনি যে রূপ আপনার  
 পাশ্বে শোভমান হয়েন, সেইরূপ আপনিও তাঁহার সান্নিধ্য-  
 যোগে অপ্রতিন প্রতিভা ধারণ করিয়া থাকেন।

সরমা এই প্রকার কহিতে আরম্ভ করিলে, ভরত তাঁহার অকৃত্রিম অনুরাগ ও অকপট প্রীতি বিমিশ্রিত নিরুপম আকারমাধুরী সন্দর্শন পূর্বক নিতান্ত উৎসুক চিতে জিজ্ঞাসা করিলেন, হে রঘুনন্দন ! এই মহাভাগা ললনা কাহার পরি-  
 গ্রহ ? রাম কহিলেন, বৎস ! ইনি বিভীষণের ভার্য্যা ; নাম সরমা । এবং মহাভাগা সীতার প্রিয়তমা সখী । বলিতে বলিতে তাঁহার চিত্রপটে তত্তৎ ঘটনা নবীভূত হইয়া, একে একে সমুদিত হইতে লাগিল । তখন তিনি অরণ্যবাস সহচরী প্রিয়তমা জানকীর অতীত ও বর্তমান তত্তৎ অবস্থা পরিকলন করিতে প্রবৃত্ত হইলেন । দেখিলেন, বিধাতা তাঁহার জীবন দুঃখের চিত্ররূপে গঠন করিয়াছেন, তাঁহার হস্তে পড়িয়া, ঐ চিত্র আরও রঞ্জিত হইয়াছে । যাহা হউক, উপস্থিত প্রজ্ঞাবলে সমুদায়ই কালকৃত ভাবিয়া মনোবেগ কথঞ্চিৎ সংবরণ পূর্বক কহিলেন, হে সরমে ! এই সংসার কালের ক্রীড়নক, মানুষ তাহার নিতান্ত আয়ত্ত । অতএব তুমি গমন ও ভর্তার গৃহ পালন কর । ভাগ্যহীন হইলে, বিধাতা যে রূপ পরিত্যাগ করেন, সেইরূপ জানকী আমারে পরিত্যাগ করিয়া-  
 ছেন । আমি তাঁহার স্নহঃসহ বিয়োগসন্তাপে নিতান্ত সন্তপ্ত হইয়া, কোনমতেই স্থখানুভব করিতে পারিতেছি না । আমার বুদ্ধি বিনষ্ট ও চিত্ত পরিভ্রান্ত হইয়াছে, সমুদায় দিক্ শূন্য ও জীর্ণ অরণ্যের ন্যায় প্রতীয়মান হইতেছে । বোধ হয়, আমি যেন ঘোর অন্ধকারে বিচরণ করিতেছি । বলিতে বলিতে আশীবিষ বিষমুচ্ছিত ব্যক্তির ন্যায়, তদীয় নয়নযুগল যেন ঘোরতরির গর্ভে অবগাহন করিল । অমনি কৃশাঙ্গী মলিনা এক বস্ত্র পরিধানা জটিলকেশী তপস্বিনী সীতামূর্তি উজ্জ্বলো-

জ্জ্বলা চপলায় ন্যায়, তদীয় গোচরে সমুপস্থিত হইল এবং কণমধ্যেই অন্তর্হিতা হইয়া গেল। রাম দর্শন মাত্র চকিত হইয়া উঠিলেন। অনন্তর তিনি অতি কষ্টে উচ্ছলনোন্মুখ শোকাবেগ সংযত করিয়া, সীতার প্রিয়সখী সরমাকে বিসর্জন করিলেন এবং পুনরায় জননীকেও অভিবাদন করিয়া, তৎক্ষণাৎ বিদায় দিলেন।

কৈকেয়ী গমন করিলে, মহানুভব রাম বিভীষণকে আহ্বান করিয়া কহিলেন, মিত্র ! আমার অভিলাষ সর্বথা পূর্ণ হইয়াছে। এক্ষণে অনুমতি কর, গমন করি। তুমি সর্বদা সাবধান হইয়া, দেবগণের প্রিয়কার্য সাধন করিবে। কদাচ তাঁহাদের বিরুদ্ধে অভ্যুত্থান করিবে না। দেবরাজ যে রূপ আদেশ করিবেন, তদনুসারে রাজ্যশাসন ও অন্যান্য কার্যের অনুষ্ঠান করিবে। কথম প্রগত হইয়া, তাহার অন্যথা করিবে না। দেখ, রাবণ পরম বুদ্ধিমান হইয়া, একমাত্র দেবলঙ্কন দোষেই বিপন্ন হইয়াছে। রাক্ষস ও মানুষে চিরকালই ভক্ষ্য-ভক্ষ্যক ভাব। সাবধান, যদি কখন কোন মনুষ্য লঙ্কানগরে আগমন করে, রাক্ষসগণ যেন তাহারে সংহার না করে, এবং তুমিও তাহাদিগকে আমার ন্যায় অবলোকন করিবে। বিধাতা তোমার হস্তে যে গুরুতর ভার ন্যস্ত করিয়াছেন, ইচ্ছা করিয়া কদাচ তাহার বিরুদ্ধপক্ষে শ্রাবমান হইবে না। যে ব্যক্তি অকারণে পরের প্রতি দণ্ড প্রয়োগ করে, ঐ দণ্ড তাহারই স্বক্কে পতিত হইয়া থাকে। বিশেষতঃ রাজার সর্বথা সাবধানে পদবিক্ষেপ করা কর্তব্য। যেহেতু, রাজ্য পিচ্ছিল ভূমির ন্যায়। একবার পদস্থলন হইলে, সহজে উদ্ধার পাওয়া দুর্বল। তুমি স্বভাবতঃ বুদ্ধিশক্তি সম্পন্ন ও ধর্ম্মে

নিতান্ত পরিণিষ্ঠিত। তোনারে অধিক উপদেশ দেওয়া বাহুল্য মাত্র।

হে কুরুনন্দন ! ভগবান্ রাম সিন্ধু-পাতিয়া বশনর্ভা হইয়া, এইপ্রকার উপদেশ করিলে, বিভীষণ সান্নিধ্য বাক্যে কহিলেন, হে ব্রহ্মন ! আমার এই রাজ্যসম্পত্তি আপনারই প্রদত্ত। আমার আত্মা পর্য্যন্ত আপনার অধিকৃত। অতএব আমি আপনার আদেশানুরূপ সমুদায় সম্পাদন করিব। অনন্তর তিনি পুনর্বার কহিলেন, হে বিভো ! মহাপ্রভাব বলি পূর্বে যাঁহার প্রভাবে বদ্ধ হইয়াছিলেন, সেই এই আপনার বৈষ্ণবী মূর্তি। হে মহাত্মন ! আপনি ইহাঁরে সম্ভবিষ্যাহারে লইয়া, কান্যকুজে প্রতিষ্ঠিত করুন। দুর্ভাচার রাক্ষস গৃহে অবস্থান পতিত রত্নের ন্যায় ইহাঁর প্রতিভার হানি হইতেছে। হে কৌরব ! ভগবান্ রাম ইহাতে সম্মত হইলে, বিভীষণ তাঁহার অভিপ্রায় অবগত হইয়া, তৎক্ষণাৎ গমন করিলেন এবং ভক্তিভরে স্তব করিতে করিতে মর্কট-স্বরূপ সমন্বিত বামনদেবকে আনয়ন করিয়া, সমর্পণ করিলেন। তরত ও সুগ্রীব তাঁহাকে গ্রহণ করিয়া, অনুগামী বানরদিগকে কহিলেন, চল, আমরা সকলে স্ব স্ব দেশে প্রত্যাগমন করি। রাক্ষসরাজ বিভীষণ এখানে অধিষ্ঠান করুন। ঐ সময়ে প্রভুর সহিত পুনরায় বিচ্ছেদ হইল ভারিয়া, প্রভুভক্ত বিভীষণের লোচন-যুগল দরদরিত অশ্রু-ধারায় পরিপূর্ণ হইল। তিনি আর প্রিয়তম রামরূপ দর্শন করিতে পারিলেন না। দুর্ভর বাষ্পভরে কণ্ঠদেশ রুদ্ধ হওয়াতে, তাঁহার বাক্য স্ফূর্তিও রহিত হইয়া গেল। এই রূপে বাক্শক্তি ও দর্শনশক্তি যুগপৎ লুপ্তপ্রায় হইলে, তিনি

জড়ের ন্যায়, চিত্রিতের ন্যায়, উৎকীর্ণের ন্যায়, মৃতের ন্যায়, কিয়ৎক্ষণ দণ্ডায়মান রহিলেন। অনন্তর অতিকষ্টে শোকভারাক্রান্ত আত্মাকে সংবত করিয়া, স্থলিত বাক্যে কহিলেন, বিভো! আপনি যাহা আদেশ করিলেন, আমি তৎসমস্তই প্রতিপালন করিব। কিন্তু রাজেন্দ্র! এই সেতুপথ দ্বারা পৃথিবীর সমুদায় মনুষ্য আগমন করিয়া, বিষয় সম্পাদন করিবে, তাহাতে সন্দেহ নাই। অতএব রাখব! আমার রাজ্যে প্রয়োজন নাই। আমি আপনার সহিত গমন করিব। মহাবাহু রাম রাক্ষসবাজ বিভীষণের অভিহিত এই বাক্য আকর্ষণ করিয়া কহিলেন, রাক্ষসেন্দ্র! তোমার কিছুমাত্র চিন্তা নাই। এই বলিয়া তিনি তৎক্ষণাৎ হস্তে কাম্বুকগ্রহণ-পূর্বক সেই নিশাল সেতু ছই খণ্ডে বিভক্ত করিলেন। বিভীষণ তদদর্শনে প্রফুল্ল হইয়া, পুনরায় বলিলেন, পূর্বে মহাবল মেঘনাদ যে সময়ে দেবরাজ ইন্দ্রকে পরাজিত করিয়াছিল, সেই সময়েই এই জয়লক্ষণ বামনদেবকে স্বীয় রাজ্য আনয়ন করে। এক্ষণে আপনি ইহাঁরে গ্রহণ করিয়া, নিরুপিত স্থানে প্রতিষ্ঠিত করুন। তখন নিত্রপ্রিয় রাম তথাস্তু বলিয়া, পুষ্পক রথে অধিরূঢ় হইলেন এবং অনংখ্য দন রত্ন ও সুরোত্তম বামনদেবকে উহাতে আরোপিত করিয়া, অভিমত দিকে প্রস্থান করিলেন। তিনি পুনরায় আপনার বিজ্ঞান বলে সেই সেতু, মধ্যে দশযোজন এবং অপর স্থানে এক যোজন, এই রূপে খণ্ডত্রয়ে ছেদন করিয়া দিলেন। তাহাতে মানবগণের মাতায়াত সম্ভাবনা একবারে বিদূরিত হইল। অনন্তর তিনি বেলান্তরে সমাসন্ন হইয়া, তথায় রামেশ্বর নামে সুবিখ্যাত দেবদের ত্রিলোচন স্থাপন পূর্বক বিহিত বিধানে তাঁহার

পূজা করিলেন। পূজা সমাপ্ত হইলে, তিনি সমুদ্রকে প্রতি-  
ষেধ করিয়া, পরমপ্রীত হৃদয়ে তদীয় দক্ষিণবিভাগে সমাগত  
হইলেন। ঐ সময়ে, অন্তরীক্ষে জলদগন্তীম্ নিম্নে বক্ষ্যমাণ  
বাণী প্রাচুর্ভূত হইল।

রুদ্র কহিলেন, হে রাজব ! তোমার মঙ্গল হউক। আমি  
এক্ষণে এই স্থানেই অবস্থিতি করিলাম। হে বীর ! এই  
পৃথিবী, এই জগন্মণ্ডল যত দিন, ততদিন আমি তোমার  
নামে এখানে অধিষ্ঠিত রহিব। রঘুনন্দন রাম দেবদেব মহা-  
দেবের এই অমৃতোপম মনোহর বাক্য কর্ণগোচর করিয়া,  
যার পর নাই প্রীত হইলেন এবং মুছল বাক্যে বলিতে লাগি-  
লেন, হে দেবদেব ! তোমাতে নমস্কার। তুমি ভক্তগণের  
কখন ভয় সমুৎপাদন কর না। যাহারা তোমার প্রতি প্রীতি-  
শূন্য, তাহারাই পদে পদে ভয় প্রাপ্ত হইয়া থাকে। তুমি  
লোকপূজিতা পর্বতরাজহুহিতার পাণি গ্রহণ ও দক্ষবজ্র  
বিনাশ করিয়াছ ; তোমাতে নমস্কার। হে বিভো ! তুমি বিশ্ব-  
রূপী বিশ্বাত্মা ; সংহাররূপী রুদ্র এবং বরদরূপী মহাদেব,  
তোমাতে নমস্কার। তুমি পশুদিগেব পতি, তুমি স্ত্রীগ্রীব, তুমি  
কপদ্বী, তুমি মহাদেব, তুমি ভীম, তুমি ত্রিলোচন, তোমাতে  
নমস্কার। হে অনাদে ! তুমি সকলের ঈশ্বর ও নিয়ন্তা ;  
তোমার শরণাপন্ন হইলে, দুস্তর ভববন্ধন অনায়াসে বিল্লিষ্ট  
হইয়া যায়। তুমি মহাবল অঙ্কককে বিনিপাতিত করিয়াছ,  
তোমাতে নমস্কার। হে অজ ! তুমি ভীম, তুমি বিধাতারও  
বিধাতা, কৃতান্তেরও কৃতান্ত এবং মনোহরেরও মনোহর।  
যে অগ্নি ত্রিলোকের পবিত্রতা সাধন করে, তাহা তোমার  
রেতঃ ভিন্ন অন্য কিছুই নহে। তোমাতে নমস্কার। হে অজ !

তোমাতে চিন্তা দ্বারা প্রাপ্ত হওয়া যায় না । তোমার স্বরূপ কখন বিকৃত হয় না । তুমিই এই সংসারের ভরণ পোষণ কর । তোমার মহিমার সীমা নাই । হে অক্ষর ! তুমি বৃষধ্বজ, তুমি মুণ্ড, তুমি জটী, তুমি ব্রহ্মচারী, তুমি পরমযোগী, তুমি পরমব্রহ্মণ্য, তুমি সাক্ষাৎ জয় এবং পূর্বে সলিল আশ্রয় করিয়া, সূক্ষ্মস্তর তপস্যায় ত্রিলোক বিমোহিত করিয়াছিলে । তদবধি তোমার নাম পরমতপস্বী বলিয়া ত্রিলোকে বিখ্যাত হইয়াছে । হে বিশ্বাত্মন্ ! হে পরমাত্মন্ ! হে মহাত্মন্ ! হে সর্বাত্মন্ ! তুমি স্বীয় অনন্ত মহিমার সাহচর্য্যে এই অনন্তবিশ্ব অনন্তরূপে সৃষ্টি করিয়াছ এবং রক্ষাবিধান জন্য প্রতিনিয়ত ইহা আবরণ করিয়া অধিষ্ঠিত আছ । এই লোক সকল তোমার অধীন, দেবগণ তোমার অধীন এবং পিতামহ ব্রহ্মাও তোমার অধীন, কিন্তু তুমি কাহার অধীন নহ । সর্বদাই আত্মবশে বিনির্ম্মল আত্মানন্দ অনুভব করিতেছ । তোমাতে নমস্কার করি । হে মহাযোগিন্ ! তুমি দেবস্বরূপ, দিব্যস্বরূপ ও পরমস্বরূপ । বিশ্বসংসার তোমার বশ্য, কিন্তু তুমি কাহার বশীভূত নহ । এই জন্য তুমি মুক্তপুরুষ বলিয়া মনোনিগণের আদরভাগী হও । তোমাতে নমস্কার । হে পরমমহৎ ! তুমি শিব, তুমি বিশ্বরূপ বিশ্বেশ্বর ; তুমি গলদেশে ভূজঙ্গমরূপ যজ্ঞোপবীত ধারণ করিয়াছ, তাহাতে তোমার শোভার ও মহিমার পরিসীমা নাই । তুমি ভক্তগণের প্রতি নিত্য অনুকম্পা প্রদর্শন কর । এই বিশ্ব তোমার মূর্ত্তি, তোমাতে নমস্কার করি ।

পুলস্ত্য কহিলেন, হে কুরুনন্দন ! ভগবন্ রাম ভক্তিভরে অবনত ও সম্মুখীন হইয়া, প্রণামপূর্ব্বক প্রসন্ন বাক্যে এই প্রকার শ্রবণ করিলে, দেবদেব হর পরম পরিতুষ্ট হইয়া কহি-

লেন, হে রাম ! তোমার মঙ্গল হউক । তুমি এক্ষণে অভিমত  
 বর প্রার্থনা কর । আমি তোমারে তাহাই প্রদান করিব ।  
 যে ব্যক্তি সমাহিত, তাহারে আমার অদেয় কিছুই নাই ।  
 বিভো ! তুমি পদ্মপলাশলোচন দেবদেব সনাতন বিষণ্ণ ;  
 সামান্য মানুষরূপে প্রচ্ছন্ন হইয়া, অবতরণ করিয়াছ । হে  
 মহাবাহো ! তুমি দেবগণের কার্য্য সাধন করিয়াছ ; এক্ষণে  
 কৃতকার্য্য হইয়াছ, স্বস্থানে প্রস্থান কর । রঘুনন্দন ! তুমি  
 আমার এই যে স্থান নির্দিষ্ট করিলে, ইহা যার পর নাই  
 পুণ্যজনক । যাহারা এখানে আগমন করিয়া, সমুদ্রকূলে  
 আমারে দর্শন করিবে, তাহারা মহাপাতক পরিলিপ্ত হইলেও,  
 মুক্তিলাভ করিবে । হেমহাবাহো ! এই সমুদ্রে আমারে দর্শন  
 মাত্র ব্রহ্মহত্যাदि পাপ এবং অন্যান্য পাতকরাশি বিহীন  
 হইয়া বাইবে ; এ বিষয়ে বিচারণার প্রয়োজন নাই । হে  
 রঘুবর ! এক্ষণে তুমি ভগবান্ বামনদেবকে গঙ্গাতীরে স্থাপন  
 ও পৃথিবীকে বহুতর ভাগে বিভাগ করিয়া, আপনার স্থান স্বেত-  
 দ্বীপে গমন কর । হে দেব ! হে পরম্পর ! তোমারে নমস্কার  
 করি । অনন্তর রাম তাঁহারে প্রণাম করিয়া, তীর্থবর পুষ্পরে  
 আসিয়া উপনীত হইলেন । তিনি আকাশপথে গমন করিতে-  
 ছিলেন । তদীয় বিমান পুষ্পরসামিধ্যে আগমন পূর্বক সহসা  
 গতিশক্তি রহিত হইয়া, বজ্রবৎ স্থিরভাবে অবস্থান করিল ।  
 তদর্শনে তিনি কশিরাজ সূগ্রীবকে সম্বোধন করিয়া কহিলেন,  
 সখে ! রথবর পুষ্পক কিজন্য এই নিরালস্য আকাশে সহসা  
 এরূপভাবে অধিষ্ঠান করিল ? ইহার কোন কারণ থাকিতে  
 পারে । তুমি সত্ত্বর তাহার সন্ধান কর । বানররাজ সূগ্রীব  
 রাম-বাক্যে তৎক্ষণাৎ ধরাতে অবতরণ করিয়া, অবলোকন



করিল, পিতামহ ব্রহ্মা তথায় আগীন রহিয়াছেন। সুর ও  
সঙ্গগণ তাঁহার সেবা করিতেছেন; ব্রহ্মর্ষিগণ তাঁহার চতু-  
র্দিকে উপবেশন করিয়া আছেন, এবং চারিবেদ মূর্তিমান  
হইয়া, তাঁহার সম্মুখভাগ অলঙ্কৃত করিতেছে। দর্শনমাত্র  
কপিকুঞ্জর স্তম্ভীব অতিমাত্র সম্ভ্রান্ত হইয়া, দ্রুতগদমঞ্চাবে  
রামসকাশে গমন পূর্বক কহিল, বিভো! যিনি চরাচর বিশ্বের  
জনয়িতা, পাতা ও প্রতিষ্ঠাতা, দেবগণ ও বাঁহার মহিমা গান  
ও ভূত্যের ন্যায় অনুবর্তন করেন, সেই এই সর্বলোক পিতা-  
মহ এই স্থানে বাস করিতেছেন। ঐ দেখুন, সমুদায় লোক-  
পালগণ সম্মিলিত হইয়া, তাঁহার সমভিব্যাহারী হইয়াছেন  
এবং রুদ্র, আদিত্য ও নরুদগণ তাঁহার সেবা করিতেছেন।

দেব! পুঙ্করতীরে পিতামহের নমস্কার করা কর্তব্য।

ভগবান্ রাম পিতামহের নাম আকর্ষণ পূর্বক পরমভক্তি  
সংযুক্ত ও সান্তিশয় প্রদানিত হইয়া, তৎক্ষণাৎ পুষ্পক হইতে  
অবতরণ করিলেন এবং সেই পুঙ্করার্দ্ধভূমিত দেবদেব পিতা-  
মহকে প্রণাম পূর্বক স্তব করিয়া কহিলেন, হে ব্রহ্মন্!  
আপনি সর্বলোকের বিধাতা, আপনি প্রজাগণের পতি,  
দেবগণ আপনার অর্চনা করিয়া থাকেন, আপনি দেবনাথ,  
আপনি জগন্নাথ, আপনি প্রজানাথ, আপনি জগতের পতি,  
আপনারে নমস্কার করি। হে বিভো! আপনি দেবদেবেরও  
ঈশ্বর, সুর ও অসুরগণ আপনার বৃন্দনা করেন। আপনি  
চরাচর কলয়িতা মূর্তিমান্ কনি, আপনি নীলগ্রীব, আপনি  
মহোদর, আপনারে নমস্কার করি। আপনি সর্বসংহর  
কৃতান্ত ও দেবগণেরও অন্তরু, আপনি বহুরূপী, আপনি  
সকলের পিতা ও পিতামহ; আপনি পদ্ম হইতে প্রোদ্ধৃত

হইয়াছেন এবং পদ্মেই অধিষ্ঠান করেন । আপনি সর্ব-  
 শক্তির আধার ও সর্বগুণের অধিষ্ঠান, ভগবতী সাবিত্রী  
 আপনার বন্দনা করিয়া থাকেন, আপনাকে নমস্কার ।  
 আপনি মৃত্যু এবং আপনিই অমৃত, আপনি ভয় এবং আপ-  
 নিই অভয় । আপনি ব্রহ্মচারী ব্রতধর ; আপনি গুহাবাসী ;  
 আপনি ত্রিলোচন । স্বাবর জঙ্গমাঙ্কর সমুদায় ভুবন আপনার  
 প্রতিষ্ঠিত নিয়মে প্রতিকর্ণ প্রতি মুহূর্তে পরিচালিত হই-  
 তেছে, আপনাকে নমস্কার করি । আপনি সকলের শ্রেষ্ঠ ও  
 প্রধানেরও প্রধান : আপনি পরম দর্শনীয় ; আপনার প্রভা  
 বালসূর্য্যের ন্যায় সর্বলোকের মনোহর । ধর্ম ও অভয় আপ-  
 নার হস্ত এবং যাবতীয় কর্ম আপনাতেই প্রতিষ্ঠিত । আপ-  
 নার দিব্যস্বরূপ দর্শন করিলে, পরম পুণ্য ও মুক্তি ! পর্য্যাপ্ত  
 প্রাপ্ত হওয়া যায়, আপনাকে নমস্কার । হে দেব ! অগ্নি আপ-  
 নার মুখ, অগ্নি আপনার রেতঃ এবং অগ্নি আপনার মূর্তি ;  
 আপনি মূর্তিমান্ উৎসব ও সাক্ষাৎ পরমানন্দ ; আপনি দেব-  
 গণেরও স্রষ্টা এবং সর্বলোকের অদ্বিতীয় ঈশ্বর । আপনার  
 মহিমার সীমা নাই । আপনাকে নমস্কার করি । হে অজ !  
 আপনি বনস্পতি, ওষধি, লতা ও অন্যান্য স্তম্ভিকগণের পূজ-  
 নীয় । আপনি জগতের বিধাতা ও কর্তা ; আপনি পরম  
 শাস্ত্র প্রবপুরুষ । আপনি ধর্মের অধ্যক্ষ, সাক্ষাৎ বিরূপাক্ষ  
 এবং ব্রহ্মত্রয় সহযোগে ভূতগণের সৃষ্টি করিয়া থাকেন ।  
 আপনাকে নমস্কার । হে পরমাজ্ঞান ! আপনি ত্রিবেদী ও বহু-  
 রূপ ; আপনি অমৃত সূর্য্যের ন্যায় প্রভাবিশিষ্ট, আপনি বরদ  
 এবং বিশেষরূপে দানবদিগকে বঞ্চিত করিয়া থাকেন । আপ-  
 নার স্বরূপ ও গতি নিতান্ত দুর্বিজ্ঞান্য, আপনাকে নমস্কার ।

হে অনাদে ! আপনি দেবদেবাদিদেব ; আপনার জটাকলাপ পদ্যে অঙ্কিত, ধর্ম আপনার পরাক্রম, আপনি ভীম ও হিরণ্য শুদ্ধি ; অন্য আপনাদের দর্শন করিয়া, আমার মনুষ্য জন্ম মার্থক হইল । এক্ষণে কৃপাকটাক্ষপ্রদানে আমারে পবিত্রীত করুন ।

হে ভীষ্ম ! মহাবাহু রাম প্রণাম পূর্বক পরম প্রমত্তচিত্তে এইপ্রকার স্তব করিলে, ব্রহ্মবিদ্যাশ্রেষ্ঠ পিতামহ ব্রহ্মা নিরতিশয় আদর সহকারে তাঁহারে করে গ্রহণ করিয়া কহিলেন, হে রঘুনন্দন ! তুমি মাগ্ধাৎ বিম্বু ; লীলা প্রদর্শন বাসনায় মনুষ্য দেহ পরিগ্রহ করিয়াছ । পূর্বে আমিই তোমাতে মানব দেহ ধারণ জন্য প্রার্থনা করি । তাহাতেই

দেবগণের কার্য্য সাধনার্থ ধরাতলে অবতীর্ণ হইয়াছ । হে বিভো ! তোমার সেই দেব-কার্য্য সম্যকরূপে অনুষ্ঠিত হইছে । এক্ষণে তুমি এই বাগনদেবকে জাহ্নবীর দক্ষিণ তটে স্থাপন ও অযোধ্যায় গমন করিয়া, স্বর্গে প্রস্থান কর । পিতামহ এই বলিয়া যথোচিত সম্ভাষণ সহকারে বিদায় দিলে, ভগবান্ রাম তাঁহারে প্রণিপাত করিয়া, পুনরায় পুষ্পাক রথে আরোহণ ও মথুরা নগরে প্রয়াণ করিলেন । সুমিত্রানন্দন শত্রুঘ্ন এই নগরে রাজধানী স্থাপন করিয়াছিলেন । তৎকালে তিনি মন্ত্রিগণে পরিবেষ্টিত হইয়া, আসীন ছিলেন । প্রবল প্রভাব রাম ভারতের সহিত সমাগত হইয়া, তাঁহারে দর্শনদান দ্বারা বিশেষ আপ্যায়িত করিলেন । শত্রুকর্ষণ শত্রুঘ্ন মূর্তিমান্ ইন্দ্র ও উপেন্দ্রের ন্যায় পরম প্রভাব ভ্রাতৃযুগলকে দর্শনমাত্র অতিমাত্র আছল্যাদিত হইয়া, সভাশুদ্ধ গাত্রস্থান করিলেন । প্রীতিভরে তাঁহার নয়নকমল উৎফুল্ল হইয়া উঠিল । তখন

তিনি পঞ্চাঙ্গে পরাতলে আলিঙ্গন করিয়া, অপার উৎস্ক্য মহকারে মন্তক দ্বারা বারম্বার তাঁহাদিগকে প্রণাম করিতে লাগিলেন । ভ্রাতৃবৎসল রাম তদর্শনে ভক্তিনত্ৰ ভ্রাতাকে উত্থাপন ও অঙ্গে আরোপণ করিয়া, মধুর বাক্যে কুশল চিহ্নাদামা মহকারে নানা প্রকারে পরিলালন করিতে প্রবৃত্ত হইলেন । তখন ভরত ও স্ত্রী ইহঁরাও সমুচিত বিধানে তাঁহারে আচার্য্যারিত ও মথামথ মস্তাবিত করিলেন । অনন্তর মহানুভব রাম সুখে উপবেশন করিলে, শত্রুকর্ষণ শত্রুগ্ন মন্তব হইয়া, অর্ঘ্য আহরণ পূর্বক আপনার রাজ্য তাঁহারে নিবেদন করিলেন ।

এদিকে রামের আগমন বার্তা শ্রবণ করিয়া, মথুরাবাসী জনগণের আত্মাদের সীমা রহিল না । রাম নবোদিতসুন্দর চন্দ্রের ন্যায়, সকলেই নয়ন মনের প্রীতিকর ছিলেন । তাঁহার অপার মাগরমদৃশ সুগভীর গুণরাশির অপ্রতিম প্রতিভায় সমুদায় জ্ঞান পরিপূর্ণ হইয়াছিল । এই জগু তাঁহার দর্শন আপনায় সাধারণেরই প্রার্থনীয় ছিল । এই জন্যই মথুরাবাসী জ্ঞানগভূষিত জনগণ নিতান্ত উৎস্ক হইয়া তাঁহারে দর্শন করিবার জন্য তথায় সমাগত হইল । দেখিল, তিনি দীপ্ত্যধিষ্ঠাত্রী দেবতার ন্যায় অথবা শাস্তি মহচর মহোত্তর ন্যায় সভামণ্ডপ অলঙ্কৃত ও গবিত্রীত করিয়া, আসীন রহিয়াছেন । দর্শনমাত্র তাহাদের মনঃ প্রাণ হর্ষিত সর্ব্বশরীর রোমাঞ্চিত, ইন্দ্রিয় সকল বিকসিত ও আত্মাদয় বর্দ্ধিত হইল । তখন তাহারা মনধিক প্রণত হইয়া, তাঁহারে সমুচিত ভাবে অভিনন্দন করিল । গুণময় রাম একে একে সমুদায় প্রজালোকের সম্ভাষণানন্তর পঞ্চদিন বাস করিয়া, মথুরার মহোদয় মানন

দ্বিব্য সলিল রূপ হবির্ধারায় সমুত্তাপ্ত। পৃথিবীর পরিতৃপ্তি সাধন করেন। ভূতধাত্রী ধরিত্রী সেই ক্ষীরসংকাশ পরম মঙ্গলময় কারণ সলিলে সর্ব্বতোভাবে পরিপূর্ণ হইয়া, নির্ব্বাণ ভাব প্রাপ্ত হয়। তৎকালে একার্ণব সলিলের আবির্ভাব বশতঃ সর্ব্বপ্রকৃতি প্রাণিই অলক্ষিত হইয়া যায়। মহাসত্ত্ব সকলও অগ্নিতোজা সর্ব্বাবভূ নারায়ণে প্রবিষ্ট হইয়া থাকে।

এইরূপে সূর্য্য ও বায়ু বিনষ্ট, এবং আকাশ ও এই দৃশ্যমান বিশ্ব শূন্যে পর্য্যবসিত হইলে, অমিতবিক্রম সনাতন বিষ্ণু সমুদায় শুষ্ক, দগ্ধ ও প্লাবিত করিয়া, পৌরাণরূপ-পরিগ্রহ পূর্ব্বক একাকী শয়ন করিয়া থাকেন। তাঁহার ক্ষুদ্রাকৃতি একরূপ তীক্ষ্ণ বে, প্রলয়কালীন ঘোর গভীর গহন হইয়া তাহা প্রচ্ছাদন করিতে পারে না। যাহা হউক, সেই পৌরাণী পরমপুরুষ প্রগাঢ় তিমিরগর্ভের অন্তর্লীন-একার্ণব সলিলে সর্ব্বতোভাবে পরিবৃত্ত হইয়া, যোগমার্গের অনুসরণক্রমে অনেক শত সহস্র বৎসর তিতিবাহিত করেন। যোগপ্রভাবে তিনি গাঢ়তর সম্মিষিক্ত ন এবং কিঞ্চিৎমাত্র জ্ঞান প্রভাবেই ব্যক্ত বা অব্যক্ত হইয়া অবগত হইয়া থাকেন। তিনি এক হইতেও এবং কোন মতেই কাহারও অনুভূত নহেন। এইরূপে কিয়ৎকাল একার্ণব বিধির অনুসরণ পূর্ব্বক যাপন করিয়া, তিনি একরূপ কাহারেও দেখিতে পাইলেন না, যাহা হইতে পুনরায় ত্রক্ষণের সৃষ্টি হইতে পারে। তাঁহার অগ্রে বা পাশ্বে সৎ বা অসৎ কোন প্রকার প্রাণিই লক্ষিত হইল না। অধিকন্তু তিনি সমস্ত জ্ঞানচক্ষুঃ বিসারিত করিয়া, ঐরূপ সৃষ্টিকর্ত্তা কোন দেবতারে দর্শন করিলেন না।

এইরূপে সমুদায় লোক একাৰ্ণবে পর্য্যবসিত হইয়া, সন্তা-  
 মাত্মপরিশূন্য হইলে, সেই দেবদেব হরি সমগ্র মেদিনী  
 অপার মলিলে প্রচ্ছাদন পূর্ব্বক নারায়ণমূর্ত্তি পরিগ্রহ করি-  
 লেন । অনন্তর সেই মহাবাহু নারায়ণ রজোগুণ বিক্ৰেপ  
 করিয়া, বিরজস্ক হইলেন । পশুতগণ রজোগুণে এই  
 নারায়ণকেই অক্ষয় ব্রহ্ম বলিয়া থাকেন । ইনি ত্রিবিধীয়  
 প্রভুশক্তিসম্পন্ন এবং সর্ব্বদাই আত্ম রূপে প্রকাশিত । এই-  
 প্রকার স্বরূপ প্রকাশ বশতঃ তমোগুণ তাঁহার ত্রিসীমায়  
 যাইতে সমর্থ হয় না । তিনি তমোগুণে সত্ত্বগুণ আধান করিয়া,  
 যেখানে সেখানে বিরাজমান হয়েন । মনুষ্যগণ ইহাঁরে যথা-  
 তথ্যপর অনির্ব্বচনীয় জ্ঞান রূপে নির্দেশ করেন । এ-  
 ইহাঁকেই রহস্য ও উপনিষদ বলিয়া কল্পনা করিয়া লয় ।  
 ইনিই পরাত্মার যজ্ঞপুরুষ, ইনিই জগতের আত্মা । তাঁহার  
 পুরুষ এবং ইনিই পঞ্চপুরুষোত্তম বলিয়া, বেদ, বেদাঙ্গে,  
 পুরাণে, লোকৈকপূর্ণ হইকে, লোকাচারে ও সমুদায় শাস্ত্রে  
 কীৰ্ত্তিত ও পূজিত হই থাকিছেন । ইহাঁর সত্তাতেই সংসারের  
 সত্তা, ইহাঁর অধিষ্ঠা নিত্যসংসারের অধিষ্ঠান, ইহাঁর প্রকাশেই  
 সংসারের প্রকাশ এবং ইহাঁর চেষ্টাতেই সংসারের চেষ্টা ।  
 যদি ইনি আনন্দ রূপে, চৈতন্য রূপে, পরম জ্যোতি রূপে  
 এবং নিত্য প্রকাশময় আত্মরূপ চিরদিন না থাকিতেন, তাহা  
 হইলে এই বিশ্ব সংসার আনন্দশূন্য, চৈতন্যশূন্য, প্রকাশশূন্য  
 ও সত্তাশূন্য হইত । যাঁহারা যজ্ঞকর ব্রাহ্মণ ও ঋষিক বনিয়া  
 বিখ্যাত, তাঁহারা সকলেই এই পরমাত্মার প্রসব এবং সক-  
 লেই ইহাঁর প্রসাদ ও অনুগ্রহ বলে একরূপ শ্রেষ্ঠপদ প্রাপ্ত  
 হইয়াছেন ।




হে ভীষ্ম ! চরাচরপ্রভু নারায়ণ এইরূপে স্বয়ং আবির্ভূত হইয়া, প্রথমতঃ বাহু হইতে ব্রহ্মাকে, উদ্রাতাকে, হোতাকে ও অক্ষয়্যাকে সৃষ্টি করিলেন । তদনন্তর সেই ব্রহ্মরূপী নারায়ণের উদর হইতে ব্রহ্মণাচ্ছংশী, প্রমোতা, মিত্রা বরুণ, পৃষা, প্রাজ্ঞাতা ও হোতা ইহারা প্রাচুর্ভূত হইলেন । পরে তিনি তদন হইতে অচ্ছাবক, পাণিযুগল হইতে অন্নীধ্র, জাম্বু হইতে মহান্না স্রব্রহ্মণ্যের সৃষ্টি করিলেন । এইরূপে জগৎপতি নারায়ণ সমুদায় যজ্ঞের ও ঋতুগুণের এইপ্রকার অনুত্তমা প্রবৃত্তি বিধান করিলেন, তদবধি বেদময় মহাপুরুষ সংজ্ঞা প্রাপ্ত হইলেন । ফলতঃ, সমুদায় দেবতা ও সমুদায় স্রাস্ত্রোপনিষদ্ ক্রিয়া এই নারায়ণনয় বলিয়া বিখ্যাত ।

হে ভীষ্ম ! চরাচরবিধাতা ভগবান্ হরি একাৰ্ণবে শয়ন করিয়া, অশচর্য্য কাণ্ড সংঘটিত হইয়াছিল, বলিতেছি, অরণ ক, যিনি স্বকীয় তেজঃ প্রকাশে চিরজীবী হইয়াছিলেন ; যাহার তপোদীর্ঘ্যের ও ব্রাহ্ম পুত্রির তুলনা নাই, যিনি বহু সহস্রবর্ষ পরমায়ু বশতঃ অর্ধ হইয়াছিলেন, সেই মহামুনি মার্কণ্ডেয় ব্যক্তিরেণে একলেই প্রলয় গর্ভে বিনিহিত হইয়াছিলেন । তিনি লবশতঃ অপার একাৰ্ণব মলিলে বিচরণ করিতে করিতে প্রমঙ্গ ক্রমে অনন্তশায়ী ভগবান্ অনন্তের উদর মধ্যে প্রবেশ করিলেন । প্রবেশ করিয়া দেখিলেন, বিবিধ রাজ্য ও জনপদ সমাকীর্ণ সমগ্র মেদিনী-বংশল যাবতীয় জীবজন্তুর সহিত অবাধে সেই বিশাল উদর-ভাণ্ডে অবস্থিতি করিতেছে ; সমুদায় তীর্থ, সমুদায় আশ্রম ও সমুদায় দেবায়তন শোভা পাইতেছে, জপহোম পরায়ণ শাস্ত্রপ্রকৃতি তপোধনগণ বিরাজমান হইতেছেন । তিনি

আরও দেখিলেন, শতদ্রু, জাহ্নবী, ভদ্রা, চন্দ্রভাগা, সরস্বতী,  
 যমুনা, কোশিকী, সিন্ধু, চর্ম্মধতী, বেত্রবতী, বিপাশা, গোদা-  
 বরী, নলিনী, শুভাবহা, মাতৃভদ্রা, কাবেরী ও কম্পুনা  
 প্রভৃতি নদী সকল প্রবাহিত হইতেছে, ক্ষীর ও ক্ষার প্রমুখ  
 সরিৎপতি সকল বিবিধ রত্ন ও যাদোগণে পরিচরিত হইয়া,  
 বিরাজ করিতেছে : ব্রাহ্মণগণ যজ্ঞানুষ্ঠান ও বেদপাঠ, ক্রতু-  
 গণ সকল বর্গের তুষ্টি সম্পাদন, বৈশ্যগণ বিহিত বিধান-  
 কৃষিকার্য্য নির্বাহ ও শূদ্রেরা স্বদর্শনের পরিচর্য্যায় নিযুক্ত  
 হইয়া আছে ; হিমালয়, গন্ধমাদন, হেনকুট, মন্দর, নীল,  
 মেরু, মহেন্দ্র ও মলয় প্রভৃতি ভূধর সমস্ত শোভা পাইতেছে ;  
 নানাবিধ অরণ্য, মুনি সিংহ, ব্যাস ও গজেন্দ্র প্রভৃতি জন্তুগণ  
 পরিপূর্ণ ও বিবিধ লুপ্তাপাদপে পরিবেষ্টিত হইয়া আশ্রয়  
 আশ্রিত রহিয়াছে ; স্বর্গ হইতে ব্রহ্মাদি সমুদায় ঋতু-  
 ঋতান করিতেছে ; ইন্দ্র বাবতীয় জ্যোতির্মণ্ডল, ব্রহ্মপর্গাদি  
 বাবতীয় নাগ চক্র, ব্রহ্মাদি বাবতীয় তেজস্বিবর্গ শোভা  
 পাইতেছেন ; মিত্র, পার্শ্বক, নাগ, বহু, যক্ষ, কিন্নর, তপস্বী,  
 গন্ধর্ব্ব এবং কালৈয়িকাদি দৈত্য দানবগণ স্বচ্ছন্দে বিহার  
 করিতেছে । ফলতঃ ; লোক মধ্যে যাহা যাহা দৃষ্টিগোচর  
 হইয়া থাকে, তৎসমস্ত ই তিনি সেই মহাত্মার স্তম্ভীর কৃষ্ণ-  
 দেশে দেখিতে পাইলেন । অনন্তর মার্কণ্ডেয় শনৈঃ শনৈঃ  
 তাঁহার বক্তৃতা হইতে বিনির্গত হইলেন । বিনির্গত হইয়া  
 দেখিলেন, সমুদ্রের সংসার একাধর জলে পরিপূর্ণ হইয়াছে ।  
 একমাত্র সনাতন বিষ্ণু গাঢ় তপস্যায় নিমগ্ন রহিয়াছেন ।  
 তাঁহার আকার পর্ব্বতের ন্যায়, রূপ জীমূতের ন্যায়, তেজ  
 ভাস্করের ন্যায় । এবং গাভীর্ঘ্য অপার ও অসীম । অধিক কি,



তিনি মূর্তিমান বিভা সহস্র অথবা সমুদিত চন্দ্রমার ন্যায়  
দলিলোপরি শোভমান হইতেছেন। মহামনাঃ মার্কণ্ডেয়  
দৈদৃশ্য দিব্যরূপ সম্পন্ন দিব্যদেহ দেবতাকে দর্শন করিয়া,  
হর্ষবিস্ময়বশে নিতান্ত অভিভূত হইলেন। এবং পুঙ্খায়  
তাঁহার স্কন্ধমধ্যে প্রবেশ করিলেন। প্রবেশ করিয়া পুনরায়  
দেখিলেন, স্বাবর জঙ্গমাত্মক সমুদায় সংসার সেই বিশাল  
কুক্ষিতে অবাসে অধিষ্ঠান করিতেছে। দর্শনমাত্র তাঁহার বিস্ময়-  
সাগর উচ্ছলিত হইয়া উঠিল। তিনি এইপ্রকার বিস্ময়-  
ভরে আক্রান্ত হইয়া একবার জিজ্ঞাসা করিলেন, আপনি  
কে? তিনি আর বার ভাবিলেন, আমি কি স্বপ্ন দেখি-  
তেছি।

এই উক, মহাত্মা মার্কণ্ডেয় এইরূপে জগৎ নিরীক্ষণ  
করিতে উদরমধ্যে ভ্রমণ করিতে লাগিলেন। কিন্তু  
শত সৎসার ভ্রমণ করিয়াও তাঁহার অন্ত প্রাপ্ত হইতে  
পারিলেন না। কেবল অনবরত ধর্ম হইতে লাগিলেন।  
অনন্তর কোন সময়ে বায়ুবেগে  বৈবর হইতে  
সহসা বিনির্গত হইয়া দেখিলেন  বালক ন্যগ্রোধশাখায়  
শয়ন করিয়া আছেন। তাঁহার  একাঙ্গবমাত্র। এবং  
স্বরূপ নিতান্ত অব্যক্ত। তিনি সর্বভূতবিবর্জিত লোকমধ্যে  
নীহার্য্যত অশ্বরে একাকী ক্রীড়া করিতেছেন। তাঁহার  
শরীরবিনিঃসৃত শান্তিময়ী প্রতিভায় একাঙ্গবসিলের অভিনব  
রাগ সমুৎপন্ন হইয়াছে। অনিত্যত্ব মার্কণ্ডেয় পরমবিস্ময়া-  
বিক্ত ও নিতান্ত কৌতূহলাক্রান্ত হইয়া, বিলারিত নেত্রে  
তাঁহারে দর্শন করিতে লাগিলেন। কিন্তু সেই বালকবেশধারী  
মহাপুরুষের অত্যাদিত্য অনুপম বিভায় তাঁহার দৃষ্টিশক্তি

অভিহত হইয়া গেল ! তিনি আর দর্শন করিতে পারেন না । দেব মায়ায় শঙ্কিত হইয়া, সেই অগাধ সলিল আশ্রয় পূর্বক কেবল চিন্তা করিতে লাগিলেন । হে রাজেন্দ্র ! মহা-  
 মনাঃ মার্কণ্ডেয় এইরূপ সমুপ্ত লোচনে অগাধ সলিলে মগ্ন হইয়া, ইতস্ততঃ ভ্রমণ জন্য ক্রমে ক্রমে নিতান্ত অর্ধহৃদ হইয়া উঠিলেন । তদর্শনে সেই বাল যোগবান্ মহাপুরুষের মস্তার নিম্নে চতুর্দিক পরিপূরিত করিয়া, মধুর ও প্রশান্তবাক্যে কহিলেন, বৎস ! ভীত হইও না ; তোমার ভয়ের বিষয় কিছুই নাই । তুমি আমার নিকটে আইস ।

হে কুরুবর্ষ্য ! মহামতি মার্কণ্ডেয় নিতান্ত অসমীচীন হইয়াছিলেন ! তাহাতে আমার বালকের মুখে এই প্রকার প্রগল্ভ বাক্য শ্রবণ করিয়া রোষভরে একান্ত ক্রোধান্বিত হইয়া উঠিলেন । কহিলেন, এই পরন নিষ্ঠুর বালক আমার বয়স দিব্যসহস্র বর্ষ অতিক্রম করিয়াছে ; তথান্নাম আমার নাম কীর্তন করিতে পারেন, ক্রদবগণ ও আমার নাম কীর্তন সমু-  
 চিত বলিয়া বিবেচনা করেন, না । বলিতে কি, আমি জঘাংসু হইলেও, স্বয়ং দেবতার মতো আমি তোমারে ব্রহ্মর্ষি বলিয়া সম্বোধন করিয়া থাকেন ! তুমি হেলায় অদ্য তোমার আয়ু ক্ষীণ হই-  
 যাচ্ছে ; সেই জনাই মোহাভিভূত হইয়া, আমাকে মার্কণ্ডেয় বলিয়া আহ্বান পূর্বক মৃত্যুমুখ দর্শনে সমুদ্রত হইয়াছে । তুমি জান না, আমি পূর্বাণ্ডর সর্বপ্রকার ভীততরতপস্যাই আশ্রয় করিয়াছি । আমার প্রভাবের পরিসীমা নাই । স্বাবর জঙ্গমা-  
 ত্মক সমুদায় সংসার আমার উপাসনা করিয়া থাকে । হে রাজেন্দ্র ! অনন্ত বীর্য্য অনন্তশক্তি মধুসূদন তাহাতে কণপাত না করিয়া, পুনরায় তাঁহারে মার্কণ্ডেয় বলিয়া সম্বোধন করি-

লন। তাহাতে সেই মহামান অধিকতর রোযাবিষ্ট হইয়া,  
পূর্বের ন্যায় বাক্য সকল প্রয়োগ করিতে লাগিলেন।

ভগবান্ মধুসূদন তৎসমস্ত শ্রবণ করিয়া, পুনরায় সান্ত্বনা-  
বাক্যে কহিলেন, বৎস ! আমি পুরাণপুরুষ হ্রষীকেশ, আমি  
তোমা- পিতামহ এবং আমিই তোমা- বর্ষ মহেন্দ্র  
আমু প্রদান করিয়াছি। তুমি কি জন্য আমার কথায় বর্ণপাত  
বা আমার নিকটে আগমন করিতেছ না ? তোমার পিতা  
মহাত্মা অগ্নিরা পুত্রকামনাবশত্ব হইয়া কঠোর তপোভুতান  
সহকারে পূর্ব আমার আরাধনা এবং মনে মনে প্রার্থনা  
করিয়াছিলেন। আমি সেই অমিতোজ্ঞঃ মহর্ষির দোরতর  
পঃ সমাধি মন্দর্শন পূর্বক কহিয়াছিলাম ; যে মহাতপা !

অভিলাষ, বল। তাহাতে তিনি চিরজীবী পুত্র-  
রহু ও করিলেন। আমিও তাহাতে অভিলষিত বর দান  
করিলাম। সেই বরপ্রভাবেরেই তুমি - তোমার নার্কণ্ডের রূপে  
জন্মগ্রহণ করিয়াছ।

ভগবান্ মধুসূদন এই প্রকার নার্কণ্ডের জ্ঞান-  
ও বুদ্ধিশক্তি বেন পুনরুজ্জীবিত করিল। তিনি পূর্বা-  
পরপর্যালোচনাপূর্বক পরম হ্রদ্য একান্ত বিশ্বাস্যাবিষ্ট হই-  
লেন। অনন্তর উৎকল্ললোচনে তদীয় রক্ততলপ্রতিষ্ঠিত চরণ-  
কমল অবনত মস্তকে ধারণ ও কৃতাজলিপুটে সবিশেষ বন্দনা  
পূর্বক সানুয় বাক্যে বসিতে লাগিলেন, অহো ! আমার কি  
মৌভাগ্য ! অদ্য আমি দেবাদিদেব মর্কভূতাস্য ভগবান্ কমল-  
লোচনকে সাক্ষাৎ প্রত্যক্ষ করিলাম। হে অনাদে ! পিতামহ  
প্রমুখ অমরগণও সবিশেষ মোগবিধির অনুসরণ করিয়া,  
যাঁহাকে দেখিতে পারেন না, অদ্য সেই তুমি আমার নয়ন-

পথে সমুদিত হইলে, ইহা <sup>অশ্রু</sup>আমার মৌভাগ্যের বিষয়  
 আর কি হইতে পারে ? হে অনঘ ! এক্ষণে তোমার এই  
 অদ্ভুত মায়া ও তোমারে জানিতে আগার একান্ত অভিলাষ  
 হইয়াছে । হে অনন্তশক্তে ! হে পরমাত্মন ! আমি তোমার  
 আন্যবিবরসহযোগে বিশাল উদরভাগে প্রবেশ করিয়া  
 মধ্যে স্থাবর, জঙ্গমাত্মক সমুদায় সংসার এবং দেব, দানব,  
 নক্ষ, রক্ষ ও পল্লবপ্রভৃতি সমুদায় লোক ও সমুদায় জাতি  
 অবলোকন করিলাম । কিন্তু তোমার মায়া কিছুই অনুধাবন  
 করিতে পারিলাম না । তোমারই অসীম অনুগ্রহে আমার  
 স্মৃতি তিরোহিত হয় নাই । আমি তৎপ্রভাবে সমুদায়, সম্মুখ-  
 স্থিতের ন্যায়, দর্শন করিতেছি । এবং কিছুমাত্র বিনির্ণয়  
 করিতে না পারিয়া, কেবল অসীম বিশ্বয়মাগরে  
 নিমগ্ন হইতেছি । বিভো ! আমি তোমার সুবিশাল <sup>উদর</sup>উদরে  
 প্রবেশ করিয়া, পুনরাবৃত্তি করিতে হইয়াছি, তাই কে তোমার  
 অননুভাব্য ইচ্ছা <sup>প্রাপ্তি</sup>প্রাপ্ত হইয়াছে । এক্ষণে জিজ্ঞাসা  
 করি, তোমার <sup>অনুগ্রহ</sup>অনুগ্রহে তুমি কি জন্য ইন্দ্রশী মহীয়সী মায়া  
 অবস্থান করিয়া, <sup>এই</sup>এই গভীর প্রদেশে অবস্থান  
 করিতেছ ? কি জন্য <sup>জগৎ</sup>জগৎ তোমার জঠরমধ্যে প্রবিষ্ট  
 হইয়া আছে ? হে দেবেশ ! তুমি কতকালই বা এইরূপে  
 অবস্থান করিবে ? সমুদায় সবিশেষ অবগত হইতে আমার  
 সান্ত্বনয় উৎসুক্য জন্মিয়াছে ।

ভগবান্ ভূকৃভাবন নারায়ণ মার্কণ্ডেয়ের জ্ঞানরাশি বিব-  
 র্জিত করিয়া কহিলেন, আমি ভুজগগণের মধ্যে শেষ ও  
 বিহঙ্গমগণের মধ্যে গরুড় ; আমি সর্বভূতের কলিসংজ্ঞক  
 কলসংজ্ঞক : আমি সাংখ্য, আমি মোগ, আমি তাহার পরম পদ :

